



17-6-1

Biblioteca Complutense

76 *Ildefonsina.* 3

E. 23. c. 1. N. 22.

DFR

Nº. 13958

ACTA
ERUDITORUM

ANNO
M DCCIII

publicata.



*Cum S. Cæsareæ & Regiæ Polonicæ
Majestatum privilegiis.*

L I P S I Æ.

Prostant apud JOH. GROSSII Hæredes,
THOM. FRITSCHIIUM, & FRID.
GROSCHUF.

Typis CHRISTIANI GOEZI.
A. MDCCIII.

N. I.
A C T A
ERUDITORUM,

*publicata Lipsiæ
Calendis Januarii, Anno MDCCIII.*

CORPUS HISTORIÆ GENEALOGICÆ ITALIÆ
& HISPANIÆ, in quo Stirpium utriusque Regni primariorum
Genealogiæ Exegeti Historica perpetua illustrata, ordine Alphabe-
tico exhibentur, cum Insignium Iconibus & Indicibus ne-
cessariis. Recensente JACOBO WILHEL-
MO IM-HOF.

Norimbergæ, sumtibus Johannis Hofmanni viduæ
& Engelberti Streckii, 1702, fol.
Alphab. 4. plag. 5.

Quod Nobilissimus Im-Hof, illustre Norimbergæ suæ
decus, pollicitus est, cum ante hunc annum edere cœ-
pisset vasti operis, Hispaniæ Italiæque præcipuarum
Familiarum Genealogias complexuri, sub titulo *Stem-
matis Desideriani, Prodromum*; se quippe certis temporum inter-
vallis particulas istius, separatim voluminibus, cum orbe erudito
communicaturum: hujus promissi exsequendi jam quidem feli-
citer facit initia præsentis libro, qui XX omnino in se continet fa-
milias, videlicet I. Stirpem Regiam Arragonicam. II. Atestinam,
ex qua Duces Mutinenses. III. Aquinensem. IV. Aquavivianam.
V. Acunianam. VI. Archinteam. VII. Avalensem. VIII. Bar-
bianam. IX. Barberinam. X. Benawidensem. XI. Boncompa-
gnanam. XII. Borromeanam. XIII. Burgesinam. XIV. Cajetanam.
XV. Cantelensem. XVI. Capuensem. XVII. Caracciolensem.
XVIII. Caraffensem. XIX. Cerdanam, & XX. Chisianam. Quæ,
utpote stirpes, in quamplurimos ramos seu lineas gentem suam quæ-
libet diffuderunt, tabulis Genealogicis XCVI admirabili cum in-
du-



dustria comprehensos. Appellationes vero familiarum diversarum in Indice, cui gens Marchionum *Zonedari* adhuc inferenda erit ex pagina 381, repræsentantur, ibique inquirendæ sunt. Equidem restabant familiæ *Cybonia*, *Columnensis*, *Cordubensis*, & *Cuevana*; has autem secuturo volumini reservari oportuit. Grato tamen insimul animo fatetur, quorum opera maxime profecerit, Nobilissimus Auctor, laudatque ideo in Præfatione præsertim celeberrimi nominis viros, *Ant. Magliabecium*, *Andream Josephum Baronem de Gizio Neapolitanum*, *Gerardum Ernestum de Franckenau*, nuper ex Hispania, ubi Secretarii Regii Danici munere functus est, reducem, moxque luci publicæ typis Amstelodamensibus exhibiturum *Historiam Legum Hispaniæ*, seu *Bibliothecam ejus Juridicam*, & post eam *Insignia omnium Hispaniæ Nobilium Magnatumque*, peculiari opere collecta; ac denique fol. 282. *Carminum Nicolai Caraccioli, Principem de S. Bono*, Neapolitanum, a quo de gente ipsius insignem commentarium, ab ipsomet erudite conscriptum, acceperit.

Addi vero his etiam jure suo debet Illustrissimus Princeps de *Castiglione*, *Thomas de Aquino*, qui Nobilissimo *Im-Hofe*, quod nostrum unus ex litteris ejus hausit, non Genealogicam modo arborem stirpis Aquinensis in ære affabre expressam, sed commentationem quoque historicam, qua ista illustratur, & ex qua pleraque, quæ in Exegeti historica familiæ huius exstant, relata sunt, manu elegantissima scriptam, transmisit.

Nos interim servabimus pristinum morem nostrum, & cum ipsæ tabulæ Genealogicæ earundemque exegetis, a curiosis hujus studii, quod per se sicut ad perdiscendas historias proficuum, ita & amoenissimum non esse non potest, penitus velint intropici; quædam ex singularum fere expositione Historica decerpemus, quæ & jucunda lectu fore & digna notatu visa sunt. Fol. 24. de Jacobo I Arragoniæ Rege hæc referuntur verbis Bernardi Gomeſii: ut ipso purificationis festo die, pridie cujus in lucem editus fuerat, Christo nomen daret puer, dubitante Regina, cuinam ex Apostolis Domini illius nomen imponendum commendaret, duodecim candelas cereas, æqualis ponderis atque magnitudinis, ex voto offerri Apostolis curavit, unicuique illarum propri-

proprium cujusque Apostoli nomen adscribens, ut quibus simul succensis candela, quæ diutius præluceret, designatum huic Apostoli nomen puero imponeretur; unde aliis omnibus consumptis ac extinctis, prælucente Jacobea dicta, protinus in templum remeatum est, atque Jacobi nomen puero tanquam a Deo impositum, ut scilicet Apostoli Hispaniarum Patroni nomine potiretur puer, qui Hispaniense imperium atque Christi nomen tam longe lateque erat propagaturus. F. 25 memorabile est duellum, quo Petrus III. Arragoniæ Valentiniæque & Siciliæ Rex, cum Carolo Andino, Neapolitani Siculique regni usurpatore, ipsis Kal. Junii A. 1283 ad urbem Falconiæ Burdegalam voluit decertare. Fol. 28. Petro IV. Arragonum Regi ideo cognomen *Cerimonijsi* inditum fuisse commemoratur, quod in cærimoniis regiæ dignitatis servandis diligens admodum fuerit & curiosus. Lepidum autem inprimis est, quod fol. 30 ex Laurentii Vallæ L. III de rebus a Ferdinando Arrag. Rege gestis, de Petro, Urgelli Comite & nepote Alphonso IV. Aragon. Regis, narratur, quod is habuerit scrinia aureis argenteisque, pro regionum diversitate, numismatis referta & malleo cuneata, idque non avaritiæ modo, sed lusus & contumeliæ gratia. Hospites enim, qui permulti ad eum familiariter divertebant, sciscitabant, cujusnam generis pecunia indigerent; respondentes, ejus generis, ut iam quam quisque provinciam iter haberet, adducebat ad scrinia, & quantum vellent, capere jubebat, frustra-que conantes capere deridebat, & hos sibi de amicis jocos comparabat, novo genere dissimulandæ avaritiæ iactandarumque opum. F. 50 affirmatur, solos, ex omnibus Italiæ Principibus, Duces familiæ Estensis, longissima ac perpetua stirpis serie, incolumem dignitatis titulum, huncque auctum, cum ex Marchionibus Duces facti sint, ad hanc usque ætatem protulisse; itemque f. 57, a Nicolao II Estense & Ferrariæ Marchione, Academiam Ferrariæ A. 1392 institutam dotatamque, primosque in ea Doctores, Bartholomæum Salicetum Bononiensem, & Giglivolum Cremonensem fuisse. Memorabile est fol. 65 de familia Aquinensi, quod illa insignibus suis hæc verba circumscripserit: *Bene scripsisti de me Thoma.* Quæ inde suam originem habent fol. 83, quod Thomæ de Aquino Theologia confirmata fuerit, sic referente Bzovio in Annal. ad annum 1270 Sect. 15, per istam a Crucifixi imagine editam vocem: *Bene*

de me scripsisti Thoma : quam ergo recipies pro tanto Labore mercedem ? F. 86 legere est , quod Ferdinandus Rex Neapol. A. 1463 instituerit Ordinem equestrem Herminium , ab emblemate Pontici muris , quem *Hermine* , Germanice *Hermelin* / vocant , in quem qui adscripti erant , ex aureo torque gestabant imaginem ejusmodi muris , turpi cœno undique circumdati , cum subscriptione : *ma- lo mori , quam fœdari*. F. 137 de Johanne , Ureniæ Comite , ex familia Acuniana , notandum venit , ipsum inter alia ædificia sacellum Ossunæ exstruxisse , in quo ipse exuviz post obitum recondiderentur , vestibuloque ejus hæc inscribi curasse verba : *Si vivere pulcrum est , mori utile est*. Cæterum & inter Acunios , Tab. XI. enumeratos , fol. 139 Johannes Laurenciades Pombeiri Dynasta inclaruit infidelitate uxoris suæ , Leonoræ Menesiz , quippe quæ , corporis suicopia Ferdinando Regi Portugalliz facta , facile etiam se induci passa est , ut , deserto marito , cum adultero matrimonio contraheret ; quam injuriam & contumeliam non ferens Johannes , in Castellam abiit , ubi ab Henrico Rege comiter exceptus , atque in ejus aula commorandi facultatem adeptus , in pileo suo *cornua aurata* , Lusitanicis insignibus distincta , plumarum loco gestavit , sicque per risum & jocum ignominiam suam contempsit. F. 160 lectu dignum est Epitaphium Johannis Jacobi Comitæ Barbiani , strenui bellatoris , Italica lingua conscriptum , quod in æde Carmelitarum discalceatorum Leodii exstat in hunc modum : *L' ossa sono qui di Gio Giacomo Barbiano Conte di Belgiojoso e di Cuntio , Sr. di Chiocchera , ed hebbe due mogli , la prima Maria Senselle , la seconda Anna Postiers : resse provincie , e governò esserciti , hora è puoca polve . Mori in Liege ali XVIII Ottobr. l' anno di salute M D C X X V I*. F. 164 , antequam Maphæus Barberini , post Gregorii XV mortem , ad Pontificatum Romanum eveheretur , paucisque adeo diebus ante electionem , apud , quibus in insignibus Barberini utuntur , multitudinem in Collegio Vaticano versus Tusciam convolasse , & examen supra fenestram , cellam Cardinalis Barbarini contingentem , parieti adhæsisse , observatum fuit. F. 165 traditur , in sepulcro Antonii junioris Cardinalis Barberini , R. E. Bibliothecarii , annoque 1671 fati functi , exstare hæc verba : *Hic jacet Pulvis , Cinis & Nihil*. F. 185 & seq. Plumbinen-
lis

sis Principatus (*Piombino*) historia enarratur, quibusque ille
hactenus dominis paruerit. F. 204, cum Leone XI Pontifice Ro-
mano mortuo, Cardinales in medium consilia conferrent, a-
quila ex ædibus Altaempfanis volatu in sublime elata, post-
quam diu aerem pererrasset, tandem ad fortalitiū molis Ha-
drianæ, draconi insculpto, & insignia Gregorii XIII refe-
renti, insedit, atque ita ex se & subiecto dracone insignia gen-
tis Borghesæ repræsentavit, neque ita multo post Camillus Bor-
ghesius, Pontifex Romanus electus est, sub Pauli V. nomine, an-
no 1605. Fol. 218 & 219 multis disserit Nobilissimus Auctor de
Benedicto Cajetano, Pontif. R. inde ab anno 1294, sub nomine
Bonifacii VIII, quo de notum est dicterium, *intrasse ut Vulpem,*
regnasse ut Leonem, & mortuum esse ut Canem, interque alia re-
fert, quod is non instituerit solum proficuum maxime Romanis
morem celebrandi Jubileæ, sed & Cæsares eisque addictos Vatini-
ano prosequutus sit odio, ejusque festivum dederit documentum,
cum Borchetum Spinolam, Genuensem Archiepiscopum, Cæsaris
partibus deditum, sibi primo Quadragesimæ die ad ædem sacram
obviam factum, ut cinerem de Pontificis manu acciperet, carmi-
ne mutato ita affatus sit: *memento, quod Gibellinus es, & cum*
Gibellinis in cinerem reverteris; inque ejus oculos, non in caput,
uti mos est, cinerem conjecerit. Fol. 223 jucundum cognitu est de
Camillo Cajetano Duce IV. Sermonetæ, qui, cum brevi corpore
atque etiam gibber esset, sed magno animo & alto spiritu, istum
corporis animique sui habitum eleganti expresit symbolo, pin-
gens *arundinem rectam, cum foliis virentibus deorsum natura sua*
recurvatis, adscripto lemmate: *Folia procumbunt.* Fol. 230
& seq. diplomate regio comprobatur, familiam Cantelmensem, ex
qua genus suum deducit, qui adhuc dum Ecclesiæ Neapolitanæ
præfuit Archiepiscopus, Jacobus Cantelmi, originem suam ex Sco-
torum Regum prosapia trahere. Singulare etiam est Epita-
phium Berardini Caraccioli f. 285, quod ita se habet: *Hic jacet*
corpus Venerab. in Christo Patris D. & Domini nostri Berardini
Caraccioli Rubei de Neapoli, Deigratia Archiepiscopi de Neapo-
li & utriusque Juris Doctoris, ac Medicina scientia periti. Qui
obit an. Dom. MCCLXII. Fol. 289 legimus de Marino Caracciolo,

postea Cardinale, quod is, cum Franciscus Sfortia mortuus, & Mediolanensis Ducatus sub Cæsaris potestatem redactus esset, a Carolo V. Imp. urbi & provinciæ *Primi Præsidis* seu *Producis* dignatione præfectus fuerit, pariterque f. 339, 340 de Carolo Caraffa, Episcopo Aversano, & Cardinale, sub Urbano VIII Pontifice, cuius exstat insignis commentarius *de Germania restaurata*, quod is, cum munere suo fungeretur in Episcopatu, ibidem sepultus fuerit, his tumulo inscriptis verbis: *Offa Caroli Carafa Maximi Peccatoris*. Neque minus allegari hoc meretur Gregorii Carafæ, Magni Ordinis Melitenis Magistri, & anno 1690 fatis functi, Epitaphium, quod ipse sibi posuit vivus, fol. 341.

FR. D. Gregorius Carafa e Principibus Roccellæ,
Magnus Hierosolymitani Ordinis Magister,

Cui vivere vita peracta in votis erat,
quia mortem primam qui prævenit,
secundam evitat,
hoc sibi adhuc vivens
non Mausoleum, sed tumulum posuit,
resurrecturo satis,

Anno Domini 1688, Magisterii vero VIII.

Fol. 354 de Ludovico Duce de Mondragone & Stigliano exstat, illum falcones eo aluisse numero, ut illis pascendis quadraginta quotidie gallinæ requirerentur. F. 363 Johannes Petrus Carafa, antequam fieret Cardinalis, non humilem modo abstinentemque se gesit, sed instituit etiam peculiarem Ordinem Monachorum, qui appellati sunt *Theatini*. At enim, cum ex Marcelli II. morte in Pontificem R. esset electus, sub Pauli IV. nomine, interrogatusque, quam ratione vivere ipse vellet, *magnifice*, respondit, & *ut summum Principem decet*. F. 364 de Carolo Carafa Cardinale ex Thuani Libro XVII refertur, quod is, cum Legatus Pontificis ad Regem Galliæ missus Lutetiam ingrederetur, signumque crucis, ex more, ederet, verborum, quæ proferri consueverunt, loco, (ut erat securo de Numine animo & summus religionis derisor) occurrente passim populo, & in genua ad ipsius conspectum procumbente, sæpius secreta murmuratione hæc verba ingeminaverit: *Quandoquidem iste populus vult decipi, decipiatur*. Fol. 379

execrandum est luxuriæ exemplum, de Augustino Chiesio, Romano trapezite, qui Leoni X Pontifici Maximo totiusque Purpurei Senatus cotui, exterorumque Regum Legatis, ob filium ab illo baptismi lavacro tinctum, splendidissimum convivium instituit, in quo non satis fuit, eduliorum omnis generis missuumque exquisitissimorum apparatus modum omnem ademisse, nisi etiam lanceas, pinaces, cæteraque cum escaria vasa, tum potus instrumenta ex argento affabre facta, omnia in Tiberis præterlabentis alveum, inani luxu ostento, præcipitarentur, idque non una modo, sed pluribus quoque vicibus, quotiescunque scenicum illud ferculorum & mensarum choragium mutandum foret. Atque ista parvo constituisse æstimandum erat, nisi & alieno ex orbe petitarum immani pretio avium, quas psittacos nominamus, solæ linguæ, variis in patinis conditæ, ultimo ferculo omnem luxu ostentationem longe superassent.

Non negamus quidem, longe plura, quæ a nobis adponi mererentur, reperiri in pulcerrimo isthoc libro; sed volumus tantummodo movere salivam lectoribus; simul apprecati Generosissimo Auctori vitam incolumitatemque, ut operis hujus adhuc residuas partes, jamque, quod accepimus, elaboratas, possit cum eruditis communicare, æternam nomini suo famam, quando gloriam omnis fere Europæ gentium illustrissimarum enixus est admirabili studio prosequi, apud posteros effecturus.

JOHANNIS FAES, MINISTERII STADANI SENIORIS,
& ad D. Wilbadi Pastoris Primarii, Anatome Bullæ Jubileæ universalis Anni MDCC Papæ Innocentii XII.

Helmstadii, apud Henricum Hesium, 1702, in 4.
Alphab. r. plag. 6.

Viginti effluxerunt anni & amplius, ex quo maxime Reverendus Auctor librum *de Jubileis Pontificum Romanorum*, ad dissertationis Academicæ formam abs se conscriptum, sub Frid. Ulrici Calixti præsidio, in illustri Julia, ubi studiorum causa tunc agebat, Eruditorum disquisitioni subjecit, occasionem suppeditante Cle-

Clementis X. Pontificis Romani Jubileo, toti orbi Christiano circa istud tempus indicto. Quandoquidem vero Innocentius XII, in anno millesimo septingentesimo solennitati huic consecrando, istius haud ita pridem vestigia legit, Bullam, qua is celebritatem ejus indixit, ad ulterius examen revocandam sibi Noster sumere non dubitavit. Itaque post proœmium, in quo de ceremoniarum ortu & Jubileorum invento disserit, totumque negotium a Gentilibus originem traxisse ostendit, Bullam istam Jubileam, A. 1699 divulgatam, ad verbum exhibet, ejusque hinc & inscriptionem, & tractationem, & subscriptionem latius considerat.

In Inscriptione, ad ejus primo denominationem attendit, cumque eadem *Indictio* vocetur, de hujus vocis significatione varia in medium affert, eamque hoc in loco idem, quod promulgatio, notare perhibet. Mox anni Jubilei distinctionem recenset, & de autore hujus Bullæ, Innocentio XII, pauca disserit. *Episcopi* vero titulum cum suo nomini hic addiderit, de istius in sacris æque ac profanis usu genuino amplius commentatur, cui comes adjungitur titulus *servi servorum Dei*, quo se itidem insignire Autori Bullæ modo memoratæ placuit.

Sequitur Tractatio, quam non ineruditam esse fatetur Noster, istaque occasione de Pontificibus Romanis eruditionem aut amantibus, aut odio prosequentibus nonnihil disserit. Loca Scripturæ ab Innocentio allegata sub dispectum accuratorem vocat, & rationes, quæ annum Jubileum celebrandum suadere dicantur, examinat. Seculi imprimis proxime elapsi pericula cum nominentur, de ejus indole historicas, & cum vitæ sanctimonia saluberrimum & Christiano plane dignum nomine studium vocetur, de bonis operibus in Jubileo exercendis sacras quasdam observationes subministrat. Quemadmodum vero ad centum annos denovo elapsos provocavit Pontifex, sic de Jubileis, juxta Bonifacii VIII. ordinationem, centesimo quoque anno celebrandis agit Noster, neque tamen, quantopere a primo hoc instituto Bonifacii successores declinarint, monere intermittit. Hinc ad Jubilei indulgentias porgit, & quam infirmis ex fulcris innitantur, demonstrat. Buccinas jubileares antiquum Judæorum morem imitari quidem concedit, sed Jubileum tamen Pontificium cum Jubileo popu-

populi sancti nulla componi ratione posse, quin potius heterodoxie istud multis modis accusandum venire probat. Fines deinceps Jubilei Innocentiani prætenso parum esse idoneos affirmat: & reapse sacram nundinationem scopum illius primum vocari debere statuit, eamque ob rem & harum nundinarum merces, puta indulgentias, & emtorum conditiones, & horum, quo se digne præpararent, incitationem prolixè excutit. Præcipue ad preces, quas in Jubileo fundere jubeat Pontifex, oculo utroque respicit, & quid de Papæ exhortatione Com-Pastorum ad muneris sui sedulum exercitium, deque injuncta iis oratione pro-Regibus sentiendum sit, declarat. Imperatorem etiam, Regesque ac Principes Catholicos cum speciatim invitarit Pontifex, singularibus hanc rem observationibus illustrat, ac Imperatorem stylo curiæ Romanæ nonnisi *electum* ideo vocari innuit, quod nondum coronationem a Papa acceperit. Tandem commendatam viarum securitatem, additasque Bullæ huic minas excommunicationis in ejusdem violatores considerat.

Circa Subscriptionem Bullæ haud addi notat formulam alias consuetam: *sub annulo Piscatoris*; appensam vero ei Bullam plumbeam dum contemplatur, de Bullis Romanorum Pontificum plumbeis & de plumbatoribus, qui istas appendunt, aliqua superaddit. De cætero Lectorem sæpius remittit ad alius Bullæ ab Innocentio XII anno 1694 publicatæ anatomen, abs se pari cum præsentī industria susceptam, & in Præfatione *Clementis* quoque XI Papæ, in Cathedra hodie Romana conspicui, binas Bullas eadem methodo examinatas, una cum libris *de Clavibus veterum & de Dominica in albis* se, dummodo facili Juno Lucina typographica opem tulerit, propediem editurum pollicetur.

TOBIÆ GRANZII J. U. D. REIP. GORLICENSIS
Scabini & Advocati Provinc. Lusar. Superior. Ordinarii, Defensor Inquisitorum. Ex genuinis Jurisprudentiæ principiis, nec non præceptorum JCorum & Prædicatorum Commentationibus, Responsis & Decisionibus, &c. ut faciendæ & factæ methodice collecta.

B.

Fran-

Francofurti & Lipsiæ suntibus Philippi Wihelmi Stockii,

1702, 4.

Constat Alph. 6. plag. 5.

Iamdudum quidem hoc argumentum lueubrationibus suis præoccuparunt Novellus, Guazzinus, Bouricius, Oldekopius, Schaeherus, Geislerus, alique Viri maxime clari; eorum tamen labores vel non adeo nostris legibus temporibusque accommodatos, vel breviores esse, quam ut singulis criminibus sufficerent, multi serio doluerunt. Quapropter non dubitandum, quin Nobilissimus ac Consultissimus libri hujus Autor ingenti beneficio sibi obstrinxerit, qui foro criminali operam navant, & clientum suorum, fortunis, fama & vita periclitantium jura propugnare debent, quandoquidem in illorum gratiam totum hoc, quæ patet defensionis negotium, e genuinis legum domesticarum fontibus exantlare, & præstantissimorum tum juris interpretum, tum historicorum testimoniis stabilire, eoque pacto opus cunctis fere lineis absolutum adornare sustinuit. Cum autem reorum defensio argumentis tam naturalibus quam artificialibus promoveri amet, idcirco consideratis tum personis, quæ in judicio criminali occurrunt, tum delictis, quæ inquisitionem, torturam, vel poenam efflagitant, actibus præparatoriis, videlicet, impetrationi salvi conductus, relaxationi carceris seu arresti, actorum criminalium communicationi, Advocati selectioni, & spatii ad parandam defensionem concessioni, aliquantisper immoratur. Dein operosus est in specialibus exceptionibus, pro avertenda inquisitione ordine propohendis. Pertinent autem illæ vel ad impediendum ejus ingressum, vel ad remorandum ejus progressum. Prioris commatis est incompetencia fori; quæ occasione notat, metallarios in Saxonia, tum ratione officii, tum delictorum contra ejus præscriptum admissorum, non alii judicio quam Senatui præfecturæ montanæ, dem Berg-Amte subesse; quemadmodum & ratione loci seu asylo- rum, qualia adhuc ex singulari privilegio præbent Augustæ Vindelico- rum monasterium S. Udalrici, Argentorati aula Fratrum (der Brüderhoff) Norimbergæ domus Equitum Ordinis Teutonici (das Teutsche Haus) & civitas imperialis Reutlinga, ita ut il- luc profugientes, tam quoad corpus, quam bona sua, ubicunque sint

sint sita, tutissimum inveniant receptaculum, eandem exceptionem cum fructu opponi posse statuit. Sequitur exceptio præventionis, & judicii cepti, ubi quaerit: quis Judex in jurisdictione controversa, & quando cadaver in confinio occisum adest, alterum in exercitio potestatis prævenire videatur? & decidit ex sententia Knichenii de Juribus Superioritatis, quod ille, qui prius cadaver judicialiter tollat, vel particulam de corporis vel vestis ejus parte sanguinolenta, quam *fralsch Pfand* vocant, auferat, causæ cognitionem sortiatur. Subjunguntur huic exceptiones specti Judicis, fori privilegiati & singularis, quibus indiciorum, quæ specialem inquisitionem suadent, elisiones complures annectuntur. Delapsus inter alia ad crimen Magiæ, graviter increpat Judices, qui sagarum confessiones de hisce vel illis personis in monte Bruckerorum visis, in protocollum referri curant, easque præstigas adeo pro veritate habent, ut innocuos ad inquisitiones, carceres, aut confrontationes rapere non vereantur. Hinc Facult. Jurid. Francofurtensem Sacerdoti, cujus nomen ad inculpationem vetulæ cujusdam sagæ, quæ tamen multa risu digna protulerat, ad acta & protocollum consignatum erat, actionem injuriarum contra Judicem competere, respondisse; edictum quoque Megapolitanum de A. 1683, sub pœna severissima & capitali prohibere, ne imposterum in examine delinquentium veneficii postulatores a Judice aut Scabinis quaeratur: an in monte Bruckerorum fuerint, ibique ederint, biberint, saltaverint, hasce vel illas personas naviderint aut cognoverint? neque etiam, si sponte tale quid farentur, fides illis adhibeatur, multo minus ad protocollum scribatur, quoniam omnes ejusmodi denunciationes e pessimo fonte fluant, adeoque merito sint abominandæ. Ad alteram classem refert modos tum diluendi indicia communia & verisimilia, tum refutandi certa & propinqua, tum enervandi illa, quæ torturam injungere solent. Porro exceptionem nullitatis processus, insufficientis probationis, absentiae correi, morbi inquisiti, partus in utero inquisitæ latentis, revocatæ confessionis, excessus pœnæ confutæ, provocationis ad superiorem Judicem, redditionis rationum, ultimæ voluntatis, salutaris ad mortem præparationis, deficientis carnificis, tandemque provocationem ad tribunal Dei fuisse

explicat, illarumque latissimum usum ostendit. Defunctus ista opera, non solum generalem defensionis effectum, qui tum in absolutione ab instantia, veta tota causa vel a causæ parte, tum in actione injuriarum inquisito competente consistit, declarat; verum etiam effectum specialem, imprimis illum, qui ex oppositis exceptionibus deficientis corporis delicti, illegitimæ & calumniosæ denunciationis, & acquisiti salvi conductus, sperandus est, exaggerat. Tandem illarum exceptionum, quæ poenæ mitigationem aut remissionem exposcunt, quas inter numerat exceptionem infelicitatis fati, innocentiae & miserationis ætatis, ignorantiae & deficientis animi delinquendi, justî doloris, amoris, ebrietatis, vis ac metus, necessitatis, inculpatae tutelæ, salutis publicæ, poenitentiae & delicti nondum consummati, rei judicatae, potiores successus ordine expendit. Ultimo demum loco adjuncta & affinia defensionis, ad quæ præscriptionem atque abolitionem criminum, vel gratiam poenæ a Principe factam, mortem item inquisiti refert, nec non contraria ejus recenset, ut adeo propositæ methodi legem adimplevisse, atque utilissimam hanc materiam præclare illustrasse dici possit.

JACOBI J. F. F. GRONOVII EXERCITATIONES

Academica de Nece Judæ τῷ πρὸδότη & cadaveris ignominia. Accedit legitima & perspicua earum defensio.

Lugduni Batavorum, apud Jordanum Luchtmanns,
anno 1702, in 4.

Constat alphab. 1, plag. 16.

Diu est, ex quo *Jacobus Gronovius*, Vir celeberrimus, has de nece Judæ τῷ πρὸδότη & cadaveris ignominia Exercitationes luci publicæ exposuit, in Actis quoque nostris anno 1683, mense Decembri, pag. 513, seq. commemoratas. Dedit ibi id imprimis operam, ut conquisitis hinc inde argumentis, & allatis variorum scriptorum testimoniis probaret, Judam laqueo sibi fregisse gulam, ideoque pro more Judæorum in voraginem id genus cadaveribus destinatam, & eminentibus hinc inde rupibus asperam, dejectum esse.

Ap-

Apposite ergo a Luca dici : *πληνὲς γινόμενος ἐλάττωσε μέρος, καὶ ἐξέχυθη πάντα τὰ σπλάγχνα αὐτῆ*. Prius, quod nempe Judas laqueo finiverit vitam, evincere annuitur ex genio ac indole vocis *ἀπῆγξατο & ἀπαγξάμενος*, quam talem esse adfirmat, ut ad unum omnes scriptores Græci de eo usurparint, qui ipse laqueo vim vitæ suæ intulerit. Enimvero cum nonnulli docti viri dictam vocem de alio quocunque mortis genere, vel solo mœrore, uti Pricæanz opinionis sectatores, accipere mallent, ideoque istas Exercitationes vellicarent, tum æquum judicavit Gronovius, ut sententiam suam denuo vindicandam adserendamque susceperet. Edidit ergo anno superiore denuo Exercitationes istas, ac defensione, uti vocat, legitima & perspicua locupletavit. Cujus proinde præcipua capita, rerumque disceptatarum summas hic attingemus.

Primo loco compellat Reverendum & a nobis quoque aliquoties commendatum Virum, Salomonem van Till, ejusque ingenuitatem hoc nomine prædicat, quod de sententia, quam diversam sectatus aliquando fuerat, & scripto publico anno 1683 exposuerat, discedere, ac ultro tandem confiteri voluerit, sibi labore Gronoviano anno 1687 satisfactum, & omnem dubitationem ereptam esse. Idem de Antonio Bynæo tradit, quem libro anno 1683 publicato eorum, qui de verbi *ἀπῆγξατο* significatione aliter quam Gronovius statuerint, sententias non collegisse solum, sed opere anno 1696 renovato, rationibus a se adductis permotum rejecisse adfirmat. Cæterum risu se non abstinuisse ait, cum anno 1684 e Germania sibi scriptum esset, anonymum hominem Gallum novissime Francofurti libellum edidisse peculiarem de occultis Dei judiciis, in quo p. 90 *ἀπῆγξατο* de compressione spiritus intellexerit, eandemque sententiam petitis ex Theocrito, Æschine aliisque exemplis firmarit : cumque rationes ibi allatas, lecto postea libro, aniles & illiterato homini convenientes deprehenderit, tum vel maxime eas hic attingere noluisse. Convertit inde se ad Otiorum Theologicorum auctorem, quem Guil. Saldenum, S. Theol. Doctorem fuisse novimus. Is in præfatione Otiorum obverterat præcipue locum Æliani, ubi de Polliagro dicitur, quod *κωμωδόμενος ἀπῆγξατο*. Existimaverat autem Saldenus, hunc locum de strangulatione non posse exponi.



imo ab ipso Gronovio asseri, eum aliquantulum nubilum esse, nec perspicue rem demonstrare. Enimvero respondet Gronovius, omnino ἀπήγατο de strangulatione, quæ sit laqueo, iutelligendum esse, neque aliter accepisse Salmasium, Lydium in Sparfione florum, Henricum Mollerum, & alios. Caterum se non confidenter adeo pronunciasse de loci obscuritate, sed ita censuisse :

p. 18.

p. 16.

etsi iste locus aliquantulum nubilus videri possit, tamen alterum Æliani locum id clarissime evincere, atque adeo non fatentis, sed ponentis more se disseruisse. Miratur vero Gronovius, ista Æliani verba, καμωδύμενος ἀπήγατο, a Saldeno ita accipi, quasi Polliagræ in comœdia fuerit suffocatus, cum longissime tunc a comœdia forsân abfuerit, & constanti Græcorum sententia in καμωδύμενος dicatur, qui in comœdia exagitatus & risui expositus fuit; unde apud scriptores occurrat modo διελύχων καὶ καμωδῶν, modo δὴ χλευασία παρῆγεν δὴ τὴν σκηνὴν καὶ καμωδεῖν. His confectis, asperere satis cum Francisco Dermasio, i. e. Joachimo Fellerio Poeseos quondam in hac Academia Professore, qui A. 1687 peculiari Epistola Lipsiæ edita sententiam Gronovii oppugnaverat, congre-

p. 26. sequ.

ditur, & contra eundem tum verbi ἀπήγατο significatum vindicare annititur, tum vero etiam, quo sensu ista verba πενήνης γενομένος ἐλάκησε &c. accipienda sint, disputat. Quæ dum exsequitur, prolixum illum textum indicem, qui vocem ἀπάγχεται de iis solum adhibuerunt, qui vitam laqueo finiverunt. Duo vero loca cum attulisset Rever. Bern. Homœt, Ecclesiastes Amstelodamensis,

p. 62. sequ.

ubi idem verbum alia significatione adhibitum videatur, ea quoque hoc loco expendere voluit Gronovius. Primus locus Atheni est, & libro XII, p. 549 ita legitur : καὶ Μελάνθιος δὲ τὸν αὐτὴν τράχηλον κατατένων ἀπήγατο ἐκ τῶν ἀπολαύσεων, κνισότερος ὢν τῷ Ὀδυσσεύς Μελανθίῳ. Alter est apud Aristotelem in Problem. τμημ. τὸ λ. ἐν τῷ, Ὅσα περὶ Φρόνησιν καὶ νῦν καὶ σοφίας, &c. his verbis expressus est : Ὅσοις μὲν ἐν μαραινομένῳ τῷ θέρμῳ αἱ ἀθυμίαι γίνονται, μᾶλλον ἀπάγχονται διὸ καὶ οἱ νέοι ἢ (καὶ) οἱ πρεσβύτεροι μᾶλλον ἀπάγχονται. Τὸ μὲν γὰρ γῆρας μαραίνει τὸ θερμὸν. τῶν δὲ τὸ πάθος φυσικὸν ὄν, καὶ αὐτὸ τὸ μαραινόμενον θερμὸν. Ὅσοις δὲ σβεννυμένῳ, ἐξαιφνης οἱ πλεῖστοι διαχρῶνται ἐαυτοῖς.

p. 69.

p. 71.

Pronunciat de his Gronovius, in utro-

p. 72, 73.

que

que ἀπάγχου de strangulatione injecto laqueo facta intelligendum, idque dissendi materiam & scopum evincere; imò quod ad alterum locum attinet, jam ante se Theodorum Gazam τὸ ἀπάγχου vertisse, *laqueum sibi petere, laqueo se interimere.* Cæterum Joachimi Kuhnii, ἀπάγχου proprie significare *pre dolore mori* negantis, suffragio sententiam suam tuetur, & serio dolet, ejus in Matthæum notas non extare, ubi de eo egerit prolixius. Denique cum celeberrimo Viro, Jacobo Perizonio, suppresso tamen ac dissimulato nomine, decernat. Is enim ad Ælianum contra Salmasium disputans dixerat, se non intercedere, quominus compluribus in locis ἀπάγχου notet se suspendere, & sæpissime adhibitum fuerit a veteribus ad suspendium proprie denotandum; sed ut id solum notet necessario ubivis, id vero sibi verisimilitudine abhorrens videri. Respondet ad ista hic Gronovius, & Archilochi apud Aristotelem locum, quo θυμὸς dicitur ἀπάγχου, & qui inprimis objectus fuerat, ita explicat: θυμὸν quidem non posse ἀπάγχου, esse tamen in causa, ut homo θυμύμενος se strangulet; hinc ab Archilochi poeticum ὕψος sequente ipsum θυμὸν dici ἀπάγχου.

Atque ita recensione libri bujus more nostro, id est, seposito omni partium studio, desuncti sumus. Nisi forte futuri sunt, qui justam a nobis Apologiam adversus e. s. quæ, dum Fellerum refutaret, in nos etiam Actorum horum collectores, imò Academiam Urbemque Lipsiensem universam, Gronovius inique admodum & proterve commisit, hoc loco expellent. Et Academia quidem ac Urbs sunt hæc infra iram, quibus Epistolam a Fellero, Poeseos quidem in hac Academia, dum viveret, Professore doctissimo nec incelebri, in hac etiam urbe, sed privato nomine, nec præscio forte quoquam, ante hos quindecim annos editam imputari, æque profecto absurdum & a viro prudenti gravique alienum est, quam si nos calumniarum a Jacobo Gronovio, Lugdunensi in Batavis Professore, in libro Lugduni Batavorum impresso, in nos temere conjecturarum Inclutam Academiam Lugdunensem, Urbemque universam ream postulare vellemus. In nos vero tanto atrocior est doctissimi Viri injuria, quod eruditionem ejus (bene vero, quod non & mores) summis data quavis occasione clogiis celebravimus, & ad rem præsentem quod

p. 78. seq.

quod attinet, Gronovii quidem de Nece Juda Dissertationes in Actis hisce initio Decembris anno 1683 prolixè satis recensuimus; Epistola vero istius Felleriana, in quam collectam tanto tempore iram, nunc demum duodecim post obitum ejus annis effudit, nullam plane in iis mentionem vel verbo fecimus: non quod ineptiam eam putaremus, qualem nunc Gronovius depingit (de quo Lectorum esto judicium) sed quod in ea acerbius paulo non Gronovium solum, sed & alios in Belgio Criticos tractatos non probaremus, nostraque adeo recensione, latius propagari Epistolam nollemus. Qua ergo animi impotentia & nos, & Academiam, & Civitatem Lipsiensem Gronovius insectatur? Sed absit, ut collidi nos patiamur cum Viro, qui jaciendis excipiendisque convitiis et a tem videtur agere; quin potius injuriam omnem condonamus ejusdem ingenio, quod dudum ita publice innotuit, ut multis a Gronovio contemtos lacesitosque fuisse majori potius exisimationi cesserit. Interim licebit, opinamur, pacè Viri, ea in actis his attingere, quæ illi a Clarissimo Perizonio sequenti libello reposta fuerunt.

JACOBI PERIZONII DISSERTATIO DE MORTE Jude & verbo ἀπ' αὐτοῦ.

Lugduni in Batavis, apud J. du Vivie & Js. Severinum,
Anno 1702, in 8.

Constat plag. 6.

Isto potissimum consilio scripta hæc videtur dissertatio, tum ut loca Matthæi XXVII, 5, & Act. I, 18 conciliantur, tum vero etiam, ut vindicentur ea, quæ ad Æliani Var. Hist. V, 8, ab eruditissimo Perizonio notata erant. Postquam itaque capite primo de causa hujus scripti egit, cap. II locum Act. I, 18 expendit, ibique non de Judæ cadavere, sed morte agi pronunciat. Nimirum cum de vivo Juda accipi prorsus debeat, quod fuerit ductor eorum, qui Christum ceperunt, quod numeratus fuerit inter Apostolos, tum vel maxime aptum esse ait & consentaneum, ut reliqua quoque eo modo exponantur, in primis ideo quod nullus cæteroquin alius habeatur transitus ab ejus vivi rebus ad ea, quæ ipsi acciderint in morte & post mortem. Neque sententiæ suæ obistere aut adversari, quod

quod mortis genus jam a Matthæo expressum sit; istam quippe consuetudinem sacros scriptores tenere, ut ab aliis dicta denuo repetant, sueque consensu figment. Tum vero & id monet doctissimus Perizonius, eosdem non ordinate omnia & prout gesta sunt persequi, sed unamquamque rem fere prius absolvere, quam ad reliquas progrediantur, atque adeo priori loco referre ea, quæ tamen acciderunt revera demum, postquam jam cœpit res, quæ sequitur. Cujus rei rationes ideo exemplis quibusdam confectas dedit, ut plenius intelligatur, quo fundamento nonnulla Gronovianæ adsertionis momenta nitantur. Ut vero institutum omne quam rectissime expendatur, cap. III. de formula *πρηνὴς γινόμενος* disquirat, quam notare *præcipitatum*, & non quidem a se, sed prorsus ab alio, eundemque significationis modum simplicem vocem *πρηνὴς* secum ferre asseveraverat Gronovius. Existimat contra Perizonius, vocem *πρηνὴς* simpliciter & ubique *prorum* notare istamque explicationem assensu ac suffragio munire Homerum, Athenæum, Aristotelem atque Eustathium, qui *πρηνὴς* ab *ὑπὸ* accurate distinguant. Tum quoque idem sentire Synesium, atque his verbis uti Epist. 57: *προσπλῶον θεῶ, καὶ πρηνὴς καὶ γονυπῆτης ἐκείνης γινόμενος, θάνατον ἀνθ' ἑρωςύνης ηὐέμην*. Nec satis. Ipsum quoque Gronovium non constare sibi ait, eo quod in Exercit. cap. XIX ostendat, posse se contra omnes eruditos commentatores sequi vetustiores interpretem, & affirmare, voces *πρηνὴς γινόμενος* recte & doctius, quam censent, ab eo versas esse suspensus, hac ratione, quia apud Latinos etiam cadere, ruere, imo precipitia delabi dicantur ea, qua dependent aut propendent. Quod vero firmiter magnopere ac stabile judicaret Gronovius, id etiam hic labefactare studet Perizonius, ostenditque, vocabulum *γινόμενος* non passively semper usurpari apud Lucam, idque tum ex aliis locis, tum in primis Act. I, 18 elucere, ubi dicatur, *πρὸς ἰδὼν τὸ γινόμενον ὁδηγῶ τοῖς συλλαβῶσι τὸν ἱησοῦν*. Quo ipso id effectisse sibi videtur Perizonius, ut sententia Gronoviana, (qua affirmatur, *πρηνὴς γινόμενος* notare solum eum, qui ab alio, non a seipso, præcipitatur) sponte corruat, & male proinde se tueatur. Cui accedere ait, Lucam, si passively sensu adhibuerit ista verba, & de cadavere egerit, debuisset memorare, quo mortis genere perierit, a quibus dejectus fuerit, publice an privatim, qua de causa, & in quem locum. Neque etiam Judam

abjiciendum fuisse, & relinquendum sub dio. Non enim damnatorum corpora in vallem quandam sub dio rejecta fuisse, sed in communia vilium cadaverum sepulchra condi consuevisse. Tradi hoc Jer. XXVI, 23, & apud Maimonidem in tract. Sanhedrin cap. XIV, §. 9, ubi testetur Maimonides, duo fuisse sepulchra damnatis, unum in quo lapidati & ambusti, alterum in quo capite truncati & strangulati conderentur, idque ad sua tempora devenisse per traditionem. Recte proinde huc trahi Josephi verba Bell. Jud. III, 14, ubi de perpetuo sui adhuc temporis more loquatur: τὰς ἀνελόντας ἑαυτὰς, παρὰ μὲν ἡμῖν, μέχρ' ἢ λίγ' ὀλίγως ἀτάφως, κρύπτειν ἐκείναι, καὶ τοὶ καὶ πολέμους θάπτειν θειοὺς ἡγάμνοι. Exemplum ex adverso a Gronovio allata nihil evincere, cum extraordinaria sint, & tale quid belli solum tumultusque civilis tempore acciderit. Imo ipsum Gronovium male sibi consulere, quando Exercit. p. 195 ultro fateatur, *hujusmodi aut vallem aut morem projiciendi cadavera fuisse Hierosolymis, nullum scripsisse, vel potius non meminisse se alibi legisse.* Cap. IV analogiam vocis ἀπάγχου exponit, atque uti vocem ἀγχω ab ἀγγι id est πλησίον accessit, ita & ἀγχω idem notare dicit, quod πλησιάζω, hoc est id, quod separatum est, conjungo & constringo. Inde de vocibus cognatis & ab ἀγχω formatis agit, ipsumque ἀπάγχουδαι nativa sua significatione latius patere adfirmat, quam ut solum modo suspendium notet. Quod ut rite demonstretur, cap. V de usu vocis ἀπάγχουδαι disserit. Copiosus autem est in exponendo Aristotelis loco, ubi animus dicitur ἀπάγχουδαι, & id maxime contra Gronovium urget, quod animus dicatur ἀπάγχουδαι παρὰ τῶν φίλων. Cujus rei nullam aliam causam fuisse ait, quam dolorem ex amicis & eorum facto ortum, neque adeo posse dici per poeticum ὕψος: *ita ipsa strangulatur ab aliis*, h. e. adigitur ad id, ut causa sit homini ad strangulandum se. Ulterius usum hujus verbi declarat cap. VI, ubi duo imprimis loca adducit. Alter est Aristophanis in Pace p. 682, qui verbum ἀπάγγξαι de mustela mures (ita enim vocabatur fabula) devorante usurpavit. Maxime vero Scholiastem rem expedire, dum hoc modo interpretetur: ἀντὶ τῆς ὑπὸ τῆς γαλῆς τὸ δρεῖμα ἀπαγγχθῆναι. Alter est Tzetzi ad Lycophronem vers. 61, apud quem Oenone dicatur κατὰ τὸν Δίκτυν βρόχοις (non βρόχοις, ut male nonnullae editiones exhibeant) ἀπαγγθῆσα. Exi-

firmat Perizonius, non addi debuisse βρόχοις, si vox ἀπάγχεσθαι unice laqueo suffocari notet, cujus observationis in Actis A. 1702 mense Februario p. 31 meminimus, quando Perizonii de Di-ctæ dissertationem recensuimus. Inde cap. VII duo loca a Re-verendo Viro Bern. Homœtio adducta, & a Nobis paulo ante com-memorata expendit, atque ab exceptionibus Gronovii vindicat, tum vero & cap. VIII de variis locutionibus præcipit, in quibus τὸ ἀπάγχεσθαι rectius aliter, quam per suspendium exponi videatur. Duo inde speciminis loca adferemus, Aristophanis in *Nubibus* unum, ubi iustitia dicitur ἀπάγχεσθαι; alterum Luciani in *Gallo*, ubi ad Gallum Gallinaceum: ἢ ἀπάγξῃ, ὃ ἀλεκτηριῶν. Et quamvis non diffiteatur cap. IX Noster, sæpillime istud verbum suspendium si-gnificare, non tamen hoc impedire ait, quo minus aliter quoque eo u-si fuerint auctores. Quo ipso tandem omnem controversiam ita componit: *nisi obesset locus Luca, Matthæum in morte Jude de suspendio exponerem; nunc vero quum Lucas aliud genus mortis Ju-de tribuat, idque disertius & plenius commemoret, prorsus putem, nullam dari commodiorem conciliandi utriusque rationem, quam ut illud ἀπήγατο apud Matthæum de morte voluntaria præcipitii per marem & desperationem sumpta, dictum accipiamus: nisi quis malis Casaubonianam conciliandi rationem de laqueo rupto, & sic in præcepto lapsus Juda sequi. Tandem disquirat cap. X de voce γεγωνός & aliis nonnullis in Clarissimo Gronovio notatis, verbi gratia, quod pro *abi* & *suspende* te dixerit, *abi* & ἀπαγξάτω, sed quod significet, *abi* & *suspendat* aliquem.*

CONTINUATIO ANALYSEOS QUADRATURARUM

Rationalium edicte in his Actis M. Majo 1702, per G. G. L.

Quam nuper edidi Analyfin Summatoriam Rationalium sive in Numeris sive in Quadraturis, mirifice intelligentibus placere video. Nam (ut de summis Numerorum nunc taceam) Analysis Transcendens Linearum, ubicunque hæc Methodus locum habet, deducitur ad suam perfectionem, quia tunc semper pro æquationibus differentialibus substitui possunt exponentiales. Sciendum enim, quod dudum notavi, expressionem linearæ per Æquationem differentialem hoc habere incommodi, quod non prodest pro æquatione locali, neque proprie ad unum punctum refertur. Un-

de fit, ut peream intersectio curvæ cum alia linea haberi, incognitave tolli non possit : atque adeo tunc demum in talibus æquatio differentialis prodesse potest, cum constet duas lineas non tantum occurrere sibi, sed & se tangere. At æquatio curvæ transcendens, exponentialis, omnes perfecte usus analyticos recipit, ejusque ope non tantum determinari concursus, sed & incognitæ tolli possunt, simulque eadem opera apparet, quodnam problema deprimatur ex transcendenti ad commune ; quotiens nempe quantitates indeterminatæ exeunt de Exponente, aut plane evanescent.

Ex. gr. si prodeat $b^{\frac{xx+yy}{c}} = c^{\frac{aa}{c}}$ fiet $xx+yy = aa$ (*log. b : log. c.*) quæ æquatio est ad Circulum ; & si Logarithmorum ipsius b , & ipsius c , ratio aliunde data sit, constructus erit circulus communi more ; sin minus, saltem obtentum est, quod debuit obtineri. Et vero sciendum est, quoties in solis constantibus hæret difficultas, ut Algebraice exprimi nequeant, tunc non amplius incertum esse gradum, neque adeo Problema amplius esse transcendens.

Exempli gratia sit $\sqrt[5]{2}$ quantitas non ordinaria, veluti si c sit numerus irrationalis, $\sqrt[5]{2}$; tamen nec transcendens a me dicitur, sed interscendens, nam cadit inter gradus usitatos.

Sed hæc obiter dicta sunt, ut præstantia hujus Analyseos melius intelligatur. Fractio quæcunque rationalis quoad indefinitam, potest facta concipi hujus formæ ; posito i esse numerum integrum rationalem

$$\frac{\alpha}{\pi} + \frac{\beta}{\pi} x + \frac{\gamma}{\pi} xx + \frac{\delta}{\pi} x^3 + \&c.$$

$$x + \frac{\xi}{\pi} x^{\frac{i-1}{i}} + \frac{\mu}{\pi} x^{\frac{i-2}{i}} + \frac{\lambda}{\pi} x^{\frac{i-3}{i}} + \&c.$$

Hinc primum detrahentur integra pura, ut x^0 , x^1 , x^2 , &c. quantum fieri potest, quod fit dividendo Numeratorem per Denominatorem, quando nempe hic non est altior illo. Quo facto habebitur & quotiens integer, & residua fractio, ubi Denominator est

est alior Numeratore, quæ jam rursus tractanda ut mox dicetur. Nunc si ponamus Denominatorem esse formulam, quæ nullas habeat radices æquales, dico Fractionem quæ superest divelli posse in tot fractiones quot sunt radices, quarum fractionum quælibet sit hujus

formæ $\frac{A}{X+B}$, ita ut A & B sint quantitates constantes. Atque

adeo si detur figura, cujus abscissa existente X , ordinata sit æqualis dictæ fractioni; figuræ quadratura habebitur per Logarithmos veros, cum radices denominatoris sunt reales, vel per accedentes Logarithmos imaginarios, cum quædam radices sunt imaginariæ. Logarithmi autem veri coincidunt cum quadratura Hyperbolæ, Logarithmi imaginarii primi gradus coincidunt cum quadratura Circuli. Sed quia dantur Logarithmi imaginarii infinitorum graduum altiorum, ut in Schediasmate Maji superioris Specimine dato ostendimus: hinc etiam totidem dantur Quadraturarum gradus, a quadraturis Circuli & Hyperbolæ independentes, atque ita magna quæstio decisa est, quæ hactenus in Analyfi Transcendente negotium facessivit.

Ponamus denominatoris radices esse $x+b$, $x+c$, $x+d$, $x+e$, $x+f$, &c. totidem, quot in x sunt unitates; quas radices per compendium vocabimus l, m, n, p, q . &c. patet

I

$$x^t \div x^{\frac{t}{l}} \div x^{\frac{t-l}{m}} \div x^{\frac{t-l-m}{n}} \div x^{\frac{t-l-m-n}{p}} \div x^{\frac{t-l-m-n-p}{q}} \div \&c.$$

idem fore quod $\frac{x^t}{lmnpq\dots}$. Reperi autem per Regulam Generalem satis pulchre procedentem fore

$$\frac{x^t}{lmnp}$$

idem quod est sequens summa

$$\frac{x^t}{c-b, d-b, e-b, l} + \frac{x^t}{b-c, d-c, e-c, m} + \frac{x^t}{b-d, c-d, e-d, n} + \frac{x^t}{b-e, c-e, d-e, p}$$

idemque est in altioribus, nam lex generalis attendenti patet. Et

C 3

ita

ita generaliter fractio denominatoris compositi divelli potest in fractiones denominatoris simplicis.

Quodsi post divisionem initio factam in Residua fractionis numeratore mansisset indefinita ; veluti si Residua foret formula

$$\frac{\theta + ex + \alpha x x + \Phi x^3}{lmnp}$$

divellatur in tot partes, quot sunt membra in numeratore ; quæ erunt

$$\frac{\theta}{lmnp} + \frac{ex}{lmnp} + \frac{\alpha xx}{lmnp} + \frac{\Phi x^3}{lmnp}, \text{ ubi ut numerator liberentur ab indefinito ; reperimus (omiſſis constantibus, } e, \alpha, \Phi, \&c.) \text{ fore}$$

$$\frac{x}{lmnp} = \frac{1}{mnp} - \frac{b}{lmnp}$$

$$\frac{xx}{lmnp} = \frac{1}{np} - \frac{b+c}{mnp} + \frac{bb}{lmnp}$$

$$\frac{x^3}{lmnp} = \frac{1}{p} - \frac{b+c+d}{np} + \frac{bb+cc+bc}{mnp} - \frac{b^3}{lmnp}$$

His addamus adhuc unum exemplum, ut melius appareat Lex :

$$\frac{x^4}{lmnpq} = \frac{1}{q} - \frac{b+c+d+e}{pq} + \frac{bb+cc+dd+bb+cc+dd+bb+cc+dd}{nbq} - \frac{bb+cc+dd+bb+cc+dd+bb+cc+dd}{mnpq} + \frac{b^4}{lmnpq}$$

Equidem diversæ prodire possunt expressiones , prout mutatur ordo literarum , $l, m, n, p, \&c.$ aut constantium in ipsis quantitatibus $b, c, d, e, \&c.$ Sed si ipsæ jam a numeratoribus indefinitis liberatæ fractiones, ut

$$\frac{1}{pq}, \frac{1}{npq}, \frac{1}{mnpq}, \text{ aliæve hujusmodi}$$

rursus resolvantur in fractiones, denominatorem habentes simplicem, more jam præscripto ; diversæ illæ viæ tandem definient in idem ; poteruntque ita adhuc nova theorematata perpulchra condi.

Idem.

Idem aliter sic consequemur : Eſto fractio habens potentiam ipſius x in numeratore, & denominatorem compoſitum, velut $\frac{x^4}{lmnp}$; reſolvemus primam Fractionem in fractiones denominatorum ſimplicium, modo jam præſcripto; & ita res hoc loco redit ad quatuor fractiones, quales, $\frac{x^4}{l}$, $\frac{x^4}{m}$, $\frac{x^4}{n}$, $\frac{x^4}{p}$, omiſſis coefficientibus conſtantibus. Jam quando in Numeratore eſt x vel ejus potentia quævis, denominator autem eſt ſimplex; poteſt res reduci ad integros puros, aut fractiones numeratoris conſtantis ſimul ſimplicisque denominatoris, hoc modo :

$$\frac{x}{l} = 1 - \frac{b}{l}$$

$$\frac{xx}{l} = x - b \div \frac{bb}{l}$$

$$\frac{x^3}{l} = xx - bx \div bb - \frac{b^3}{l}$$

$$\frac{x^4}{l} = x^3 - bxx \div bbx - b^3 \div \frac{b^4}{l}$$

Nunc ſupplendi ſunt caſus, quos in præcedenti ſchediaſmate non attigimus, quando nempe radices æquales cæteris admiſcentur; ibi enim regulæ propoſitæ non quadrant. Neque etiam ſoli Logarithmi aut quaſi-logarithmi occurrunt; ſed interveniunt etiam Hyperboloidum quadraturæ, quales ſunt, quarum ordinatæ ſunt $\frac{1}{xx}$, $\frac{1}{x^3}$, $\frac{1}{x^4}$, &c. Tales autem Hyperboloides omnes Quadraturam ordinariam recipere conſtat. Sed ut hæ quadraturæ diverſi generis ex ſe invicem evolvantur; ponamus $b =$

$$x \div a;$$

$x \pm a$; & sit fractio $\frac{l}{b^4 l m n p}$, hæc per regulam præscriptam

resolvi potest in totidem tales $\frac{l}{b^4 l}$, $\frac{l}{b^4 m}$, $\frac{l}{b^4 n}$, $\frac{l}{b^4 p}$.

Dico quamvis harum rursus resolvi tali modo, ut posito $\omega = l - b$, id est $\omega = b - a$, constante, (quoniam $b = x \pm a$, & $l = x \pm b$, unde $l - b = b - a$) fiat

$$\frac{l}{b^4 l} = \frac{l}{\omega b^4} - \frac{l}{\omega \omega b^3} \pm \frac{l}{\omega^3 b b} - \frac{l}{\omega^4 b} \pm \frac{l}{\omega^4 l}$$

Eodemque modo habebitur & $\frac{l}{b^4 m}$, tantum pro l ponendo m ,
& pro $l - b = \omega$ seu $b - a$ constante, ponendo constantem $m - b$
seu $c - a$, idemque est in cæteris.

Quid si diversæ simul occurrant radices æquales? Veluti si

sit fractio $\frac{l}{b^4 l^3 m n p}$, patet eam produci ex his duabus $\frac{l}{b^4 l^3}$

& $\frac{l}{m n p}$. Dico priorem resolvi posse in fractiones constantes ex
unius tantum speciei radicibus æqualibus, quæ fractiones si singulæ
deinde multiplicentur per $\frac{l}{m n p}$, habebimus totidem novas fra-

ctiones similes huic $\frac{l}{b^4 l m n p}$, quas jam resolvere docuimus.

Supereft ergo, ut resolvamus fractionem qualis $\frac{l}{b^4 l^3}$; dico, po-
sito $b - a = \omega$, & $a - b = \psi$ fore

$$\frac{l}{b^4 l^3}$$

$$\frac{1}{b^4 l^3} = \frac{1}{\omega^3 l^4} - \frac{3}{\omega^4 b^3} + \frac{6}{\omega^5 b b} - \frac{10}{\omega^6 b}$$

$$= \frac{1}{\psi^4 l^3} - \frac{4}{\psi^5 l l} + \frac{10}{\psi^6 l}$$

Sed operæ pretium est adscribere theorema generale, quia hic Lex non aq̃ue facile ac in prioribus, de exemplorum inspectione fabricari potest, Nempe posito r & v esse numeros constantes rationales integros, dico fore :

$$\frac{1}{b^r l^v}$$

idem quod duæ summæ sequentes simul

$$\frac{1}{\omega^r b^r} - \frac{1}{\omega^{\frac{v+1}{2}} b^{\frac{r-v}{2}}} + \frac{v \cdot v+1}{1 \cdot 2} \frac{1}{\omega^{\frac{v+2}{2}} b^{\frac{r-2}{2}}} - \frac{v \cdot v+1 \cdot v+2}{1 \cdot 2 \cdot 3} \frac{1}{\omega^{\frac{v+3}{2}} b^{\frac{r-3}{2}}} + \&c. \dots$$

usque ad l^r

$$\frac{1}{\psi^r l^v} - \frac{1}{\psi^{\frac{v+1}{2}} l^{\frac{v-1}{2}}} + \frac{r \cdot r+1}{1 \cdot 2} \frac{1}{\psi^{\frac{v+2}{2}} l^{\frac{v-2}{2}}} - \frac{r \cdot r+1 \cdot r+2}{1 \cdot 2 \cdot 3} \frac{1}{\psi^{\frac{v+3}{2}} l^{\frac{v-3}{2}}} + \&c. \dots$$

usque ad l^r

Hinc si verbi gratia v esset 1 seu $l^6 = l$ retineretur solum terminus

$\frac{1}{\psi^r l^6}$, sequentibus in quibus l alias occurreret omissis. Quod si

tres vel plures species radicum æqualium concurrerent; nihilominus patet ex præscripta jam Methodo, omnia ad fractiones unius tantum literæ indeterminatæ, quæ hoc loco sunt simplicissimæ, reduci

D

duci

ducti posse. Eſto enim $\frac{1}{b^5 c^4 m^3}$ patet produci ex $\frac{1}{b^5 c^4}$ per

$\frac{1}{m^3}$ jam $\frac{1}{b^5 c^4}$ reſolvatur in fractiones ſimplices more præ-

ſcripto. Harum qualibet ducatur $\frac{1}{m^3}$, habebuntur totidem fractiones, quæ non niſi binas habebunt ſpecies radicum; has autem poſſe reſolvi in ſimplices, jam eſt oſtenſum. Reducuntur ergo binæ ſpecies ad unam, ternæ ad binas, quaternæ ad ternas; & ita porro, quæ hic perſequi non eſt illud neceſſe. Unde jam cuncta eſſe in poteſtate apparet; quanquam ea quoque canonibus ſeu theorematibus complecti conveniens foret.

Poſtremo cum Mathematicus ingenioliſſimus, ſi quisquam, Dn. Johannes Bernoulliſ ſi oſtenderit, ſe quoque jam ab aliquo tempore tali quadam Analyſi uti, & ideo problema tranſmiſerit Actis inferendum, verbis ſequentibus illud ſubjicietur. Ubi tamen ab eo diſſentire cogor, quod omnia ad quadraturam Circuli & Hyperbolæ (præter ordinarias quadraturas) hic reduci putat: cum in ſpecimine ſupradicto, Actis Maji inſerto, demonſtratum a me ſit, alias ſine fine aliis altiores quadraturarum rationalium tranſcendentium ſpecies ordine dari, a ſe invicem independentes; Quadraturasque Hyperbolæ & Circuli ex illis omnibus primas & ſimpliciſſimas eſſe.

PROBLEMA EXHIBITUM A JO. BERNOULLIO.

Data differentiâli quantitate $\frac{p dx}{q}$ (ubi per p & q intelliguntur quantitates rationales ex x & conſtantibus utcunque compoſitæ) invenire ejus integrale ſeu ſummam, vel ſi nullam habet algebraicam, reducere ad quadraturam circuli aut hyperbolæ; alterutrum enim ſemper fieri poteſt. *Sol.*

Dividatur p per q quantum poteſt, donec maxima dimenſio ipſius x in reſiduo ſit minor maxima dimenſione ejusdem x in diviſore q . Quod ſi vero maxima dimenſio in numerator p jam ſit minor maxima dimenſione in denominator q , tunc nulla di-

viſio-

visione opus est. Deinde ex quotiente sumatur integrale, id quod semper fieri potest, constabit enim quotiens quantitatibus integris & rationalibus; at ex residuo (id quod ex parte rei est) integrale ita

sumitur: Sit r residuum, & ponatur $\frac{r dx}{q} = \frac{a dx}{x + f} + \frac{b dx}{x + g} +$

$\frac{c dx}{x + h}$ &c. tot scilicet differentialibus logarithmicis quot sunt uni-

tates in maxima dimensione ipsius x in q , ubi notandum quod a, b, c &c. ut & f, g, h , &c. sint quantitates constantes assumptitæ, quarum

valores ut reperiantur, colligantur $\frac{a dx}{x + f} + \frac{b dx}{x + g} + \frac{c dx}{x + h}$

&c. in unam summam reducendo fractiones ad minimum communem denominatorem, & ita similis erit proposita $\frac{r dx}{q}$; nam ut-

trobique x in denominatore habebit æqualem maximæ dimensionis numerum, si vero maxima in r sit minor quam maxima in altero numeratore, oportet fingere dimensiones æque altas, quæ desunt tanquam affectas 0; quo facto instituendæ sunt æquationes inter coefficientes dimensionum æque altarum tam numeratorum quam denominatorum, & sic tot prodibunt æquationes quot sunt assumptæ litteræ constantes incognitæ, quæ per consequens innotescunt per coefficientes datas & cognitæ, quæ sunt in r & q . Voco autem coefficientem non tantum numerum sed ipsam totam quantitatem constantem, quæ aliquam dimensionem ipsius x afficit.

Aliter.

Ponatur $\frac{r dx}{q} = \frac{s dx}{t} + \frac{a dx}{x + f}$, per t intelligo quan-

titatem compositam ex dimensionibus ipsius x gradatim descendens usque ad pure constantem, quarum maxima sit unitate minor quam maxima dimensio in q , reliquæ vero affectæ sint litteris designantibus quantitates constantes: Per s similem talem quantitatem intelligo, compositam nempe ex dimensionibus ipsius x gradatim descendens & affectis constantibus, ita tamen ut maxima dimensio in s sit unitate minor quam maxima in t . Hoc enim modo

D 2

per

per additionem actualement $\frac{r dx}{t} + \frac{a dx}{x + f}$ fiet $\frac{rx + af + sf}{tx + f} dx$
 $= \frac{r dx}{q}$, ubi in utroque denominatore x ad æqualem maximam
dimensionem ascendit; reliquis igitur observatis ut prius, reperie-
tur valor litterarum assumptiarum: atque sic $\frac{r dx}{q}$ erit resoluta
in $\frac{s dx}{t} + \frac{a dx}{x + f}$, ubi scilicet in t jam minores dimensiones
ipsius x sunt quam in q . Eodem modo $\frac{s dx}{t}$ resolvi potest in
 $\frac{u dx}{w} + \frac{b dx}{x + g}$, & ita porro, donec tandem ad simplices ra-
dices perveniat: quo facto habebitur $\frac{r dx}{q}$ resoluta in has simpli-
ces $\frac{a dx}{x + f} + \frac{b dx}{x + g} + \frac{c dx}{x + b}$ &c. Restat igitur ut ostenda-
mus, quomodo harum integralia (quæ utique dependent a descri-
ptione logarithmicæ vel a quadratura hyperbolæ sive realis sive ima-
ginariæ, prout f, g, b , &c. sunt quantitates sive reales sive
imaginarie) possint exprimi per quantitatem exponentialem seu
percurrentem; quod sic fit: Constat quod $\frac{dx}{x + f}, \frac{dx}{x + g},$
 $\frac{dx}{x + b}$ &c. sint differentiales logarithmorum ipsorum $x + f,$
 $x + g, x + b$ &c. adeoque $\int \frac{dx}{x + f}, \int \frac{dx}{x + g}, \int \frac{dx}{x + b}$
&c. erunt logarithmi ipsorum $x + f, x + g, x + b$ &c. id est
 $\int \frac{dx}{x + f} = l. x + f$ & ita porro. Hinc itaque erit $\int \frac{a dx}{x + f} +$
 $\int \frac{b dx}{x + g} + \int \frac{c dx}{x + b}$ &c. id est $\int \frac{r dx}{q} = al. x + f +$
 $bl. x + g + cl. x + b$ &c. = (ut ex natura logarithmorum
patet) Log. $x + f. x + g. x + b.$ &c. Q. E. F.

Coroll.

Hinc patet, quomodo ex æquationibus differentialibus rationalibus vel quæ ad rationales reduci possunt (per modos Diophanteos vel per alios) in quibus indeterminatæ cum suis differentialibus sint a se invicem separatæ, possint elici æquationes algebraicæ vel exponentiales; quod quidem in Methodo tangentium inversa maximum habet usum. Sumtis pro indeterminatis x

& y habeatur hæc æquatio $\frac{s dx}{x} = \frac{r dy}{y}$, (ubi & s & r sunt

quantitates rationales quas ingrediuntur constantes & dimensiones ipsius x utcumque inter se compositæ; ut & σ & θ sunt tales ex constantibus & dimensionibus ipsius y compositæ) sintque X & Y , integralia illa, quæ per divisionem supra dictam ipsius s per r , & ipsius σ per θ absolute sumi possunt, habebitur itaque

$$X + \text{Log. } x + f^a \cdot x + g^b \cdot x + b^c \cdot \&c. = Y +$$

$\text{Log. } y + \xi^a \cdot y + \eta^b \cdot y + \kappa^c \cdot \&c.$ si nunc unitas, quæ cum X & Y multiplicata intelligitur, consideratur ut Logarithmus constans, cuius numerus sit n ; proveniet reductis more solito Logarithmis ad potestates, hæc æquatio exponentialis seu percurrentis

$n \cdot \frac{X}{x} \cdot x + f^a \cdot x + g^b \cdot x + b^c \cdot \&c. = n \cdot \frac{Y}{y} \cdot y + \xi^a \cdot y + \eta^b \cdot y + \kappa^c \cdot \&c.$ quæ interdum degenerat in pure Algebraicam, id quod fit quando X & Y sunt nihil, & quando a, b, c , ut & a, β, γ , sunt inter se commensurabiles.

Sequuntur compendia quædam reductionis differentialium compositarum ad simplices seu Logarithmicas, & vicissim, ut & simplicium imaginariarum ad compositas reales seu ad extensionem arcuum Circuli.

Probl. I.

D 3

Trans-

Transformare quantitatem differentialem $\frac{a dz}{bb - zz}$ in differentialem Logarithmi $\frac{a dt}{x b t}$, & vice versa.

$$\text{Pone } z = \frac{x-t}{t+\frac{1}{b}t} b, \text{ \& habebis } \frac{a dz}{bb - zz} = \frac{a dt}{x b t}$$

$$\text{Et vice versa pone } t = \frac{\frac{1}{b}x - \frac{1}{b}z}{-x + \frac{1}{b}z} \text{ \& habebis } \frac{a dt}{x b t} = \frac{a dz}{bb - zz}$$

Coroll.

Eodem modo transformatur quantitas differentialis $\frac{a dz}{bb + zz}$

in differentialem Logarithmi imaginarii $\frac{-a dt}{x b t \sqrt{-1}}$ & vicissim.

Probl. 2.

Transformare quantitatem differentialem $\frac{a dz}{bb + \frac{1}{2}zz}$ in differentiale sectoris vel arcus Circularis $\frac{-a dt}{x \sqrt{t - b b t t}}$, & vicissim.

$$\text{Pone } z = \sqrt{\frac{t}{t - b b}} \text{ \& habebis } \frac{a dz}{bb + \frac{1}{2}zz} = \frac{-a dt}{x \sqrt{t - b b t t}}$$

$$\text{Et vice versa pone } t = \frac{z^2}{bb + \frac{1}{2}zz}, \text{ \& habebis } \frac{-a dt}{x \sqrt{t - b b t t}} =$$

$$\frac{a dz}{bb + \frac{1}{2}zz}$$

Probl. 3.

Transformare Quantitatem differentialem $\frac{a dz}{bb - zz}$ in differentiale Sectoris hyperbolici $\frac{a dt}{x \sqrt{t - \frac{1}{2} b b t t}}$, & vicissim.

$$\text{Pone } Z = \sqrt{\frac{t}{t - \frac{1}{2} b b}}, \text{ \& deinde } t = \frac{z^2}{bb - zz}; \text{ \& habebis}$$

optatum.

Probl.

Probl. 4.

Transformare quantitatem differentialem logarithmicam

$$\frac{a dt}{b b t} \text{ in differentiale sectoris hyperbolici } \frac{a dr}{2 \sqrt{r^2 - b b r r}}$$

Pone $t = \frac{\sqrt{b^2 - r^2} + b b}{b - \sqrt{\frac{r}{r^2} + b b}}$; habebis quæsitum:

Coroll. 1.

Eodem modo transformatur differentialis logarithmica imaginaria $\frac{a dt}{b b t \sqrt{-1}}$ In differentiale sectoris circuli realis. Ponendo enim $t = \frac{\sqrt{b^2 - r^2} + b b}{b \sqrt{-1} - \sqrt{\frac{r}{r^2} - b b}}$, habebitur $\frac{a dr}{2 \sqrt{r^2 - b b r r}}$.

Coroll. 2.

Cum ex probl. 2. $\int \frac{dz}{b b \sqrt{-1} z z}$ dependeat a quadratura circuli; cum vero etiam $\frac{a dz}{b b \sqrt{-1} z z}$ sit $= \frac{\frac{1}{2} a dz}{b b + b z \sqrt{-1}} + \frac{\frac{1}{2} a dz}{b b - b z \sqrt{-1}}$,

quæ duo sunt differentialia logarithmi imaginarii: patet utique logarithmos imaginarios seu Sectores hyperbolicos imaginarios sumi debere pro sectoribus circularibus realibus. Hos enim in unam summam colligendo quantitates imaginariæ per mutuam compensationem se destruunt, ita ut nil nisi reale proveniat.

EDMUNDI DICKINSONI M. D. PHYSICA VETUS ET
Vera. Sive Tractatus de Naturali Veritate Hexæmeri
Mosaici.

Londini, apud Henr. Ribotteau, 1702, in 4^o

Constat 2 Alphab. & 4 figuris æn.

Mosaicam Creationis Historiam, dictamine Spiritus Divini manifestatam, continere veras rerum origines, adeoque simul fun-

fundamenta Philosophiæ solidissima, cum diu credidisset pietas fidesque, tandem, post simulatam veritatis inquisitionem, negare & impugnare ausa est ratio humana; eosque fecit progressus, ut inter quosdam Sapientes mundi nihil absurdius & inconcinnius judicaretur, quam Systema Cosmicum ex Mosis Genesi ordinatum. Temeritatem hanc repressuri quidam Philosophi, *Cosmopæiam Mosaicam* vindicare conati sunt, sed cum existimarent, hypotheses physicas varie a variis excogitatas comprehendere veram rerum naturam, explicatione sua simplicitati sensus Mosaiici eam vim intulerunt, ut fere omnia pro ænigmatibus, parabolis, aut ad caput vulgi dictis, haberentur: Atheistarum autem scrupulositas exinde ansam arriperet, novos suis objectionibus inducendi colores. Utrumque conatum, tam qui effreni licentia negat, quam qui infelicibus armis defendit *veritatem hexæmeri Mosaiici*, præfenti opere repellere intendit *Autor*, quem dudum adhuc Juvenem *Delfi Phœnicisantes* orbi erudito reddidere celeberrimum; qualem scopum sibi præfixum fuisse, statim in dedicatione ad Thomam Archiepisc. Cantuar. & capite I, quo Lectori notanda continentur, ipse fatetur *Autor*. *Philosophiam Corpuscularem* ad hoc munus dilucidandæ Philosophiæ Mosaiicæ assumit. Hanc Atomiceam Philosophiam Cosmogeniæ explicandæ aptissimam esse, contra imputationes, quibus illa Deum, saltem Creatorem negare videtur, demonstrat cap. 2, quippe quæ juxta Philosophos Græcos (præsertim Ionicos, qui Atomici fuerunt,) semper mundum *εὐνομίας Θεῶν*, *opus Dei*, prædicarit; licet Anaximander Thalctis discipulus, & post illum plures athei existerent, qui, ut omnia cæco eventu, nulla providentia Dei fieri persuaderent, abutebantur atomorum regno; Anaxagoras tamen doctrinam de Corpusculis restituit pristinae puritati, dum atomis *τὸν Νῦν*, mentem, Deum scilicet, adjunxisset, ut posthac nemo (nisi Epicuri de grege porci) mundum casu firmari potuisset, statueret. *Præstantiam* dein Cosmologiæ Mosaiicæ cap. 3; ex antiquitate summa, mundo corvæ deducit, ab Adami nempe notitia per Methusalechem ad Noam, & hinc per Semum ad Abrahamum, inde per Jacobum ad Israelitas Ægyptiacos transmissa, & non obstante servitutis Ægyptiacæ iugo (quod in primis Cap. 19 de Israelitis Ægyptiacis, sapientia & artibus

bus præstantissimo populo uberius demonstrat) fideliter retentâ, a quibus proin per Moſen ſcripta *Genefis* & optime intellecta, & ut veriffima hiftoria recepta fuerit. *Principia* hujus Cosmologiæ *corpufcularia* fuiſſe, cap. 4 docet, quorum appellationes varias ex Hiftoria Philoſophica eruit; ad materiam enim primam univerſi, Moſi cælum & terra, ſubinde terra, abyſſus, aqua dictam, apte designandam Thales *aqua*, Pherecydes Syrus *terra*, Pythagoras *monadum*, Anaximander *infiniti*, Ariſtoteles ὕλη, Empedocles & Democritus *atomorum*, alii *multorum* nomen uſurparunt. Ex quo patet, Particularum doctrinam a Noa uſque ad Ariſtotelem clariſſe, qui cum vim & ſignificatum antiquiſſimi, Phœnicibus, Ægyptiis, Syris & Arabibus uſitati nominis, (quod Græci in ſuam linguam ſono ſimili tranſfuentes ὕλην dixerunt,) ignoraret, talem materiam primus prædicavit, quæ nec quid, nec quaſe, nec quantum (id eſt, re vera nihil,) ſignificaret, cum eo nomine nil niſi exiliſſimarum commotarumque particularum multitudo ſignificaretur: veſtigia enim τῆς ὕλης adhuc in Hebræo & Arabico extare putat, dum Hebræum חֵם arena, & Arabum hiule, ſono ipſiſſimum Græcorum ὕλη expriment. Nec ſolum de prima rerum materia falſam notionem, ſed & de *amplitudine* creationis Moſaice nimis puſillum quid multi concepiſſe videntur Autori, dum loco univerſi grumulum hunc, globum noſtrum terraqueum (quem prius Cometam confuſum fuiſſe ſtatuunt) ſolummodo a Deo creatum, & a Moſe deſcriptum putant, quorum ſententiam rejicit cap. 5. Hic ad mentem Autoris melius percipiendam, notandum eſt, Angliam in reſutandis Atheis non ſuperſunctorie laborare, quod vel ſolum illuſtris Boylii teſtamentum loquitur. Surrexerunt igitur Viri plures, Wilhelmus Whiſton, Richard Bentley, W. Nichols &c. qui ex institutione celeberrimi Newtoni, Mathēſin Phyſicamque docti, ab Atheis motas difficultates circa hiftoriam Moſis, hypotheſibus mechanico naturæ harmonicis ſolvere ſtudent. Earum hypotheſium ſummam Vir clariſſimus, Detlevus Cluverus, ſcripto Germanico, cui titulus: *Geologia, ſeu philoſophemata de geneſi & ſtruttura globi terreſtri, Hamburgi. A. 1700* complexus eſt, in quo ſcripto videas creationem Moſis ad unicum hunc terræ globum coarctari, quem antea confuſum Cometæ chaos exiſtentem, Deus ſex dierum, qui

totannis pares sint, spatio creaverit. Hanc opinionem everfurus Autor, prolixè inquit, quid nomine Chaos (quod cum Bocharto Canaan lib. 2. cap. 2. ex Hebr. **כְּהוֹת** tenebræ, deducit,) ab antiquissimis intellectum sit. Ubi plurimis testimoniis evincit, totius universi confusam materiam per Chaos intellectam fuisse, quæ una & confusa natura totius mundi seminium extiterit: quare cum veteres ectypam suam figuram ad magnitudinem giganteæ staturæ delineaverint, pygmæi exemplaris illam fuisse, non esse credendum. Distincte jam perlustrat ipsa sex dierum opera. En Synopsin. Asserit Autor: materiam universam à Deo vera creatione productam, & ab ipso solo, duplici quidem motionis genere, *primo Preparationis*, quod est transversus lenisque particularum inter se motus, *altero Separationis*, quod est circulare, quo tota moles abyssi gyrabatur (Hebræis per **גָּלְגַל** *Galgal* notatum) motam fuisse. Per *priorem motum* quatuor Elementa, particulis similibus ad similes, post varias obviations applicatis, esse producta; ubi corpuscula prima, minutissima, rotunda, *pilule* Autori dictæ, *ignem*; secunda, rotunda sed majora & leviora, *globuli, aquam*; tertia, longula & ad instar *exilium bracteæ* formata, *aerem*; ultima, crassiora & graviora varie figurata, *terram* constituerint. Per *alterum autem vertiginosum motum*, separatas esse *pilulas* istas exilissimas a reliquis, dum a centro sui motus ilico recesserint, & crassiora corpuscula ad medium cedere coegerint, quo motu *Opus primi diei*, lux seu ignis, seu sphaera quæpiam ignea, cælum empyreum dicta, antiquissimis quoque cognita philosophis, constituta fuerit, intermixtis tamen plurimis *globulis* simul per gyrum excussis, qui ad *aquarum supracælestium* constitutionem sublati sint. Utrumque hoc assertum de existentibus in cælo empyreo & igne & aqua, prolixius in 15 & 17 Cap. *de aquis Chaoticis*, & de *igne ælumine primigenio*, explicat & defendit. Eodem gyro universi durante, separatas quoque fuisse longulas illas *bracteolas*, circa sua propria centra rotatas, quæ cælum inferius sidereum, Expansum dictum, *Opus secundi diei* conficiant, quod a terra (cujus aer non differat a sidereo, nisi ob admixtos vapores) usque ad cælum empyreum protendatur, quos duos tantum naturales cælos agnoverint Hebræi; (tertium autem Pauli, quod Moyses vocat cælum cælorum,

rum, mere spirituale est;) quod Expansum, ob multa crassiora corpuscula adhuc inter bracteolas intermixta, non satis tenue, adeoque nec ab empyreo coelo plenarie illuminatum, Deus noluerit dicere bonum.

Bracteolas tamen illas dispanfivo suo conatu grande illud *Opus tertii diei* obisse, docet Autor, nempe *congregationem aquarum in unum locum, aridaeque terrae foundationem*. Ubi ex inaequali pressione effectum (cum crassioribus corpusculis intermixti essent globuli) terrae facies valde inaequalis, hic protuberans, illic plana, alibi cava extiterit, adeoque terrae cavitates, planities atque montes ab initio rerum ortum duxisse. Globulos autem illos vel emersione, vel declivi fluxione coeuntes, *rem istam fluidam atque volubilem*, aquam constituisse, quae magnas illas, & minores in superficie terrae cavitates complendo, aquarum campos, quos maria dicimus, & lacus, flumina, rivos effecerit, unius quodammodo conflugis & loci, ob communicationem per continuos ductus, seu manifestos seu occultos, quorum ductuum subterraneorum maximus, a Polo arctico ad antarcticum transiens, per terrae viscera ramos habeat suos, & coecos & pervios, coecis interdum congesto luto repletis, inque terram firmam transmutatis; unde & in profunda terra repertorum, concharum, osium, arborum, asfamentorum, navium, inprimis illius integrae navis, quae A. 1460 ad oppidum Veronae Helvetiorum in fodina 50 orgyias alta, una cum malis fractis, & anchoris, ac 40 nautarum cadaveribus effossa fuit, rationem petendam, nec res illas pro desuper humatis accipiendas esse, monet Autor, imo & figura aenea mentem suam dilucide ante oculos ponit. Barathra illa subterranea ex terrestrium corpusculorum celariore circumcirca conspatione, quam omnes globulos aqueos exprimere possent, orta docet, quae S. S. *abyssos in thesauris* vocant. Ex simili causa concretionis *ignem mediterraneum* deducit, qui conferta crassarum particularum corona cinctus, contra naturalem suum genium atque motum, in illo situ Dei nunc detentus est, evolaturus alias, nisi eum cito coeuntis concrefcentisque materiae circulus nexibus suis impediisset, ne rotatione abyssi a centro ad exteriora projicerentur ejus subtilissimae partes; (*qua tamen, cum sine vertigine gyrationeque totius globi terraeque vix fieri, supponique possint, a principio telluris diurnum, saltem in principio creationis, vel perpetuo*

Aurantem admittere velis Autor, hoc opere non manifestavit.) Hujus ignis centralis virtute vapores orti concitatieque, germinationi pariter vegetabilium & mineralium productionibus inservierunt, ubi metalla post aliquot annos ex terris debite præparatis effecta, vegetabilia vero cito producta statuit. Semen quidem, quod revera plantæ compendium est, digito Dei primitus concinnatum fuit, plantas vero vapor & virtus terræ germinare fecit unico solum die. Ne festinata maturitas offendar, adducit Autor & hortulanorum notas artes, fruticationes suas paucis diebus promovendi, & philosophorum *quandam aquam*, inspidam quidem, tantæ tamen efficacitæ, ut mollia vegetabilium, e. g. cochleariæ, nasturtiorum & c. semina in ea macerata, & super asserculum distincte collocata, arenaque ad latitudinem digiti vel minus alta contexta, Solisque calori exposita, extemplo germinant, ac tam celeriter crescunt, ut herba ipso aspectu crescentes cernantur; ubi simul differentiam inter succum nutritivum, qui paucus est, & aquam, ejus succi vehiculum, quæ copiosa requiritur, pluribus demonstrat.

Solem & sidera, *Opus quarti Diei*, Dei solius (idololatricæ præcavendæ) digitis ascribit, qui particulas igneas per Expansum dispersas, & ad sufficientem magnumque calorem excitandum nimis raras, in unum corpus igneum, Solem nempe, collegit, cuius, ob irrequietam materiæ suæ motionem, facies umbris lumineque variegata, montium convalliumque species visui per helioscopia exhibeat. Perditionem semper exaltantis dissipatique Solaris corporis præveniunt, tum aspirationes siderum, tum circulus crassæ materiæ, par ei, qui ignem terræ centalem cingit, nimium effluxum cohibens; qui licet non impediat penetrationem radiorum Solis, maculis tamen aspersum, imo interdum totaliter pallidum Solem nobis apparere facit. Vires suas ut circumquaque Sol diffunderet, indefinenter per cælos rotari iussus a Deo videtur Autori, quem circuitum Solis jam *Abrahamus* prædicaverit; eundem placuisse Thaleti atque Pythagoræ: neque *Copernici* obices curvæ Solis obiectos eum sistere. Imo nec alia systemata, quæ Tycho aliique excogitarunt, inter se convenire, sed æqua probabilitate ad phænomena elucidanda applicari. Nec possibile esse, demonstrationes Astronomorum veras reddi, quandoquidem

nullius aſtri magnitudo, vel diſtantiã certo poſſit aſſignari; nec ullus in cœlo tenui ac fluido perpetuus & regularis motus exiſtat, niſi regatur ab omnipotenti manu. Certum itaque eſſe Aſtronomum Moſaicum, cœli motus omnes per Deum vel Angelos ſapienſiſſime gubernari, adeoque eum nec ſyſtemate Cœpernici, nec Tycho- nis, nec Ptolemæi orbibus indigere. (*Bona cum venia Auctoris liceat hic monere: Conceſſo interim, motus ſiderum a Deo Angelisque gubernari, (quamvis in cœlo, quo magis fluidum eſt, ed minus appareant impedimenta perpetui regularisque motus,) nondum tamen vel circuituum lineas, vel tempora exinde nota eſſe; aliud enim eſt cauſa corpus movens, aliud via per quam corpus movetur. Syſtemata Cosmica cum duratione temporis, vias lineasque corporum designant, Deum motus autorem non negant, cujus ſapien- tiam innumerum cœleſtium quoque delineationes inter ſe ſine con- fuſione, qua Deum non decere poteſt, congruentes loquuntur; non enim Aſtronomo etiam Moſaico ſufficit noſſe cujus, ſed & indagare oportet, quomodo moveat Solem ſideraque manus, qua nil ſine numero, menſura, pondere operatur.*) Ardorem Solis temperatio Lunæ hiſce inferioribus blandum facit, cujus aqueam natu- ram probat manifeſta ejus cum omnibus aquis, Oceano præſertim, ſympatbia. Humiditas tamen illa non ſimpliciter aquea ſtatui- tur, cum aſpirationes Lunæ per ea vitra, quæ rite colligunt ejus radios, in liquorem pinguem redigi ſoleant; ſed eſt unctuoſa humi- didas, quæ Solis effluviis conjuncta, ac velut ſœmina conjugata, univerſalem illum ſpiritum, Mercurium Phyſicis dictum, cui pa- ter Sol, Luna mater exiſtit, producit. Huic temperationi condu- ciunt quoque aliarum ſtellarum conſtitutiones, de quarum natura non ſolum per effectus, ſed & colorem, æque facile ac de metali- ſis, (quæ ſunt terræ ſidera) definire licet. Planetæ illi, quamvis oor- pulculis igneis non ſint deſtituti, non tamen accenſi, ut in Sole, ſed condenſati, ut in ſublunaribus pyropi gemmæ- que ſunt, conſtant. Saturno mukum ſalis atque Mercurii, cum minori portione ſulphuris adhibitum; Jovi rariorem ſalem atque Mercurium, modicamque portionem purioris ſulphuris. Utrius- que Satellites paris naturæ cum ſuo primario credit, ut abſente Sa- turno vel Jove, ſimiles virtutes in terram mittant (*quamvis hic A-*

Astronomia Systematica vix intelligat, quomodo fieri possit, ut Satellites absente suo primario terrae praesentes sistere queant, nisi nec circelli exigui peripheria sine suo centro praesens esse potest.) Et sic de reliquis planetis stellisque argumentum ducitur. Ita tandem viribus suis ornatum coelum, & terra suis, coeunt ad gignendam istam mirabilem naturam, quam Mythici *Pandoram*, Hermetici *Aurum aure*, Caelum terra, universi *Mercurium*, Physici *Rerum omnium Quint-Essentiam* vocant.

Ab insensibilibus ad animantia, *Opus quinti Diei*, progreditur, quorum semina animata cum solus creasset Deus, ita ipsa bruta terraequeque producenda reliquit. Ut enim elementa nulum semen animalis generare, ita nec ignis, nec aer ea producere possunt; quamvis de ave *Parivogel* ex aëre, & *pyraustis* ex igne ortis dentur relationes: imo nec *Salamandra* in igne vehementi diu durat, sed frigida sua visciditate obtundit ignem; prouti in natura dantur liquores, quibus etiam delicatiores homines liniti, statim vivos carbones illis calcare, tractare, mandere atque deglutire possunt. Creavit autem Deus brutorum animas ex terra, quas illico sic induit materia seminali, ut referrent *ovorum* speciem. Antiquissimae Sapientiae hæc est opinio. *Aegyptii* enim suum *Cneph* (quem conditorem mundi putabant,) ita finxerunt, ac si *Ovum* in ore aperto teneret, quo & *Orphei* *ὄν πρῶτόγονον* *Ovum primigenium* pertinet. Hæc ova in interrancis suis obeundi operis quasi typum gerunt, poris seminalibus ceu instrumentis ita dispositis, ut animalia inde, quodlibet suæ speciei, ex succo nutritio effigientur; quinto quidem die per simplex semen id factum, quod deinceps junctis utrisque maris & foeminae seminibus fieri debet. Ratio autem multiplicandæ brutæ speciei per *sex axiomata* ab Autore explicatur, illustraturque duorum seminum commixtio experimento, quo spiritus fortissimus nitri (vel ejus loco vitrioli) atque terebinthi, cum miscentur, statim flammam emittunt. Sunt itaque brutorum animæ corporeæ quidem & mortales, intelligentis tamen naturæ, sed immane differentis a ratione hominis. Non enim repugnat, res corporeas per Dei potentiam fieri sensitivas, dociles atque intelligentes, ut Dei laudem tam per structuram corporis, quam per vires animæ decantent.

Prin-

Princeps tandem creaturarum omnium, *Homo*, *Opus sexti diei* sequitur, ideo nobilior omnibus, quod & a Deo immediate factus, & similitudinem Creatoris sui gerat. *Corpus* constructum ex terra rubra, non communi, sed de *adamah*, id est, de terra quadam rubra, quæ erat terra selecta, terra pinguis, & per fermentationem facta rutila & corusca, adeoque in quintam quandam essentiam quasi reducta, quod & *Josephus* affirmat: ἀπὸ τῆς πυρρᾶς γῆς Φυγαδίωνος, *e terra rubra fermentata*; (hinc *Adam* rubinum quoque notat, Exod. 39, 10, & Ezech. 28, 13.) quæ venustas corporis peccato peritit. *Anima* ab ipso Deo inspirata *spiraculum viarum* dicitur, quod homo non sola hæc caduca vivat, sed & æternæ vitæ capax sit, angelis hoc ipso æqualis. *Multiplicatio* hominum per semina maris sceminaque attribuitur animæ cœlitus ortæ; hæc virtus est, quæ generationem prolis inchoat & perficit, unitumque semen primo movet per calorem suum æthereum, & quidem per tres primos menses alia omnia generationis agi ab anima, sine ulla matris ope, constat ex Embryonis historia *Harvæana*. *Nidum* autem *Ovorum* quod attinet, quem nonnulli putant se invenisse in mulierum testibus, irrita est opinio, ac plane subventanea, quæ non alia nititur ratione, quam quod earum testes sint glandulosi, & multis vesiculis consistent. Hæc vesiculæ deceperunt plurimos, qui illos censebant esse *ova*, & in illis ovis in uterum transmisissis homines generari, non secus ac in gallinis, aliisque animalibus fieri solet. Tota porro generationis ratio adeo involuta res est, difficilesque explicatus habet, ut non minus de illa, quam de aliis rebus dubitari possit. Animam infundit Deus, non demum tertio quartove mense, sed statim dum miscentur coeuntium semina, quæ mutuis illico viribus accenduntur, (non absimili modo, quo brutorum semina creduntur accendi,) adeoque ad animam, (cœlestem illam scintillam) recipiendam magis idonea redduntur; nam ut statim ab initio anima, artifex sui corporis, ad opus suum obeundum præsens sit, ordinavit Creator, quæ quidem tum temporis non carnali, sua tamen essentiali viget vita. Hæc anima una est, non tres, cum rationalis & vegetantis & sentientis facultates eminenter in se contineat. Membra corporis Deus ipse & omnia simul delineat, nam anima ideales species, aut typos, aut prima membra delineare non valet; si tamen aliquod membrum ante aliud sit genitum, cor il-

lud

Iud est, quod primo movet sanguinem per insitum cordi fermentum, in quo calor æthereus maxime viget. Hæc quia traductioni animarum, quæ admodum difficilis videtur Autori, adversa sunt, verisimilem esse a se propositam speciei propagandæ rationem, demonstrare nititur. Præterea homini naturam inesse metallicam cum cura prædicat, eamque omnibus sine discrimine, maxime tamen robustis; diversa etenim metalla prolici posse e visceribus animalium, ita ut nihil addatur, nec ullæ artes, aut mechanicæ rationes adhibeantur, nisi quæ dispersam mineram colligant, aut quod dilatum est, in angustum cogant, sic ut in crucibulo fundi possint. Ex carnibus & excrementis humanis extrahi naturas metallicas siccas fixasque; sic etiam ex humano sanguine prolici posse argentum vivum currens, idem omnino cum vulgari. Et ne quis existimet, huiusmodi metalla vel aliquo forte casu, aut vitio morboque, corporibus humanis ingesta fuisse, in omnibus, infantibus, pueris, adultis & senibus ea inveniuntur, quæ aliquando magis aureæ cupræque naturæ, frequentissime tamen ad plumbum vel antimonii regulum assimilanda videntur. Imo inest homini lucida igneque natura, cui cum Sole coelesti tanta amicitia intercedit, ut quoties ipsi liber congressus fiat, in mutuos amplexus ruant, tanta quasi libidinis effervescencia, ut ambientem prorsus aerem inflamment; id est, (ut rem clarius dicit Autor,) per artis operam, atque subtilitatem sophiæ, paratur ex humano corpore miranda Tinctura, ad instar Solis fulgida, cuius si vitrum chrysellinum plenum fuerit, ac ita locaretur, ut illud Solis radii, vel transfestram pertingant, extemplo coeunt & commiscuntur utriusque radii, tanto ardore, tamque exaggerata multitudine, (nam natura naturam amat, attrahit, & amplectitur) ut cito flammam concipiant; atque brevi tempore, ni separentur, incendium facient; prout suo magno periculo se comperisse affirmat, egregius ille physicus *Edwardus Genetolus Anglus* (in tractatu dicto: *Epitome Thesauri Sanitatis. Microcosmus* igitur est vere homo, universæ naturæ harmonicus: imo nobilior omnibus corporibus, (ne Sole, Luna, stellisve exceptis,) creatura censetur Mosis, qui ob dotes mentis originemque longe sublimius de eo sentit. Hæc benignissime contulit Deus, ab homine non sine grata submissaque præfatio-

fatione, dum tanta beneficia recolit, compellendus. Quæ subsequen-
tibus a 12 ad 20 Capit. tractat Autor, sunt uberior tum ex-
plicatio, tum confirmatio, tam ex Philologiæ, quam Philosophiæ ra-
tionibus, eorum, quæ in prioribus dicta sunt: brevi ergo solum
recensione opus habent. Agit Cap. 12 de *Creatione materia* ve-
re & proprie tali, contra æternitatem materiæ, quæ occasione e-
nunciati, *nihil unquam de nihilo gigni posse*, quibusdam conficta
est, cum antiquissimi Physici id solum de vi naturæ in productio-
nibus suis intellexerint, eoque qualitates atque formas substantiales
amovere studuerint. De *verum principii* cap. 13 agens, materi-
am illam, quæ non erat natura continua, sed in infinitas particu-
las dispersita, principium unum, nomine *Tobu* (id est, *rem con-*
fusam & inanem) alterum *Bobu* (id est, *vacuum*) tanquam prin-
cipium sine quo non statuit. Hoc res fieri sinebat, illud, *Tobu*, fa-
ctas constituebat. Sic Theodotion ea ἄδὸν, *nihil*, (id est, *rem*
quæ ante motum nihil præ se ferebat) & κενόν, *vacuum*, nomi-
nat. Græci veteres pariter duo rerum principia statuunt, τὸ πᾶ-
ν, *plenum*, quod res est, quæ spatium tenet, & τὸ κενόν, *vacuum*,
in quo res moveri possit. Asclepiades vocat ὄγκους, *moles*, &
πόρους, *meatus*. Democritus τὸ κενόν, *vacuum*, & τὰς ἀτόμους,
atomos, qui sunt ipsa materia in partes minutissimas a Creatore di-
visa. Cap. 14 de *matu materia prima* tractans, prolixus est in
explicatione vocis מֶרַחֶפֶת *merachephet* Gen. 1. 2. rejicitque affi-
ctam voci significationem fetus & incubationis, ut gallinæ solent
ovis excludendis insidere, monstratque motitationem particularum
a Spiritu Dei factam intelligi, prout & Phœnixes primum motorem
ventum seu spiritum, κοιλίαν (id est, קוֹל־פִּי מֵי־הַיָּם Col-pi-jah,
vox oris Dei) nominant. De *igne & lumine primigenio sive de*
celo primo cap. 15 agens, difficultates removet, quæ & ignem &
aquas illius cœli tangunt, monstratque experimento hydrargyri,
cujus plurimæ libræ ex ore retortæ horizontis polum respiciente,
vignis, vaporis ad instar, expellantur, omnes vero particule in aere
ita sustententur, ut ejus ne hilum quidem recidat (alias in pavimento
puro relapsum conspiceretur,) pariter attenuatos globulos aqueos
in cœlo primo sustentari posse, ad constituendas aquas supracœ-
lestes. Pari diligentia de *expanso vel de cœlo inferiore*, dein de a-

quis chaoticis & elementaribus, mox de terra chaotica & elementari differit Capit. 16. 17. 18. Et ne quid Mosaica hæc Philosophia detrimenti vel a Discipulis vel Doctore trahat, summa cura de Israelitis Ægyptiacis Cap. 19 agit, probrumque, quo gentem hanc, ut insulsam, stupidam, omni doctrina, sensu atque intelligentia, omnique pene humanitate vacuum, & tantum non brutam diffamant nonnulli, removet, atheorumque risum coercet, qui Deum spernunt, quod populum rudem atque stolidum præ cunctis habeat sibi pro dilecto, & tantum non brutum pro peculio. Per successiones populi sapientiam demonstrat, cui nec ipsa servitus in Ægypto obfuerit. Doctorem ipsum Moſen Cap. 20 a summa scientia Chemiæ & Astronomiæ commendat, quod imprimis artificiosissimæ & ex mysteriis sphiæ prodeuntes præparationes loquantur, quando 1. Vitulum aureum in aqua communi solverit, ita ut potuerit bibi. Hac occasione memorat Autor, aurum absque ulla arte Chymica, solo diuturno attritu in mortario chalybeo, reduci in pulverem, imo in liquorem potabilem; dein, minimo quidem, sed tamen Chémico artificio per tartarum vini Rhenani (nec ullius alterius, quantum ipse sciat,) frangi in ramenta perexilia, adeoque levia, ut eorum multa aliquandiu in superficie aquarum natent, ut bibi possint. 2. Oleum unktionis sacræ & suffitum aromaticum confecerit: quippe in oleo conficiendo sexaginta duæ libræ pulverum aromaticorum per bicongium olei olivarum reducendæ erant in oleum fluidum & fragrantissimum; hoc autem nisi per secretum illud Chémicæ molitionis ἐγχεῖσμα, per quod Hermetici veras essentias ac arcana sua perficere solent, nullo unquam modo parari potuit. Aromaticus autem suffitus constabat ex stacte & onycha, quæ vehementis est odoris, & castoreum redolet, &c. thure ac galbano (quod gummi est gravem atque foetidum odorem spirans) cunctis parili proportionem mixtis. Certe illud odoramentum per vulgarem artem confici nequiquam potuit; qua de re si quis aromatum coctor ullatenus ambigat, eat & periculum faciat, num compositionem, cui dimidia pars est onyx & galbanum, (altera autem sit stacte & thus) jucunde & delectabiliter olentem reddere queat. Nemo nisi qui probe noscit veras essentias ab omnibus suis internis sordibus amovere, ita ut puræ & incorruptibiles fere, fra-

fragranteque naturæ fiant, id præstiterit. Hinc & sacerdotes Hebræi, absumto hoc sacro suffitu Mosaico, cum e prædicta materia simile thymiaa facere non valerent, ad quatuor isthæc aromata addebant myrrham, cassiam, spicam nardi, crocum, costum, cinnamomum & suavem corticem, id est, cassiam ligneam, ut sepeliretur quasi iste gravis odor galbani, jucundiusque suffimentum fieret. Nec in Mose solum hæc Chemiæ scientia floruit, sed antiquior est, & jam Noë in arcæ fabrica usitata, quam arcam, ab omni externo aere solcite clausam, efficacia liquoris cujusdam luminosi, qui & simul nutritius fuerit, (prout in appendice monet) a difficultate respirandi, foetore &c. liberavit. Par fuisse creditur experimentum Cornelii Drebellii Belgæ, ad Londinum in Thamesi factum, ubi non pauci viri sub aquis in operta nave diu subsistebant; & quoties illis respiratio difficilior fieri cœperat, mox aperto vitro, & exhalante paulisper eo spiritu, redeintegrata fuit spirandi libertas, æque ac si ær recens intrasset. De quibus aquis proxime acturum esse d. ctissimum inque concentratione luminis expertissimum *Weidenfeldium* in secundo suo libro de *Medicamentis*, post paucos menses edendo, nec non in aliis suis libris de *Secretis adeptorum* deinceps evulgandis, promittit (librum ejus primum de usu Spiritus Vini Lulliani 1685 editum, insertum vide *Actis Erud.* ejusdem anni, mens. Febr. pag. 87.) Nihil itaque restat, quam ut *Autor Celeberrimus* ea, quibus condire hoc opus voluit, arcana tam de metallis humanis, quam tinctura Soli harmonica, hætenus occultata, paulisper notiora reddat, simulque *Weidenfeldium* oret, ut non solum *quatuor de secretis adeptorum* libros quam proxime luci committere publicæ, sed & de *quinto* reliquorum clave serio cogitare velit; quo fidelissima utriusque manu-ductione adjuti probi industriique Naturæ scrutatores, (si non omnino apertam transire liceat januam,) saltem propiori gradu Hermeticis mysteriis, post spes tam longas, admoveri queant.

*DIONYSII HALICARNASSEI DE STRUCTURA
Orationis liber, ex recensione JACOBI UPTON Etonensis A.
M. cum notis integris FRID. SYLBURGII Veterensis selectis-
que aliorum, & SIM. BIRCOVII Poloni exemplis Latinis.*

Londini, apud S. Smith &c. 1702, in 8.

Constat plag. dimid. 43.

Libellum hoc loco aureolum plane exhibemus, cujus argumentum quidem & autorem doctissimum pridem eruditi norunt, maximique faciunt: sed cujus pretium accurata Clarissimi Editoris opera seculo nostro fere duplicavit. Cum enim ipse Dionysii liber primo inter omnes, quos ad oratorem formandum ille conscripsit, loco habeatur, & solus ex omni Græcorum antiquitate de verborum constructione incolumis nobis restet; illum Clarissimus Uptonius ita hac editione adornavit, ut addi fere nihil a quoquam ipsi posse videatur. Accuratissimam *Frid. Sylburgii* editionem, quæ typis Wechelianiis A. 1586 excusa est, summa fide expressit, in multis superavit, castigatoremque & auctiorem nobis exhibuit: versionem hujus libri (qua ille in Sylburgiana plane destituitur) a Sim. Bircovio, Polono, in Academia Samoscenſi centum abhinc annis Professore, infelici admodum successu susceptam, ineptam, & ab autoris sensu sæpe alienissimam, plane immutavit novamque reddidit: integras *Frid. Sylburgii* notas e *Victorio*, *Mureto*, *Brodæo*, *Leopardo*, *Stephano*, *Cantero*, *Camerario*, *Xylandro*, *Wolsio*que excerptas, singulis libri paginis subjecit: ipsumque adeo nonnunquam in his, quod humanum est, errantem emendavit. Ipse denique e suo penu, *Casaubono*, *Vossio*, aliisque doctissimis viris, notulas elegantes addidit. In quibus ipsum interdum *Dionysium* notat, eumque p. 36. n. 15. in male structæ orationis vitium, quod in *Hegesia* taxaverat, incidisse; p. 69. n. 7. *Herodoto* populari suo nonnihil favere; p. 142. n. 19. *Demosthenis* verba non omnino accurate dimensum esse; ipsumque sibi, *Theopompo* jam mediocri dicendi genus, jam politum tribuendo, quodammodo contradixisse, p. 202. n. 7. animadvertit. *Sylburgium* in notis modo præter necessitatem quadam mutari velle, pag. 63. n. 2. p. 91. n. 5. p. 132. n. 1. p. 125. n. 8. p. 231. n. 16: modo sensum rite non explicare, p. 107. n. 6. p. 213. n. 36. &c. observat. Aliorum etiam quorundam, ut *Lindenbrogii* p. 3. n. 3. *G. Vossii* p. 9. n. 17. & p. 69. n. 5. *H. Stephani* p. 254. n. 23. &c. lapsus & errata modeste attingit. Cæterum, quod potissimum ipsi negotium fuit, Autorem jam

jam adductis aliorum, Latinorum imprimis Rhetorum, ut Quintiliani pag. 83. n. 2. Ciceronis, pag. 60. n. 1. p. 106. n. 2. Petronii p. 87. n. 12. Aristotelis p. 110. n. 10. testimoniis firmat: jam alatis pluribus exemplis, ut p. 54. n. 6. p. 226. n. 10. & alibi, illustrat, aliaque notatu digna admiscet: & pagina quidem 2. n. 1. Dionysii Longini judicium Dionysio Halicarnasæo præferendum: p. 68. n. 3. Thucydidi numeroſe dicendi laudem a Dionysio tributam, Cicerone cenſente, denegandam: & pag. 102. n. 27. locutionem, quam *uía* pro *πρώτη* ponitur, quam Ebræis propriam multi exiſtimant, & Joſephus ſingulari volumine probare voluit, Dionysio etiam uſurpatam eſſe, alia alibi diligenter obſervat: quod & in reſectis ad caleem libri Indicibus Bircoviique exemplis Latinis, Græcis Dionysii reſpondentibus, egregie præſtat: proſus ut & reliquos Dion. Halicarnasæi tractatus oratorios, verſione adhuc ornamentisque ſuis deſtitutos, pari modo a Viro docto ornari, ſicque rem literariam adjuvari optandum ſit.

HISTOIRE DE LA REPUBLIQUE DE VENISE.

i. c.

*HISTORIA REIPUBLICÆ VENETÆ, PER BAPTISTAM NANI, Equitem & Procuratorem D. Marci. Pars
Secunda. T. I. & II.*

Amſtelodami, apud Henricum Schelte, 1702, in 12.

Constant Alphab. 2. plag. 1. plurimis-
que fig. æn.

Jamdudum accuratiſſimos hoſce de rebus Venetorum Commentarios, Italico ſermone conſcriptos, verſare cœpit ætas noſtra, ut adeo non ſit, cur novitatis gratiam libro conciliare ſatagamus. Aſt cum poſtrema hæc pars præſenti habitu nunc demum in publicum prodeat, quo Abbas Tallemantius, Academiæ Richelianiæ haud ignobile nomen, ante hos XX circiter annos priorem induerat, Hiſtoriæ ſtudioſis id indicare, noſtri muneris eſſe duximus. Pluribus enim expeditior eſſe ſolet ſcientia linguæ Gallicæ, quam Hetruſcæ, illisque adeo nuncium ſit, oportet, longe acceptiſſimum, verſionem tam celebriſ Hiſtoriæ integram tandem proſtare. Præ-

terea anonymi nostri Interpretis, qui ex modestia post tabulam latere voluit, impensam operam vel ideo ad palatum fore iudicamus, quoniam Autoris sui mentem fideliter & copiose non modo exprimere studuit, & sicubi archetypi verba peregrini idiomatis ornatum haud omni ex parte admiserunt, in infima pagina vel ad marginem illa collationis instituendæ causa locavit, verum etiam observatiunculas subinde adpersit, quæ Lectoribus penitiorem locorum & dignitatum notitiam recludunt. Ipsi autem Historiæ filum ab anno superioris seculi quadragesimo quarto, usque ad annum septuagesimum primum pertendit, diuturni illius belli Cretici, a Venetis magna armorum contentione cum Turcis gesti originem, successus atque exitum imprimis complectens, ita tamen, ut, quemadmodum Principum & Rerum publicarum in Europa commoda ad instar ingentis horologii se habent, in quo unius rotulæ motu reliquæ fere omnes circumvertuntur, sic quoque Excellentissimus Autor patriæ suæ res traditurus, præcipuos totius Europæ eventus compendiose quidem, sed tanta cum cura in conspectum agat, ac si testis ocularis ubique adstitisset. Quod eo minus mirum videri debet, modo perpendatur, eum splendidissimas Legationes ad Regem Galliarum, Imperatorem nostrum & Pontificem Maximum diversis vicibus obiisse, summos insuper in Republica sua honores sustinuisse, denique e plurimis aliis a Senatu unice fuisse delectum, ut patrias res consignaret. Satis enim superque omnia ista arguunt, illum & voluisse & potuisse non nisi vera atque exacte comperta memoriæ tradere, ut optandum omnino esset, non aliis, quam similis dignationis vitis Historiographi spartam demandari.

LIBRI NOVI.

Nouvelle Bibliotheque des Auteurs Ecclesiastiques, par Mr. L. Elties Du Pin. Tome XIII & XIV. Des Auteurs du XVI Siècle de l'Eglise. A Paris, chez André Pralard, 1703. 4.

Legum Mischnicarum Liber, qui inscribitur Ordo Sacrorum, cum Maimonidis & Bartenora Commentariis integris. Latinitate donavit ac Notis illustravit Guilielmus Surenhusius. Pars V. Amsteladami excudunt G. & J. Borstii, 1702. fol. Nico-

- Nicolai Görtleri *Systema Theologiae Propheticae*. Amsteladami apud Rorstios, 1702. 4.
- Samuelis Pufendorffii *Introductio ad Historiam Europaeam*, Latine reddita a Jo. Frid. Cramero. Editio tertia Compendio Historiae Sueciae aucta. Ulterajecti, apud Guil. van de Water, 1703. 8.
- Laurentii Begeri de Nummis Cretensium serpentiferis *Disquisitio Antiquaria*, qua Cretensium ab Asia, Asiaticorumque a Serpentibus credita origo adstruitur. Colonia Marchica, typis Ulrici Liebperti, 1702. fol.
- Colloquii quorundam de tribus primis *Thesauri Antiquitatum Graecarum voluminibus ad eorum Authorem Relatio*. 1702. fol.
- Acta *Litteraria ex Manuscriptis eruta atque collecta*, cura Burcardi Gottibelfii Struvii. Jenae, apud E. Cl. Baillar, 1703. 8.
- Arcana Bibliothecae Thomanae Lipsiensis sacra, relecta a M. Heinrich Pippingio*, in Aede Thomana Verbi Divini Ministro. Lipsiae apud J. L. Gleditschium, 1703. 8.
- Antonius Sidobre de *Variolis & Morbillis*. Accedit Caroli Drelincurtii de eodem argumento *Dissertatio*. Lugd. Bat. apud Andr. Dyckhuysen, 1702. 8.
- Traité des Aliments*, par M. Louis Lemery. A Paris, chez J. B. Cusson & P. Wüte, 1702. 12.
- Recueil des Voyages qui ont servi à l'Etablissement & aux Progrès de la Compagnie des Indes Orientales dans les Provinces Unies des Pais-bas*. A Amsterdam, chez Estienne Roger, 1702. 12.
- Memoires du Comte de Vordac, General des Armées de l'Empereur*. Sur la copie imprimée à Paris, chez Gu. Cavalier, 1703. 12.
- L'Ecole du Monde, par Mr. Le Noble. Nouvelle édition. Suivant la copie à Paris, chez Martin Jouvenel, 1702. 12.
- Histoire Abrégée d'Espagne*. Traduit de l'Anglois. A Utrecht, chez Guillaume Poolsum, 1703. 12.
- Les *Metamorphoses d'Ovide*, avec des nouvelles Explications Historiques, Morales & Politiques sur toutes les Fables. Edition nouvelle, enrichie de tres-belles Figures. A Amsterdam, chez P. & J. Blaeu, Janssens à Waesberge, Boom & Goethals, 1702. fol.

- Dictionaire Royal, François & Anglois. Par Mr. Boyer. A La Haye, chez Adrian Moetjens, 1702. 4.*
- De Tribus Judaorum Sæclis opuscula Nic. Serarii, Joh. Drusii, Jos. Scaligeri. Jacobus Triglandus Diatriben de Sæcla Karaorum adjecit. Delphis, apud Adr. Beman, 1703. 4.*
- Christoph. Helvici Elenchi Judaici, Antonii Probi Oratio de Monarchia regni Israël, Raph. Eglini Captivitatis Babylonica Historia. Cum Thoma Crenii præfatione, notis & indice. Lugd. Bat. apud Abr. de Swart, 1702. 4.*
- The History of the Apostles Creed, with Critical Observations on its several Articles. Londini, apud Jonathan Robinson, 1702. 8.*
- Apologie de la Mission de S. Maur Apôtre des Benedictins en France, par Dom Thierry Ruinard. A Paris, chez Pierre de Bast, 1702. 8.*
- Histoire de l' Academie des Sciences. Année 1699. Avec les Memoires de Mathematique & de Physique pour la même année. Tirez des Registres de cette Academie. A Paris, chez J. Boudot, 1702. 4.*
- Les Origines de la Ville de Caën & des Lieux Circonvoisins. A Rouën, chez Maury, 1702.*
- Constitutiones de Primitivis R. Moysi F. Maimonis, collatis quibusdam editionibus cum versione Latina & notis philologicis exhibitæ a Johanne Rodolpho Cramero, Tigurino. Lugd. Bat. apud Henr. Teering, 1702. 4.*
- Momentum Controversia de Morte Corporali, ponderatum & explicatum a Jac. Rhenferd, ad tollendas suspiciones & minuendas lites, Franquera, apud Franc. Halmam, 1702. 4.*
- Christiani Schlegelii de Nummis antiquis Isenacensibus, Mulbushinis, Norrbushinis & Weissenfensibus Exercitatio Historica. Jena, apud Jo. Bielckium, 1703. 4.*
- Sanctorii Sanctorii de Statica Medicina Aphorismorum Sectiones septem: cum commentario Martini Lister. Editio nova. Lugd. Batavorum, apud Corn. Boutestein, 1703. 12.*

*** *** ***

ACTA ERUDITORUM,

publicata Lipsiæ

Calendis Februarii, Anno M DCCIII.

*THEATRUM PRUDENTIÆ ELEGANTIORIS, EX
Jussu Lipsiæ Libris Politicorum erectum a JO. FRIDERICO
REINHARDO, Regio atque Electorali Consiliario Saxo-
nico. Cum præfatione CONR. SAM. SCHURZ-
FLEISCHII.*

Vitembergæ apud J. G. Meyerum & G. Zimmermannum, 1702, 4.

Constat 10 Alph. 20 plag.

Cum permagna sit prudentiæ civilis utilitas, præsertim ejus, quæ elegantiam habet adjunctam, fieri aliter non potest, quin idoneæ rationes & præcepta ab arte, exempla autem & adjumenta agendi ab historia & rerum usu petantur. Quod institutum laudis plenum cum pari dexteritate suscepit inclyti nominis Vir, *Joannes Fridericus Reinhardus*, Regius & Electoralis Consiliarius Saxonicus, qui cum in maximis patriæ negotiis summa cum dignitate versatur, tum a se non alienum duxit, rationem inire, quemadmodum civili doctrinæ novum decus ornamentumque afferret. Quo in opere non tantum has partes agit, quæ ad interiorē disciplinæ civilis cognitionem spectant, sed etiam in tractandimunere aptissimum, & J. Lipsio similimum ordinem servat, multis vero & prope infinitis accessionibus res ab eo traditas adauget. Prius vero, quam in hanc viam ingressus est, luculenti, quod emisit, operis dedicationem Potentissimo, & primo Christiani nominis in Prussia Brandenburgica Regi, FRIDERICO, sacram esse voluit, cui non minus religionem

G

ori-

originarii civis , quam gratulationem devoti clientis , publice testatam fecit , adeo ut magnitudini regię scribendi facultate responderet pariter , atque in epistola orationis panegyricę dignitatem comprobaret . Tanta enim gravitate scripsit , ut omnium seculorum ætas jure aspiat , vota que nuncupata libenter legat , & posteritas exemplum pietatis imitetur . In opere , cui titulum scite prorsus & apposite fecit , perpetuus continuatusque commentarius inest , in quo perpulchrę animadversiones , quę historię & prudentię civilis interlunt , tanquam genimę , claris nativę bonitatis signis passim lucent , & suo quęque loco nitorem servant . Ceterum fundamento imperiorum religione & justitia præstructo , quædam Lipsii consectaria , quę nonnihil ab utraque reflectunt interdum , caute legenda , & scopulorum instar vitanda admonet ac tempestive docet . Simul idoneos verę & elegantis prudentię fontes aperit , & modo exemplis instruit , modo rationibus confirmat , memorabiles ubique sententias , ex veteri & nova , inprimisque ad hodiernas res utili historia subjungens . Ut adeo hic in togę bellicę negotiis sive adjumenta , sive ornamenta , quibus theatrum elegantioris prudentię tanquam ex columnis , quę sex Politicorum Lipsii libris respondent , constitutum est , omnino reperiamus . Casus etiam , eventorumque capita , ad regulas doctrinę civilis exigit , & pulchre expendit , atque elegantiam cum utilitate conjungit . Digressiones quoque instituit , quę concinnitatem operis augent , & prudentię condimenta sunt , & eo majorem elegantiam conciliant , quoniam non modo ad facta , eorumque causas , sed etiam ad elogia , & variam multiplicemque notitiam omnis generis scriptorum referuntur . Quibus rebus illustris Auctor ad verum decus omnia subsidia comparavit , ut non tantum ad elegantio rem prudentiam , sed etiam ad elegantiores quasque doctrinas . & ipsa adeo humanitatis studia , viam communestret . Plura deinceps ab illustri Viri locupletissimo penore , quę ad res Germanicas seposita reconditaque habet , expectamus .

*A SHORT VIEW OF THE CHRONOLOGY
of the Old Testament &c.*

h. c.

BRK-

BREVIS CONSPECTUS CHRONOLOGIÆ VET-
eris Testamenti & Harmonia quatuor Evangelistarum. Aucto-
re GUILIELMO WHISTONO, M. A. & Mathe-
maticum in Academia Cantabrigiensi Professo-
re.

Cantabrigiæ ex typographia Academica. Prostat Londini
 apud B. Tooke, 1702, 4.

Constat 3. Alph. 2. pl.

Cum sacra Chronologia plurimis adhuc defectibus scatere visa
 fuisset Clarissimo Auctori, ille eandem ut magis expoliret
 pleniusque excoleret, præsentem librum luci publicæ exposuit.
 Dum vero eum recensere aggredimur, nemo a nobis expectet, ut
 singula, quæ erudite insperguntur, attingamus, aut, quomodo
 difficultates Chronologiæ hinc inde occurrentes evoluantur, pro-
 lixe exponamus: potius partes nostras implevisse videbimur, si
 hypotheses, quibus omnis computandi ratio superstruitur, ea
 qua fieri potest brevitate enarremus, Lectoremque adeo de Aucto-
 ris sententia certiore quodammodo reddere studeamus. Quem-
 admodum ergo Whistonus in hocce libro mathematico scribendi
 genere usus est, ita primum V. T. Chronologiam expositurus,
 sex postulata, quæ vocant, seu axiomata in medium producit, in
 quorum primo, obivum sive litteralem Scripturæ sentium, nisi ratio
 quædam evidens obstet, verum realemque esse adserit. In
 secundo, & duobus aut pluribus cujusdam loci sensibus, cum au-
 thentico textu æque conspirantibus, illum semper præferendum
 esse docet, qui cum reliquis Scripturæ dictis, & veterum aucto-
 rum testimonio magis convenit. In tertio, statuendum esse scri-
 bit, quenivis scriptorem communi stylo, anno & computatione
 ævi sui suæque gentis usum fuisse, nisi aliæ rationes contrarium
 suadeant. In quarto, sperandum esse ait, fore, ut difficultates in
 sacris litteris adhuc reliquæ, si nempe diligenter examinentur, ead-
 em ratione evoluantur, qua hæctenus plurimæ ejusmodi difficulta-
 tum, licet primum insuperabiles visæ sint, fuerunt resolutæ. In quin-
 to, antiquissima mundi ætate, cum longævitas hominum eos ma-
 gis validos, sanos atque vegetos, quam hodie, argueret, tempus

Axiom.

I.

II.

III.

IV.

V.

solobis procreationi aptum, ex proportionis normâ æque definitum esse dicit, ac nostro seculo, quo vitæ mortalium brevitatis majorem corporis debilitatem atque infirmitatem indicat. Ita si ab anno 14 usque ad 60 homines procreationi idonei credantur nostris temporibus, quibus ultra octogesium ætatis annum paucissimi procedunt; tempus generationis ab eodem anno 14 usque ad sexcentimum tum durasse dicendum esse, cum homines octingentesimum ætatis annum attingerent. In sexto adfirmat, quod, si Græcus N. T. textus, utpote authenticus, in Harmonia quatuor Evangelistarum, omnium confessione observandus sit, textus Hebraicus V. T. in Chronologia V. T. itidem tanquam dux respici debeat. Neque magis æquum esse, septuaginta-viralem versionem Veteris T. Ebræo, quam vulgatam Latinam Novi Testamenti Græco textui præferre.

- Hypothes. I. Hisce sex axiomatibus, absque ulla ulteriori deductione propositis, octo hypotheses sive observationes subjungit Auctor, quorum summa huc redit: Providentiam divinam in variis revelandi methodis, quibus ipsa usa sit, duplicem cumque admodum discrepantem scopum habere, nimirum tum malorum cespitationem atque lapsum, tum bonorum incrementum ac ædificationem: hos, utpote mansuetos, dociles, diligentes ac virtuti deos instruendo; illos vero, tanquam superbos, obduratos, ignavos atque profanos, de iis, quibus instrui possent, celando. Propterea non mirum esse, quod iste liber, qui voluntatem Dei revelatam continet, ita sit conscriptus, ut ad pios exercendos, impios vero magis occæcandos, contradictiones varias, quamvis non reales, sed adparentes solum, comprehendat. Cum vero ipse Auctor hanc sententiam paradoxam videri moneat, eam non modo Scripturæ sacræ dictis, e. g. ex Jes. VI, 9. 10. Dan. XII, 10. Matth. XI, 25. 26. XIII, 10. 15. Luc. XII, 21. VIII, 10. Marc. IV, 10. 11. 12. Jo. VII, 17. IX, 39. XII, 37 - 40. aliisque locis confirmare nititur, sed etiam cum justitia atque bonitate Dei maxime convenire existimat, quod & hominum quorundam malitia hanc vindictam divinam mereatur, & Deus constantem nec ulla ratione corrigendam eorum impietatem prævideat, & increduli hac ratione magis excusabiles redantur, mitioribus ideo pœnis adfligendi. Porro Whistonus statuit,
- III.

tuit, Historicos sacros cujusque Regis imperium ab illo tempore computare, quo primum suprema potestate potiti fuerint, quamvis eam vivis adhuc antecessoribus suis exercuerint, qua quidem in re a profanorum Auctorum consuetudine recedant. Eosdem sacros Historicos exacte inter regnum *imperfectum* atque *completum* distinguere; quorum illud tempus respiciat, antequam Reges regiam civitatem obtinerent, & ejusmodi phrasibus exprimatur, *Hic regnavit in Israel, aut Juda*; hoc vero tum intelligatur, cum urbem regiam Reges habitarent, & ita innuatur: *Hic regnavit Hierosolymis, Tirza, aut Samaria*, sive: *Hic regnavit per omnem Israel, aut per omnem Judam*. Interregna, qualia in reliquarum gentium annalibus consignata leguntur, aliquando etiam in Regum Israeliticorum atque Judaicorum historia præsumenda esse. Annos in Chronologia sacra accuratissime computari, nec annum notatum pluribus quam sex mensibus a se ipso vel prorsum vel retrorsum discedere. Neque tamen hanc exactam annorum computationem impedire, quo minus sacris scriptoribus, perinde uti aliis quibusvis, liberum fuerit, aliquando in enarrandis levioris momenti factis, rotundo quodam numero pro magis certo uti. Ita Genes. XV, 13. numerum 400 annorum inveniri, cum tamen ex Chronologia aliis in locis accuratius tradita, annos 405 numerandos esse pateat. Vitam denique hominum non prius usque ad 70 aut 80 annos decessisse, quam temporibus Regis Davidis; id quod exemplorum inductione Auctor probat.

Octo hypotheses seu observationes, quas jam enumeravimus, sequuntur XVII Propositiones, quas ita, uti Whistonus eas exhibuit, in medium proferre liceat. I. Optimus ac utilissimus in Chronologia sacra, ubi sacri scriptores silent, daduchus est Ptolomæi Mathematicus Canon. II. Ille annus Judaicus, secundum quem divini auctores, post diluvium, aut saltem post exitum Ægyptiacum, varia intervalla computant, erat aut vere Solaris, aut Lunaris idoneis intercalationibus Solari ita adaptatus, ut quodammodo comparari cum hoc potuerit. III. Annus, quem Jeroboamus instituit, cum decem tribus ad idololatriam perduceret, atque adeo annalibus regni Israelitici partim uteretur, undecim saltem mensibus constitit, & ad revolutionem usque, quæ Jchu temporibus

IV.

V.

VI.

VII.

VIII.

Propos.

I.

II.

III.

- IV. bus evenit, duravit. IV. Contradictiones istæ adparentes, quæ in libris historicis post captivitatem Babyloniam scriptis, nempe in Chronicis, nec non Ezræ ac Nehemiæ monumentis, occurrunt, non pro veris difficultatibus, quæ ex ipsa V. T. Chronologia ortum trahant, sed potius pro exemplarium nostrorum sphalmatis reputandæ sunt. V. Annorum series a creatione usque ad æram Christianam conjunctim considerata, in numerum maximarum difficultatum, quas Chronologia V. T. habet, referenda haud est. VI. Abrahamus natus fuit, cum pater ipsius Terah centum & triginta annos impleisset. VII. Periodus 430 annorum, quibus Israelitarum peregrinatio duravit, non ad illud tempus, quo in Ægypto subsisterunt, restringenda est, sed potius omne præteritum spatium includit, ex quo Abrahamus Cananæam terram ingressus est. VIII. Idem 430 anni ab eo tempore initium capiunt, quo Abrahamus 75 annos natus erat, & de Haran egrediebatur. IX. Spatium quod inter egressum Ægyptiacum & templi Salomonæi fundationem intercedit, 480 annos complectitur. X. Inter initia regni Rehoboami, Regis Judæ, & eadem Ahaziz, Regis Judæ, nec non Jehorami, Regis Israel, a Jehu peractam, anni novem & sex circiter menses interpositi fuerunt. XI. Spatium interregni Jehu, Regis Israel, & Athaliz, Reginæ Judæ, primordia, & inter captivitatem decem tribuum sub Shalmanefaris imperio, annos 163 & menses duos comprehendit. XII. Inter captivitatem decem tribuum, & conflagrationem templi, intervallum 134 annorum & duorum mensium circiter interjacet. XIII. Celebris illa Judæorum captivitas, quæ ad septuaginta annos duravit, a primordiis regni Nebuchadnezzaris, Babyloniz Regis, & anno imperii quarto Jehojakimi, Regis Judæ, initium cepit. XIV. Chronologiam regnorum Israel & Juda, celebre Ezechielis vaticinium, quod capite IV, v. 5. 6. extat, maxime stabilivit. XV. Spatium, quod conflagrationem templi & initium æræ Christianæ intercedit, 587 annos & quatuor circiter menses efficit. XVI. Chronologia Sinensium, si recte intelligatur, accurate convenit cum ea, quam V. T. textus exhibet. XVII. Computatio numeri hominum jam jam in orbe viventium, & spatii, quod juxta proportionem multiplicationis & incrementi eorum, ad complendum istum numerum requiritur, itidem

dem

dem eam V. T. Chronologiam confirmat, quam Hebræus codex nobis suppeditat.

His omnibus itaque fundamenti loco præmissis, ipsum cano- nem Chronologicum, ab orbe condito usque ad æræ Christianæ initium, sequentem in modum exhibet : Ab autumnali æquinoctio, creationi primi hominis proximo, ad illud, quod in finem diluvii incidit, annos 1656 ; hinc usque ad Abrahami de Haran egressum, annos 426 & menses sex ; hinc usque ad exitum Ægyptiacum, an- nos 430 ; hinc ad ædificationem templi Salomonis, annos 479 & mensem unum ; hinc ad hujus conflagrationem, annos 424 & tres menses ; hinc ad initium æræ Christianæ 587 & menses quatuor computat, quæ periodi si conjunctim sumantur, annos 4003 du- osque menses efficiunt.

Et hæc quidem, subjunctis ad calcem tabulis Chronologicis Regum Israeliticorum ac Judaicorum ; circa V. T. Chronologi- am Whistonus monet. Jam ad quatuor Evangelistarum Har- moniam gressum promovet, illiusque brevem conspectum exhibi- turus sequentes propositiones lectoribus ob oculos ponit. I Qua- tuor Evangelia nequaquam narrationes confusæ sunt, sed potius a- storum Christi annales ita conscripti, ut in illis methodus ac tem- poris ordo omnino observetur. II. Prior Evangelii Matthæi pars in nostris codicibus perperam collocata conspicitur, dum methodo ac temporis ordini, quem tamen maxime Evangelista intendit, ad- versatur. III. Singuli Evangelistæ in omni historia, quam enarrant, temporis ordinem studiose observant. IV. Matthæus, Marcus & Lucas, qui juxta antiquorum pariter ac recentiorum interpretum sententiam, stante adhuc Judaica republica Evangelia sua conscripse- runt, Judaica computandi ratione utuntur, adeoque ab ortu Solis diem, ab illius vero occasu noctem ordiuntur. V. Joannes, qui, uti omnes interpretes consentiunt, longo intervallo post Hierosoly- mæ devastationem & reipublicæ Judaicæ interitum Evangelium su- um composuit, Ephesi, in urbe a Judæa longe disita & sub Roma- na ditione sita degens, Romana aut Juliana numerandi ratione utitur, horasque perinde ac nos hodie, a noctis ac diei medio computat. VI. Similitudo, quam quædam conciones atque mira- cula Servatoris nostri, in diversis Evangeliiis memorata, inter se ha- bere

bere videntur, non satis probat, illa esse eadem, si ordo historię diversis ea temporibus adscribenda esse doceat. VII. Prior Evangelii Joannis pars, usque ad sextum caput, primordia ministerii Servatoris enarrat, quod ante ceptam publicam evangelii prædicationem in Galilæa privatim exercuit. VIII. Ministerium Christi, tum quoad prædicationem, tum quoad baptismationem, tum quoad miracula, mox post Joannis Baptiste ministerium, prope initium anni decimi quinti Tiberii Cæsaris, adeoque diu ante baptismum ipsius ceptum est. IX. Paschata, durante Christi ministerio, quinque numero inciderunt. X. Primum eorum A. D. 29 fuit celebratum. XI. Conscriptio Judæorum mox ante Christi nativitatem instituta fuit, ipsum vero tributum non prius, quam Archelao in exilium misso, ac Cyrenio Syriæ gubernaculis admoto, fuit exactum. XII. Herodes Judæorum Rex septimo die mensis Casleu sive 25 Novembris A. P. J. 4710, adeoque tribus annis & supra mensem ante æram Christianam, diem supremum obiit. XIII. Joannes Baptista initio Septembris A. P. J. 4709 conceptus fuit. XIV. Servator noster ante Herodis mortem mense circiter natus est. XV. Genealogia, quam Matthæus consignavit, Josephi, Mariæ conjugis, familiam respicit. XVI. Genealogia, quam Lucas conscripsit, est ipsius Servatoris e Maria nati. XVII. Genealogia, quam Lucas a Maria deduxit, ab ea Josephi, quam Matthæus exhibet inde a Davidis temporibus, plane diversa est. XVIII. Servator noster per integrum duorum annorum & sex mensium spatium, nempe a secundo Paschate usque ad tabernaculorum festum mortem ejus antecedens, ab Hierosolymis absuit. XIX. Quamvis Servator & reliqui Judæi omnes pascha usitato tempore, nempe vespertino, post decimum quartum diem mensis Nisan manducaverint; Synedrium tamen Judaicum, aut saltem maxima illius pars, illud demum proximo mane inter secundam & quartam horam celebrarunt. XX. Christus 3 Aprilis A. P. J. 4746, qui est A. D. 33, cruci adfixus fuit.

His ergo propositionibus adductis, ipsam Evangelistarum harmoniam Auctor exhibet, & fixis a Joannis conceptione, usque ad Christi in cœlum adscensionem, certis periodis, quatuor Evangelistarum historiam ita imprimi curavit, ut ea, quæ conjungenda sunt, sibi

sibi invicem accurate respondeant. Quo vero illa, quæ prolixius dicta fuerunt, lectores in compendio legere queant, istam quatuor Evangelistarum harmoniam, quæ maximam libri partem efficit, in fine ejus in epitomen redegit, atque præterea Canonem Ptolomæi Astronomicum subjecit, utpote quem Noster summa auctoritate pollere arbitratur.

THOMÆ CRENII ANIMADVERSIONUM PHI-
lologicarum & Historicarum Pars XI.

Lugduni Batavorum, apud Abrah. vander Myn, 1702, 8.
 plag. 18.

A Nimadversionum Doctissimi Crenii pars undecima, Henrico Eschero, amplæ spei Juveni, Henrici, Consulis hodie Tigurini, nepoti inscripta tantum abest, ut a partium antecedentium Decade, si eruditionem spectes, recedat, ut novæ potius decadis, quam cum litterato orbe imposterum communicatum iri speramus, dignissimum auspiciū nuncupari mereatur.

Et pro recepta quidem consuetudine, a variis Autorum quorundam celeberrimorum editionibus initium fit, locusque primus hac vice assignatur Appulejo, (ita enim, non Apulejus, scribendum esse nomen hoc statuitur,) quem mox Historiæ Augustæ scriptores minores excipiunt, & his postremo Statius Poeta comes additur. Sed major est illorum scriptorum numerus, quorum libros in repetitis editionibus non raro castratos esse a Pontificiis, Autor observat, ex qua classe Emanuelem Sa, Didacum Stellam, Alphonsum a Castro, Theodorum Bezam, Jo. Cantacuzenum & Georgium Phranziam nominare placet. Non in omnibus Bibliorum interlinearium Benedicti Ariæ Montani, Antverpiæ A. 1584 editorum, atque a Theologis Lovanienſibus approbatorum, exemplaribus verba hæc: *acceſſerunt & huic editioni libri Grace scripti, quos Ecclesia oribodoxa Hebraeorum Canonem secuta inter Apocryphos recenset, cum interlineari interpretatione Latina ex Bibliis Complutensibus petita*, reperiri p. 96 innuit, istaque occasione & de Bibliis polyglottis, ejusdem Ariæ Montani studio atque opera, Philippi vero II, Regis Hispaniæ, jussu atque liberalitate, A. 1572 ex officina

H Chri-

Christoph. Plantini, Antverpiani typographi, editis prolixè dis-
serit.

Multum juvant & delectant judicia non minus ac litterarum
narrationes aliarum, quæ de Petro & Andrea Colviis p. 16. & 35. de
Caspare Gevartio p. 70. f. Emerico Cruceo p. eadem, Sibrando
Luberto, p. 120. Sam. Marefio, p. 124. Draudio, p. 193. Bellar-
mino p. 199, Hermanno Buschio p. 265 aliisque suppeditantur.
Ex his notatu imprimis dignum est singulare fatum Colvii, qui
post multos labores in Asinum Appulejanum impenso, calce mulæ
ictus petiisse p. 17. memoratur. Quorundam scripta in locis præ-
cipuis examinavit Autor, & Nicetæ præ reliquis Choniata The-
saurum orthodoxæ fidei, p. 233. f. Aliorum errores reteguntur, ut-
pote Levini Torrentii, p. 236. f. ut plures ne attingamus. De Ar-
ristotele, an Judæus a Clearcho Peripatetico dicatur? p. 107. &
an illius fœtus genuinus sit liber de mundo? p. 111. disquiritur.

Neque tamen circa solos Autores occupatur Noster, sed
erudita quoque passim interspergit alia, velut ubi de symbolis Vi-
rorum Clarissimorum, p. 128. sqq. de corvis sitibundis, p. 168. de
prima horologiorum inventionem, p. 169. de difficultate versionem
per omnia elegantem atque accuratam adornandi, p. 203. f. de poly-
gamia apud nationes plurimas olim recepta, p. 230. agit. Phi-
logica sunt, quando, quid annonæ vox in singulari & plurali
notet? p. 171. quæ sit Hispaniæ etymologia? p. 197. num juvenia,
juvenilitas & juvenus recte dicantur, & quæ sit vocabulorum ho-
rum differentia? p. 263. disputat.

Loca Scripturæ Neh. II, 8. p. 157. Dani. VII, 24. p. 159. Job.
XXXIII, 29. p. 160. 2. Cor. XII, 8. p. 162. Jes. XXXIV, 14. p. 166.
1. Reg. XX, 11. p. 170. illustrat.

E manuscripto quodam Morhofii de historia litteraria &
locis communibus, exemplum producit p. 76. f. excerptorum
eriticorum & exegeticorum e Statio. Ex epistolis vero nunc pri-
mum publicatis, ob elegantem, quam præ se ferunt, eruditionem,
præ cæteris duæ illæ commendari merentur, quas ad Autorem scrip-
psit Wunstorfensis Præsul, D. Polycaerus Lyserus, quæque p. 186. f.
comparent.

Jenæ, apud Ernestum Claudium Baillar, 1763, 8.

pl. 14.

Cum in multis Germaniæ Academiis mos invaluerit, ut variz vel
Observationes, vel acta & recensiones ad rem litterariam spectan-
tes edantur, non a munere suo alienum putavit Auctor Clarissi-
mus, quin in Salina Academia idem primus tentaret, diverso ta-
men ab aliis instituto. Cum enim alii in libris editis recensen-
dis occuparentur, (quod ipsum quoque singulis hebdomadibus, in
conversatōnibus litterariis ab eodem institutis, ibidem agitur)
ipse de manuscriptis agere constituit: ita ut quæ ex bibliothecis
nancisci poterit *avîndata*, vel inserat integra, si non adeo ma-
gnæ molis, vel eorundem saltim recensionem suscipiat, eadem se-
cundum auctorem, ætatem, ornatum, contenta vel criteria alia exa-
minando: sæpe, si impressa, jam cum editis conferendo. Præ-
mittit huic parti, quam primam esse voluit, de criteriis manuscrip-
torum elaborationem propriam, ubi primo de auctoribus agit, qui
ad hæc cognoscenda inservire possint, in quibus commendat præ-
ceteris Mabillonium. Deinde pergit ad scribendi modum, quem
varium fuisse dicit, velut in arborum foliis, corticibus, saxis, cera,
linteo, plumbo, ligno, ebore; suæ autem tantum consideratio-
nis facit chartam atque membranam, & quidem hujus usum an-
tiquissimum esse dicit. Hæc excipit forma codicum, quæ frequen-
tior in modum libri: hanc scriptura, quæ fiebat vel atramento,
vel minio, quo ultimo etiam rubricas distinguebant. Pretiosioris
autem commatis codices facit, qui in membranis purpureis auro ar-
gentoque descripti, vel auro & variegatis coloribus fuere distincti,
qui dicuntur codices aurei vel argentei. Circa picturas vero co-
dicum adnotat, simpliciorum circa figurarum proportionem & co-
lorum mixtionem fuisse præcæ ætatem; in puris coloribus ac-
curatiorum. Progreditur ad varia scripturarum genera, ubi pri-
mo de litteris Latinis agit, e quibus quadratas fuisse antiquissimas
probat, ita tamen, ut in familiari scribendi consuetudine rotundis
uterentur, quæ ob celeriorescriptionem quasi in globulos eur-

varentur. Ab his tamen & majusculis distinguit adhuc unciales, quæ uncia, seu pedis duodecima parte constabant: scripturam tamen minutam, uti quidam velint, apud Romanos in usu fuisse, plane non concedit. Hanc scripturam quadratam & majusculam mansisse dicit usque ad seculum V, ita ut nulla alia fuerit in usu. Ab hac scriptura antiquissima progreditur ad interpungendi modos, & quidem ubi nullæ nec vocum nec periodorum extent distinctiones, summam notam esse dicit antiquitatis: postea voces, hinc sententias tantum absolutas punctis cœpisse interdistingui, litteris tamen inter se connexis. Seculo demum quinto distinctiones, prout hodiernum usitatæ, cœperunt, sed cum privati adhuc usus essent, Carolus M. demum distinctiones restituit. Tertiam antiquitatis notam ponit in orthographia, cum loco diphthongi poneretur *e* simplex; littera *i* in codicibus antiquissimis nullo puncto præfixo adpreat, nullæ vel rariores abbreviaturæ. Tandem antiquissimos codices ab uno tantum membranæ latere scriptos ait. Progreditur ad scripturarum varietatem, prout per secula invaluerit. A seculo V quidem invaluisse dicit litteras Gothicas sive Toletanas, ab Ulphila inventas, quæ perperam cum Runicis confundantur. Illarum autem alphabetum adducit, atque per hos characteres Romanas etiam litteras fuisse depravatas, ex scriptura Pandectarum Florentinarum præbat. Post medium sæculi sexti invaluisse dicit scripturam Langobardicam, quæ communis usus fuerit facta, quæ vel majuscula erat, vel minor. Potiores litteræ cum nostris, quibus adhuc utimur, conveniunt, nisi quod calamo crassiore fuerint exarata, post sensim factæ nitidiores. Maxime vero nitor litterarum seculo nono & decimo cœpit, ita ut calligraphia pro nota antiquitatis sit habenda, si modo litteræ sint obtusæ, characteres detriti, majores quæ ab initio posuæ, Langobardicæ. Sæculi XI scripturam cum priori fere convenire ait, nisi quod litteræ parum sint crassiores atque abbreviatæ. Codices autem sæculi XII facilius cognosci ex *s* finali & accentu in *i*: Sæculi XIII ex crescentibus abbreviaturis: Sæculi XIV ex scriptura nimis obtusa, crassiuscula, litteris pressis, manu tremula, calamo rudi, diphthongis: Sæculi XV ex punctis in *i*, in *u*jus medio elegantia litterarum cœperit. Agit porro de codicibus Græcis, qui etiam olim litteris quadratis fuerunt scri-

scripti, vocibus uno & perpetuo ductu sine ullo interstitio exaratis, sine accentibus. Hi enim musicorum primum erant, postea etiam ad lectionem a grammaticis in codicibus adnotati. A seculo octavo invaluerunt litteræ barbaræ accentuatæ, quæ nostris Græcis admodum conveniunt, nisi quod sint longiores, accentus etiam aliter positi. Atque illud pro certo habet, quo frequentiores adpareant abbreviaturæ, eo codicem esse antiquiorem. Francicæ litteræ difficillimæ erant, quæ ad tempora Caroli Calvi a quibusdam fuerunt servatæ. Alia vero erat diplomatica, cujus usus in monumentis publicis. Ultima est, quam adducit, scriptura Germanica, quam antiquissimis temporibus cum Græca convenire dicit. Ab hac tamen diversam fuisse Saxoniam, cujus characteres addit, eamque usque ad Normannorum in Anglia dynastiam permanuisse. Lingua vero Theotisca primum sub Carolo M. litteris Latinis scribi cœpit, ita ut in eadem similia fere criteria obveniant, ac in codicibus Latinis. Tandem etiam ex codicum compactura de eorundem ætate judicari posse auctor est: cum videantur antiquissimi codices solis filis colligati, rarius certa ligatura compacti. Seculo XIII lignæ tabulæ cœperant membranis obduci, cum bullis ex orichalco, idque usque ad seculum XIV, quo tabulæ lignæ corio fusco videantur obductæ. In æstimatione vero codicum, certum quid definire non audet, nisi quod codices *avendérés*, membranaceos, antiquiores, aureos vel argenteos eleganter scriptos & bene conservatos, reliquis præferri dicat. Hisce præmissis, Gesta Dagoberti Francorum Regis, per monachum S. Dionysii conscripta, ex codice bibliothecæ Jenensis exhibet, quem ætatem seculi XII sapere, ex criteriis judicat. Primum quidem hoc scriptum ex latebris produxisse ait Andreæm Chesnæum, sed cum hujus Scriptores Historiæ Francicæ sint rariores, idem hic, postquam de auctore prius disseruisset, quem Dagoberto longe inferiorem facit, integrum inseruit. Addidit quoque observationes suas ad textum directas, in quibus varia illustrat, quæ tum ad historiam vel geographiam, tum ad antiquitates Francicas spectant, cum vix quidpiam, quod singulare sit, vel ad vitam Dagoberti, vel ad mores Francorum faciens, fuerit relictum. Alterum, cujus recensionem suscepit, manuscriptum est Nicolai Schmidii, alias dicti Cüntzels von Rodenacker, MStm

varia alphabeta continens, qui cum rusticus fuerit, prius de rusticis quidem vel opificibus doctis edisserit, in quorum numero Joannem Dominicum Peram, Simonem Atheniensem, Benedictum Balduinum, sutorem olim, Jacobum Böhmiū, Joannem Baptistam Gellum, Wolfgangum Musculum, Martinum Chemnitium, Dn. le Fevre, & Nicolaum Borbonium, ex opificibus, factos eruditos numerat. Sic etiam exemplum rustici, qui in sepulcro Francisci Petrarchæ sepeliri voluit, adducit. Pergit ad vitam Schmidii, ex vico Rodenaeker, territorii Comitum Ruthenorum. Progredditur ad ipsum manuscriptum, quod adhuc in templo Gerano adservatur, ejusque dedicationem Comitibus Ruthenis factam, integram inserit. In ipso manuscripto contineri dicit alphabeta centum triginta & ultra, linguarum tum Orientalium tum Occidentalium, atque orationem Dominicam in linguis 51 præcipuis scriptam, ita ut res in rustico admiratione sit digna. Tertium manuscriptum est Thomæ Müntzeri, cum ad librum visionum Hildegardis, qui æque in bibliotheca templi Gerani adservatur, multa adnotaverit de prophetiis. Ultimo loco vitam Vicelini, Præpositi in Neumünster Holsatiæ, adducit ex MSto, & cum hoc partem primam concludit. Cum autem plura *divindora*, maxime eruditorum virorum epistolas, se servare profiteatur, quolibet semestri tempore continuaturum se hunc laborem pollicetur. Omnes autem eruditos rogat, ut, si habeant, quæ inseri velint de scriptis, eadem cum ipso communicent, atque hoc institutum promoveant, se honorem illis debitum in ipso scripto, aliaque officia præstiturum promittens.

*TRIUM SCRIPTORUM ILLUSTRIMUM DE TRIBUS
Judæorum Sæclis Syntagma. JACOBUS TRI-
GLANDIUS, J. F. J. N. Diatriben de
Sæcla Karæorum adjecit.*

Delphis, apud Adrianum Beman, 1703, in 4.

Alphab. 6. plag. 12.

NOVantiquum haud immerito appellaveris volumen hoc, quod scripta aliquot, dudum edita & manibus Eruditorum tri-

ta

ta complectitur, sed unâ tamen tractatum plane novum Viri Doctissimi suppeditat.

Ad istam classem referri cupiunt trium Autorum maxime illustrium, *Nicolai Serarii*, *Joh. Drusii* & *Josephi Scaligeri* de *ritibus Judeorum Sectis* opuscula, quæ isto ordine disposita comparent, ut primum locum occupet *Drusii de Hæresibus* libellus, quem excipit *Serarii Tribaresium*, mox *Scaligeri Elenchus Tribaresii* insequitur, hinc *Serarii Minervæ* & *Drusii ad hoc responsio* exhibetur, tandemque *Serarii Rabbini & Herodes*, seu de tota Rabbiorum gente, partitione, creatione, autoritate, & de Herodis Tyranni natalibus, Judaismo, uxoribus, liberis & regno, libri tres subjiciuntur.

Singula hæc antiqua sunt. Novum vero opus est, quod médium inter Scaligeri Elenchum & Serarii Minervæ ponitur, quodque *Jacobus Triglandius*, Patris & Avi τῶν ὁμωνύμων hæres, si præcellentem spectare eruditionem velis, ex assè composuit, dum ad typographi rogatum, suam de *Sectâ Karæorum*, quam Scaliger & Drusius (quod illorum ætate parum innotuerat,) digito solum attigerunt, diatribam addidit, in qua εὐσεβίαν vindicat Scaligeri, qui Karæis antiquitatem excidio Reipublicæ & ipso Christi adventu priorem asseruit.

Equidem Sectæ hujus historiam admodum incertam esse, Noster queritur, idque non alia de causâ factum esse conjicit, quam quod cuncti hætenus experti fuerint librorum ab ipsis conscriptorum inopiam, ob quam præcipua, si non omnis, de eorundem institutis & dogmatibus notitia, ex Rabbiorum relatione, hoc est, juratissimorum hostium testimoniis, repetendâ venerit. Pleniorẽ itaque narrationem exhibiturus, a nominibus exordium capit, quibus Sectæ hujus ælectæ ab antiquis, & maximam partem Rabbianitis, insigniantur, dum nimirum Hierosolymitani, Excommunicati, Sadducæi, Baithozæi, Hæretici, Epicuræi, Samaritani audiant. Omnium vero vulgatissimum esse nomen קראים, seu Karæorum, observat, ideo exegitatum, quod τῶν קראים, textui, qui legitur, solique adeo legi scriptæ, rejectis traditionibus πατερπαράδοτοις, tenaciter adhæserint. Quod quidem nomen per convitium quasi ipsis inditum fuisse affirmat, (quanquam in illa

re haud peccarint, multoque minus Julii Bartolocci censuram mereantur, qui omnes codices sacros, præter Pentateuchum, ab ipsis rejectos fuisse asseruerit. Hinc ad indagandam Karæorum pergit originem, & Scaligeri sententiam, priores eos Sadducæis facientem, longius anteponebat opinioni Joh. Morini, qui ad octavi fere seculi finem, & infra Talmudis obliuionem, Karæorum natales deprimat. Noster autem contra, ipsos multo antiquiores statuens, mentem suam probat inter alia ex hoc, quod non pauca habeantur doctrinæ & rituum capita, de quibus Karæi cum Rabbinitis contenderint jam olim, longe ante obliuionem Talmud, imo ante Reipublicæ excidium; quorsum refert diversitatem in tempore neomeniæ, mactandi agni paschalis & comburendarum reliquiarum, in festo pentecostes, expiationis, tabernaculorum, atque aliis. Quinimo & vulgo Judæorum (ut ut Christianorum quoque doctissimi sequantur,) contradicit, qui Karæos utique veros Sadducæos fuisse sibi persuadeat, & ideo, quando jam admota historiæ luce, scriptisque eorum consultis, satis constet, Karæos immortalitatem animarum & mortuorum credere resurrectionem, (id quod vehementer a Sadducæorum profana hæresi abhorreat,) sibi imaginetur, recentiores Karæos, impiæ isti sententiæ repudium mittentes, tandem pudore quasi vel necessitate adactos in ea consensisse dogmata, quæ se negare amplius non possent, absque summa invidia & communi religionum odio, experti fuerint. Sententiæ enim huic non scripta solum Karæorum, sed doctorum quoque Rabbiorum consensum, & dissimilitudinem multorum dogmatum, variasque rationes alias, multum repugnare inuit. Vestigia insuper Karæorum in Novi Testamenti libris quærit, eaque se inuenisse existimat imprimis Luc. XI, 45. ubi *Νομωτες*, de injuria sibi suoque ordini a Christo illata conquestus, ad sectam Karæorum referendus videatur. His deductis causam indicat, cur Karæi a reliquis Doctoribus Judaicis recesserint? horum puta *ἡθελοθρησκείαν*, quæ Jo. Hyrcano præter rem convitium fecerit, (quod latius enarrat,) animumque ejus ab ipsis alienatum in Karæos converterit. Ananem illum, qui ab aliquibus novæ Karæorum Sectæ autor statuatur, non primitus instituisse illam, sed restituisse, magisque firmasse collapsam asserit, deque ejus ætate, vi-

ta,

ta, instituto plura commentatur. Caput eorum in dogmaticis primum hoc facit, quod rejecerint omnes traditiones ἀγράφας, cumque istud palam repugnarit Phariseis, & Karæi insuper ab his in ritualibus passim recesserint, evidens esse ait fundamentum exortæ inter hos & illos dissensionis, quam Karæorum mores ab agendi ratione istis familiari prorsus abeuntes non parum certe adauxerint, istudque odium pepererint, quod velut internecinum prolixius describit. Inde fidei, quam amplexi Karæi fuerint, articulos recenset, & aliqua eorum instituta practica commemorat. Denique de insignibus illorum Doctoribus & libris pauca disserit.

*ARS MEMORIÆ VINDICATA, AUCTORE D. JO-
ANNE BRANCACCIO JCo Panormitano. Accesit Art-
ificium Poeticum ad Scripturas Divinas in promptu habendas,
memoriterque ediscendas accommodatum.*

Panormi, typis Joseph Gramignani, 1702, in 12.

Constat plag. 16.

Postquam memoriæ augendæ artem, ductu libelli a Lamberto Schenkelio olim hanc in rem vulgati, Consultissimus Autor feliciter sibi comparasset, variæque ejus prodigio simillima specimina edere cœpisset, multos invenit industriæ suæ collocatæ obtrectatores, qui vel non artificiosæ sed naturali memoriæ, vel anacardine confectionis usui, vel cacodæmonum ministerio, omnia ista tribuenda esse, impudentissimo ore criminarentur. Ut itaque artem tantum non exclamata & seipsum simul a lividulorum convitiis liberaret, illius vindicias scripsit, hortatuque amicorum publicæ luci exposuit, Illustris Magliabechii studio ad nos nuper delatas. Quinque autem capitibus eadem comprehenduntur, in quorum primo veram dari excolendæ memoriæ disciplinam demonstraturus, ultro concessum iri existimat, naturam humanam ab arte pluribus modis perfici posse, quippe cujus ope Demosthenes balbutiem linguæ correxisset, Helmontius duodeviginti ab utero mutis & surdis loquelam restituisset, Raymundus Lullius intellectum idiotarum & puerorum decennium exiguo tempore omnigeno scientiarum apparatu locupletasset, adeoque ne scrupuli subesse quicquam, quin ejus auxilio & memoria ad stupendum per-

fectionis gradum provehi queat. Sane si autoritatibus res conficienda foret, satis superque de ejus veritate constituisse ait Platoni, Aristoteli, Ciceroni, Quintiliano, Senecæ, Plotino, Alberto Magno & Thomæ Aquinati, qui tam egregiam artem pluribus commendarint elogiis, difficulter alias hederam illi appensuri, nisi ejus utilitatem luce meridiana clariorem experti fuissent. Provo- cat obiter ad exempla Portii Latronis, Petri Ravennatis, Matthæi Riccii aliorumque, atque objectionibus Zoilorum, qui maleficam atque mentis destructivam, impossibilem, necromanticam, one- rosam potius quam compendiarium, ac denique cum Bacone & Boccacino circulatoribus propriam clamitant, brevissimis re- spondet. Cap. II præstantissimæ artis inventorem Simonidem Chi- um Poëram Lyricum, & excultores Metrodorum Scæpsium & Car- neadem, nominaque Autorum porro qui justis libris illam comple- xi esse noscuntur, prolixa serie indicat, atque una methodum scri- pta eorum obscura detegendi, siquidem non adeo obvium artifi- cium, ne forte vilesceret, Sibyllinis operire verbis, & tenebras tenebris superinducere valde amaverint. Quatuor autem esse do- cet, quæ illorum lectionem perplexam reddant. (1) Vocabula transpositione & additione literarum occultata, quæ nihil signifi- cantia reputantur, e. g. BOITIS OTEPERA, quæ dant *Repe- ritio*, JAMOG, *Imago*. (2) Dictiones, quæ longe diversam a naturali significationem obtineant, quoties e. g. ad denotandum numerum senarium stella, ad octonarium calix pingitur, ad cen- tenarium exprimendum Christophorus scribitur. (3) Abbrevia- tiones minus usu receptas, v. gr. Pr. pro Profodia, Ct. pro Citatio, Au. pro Auctoritas. (4) Litteras solutas tam Græcas quam Lati- nas, quæ pro integris dictionibus ponuntur, e. g. K. pro Conne- xum, F. pro Fenestra, ξ pro Domus. In Capite III illustres viros, qui tenacissima floruerunt memoria, recensere aggreditur, quo- rum maximam partem hujus artis duntaxat compendio ad immor- talem famam pervenisse sentit, paucis in ambiguo remanentibus, utrum naturæ solius beneficio istud existimationis impetraverint. Collocat vero eosdem juxta ordinem temporum, in quibus cla- ruerunt, nullo discrimine gentis aut religionis habito, Troës Ru- tulive fuerint. E tam immenso, qui hic prostat numero, aliqua tan-

tantum nostro ævo viciniore delibabimus exempla. Notatu autem maxime dignum est, quod de Corsico juvene e Mureti Variis Lectionibus lib. III c. 1 adducit, qui ingentem seriem vocabulorum Latinorum, Græcorum, barbarorum, significantium & nihil significantium, sine hæsitazione aut errore, ordine quo prælecta fuerant, recitavit, deinde ab ultimo incipiens retrorsum omnia eodem modo retulit, quin & triginta sex millia vocum sic memoriter se reddere posse, Mureto audacter affirmavit. Nec minus mirum, quod Josephus Justus Scaliger, hac arte adjutus, cuncta Homeri opera vigesimo & altero die, atque intra quatuor menses omnes Poetas Græcos memoriæ tradidit. Stuporem quoque excitavit Michael Mauritius Stavangrius, qui decem linguarum non modo callentissimus fuit, ut in his natus potius, quam edoctus videretur, sed etiam quinque scribis eodem tempore memoriter dictare potuit. Mittimus Joann. Bateum Equitem Hibernicum, Virginiam Cæsarinum Patricium Romanum, Joannem Seldenum, David Blondellum, aliosque, qui superiore seculo memoriæ facultate eminerunt. Recentius specimen exhibuit ante hos 36 annos Venetiis P. Franciscus Macedus, natione Lusitanus. Ordinis Minorum de Observantia S. Francisci, qui levamine artificiosæ memoriæ fretus, quosvis, ut de quacunque materia, tam e Theologicis, quam e Philosophicis, Patribus item Gr. & Lat. Jure Canonico ac Civili, nec non Historia Ecclesiastica & Profana petita, secum disputarent, publico programme affixo, cui titulus: *Leonis S. Marci Rugitus literarii per dies octo continuos ore P. Macedi Observantis Minorita prolati*, provocare ausus, & simul de quolibet themate oblato ex tempore vel verba facere, vel versus pangere pollicitus fuit. Vivit etiamnum celeberrimæ famæ atque edecumatæ eruditionis Vir Antonius Magliabecchius, Magni Duci Etruriæ a Bibliotheca, qui interrogatus de aliquo autore, quem locum & numerum in referatissima supellectile libraria is obtineat, non modo statim docere, sed etiam cujusque argumenti scriptores, in quo libro & capite de illo differant, promte non minus quam accurate astantes certiorare valet. Capite IV includit paradoxa illa & immensa commoda, quæ ex hac arte promanant, quæque ad omnes facultates & disciplinas sese extendunt. Tandem in Cap. V brevem totius Artis ideam suppeditat, illamque

in suas species distinguit, Grammaticam nimirum seu literalem, Syllabicam, Poëticam, & Topicam, cujus Simonides Chius inventor celebratur. Hanc quatuor adminiculis, Locis puta, Imaginibus, Ordine, ac Locorum & Imaginum Praxi constare notat, & mediante illa tot tantaque a viris summis præstita fuisse miracula. Ipsemet quidem Autor Præ-Nobilissimus Artem tam divinam latius hic non persequitur: quia vero eam nemini invidere cupit, idcirco præ manibus jam habet uberrimum tractatum, in quo omnia, quæ ab aliis obscuritatem affectantibus hausit, methodo expedita atque ad singulorum captum accommodata proponet, multa utilissima ac jucundissima, de quibus majores ne cogitaverant, adjiciet, ut ita longissimam illi vitam apprecari debeamus, quo libro hoc proficuo literatam Rempublicam beare queat.

GLORIOSUS S. ROMEDIUS, NEC NON GLORIOSA DOMUS COMITUM DE THUN, calamo panegyrico exornata a R. P. AMANDO FRIEDENFELS.

Vetero-Pragæ in Collegio S. Norberti, per G. S. Beringerum, 1699. in fol.

Constat 4. Alph. 8. plag. cum multis figuris æneis.

Illustris hodie inter Bohemiæ Procere genere & meritis est Comitum de Thun Domus, nec minus inter Sanctos Ecclesiæ Pontificiæ illustris est S. Romedius, Comes de Thaur, Patronus Domus Thunianæ, vitæ sanctitate & miraculorum gloria celebratissimus. Utriusque gloriam præsentī hoc magnifico atque Patrum sententiis abunde repleto Panegyrico, opere ob insertas etiam hinc inde icones æneas elegantissimas sumtuoso, alternatim celebravit Clarissimus inter Patres Bohemos Orator, idemque S. Ordinis Præmonstratensis Regiæ Ecclesiæ Strahowienſis Canonicus, Philosophiæ ac SS. Theologiæ Professor, nec non Collegii S. Norberti Vice-Rector, *Amandus Friedenfels*. Laudes S. Romedii, in quas primo semper loco excurrit, eo redeunt. Fuisse S. Romedium Virum Nobilem, ex illustrissima & antiquissima Comitum de Thaur familia oriundum, qui per Agilulphum, cui

cui Theodolinda Longobardorum Regina nupserat, sceptro Longobardico potiti fuerint, idque ultra annorum centuriam tenuerint. Fuisse eundem militem Christi fortissimum, quod victis & elusis mali Genii fraudibus, quibus eum, inter carnis suæ illecebras, ad lascivarum quarundam mulierum complexum aliquando pellicere ausus fuerat, in speluncam sub arce sua Thaur, inter Oenipontem & Halam Suevorum, oppidum sale fecundum, sita hiantem aufugerit, atque cæso ibi flagello acri corpore suo tenerimo, jam in juventute sua ex hostibus spirituahbus optimum triumphum egerit. Fuisse eum patrem pauperum, & peregrinum cum Domino, quod facultatibus suis uberrime ubique pauperibus distributis, una cum Davide & Abrahamo, probatz pietatis & nobilitatis adolescentibus, Romam abierit, atque salutato Tridenti S. Vigilio, Episcopo, Romæ Apostolorum limina & Martyrum sepulcra, inter orationum & juniorum exercitia frequentissima, nec non inter uberrimas eleemosynarum largitiones, pie visitaverit. Fuisse eum Prædicatorem & Apostolum felicissimum, quod accepta Romæ Pontificis summi benedictione, Tridentum ad S. Vigiliū reversurus, plus quam mille gentilium animas, suavissimis suis concionibus, hinc inde divertens ad Christum converterit, atque ideo neo-converforum suorum multitudine stipatus, Tridenti ab Episcopo Vigilio, inter festivos totius urbis ad tam pium spectaculum confluentis plausus, expansis brachiis amplexatus atque honorifice exceptus fuerit. Fuisse eum inimicum mundi & amicum Dei, eremitam beatissimum & architectum sapientissimum, quod visitato prius adhuc devote loco, ubi Martyres Cappadoces olim sibi familiares martyrii coronam reportaverant, toti mundo valedicturus, a Divo Vigilio in horridam Vallis Annanix, in Tyrolensi districtu sitæ, solitudinem cum duobus sociis suis secesserit, atque in edita quadam ibi rupe, miraculoso quarundam volucrum, aut cœlestium potius, juxta traditiones antiquas, Geniorum auxilio capellam erexerit, ibique sede fixa die noctuque Deo omnium factorum suorum gloriam litaverit. Fuisse illum demum Thaumaturgum magnum, & Virum Dei sanctissimum, quod multorum miraculorum gloria illustris, ad beatas sedes emigraverit. Sunt inter ea, quod famosis traditionibus crudelissimo urso, qui asinum sui antea vectorem in pratis, ubi victum

quærebat & pascua, feroci morſu obtruncaverat & devoraverat, per Davidem, ſocium ſuum, domato equi inſtar poſtea ob ſenium ubique uſus fuerit: quod ex obſeſſa adoleſcentula peſſima oratione & jejuniſ expulerit Dæmonia, & febres graviffimosque morbos multoties curaverit: quod limpidiſſimum fontem ex petra, ubi Oratorium ſuum erexerat, precibus ſuis elicuerit: & quod ex vaticinio ejus S. Vigilio antea dato, Tridenti campanarum ter ſponte ſonantium tinnitus mortis S. Romedii horam, qua circa A. C. 400 in eremo ſua e vivis migraverat, ad totius urbis miraculum & ſtuporem nunciaverint. His aliisque laudum S. Romedii præconiis, indivulſo ubique nexu, panegyrica ſua Friedenſſius oratione alternatim jungit *Illuſtriſſimorum Comitum de Thun* gloriam, ex quibus Romedius Conſtantineſ, S. Rom. Imp. Comes de Thun & S. Cæſaræ Majeſtatis in regno Bohemiæ Regius hodie Locumtenens, in arce ſua Choltitzenſi ſumptuoſiſſimam paucis abhinc annis S. Romedio capellam extruxit. Plusquam tredecim effluxerunt ſecula, quod illuſtriſſima Thuniadum familia in conſubſis Tyrolis innotuit, ibidemque S. Vigili ex Romana urbe ſocia & comes, A. C. 383 ſedem fixit, poſtquam Romæ inter Patricios longa annorum ſerie floruerat. Dedit hæc a primo ortu ſuo ad noſtra uſque tempora, ut cum Panegyriſta noſtro loquamur, Eccleſiæ Catholiæ Atlantes, Imperiis columnas, Regionibus fulcra, Cæſaribus & Regibus Conſiliarios, urbibus ac provinciis Gubernatores; atque idcirco illuſtriſſimam & antiquiſſimam & Comitum de Thun, & qui iis connubiali vinculo juncti ſunt, Comitum de Salm familiam longa panegyri Friedenſſius dilaudat, quod inter Imperatores coronata, inter Heroes armata, inter Conſiliarios togata, inter Episcopos infulata, & inter Cardinales purpurata eſſe deprehendatur. Id unicum hoc loco ex ampliſſima illa panegyri commemorare ſufficiat, quod Illuſtriſſima Conjux Munificentiſſimi capellæ S. Romedii Fundatoris, Barbara Franciſca, Comitiſſa de Salm, eo genere nobiliſſimo ſata ſit atque prognata, e quo primus Portugalliæ Rex eſt oriundus. Nam ex Henrico, Comite de Salm, atque Thereſia, Alphonſi VI Caſtellæ Regis filia, progenitus eſt Alphonſus I Rex Portugalliæ, qui poſt devictos uno prælio quinque Maurorum Reges, ab exercitu ſuo Rex ſalutabatur, cum antea Portugallia Comita-

tus

tus tantum omnium ore dicta fuerat. Ab hoc Rege, qui quinque Christi vulnera, tanquam victoriæ suæ tesseram, posteris suis pro gentilitio insigni reliquit, illustrissimus sanguis Comitum de Salm, & cum iis Comitum de Thun, in Reges Portugalliae, Hispaniae, Galliae & Serenissimam Domum Austriacam est deductus. Utvero & aliorum, qui neque Illustrissimam Comitum de Thun familiam satis habent cognitam, neque sola panegyrica stemmarum illustrium enarratione delectantur, desideriis & votis satisfaceret Orator noster clarissimus; non contemnendo consilio digressiones quasdam morales haud inelegantes, & oratoribus facis apprimè utiles, hinc inde immiscuit. Lemmata digressionum harum hæc sunt: *Quid sit Nobilitas sine virtute? Quæ sit maxima victoria? Quid sit dives avarus? Quid sit osculum? Quid sit sapientia hujus mundi? Quid sit mundus? Quæ sit crux maxima & minima? An homo solitarius semper sit solus? Quid sit templum Dei? Et an recte scribi possit ad mortuos?* Tandem *ectypon* in varias icones divisum subjungit sumptuosa ac magnifica capella S. Romedii, quam antea laudatus Illustrissimus & Excellentissimus Dominus, *Romedius Constantinus*, S. Rom. Imp. Comes de Thun &c. in arce sua Choltitzenensi extruxit; ut & arborem consanguinitatis familiæ Comitum de Thun illustrissimæ. Cæterum Evangelicæ & Reformatæ Ecclesiæ addicti lectores, non poterunt non indignantius ferre, ubi Lutherum & Calvinum, cum Hufso & Hieronymo Pragensi, famosissimis Hæresiarchis adscriptos, & Lutherum quidem sub corvi atri perquam & temulenti in rapido gurgite submersi, Calvinum autem sub spurcissimi porci a pediculis devorati symbolis, in satyrica quadam capellæ S. Romedii imagine depictum offenderint.

BARTHOLOMÆI LEONHARDI SUENDENDOERFERI, Antecessoris Lipsiensis, *Traſſatio Theoretico-Practica de Actionibus Successoriis Feudalibus.*

Lipsiæ sumtibus Johannis Christophori Tarnovii, 1703, in 4
 Constat 1. alph. 15. plag.

VEnerandum Academiæ nostræ Seniores in iis, quæ exquisita doctrina longaque exercitatione percallet, præfenti &

VEN-

venturæ Aetati tradendis, nondum esse defatigatum, sed promissa olim facta, superatis, quæ intercurrerant, impedimentis, solerter exsolvere, nova hæc, de Actionibus Successoribus Feudalibus, tractatio ostendit, in cujus præfatione insimul edocemur, Virum summum *Exceptiones Successorias* quoque moliri, laboremque jam inchoatum, propediem, nisi quid humanitus contingat (quod malum ab Academia nostra diutissime Deus avertat!) in publicum conspectum esse proditurum. Præsens Tractatio, actiones feudales successorias & generaliter, & specialiter exponit. Prior expositio, adducta tum nominis, tum rei definitione, varietatem actionis successoriæ feudalis, juxta diversos respectus, perceruset. Est scilicet illa a *causa efficiente remota*, scripta vel consuetudinaria, utraque vel communis vel singularis. Porro a *causa proxima*, realis vel personalis, exclusa actione præjudiciali & mixta; has enim Noster haut agnoscit. Ulterius, si *subjectum* spectes, actio successoria feudalis vel domino vel vassallo competit: ab *objecto*, est simplex aut mixta, universalis vel singularis, possessoria vel petitoria, & utraque realis aut personalis: ratione *forme*, est ordinaria vel summaria; ratione *finis*, principalis vel præparatoria: ratione *adjuncti*, transmissibilis vel non-transmissibilis, perpetua vel temporalis; quibus omnibus accedit divisio impropria, quæ in veram & apparentem discernitur. His expeditis, ad causas descendit expositio generalis. *Causam nempe efficientem remotam* actionis successoriæ feudalis, laudat juris, tam scripti quam non scripti, dispositionem; *proxima* vero, ex ejus doctrina, est vel *generalis*, nempe jus ad feudum & debitum feudale consequendum competens, vel *specialis*, scilicet jus ex successione quasitum, quod iterum reale aut personale est; illud vel regulare, nempe dominium, vel irregulære, jus scilicet hæreditarium & pignus feudale, amplius esse deprehenditur: casus vero successibilis, seu ad successionem feudalem habilis, debiti que feudalis præstandi recusatio, pro *causa sine qua non* actionis feudalis successoriæ, haberi debent. Causam efficientem excipit *subjecti* consideratio, quod inhærens & receptionis, ac utrumque generale & speciale esse perhibetur; in qua disquisitione, inter alia Magnificus Autor non-

neminis singularem quidem ac novam, sed illegalem ac plane vanam opinionem, qua filium exheredatum, ad exsolutionem debitorum paternorum hæreditariorum, ex fructibus feudi faciendam teneri, existimatum fuit, explodit. *Objectum* actionis successoris feudalis in genere est id, de quo inter actorem & reum controvertitur: illud vero esse materiale & formale, ac prius vel principale vel accessorium, posterius vero vel commune vel proprium, hocque vel reale vel personale, specialius suo ordine ostenditur. Inde ad *formam* transitur, quæ in naturalem & artificialem summam dispescitur: sed prior varias formas iterum assumit; est enim essentialis vel accidentalis, illaque rursus generica aut specifica. *Finis* actionis successoris feudalis est vel finis cui, vel cujus, qui iterum vel principalis & remotus, vel minus principalis & proximus esse dicitur. Eodem docendi genere *effectus* quoque expenditur, dum in internum & externum, qui vel actorem, vel reum, vel judicem respiciat, separatur. *Qualitates* actionis successoris feudales sunt vel propriæ vel communes, & hæc iterum vel universales vel particulares, affirmativæ vel negativæ: specialius hoc nomine necessitas, remissibilitas, transmissibilitas, transmutabilitas, præscriptibilitas & concurribilitas laudantur. His expeditis, Excellentissimus Autor *Judicem* actionis successoris feudalis sistit, ejusque jurisdictionem, fere juxta nomothesium juris Longobardici, declarat, cumque in specie nonnemo de jurisdictionis illius, ad præsentem statum Germanicum accommodabilitate, quam vocat, dubium moverit, illud non dubiosum, sed ita, ut in continentem tolli queat, comparatum esse censet. Tandem in expositione generali, *contraria* etiam actionis successoris feudalis sequuntur. Sunt autem illa vel impeditiva, vel exclusiva; hæc vel absoluta vel respectiva, quæ vel ex conditione rei feudalis, vel qualitate personarum, successoris, rei aut judicis, accidunt. Expositio specialis duabus partibus, diversa iterum membra, sectiones, titulos, articulos & capita comprehendentibus, absolvitur. Primo Illustris Autor *actionem successoriam feudalem realem* in genere exhibet, inde *realem possessoriam*, generaliter explicatam, cum speciebus ejus, puta immisoria ex *l. fn. C. de Edict. D. Hadrian. toll.* ventris nomine Carboniana, in feudum absentis, quorum

bonorum, quod legatorum, & Salviana, subijcit. Tum sequitur *actio realis petitoria specialis*, sub qua rei vindicatio, eaque directa, utilis, revocatoria, vindicatio Falcidiae, Trebellianicae, legati, expectantiae feudalibus, porro Publiciana & rescissoria feudalibus, denique vindicatio feudi absenti delati, ut & absentis reversi, continetur, negata actione Pauliana successoria feudali. His ad finem deductis, actio successoria feudalis hypothecaria subit, cumque actionibus successoriis feudalibus realibus nonnunquam accedere soleat nominatio, litis denunciatio & interventio, ideo hae quoque a solertissimo rerum harum Indagatore nostro spectandae exhibentur. Hae excipit *actio successoria feudalis realis petitoria* generaliter explicata, quae in universalem & singularem, sub qua realis in specie & hypothecaria, non etiam confessoria, continetur. Huic tractationi *actio successoria petitoria realis universalis*, nempe hereditatis petitio cum suis speciebus, hereditatis petitione testamentaria feudali directa, fideicommissaria, legitima, inofficiosa querela feudali, querela nullitatis testamentariae, falsi testamenti, hereditatis petitione feudali illustrium, militari, conjugali, ex unione prolium, hereditatis emtae & venditae, adjungitur. Hoc ordine tractatio de *actione reali petitoria* impressa cernitur, sed operas typothetarum aberrasse, ac disquisitionem de *actione successoria feudali reali petitoria in genere*, primo loco ponendam esse, deinde *successoriam universalem*, ac postea *singularem* seu *specialem*, cum actionum illarum *accessoriis*, nominatione, litis denunciatione ac interventione, sequi debere, consuecta Magnifici Autoris accuratio, & index universalis, operi praemissus, nec non numerus, membris & sectionibus praefixus, aliaeque indicia satis ostendunt. Hae de actione reali. Altera expositionis specialis pars, sistit *actionem successoriam feudalem, personalem*. Post ejus expositionem generalem, *personalem possessionem* repraesentatur, in quem censum actio de tabulis feudalibus exhibendis, postulatio missionis in possessionem feudi, legatorum feudalium servandorum causa, conditio possessionis feudalis indubitae, ut &, ob causam cessantem, traditae, referuntur. Hoc labore defunctus Consultissimus Autor, *actionem personalem petitoriam* aggreditur, eique generaliter explicatae, species, nempe persona-

sona-

sonalem *preparatoriam*, sub qua actio successoria diffamatoria, ex L. si contendat, exhibitoria, prohibitoria feudalis, nec non petitio curatela feudalis absentis comprehenditur, ac *principalem*, eamque vel *nominatam*, nempe actionem familiarum eriscundam, communi dividundo feudalem, actionem legati, & fideicommissi feudalis, petitionem renovationis investiturae feudalis consequendae, liberæ faciendae, ut & renovationis investiturae capiendae, denique laudemii feudalis ac fidelitatis vasalliticae jurandae petitionem; vel *in nominatam*, quo nomine *condictio ex lege*, querelam divisionis, donationis, dotis, donationis propter nuptias, dotalitii, majoratus & primogeniturae feudalis inofficiosa, ut & actionem expleto-riam feudalem complectens, ac *condictio ex moribus*, actionem feudalem redemptoriam, nec non actionem expectantiae feudalis in se continens, intelligitur, subjicit. De cætero omnia exercitissimus Autor theoretice, per causas, & practice, inspersis, quoad species actionum, petendi & pronunciandi formulis, pertrahat, quod generaliter admonuisse satis erit: nam per singula ire, ac nervose concisue dicta, in compendium iterum redigere, vix licet; in præcedentium tamen illustrationem, unum atque alterum exemplum subjiciemus. *Actio successoria feudalis realis possessoria immixta Carboniana*, ex doctrina Nostri, est, quæ de immixtione in rem feudalem successoriam consequenda, successori feudali impuberi, cui de statu & successione feudi quaestio movetur, competit. Est vel simplex vel mixta: illa ad sola feudalia, hæc feudalia & allodialia bona conjunctim pertinet. Causa efficiens remota est Edicti Carboniani ad feudum extensio; propinqua, præsumtum jus succedendi; causa minus principalis est orta controversia, adversarii detentio, & admissionis recusatio. Subjectum inhaesionis est successor feudalis impubes; receptionis, possessor feudi quaestionem status movens. Objectum materiale sunt possessio & interesse; formale, possessio impuberi, status quaestionem patienti, adjudicanda. Forma naturalis essentialis est facultas persequendi possessionem; artificialis consistit in apta immixtionis petitione per formulam Germanicam a Nostro declarata. Finis est immixtionis adeptio. Effectus respectu judicis, est immixtionis addictio, convenienti formula decernenda; successoris,

possessionis consecutio; possessoris & adversarii, feudi detenti traditio. Judex competens sunt Dominus feudi & Pares Curiae, aliquando etiam Judex domicilii & rei sitae, ut & delegatus & compromissarius. Contrarium a parte successoris, est cautionis omisio & pubertas; possessoris, praescriptio annalis & manifesta illegitimae nativitatis probatio; Judicis, petita immisionis rejectio, per sententiam congruam facienda. *Interventio feudalis* est interventio, quae fit in judicio feudali, inter alios, de feudo successorio, instituto, ob interesse feudale conservandum. Est vel principalis, vel accessoria, non autem necessaria & voluntaria, prout illa cum ceteris capitibus, adamata methodo causali, pluribus deducit Magnificus Autor, inter alia asserens, litigantes, apud quos intervenitur, minus accurate dici Interventos; hunc enim terminum, nec grammaticum, nec juridicum, sed plane supervacaneum, adeoque reprobandum esse. *Actio exhibitiva feudalis*, est actio successoria personalis preparatoria, de feudi successorii exhibitione: *prohibitiva*, est actio successoria feudalis personalis prohibitoria, ad alienationem feudi successibilis, redimibilis competens, quae juxta causas deinceps amplius explicantur.

FRANCISCI BAYLE CONVENATIS BONONIENSIS,
Doctōris Medici, in Universitate Studiorum Tolosana Liberalium Artium Professoris Regii, & in Academia Ludorum, Floralium Socii Opuscula.

Tolosae apud Guilieum Robert, Liberalium Artium
 Magistrum & Typographum, 1701, in 4.

Constat 3. Alphab.

Cujus Institutiones Physicas, ad usum scholarum accommodatas, superiori anno recensuimus, Clarissimi Bayle, Scientiae Physicae pariter atque Arti Medicae promovendae intenti, opuscula reliqua in unum volumen congesta nunc exhibemus. Sub triplici autem ista considerata veniunt differentia. Quaedam enim Latino idiomate ab Authore quondam in publicum fuerunt emissae, ut I. *Dissertationes Medicae tres de Causis Fluxus Mensurui mulierum, de Sympathia variarum corporis partium cum utero,*
de

de Usu Lactis ad tabidos reficiendos, & de immediato corporis Alimento tractantes. II. *Dissertationes Physicae sex.* III. *Problemata Physica & Medica.* IV. *Tractatus de Apoplexia.* Quaedam Gallice scripta, ab aliis Latinitate donata sunt, ut V. *Dissertatio de necessitate conjungendi experientiam cum ratione.* VI. *Historia Anatomica Graviditatis 25 annorum.* VII. *Informatio circa Mulieres quasdam, quae a Demone posse credabantur.* VIII. *Dissertatio de Causa suspensionis Vaporum in aere.* Quaedam nunc demum huius publicae exposita sunt, ut IX. *Dissertationes Physico-Morales quinque.* Mittimus nunc priora quinque opuscula, quae omnium jam teruntur manibus, de reliquis pauca dicturi.

In *Historia Anatomica graviditatis 25 annorum*, recenset Noſter, pannorum tonsoris uxorem gravidam, etiamſi poſt nonum geſtationis meſem, partus doloribus fuerit correpta, foetum tamen eniti neutiquam potuiſſe, ſed per dictum temporis ſpatium in alvo retinuiſſe, & ex febre continua tandem anno 1678, duos & ſexaginta annos natam, obiiſſe: aperto cadavere foetum, materia quadam calloſa, in quam amnium & chorion degeneraverant, obvolutum, extra uterum, in fundo ulcere ſordidum, epiploo ſcirrhoſo duosque tranſverſos digitos craſſo adnatum, juſtaque magnitudine & debita partium mollitiei praeditum, fuiſſe repertum. In quorum phaenomenorum aetiologiam ſedulo inquiriſſet, & poſtquam cauſas partus naturalis expoſuerat, placentaſque uterinam ab utero, propter abſumtum humorem, utrumque conglutinantem, ad inſtar pomi ab arbore, decedere, foetumque non reſpirationis, ſed alimenti defectu in lucem prodire, diſſeuerat; quomodo hic infans uteri, in quo conceptus omnino fuerat, fundum perforaverit, inquiſiturus ſupponit, pavorem ob peſtem in urbe tum graſſantem excitaiſſe in matris ſanguine exagitationes p. n. a limento foetus labem affricantes: hinc & uterum & embryonem moleſtis irritationibus fuiſſe concuſſum, ſed irritis, propter ſpirituum determinationem, ad uteri oſtium relaxandum dilatandasque vias neceſſariam, deficientem; his tamen conatibus perſeuerantibus, foetum per uteri (geſtationis tempore ſingulari mollitiei alias donati) fundum diſruptum verſus peſtus retroceſſiſſe. Quod autem extra uterum vivere potuerit, cauſam rejicit partim in placenta

tam uterinam, quæ ex parte utero forsan adhuc affixa, alimentum foetui suppeditaverit, partim in connexionem chorii laceratum epiplooo, siquidem per hanc sanguis & succus nutritius ex hujus vasis depluens foetui facile communicari potuerit. Quod vero nullam putredinem conceperit, vel tetrum odorem spiraverit foetus, acidum p. n. in causa fuisse credit; quod quemadmodum in epiplooo scirrhum & excessivam crassitiem produxerat, ita infanti vel cum sanguine, vel vaporetenus communicatum, sal volatile, putredinis autorem inhibuerit, fixerit, & totius corporis soliditatem conservaverit.

Informationi circa quasdam mulieres, quæ a Dæmone obsessæ credebantur, occasione[m] dederant symptomata quædam, (ut subitus in terram lapsus, singultus, volutatio corporis in latera, & alii motus convulsivi, pulsus parvus & frequens, inepti sermones, acicularum, funiculorum & vittarum per os rejections, eorum, quæ in paroxysmo acciderant, obliviones, febris &c.) quæ plures ejusdem loci incolas, & in templo magis quam alibi corripiebant, & ad corporis usque maciem vexabant. Hinc requisitus a Magistratu Cl. Bayle, ut cum alio sibi adjuncto Medico ægros inviseret & examinaret, re explorata pronunciat, probatque, neutiquam a fascino, vel Diaboli obsessione, dicta symptomata suborta, sed a dispositione hypochondriaco-epileptica fuisse concitata. Quod vero plures loci angustioris incolæ eodem malo laborarint, imaginationi adscribit: cum enim undique concurrerint homines, gestulationes &c. mulieris, quæ prima illis obruebatur symptomatis, curioso oculo observaturi, morbumque pro dæmoniaco habitum cogitationibus continuis fuissent persecuti, factum esse dicit, ut quæ delicatam mollemque cerebri temperiem, & ad hos affectus fovendos dispositionem naturæ fuerant mulieres, iisdem exponerentur symptomatibus. Cur in templo potissimum paroxysmus has invaserit miseras, dum explicat, in imaginationem læsam id merito posse referri existimat, cujus tota vis reviviscit & intenditur in certis casibus, qui objecta revocant, a quibus primæ & notabiliores impressiones sunt profectæ. Quibus accedit, quod earum animos ea penitus occupaverit opinio, se fascino ligatas a Dæmone possideri; cum autem audiverint quondam, illos, qui a Cacodæmone possidentur, in

in templis vehementius exagitari, mirum non esse dicit, si vi harum impressionum simile quid efficiant; ad quam pariter causam absonam loquendi rationem refert. Res a quibusdam vomitu rejectas, antea deglutitas fuisse, firmissime sibi persuasum habet, in primis cum, qui melancholia vexantur, vel inscii, quidquid manu tenent, in os ingerant, & non advertentes deglutiant.

In Tractatu IIX. *de suspensione vaporum in Aere* loquitur Noster, & cum materiæ ætheræ motus vehementissimus sit, ipsique aquam inter & aerem semper aditus pateat, aquæ guttas tanquam tenuissima materiæ ipsius crustula circumfusas, guttarumque illarum crustas in singulis non impares crassitudine supponit, hincque sequi dicit, globulum ex materia illa ætherea simul & ex aqua compositum minus ponderosum esse, quam globum pure aqueum, quæ ejusdem sit magnitudinis; rationemque hujus esse addit, quia nihil gravitatis habet materia æthereæ, sit autem æqualis globorum illorum gravitas, si ex hoc tantum aquæ detraxeris, quantum habent illæ materiæ ætheræ; quam si detraxeris, duplici illa detractioe globi aquei fiunt æquales & mole & gravitate; globum itaque ultimum eo gravitate magis quo & quantitate aquæ reliquum superare manifestum est. Hinc obiter de corporum gravium in liquidis levioribus suspensione agit, eamque provenire putat, 1) si eadem subsit causa, quæ hætenus de vaporibus est allegata; 2) si poros liquidi partibus impervios, solaque materia æthereæ impletos habeant corpuscula; 3) si corpusculorum gravium quodlibet, ob peculiarem cum liquidi partibus convenientiam, iis ita adjungatur, ut non possit facile dividi.

Tandem, quod *Dissertationes Physico-Monales* attinet, harum I & II de *Consuetudine* agit. Quoniam enim juxta Aristotelem *tantum naturæ consuetudo hæc*, imo *quantam hæc habeat vim, leges manifestum faciunt*, in eo occupatur Vir Clarissimus, ut primum consuetudinem omnem malam temporis diuturnitate naturam penitus evertere demonstraret. A posteriori autem hoc tabaci per fistulam hausti & in nares immissi exemplo declarat; a priori vero eam reddit rationem, quod, si frequenti alicujus objecti actione cerebrum pulsetur, similique spirituum actione repetita crebrius concutiat, & frequenter iterata aut continua cogitatio-

ratione de eadem re eadem spirituum motio foveatur, aut renovetur, necesse sit, spirituum vias dilatari, atterique, & facili lapsu vehementiores esse eorum motus, mentem magis incitari, & attendere rebus, clarioremque & majorem earum ideam formare; cum autem id in prima infantia propter cerebri teneritudinem citius contingere observemus, maximam admovendam esse diligentiam monet, ut a teneris homines ab omni prava consuetudine sint immunes. Quoniam autem ad scelera magis proni sunt homines, legum necessitatem injungit Noster, ut scilicet audientes, quid faciendum, quidve omitteendum, virtutibus vel inficii adsuescant. In Dissertatione III & IV circa *generationem hominis* versatur Author Clarissimus, in quibus, refutatis Medicorum, qui modo cor, modo ossa, modo sanguinem, pro parte in prima animalium generatione primigenia agnoscunt, sententiis, omnes corporis partes, propter mutuam earum in agendo dependentiam, simul formari probat; ex quo, ut & quod omne animal originem suam ducat ab ovo, omnes partes corporis viventis continente, porro deducit, animalium foetus brevissimo tempore post conceptionem suae speciei formam recipere, humanum humanam, leoninum leoninam. In Dissertatione ultima *Voluptatem & Dolorem* examinat. Postquam enim Philosophorum errorem, summum bonum in voluptatibus, vel in voluptatum & dolorum absentia, vel in sola doloris carentia constituentium notaverat, beatitudinem, quae in hac vita contingere potest, in morum sanctitate quaerit, a qua scilicet sola oriatur summa illa mentis tranquillitas. Doloris vero natura in quo consistat, cum physicis disputat, negatque illum esse solutionem continui factam, quia haec sententia fini tristis sensationis, (qui est, ut mens periculi imminantis commonefacta, ad illud propulsandum stimulo quasi incitetur,) & experientiae ipsi contraria est; exinde enim sequeretur, quod parte sensibili quacunque divisa doleremus, cum tamen nervorum ac tendinum discissio, acerbissimi doloris, ab eorum punctura concitati, praesentissima evadat medela. Nec tamen solutionem fientem pro causa agnoscit; hoc enim itidem putat fini doloris adversari, & sequi, quo plures simul partes secarentur, eo cruciatus fore majores, cum tamen discissio nervorum, & celer membrorum amputatio, non bre-

breviorem modo, sed etiam minorem dolorem inferat, nec in inflammatione diutius durante tam longa continua solutio concipi queat. Multo minus illorum subscribit opinioni, qui continentem causam doloris motum vel impetum esse crediderunt, sed eum procreari existimat, a partium sensu præditarum tensione adeo valida, ut in proximo solutionis periculo versentur.

De cætero monendus est L. B. illas quæstiones, quæ in Dissertatione peculiari anno 1688 ab Autore nostro enodata, & Actuum nostrorum Supplemento I pag. 585 recensita fuerunt, singulas debito suo loco in Institutionibus Physicis & hisce Opusculis fuisse insertas.

ANTONII VAN DALE DISSERTATIONES IX,

Antiquitatibus, quin & Marmoribus cum Romanis, tum potissimum Græcis illustrandis inservientes.

Amstelodami apud Henricum & Viduam Theodori
Boom, 1702, 4.

Constant Alph. 4. pl. 16, & fig. xn. pl. 2.

Occasionem sibi Dissertationes has componendi Clarissimus Auctor ortam dicit ex eo, quod quæ Perillustis Spanhemius in egregio suo de usu & præstantia numismatum opere in re nummaria præstitit, salivam sibi movissent, ut idem tentaret circa inscriptiones & marmora, cum ex iisdem non minus, quam ex numis, multa, alias sancincoznita, possint erui. Divisit autem celeberrimus Auctor opus suum in novem Dissertationes, quarum *primæ* agit de origine ac ritibus sacri *Taurobolii*. Dixerat quidem Auctor de hisce sacris jam in suo de Oraculis Ethnicorum tractatu, eadem tamen nunc curatius examinat, maxime cum Salmasius, Seldenus & Sponius hanc materiam tantum obiter tractassent. Præmittit primum, qua ratione Christiani non solum, quamvis non semper optimo cum successu, multa ex Ethnicismo in Christianismum transfulerint, sed etiam quod vice versa, Gentiles in ceremonias suas haud pauca ex Christianismo receperint. Inter hæc refert sacra Taurobolia, quibus æmulabantur Gentiles veram per Christi sanguinem expiationem. Originem horum sa-

crorum ducit a temporibus M. Antonini, & quidem antiquissimum Taurobolium esse judicat, cum Reinesio *Synt. Infer. Cl. I. n. 40. p. 76*, quod Marco Imperatore, Pollione II & Apro II. Coss. A. U. 928, Christi vero 175 fecit Aufustia prima, apud Lactoratenses. Durasse vero hæc sacra usque ad Honorii, Arcadii ac Theodosii Junioris imperium, cum ultimum fuerit, quod Valentiniano Aug. IV & Neoterio Coss. consecratum. Addit autem, nullum ex primis Christianismi scriptoribus horum sacrorum ullam mentionem fecisse, ante Firmicum Maternum. Adduxerat quidem in suam sententiam Tertullianum Reinesius, quasi is *de Prescript. Hæret. c. XL*, ad sacra Taurobolii respexerit. Sed Noster probat, eum de solis Mithriacis esse intelligendum. Ulti etiam Tertulliani locum de Baptismo cap. V de sacris Mithriacis loqui ait, & Meursium notat, qui Leontica inter festa Græcorum refert, incertum cui Deo, cum tamen Mithræ sacra fuerit initiatio. Cum autem hæc Mithræ sacra cum Tauroboliis aliqua ex parte convenient, de iisdem quædam addit, horum initiationem & locum, spelæum dictum describit, & quidem illud templum subterraneum, ubi Mithræ simulacrum perelegans Romæ visitur, explicat, atque figuras eo spectantes exhibet. Horum sacrorum convenientiam ex tauro, qui etiam in sacris Mithræ mactabatur, docet, atque ex Sacerdotibus, qui utrobique & viri & feminae fuerunt. Porro Taurobolium dictum esse dicit soli Deorum Matri, vel huic & Attidi, ejus amasio. Et licet quidem ex sequenti inscriptione

I. O. M
VERINVS. SEVERINVS
ALBVCIVS
CRIOBOLIVM
RESTITVIT

sequi videatur, etiam Jovi Criobolium sacrum fuisse, hanc tamen inscriptionem emendare conatur, pro I. O. M ponendo I. D. M. i. e. *Idea Deorum Matri*. Eos vero refutat, qui etiam Dianæ atque Minervæ Taurobolium sacrum fuisse scribunt. Progreditur inde ad ritus, quibus hoc sacrum factum, quos ex Prudentii versibus in Martyre Romano palam facit, quos tamen a Baronio, Bulengero, Emilio Porto, aliisque de consecratione Pontificis Maximi

ma-

male intelligi innuit. Fuisse autem sacra hæc vel Taurobolia sola, vel Criobolia sola, vel Taurobolia ac Criobolia simul, vel Criobolia atque Agobolia, ex inscriptionibus probat. Cum vero in inscriptionibus sæpius *vires tauri* occurrant, quid per has intelligatur, explicat, & vires quidem *exceptas* nihil aliud, quam sanguinem tauri, ab initiandis oro cæterisque corporis partibus, ut & in vestibus exceptum, innuere notat; vires vero tauri *consecratas*, de tauri cornibus explicat, quæ aris aut templorum parietibus adfigebantur; per vires denique *conditas*, cum Sponio intelligit testiculos, qui ad imitationem Sacerdotum Cybeles, immo etiam Attidis, tauro abscindebantur. Pergit ad formulam, *Taurobolium accepit*, vel *fecit*. Et quidem Taurobolium fecisse illi dicebantur, qui hoc sacrificium instituebant, publicis ut plurimum sumtibus, pro salute reipublicæ: accepisse vero, qui eodem Magnæ Deorum Matri initiabantur seu consecrabantur. Dum vero ex variis inscriptionibus commonstrat, & publica auctoritate ac impensa, & a privatis etiam pro semet ipsis aut pro aliis hæc Taurobolia fuisse facta, singularia sunt, quæ circa inscriptionem sequentem observat:

CRIOBOLIVM. ET

AEMOBOLIVM. MONVIT

DE SVO. PETRONIVS. MAR

CELLVS. SACERD. VI. VIRAL

DEC. IIII PRIMO. ET. IVSTO

Ubi primo cum Reineſio pro *Aemobolium*, legit *Aegobolium*, quod non solis bobus, sed & arietibus & capris hoc sacrum perageretur. Pro *monuit* autem, legit *movit*, i. e. fecit. Hoc sacrum autem suscipiebant unus vel plures, mares & feminae, homines privati & summis honoribus perfuncti in republica. Inter feminas præcipuam adducit Auctor Fabiam Aconiam Paulinam, quæ non solum his Tauroboliatis, sed etiam aliis sacris fuit initiata. Quo ipso occasionem adripit de sacratis apud Eleusinam & Lernam Baccho, Cereri & Coræ aliqua dicendi. Ubi vero in inscriptione Fabia Aconia Paulina dicitur *Taurobolita*, errorem notat Josephi Scaligeri, qui in indice ad Gruterum, Taurobolitam pro Dea venditaverit, cum nonnisi eam significet, quæ sacro Taurobolio accepto Matri Deum sacrata est. Pergit ad Sacerdotes, qui sacris præfue-

runt, & Matrem Idæam quoque Sacerdotem maximam habuisse probat, atque illud locum obtinuisse etiam in sacris aliis dicit, ut primi Sacerdotes maximi dicerentur. Liberum autem fuisse illis, qui sacra hæc Taurobolii susciperent, Sacerdotem aliquem eligere quem vellent, credit. Uno vero tantum vel etiam duobus & pluribus Sacerdotibus fuisse usos, his scilicet immolantibus, aliis verba præeuntibus, aliis denique adstantibus: licet & sæpe, ubi plures initiati, per singulos Sacerdotes hoc factum. De tempore cum agit Auctor, per plures dies Taurobolium celebratum probat ex his inscriptionis verbis, INCHOATVM. XII. KAL. MAI. CONSVMMATVM. VIII. KAL. MAI. Moris autem fuisse, ut Tauroboliatum aram poneret, & quidem *se vivo*, ut in inscriptionibus sæpius. Qualem aram, in qua Taurobolium fiebat, dictam docet petram taurobolatam, ex Reinesii *cl. I. n. 42*. Illud etiam addit, in una eademque ara sive marmore, quandoque comparere non solum plures consecrationes simul, verum etiam, quæ diversos non tantum per Sacerdotes, sed etiam diversis temporibus factæ. Immo aras post primam dedicationem sæpius restitutas: quin & ipsa sacra, cum in viginti tantum annos durarent, his elapsis fuisse iterata, idque si pro se illa susciperent; si vero pro aliis, nulla certa interstitia observata fuisse. Porro quoque ait, splendidis promissis illa mysteria inniti, quæ potissimum in eo consistebant, ut non solum lenius cum ipsis post mortem ageretur, sed & *περὸς εἰς* in campis Elysiis initiati uterentur, cum aliorum animæ post mortem in tenebris seu caligine jacerent. Alias quoque notas fuisse regenerationes dicit. Propius vero ad Taurobolia pro aliis suscepta accedere baptismum pro mortuis, qui inter nonnullos hæreticos locum obtinuit, de quo Chrysostomus in *cap. XV. v. 29 Epistolæ ad Romanos*. Addit adhuc aliqua de Sacerdotibus hæc sacra administrantibus, & quidem hos in marmoribus simpliciter Sacerdotes adpellatos, & tam virilis sexus fuisse, quam foeminas, probat. Inter has etiam Sacerdotes maximas fuisse, quæ de pectore pendentes habuerint imagines; quod ex Dionysii Halicarnassensis libro II confirmat. Dum vero Sacerdotes mares uxoratos, foeminas maritatas fuisse docet, ex eo colligit, Gallos magnæ Deorum Matris, ut vocabantur, quia exsecti fuerint, non fuisse Sacerdotes Matris

tris

tris Deum, sed circumforaneos quosdam & scurras, qui homines deciperent, & stipem emendicarent. Et licet quidem Plinius *l. XXXV, cap. II* eos Sacerdotes vocet, nulla tamen auctoritate publica fuisse nixos, licet in sacris subinde servierint. Hos nempe Gallos cum Apulejo de triviali popularium face homines vocat, atque multum discrepasse dicit ab iis, qui illorum Antistites & Archigalli fuerint. Habuisse etiam certa sacra apud Græcos suos Parasitos, quod de Herculis atque Apollinis Parasitis ex Athenæo probat, hosque nullos alios, nisi qui Epulones apud Romanos, fuisse judicat.

Dissertatio *secunda* agit de Pontifice Maximo, Vicario Pontificis, Rege Sacrorum, Archontibus. Et quidem primum probat, summum Sacerdotem non semper notare Pontificem Maximum, sed præcipuum inter Sacerdotes cujuslibet collegii. Immo etiam Christianos Episcopos summi Sacerdotis nomine fuisse honoratos, ex Tertulliano de *Baptismo cap. XVII* probat. Inde inquit in sententiam Baronii, qui Julianum per Taurobolium factum fuisse Pontificem Maximum dicit, cum tamen ne Tauroboliatus quidem fuerit, neque vestimenta, quæ Tauroboliati tamdiu gestare debuerint, quousque vetustate obtrita essent, purpuræ Imperatoriæ convenirent. Pergit deinde ad stolam Pontificalem, quam ex Zosimi libro V a Gratiano Imp. rejectam dicit, non ipsum Pontificis Maximi titulum, quo ipsum usum fuisse, ex inscriptionibus probat, & quidem ut hoc titulo denotaret summum in Christianorum ecclesiæ regimen atque imperium: quemadmodum & postea latius confirmat, Pontificatum Maximum Christianorum ejusdem naturæ ac potestatis fuisse circa Christianismum, ac Pontificatum Cæsarem Gentilium circa Gentilismum: post divisionem vero Imperii in Orientale atque Occidentale, Episcopos Romanos titulum & munia, Pontificis Maximi sibi adrogasse. Probat inde, duos quandoque fuisse Pontifices Maximos in Gentilismo uno tempore, quod de Maximo & Balbino, & duobus Philippis probat, quia scilicet una cum dignitate, Imperatoria conjunctus fuerit Pontificatus, licet nullibi legatur illos fuisse consecratos. Quemadmodum & id, Imperatores æque eos, qui Romæ ut plurimum debebant, atque alios, qui extra Urbem agebant, solennia, quæ ad Pontificem Ma-

ximum spectabant, per Vicarios administrasse, idque quia in Marco Antonino tanquam singulare quid narret Capitolinus: *nec ullum sacrificium per vicarium fecit, nisi cum ager fuit.* Habuisse enim in variis rebus Imperatores suos vicarios, qui *vice sacra*, quod sæpius occurrit in inscriptionibus, munia Imperatorum gesserint. Immo etiam Pontifices majores minoresve, in provincias missos, sacra sæpe per vicarios administrasse. Porro de Rege sacrorum sive Sacrificulo primo dicit, cum Pontificis Maximi fuisse vicarium, & uxorem ejus Reginam sacrorum dictam. Hunc Regibus exactis a populo creatum, ex Livio atque Halicarnassensi probat; defuisse vero nomen Regis sacrorum sub Augusto, pro quo Vicarii Pontificis nomen ortum. Ipsum Regis sacrorum munus apud Romanos a Græcis, & quidem Atheniensibus originem traxisse, ex Demosthene addit, apud quos sacrificiis sacrorumque judiciis Rex sacrorum præfuerit. Ad Archontes progressus, præmittit, antiquis temporibus summa sacerdotia summis connexa fuisse imperiis, ita ut ipsi Reges simul essent Præsides sacrorum. In Atheniensi republica post abrogatos Reges, summi sacerdotii administrationem pro parte quoque Archontibus, inprimis τῷ Ἐπικύρῳ, id est, illi qui inter novem annuos Archontes primus erat, & Dionysia sive Bacchica sacra, uti & Thargelia curabat, competuisse docet. Alterum fuisse Regem sacrorum; tertium inter Archontes Polemarchum, qui sacrificavit Dianæ & Marti.

Dissertatione *tertia*, de Pontificibus sive Ἀρχιερεῦσι Græcorum, Asiarchis, aliisque agitur. Ἀρχιερεῖς docet Auctor vel singulis urbibus, vel provinciis integris præfuisse, & horum quidem exemplo, in Ecclesia Christiana postea ortos Episcopos Metropolitanos. Observat vero, primitus solum illas urbes dictas metropoles, unde aliæ originem suam traxerant, ut Athenas, Romam, Byzantium, suarum coloniarum: post vero primarias regionum urbes ita fuisse adpellatas, quarum in una provincia quandoque plures simul fuerint, inter quas præcipua dicta *μεῖστη*; id quod etiam obtinuerit in Metropolitanis Christianorum, quos inter Primates eminuerint. A Græcorum Pontificibus ad Romanorum Pontifices Flaminesque progressus, plures sæpe in una provincia fuisse docet, qui sub uno præside seu primo Pontifice collegium constitue-

stituerint : Pontificem vero Maximum nonnisi Romæ fuisse, sal-
liques Gutherium & alios, qui inter Sabinos quoque Pontificem
Maximum statuunt. In Inscriptione vero

CASPONIA. P. F.

MAXIMA

SACERDOS CERERIS &c.

Calponiam Maximam dici, non Sacerdotem, sed inter sorores, i. e.
primigeniam, variisque exemplis firmat, sorores secundum or-
dinem fuisse dictas, maximam, secundam, tertiam : quæ autem in-
ter mulieres Sacerdotes primum locum obtinebant, dictas *primas*
fuisse. Inter Pontifices vero primos, alios temporarios, qui primum,
secundum, tertium facti sint Pontifices, alios perpetuos fuisse, per
inscriptiones ex Sponii Miscellaneis aliaque argumenta probat.
Inde de Asiarchis agit, qui præfides cæterorum Asiæ Sacerdotum fue-
rint, atque ludis certaminibusque publicis, quatenus illa sacra essent,
Diisque aut Imperatoribus dicata, præfuerint. An autem plures
simul fuerint Asiarchæ, disquirat, cum Aët. XIX. v. 31 mentio fiat
Ἀσιάρχων, quod tamen ita factum scribit, quod illo tempore ad-
essent, qui olim Asiarchatus munus gesserant. Ex Aristide ta-
men probat, plures, ac quidem diversis ex urbibus fuisse Asiarchas,
unumque ex his primum, cæteros adfessores aut socios. In num-
mis etiam conspici sæpe plures ac diversos diversarum civitatum
Asiarchas, Smyræorum, Pergamenorum, Sardianorum &c. Istos A-
siarchas ex *Ἀρχιερεῦσι* promotos, & τὸ κοινὸν sive Commune
tredecim urbium, suum habuisse Asiarcham; qua occasione de hac,
aliquis Græcorum Communitatibus, notatu digna adfert Auctor,
sed nobis, brevitatis studio, silentio prætermittenda.

Dissertatio *quarta* de Neocoris Sacerdotibus & urbibus agit.
Neocorus, secundum Suidam, erat ὁ τὸν ναὸν κοσµῶν καὶ ἐντε-
πίζειν αὐτὸν ἢ ὁ σαρῶν, is, qui templum ornat ac disponit, non
vero qui verrit, aut purgat : uti cultores & ornatores templorum
Latinis dicti *Æditui*. Ex eo autem, quod quis dicatur *κατίστος*
ναύαρχος, colligit Auctor, certum fuisse collegium Neocorum, aut
saltem unum præ reliquis eminuisse, & hunc *κατίστος* forte eun-
dem fuisse, qui tum *Ἀσιάρχης*, tum & *Ἀρχιερεὺς* XIII urbium Asiæ
Propriæ dictus sit, *ἱερόδοτος* autem illi, quorum mentio apud Plu-
tar-

tarchum & Athenæum, iidem cum νεωκόροις Auctori fuisse videntur. Fuisse autem Ædituas quoque fœminas monet, quæ certam sacrorum curam habuerint. Inde de origine urbium Neocorarum agit, quam deberi Dianæ, ejusque apud Ephesios cultui ait, cujus Neocoræ seu cultricem urbs Ephesiorum se tulerit. Ephesios autem Magnetæ ad Meandrum, qui suam Dianam nominarint *Ἀρτέμιδα Λευκοφρύην*, æmulatos fuisse. Pergæos quoque Dianæ Pergææ templum habuisse, quod æque ac Dianæ Ephesiæ, jure æquali sit, ut & ipsi ea ratione fuerint Neocori. Ab his Pergamenis initium habuisse putat Cæsarium atque Augustorum, ab urbibus Asiæ impetratas *Νεωκορίας*; nisi quod Ilienſes ipsis priores fuisse videantur, qui Cæsaris & Æneæ Dardanii facti sint Neocori. Sic etiam aliis urbibus Græcis atque Asiaticis concessum monet, ut essent Neocoriæ Augustorum, probatque variis in urbibus, Romæ, Cæsari & Augusto aliisque templa fuisse consecrata, arasque positas: etsi de urbibus Galliæ & Hispaniæ, ipsiusque Italiæ monet, licet & templis, & ludis sacris ac solennibus in honorem Cæsarium gauderent, non tamen Neocoras dictas, aut eum titulum ambuisse. Has autem urbes Neocoras non solum præ aliis prærogativam jactasse, sed etiam ipsas inter se de *Πρωτοῖα* seu Primatu contendisse; Ephesios præsertim, Smyrναeos, ac Pergamenos; adeo ut horum singuli in nummis se dixerint *Νεωκόρος πρῶτος Ἀσίας*, immo Ephesii *μὸνος πρῶτος Ἀσίας*. Rationem inde integro capite examinat, unde civitates bis, ter, quaterve factæ fuerint Neocoræ? quæ disquisitio cum difficultatis plurimum habeat, compendio recenseri a nobis non potest, ex libro ipso a cupido harum rerum lectore haurienda.

Dissertatione *quinta* pergit ad Stephanephoros, Prytanes, Strategos & Scribas Græcorum. Et quidem de Stephanephoris non quibuscunque (omnes enim Sacerdotes coronatos sacrificasse) sed de istis, qui peculiare Sacerdotum, quin & Magistratum genus constituerint, acturum se profitetur. Non alios vero fuisse putat, quam Pontifices Maximos, & vel Herculis, vel alius Dei, Deæve, quin & Augustorum Augustarumque Sacerdotes. Reinesium *cl. I. n. 72.* illos ad Magistratum politicum referre, & cum Harmostis Lacedæmoniorum, i. e. rectoribus urbium devictarum com-

comparare. Præfuisse autem eos quoque ludis ac certaminibus, ferre ut Sacerdotes Neocoros. Annuos fuisse, hincque secundum vel tertium Stephanephoros in inscriptionibus esse obvios. De Prytanibus Græcorum docet, eos & summos magistratus, & sacrorum præfides, etsi non peculiare certi alicujus Dei aut Deæ Sacerdotes fuisse. Hos autem Prytanes vel annuos fuisse, vel ad vitam, seu tota post electionem perdurante vita, vel denique ex successione seu jure hæreditario. Plures vero quandoque in una civitate (præterquam Athenis) fuisse Prytanes, ita tamen, ut qui *πρώτος* inter ipsos esset, *πρώτος Πρύτανης* diceretur. Fuisse quoque Prytanes foeminas, quæ tamen in regimine politico locum non haberint. Strategorum etiam illustre fuit inter Magistratus apud Græcos nomen, adeo ut suo adhuc tempore Constantinus Magnus, jam Augustus, *Στρατηγός* Atheniensium appellari voluerit, idque sibi gloriæ duxerit: quod munus tamen non idem in omnibus civitatibus, nec idem semper in eadem fuisse, Auctor observat. Non tam bellicum, posterioribus saltem temporibus, quam civile seu politicum fuisse, pro veteri vocis *στρατῦ* usu de populi cætu seu urbana multitudine, Illustrissimo Spanhemio assehtitur, & ad id annonæ curam inter alia spectasse observat. Plures autem simul una eademque in civitate Strategos quoque fuisse monet, quorum unus tamen *ἐπίτροπος, πρῶτος, πῶνυμος* fuerit. Habuisse etiam Judæos suos Strategos, ex Lucæ XXII v. 4. 52 probat, qui erant præfecti custodiæ templi: unde qui versu 4 simpliciter *στρατηγοὶ* dicuntur, v. 52 appellantur *στρατηγοὶ τῷ ἱερῷ*. Denique inter *πρώτους* magistratus etiam *γραμματεῖς* numerat, qui in pluribus Asiæ urbibus obtinuerint, diversis muneribus functi, imprimis vero legibus actisque in tabulas referendis custodiendisque occupati. Magnæ autem eos auctoritatis fuisse, tum ex Act. XIX v. 35, ubi *ὁ γραμματεὺς* non solum ad populum tumultuantem locutus, sed & concionem dimisisse dicitur, tum ex nummis, in quibus cum *Ἀρχιερεῦσι* conjunguntur, demonstrat.

Dissertatione sexta agit de concilio Amphictyonum, & hujus primæva origine, quam alii Amphictyoni, alii Acrisio adscribant. Primo illud fuisse XII urbium, quæ singulæ ad Pylæam, Thermopylis primum institutam, unicum miserint Pylagoram; tempore ve-

vero procedente, non solum plures civitates, sed etiam tandem integras regiones ad hoc *Καὶνὸν* seu communitatem accessisse, atque hinc quoque factum, ut plures numero Pylagoræ simul a civitate seu regione mitterentur, quamvis isti plures unicum solum ferrent suffragium, donec & hæc temporis tractu mutarentur. Denique ex Pausania verbis concludit, nunc hos populos vel civitates inde fuisse exclusos, nunc alios adlectos, uti Macedonum probat exemplo, qui extrusis Phocensibus locum inter Amphictyones fuerint adepti. Bis autem per annum conventum celebrasse Amphictyones, Auctor porro docet, initio quidem veris in urbe Delphica, initio vero autumnii ad Cereris templum in Thermopylis, unde concilium illud *Πυλαία* fuerit adpellatum. Consultatum etiam de rebus quibusvis in utroque conventu, contra Jo. Marshamum, qui res sacras tractatas fuisse Delphis ait, profanas Thermopylis, Auctor evincit. Membra hujus concilii fuisse tum Hieromnemones, tum Pylagoras, quorum illi super hos eminuerint. A majoribus civitatibus plures quandoque missos Pylagoras, unum vero Hieromnemone. Occasione Amphictyonum agit & de Theoris, i. e. qui ad consulenda Deorum oracula, aut ad peragenda sacrificia, ad donaria offerenda, ad ludos solennes celebrandos, familiave mittebantur, quos inter Architheorus eminebat: nec non speciatim de Hierophantis Atheniensium, qui mysteriis præcipue Eleusiniis præerant & mystas initiabant, circa hæc sacra ordine ac dignitate omnium, excepto Rege, primi, cæterorumque sacerdotum seu ministrorum, quales erant Daduchi, qui faces præferebant, Ceryces aliique, præfides.

Dissertatio *septima* agit de Agonothetis, Hellanodicis, Alytarchis, Panegyriarchis. Plurimos in Græcia usitatos fuisse agones, seu sacra certamina ac ludos, eosque tractu temporis magis aductos constat, in primis postquam etiam in honorem Imperatorum fuere instituti. Ad hos igitur agones pertinebant Agonothetæ illique moderabantur, athletasque admittebant, excludabant, castigabant, remunerabantur & coronabant. Nec *Ἑλληνοδίκων* alia functio fuit, quos antiquioribus temporibus *Æsymnetas* quoque appellatos, Auctor monet. Diversos autem ab iis Alytarchos fuisse, contra Fabrum & Humfredum Prideaux Auctor probat, et si

si non diffiteatur, in hac illave Hellanodicarum muneris parte vicariam aliquando operam Alytarchos præstitisse. Fuisse autem Alytarchos proprie præfectos Mastigophororum, sive Mastigononorum, i. e. eorum ministrorum, qui athletis sortientibus adstant, ac segnes excitabant, turbam etiam spectatorum, si necesse foret, in ordinem redigebant: hos enim ab Eleis Alytas vocatos, in Etymologico Magno diserte affirmari. Panegyriarchas vero, qui & Agonistarchæ dicti, ludis itidem ac certaminibus moderatos tradit, sed velut summos præsides, ut eorum adeo auctoritas major ampliorque, quam Agonothetarum esset. Sed his immorari nobis non licet; unde nec Agonothetidas, quæ virginum ac foeminarum certaminibus præerant, aliaque, de quibus fusc Auctor, hic attingimus.

Dissertatione octava agitur de Gymnasiarchis & gymnasiolorum ministris. Fuisse vero Gymnasiarchas exercitationum ac certaminum Gymnasticorum summos moderatores ac præfectos, neminem latet. Munus ipsum ut plurimum annuum fuisse, ex inscriptionibus Auctor docet; nec dissimulat tamen, Athenis quandoque Gymnasiarchas singulos singulis mensibus præpositos fuisse: qua occasione de mensibus Atticis agit, horumque ordinem, & qua ratione cum mensibus Romanis conveniant, docet. Cum autem electio Gymnasiarcharum ad, vel post magna Eleusiniorum mysteria facta fuerit, firmari hinc putat eorum opinionem, qui illa mysteria non quinquennalia, sed annua fuisse censent. Sed & Gymnasiarchas foeminas æque ac Agonothetidas, saltem apud Parios, fuisse, ex antiqua inscriptione apud Sponium in Miscellaneis probat. Inde porro de Xystarchis Latinorum agit, de quibus cum Mercurialis & Faber diversa senserint, eosque Falconerius frustra conciliare, iudice Auctore nostro, fuerit annisus, ejus quidem sententia eo redire videtur, ut Gymnasiarchis Græcorum pares fere Xystarchas Latinorum faciat, cum utrorumque idem fuerit munus, illorum nempe in Gymnasio, horum in Xysto, athletas exercere, & utrosque a Panegyriarchis aut Agonothetis cæterisque certaminum publicorum moderatoribus distinguat, cum Gymnasiarchæ æque ac Xystarchæ athletas non nisi per præludia, ad vera certamina in agonibus publicis præstanda præpararint ac instruxerint. Tace-

mus, quæ de Cosmetis, Gymnastis, Pædotribis, Aëstis, aliisque Gymnasiorum ministris prolixè edisserit.

Dissertatione *nona* eaque ultima de Fratribus, Thiasitis, Organibus, similibusque quamplurima adfert notatu dignissima, sed quæ & ipsa, prolixitatis evitandæ studio, silentio prætermittimus. Cæterum in tota tractatione inscriptiones explicat atque emendat innumeras, alias supplet atque restituit; quod primum etiam doctissimi Auctoris institutum fuisse, sub initium statim monuimus. Dolendum tamen, quod hinc inde aliqua irrepperint errata typographica, quod cum ipse in præfatione sua agnoverit Auctor, eorundem emendationem in iterata editione promittit.

ARCANA BIBLIOTHECÆ THOMANÆ LIPSIENSIS Sacra resecta, a M. Heinricho Pippingio, in ade Thomana Verbi Divini Ministro.

Lipsiæ, apud J. L. Gleditschium, 1703, in 8.
Plag. 10.

HAbent interdum Bibliothecæ publicæ etiam exiguæ suæ, quæ minime contemni merentur, cimelia. Quod probe perpendens opusculi præsentis Plurimum Reverendus Clarissimusque Auctor, idemque in colligendis Eruditorum Actis a pluribus annis accuratissimus diligentissimusque Collega noster, supellectilem librariam, quæ in templo Thomano Lipsiensi a piis majoribus colligi cœpta est, & hodieque pro facultatibus huic instituto consecratis augetur, paulo diligentius excussit, ex quo ante annos aliquot, ad sacrum in isto templo Ministerium divina providentia vocatus fuit. Et ejus sane apparatus iis monumentis haud destitui observavit, de quibus peculiari in scripto nonnulla dici possent. Enumeravit itaque in hoc tractatu quædam præcipuis, ubi ante omnia brevem Bibliothecæ istius historiam texuit, in qua originem illius ad B. Nicolaum Selneccerum, Theologum celeberrimum, & templi olim Thomani Pastorem dioceseosque Lipsiensis Superintendentem retulit, ac liberalitatem Theologi non minus laudatissimi D. Henrici Höpferi, qui suam Bibliothecam integram eidem legare dignatus est, curamque Pastorum Thomanorum & aliquot in æde ista

ista sacra Ministrorum, quam in eam ornandam exaugendamque impenderunt, ex merito commendavit. Arcana vero sacra dum ad Theophili Spizelii exemplum in titulo proposuit, isto nomine MSta aliqua subinnuit, quæ ibi delitescent. Et ea partim quidem minutiora sunt; indicavit tamen insuper & alia, quæ magis in oculos incurrunt. Ex ista classe observationes non unas allegavit, quas Selneceus maxime libris ibi repositis passim allevit, velut ubi de Bibliis polyglottis Antverpiensibus, auspiciis Philippi II Hispaniarum Regis editis, judicium & censuram sat prolixam tomo eorum primo adscripsit, & operibus Philippi Melanchthonis quædam, quæ in iis obelo notari mereantur, anteposuit, & librum de Veritate Catholica Fidei, tanquam omnium fere, quos Thomas Aquinas scripsit, præcipuum & optimum laudavit, ut plura taceamus. De operibus Thomæ a Kempis mentem aperit Michaelis Stifelii, multa in iisdem Papistica & a doctrina pietatis aliena occurrere, manu sua in editionis A. 1520 curatæ frontispicio testantis. His aliisque in medium allatis, reperiri in eadem Bibliotheca Noster refert istud Confessionis Ecclesiarum Saxonicarum exemplar manuscriptum, quod in Concilio Tridentino exhiberi debuerat, nisi postea secus visum Electori Saxonie fuisset. Cujus quidem rei historiam simul enarrat, & ut ut ista Confessio Lipsiæ A. 1553 impressa, inque operibus Phil. Melanchthonis repetita fuerit, nihilo tamen fecius aliquo loco censendum esse hoc exemplar innuit, vel ideo, quod non Melanchthon modo, quem autorem habuit, multa in eo addidit & emendavit, sed nomina quoque Theologorum Virorumque alias celeberrimorum, qui Lipsiam idcirco evocati fuerunt, manu cujusque subscripta conspiciuntur. Præ reliquis tamen prolixus est in commemorando aliquo Commentario hætenus inedito, quem Germanica lingua, circa seculi decimi sexti medium, composuit Michael Stifelius. Hunc Autor accurate discernit a fanatico illo notissimo, Jesaia Stifelio, & post supereditata quædam lemmata, quæ istius vitæ historiam respiciunt, specimen in vicem loca Apocalypseos illustriora, a Stifelio in hoc Commentario exposita, verbis Autoris consulto retentis, exhibet. Appendicem denique subnexuit, quæ Superintendentium, Pastorum & Diaconorum, quotquot in Thomano templo inde a facto Re-

formationis Lipsiensis initio sacrum docendi munus obierunt, nomenclaturam tradit, ad eum fere modum, quo, dum patriæ historiæ illustrandæ lubentissime operam impendit Auctor, ante hoc biennium Rectores Academiæ Lipsiensis, qui seculo proxime elapso sibi invicem successerunt, in Epistola Gratulatoria ad Dn. D. Gottlob Fridericum Seligmannum, Theologum nostratem in utraque cathedra insignem celeberrimumque, Socerum suum, cum Rectorales ille fasces A. 1701 deponeret, perscripta & luci itidem publicæ exposita, recensuit.

*D. JO. BENEDICTI CARPZOVII FIL. COLLEGII
um Rabbini-Biblicum in Libellum Ruth.*

Lipsiæ apud hæredes Lanckisianos, 1703, in 4.

Alph. 3. plag. 4.

Istud sibi cum Professione Hebræarum litterarum, cui in Academia nostra per annos aliquot summa cum laude præfuit, negotium datum esse existimavit B. Carpzovius, ut non fundamenta tantum doceret tyrones, sed & provectiores ad accuratorem textus Biblici tractationem, & cognitionem idiotismorum linguæ sanctæ a genio cæterarum remotissimorum, atque emphaseon in phrasibus & vocibus latentium enucleationem, denique & lectionem Rabbiorum literalium, ac versionum variarum collationem, laudabili antecessorum suorum, & magni imprimis Geieri, exemplo manuduceret. Istud ergo cum diligenter persequeretur, e re & commodo studioforum juvenum fore putavit, si & ipsi ingenii sui vires periclitarentur, atque ea, quæ in lectionibus ipsius didicissent, institutis hebdomatim exercitiis repeterent, autorque adeo ipsis fuit, ut, quem in tyronum gratiam, tum ob facilitatem styli historici, tum brevitate omnibus gratam, pro lectione quasi exoterice enarrandum susceperat, libellum Ruthæ paulo limatius & veluti acroamatice considerandum, materiam ipso fideliter præeunte, reassumerent, & commentationes, quæ sic enatæ essent, publicæ exponerent ventilationi, explicandas ulterius & ad usum transferendas. Et methodum quidem in singulis exercitiis servandam sumfit hanc. Ea primum textus authenticici pericopa, quæ exponenda venit, cum versione & notis ei subiectis composita præmittitur.

Hanc

Hanc excipit deinde paraphrasis Chaldaica cum versione, quæ verbum verbo reddit. Postea, quid Masora parva æque ac magna annotarit, verbis cum Hebraicis tum Latio donatis sequitur. Inde Perusichium seu commentaria trium Rabbiorum, R. Salomonis Jarchi, R. Aben-Esra, & R. Salomonis Aben-Melech, & si quid in spicilegio suo ad hunc contulit R. Jacobus Abendana, accedunt fideliter transferenda, ac denique Autoris comparent annotationes, quæ textum Hebræum solide tractare docent, ubi phrasologia Spiritus Sancti quoad vocum & idiotismorum emphasin evoluta, adductis abunde locis parallelis, collatisque quæ merebantur, versionibus, rituum quoque & ceremoniarum veterum Hebræorum, quæ occurrunt, ratio habetur. Istis autem omnibus in præliminari Dissertatione strictim præmisit, quæ de libelli hujus autore, titulo, contentis, lingua originali, sede & ordine, quo collocatur in sacris Bibliis, scitu non indigna visa sunt. Initium cepit istud collegium anno superioris seculi sexagesimo nono, & continuatum fuit ad annum usque septuagesimum tertium, quo decimo Decembris die ultima Disputatio, eaque duodecima in capitis secundi versu decimo desinens, exhibita fuit. Ad majora enim in Ecclesia pariter & Academia vocatus Vir Celeberrimus, laborem istum abrumpere & imperfectum relinquere necessum habuit. Ne tamen interiret penitus, visum est illius æstimatoribus, ut ex pulvere, in quo hæctenus latuerat, educeretur, atque luci publicæ sisteretur, isto quidem modo, ut, quæ a capitis secundi versu decimo ad finem usque libelli desissent edito Collegio, ex aliis B. Autoris alio tempore in eundem libellum prælectionibus continuarentur, & ad finem perducerentur. Nempe jam olim libellum Ruthæ intra privatos parietes totum tradiderat, usus isto docendi genere, quo præmisit libelli textus, juxta Grammaticæ Schikardi præcepta, resolutionem, deinde Rabbinos, Jarchium & Aben-Esram, una cum versionibus dictitavit calamo excipiendos, postmodum annotationes ad textum Hebraicum subjunxit, & imitationes tandem ad illum proposuit. Qui labor etiam post mortem Autoris tantum meruit applausum, ut in supplementum prioris illius postulatus, ejusque cura Filio Autoris majori, vestigiis Parentis in Hebraica litteratura excolenda strenue

nue

nue infistenti, demandata fuerit. Facilis ille annuit, & omnis tamen Grammaticis resolutionibus atque imitationibus, omnia, quemadmodum in autographo Patris invenerat, communicavit. Cumque deesse intelligeret nonnulla, quæ in posteriori labore accesserunt, versionem videlicet & ipsius originalis textus, & Targumi, & utriusque Masoræ, cum R. Aben-Melecho & ad hunc R. Abendanz spicilegio, omnes illos, ubi defierat B. Autor, ipse ad finem usque libelli in linguam Latinam transtulit. In eo tamen a Disputationum methodo secessum fecit, ut, cum ibidem certæ pericopæ aliquot versibus constantes junctim tractarentur, heic omnia, quæ ad unum versum pertinent, singulis subjiceret. Et ne forte aliquid, quod in manuscripto exemplari invenerat, omitteretur, totius libelli Logicam, quam in priori collegio Autor tradidit, resolutionem, una cum additis quibusdam, quæ in suo exemplari impressis ille Dissertationibus passim tanquam inferenda adjecit, suppeditare placuit.

*SAMUELIS PUFENDORFII INTRODUCTIO AD
Historiam Europæam, Latine reddita a JOAN. FRED.
DER. CRAMERO.*

Ultrajecti, apud Guil. Vande Water, 1703, 8. Alph. 2.

INter tot Historiæ compendia, quæ in lucem publicam prodierunt, nullum fortasse tantum omnium applausum meruit, quam hæc Samuelis Pufendorfi in Historiam Europæam Introductio. Annis vix viginti lapsi sunt, ex quo patrio eam, i. e. Germanico sermone primum Illustris Auctor edidit, seu in Actis Eruditorum A. 1682, mense Novembri, p. 336 indicavimus. Tam avide vero exceptus liber fuit, ut jam A. 1699 quartum typis fuerit exscribendus, & ejus etiam editionis exempla pauca admodum supersint. Cumque postea in gratiam illorum, qui Germanicæ linguæ periti non sunt, Latinitate eum Vir celeberrimus Jo. Fred. Cramerus donasset, ea quoque versio, accedente insuper styli nitore ac elegantia, tot emptores invenit, ut copia illius haberi amplius non posset, & obstrictum adeo sit, ut tertium eam typis committeret, Typographus senserit. Atque hæc nova est versionis Latinæ editio, duabus prioribus non eo tantum nomine præferenda, quod quam emendatissima, ut in præfatione Typographus obtestatur, prodeat, sed quod Historia etiam Suecicæ, quæ in illis non comparuit, accesserit, ex majori & peculiari opere, quo complexus eam Pufendorfi Germanico idiomate fuerat, in compendium redacta.

A C T A

ERUDITORUM,

*publicata Lipsiæ**Calendis Martii, Anno M DCCIII.*

NICOLAI GURTLERI, IN SCHOLA ACADEMICA
*Davensriensi SS. Theologiae Doctoris & Professoris, Systema
 Theologiæ Propheticae.*

Amstelædami, apud Gerardum & Jacobum Borstios, 1702, 4.

Constat Alph. 4. plag. 7.

Non solum Prophetarum mentio fit apud Ægyptios Græculos, sed & Hypophetarum, quorum illi oracula ac sacra dogmata proponebant, hi in ordinem collecta, elegantiusque coagmentata posteris tradebant. Nos, sed honestiori elogio, Hypophetæ titulum impræsens merito adscribimus eruditissimo Viro, *Nic. Gurtlero*, ex edita Historia Templariorum & Systemate Theologico dudum celebrato. Hic saluberrimo instituto, nec hæctenus ab ullo ad colophonem perducto (etsi Auctor *Prodromi Corporis Theologiæ*, a nobis anno primo Acturum p. 312. commemoratus, consilium parum a præsentī distans habuerit) quicquid Prophetarum oraculorum in sacro codice continetur, collegit, in ordinem nec inveniustum, nec inconcinnum redegit, ac ita illustravit, ut gratias ipsi Orbis Eruditus omnino debeat. Has ipsi non ominatus solum est, sed & pulcerrimis primitiis obtulit Nafō Batavus, celeberrimus Francius, perelogi prolixoque de variis revelationis Divinæ generibus carmine præfixo, quod compendium operis Gurtleriani dici meretur.

Noster, ut ab ovo rem ordiamur, omnem Prophetiæ penum excussurus, initium capit a dono futura prædicendi, cujus originem ut a Deo, suorum operum optime conscio, atque ad revelandam hominibus gloriam suam propenso derivat, ita cumprimis

N

mis

- cap. II.* mis Spinofam, vaticinia quævis a vivida imaginationis virtute derivantem, copiose refellit. Hinc de diverfis futura revelandi modis a Deo adhibitis agit, eorumque (cum pauciores hactenus plerique numeraverint) mystico, sed quod ipse præmonet, non follicite a se quæfito numero, septem recenset, videlicet visionem emblematicam, somnia, visionem & auditionem ipsius Dei in corporea forma apparentis, ænigmata, missionem Angeli, inspirationem Spiritus S. & vocem ex coelo editam. Qua data occasione, conciliationem dictorum Act. XXII, 9. & IX, 7. tentat, quorum priori dicitur, Pauli comites vocem non audivisse, posteriori vero, auscultasse eos vocem, sed neminem vidisse, commemoratur. Nam audivisse eos Pauli Christo respondentis sermonem pronunciat, neminem vero vidisse, quocum loqueretur. Filium vero Dei non solum super Propitiatorio habitasse ac responsa edidisse, sed & plerasque V. Testamenti apparitiones Divinas per illum factas, passim pronunciat, notasque, quibus a veris falsi vates discriminari possint, numero sex, videlicet commendationem Dei falsi, eventum prædictioni non respondentem, defectum charitatis erga proximum, propositionem falsæ doctrinæ, pravam conversationem, & gloriæ Jesu Christi imminutionem, magno studio exponit.

cap. IV.

His explicatis, aggreditur doctissimus Vir Systema ipsum, & postquam observasset, Ecclesiæ fata in vaticiniis Biblicis constanti methodo per tres ætates disponi, ac singulis ætatibus septem articulos attribui, hanc sibi cynosuram cursus sui constituendam existimat, tresque adeo Ecclesiæ ætates, unam a condito mundo ad Moysen usque, alteram a Moysæ ad Christi mortem, tertiam ab eadem usque ad mundi interitum collocat, ac *primæ* ætati septem periodos adseribit: primam ab Adamo ad Enosi nativitatem, annorum 235; ab Enoso nato ad raptum Henochi secundam, annorum 752; tertiam ad diluvium usque, annorum 670; quartam a diluvio ad dispersionem posterorum Chami ad turrem Babylonicam, annorum 101; quintam ab ista dispersione ad Abrahami exitum ex Chartis, annorum 325; sextam ab exitu illo ad ingressum Jacobi & liberorum ejus in Ægyptum, annorum 215; septimam denique ad egressum Israëlitis ex Ægypto, annorum totidem. Ex his primam Ecclesiæ ætatem, quæ annis 2513 absolvitur, componit, deque veris, qui

qui in eadem extiterint, Prophetis sigillatim agit, falsos quoque, quos ex *κακοζήλια* verorum exortos ostendit, commemorat, simulque Ammiani Marcellini & Plutarchi de vi fatidica opiniones refutat, quorum ille Solem, mundi mentem, elementis præsentendi facultatem imprimere, ac animas humanas, quæ ejus scintillæ sint, inflammando futurorum conscias reddere docuit; hic homini facultatem vaticinandi natura inesse, ac terram præterea habitus ad divinandum aptos eructare existimavit. Noster his relictis, fata primæ ætatis, quæ prædicta divinis auspiciis erant, singula percenset, eventumque illis quam optime respondisse evincit.

Secundam vero ætatem consimiliter in septem articulos partitur, quorum primus iter Israëlitis per desertum continet, annorum 40; secundus ab ingressu in Canaan regionem ad Saulis usque regimen extenditur, annorum 356; tertius Saulis, Davidis, Salomonis & Roboami imperia continet, annorum 120; quartus a scissione regni usque ad captivitatem Babyloniam protenditur, annorum 371; quintus annos 70 captivitatis complectitur; sextus a liberatione ex captivitate ad Judam Maccabæum pertingit, annorum 373; septimus usque ad Christi mortem, annorum 193. Vates hujus ætatis veros suo quemvis ordine recenset, eorumque scripta omnia ad quatuor capita reducit, nempe ad consilium Dei de genere humano redimendo, descriptionem futuri redemptoris, fata populi redimendi, ac hostium illius molimina potestasque. His inter se varie commixtis dispositisque, vaticinia quælibet constare affirmat, magnaque industria tum Psalmos, tum majores minoresque Prophetas resolvit, ac singulorum capitum contenta tradit. Post hæc falsos ætatis secundæ Prophetas recenset, Sibyllas præfertim & Oracula, quæ Dæmonum virtute facta, contra doctum Virum probat. Fata vero hujus ævi, collatis prædictionibus ac eventibus, prolixè interpretatur, nullo istuc spectante prophetico dicto temere prætermisso, quorum multa peculiariter explicat ac illustrat. Nam per singulas periodos septem, primo populi Israëliti, dein aliarum nationum prædictas res edisserit.

Atque ut specimina quædam Gurtlerianæ industriæ demus, dictum Es. VII, 8. de 65 annis, quibus elapsis Ephraim non amplius populus futurus sit, intelligendum censet de commixtione residuorum post abductionem Salmanassaris Israëlitarum cum no-

cap. V.

cap. VI.

cap. VII.

cap. VIII.

cap. IX.

X. XI.

P. 95.

cap. XII.

cap. XIII.

XXII.

p. 186.

- novis colonis Samaritanis ab Assarhaddone missis, quæ colonia 65 annis post secundum Ahasi annum, quo Esaias vaticinatus est, ducta sit. *p. 218.* Vaticinium Ezech. IV, 4. 5. 6. de 390 annis peccatorum Israël, & 40 annis peccatorum Judæ, ita interpretatur, ut anni 390 pertineant ad totum Israël, Juda non excluso, incipientque a cultu vitulorum per Jeroboamum instituto, & desinant cum Hierosolymorum vastatione, 40 vero anni Judæ in istis includantur, sintque illi ipsi, quibus Jeremias munus propheticum, refragante populo, administravit. Fata Tyri, ab Esaia & Ezechiele prædicta, Scaligero aliisque perdoctis hominibus scrupulum iniecerant, qui eventum illis deesse mussitarunt. Noster evincit ex Josepho contra Apionem aliisque, Tyrum veterem a Nebucadnezare oppugnari ceptam anno, qui Hierosolymorum expugnationem proxime excipiebat, captam vero tredecim post annis, Tyriosque post 70 annos, annis LXX captivitatis Babylonicæ parallelas, in patriam rediisse, ac novam Tyrum condidisse, quæ juxta Ezechielis vaticinium cap. XXVII, ab Alexandro M. deleta sit, quo tempore veteris Tyri rudera ad aggerem construendum in mare præceps data sint, quod Ezechiel cap. XXVI prædixerit. Vaticinium ejusdem c. XXIX, II. de quadraginta annis desolationis Ægypti, quod cum eventu non respondere Josephus Scaliger existimavit, Nebucadnezaris ac Cyri ævis impletum, annosque istos a fœda clade, quam a Cyrenas Apries acceperat, deducit. Medos quoque Babyloniorum imperio aliquando subfuisse, quod Herodotus alique inficias ire videbantur, Prophetæ vero affirmant, Alexandri Polyhistoris auctoritate probat, magnoque molimine efficit, ut nullum detur Vatum V. T. oraculum, quod cum Historia profana accuratius exposita non pulcerrime conveniat. Quare oraculis istis ipsa classicorum scriptorum loca ubivis subjungit, ut ex collatis utrorumque verbis res eo uberius dispalescat. Multum quoque ipsi laboris facessunt controversiæ Chronologicæ, cum primis eæ, quæ circa Babylonicos Monarchas & LXX Danielis septimanas tractantur. Hic omnem movet lapidem, ut ostendat, Belsazarem Danielis eum ipsum esse, quem alii cum Berofo Laborosardachum appellant, Nabonidum vero esse Darium Medum. Perelegans est ejus observatio, Ahasveri nomen concernens, quod Noster non proprium, sed appellativum esse,

esse, atque Persicis Regibus commune fuisse, pro comperto habet. Templum tertium Hierosolymitanum ab Herode extructum Gurtlero nostro ad fabulas relegandum videtur; quod doctissimis viris, Capello & Lightfooto, a Josepho deceptis, non suboluisse miratur. Nam & in Haggæi vaticinio templum Zorobabelis postremum appellari, & Josephum sibi hac in parte palam contradicere ostendit. Displicet quoque ipsi summopere vulgata lini fumigantis & calami quassati apud Esaiam & Matthæum explicatio. Nam collatis circumstantiis, non de infirmis fuscipiendis, sed de populo Israëlítico interitui proximo ad certum tempus tolerando, eadem interpretatur.

p. 377.

p. 389.

Ad tertiam Ecclesiæ ætatem post hæc se confert, septem quod-
Cap. XXIII.

que periodis eidem adscriptis, & ex Apocalypsi firmatis. Nam prima ipsi a Christi excitatione usque ad Domitianum extenditur; secunda ab hoc ad Constantini a Licinio reportatam victoriam; tertia ab eopse termino ad Bonifacium III, Papam Romanum; quarta a Bonifacio ad Gregorium VII; quinta a Gregorio ad A. C. 1517; sexta ab anno isto ad pacem religiosam A. 1555 sancitam; septima ad finem usque mundi. Apocalypsin vero ita partitur, ut septem Ecclesiis Asiaticis indicari putet universalis Ecclesiæ N. Testamenti fata, ejusque per septem periodos futuram conditionem internam; septem sigillis conditionem externam; septem vero tubis fata orbis nobiliora, quæ ad Ecclesiam propius respiciunt. Hac ætate agnoscit non solum Apostolos fuisse Prophetas, sed & analogum quid dari judicat in Salviano, Merlino, Joachimo Abbate, Hieronymo Pragensi, Andrea Prole, Luthero & Jac. Usserio, qui eadem Hibernicam, quadraginta ante annis, concione ex Ezech. IV, 6 habita publice prædixerit. Hinc ævi ejusdem falsos vates enumerat, du-

Cap. XXIV

Cap. XXV

bisque hæret, num inter eos Montanum & Priscillam ac Maximillam justo referre titulo possit, quos excusandi multæ adsint rationes, cum primis quod Apollonius, qui de illis sinistra multa prodidit, in aliis fidem decoxerit, Tertullianus vero, severus censor, eosdem approbaverit. Fata hujusce ætatis non minus studio-
C. XXVI,
se vaticiniis ac Historia inter se scite compositis enarrat, multaque
XLVI
scitu necessaria, & Exegetæ cum primis perutilia, larga manu ad-
spergit. De Neronis persecutione accedit privata Illustris Cupe-

p. 491



ri sententiæ (cujus præstitam sibi in subministratis elegantioris literaturæ argumentis opem passim collaudat,) eam nimirum extra Romæ moenia vix egressam, & quæ de Hispanicis cædibus, inscriptionis Lusitanicæ auctoritate, Baronius, Pagius aliique tradant, ruinoso fundamento niti. Nec sine argumentis ita pronunciat, quæ ex Cupei Epistola proponit: Sulpicium videlicet affirmare, trans Alpes serius Evangelium venisse, & sub Aurel. Antonino primos ultra eosdem martyres visos, quod de Hispanis ultra Pyrenæos montes æquo jure possit statui: Hispanorum Christianorum numerum exiguum fuisse: Tacitum & Suetonium non nisi de Romana frage loqui: imo Sulpicium Neronis grassationem Roma urbe concludere visum: suspectas esse deletas ultimas Lusitanici lapidis lineas, quem Gruterus in ruinis Marquessæ, Scaliger Pisvergæ repertum dissensu memorabili referant. Hinc Noster decem vexationes universales Domitiano, Trajano, M. Aurelio, Severo, Maximino, Decio, Valeriano, Aureliano, Diocletiano & Licinio tribuit. De 1260 diebus Propheticiis, sive annis, quibus Ecclesia Antichristi tyrannidem passura sit, diligenter ac doctè agit, contra Coccejum evincens, eos ante quintum seculum inchoari non posse. Decem regna sub cornuum imagine a Daniele & Joanne prædicta ea esse, quæ ex migrationibus seculi post Christum quinti prodierint, videlicet, Francicum, Visigothicum, Suevicum in Lusitania, Vandalicum in Africa, Saxonicum in Britannia, Hibernicum in Scotia, Ostrogothicum, Hunnicum in Pannonia, Alemannicum in Germania, & Burgundicum in Gallia. Inter alia commemorat, post obitum Cardinalis Lotharingi, inter chartas ejus repertam fuisse quandam, in qua scriptæ extiterint rationes pecuniarum, ad fovendas Protestantium discordias impensæ. Notandæ etiam sunt meditationes Gurtleri de resurrectione corporum nostrorum. Existimat enim, post lapsum, terra excretioni data, diluvio cadaveribusque sædata, particulas corporibus humanis formandis nutriendisque destinatas valde fuisse corruptas, per respirationem quoque alienas atomos multas a nobis attrahi; has utpote ad corpus nostrum componendum non ordinatas, venenatas quasi esse, & machinam tandem expugnare ac destruere; in resurrectione vero nos accepturos particulas tantum nostras, exclusis alienis & alterantibus, istas quoque in pristinum, qui

qui ante lapsum fuerit, statum, ratione motus, quietis, figuræ, situs & quantitatis, quæ omnia lapsu immutata fuerint, restituendas. De mille annis Apocalypticis non habet, quod pronunciet, etsi felicitatem Ecclesiæ ultimis temporibus manifestandam expectet. Judam & Ephraimum censet typos non solum Ecclesiæ Orientalis & Occidentalis, verum etiam Lutheranz & Reformatæ esse.

Sub calceum, Brightmanni, Medi, Mori, & Hoffmanni Chronotaxeos Apocalypticæ auctoris, Systemata Prophetica examinat, quæ etsi nec carpat nec refutet, facile tamen cuivis apparebit, cruda ea fuisse, nec satis expolita, si cum posterioribus Nostri curis conferantur. Hujus igitur Systema, ut rem in compendium mittamus, sequens est: Sub *periodo prima*, sicut ævo primo Ecclesia est constituta, protoplasti cito a Deo defecere, & Cain fratrem occidit: ita ævo secundo Israelitica Ecclesiaeducta ex Ægypto ac instituta est, præpropere a Deo desciscens; & tertio ævo Christianus cœtus suscitatus est, cujus defectio primis etiam annis apparuit, Judæi vero in Christianos, etsi fratres, sævierunt. Sub *periodo secunda*, quemadmodum ævo primo homines multiplicati sunt, viasque suas corruerunt, & sub patrum familias regimine vixerunt: ita ævo secundo Israelitæ Cananzam occuparunt, idola receperunt, & Judicibus paruerunt; tertio autem ævo Christiani per orbem disseminati, superstitionibus variis adscitis, a Presbyteris & Episcopis gubernabantur. Sub *periodo tertia*, sicut ævo primo potentiores dominium invadebant, diluvio autem, sola Noachi Ecclesia servata, omnes perierunt: ita secundo ævo Reges inalvere, & idololatria, cultoribus veri Dei mire servatis, Israelem inundavit; nec minus tertio ævo Episcopi dominatu quæsito fruebantur, barbaræ nationes ac idola imaginum totam fere Ecclesiam, paucis bonis piisque conservatis, obruerunt. Sub *periodo quarta*, quemadmodum ævo primo Nimrod Babylonem exstruxit, secuta conditorum dispersione: ita ævo secundo Jeroboam Samaritanum regnum vitulosque constituit, insequente dispersione in captivitatem; ævo pariter tertio Antichristus Babelem mysticam condidit, acciditque schisma Græcorum & Latinorum. Sub *periodo quinta*, sicut ævo primo filius Dei nec semel apparuisse legitur, idolorum autem plena fuere omnia, Abrahamus denique ab idololatriæ exit: ita ævo secundo

cundo in captivitate Babylonica Schechina deest, idola Chaldaeorum recipiuntur, ac Judæi ex captivitate educuntur: consimiliter tertio ævo, Antichristo in templo sedente, verbum Dei silet, corruptio immensum accrescit, Waldensibus, Wiclefo aliisque exeuntibus. Sub *periodo sexta*, quemadmodum ævo primo Deus Abrahamo, Isaac & Jacobo se revelabat, pastores Abrahami & Lothi altercabantur, Ismael Isaacum vexabat, & Sodoma evertebatur: ita ævo secundo Deus per Haggæum, Zachariam & Malachiam se manifestavit, sacerdotes litigarunt, Hierosolyma a Seleucidis vastata sunt: quin etiam ævo tertio per Lutherum & Zvinglium Ecclesia repurgata est, inter quorum successores controversiæ interneciniæ eruperunt, Romaque direpta est. Sub *periodo septima*, sicut Jacobus in Ægypto nutriebatur, Josephus auctoritate florebat, Israel servitute premebatur, & punitis Ægyptiis liberabatur: ita ævo secundo, Judæi in Ægypto multiplicantur, opibus ac honoribus aucti, post hæc a Ptolemæis graviter vexantur, eoque regno per Romanos everso, liberi fiunt: denique ævo tertio gemina Ecclesiæ Christianæ fata, ut Auctori videtur, expectanda sunt.

Nos, si voto res perficeretur, indicem dictorum Veteris Novique Testamenti in hoc Systemate expositorum, ac eventibus illustratorum, eruditissimo operi, quod citra eundem vix commodè utiliterque in tanto vaticiniorum cumulo adhiberi poterit, exoptamus, excepturi etiam singulari delectatione Systema Historicum, quod doctissimus Vir pollicetur.

*THE HISTORY OF THE ROYAL SOCIETY OF
London.*

Id est,

*HISTORIA REGIÆ SOCIETATIS LONDINENSIS,
in incrementum Scientiæ Naturalis instituta. Editio secunda. Auctore THOMA SPRAT, Theol. D.*

Episcopo Rossensi.

Londini apud Rob. Scot, Ri. Chiswel, &c. 1702, 4.

Constat 2. Alph. pl. 11, & fig. æn. 2.

Cum diu hætenus frustra in officinis librariis quæsitæ fuerit prior hujus libri editio, quæ jam tum A. 1667 comparuit, dignum

gnum eum existimarunt bibliopolæ, quem nunc iterum, quantum nulla parte auctiorem, ederent. Neque forte inventus est, qui eam Historiam pari elegantia (nam pro exemplo pulcræ dictio- nis apud Anglos est) pertexere, & ad nostra tempora deducere sus- tineret, & summe Reverendus Auctor gravioribus negotiis im- mersus, vel ob corporis imprimis imbecillitatem, quam, cum ob- latam a Potentissima Regina ANNA Armachani in Hibernia Ar- chi-Episcopatus dignitatem nuperrime recusaret, allegasse eum accepimus, continuandæ Historiæ laborem ipse suscipere nequa- quam potuit. Nihilominus cum nondum exteris satis innotuisse liber rarus videatur, ad quos ne quidem perventurum eum Au- ctor p. 70 fuerat ominatus, operæ pretium nos facturos esse spe- ramus, si prætermissa prima parte (qua Auctor causas recenset, qua- re parum præcedentibus seculis excultum fuerit Physicæ studium, quales sunt sectarum varietas, fervor disputandi, nimium Orato- riæ studium, controversiæ Theologicæ, opiniones dogmaticæ, pau- pertas Physicorum, Societatum Physicarum defectus, quæ excitata So- cietate Regia, maximam partem sublata videntur) ex secunda atque tertia, qua fieri poterit brevitate recenseamus, quæ proprie ad Il- lustrissimæ Societatis Historiam spectant.

Ut itaque de origine Societatis dicamus primum, ea D. Wilkinsio tribuitur, qui paulo post, quam turbæ civiles, Cromvello jam Protectore, ut eun- que conquievissent, in museo suo, quod est Oxoni in collegio Wadhamensi, velut Præfectus ejus habebat, quosdam doctorum conventus, prout e re visum, instituerit, quos inter fuerint Wardus, Boyleus, Wallisus, Willisus, Bathurstius, Goddardus, Rookius, qui primi Aristotelis sententias repudiantes liberius philosophari cœperint. Sed factum, ut A. 1658 in diversa illi loca distraherentur, & plerique Londinum pervenirent, ubi Socie- tati continuandæ nullus aptior locus visus est, quam collegium Greshamen- se, quod optimo consilio Musis sacrum esse jussit civis quidam ejus nominis Londinensis. Jamque tuta omnia vi- debantur, & plures paulatim accedebant Socii, cum repente novi eodem anno motus excitantur, & pulsus Musis, milites Greshamen- ses cathedras occupant. Itaque intermissæ sunt operæ, donec A. 1660, redeunte Rege Carolo II, ipsæ quoque Musæ rediissent. Tum enim serio de ordinanda Societate deliberatum a nonnullis

est, & quantum in iis initiis fieri potuit, nihil prætermisum, quod ad perficiendam naturam vel artem, (qui Societatis finis est) conferre quicquam posset. In Collegis igitur addiscendis nihil referebat, quam quisque religionem profiteretur, qua gente esset oriundus, quod amplexus vitæ genus, vel qua in dignitate constitutus; quod postea quoque patuit, cum ab ipso Rege Johannes Graunt, qui nonnisi tabernarius erat, inter primos Socios commendaretur, quod is editis observationibus in Tabulas mortuorum (*Observations on the Bills of Mortality*) ingenii sui specimen prodidisset; quem librum in linguam Germanicam transferri nuper admodum curavit bibliopola noster solertissimus Thomas Fritschius. Convenere ita singulis Mercurii diebus in collegio Greshamensi, in quo duo musea assignata iis erant, alterum conventibus instituendis, alterum instrumentis, librisque & rebus rarioribus asservandis. Datus Sociis Præses, cujus officium est, ut conventus convocet & dissolvat, disquirenda proponat, dirigat denique cuncta, & novos Socios ab universo Collegio electos recipiat. Lingua utuntur non tam Latina, quæ eruditorum propria est, quam Anglicæ, eaque maxime vulgari, rejecta inutili verborum pompa, quæ ad rerum naturalium scientiam promovendam nihil confert. Quæ occasione Anglicæ nationis singularis indolens laudatur, quæ est ab omni affectatione alienissima, ut vel ideo videatur ad scientias excolendas aptissima; quemadmodum ipsa quoque Academia Gallicana, ut paulo infra p. 126 refert Auctor, in iis litteris, in quibus Societatem Anglicanam ad mutuum commercium invitat, fatetur ingenue, longe pluribus commoditatibus ad excolendam Philosophiam realem instructos esse Anglos, quam ceteras gentes universas. Atque hæcenus Auctor scripserat, cum grassante Londini A. 1665 peste, quam anno sequenti horrendum incendium insequeretur, Auctor noster hanc Historiam e manibus velut abjicere cogeretur. Quæ mala tamen cum superassent Angli, atque suas operas Socii resumpsissent, Noster quoque cœptum opus pertexuit. Hic postquam, quo in pretio apud exteras gentes sit Societas, præmisisset, Anglorum quoque ad eam ornandam singulare studium describit; mercatoribus etiam, legatis ad externos Principes, militibus & bellicis ducibus symbolas suas conferentibus. Maximum vero Societati decus

decus ab ipso Rege accessit, qui & ipse multa experimenta spectavit, & non pauca Sociis inquirenda proposuit, eorumque amulationem & studium excitavit, quoque plus splendoris ea acciperet, Regiam abs se dici iussit, & luculentis privilegiis donavit. Insigni etiam ornavit, tribus nempe leonibus Angliæ in scuto argenteo, quod duo canes venatici sustentant, apicem ejus aquila occupante. Quo ordinatius vero cuncta procederent, præfentes quotannis in Senatu esse jubentur viri viginti, quibus accedit Præses, qui non minus quam Socii, scientiæ naturalis incrementum pro virili se procuraturum, solenni juramento promittit. Relicta quoque Societati libertas, ut die S. Andreae possit & Præsidem novum eligere, & missis e Senatu novem Sociis, totidem novos collegas adsciscere, tametsi hi, qui e Senatu migrant, Societati nihilominus mancant adscripti. Præterea ut de officialibus aliis quoque dicamus, est qui Thesaurarii munus obit, sunt & Secretarii duo, totidem Curatores experimentorum, quibus accedunt quoque amanuenses nonnulli & minoris existimationis ministri alii. Denique prudenter Rex prævidit, inter æmulos Socios facile similitudines & lites oriri posse; itaque qui eas componerent, designavit Magnum Regni Cancellarium, Archi-Episcopum Cantuariensem, Custodem sigilli Angliæ, Archithesaurarium, Episcopum Londinensem. Sequuntur paulo post leges Societatis, quas hic recensere opus haud existimamus, sicut & quæ Autor subjicit a Societate inventa, velut aliunde jamdudum nota prætermittimus, ne instituti nostri rationem supergressi videamur. Interim obiter hic notamus, quod Noster de Roorkio refert, postquam ejus nonnullas observationes de eclipsi Lunæ & Satellitum Jovialium inseruisset: singulare enim est, tantum virum A. 1662 decessisse eadem nocte, quam ab aliquot annis miro desiderio expectaverat, ut observationes circa Satellites Jovis absolvere demum posset. Post ea experimenta, de museo rerum naturalium & bibliotheca Societatis agit, quorum illud celeberrimi Hookii curæ demandatum est, qui quicquid natura præstat eximium, in suos disponat loculos, hæc Henrici Howardi munificentia maximum decus consecuta est, qui Arundelianam bibliothecam Societati legavit; ut taceamus eundem tam benigno in Socios fuisse animo, ut post magnum illud incendium Londinense,

receptum iis in ædibus Arundelianis liberrimum concesserit. Tum subiicit Auctor rerum naturalium historias a Societate compositas, eaque occasione laudat Ruperti Palatini Principis singulare studium, qui pulveris pyrii historiam cum Societate liberaliter communicavit, tum & sub finem partis secundæ ea speciatim commendat, quæ a Christophoro Wren inventa fuerint & publice propolita.

Sequitur pars tertia, in qua Societatem a nonnullorum cavillationibus & objectionibus liberat, & quem usum afferat, prolixè probat. Itaque primum cæteras scientias omnes consistere cum hoc instituto, præter Physicam, posse docet; ejus enim aliam quodammodo, sed meliorem faciem nunc deprehendi, non dubitat. Hinc præstare asserit homines a teneris rebus sensibilibus adfuesieri, quam arduis doctrinis ubui, eoque mechanicam, quam vocat, educationem methodicæ præfert, Platonis, ut ait, exemplo, qui Geometriam primo loco discipulos docuerit. Postquam deinde a Sociis suis ea removisset, quæ universim de eruditione obijciuntur, quod pariat disputandi pruritus, quod temporis requirat nimium, quod superbos faciat & obstinatos, quod sua suavitate animos a negotiis aliis avocet, & quæ sunt ejus generis plura; pulcre ostendit, ad ipsos quoque affectus cohibendos viam sibi illos parare, qui faciendis experimentis physicis oblectentur. Magis tamen de eo laborat Auctor, ut probet, scientiam experimentalem religioni Christianæ minime noxiam, sed prorsus utilem esse & proficuum, sive doctrinas de Deo, de cultu Divino, de Evangelio, de primitiva Ecclesia, sive religionem practicam, doctrinas item de prophetiis & prodigiis, nec non de mortificatione, sive ipsam imprimis Ecclesiam Anglicanam spectes. Exinde vero, quos usus experimenta artium Mechanicarum studiosis præbeant, non minus prolixè describit, passimque petitis ex Societate exemplis demonstrat, & Boylei librum de Usu Philosophiæ Experimentalis magnopere hac in parte commendat. Quem dum ex nobili gente ortum meminit, non dedecere naturalem scientiam Nobiles ostendit, simulque quam castra sequentibus utilitatem sæpe afferat, exemplis eorum docet, qui vel fluxum & refluxum maris, vel Nili naturam, vel eclipses Solis ignorantes, in maximum discrimen fuerint adducti. Pari modo iis, qui ingeniosi scriptoris laudem affectant, uti-

Elli-

lissimum hoc studium futurum, vel unico Baconis exemplo evincit, qui nisi assidue res naturales tractasset, nequaquam acutis abundasset meditationibus. Tandem quantum inde commodi ad nationem Anglicam universam perveniat, adjungit, quæ cum sit otii paulo nimis amans, & non tam suarum quam aliarum rerum studiosa, instituta Societate Regia, labori adsuescat magis, & sua perverstiget, & non nisi ea, quæ pulchra sunt & utilia, ab exteris recipiat; præterea per Societatem diversa eruditorum studia & affectus tolli, operasque eorum jucundo consortio uniri, & observantiam erga Regem, a quo excitata Societas est, conservari monet. His ita eleganter explicatis, eorum Auctor catalogum exhibet, qui nomina inter Socios eo tempore, cum primum hic liber prodiret, professi sunt, quos inter primi sunt Rex ipse Carolus II, fundator Societatis & patronus, Jacobus Dux eo tempore Eboracensis, Rupertus Princeps Palatinus, & Ferdinandus Albertus, Dux Brunsvicensis & Luneburgensis.

סדר קרשים

Sive

LEGUM MISCHNICARUM LIBER, QUI INSCRIBITUR *Ordo Sacrorum, cum Maimonidis & Bartenora commentariis integris &c. Latinitate donavit ac notis illustravit*
GUIL. SURENHUSIUS. Pars V.

Amstelædami excudunt Gerh. & Jac. Borstius, 1702, in fol.

Alphab. 4. pl. 18.

ITa spes tandem affulget, perductum propediem ad finem iri splendidum illud atque præclarum opus, frustra hætenus eruditorum expetitur votis. Penultimus enim est hicce, quem sistimus, Systematis Mischnici tomus, isque ordine quintus, cujus summam, ipsomet nobis in præfatione præeunte celeberrimo Surenhusio, more nostro indicabimus.

Nimirum in hoc Ordine, qui dicitur סדר קרשים *Ordo Sacrorum*, primo comparatur זבחים מסכת *tractatus de Sacrificiis*, quem hic clarissimus Editor ex versione Ullmanni exhibet; ipse autem observat, per vocabulum זבח sive זבחים intelligi sacrificia majora, quæ ab animantibus defumebantur, & omnino si vim vo-

eis זבח species, eam cum voce מַחֲטִיף *maclatio* convenire. Quia autem sacrificium ejusmodi altari offerendum erat, offerentesque cum Deo conjungebat, propterea etiam קרבן seu *appropinquationem* illud dictum monet. Animantia autem, e quibus זבחים sacrificia petebantur, trium fuisse generum docet, nempe *bovum, ovium, & caprarum*, eaque omnium sacrificiorum excellentissima fuisse habita, ut adeo ex iis tantum publica sacrificia fierent, non ex avibus. Quare autem e tribus hisce potissimum generibus sacrificia oblata sint, ejus rei Maimonidem duas asserere rationes, quarum una sit, quod tria ista animantium genera inter omnia natura, habitu, & pabulo sint præstantissima; altera, quod illa ipsa inventu sint facillima, ideoque & e feris nulum factum sacrificium, quod ex summa cum difficultate investigentur; eandemque ob rationem & volucrum oblationem solis turturibus & columbarum pullis factam fuisse. Abarbanelem autem duas insuper alias asserere rationes, quarum una sit, quod hæc animantia sanctissimorum patrum symbola præ se ferant: bovem enim esse symbolum Abrahami, quod ut bos omnium animantium maximus est, ita & Abrahamus omnium patrum; Isaaci symbolum esse oves, quia oves dignitate proxime attingunt boves, tum etiam, quod aries a patre ipsius immolandus ei substitutus sit: Jacobi denique symbolum fuisse sacrificium e capris desumendum, cum hoc pecoris genus inferius sit eo, quod ex ovibus desumebatur. Alteram autem Abarbanelis rationem hanc esse, quod per pecora & volucra, quorum in sacrificiis usus erat, designaretur gens Israelitica, quemadmodum v. g. apud Hoseam cap. IV. v. 16. legatur: *juvenca contumacia instar Israelita rebellant*; id quod aliis Scripturæ sacre oraculis confirmatur. Et hæc quidem similiave de materia sacrificiorum Auctor disputat. Formas autem eorundem dum considerat, quatuor eorum genera recte constitui observat, *sacrificium holocausticum, sacrificium pro peccato, sacrificium pro reatu, & sacrificium pacificum*. De singulis varia tradit, & eadem ratione de מנחות seu de muneribus disserit, quorum duo genera constituit, unum quod una cum sacrificio offerri & comburi debebat, & sine quo sacrificium neutiquam immolari poterat, id quod מנחת נסכים *munus libaminum*,

voca-

vocabatur: alterum quod seorsim offerebatur, & a munere libaminum distinctum erat. Horum munerum varia itidem erant genera, de quibus singulis accurate & solide more suo disserit Surenhusius. Nobis hæc attingere non licet, quippe quibus alia hic se offerunt. Nimirum postquam de forma sacrificiorum & munerum verba fecit, de causis sollicitus est, propter quas sacrificia offerenda erant, a quibus personis, in quibus casibus & circumstantiis. Hinc quatuor iterum constituit sacrificiorum genera, quorum unum erat קרבן העבור *oblatio cætus*, sive publica oblatio, quæ ab universo Israelitarum cætu fiebat: alterum erat קרבן היחיד *oblatio privata*, quam quisque privatus Israelita adducebat: tertium erat oblatio publica, quæ privatæ oblationis speciem habebat: quartum denique erat privata, quæ publicæ similitudinem ferebat. Ad publicam autem oblationem quod attinet, ea singulis diebus, singulis sabbatis, & singulis noviluniis, singulisque festis Domino sacris offerebatur, quibus nihil unquam quicquam addendum vel detrahendum erat. Harum vero undecim iterum erant genera, ordine diligenterque ab Auctore eruditissimo exposita, scilicet holocausta jugia; additamentum sabbaticum; oblatio addititia novilunii; oblatio festi azymorum; oblatio agitationis manipuli; oblatio addititia diei detentionis in festo hebdomadalium; oblatio quæ ipso die festi detentionis hebdomadalium cum duobus panibus offerebatur e juvenco uno, arietibus duobus, septemque agnis in holocausta, ex hircio in sacrificium pro peccato, & e duobus agnis in sacrificia pacifica; porro oblatio addititia novi anni; oblatio diei expiationis; oblatio primi diei festi tabernaculorum; & denique oblatio diei octavi detentionis festi tabernaculorum. De addititiarum autem oblationum ordine notat, sacrificium jube matutinum antecessisse additamentum sabbati, & si in sabbatum incidisset novilunium, aut festum solenne, vel utrumque simul, post additamentum sabbati oblatum fuisse addititium novilunii, & post hoc addititium festi solennis, & sic porro. Et ista quidem sunt, quæ de oblationibus publicis in medium attulit: de privatis ceterisque generibus supra indicatis, non minus diligenter & sollicite disquiri, ut prorsus existimemus, non aliunde rectius totam de sacrificiis doctrinam, si quis in compendio cuncta addiscere velit, quam ex

hæc

hac ipsa doctissimi Viri præfatione hauriri. Hoc prætermittere nefas ducimus, quod de causa sacrificiorum a Deo institutorum, in medium affert. Quæri videlicet & ab ipsis Ebræorum, doctoribus dicit, an præcepta de sacrificiorum ritibus Mosi data sint a Deo, secundum primam ipsius intentionem, qua is sibi proposuerit, post hominis primi lapsum, se colendi modum quendam mortalibus præscribere, qui in animantibus aliquibus rite faciendis, & in fide offerendis consisteret: an vero Deus optimus maximus sacrificiorum usum, qui tot seculis apud omnes gentes & nationes obtinuerat, paulum immutaverit, ut gentem Israeliticam ab aliis nationibus idololatricis fecerneret, & ejusdem verum cultum divinum illarum fictitio & vano opponeret. Et posteriorem quidem sententiam Maimonidem, Abarbanelem, aliosque amplecti, quippe qui contendunt, cum receptum ubique fere esset, Deos sacrificiis & oblationibus venerari, visum etiam Deo esse, illam consuetudinem non plane tollere, quod istis temporibus alius Deum colendi modus in mentes hominum non caderet. Ad rectum itaque finem hosce ritus Deum accommodasse potius, quam instituisse, proinde & ipsis fatentibus Ebræorum doctoribus, sacrificiorum jura non æque ac venerationem, & reliqua pietatis officia, propter se esse sancita, quia hæc omnibus & locis & temporibus vigeant, illa non item. Et hanc etiam rationem esse iidem, observante Surenhusio, contendunt, cur illud Israelitarum in sacrificiis offerendis studium toties a Deo reprehendatur, ut apud Es. I, 11. *quorsum mihi tæ sacrificia? dicit Dominus.* Præterea ex iisdem Ebræorum doctoribus observat Auctor, quod in legibus Moisaicis de sacrificiis agentibus nusquam occurrat vox *אל* neque *אלהים*, verum *יהוה*, cui hanc rationem subesse existiment, quod isto genere dicendi calumniatorum nefariorumque hominum os obturetur, putantium Deum egere cibo & potu, cum hoc nomine sufficientia ipsius notetur, cui nihil accedere possit. Caterum quando Maimonides aliique statuunt, sacrificia esse intentionis secundæ, neutiquam eos negare Auctor docet, ea esse intentionis primæ. Prima videlicet sacrificia ideo oblata esse, ut homo iis propius ad Deum suum accederet, coram ipso se humiliaret, ejusdem existentiam unitatemque profiteretur, eaque intentione Adamum & Noachum sa-

cri-

sacrificia obtulisse. Cum autem ipsa ratio colendi Numen longe lateque recepta esset, Deum hac ratione permotum fuisse, ut eam genti Israeliticæ etiam concederet, ita tamen, ut ad eum scopum referret sacrificia, ad quem primum inventa & usurpata fuerant, ut per ea scilicet natura humana cum divina arctiori velut vinculo conjungeretur.

Et generatim quidem, quis sacrificiorum finis sit, ex eo elucescit. Cum autem magna eorum sit varietas, ex eo Ebræorum doctores, interque reliquos Abarbanel, collegerunt, specialem in quolibet sacrificio finem Deo constitutum fuisse; atque eos quidem fines speciales eruere, magnæ sapientiæ opus esse. Nonnullas tamen de præcipuorum sacrificiorum sine speciali conjecturas, ex Abarbanelæ Auctor proponit. Holocausti finem eum esse dicit, ut mens humana intelligentiæ prædita quam arctissime Creatori suo jungeretur, & de animæ immortalitate firmissime persuasa esset, nempe, quod sicuti animans post jugulationem suam in altari offerebatur, & igni admovebatur, atque ei junctum ascendeat fursum in odorem Domino gratum, ita quoque anima illius, qui sacrificium faciebat, sive privatus quispiam esset, sive publicus, sive totus cætus, post mortem ad Deum in montem Domini, & locum sanctitatis illius, in odorem ei gratum ascenderet, ibique cum ipso conjungeretur sub throno gloriæ ejus: ideo etiam hoc sacrificium dici עֲלִיָּה *ascendens*, quia anima humana aliquando in cælum ascensura sit, totumque sacrificium combustum fuisse in signum, quod anima intellectualis ad Deum reditura sit, qui eam produxit. Munus vero & libamen, quæ holocausto addebantur, ut porro Auctor docet, innuebant bona illa, quæ homo adipisceretur in cœlesti divinæ naturæ domicilio, eo quod homo erat rationis compos, cujus ope is solus est immortalis, & præ reliquis animantibus cum Deo conjungitur; quod significatum dicunt per farinam purissimam triticeam, quod folius animantis ratione utentis pabulum est. Id quod ex eo porro colligunt, quod postmodum festi paschatis, manipulus hordeaceus offerendus fuerit, ut documentum inde caperent Israelitæ, se nondum ad perfectissimam naturæ humanæ conditionem pervenisse; quemadmodum & ab uxore adulterii suspecta munus ex hordeo potissimum offerendum fuerit,

rit, eo quod pecudum more vixerat. Et ita quidem de specialibus harum legum rationibus, ex mente Ebraeorum porro Auctor describit; sed nobis progrediendum est ad alia.

Sequitur itaque מסכת מנחות *Tractatus de Muneribus*, de quibus lex divina extat Lev. II, quam paucis Auctor explicat, simulque summam codicis Mischnici, qui hunc titulum præfert, indicat. Hunc vero excipit מסכת מורין *Tractatus de Profanis*, hoc est, de illis ritibus, qui in sacro ministerio profani habentur; simul tamen etiam in hoc codice de pecudibus tum sacris, tum profanis rite tractandis agitur. Cujusmodi ea sint, quæ hic ab Ebraeis doctoribus disputantur, quilibet, qui hæc sacra vel a primo limine salutavit, haud difficile conjectura assequi potest. Nec operam forte perdidit, qui summam illorum, quæ in ipsis codicebus prolixius traduntur, hic velut in compendio ab Auctore doctissimo relata perlustraverit. Nobis satisfuerit, illustriora saltem hujus tractationis capita paucis attingisse. Accedimus itaque ad מסכת בכורות *Tractatum de Primogenitis*. Extat lex divina Exod. XIII, 2, qua Israelitæ omne primogenitum aperiens vulvam, tam ex hominibus, quam e bestiis, Deo consecrare jubentur. Rationem præcepti, ut hic bene observatur, ipse Legislator addit: *אֵלֹהִים לִי הוּא meum illud est.* Deus namque Israelitarum primogenitis pepercerat, cum Egyptiorum primogenitos e medio tolleret, adeoque illi omnino sacri Deo esse debebant. Ex ea autem loquendiratione פטר רחם Abarbanel, ut Surenhufius docet, tollit putat controversiam, qua quæri posset, an major natu sit בכור primogenitus, an vero is, qui primus ex prima seminis paterni gutta generatus est, siquidem in gemellorum nativitate is, qui prior conceptus est, aliquando posterior nascatur: namque hinc constare, quod ad aperturam vulvæ respiciendum sit, non autem ad conceptionem in utero materno. Juri naturæ porro conveniens arbitratur, ut ratione matris potius primogenitura determinetur, quia mater plerumque majore amore in prolem fertur, quam pater, tum etiam quod infantem tam diu in utero circumtulit, & aluit, nec sine magno dolore eniti soleat. Hæc postquam disseruit Auctor, speciatim tum de hominum, tum de bestiarum primogenituris, ad ductum Maimonidis exponit, observatque inter reliqua,

liqua, Israelitas bestiam primogenitam mundam hac formula consecrare consueville: *הרי זה קדש* *en hac sacra esto*: hoc enim illis injungi credunt Ebraeorum magistri hisce legis divinæ verbis: *תקריש ליהוה אלהיך* *consecrato Domino Deo tuo*: fuisse tamen per se sacram, quia, ut ipse Auctor loquitur, inde a vulva matris sanctitas in ipsam jam incidisset, licet nulla consecratio oretenus facta accessisset. Addit & hoc, hanc de primogenitis mundis legem omnes omnino homines, Sacerdotes & Levitas paciter ac Israelitas obligasse, & quamvis primogenita essent Sacerdotis, nihilosecius tamen, si ei pecus aliquod primogenitum natum esset, sanguinem & exta illius in altari eum obtulisse, & reliquam carnem comedissee, secundum ritum de primogenitis comedendi. Cujusmodi autem sint, quæ in ipso codice Mischnico de primogenitis disputantur, ex ipso Auctore quam rectissime intelligitur. Sic ne specimen desit, in primo capite proponitur quaestio, an, si quis Israelita asinam gravidam a Gentili quopiam emerit, vel eandem ei vendiderit, etsi hoc Israelitæ de jure non liceat, foetus ille primogenitus in utero asinæ obligetur ex lege de primogenitura? ad quod respondent, neutiquam obligari, quia in lege dicatur, Deum sibi omne primogenitum consecrassse *inter Israelitas*, at non inter Gentiles. Cetera mittimus.

Haud procul a præcedentis tractatus argumento abit doctrina de *Æstimationibus*, quo videlicet pretio Israelitarum primogeniti æstimandi erant, quod usui sacro destinabatur. Et hac de re agitur in *מסכת ערכין* *Tractatu de Æstimationibus*: ipsa autem lex divina extat Levit. cap. ultimo. Notat autem Auctor ex Abarbance, quod lex noluerit, ut Sacerdotes hominum pretia statuerent, sicut in animantibus, quorum unum altero præstat, sed ut omnium idem esset pretium, eadem dignitas. Etenim (ita rationes subducit) si in homine dignitatis ratio haberetur, & a Sacerdotibus æstimatio fieret, tum contingere potuisset, ut si quis filium sapientia excellentem vovisset, Sacerdotes pretium statuerent, quo patris facultates omnino exhaurirentur: ideoque legem idem pretium in hominibus redimendis fixisse, siue docti siue indocti, siue fortes siue debiles essent, ut omnis æmulatio inter Israelitas tolleretur, cum viderent, unum licet dignitate & scientia præstantem non pluri æsti-

mari, quam alterum; tum etiam ut ingenui homines discernerentur a servis, qui bonitatis ratione habita, pluris minorisve vendi soleant. Quod autem masculi pluris æstimentur, quam foeminae, ejus rationem Abarbanel putat ex utriusque natura petitam esse, qua foemina consideratur ut materia, mas vero ut forma, in prole excitanda. Ast quod servi servæque in damnis idem sit pretium, id hanc habere rationem existimat, quod satis sit ei, qui damnum intulit, vel cujus bos nocuit, ut pretium hominis anima præditi in genere solvat, & ut non inquiretur, an masculini vel foeminini sexus sit is, cui damnum illatum est, quia is qui læsit, ex imprudentia læsit, vel animans ipso inscio, & idcirco istam triginta siclorum multam satis esse pro homine infelici, quem infortunii sui poenitet. - Et hæc quidem similiave de ipsa lege divina disputantur. Nec abluunt hinc, quæ in tractatu Mischnico traduntur. Namque in primo statim capite discernitur inter eos, qui ipsi æstimare possunt & ab aliis æstimari, vovere & voveri; tum porro minimum æstimationis pretium terminatur in uno siclo, quamvis in lege id tribus siclis contineatur, maximum vero in quinquaginta siclis, licet quis Croeso ditior, vel Iro pauperior fuerit, & sic porro. Reliqua nunc unico velut complectemur fasce. מסכת תמורה *Tractatus de Commutatione* id exsequitur, quod jam divina lege ea de re constitutum est Levit. cap. ultimo. Summa legis divinæ hæc reddit, quod studio & industria sacra animantia mala non liceat commutare cum bonis, & vice versa, sed si quis id casu quodam fecerit, tum utraque animantia sint sacra Domino, ita ut nec a proprietario, nec a quoquam alio redimi queant. De iis autem, quæ ad hanc legem pertinent, prolixius Ebraei doctores more suo disquirunt: cumque statuunt, eum qui hoc edictum transgressus fuerit, verberibus ob singula pecora, quæ commutasset, excipiendum fuisse, ita tamen, ut interdum commutatio locum haberet, modo hanc in se susciperet poenam, interdum vero nec hac ratione procederet, amplissimus varias quæstiones movendi, variæque necendi dubia, illis sese aperit campus. Huic autem titulo subnectitur מסכת כריתות *Tractatus de Excidiis*, qui quod in hunc librum, qui præcipue de sacrificiis & rebus sacris tractat, relatus sit, ejus rei hanc rationem esse Surenhusius putat, quod propter triginta sex interdicta peccator poena excidii afflicte-

tur,

tur, si prudens sciensve ea violasset; si imprudens transgressus esset, sacrificium pro peccato afferre tenebatur: quo sensu non minus sacrificiorum, quam excidiorum ratio attendenda erat, quoties iudicibus examinandum erat, an præcepta studio, an vero ex ignorantia quadam violata essent. Ipsa autem triginta sex excidia sparsim in lege commemorata, auctor Mischnicus ab initio tractatus in genere recenset, deinde alia, quæ cum hoc argumento affinitatem quandam habent, subjunguntur. Mitiores autem sententiam promerebantur, qui tantum prævaricati erant: hinc in hoc ordine etiam additur מסכת מעירה *Tractatus de Prævaricatione*. Lex divina hac de re extat Lev. cap. V, 14. seqq. ex qua intelligitur, si quis ex errore quodam de sacris Domini aliquem usum percepisset, iisque aliquid detraxisset, & ad se transtulisset, cum potius ea omnino illibata conservare debuisset, cum prævaricationis reum esse. De hujus itaque criminis expiatione lex divina agit; Mischnici autem doctores in minutissimas hic etiam inquirunt circumstantias, dum accurate enumerant res omnes, in quas prævaricatio cadere queat, & quæ alia sunt ejusdem commatis. Ceterum Latinam versionem tractatus prioris כריתות *de Excisionibus* adornavit Ulmanus, quam & Surenhusius retinuit. In מסכת תמיר *Tractatu de jugi sacrificio*, modus sacrificia jugia offerendi in genere describitur, & mera rituum enarratio traditur, nullo liciti vel illiciti instituto examine, ut adeo tanta cura & sollicitudo in eo non adhibenda fuerit, ac in præcedentibus: quam causam etiam esse censet Surenhusius, cur hic reliquis tractatibus fuerit postpositus. Ipsa lex divina de jugi sacrificio extat Exod. XXIX, v. 38. seqq. ejus sensum ex mente Ebraeorum Surenhusius edisserit. Versionem autem hujus tractatus concinnavit Michael Arnoldi, S. S. Th. Doctor & Leowardix verbi divini Minister, quam & Surenhusius retinuit, una cum notis, quas idem Arnoldi subjunxerat. Quod vero & מסכת מנחות *tractatus de Mensuris Templi* locum hic sibi vindicet, quilibet facile intelligit. Cum enim de sacrificiis actum esset, par etiam erat, ut de loco, in quo offerebantur, aliquid adjiceretur. Ceterum jam dudum hic tractatus seorsim cum versione & notis exquisitis Constantini L' Empeur, quas & cum versione huic operi inferuit

Surenhusius, in eruditorum versatur manibus: adeoque eo minus necessarium fuerit, quid in eo tractetur, indicare. Constitutum vero & Surenhusio fuit, ut ipse profiteretur, de mensuris templi aliquid commentari, & tabulas quasdam cujuslibet partis sigillatim, tum etiam totius sacri ædificii, quas a R. Jacobo Juda Leone aliisque Doctoribus Judæis acceperat, cum orbe erudito communicare, sed impeditum se in hoc instituto fuisse memorat morte R. Cœnraads, cui omnem tabularum suarum curam, tam in iis in ordinem redigendis, quam exculpendis, demandarat, cui etiam qui ingenio & industria par esset, & ad opus perficiendum idoneus, hætenus inter Judæos se invenire non potuisse ait. Laudat autem magnopere viri istius justitiam, eandorem, integritatem, modestiam, & in sua religione pietatem singularem. Agmen denique claudit מִסְכָּת קָנִים *Tractatus de Nidis*, sive avium pullis, idque ideo, ut Auctor docet, quoniam in ipso agitur de rebus non omnino necessariis, & raro contingentibus, videlicet, quomodo avium pulli, qui ad Sacerdotes adducti sunt, interdum ita inter se commisceri possint, ut non constet, ad quem dominum pertineant; proinde variis modis docetur, quid tum faciendum sit. Sed hæc sufficiant.

L'HISTOIRE DES CONGREGATIONS DE AUXILIIS, justifiée contre l'Auteur des Questions importantes &c.

i. e.

HISTORIA CONGREGATIONUM DE AUXILIIS ASSERTA contra auctorem Questionum momentosarum, per Doctorem Theologiae Facultate Parisiensi.

Lovanii, apud H. Nempe, 1702. 8. Alph. 1. pl. 7.

Cum de Auxiliis, ut vocant, Gratiæ acerrimæ inter Jesuitas & Dominicanos controversiæ ortæ essent, res eo tandem devenit, ut ad eas conspiciendas certi doctissimorum Virorum conventus, quos congregationes de auxiliis vocant, Romæ sub Clemente VIII & Paulo V Pontificibus instituerentur. In his licet magno studio & industria hæc negotium discussum esset, visum tamen fuit Paulo V Pontifici, decisionem differre, quam deinceps nec ipse

ipse nec successores ejus ut darent, a se impetrare potuerunt. Hoc enim Dominicani eo interpretarentur, ac si sua causa in hisce congregationibus vicisset, Pontificibus varias ob causas impeditis, quominus sibi palam victoriam adjudicarent, novum inde litis argumentum natum est. Cum primis autem, qui sua hoc referre putabant, id dederunt operam, ut acta istarum congregationum colligerent, ac in lucem proferrent, quod præ cæteris maximo studio egit Augustinus le Blanc (sub quo nomine P. Sery Dominicanum, Facultatis Theologicæ Parisiensis Doctorem & Reipublicæ Venetæ Theologum, latitare, ex novo Diario Eruditorum quod Parisiis editur, accepimus) in Historia Congregationum de Auxiliis Divinæ gratiæ, cujus summam & nos mense Augusto A. 1700 p. 337 exhibuimus. Vix autem fama institutum auctoris vulgaverat, cum A. 1698 Leodii ederetur *Epistola ad Abbatem - - - super Historia certaminum de auxiliis gratiæ, qua in lucem edenda esset*, (*Lettre a M. L'Abbé - - - sur la nouvelle histoire de disputes de Auxiliis qu'il prepare*) in qua auctor (quem P. Germont Jesuitam esse, itidem ex Diario Eruditorum Parisiensi accepimus) id probandum in se suscepit, acta congregationis, quibus le Blanc, vel potius P. Sery nititur, nullam omnino promereri fidem. Sed P. Sery sibi non defuit. Namque non tantum in præfatione operis varia ad istud scriptum reposuit, ut loco citato ipsimet observavimus, sed & in epistola quadam Gallicana lingua scripta causam suam egit. Tantum vero abest, ut P. Germont conquieverit, ut potius novo insultu ipsum opus P. Sery aggredi conatus sit, edito libello, cui titulus: *Questions importantes à l'occasion de la nouvelle Histoire de congregations de Auxiliis*, qui A. 1702 in lucem prodiit. In eo auctor cuncta ad duo revocat capita seu quæstiones, quibus putat ingentem istam Sery molem subruere atque everti posse. Prima quæstio hæc est: an post disputationes de Auxiliis exortas, sententia contra Jesuitas lata sit? & si nulla lata sit, quæ causæ Pontificem impederint, quo minus lata rite sententia hanc litem finiret? Altera quæstio hæc est: quam fidem acta & monumenta, quibus nova Historia de Auxiliis innititur, promereantur? Ad utramque quæstionem quid respondeat, facile quivis conjectura assequitur. Ad priorem scilicet negando, sententiam contra Jesuitas latam fuisse: si ve-

si vero lata fuisset, ab ea promulganda non aliis rationibus impeditum Pontificem fuisse, quam quod iniquam eam sententiam crediderit. Ad alteram itidem respondet, acta ea & monumenta, ad quæ Dominicani provocant, nullam prorsus promereri fidem.

Huic itaque libello hoc, quod nunc exhibemus, opus Auctoris Historiæ Congregationum oppositum est: simulque quid in eo tractetur, haud difficulter intelligitur. Ultramque nimirum quæstionem accuratius sub examen revocat. Et ad priorem quidem quod attinet, P. Germont fatetur quidem, plerosque ex Consultatoribus Molinæ fuisse adversatos; concedit etiam, conceptam ab illis bullam ejusmodi fuisse, qualis hinc inde venditatur: negat autem inde sequi, sententia rite lata causam illam definitam fuisse. Consultatores enim non fuisse judices, eorumque munus solum fuisse, suam de his controversiis Pontifici aperire sententiam. Pontificem autem & Cardinales, quibus judicandi facultas competat, Consultatorum adprobasse sententiam, hætenus nulla ratione idonea fuisse evictum. Imo contrarium ex eo elucescere, quod finitis congregationibus, Pontifex utrique parti permiserit sententiam suam defendere & proponere, modo ab alterius sententiæ censura sibi temperarent. Assert præterea & alias rationes, quibus evincere conatur, nullam hac in re sententiam contra Jesuitas latam esse. Nimirum in tanta Consultatorum festinatione, qua intra quinquaginta dies 89 propositiones Molinæ discusserint, & censuram adornarint, cum nondum legissent scripta a Jesuitis ex Hispania in causæ suæ defensionem transmissa, in tanto etiam dissenso ipsorum Consultatorum, neutiquam verosimile esse, quod ad ferendam sententiam Pontifex accesserit. Sed ideo quoque hoc non esse credibile, quod Academiæ Hispaniæ Molinæ librum calculo suo approbaverint, quod multæ etiam Germaniæ Academiæ, ipsaque Facultas Theologica Parisiensis eam defenderint sententiam, quam Consultatores condemnarint, imo & plerique Ordines religiosi in Hispania, & quæ alia sunt ejusdem commatis. Ad hæc autem P. Sery ita respondet, ut generatim conqueratur, ab adversario suo callide quæstionem juris confundi cum quæstione facti, cumque illi probandum fuisset, sententiam nullam contra Jesuitas latam fuisse, hoc eum agere, ut demonstraret, non potuisse jure illorum sententiam condemnari.

Dein-

Deinde ad singula descendens, sententiam a Paulo V hac in re latam fuisse, ex eo manifestum esse dicit, quod ipse ejus mentionem faciat in declaratione post finitam congregationem, in qua diserte dicatur, *Sanctitatem suam suo tempore declarationem suam & decisionem promulgaturam*; item, quod supremus Jesuitarum Præful Aquaviva mentionem hujus rei faciat in Epistola, quam juxta Pontificiæ declarationis legem, ad collegia Jesuitica dedit, in qua quippe asserat, sententiæ istius promulgationem expectari: mentionem præterea hujus rei injici in decreto Inquisitorum Hispaniæ, in edicto, quo Pontificis mandatum promulgarunt, & denique in articulis pacis inter Jesuitas & Dominicanos sancientiæ. Regerit ulterius, censuram nequiquam adornatam esse a solis Consultatoribus, sed in congregationibus, ubi adfuerint Pontifex & Cardinales, & decreta ibi facta adprobaverint. Imo ex eo, quod Paulus V Consultatoribus jussit, ut ideam bullæ litteris consignarent, clarissime intelligi, condemnationem propositionum Molinæ non a Consultatoribus tantum, sed & ab ipso Pontifice atque Cardinalibus decretam fuisse: sed formam quoque bullæ a Consultatoribus adornatæ, ab ipso Pontifice fuisse adprobatam: nec nimia festinatione præcipientes actos fuisse Consultatores, eo quod die 13 Martii A. 1598 prohibitionem libri Molinæ decreverint, sed censuram demum die 12 Martii A. 1599 absolverint. Instituta vero etiam fuisse multa examina, in quibus, quicquid in primo decretum sit, denuo revisum atque confirmatum fuerit, & ubi omnem, quæ cogitari potest, ad rem hanc discutiendam adhibuerint industriam. Negat præterea, ullum fuisse inter Consultatores de doctrina Molinæ disensum, sed tantum de ordine & selectu propositionum eos non satis interesse convenisse. Ad censuras ex Hispania transmissas quod attinet, Academiam Salamanticensem condemnasse Molinam, nec Complutensem cum eo fecisse: reliqua scripta singulorum hominum fuisse, quorum in tali causa non adeo magna sit auctoritas. Negat etiam, Præfultatem Theologicam Parisiensem alterutri parti accessisse: Academias autem Germanicas, ad quas Jesuitæ provocent, nihil aliud quam collegia Jesuitica esse, aut in quibus saltem magna præ reliquis Jesuitarum sit auctoritas, & quæ reliqua sunt ejusdem commatis. In altera libri hujus parte, de fide &

Q

aucto-

auctoritate actorum & monumentorum, quibus Historia congregationum de Auxiliis innititur, disquiritur. Et auctor quidem libri *Questions importantes*, seu P. Germont, contra illorum auctoritatem sequentia attulerat in medium: præcipua monumenta, ut censuræ & bullæ consignationem, & acta a Secretario congregationis confecta, adeo nullius momenti esse, ut Pontifex etiam atque Cardinales ea neglexerint, & indigna judicaverint, quæ in archivo Vaticano aut castro S. Angeli conservarentur: hinc in manibus Coronelli ea relicta fuisse, qui deposito, quod gesserat, Secretarii istius Congregationis munere, nullam eis conciliare auctoritatem potuerit, sed & qui non in eum locum, in quo conservari hæc monumenta, ut fidem faciant, solent, ea intulerit, sed Romæ in bibliotheca Angelica Augustinianorum ea deposuerit: nec per triginta, & quod excedit, annos, ipsos Dominicanos ad ista acta provocasse, quod ipsi nullam eis tribuerent auctoritatem, sed mortuis demum Cardinalibus, ceterisque qui congregationibus interfuerant, producta ea in lucem fuisse, aut a Dominicanis, aut certe ab ejusmodi hominibus, qui majus adhuc odium animo erga Jesuitas conceperant: quamprimum autem comparuerint, rejecta ea fuisse singulari decreto, ab Innocentio X. die 23. April. A. 1654 condito, seu ejusmodi, quæ nullam promereantur fidem. Nec desunt ei, quæ contra reliqua monumenta excipiat. Sic censuram Consultatorum, quam dederit Ludov. a S. Amore, prorsus suspectam esse dicit, ideo quod primum & unicum hujus censuræ exemplum statim Pontifici traditum fuerit, & hinc a Coronello hæc censura possideri non potuerit: quin etiam exempla censuræ istius, quæ circumferuntur, non satis inter se consentire, cum in exemplo Ludovici a S. Amore Episcopus S. Agathæ tantum quinque propositionibus subscripserit, & Dn. le Bossu semper ultimo loco; in eo contra, quod Mabillonio tribuitur, Episcopus S. Agathæ omnibus subscripserit, & Dn. le Bossu ante Piombinum & Coronellum Augustinianos, & quæ alia sunt, ejusdem plane commatis. Ad hæc itaque & reliquas accusationes ut respondeat P. Sery, id quidem cumprimis in hocce opere agit. Nimirum acta congregationum Romæ semper in magno fuisse pretio contendit, & verosimile omnino esse, exemplum bullæ Pauli V & actorum congregationum

II. quæst. 6.

l. p. 401. sqq.

de

de Auxiliis, in archivis castri S. Angeli & Vaticani asservari, id quod etiam ante quinquaginta jam annos testatus sit Jacobus Boonen Archiepiscopus Mechliniensis, & post illum Dominici in scripto, occasione Panopliæ Lemosi, Pontifici exhibito, Coronellum potuisse plura horum actorum exempla conficere, quorum unum sibi reservaverit: exemplum autem, quod ex bibliotheca Augustinianorum, quam Romæ habent, depromptum est, quod profectum sit ab ipso harum congregationum Secretario, omnino fide dignum esse. Provocasse ad hæc acta non tantum A. 1630 P. Gibieuf & Carmelitas Salmanticenses, sed jam A. 1612 universum Ordinem Dominicanum, in scripto, quo a Paulo V Pontifice petierunt, ut sententiam decretam publicaret. Fulgentium Gallicium, Generalem Augustinianorum, impetrasse exemplum horum actorum a Coronello, quod in Conventu Montis S. Georgii in Marchia Anconitana adhuc extet. Johannem quoque de S. Thoma, Dominicanum & Philippi IV Hispaniæ Regis confessionarium, operibus suis varia loca inseruisse ex actis Pegnæ, vivente adhuc & magni Inquisitoris munere fungente Antonio Zapata Cardinali, qui hisce congregationibus de Auxiliis interfuerat. Ad decretum Innocentii X Pontificis quod attinet, negat per illud hæc acta tanquam indigna, quibus fides adhibeatur, rejici, sed in hoc decreto illud solum asseri, hæc acta non esse authentica, quibus absolute fides habenda sit. Adhiberi semper hanc formulam in curia Romana, quando Pontifex declarat, quod monumenta quædam authentica auctoritate destituantur. Sic in Congregatione Rituum decretum esse A. 1632 d. 7 Aug. ne ulla adhibeatur fides decisionibus aut impressis aut manuscriptis, nisi sigillo solito munitis, & nihilo secius Juris Canonici Doctores quotidie ad decisiones, licet sigillo destitutas, provocare. Censuram Consultatorum, quæ in chartis Coronelli reperta sit, esse ipsum, quod Consultatorium sigilla referat, exemplum: nec constare eam ex scriptis, quæ singuli Consultatores Romano Pontifici exhibuerunt, & quibus suam quisque complexus est sententiam, sed ex instituto hocce scriptum compositum, & Secretario congregationis datum esse, ut causæ eo rectius dijudicandæ inserviret: exemplum, quod Ludov. de S. Amore descripsit, cum ipso autographo. Coronelli ex assensu consentire, nec illud, quod

Cap. II. pag.

430. seqq.

Cap. III. p.

455. seqq.

Mabillonius possidet, ab hoc discrepare, id quod prolixius exequitur, ad singula, quæ in contrarium ab adversario ejus allata sunt, argumeta accurate respondens. Nobis summam libri paucis indicasse satis est. Plura addere, aut reliqua persequi, vel ideo supervacaneum esse duximus, quod paucorum forte referat, accurate ea omnia, quæ hic in disceptationem veniunt, nosse. Unicum hocce addimus, Auctori Historiæ congregationis aliam adhuc litem motam esse a Carolo Caspare Metzenio, Academiæ Trevirensis Syndico, quod contemptum & parum honorifice auctor Historiæ congregationis, de Germaniæ Academiis Romanæ Ecclesiæ sacra sequentibus, speciatim de Trevirensi locutus esset, cui Auctor defensionem adversus querelam Caroli Casparis Metzenii opposuit.

Θεοφίλῃ περι' Ουζων &c.

THEOPHILI DE URINIS LIBELLUS. THOMAS GUIDOTIUS Anglo-Britannus innumeras, quibus hactenus scavit, mendas sustulit, bindeca supplevit, de novo veris, & notas adjecit &c.

Lugd. Batav. apud Henricum Teering, 1703, in 8.

Constat pl. 20.

ERras, B. L. si vel intempestivum Uromantiæ, vel abominandum Scatophagiæ amorem editioni hujus tractatus ansam dedisse existimes. Nisi enim apud clarissimum Guidotium, styli elegantia, pietas, modestia & brevitæ Auctoris hujus Græci Theophili, subjecti ipsius dignitatem præponderassent, blattis illum ac tineis corrodendum reliquisset; uti ex ipsius laudati Guidotii verbis, quæ in Prolegomenis ipsi tractatulo Græco præmissis leguntur, cognoscimus plenius. Continent autem *Prolegomena*, ut de illis recensionis hujus initium faciamus, elegantem dissertationem & commentarium in vexatissimum illud problema Physiologicum: *per quas vias potius ad renes & vesicam transferatur?* uti & brevem quandam explicationem de recto Uroscopia usu.

Primum illud quod attinet de *porulentorum transitu ad renes* problema, ita quidem in solvendo eodem se gerit Clariss. Auctor, ut primo loco proferat *aliorum*, tam veterum, quam moder-

dernorum de *duftibus potiferis* opiniones. Qua occasione elegantiore suam in lectione atque interpretatione veterum, *Hippocratis, Platonis, Dioxippi, Philistionis, Alcai, Eratosthenis, Euripidis, Homeri &c.* declarat literaturam, fusiusque demonstrat, quam falso plerisque horum imputetur a nonnullis, ac si susque deque habita Anatomes doctrina, credidissent, non per gulam vel œsophagum, sed per laryngem, i. e. pulmonum fistulam, assumptum potum descendere, atque hinc breviori via ad renes & vesicam properare; falso inquam tale quid optimis his Viris imputari, utpote qui cum *Latino Tancredo, Theophilo de Garencieris, Ludovico Mercato, Jul. Casare Scaligero, & Bartholino*, potus exiguum quidem per parietes & latera aspera arteria depluerit, neque tamen ullam effatu dignam urinam partem constituere, docuerint. Quam sententiam & sibi ipsi non displicere fatetur aperte; siquidem non solum naturalis epiglottidis constructio, a potulentorum haustu minus gravata vel leviter saltem compressa, sed & ipsa medendi methodus, eclegmata, linctus, trochiscos sublinguales aliaque pectoralia in affectibus thoracis præcipiens, ut scilicet per laryngis rimulam ejusmodi medicamenta se insinuarer, & sic partem affectam citius attingere queant, tale quid digito quasi monstrare videantur: quin & illi, qui defluxionibus catarrhalibus laborare solent, humorem acrem & salsum sensim per guttur delabi affirmant, manifesto indicio, posse etiam potus exiguum quid, inter deglutendum, per rimas epiglottidis patulas, in tracheam descendere, ac laryngi humectanda inservire.

Sequitur opinio eorum, qui potum quidem omnem per œsophagum in ventriculum descendere, cum plerisque veterum crediderunt, sed longiori illa via ad renes, per circulationem detecta, non contenti, potum e ventriculo, in strenuis præsertim potoribus, immediate educi, & quidem per vias quasdam ignotas e ventriculo in lienem & venam porta patentes, cum *Fabricio ab Aquap. Cowringio & Willisio* persuasi fuerunt. Alii, inviso viarum occultarum nomine deterriti, materiam potulentam per pylorum quidem ad intestina descendere, sed postmodum una cum reliquo chylo ad receptaculum commune delatam, ex eo per peculiæ res ramulos, partim in capsulas atrabiliaras, partim in emulgentes arterias, partim in

renes ipsos exprimi statuerunt, Pecquetus, puta, Bartholinus atque Walens, qui postremus tamen cum Riolo, Veslingio & Harvejo, & venas quasdam lacteas in venam cavam, aut potius aortam, prope emulgentes desinere, earumque ministerio magnam potus partem ad renes transire existimat. Laudata hac, ast non omni ex parte approbata Virorum maxime celebrium industria, litem inter hos ortam ita componere satagit Clariss. Auctor Thomas Guidorius, ut quaestioni propositae propriam suam solutionem aptet, quam quinque his sequentibus inclusam voluit punctis: Putat nimirum

1.) Tenuem & penetrantem potum, ut vinum, aquam vitæ &c. vacuo ventriculo assumptum, in mediocri quantitate, a tunicis ventriculi imbibi, & sanguini versus cor remeanti commisceri.

2.) Crassum & repleto ventriculo assumptum maximam partem per pylorum descendere, minorem ejus portionem e ventriculo immediate ad cor, modo jam explicato, abire.

3.) Crassiorem & absque cibo assumptum in magna quantitate, eundem quoad majorem partem per pylorum descendere, quoad minorem, e ventriculo immediate ad cor abire.

4.) Potum istum, jejunio praesertim ventriculo assumptum, atque per intestina delapsum, venas lacteas ingredi, ad receptaculum & glandulas lumbares tendere, atque inde, sine sanguinis miscela, saltem diurna, ad emulgentes arterias recta ferri, ex opinione Pecqueti, Bartholini & Bilsi, licet ductus adhuc sint incompleti. Et hanc quartam in ordine assertionem sequentibus potissimum niti vult argumentis: 1.) quod pulsus in diabete, bonolis, & praecipue aquarum mineralium potoribus, vix ac ne vix quidem alteratus, saltem minus auctus deprehendatur, id quod in proprio suo corpore facto experimento confirmat: 2.) quod urina subito excreta sit limpida, nec ullum habeat colorem aut saporem, quæ ambo necesse esset ut in gradu saltem remissiori haberet, si multum cum sanguine confundatur; diuretica etiam, ut terebinthinam, juniperum &c. odorem suum imprimere urinis, quem sanguinis miscela magna omnino aboleret. Nonnullos quoque materiam chylosam, & assumpta plurima, semen anisi, e. g. grana alkekengi, carbones, olera &c. cum urinis reddidisse; alios liquores colore, consisten-

sistentia, odore & sapore inalteratos minxisse, & speciatim aquam quandam nigram, in stanni fodinis Cornubiensibus inventam, cuius meminit *Ill. Boyle*, quæ omnia breviori hac via, patientiori facta, ad renes transiisse, omnino persuasus est Auctor.

5.) Potum cibo mistum, ac durante collatione in ventriculo manentem, sive crassiorem, sive tenuiorem, chylum nunquam deferere, sed per intestina lacteas intrare, tum receptaculum aut glandulas Bartholinianas petere, inde ductus thoracicos, dein cordis sinum dextrum, pulmonem sinistram, arterias, ac tum post unam aut alteram circulationem ad renes amandari.

Tantum de transitu potus ad renes, secundum Auctoris nostri opinionem. Jam de altero illo problemate, *rescto* nimirum *Uroscopia usui*, referendum aliquid esset: sed, cum in eo potissimum occupatus sit *Clariss. Auctor*, ut abusum ejusdem accuratius perstringat; paucissimis solum hic annotabimus, quod & statim sub principio hujus recensitionis monitum, acerrimum fallacissimæ Uromantiæ esse Auctorem nostrum expugnatorem. Insolita enim ferocia in perditissimos istos, uti loquitur, involat nebulones, qui hucro inhiantes, susque deque habita ægrorum salute, Uromantiam exercent, atque ex sola urinæ inspectione, de quocunque corporis malo judicium ferre non verentur. Interim non negat, quin urinæ suus etiam inter cætera signa detur locus, quodque ejusdem observatio, ad morborum quorundam, icteri nimirum, calculi &c. cognitionem non parum conferat. Putat tamen, usum ejus potius esse prognosticum, quam diagnosticum, & morbi aperti & cogniti eventus prospiciendo, quam ignoti & latentis naturæ investigandæ magis inservire: quid? quod & in morbis malignis ac pestilentibus, sive quoad diagnosin, sive quoad prognosin, quemvis parum ex his aquis expiscaturum esse existimat. Uno verbo, ad eum modum, quo *Willisius in Dissert. Epistol. de Urinis, cap. 6.* de Uroscopiæ usu judicat, quo etiam curiosum Lectorem remittit.

Restat, ut jam de ipso, quem noviter edit *Clariss. Auctor*, Græco tractatu, in medium aliquid proferamus. Est nimirum hic *Theophili de Urinis Libellus*, cujus editionem jam octava vice adornatam cernimus. Siquidem omnium primo Venetiis A. 1483 Latine a Pontico Vermio, ut *Guidotius* conjicit, versus una cum li-

bel-

bellis Medicis aliis in opere cui titulus est *Articella*, iterumque ibidem A. 1493 & 1523 in lucem prodit ; aliaque ejus versio Latina ab Albano Torino Vitoduriensi confecta, tum Basileæ A. 1533, tum Parisiis, inter Medicæ Artis post Hippocratem & Galenum Principes, ab Henrico Stephano A. 1567 fuit edita ; Græce & Latine denique Parisiis a Federico Morello A. 1608, & iterum a Renato Chartario, cum Hippocratis & Galeni operibus, A. 1639 expositus liber hic luci publicæ fuit. *Ossæum* autem jam a Clarissimo *Thoma Guidotio*, *Anglo-Britanno*, typis evulgatus, & quidem modo a prioribus editionibus non parum differente. Siquidem non solum textus ipse Græcus, ad exemplar illud MS. integrum, quod Bibliotheca Bodlejana suppeditavit, castigatus, in capita divisus, ac summo opere emendatus & auctusprehenditur ; Græca enim a verbis, Ἐστὶ μὲν ἀνὴρ ῥῆσις &c. p. 104, ad εἰ δὲ καταλάβει &c. p. 132. in nulla aliarum, quæ hæcenus prodierunt, editionum inveniuntur, sed & versio plane nova & longe accuratissima in præsentī hæc editioe adornata. Monendum etiam, *Theophili*, quem in calce hujus tractatus adjectum videmus, *libellum περὶ Διαχωρημάτων*, luce & Latio nunc omnium primo donari, utpote qui in MS. jam memorato Oxoniensi illum de Urinis immediate sequitur. Et cum eodem stylo ac methodo, qua prior, pertractatusprehendatur, operis pretium duxit *Clarissimus Auctor*, illum una cum germano suo fratre prælo submittere.

In *Notis*, quas priori de Urinis libello subjecit *Thom. Guidotius*, statim sub initio, non pauca de Auctoris ipsius Græci nomine ac vitæ conditione leguntur, ex quibus hic loci summatim repetimus, falli maximopere illos, qui Theophilum hunc cum S. Lucæ Evangelistæ Theophilo confundunt, utpote quo longe fuit ætate posterior : certissimum enim, eundem post Galenum vixisse, atque intra quartum & septimum, si non quintum & decimum seculum floruisse. Illustri loco etiam natum, atque insigni ac principali dignitate, dum vixit, conspicuum fuisse hunc ipsum Theophilum, persuasus est *Auctor*. In illis enim, quas in *Galenum de Usu Partium* scripsit *Commentarius*, a *Junio Paulo Crasso Veneto Parisiis A. 1548* primum evulgatis, illustre *Protospatharii* nomen gerit Theophilus, qualis dignitas in Aula Byzantina suo tempore magna erat,

atque inter magnificas sive illustres censebatur, teste Meursio & Codino de Offic. Constantinopol. cap. 5. n. 55. Reliqua, quæ in di-
ctis his *Thoma Guidorii* Notis leguntur, emendationum sacrarum
rationem, explicationem textus ipsius Græci, variantesque lectio-
nes potissimum concernunt. Dici enim non potest, quanta cum
industria *Clarissimus Vir* mendas ubique auferat, hiulca sup-
pleat ac luxata restituat, Græcum textum *κατὰ πῶδα* secutus.
Quod eo magis mirandum, quo rariores inter Medicos sunt illi,
qui Græcos veterum codices evolvere, ac dulciores aquas ex ip-
sis fontibus haurire cupiunt: cum tamen vix supra vulgum
sapere, saltem Eruditorum nomen æque facile haud tueri videan-
tur, qui Græca negligunt. Laudatissimam hanc suam si conti-
nuabit *Clarissimus Auctor* erga Literatos benevolentiam, atque illam,
quam promittit, *Æsculapii Historiam, ex cujuscunque generis*
Scriptoribus excerptam, curabit edendam, magis magisque Rem-
publicam Literariam sibi reddet obstrictam.

MOMENTUM CONTROVERSIAE DE MORTE CORPORALIS
ponderatum & examinatum a JACOBO RHENFERDIO,
ad tollendas suspiciones, & minuendas lites.

Franequeræ, apud Francisc. Halmam, 1702, in 4.

Constat plag. 3.

Clarissimus Autor, præmissis duabus quaestionibus, una de qua-
litate mortis corporalis, altera de satisfactione Christi, ac
mente Reformatorum circa utramque exposita, quod nempe mor-
tem corporalem peccati, non naturæ, sequelam esse, contra Soci-
nianos doceant; Christumque ita plene & perfecte satisfecisse
pro fidelibus, ut his nihil amplius solvendum restet, contra Ponti-
ficios propugnent: Sole meridiano clarius constare putat, Jacobum
Altingium, qui mortem corporalem, ceterasque afflictiones, non na-
turæ, sed peccati sequelas esse docuit, easdem tamen penas proprie
dictas, id est, satisfactorias esse negavit, per omnia orthodoxum os-
se, & neque Pontificiis, neque Socinianis quicquam concedere. Li-
cet enim is existimet, interdicto Divino Gen. II, 17. non contineri
mortem corporalem, eoque pacto argumentum pereat disputanti

R

ad-

adversus Socinianos; non magis tamen Socinianis eum annuerant, dum putat, quam alii Theologi ex eo, quod Pontificiis concedunt, mortem corporalem cæterasque afflictiones in genere & in se consideratas esse pœnas proprie dictas, Pontificii dici possint: imo censet, recte attendenti clarum fore, sententiam Altingii *de morte corporali sequela quidem peccati, neque tamen ideo etiam pœna proprie dicta esse satisfactoria*, multo tutiorem quam reliquorum Theologorum esse, cum sententia Altingii, salvis omnibus Theologiae Reformatæ principiis, ita apte & firmiter omnia connectat, ut neque contradictionem ullam admittat, neque quicquam contra suum adversarium statuatur, quod alter in rem suam vertere possit; contra quam in aliorum Theologorum sententia fieri videatur. Theologos autem, maxime eos, qui Altingio sese ex professo opponant, inde contradictionis manifestæ reos agere satagit, quod contra Socinianos mortem corporalem esse pœnam proprie dictam & satisfactoriam propugnent; contra Pontificios vero negent, mortem corporalem (saltem in fidelibus) esse pœnam proprie dictam & satisfactoriam. Dein urget, nulla veri specie credi ac dici posse, mortem corporalem credentibus inflictam neque vindictam esse censendam neque satisfactionem, cum tamen illa vi comminationis Divinæ Gen. III. 17. sit pœna peccati, & quidem satisfaciens; & vi ejusdem comminationis Adamo & Evæ imposita fuerit; in damnatis item ac sponsore Christo sit satisfactio. Tandem distinctionem illam usu receptissimam, juxta quam fideles mortem sentiendo, pœnæ materiale quidem, sed non formale sustinere dicuntur, pro deridiculo habet, ac nullius momenti esse probare molitur. Quibus ita expositis, denuo Altingii hypothesen commendat, asserens in iisdem, negato tantummodo, mortem corporalem Gen. II. 17. esse denunciatam, singula plana, facilia & solida esse, atque universa inter se bene juncta apte coherere. Quod si enim comminatione illa Gen. II. 17. mortem corporalem non contineri dicamus, sequi, nec eandem pœnam esse; nec adeo illam a Sponsore loco & vice fidelium in satisfactionem pro peccato toleratam; nec fideles ab ista per passionem Christi immunes præstari debuisse; sed satis esse, electos ab eadem tandem gratia & potentia Jesu Christi per resurrectionem vindicari. Illas reliquasque Altingii hypothesen eodem spectantes, atque inde

ne-

necessario fluentes, subtiliter inventas & erudite connexas esse, Clarissimi Viri, H. Witsii, testimonio quoque comprobatur: in contrariis autem hypothesebus, tam constantem ac perpetuum nexum minime offendi, una adhuc difficultate in medium allata probare nititur. Cum enim quaestio: *utrum satisfactio a Christo plene & perfecte praestita, fieri possit, ut tamen nemo hominum servetur, sed omnes in aeternum pereant; atque ita satisfactio Christi omnicareat effectu?* partem negativam contra Remonstrantes tueantur Reformati, & vulgo asserant, non obstante eo, quod Christus mortem corporalem loco fidelium subierit, tamen neminem fidelium actu immunem praestari a morte corporali subeunda; non sine ratione quaeri posse, si iustitiae & sanctitatis divinae non repugnet, pro quibus Christus unam poenae partem, mortem scilicet corporalem luit, eos eandem illam poenam (saltem materialiter) subire; an magis iisdem aliisque virtutibus adversetur, pro quibus Christus alteram poenae partem, mortem aeternam subiit, illos tamen eidem illi poenae, vel in perpetuum, vel ad aliquot secula, si non formaliter ad satisfaciendum, saltem materialiter, obnoxios manere? Circa finem Viros doctos, qui pondera diversarum sententiarum de morte corporali satis accurate, ac cum respectu ad quoscunque adversarios, haecenus non examinarunt, summo, quo potest, studio rogat, illud tandem aliquando, serio attentoque animo, positis omnibus praedictis, faciant, & quid alterutra sententia commodi vel incommodi habeat, perpendant. Ut autem habeant, in quo ingenii acumen exerceant, sequentia ab iis probe considerari expetit. Et quidem primo perpendi vult, annon e duobus articulis, quos Synodus Hollandiae Australis, anno 1693 Brilae habita, concepit, & quibus Candidati Ministerii jurisjurandi loco subscribere tenentur, prior, qui asserit, *mortem corporalem fidelium non esse poenam proprie dictam, posteriorem, qui tradit, D. N. Jesum Christum cum intentione, tum actu, pro morte corporali fidelium satisfecisse*, plane destruat atque evertat? Dein circa thesin aliquot ante annos editam, & communi Ecclesiae Reformatae consensu approbatam: *Christum liberasse fideles a morte corporali, quatenus est poena peccati;* vult judicari, an, si thesis illa absolute consideretur, vel hilum plus dicat, quam vel Altingius vel Roellius dixit? An non, si cum antece-

dente theſi conferatur, prout ex illa per conſequentiam fluere creditur, biſ terve in præcipuas legitimæ conſuſionis vel conſequentiæ leges impingat? Superpondiũ tandem loco ſequens adjicit argumentum: *Chriſtus liberat fideles, id eſt, actu immunes præſtat, ab omni pœna peccati proprie ſic dicta. Atqui morſ corporalis ſidelium non eſt pœna peccati proprie ſic dicta. Ergo Chriſtus non liberat fideles, id eſt, non præſtat actu immunes a morte corporali.* Majorem dicit eſſe theſin orthodoxam, a qua in Eccleſia Reformata ſine ſcandalo recedere non liceat. Minorem affirmat multis eſſe probatam contra Clariffimum Roellium, & a Synodis Fœderati Belgii receptam. Concluſio juxta ipſum eſt legitima, niſi quod paradoxa.

*D. GUILIELMI MUSGRAVII, REGIÆ SOCIETATIS Socii, Epiftola de Experimentis circa liquorem cœruleum ad vaſa lactea tranſmiſſum, in Actis Philoſophicis Anglicanis A. 1702. N. 275. exhibita, bicque Latine red-
dita.*

Cum in nova Febrium continuarum Theoria recens divulgata p. 54 egregium illud experimentum, quod a Liſtero in lacteis vaſis colore aliquo tingendis quondam inſtitutum, inque Actis Philoſophicis N. 143 recensitum fuit, nunquam ab Autore ex voto potuiſſe adornari, ſed homines potius tinctura cœrulea ideo decipi aſſeratur, quod color ejusmodi lacteis vaſis aliquatenus velpenitus vacuis naturaliter competat, ex adverſariis meis ea tranſcribere placuit, quæ paulo poſt Acta illa publicata fuerim molitus.

Scilicet menſe Februarii A. 168 $\frac{2}{3}$ in inteſtinum jejunum canis, qui pridie non niſi parum alimenti aſſuſerat, ſolutionis Indigo aqua fontana factæ duodecim circiter uncias injeci, quo poſt trium horarum intervallum denuo aperto, multa vaſa lactea cœruleo colore conſpexi imbuta, quæ licet extenſo meſenterio aliquoties evaneſcerent, evidenter tamen in oculos incurrebant, ubi laxum illud ſervabatur, indicio manifeſto, colorem cœruleum non vaſis, ſed liquori contento eſſe proprium.

Paucis diebus poſt, idem experimentum in cane, per 36 horas in-
diam

diam passo, coram aliis cum solutione ultramarini in aqua fontana facta repetens, multa vasa lactea, paucis ab injectione minutis, colore perfecte cyaneo infici observavi: apparebant namque tali facie, antequam intestinum liceret consuere.

Circa initium Martii sequentis, in canis accipitrarii, per 36 horas jejuni, tenue intestinum ultramarini decocti, aqua simplici facti ac probe saturati, sextarium injeci, ac tribus horis post, abdomine inciso, multa vasa lactea perquam cœruleo colore tincta inveni, quorum nonnulla dissecta, liquorem cœruleum, (decocti scilicet portionem) per mesenterium exstillabant. Hinc ductum thoracicum cum vicinis vasibus prius ligatum examinans, hunc æque ac receptaculum chyli, quamvis levius ac vasa lactea, propter affusam lympham, tinctum vidi, magis tamen cœruleum quam naturaliter esse solet, vel qualem colorem vasa etiam lymphatica sub hepate præ se ferebant.

Propriis oculis nunquam confusus, plures semper Medicos in experimenti fidem adscivi, qui omnes vasa lactea tincta mecum pronuntiabant.

Neque experimenta hæc adeo curiose commemorassem, nisi certus fuisssem, ab iisdem Viri doctissimi, de cujus experientia in tingendis vasibus lacteis immerito dubitatur, sententiam non minus confirmari, ac propositionem stabiliri, quæ Oeconomix animalis, tum integræ, tum læsæ, multum fœneratur lucis.

Ingressus enim in vasa lactea, quamvis angustissimus sit omnium canalium, qui ab ore ad massam sanguineam tendunt, cum adeo tamen amplius certo fuerit ostensus, ut crassiores ultramarini particulas admiserit, in proclivi erit speciatim hic explanare, quæ ratione liquores, e. g. aquæ diureticiæ, brevissimo temporis intervallo, in prodigiosa quantitate ad vasa deferantur.

Ab eadem pylarum lactearum capacitate, promte recipi queunt cum appropriatis vehiculis crassiora illa corpuscula, quæ deinceps in grumofam sanguinis partem, cartilagines & ossa faciunt.

Quæ itidem amplitudine supposita, nemini posthac impossibile videbitur, ovula vel animalcula ipsa ejusmodi vascula posse intrare, quod sine dubio utrorumque nonnulla minora dentur illis.

crassius Indigo particulis, quas cum decocto in valis lacteis conspicuas superius indigitavi.

Præterea si tot diversæ minutissimorum insectorum species, tantaque eorum perpendantur fertilitas, ut ex regni animalis incolis parva omnino sit portio (forſan ne quarta quidem pars) eorum, quæ nudis oculis valeant deprehendi, non arduum amplius erit, immensam varietatem copiosissimumque numerum concipere insectorum, quæ in corporis animalis humoribus observantur.

Primarius tamen capacitatis vasorum lacteorum usus in eo consistit, ut ab his crudas alimentorum minus digestorum particulas, quæ in sanguine postea & genere nervoso horrenda sæpe producunt symptomata, recipi ostendantur.

Quæ theoria cum jam a primo ejus inventore (vide Clarissimi Listeri de Fontibus medicatis Angliæ exercitationem alteram, edit. Lond. p. 48.) ex parte fuerit confirmata, omnium optime ab eodem uberius illustrari poterit: fundamento enim, quo utitur, existente firmo ac certo, cuncta pariter, quæ eidem superstruuntur, certitudine radiabunt.

Exoniæ d. 24. Septemb. 1701.

GUNTHERI CHRISTOPHORI SCHELHAMMERI
D. Prof. Kilon. & Seren. Cimbriæ Ducis Archiatri, *Natura Vindicta Vindicatio, qua ea, quæ libro de Natura olim fuerunt asserpta, ulterius confirmantur atque explicantur &c.*

Kilonii, typis B. Reutheri, 1702, in 4. Constat l. Alph. 3 pl.

Ultimus forſan erit hic sætus, quem Virorum Clarissimorum concertatio de *Natura* in lucem produxerit. Cum enim Illustris Baylius primus scripto de *Natura* libello, animadversiones in sensus nominis hujus interdum satis absurdos impiosque edidisset, Celeberrimus Sturmius illas & repetere, & ulterius confirmare contendit, dissertatione de *Idolo Naturæ agentis*. Limites tamen veri æquique transfiliisse inculpationes cum viderentur Clarissimo Schelhammero, *Naturam suam & Medicis vindictam* edidit A. 1697. (Vid. Acta Erud. 1698, Febr. pag. 63.) Apologiam proin Sturmius altera dissertatione, quæ *Naturam incassum vindictam* sistit, meditatus est; cui oppositam respon-

nem

nem præfens continet scriptum, quod abhinc quadriennium quidem natum est, sed bibliopolarum morositas editionem hucusque distulit. Totus in eo est Clarissimus Autor, ut omnia dissertationis Sturmianæ loca diligenter examinet, & an Naturam omnem quovis sensu negaverit Sturmius, inquirat, quod prioribus 3 capitibus præstat; recensionis autem loco ista diligentem Lectoris collationem locorum requirunt. Capite 4. ostendit, hæc duo, *Natura & ex lata semel lege, receptoque olim impetu* (quæ Autoris mens est) *fieri, quæ sunt omnia; & immediate a Deo moveri etiamnum omnia*, (quæ Sturmii assertio est,) secum e diametro pugnare. Hinc & sententiam Sturmii, §. 3. cap. 4. dissertationis suæ traditam, *de Lege & efficacia ejus*, (talem negat noster Autor legi ascribi posse) expendit cap. 5; ubi simul invehitur in sapientiam novam vanamque quorundam hominum, qui quod veteres cum cura nunquam legant, multo minus intelligant aut expendant, eorum dogmata non aliter, ac si mera essent deliramenta, explodant spernantque, in philosophiam & posteritatem injuriis, dum illionus imponunt, præter veterum illa (sine quibus nemo mortalium, ut scribit Autor, solidam eruditionem sibi unquam comparavit) etiam suas novas & ineptas *Cogitationes* legendi expendendique. Quo quidem justam recentiorum diligentiam non vult damnatam, aut unice veterum libris inhærendum, eorumque dogmata promiscue amplectenda; optat tamen, suspecta nobis ut essent nova illa dogmata, quæ ut fungi quotidie erumpunt, & antequam recipiantur, exactius rationis trutina suspendantur, præsertim Gallorum, qui ad quodvis asserendum igneo nimis volucrique spiritu præcipientes, ad ea, quæ profunda meditatione indigent, neque leviculam & subsultoriam operam admittunt, minus sint idonei. Cum vero Sturmius sibi distincte & imaginabiliter explicari postulasset, *quomodo lex illa insita in corporibus, legi ignavis, operetur*, Autor postulato huic capite 6 satisfacere nititur, monetque, leges naturales non agere, sed potius temperare motum & actiones corporum, ut in horologiis dentes & tympana motum determinant, sed sine omni efficacia, longissimo distante potentia, & ab appenso pondere largita, toto cælo ab his diversa. Mechanismum esse tantum vel principium vel partem,

nom

non totam naturam, cum omnes morbi maxime secundum mechanisimum corporis, & tamen contra naturam fiant. *Malebranchii* sententiam, quæ corpora *exigitivam causam motus* statuatur, refutat ut absurdam, cum leges naturæ sint potius causæ exigitivæ, non autem virtus divina, quæ a Deo orta, jam creaturarum propria sit. In *Connorii Angli*, qui *Evangelium Medici* edidit, sententiam suas dein subjungit animadversiones. Jungit quidem huic Virum nunc inter Beatos, *E. Weigelium*, quem eo absurditatis tandem devenisse ait, ut se non amplius illum hominem crederet, qui momentum horulæ antea subliterat, sed plane novum, jugiter quippe a Deo productum; sed quam verum est, B. Virum conservationem per continuatam creationem seu reproductionem explicasse, tam certum est & notum familiaribus, eum identitati rerum in genere, aut in propria persona, quam semper eandem statuit manere, nihil derogatum voluisse. Novitatem existentiae seu novam vitam pueros docuit: at idem docuit Philosophos Philosophus acutissimus *Lockius* Lib. 2. cap. 15. §. 12. de durationis partibus, & cap. 27. de identitate & diversitate. Proin spes est, cognito hoc consensu, Autorem nostrum ea, quæ acerbius in extremæ B. Viri ætatis deliramentum dicta sunt, mitigaturum. *Aristotelis* doctrinam de Motu dum subdit & probat, *Sturmium*, concessa ei divinæ voluntatis efficacia, ad tollendum in motibus corporum saltem illud, *Unice & immediate*, urget, & tandem ex *Cordeneo*, *Malebranchio*, *Boyllo*, *Poireto*, asserta *Sturmii* hausta esse, pronunciat. Quod sequitur caput 7, famosam illam quaestionem tractat: *an spiritibus creatis omnis movendi materiam facultas negata sit, ut in eam prorsus nihil possint?* Sententiam de spirituum movendi impotentia, plurimis tam facile persuaderi potuisse miratur, cum oracula, dæmoniacy, autoritas sacra aliud clament. Peculiarem tamen fovet hic sententiam: actiones mentis immanentes, etiam assensus & dissensus, fieri, si non solo motu spirituum animalium corporeorum, certe non sine istis, nec cogitationem esse actionem mentis essentialem aut intrinsecam; quod dogma utique exactius rationis trutina suspendendum est. Concludit tandem capite 8, quo in compendium, quæ dicta sunt, contrahit, & quousque conveniat inter ipsos, ostendit. Nempe dissensus est

de

de Virtute Divina, quam *Sturmius* Deo propriam, Autor noster a Deo quidem ortam, creaturis tamen propriam & insitam statuit. *Lockii* quendam insignem & convincentem locum ex Gallico adducens, certitudinem suæ sententiæ, simulque utilitatem, qua creationis historia exinde explicari queat, monstrat. *Sturmius* vero cum vix nova responsione protracturus sit hanc controversiam, nos clausulam Autoris imitantes optamus, ut & ipse, quæ de *Medicina* accuratius demonstrationibus munienda meditatus est, aliquando publicet, & *Sturmius* Physicam suam Electivam altero tomo perficiat, cujus priorem hæcenus avidè amplexi sunt omnes, ne dimidiato corpore periclitetur fortis tam nobilis. Ignotet eo modo facile Orbis Eruditus concertationi huic de Natura ejusque viribus, (quam, qui *Boyllii* libellum de Natura, duas *Sturmii* dissertationes, nempe IX & XIV Tomo II Dissert. Acad. insertas, item duos Autoris nostri de Natura vindicata libros jam recensitos, ut & duo *Schediasmata* Actis nostris inserta, unum illustr. *Leibnitii* A. 1698 p. 427, alterum celeb. *Sturmii* A. 1699. p. 208 lectione conjungere voluerit, integram nosse poterit,) cum tot occulta Naturæ mysteria in lucem utrinque producta obfuscare litis memoriam, imo & omnibus aliis cogitationibus profundius & accuratius Naturam Naturæ demonstrare queant.

JO. MOLLERI, FLENSBURGENSIS, SCHOLÆ PATRIÆ RECTORIS, DIATRIBA HISTORICO-CRITICA DE HELMOLDO ejusque Chronico Slavorum.

Lubeca, apud Petrum Boeckmannum, 1702. in 4.
plag. 5.

Cum Bibliopola Lubecensis, Petrus Boeckmannus, Chronici Slavorum ab Helmoldo, Presbytero Bofoviensi, seculo duodecimo conscripti, & ab Arnol'do, Abbate Lubecensi, sub decimi tertii initium continuati, Bangertinam editionem luci publicæ denuo exponere decrevisset, in ejus novum quoddam auctarium a Clarissimo Mollero accuratiores de Chronici istius autoribus, continuatoribus atque editoribus observationes desideravit, quas lubens ille heic suppeditat. Sumit autem a nomine Helmoldi initium, quod a

S

scripto-

scriptoribus, antiquis pariter & recentioribus, varie depravatum esse innuit, quandoquidem modo per Helinandi, modo Helemboldi & Helmboldi, modo Hermoldi & Hermeldi nuncupationem effertur. Patriam ejus ignorari fatetur; interim, dum hæc innotescat, scriptoribus cum Cimbriz indigenis accenset. S. Vicelini, Episcopi Aldenburgerensis, Slavorum Wagriz simulque Holsatorum Apostoli, discipulum eum facit, ac Geroldum, Vicelini in Episcopatu successorem, ab ipsomet venerabilem suum præceptorem vocari addit, & ab horum alterutro in Presbyterorum allectum ordinem, Parochi in Ecclesia Wagriz rurali Bosoviensi ad lacum Plönensem sacrum obtinuisse officium innuit, & variorum Autorum diversos in loci istius denominatione admissos errores, *παράρτια* quoque Centuriatorum Magdeburgensium, Episcopum eundem Ratzeburgensem facientium, taxat. Hinc qua cum difficultate & quibus cum vitæ periculis Wagrios, avitæ superstitionis tenacissimos, e Cimmeriis ignorantia tenebris ad cœlestem Evangelii lucem traduxerit, enarrat, & ex collatis inter se variis Chronici ipsius narrationibus patere concludit, floruisse illum medio seculo duodecimo, Friderico Barbarossa ad Imperii Romani clavum sedente, & Henrico Leone in Saxoniâ inferiorem universam dominium exerecente. Post annum 1170, ad quem historiæ suæ perduxit seriem, eum diu haud superstitem vixisse fatetur, ipsum tamen hunc annum emortualem ei fuisse, non audet asserere. Hinc Chronici illius Slavorum (qui foetus præstantis ipsius ingenii unicus superstit,) faciem & scopum latius delineat, & ex editionibus ejus primas a Sigismundo Schöckkelio curatas memorat, Reinneccianam tamen anni 1581 singulis earum præfert, & ista occasione Reineri Reinneccii nomen, ob multiplicia ejus in historiam tam universalem quam Germanicam merita, & ob plurimos scriptores vetustos ab interitu vindicatos, perquam extollit, istamque editionem & contra Romanæ Curiae decretum inter libros eam prohibitos collocans, & censuras aliorum iniquissimas, masculæ tuetur. Neque tamen in eadem quinque ultimorum, in libro Supplementi Arnoldini sexto, capitum defectum dissimulat, quem supplevisse dicit Erpoldum Lindebrogium, quanquam emendatiora eadem capita Henricus Meibomius exhibuerit. Novissimam vero omnium & accuratissimam elegantissimamque Helmboldi & Con-

tinuato-

tinuatoris ejus Arnoldi editionem Henrico Bangerto deberi innuit, cujus proin vitæ curriculum & animi præclaras dotes ex instituto celebrat, & quid in ejus editione præstitum fuerit, uberius declarat. Calcar vero eruditæ ad Helmoldum solícite illustrandum merita ejus addidisse statuit, quæ non exigua fuisse, e cumulatis, quibus plurimi eundem mastrant, elogiis, manifestum reddere laborat. Quæ obelo nonnulli in Helmoldo notarint, partim levicula, partim ævo, quo vixerit, infelici condonanda esse perhibet, & effectum hocce suum exemplis non unis illustrat, eademque ratione & a plagii crimine ipsi objecto eum purgare studet. Ad continuatores Chronici Helmoldini delatus, palmam tribuit Arnoldo, Historico Cimbricæ circa seculi XII & XIII confinia inclyto, circa quem prolixè occupatur. Nec illam reticet continuationem, quam seculis duobus & dimidio Arnoldo recentior, anonymus diœceseos Bremensis Presbyter suscepit, quamque primus omnium Nobilissimus Leibnitius in tomo Accessionum Historicarum primo publici juris fecit; ast circa eandem tamen naves, quibus laboret, plurimos Noster haud dissimulat. Postremo lapsus annotat Joachimi Molleri, primi Metropoleos sive Historiæ Saxonum Ecclesiasticæ Alberti Krantzii editoris, qui in catalogo Autorum a Krantzio adhibitorum, aliam Helmoldi continuationem Episcopo cuidam Ratzeburgensi tribuat. Hanc enim non aliam esse dicit a Supplemento Arnoldi Lubecensis decantatissimo, Philippo Episcopo Ratzeburgensi epistola peculiari dedicatoria inscripto, cujus perfunctoriæ lectioni error ille Mollerianus suas origines omnino debeat.

*DE CLARIS GRYPHIIS SCHEDIASMA M. JO-
ANNIS THEODORI LEUBSCHERI.*

Brigæ Silesiorum, apud G. Gründerum, 1701. in 4.
Plag. II.

Cum multum Reipublicæ literariæ interfit, Virorum eruditionis Claude ac literarum cultura clarorum nomina exstare, vitasque ad posteritatis memoriam conservari; magnopere nobis gratulamur, quoties doctorum Virorum opuscula isti fini destinata in his

S 2

Erudi-

Eruditorum Actis recensenda nanciscimur. Itaque & hoc doctissimi Leubcheri de *Clariss Gryphiis* Schediasma, & Gryphiani nominis amore cultuque, & ipsius opusculi elegantia ducti, minime prætereundum silentio censuimus.

In hoc Autor solertissimus, ut pietatem, qua Gryphianam domum, cui affinitate proximus est, prosequitur, *Christiano Gryphio*, Socero suo, nominis hujus mensuram cumulatissime impleti, & de publica re literaria egregie merito testetur, ternam Clarorum Gryphiorum Decadem sistit, vitæque eorum ac studiorum rationem concinna brevitate describit. Quod ut faceret; ni sua Virum pietas movisset, movere tamen aliorum exempla, collatæque operæ utilitas ac necessitas, facile potuissent. Habuit certe, quos sequeretur, Leonem Allatium, qui de *Simonibus & Simeonibus*, *Pfeller* item ac *Georgius* erudite commentatus est, *Gisbertum Cupe- rum* & *Johannem Henricum Meibomium*, Viros longe celeberrimos, quorum alter in Apotheosi sua *Januarios*, *Mæcenates* alter laturnis ætatem lucubrationibus commendavit; ipsum etiam *Christi- anum Gryphium*, *Logavios* docta & uberrima oratione complexum, multosque alios, quos recentior ætas tulit, quorumque gratissima eruditæ opera fuit. Nec vana est, quam inde sibi Autor promittit, utilitas; cum nisi accuratam nominum vitæque Eruditorum descriptionem habeamus, facile fieri possit, ut tot ejusdem nominis viros doctos confundamus; quod vel ipsi Thuanus, confusus *Martino* & *Michaele Neandris* (Thoma Crenio Animadv. Philolog. fasciculo V. p. 191 observante) accidit, aliisque, qui exempli gratia, *Henricum Stephanum*, Parisiensem Typographum, ab *Henrico Stephano* Vratislaviensi J. U. D. pluresque alios homonymos distinguere nesciant, accidere facillime possit. Inter ipsos vero Gryphios a se recensendos, Dynastas Sarmatas ex Martino Cromero & Simonis Ogolskii Orbe Polono referre nohuit, quod & ambitiosus illi videretur, ab illis Dynastis suorum Gryphiorum genus deducere, nec minus ridiculum ipsorum vitas hic prolixè describere, quam Quintiliani Præcellii cujusdam institutum, qui de Familie Præcellie nobilitate libro pergrandi edito, illam Ciceronis jam ætate floruisse dicens, integram Ciceronis epistolam, in qua Præcellium quendam nominat, omnibus fastidiosè inculcabat. Neque
alius

aliis Gryphorum potius quam Gryphiorum nomine dictis, Gryphiorum numerum augere Autor voluit, cum vel soli Gryphii satis amplum laudis & præclare factorum campum decurrendum darent. Sane enim omnes illos, quos inde ab anno 1482 ortos recenset Noster, si consideres, natam esse literarum gloriæ amplificandæ gentem Gryphianam existimabis. Renatas quasi esse in typographiæ bonas Græcorum atque Romanorum literas, nemo facile negaverit. At prodierunt e gente Gryphiana typographi, non typorum minus nitore ac elegantia, quam eruditionis laude & doctissimorum virorum familiaritate clarissimi §. 6, 7, 8, 9. Unum adduxisse sufficiat e §. 6 *Sebastianum Gryphium*, gente Germanum, amicitia Conradi Gesneri, Jacobi Sadoleti, Julii Cæsaris Scaligeri, Justii Lipsii, at quantorum virorum? ac eruditione, eorundem ac Menagii, Majoragii, Alciatii testimoniiis comprobata celeberrimum: quod vel solum Jo. Vulseji Epigramma, in quo nostrum Stephanus & Colinaeus comparat, evincet, ex Menagii Anti-Bailletto T. I, p. 57 transcriptum.:

Inter tot norunt libros qui cedere, tres sunt

Insignes, languet cætera turba fame.

Castigat Stephanus; sculpsit Colinaeus; utrumque

Gryphius edocta mente manuque facit.

Plures inprimis eruditione celebres sunt. Videas hic doctos literis §. 10. 13. literarumque doctores Academicos §. 3. Poetas §. 17. 20. ac Historicos §. 14. 15. Medicos hic numeres §. 20. atque Juris utriusque studio & Reip. cura Senatores §. 19. Prætores §. 5. 21. Legatorum etiam munere apud maximos Reges defunctos §. 1. 18. Viros clarissimos. Theologos in hac gente venereris §. 24. 25. 26. 27. & Episcopos §. 1. 2. Polyhistores denique adsunt Andreas §. 29. atque Christianus §. 30 Gryphii, pater & filius, undiquaque celebres. Quorum ille Illustrissimorum Ordinum Ducatus Glogoviensis, dum viveret, Syndicus, variaz eruditionis atque publicorum munerum dignitate eximia gestorum, plurimumque scriptorum editorum & edendorum laude, a p. 32 usque 68 celebratur, & Nobilitatis quoque privilegia & insignia ab Imperatore gratiosissime concessa p. 38 suæ genti intulit, A. 1664 memorabili ac repentina, beata tamen,

ac placida morte, in ipso Ordinum confessu, ac inter amplexus Procerum illustrium defunctus : hic Gymnasii Magdalenæ apud Vratislavienses Rector & Professor, hodieque per Dei gratiam superstes, consummatissimæ eruditionis fama & illustribus monumentis Majorum gloriam sustinet & amplificat. Quod Gryphianæ gentis deus e voto nostro Deus felicissime perennare jubeat.

PRACTICAL OBSERVATIONS UPON THE MIRACLES of our Blessed Saviour.

h. e.

OBSERVATIONES PRACTICÆ IN MIRACULA Servatoris nostri optimi. Auctore FRANCISCO BRAGGE.

Londini apud Sam. Smith & Benj. Walfort,

1702. 8.

Constant Alph. 1. pl. 3.

Quamvis Servator noster amantissimus in terris olim versatus eum in finem imprimis miracula ediderit, ut a Deo se missum esse demonstraret, doctrinam suam confirmaret, fidemque hominum erga se tanquam verum Messiam magis inflammaret; magnam tamen factis ipsius, quæ admiratione digna sunt, præfere vim inesse, ad instruendos animos ab iis rebus, quæ ad vitæ sanctitatem magnum adjumentum adferunt, doctissimus Braggius non immerito existimavit. Ut igitur antea e parabolis Christi ejusmodi observationes elicit, lucique publicæ exposuit, quibus ad pietatis studium homines excitari possunt, ita eadem ratione miracula Servatoris in præsentī libello pertractare adgressus est. Constat autem ille tredecim discursibus, in quibus totidem miracula enarrat, quomodo nimirum Christus aquam in vinum mutaverit, Petri piscatui mirabiliter benedixerit, legionem malorum spirituum ex obfesso ejecerit, Jairi filiam in vitam reduxerit, paralyticum per triginta octo annos cum infirmitate confictantem ad piscinam probaticam sanaverit, centurionis servum a paralyti liberaverit, filium viduæ Nainiticæ e mortuis resuscitaverit, quinque hominum millia panibus quinque & duobus piscibus saturaverit, per mare turbidum ambula-

verit,

verit, mutum ac surdum spiritum ex homine expulerit, decem leprosus pristinae sanitati restituerit, cuidam ab incunabilis coeco videndi facultatem concesserit, ac denique Lazarum sepulchro jam illatum redivivum effecerit. Cum vero in recensendis practicis ejusmodi libellis prolixum esse non soleamus, plura de hoc Braggii opusculo non addimus, id saltem monentes, Auctorem non omnia, sed plurima & praestantissima Christi miracula eo ordine, quo facta esse creduntur, exposuisse, ac tales ex iis observationes eduxisse, quae non cogi, sed sua sponte ex historiarum serie, profluere videntur.

RELATIO DE FOEMINA, MAXIMAM FOETUS partem per umbilicum excludente, a CHRISTOPHORO BIRBECK, Chirurgo, in Actis Philosophicis Anglicis Anno 1702. N. 275. exhibita, & hic Latine reddita.

Cum gravida quaedam mulier partus doloribus corripereetur, obstetrix extracta secundina, quae primum se offerebat, in utero quicquam adhuc restare, percipere neutiquam poterat: & quoniam abdomen subsidebat, uterus contrahebatur, & foemina ceteroquin bene tum se habebat, secundinam hanc molem fuisse credebat. Verum septimana post, magnam materiae foetidae copiam ad aliquot dies per genitalia excernit, & successu temporis molestam sentit in hypogastrio duritiem mulier, qua mole dolorosa per sex septimanas indies augmentum capiente, & versus regionem umbilicalem se extendente, maxime debilitata, de vita desperat. Cum tumor interim huic regioni ad mensem circiter affixus intolerabiles concitaret dolores, in vicinia habitantes mulieres pro abscessu eum habebant, pro quo suppurando & rumpendo postquam remedia applicuissent, quae in ejusmodi casibus in usum cedere solent, rumpitur ille, & uberissimam tenuis foetidique liquoris quantitatem successively ejicit. Ulcus hinc partes vicinas sphacelo corripiens, in tantam dilatatur amplitudinem, ut viri manus commode intrudi posset, atque tantum spirabat foetorem, ut nec ipsa agra, ceu tenerrimae constitutionis, nec quisquam alius illi inspiciendo par esset. Brevis post, oslicula quaedam ex ulcere eliminata observat, mihi quae attonita monstrare jubet. Quae cum oslicula digiti infantis esse cognoscerem, rei novi-

tate

tate affectus eam invisere constituebam, nec sine gaudio excipiebar ab ipsa, in summis paupertatis angustiis harente. Partes igitur inspiciens, foetum in sphacelata reperio massa, & specillo varia deprehendo ossa; hinc dilatata separataque sphacelosa, quæ circumstibat, carne, plus quam dimidiam costarum partem, nonnullas vertebrae dorsi & alia ossa extraho, ac ultra libram carnis corruptæ, & atramenti colorem nauseosumque odorem referentis, de infantis corpore resciendo, resectionemque singulis binis vel ternis diebus per integrum mensem continuo. Circumspecte namque tale quid aggredi, summa, qua laborabat misera, virium prostratio jubebat: nisi enim caute & successive foetum extraxissem, vitam procul dubio in ipsa operatione finivisset mater, analepticiis nunquam non reficienda. Cum autem post singulas operationes bene se haberet mulier, convalescentiæ spes affulgebat, quæ in principio admodum exigua erat. Lineam enim albam non modo & musculos abdominis, verum etiam peritonæum & omentum magna ex parte sphacelus occupabat, & intestina oculis patebant, aëri diu satis exposita. Postquam igitur foetum ex parte extraxissem, & maxima foetidae materis copia per hanc viam prodiiisset, effluxus ejusdem per inferiora imminuebatur. Quapropter deligatione, spleniorum applicatione, atque injectionibus detergentibus & exsiccantibus in uteri vaginam immixtis, succurrere ipsi studebam, & tali quidem cum successu, ut brevi omnis per pudenda cessaret effluxus, & partes hæc penitus sanarentur. Quemadmodum & paulo post ulcus, per fomentationes, digestiva & mundificantia remedia tractatum, a putrefactione liberabatur, & abdomen integritati mulierque pristinae sanitati usque adeo restituebatur, ut fræno frumentisque colligendis adhuc interesse liceat.

LIBRI NOVI.

Alia omnia Congregationum ac disputationum, quæ coram SS. Clemente VII & Paulo V summis Pontificibus sunt celebrata, in causa & controversia illa magna de Auxiliis Divinae Gratiæ, quas disputationes Ego F. Thomas de Lemos eadem gratia adjutus sustinui contra plures ex Societate. Lovanii apud Ægidium Denique (i. e. Remis apud Franciscum Godart) 1702. fol.

Diarium Italicum. Sive Monumentorum, Bibliothecarum, Musæorum &c. Notitia singulares in Itinerario Italico collectæ. A. R. P. D. Bernardo de Montfaucon, Monacho Benedictino Congregationis S. Mauri. Parisiis, apud Jo. Anisson, 1702. 4.

* * * *

ACTA ERUDITORUM,

publicata Lipsiæ

Calendis Aprilis, Anno M DCCIII.

GERHARDI JOANNIS VOSSII OPERA IN
sex Tomos divisa.

Amstelodami, apud Janſſonio-Waesbergios, Henricum &
viduam Theodori Boom, & Remb. Goet-
hals, 1695—1701, fol.

Continent plus quam 64, quæ vocant, Alphabeta.

Quanquam τῆ παύ Gerh. Joh. Vossii doctissima opera multo ante, quam Nos de his Eruditorum Actis cogitaremus, universum, qua bonis literis aditus patet, orbem pervagata, & communi doctorum applausu accepta sint; non potuimus tamen, quin vel paucis moneremus, opera ista omnia & singula, sparsim ante & diversis formis edita, aliquot etiam adhuc inedita, in unum jam corpus ope doctissimorum aliquot in Belgio virorum collecta, sex tomos in folio, ut vocant, distincta, & singulari eruditorum commodo, typis & charta nitidissimis, inde ab 1695 edi cœpta, jamque penitus absoluta esse.

Tomus primus Etymologicum Latinum exhibet, quod vel ideo vere novum Editores dici volunt, quod in eo centenæ aliquot origines vocum, ab Hæaco Vossio sparsim margini operis paterni adscriptæ, ex ipso autem illius autographo fideliter expressæ, textuique commodis locis insertæ, & ut a paternis originibus discerni queant, duobus uncinulis [] inclusæ exhibeantur. Huic etiam tomo Vossii de Literarum Permutatione additum Tractatum videas.

T

Tomus

Tomus secundus Aristarchum sive de Arte Grammatica libros VII, de Vitiis item Sermonis, & Glossæmatis Latino Barbaris libros novem continet. Horum quinque posteriores antea non editi erant. Et quinti quidem libri prior pars nomina ortu ipso Barbara, posterior vocabula Latine quidem originis aut Græcæ, non tamen recepta consuetudine bonorum scriptorum, ac tertio quartoque libro prætermissa exhibet: sextus liber voces in aliena positas significatione; septimus voces falso Barbarismi suspectas; octavus voces Latinas falsæ significationis suspectas; novus denique liber vocum aliis junctarum Barbarismos complectitur.

In *tertium Tomum* aliquot Tractatus Philologici, quicum prioribus tomis continuo nexu coherere videbantur, congesti sunt. Ab Etymologico nimirum, quod vocum origines & significationes, & Grammatica, quæ bene ac pure loquendi præcepta tradit, ad Rhetoricen, quæ ornate loqui, verbaque rebus aptare docet, transitur, & Commentarii Rhetoricorum, seu Oratoriarum Institutionum libri sex, deque Rhetoricæ natura & constitutione liber unus, primo loco ponuntur. Quia vero Rhetorica & Poësis germanæ quasi sorores sunt, Rhetoricis de Artis Poeticæ natura & constitutione liber, & Poeticarum Institutionum libri tres, de Imitatione item tum Oratoria, tum vero imprimis Poetica, deque Recitatione Veterum liber, & de Veterum Poetarum temporibus libri duo junguntur. His porro, materiæ affinitate sic suadente, adduntur de Artium ac Scientiarum natura & constitutione libri V. antea separatim editi: I. De quatuor Artibus popularibus, Grammaticæ, Gymnasticæ, Musicæ, Graphicæ. II. De Philologia, sub qua comprehendit Grammaticam, Rhetoricam, Metricam, Historien: quam in Geographiam, Chronographiam, Genealogiam, & Historiam proprie dictam distribuit. III. De Mathesi, omnibusque scientiis Mathematicis, v.g. Arithmetica, Geometria, Logistica, Musica contemplativa, Optice, Geodæsia, Astronomia, Chronologia, Mechanice, &c. Tractatus item de Mathematicorum Chronologia. IV. De Logica. V. De Philosophia, omnibusque ejus partibus, v.g. Physice speculativa, operativa, *ῥηγορία*, *οὐρεσιολογία*, Pastione, Venatione, Medicina, Chymia, famulisque Medicinæ aliis, de

Pictura, Statuaria, Theologia naturali, Philosophia activa, Politice, Eloquentia tum Oratoria tum Poetica, Critice & Divisione &c. Ultimum tertii hujus Tomi locum de Philosophorum Sectis liber singularis omniumque Eruditorum judicio pridem approbatus occupat.

Quartus Operum Vossianorum *Tomus* cum tertio ita connectitur, ut initium ab Arte Historica seu libro de Historiæ & Historices natura, Historiæque scribendæ præceptis fiat: cui deinceps reliqua Vossii idem argumentum spectantia conjunguntur. Ubi primo loco de Historicis Græcis libri quatuor comparant, ita aucti atque elimati, ut novum plane opus videri possint. Hos de Historicis Latinis libri tres excipiunt. Sequitur eos qualiscunque Historiæ universalis Epitome, nunquam antea typis edita; in qua Autor Historiæ universalis adhuc frustra desideratæ (& de qua an integra, an partes ejus aliquæ deperditæ sint, an vero nunquam plene perfecta fuerit, & multa forte adhuc imperfecta relicta sint, nihil certi Editores habent) brevem delineationem dedisse videtur. Huic varia Vossii opuscula subiecta sunt. Vita scilicet Fabiani a Dhona, Comitis a Dhona: Consilium Gregorio XV Pont. Max. exhibitum per Michaellem Lonigum, cum præfatione & censura G. J. Vossii: Aphorismi de statu Ecclesiæ restaurando, per Michaellem Lonigum, cum præfatione & censura Vossii: la Epistolam Plinii de Christianis, & edicta Cæsaris Romanorum adversus Christianos commentarius: De Cognitione sui libellus: De Studiorum ratione dissertatio gemina: Oratio in obitum Thomæ Erpenii, Oriental. linguarum P. P. in Academia Leidenfi: Oratio de Historiæ utilitate: In fragmenta L. Livii Andronici, Q. Ennii, C. Nævii, M. Pacuvii, & L. Attii Castigationes & notæ. Tandem & huic Tomo insertæ sunt Epistolæ Vossii, sed selectiores, & quæ aut de literarum studiis agant, aut rerum gestarum historiam illustrent; rejectis in suum locum dedicatoriis, expunctis vero res domesticas & privatas continentibus, quas omnes antea simul ediderat Paulus Colomesius.

Quintus Tomus divinum Vossii opus de Theologia Gentili & Physiologia Christiana, seu de Origine & Progressu Idololatriæ, deque Naturæ mirandis, quibus homo adducitur ad Deum, libros IX continet.

Sexto denique tomo varii Tractatus Theologici juxta seriem Historiæ Sacræ & Ecclesiasticæ dispositi exhibentur. Quare primo loco collocatur Chronologiæ sacræ Isagoge, quæ Historiarum Vet. Test. seriem docet. Inde ad Historiam Domini nostri Jesu Christi, ipsiusque genealogiam, nativitatem & passionem proceditur. Gemina igitur hic Dissertatio, una de Jesu Christi Genealogia, altera de Annis, quibus natus, baptizatus, mortuus est, compareret. Quibus Harmoniæ Evangelicæ de Passione, Morte, Resurrectione ac Ascensione Jesu Christi Salvatoris nostri Libri tres, de Baptismo Disputationes XX, & una de Sacramentorum vi & efficacia succedunt. Has excipiunt Theses Theologicæ de Baptismo & de variis doctrinæ Christianæ capitibus. Tum transiitione facta pergitur ad res Ecclesiæ. Hic primo se offert Dissertatio trina de tribus Symbolis, Apostolico, Athanasiano, & Constantinopolitano: mox sequitur Historia Pelagiana, cui subjunctum videas de Manichæis & Stoicis non integrum Tractatum, sed majoris operis de Gratia Dei fragmentum antea non editum: tandem totum hoc opus clauditur duobus circa proxime elapsi seculi initium editis Tractatibus, qui controversias eo tempore agitatae expendunt, Epistolica nempe Dissertatio de Jure Magistratus in rebus Ecclesiasticis, & Responsio ad Judicium Hermanni Ravenspergeri de libro Hugonis Grotii contra Socinum de Satisfactione.

Multum de collectis his Vossii operibus doctissimis Editoribus debet Orbis. Eruditus, multum ipsius Vossii nomen, cui nova hac Vossianorum operum editione monumentum ære perennius denuo erectum esse, ipsius Manibus merito gratulamur.

VITI BERINGII FLORUS DANICUS.

Othliniæ, impressus a C. Schrödero, 1698, in fol.

Constat 8 Alph.

INter Lumina Danicæ, quæ superiore seculo splenduerunt, *Vitus Beringius*, Historiographus Regius, & in supremo Regni tribunali Regioque ærario, dum viveret, Assessor gravissimus, Polyhistor, Poeta, Orator insignis, locum sibi haud postremum vindicat. Et Carmina quidem illius varia, elegantissima uti-

utique & summum acumen spirantia, legi ab omnibus potuere, postquam inter *Delicias quorundam Poetarum Danorum* Lugduni Batavorum A. 1693 excusas, *Fridericus Rosgaard*, Vir celeberrimus, vita etiam Beringii & opusculorum ab eo editorum indice præmissis, publici ea juris fecit. Præsens vero illustre splendidumque opus, quo Danicam Historiam complecti sub Flori titulo voluit, a quamplurimis, qui multis in eo annis summoque studio elaborasse, Beringium noverant, diu, sed frustra (nam ipse quidem anno jam 1675 e vivis excessit) expetitur fuit, donec tandem A. 1698 fortus hic pulcherrimus, dubium quo obstetricante, in lucem fortunato prodit. Tametsi vero serius ad nos, quam exoptaveramus, pervenerit posthumum hoc opus, viderique possit gratiam novitatis dudum exuisse, persuasum tamen habemus, paucis illud adhucdum innotuisse; certe in officinis nostris librariis obvium hæcenus non fuit: ut adeo operæ nos facturos pretium putemus, si vel nunc de eo quædam edisseramus.

Præfixa est Historiæ ipsi elegantissima Præfatio, qua gravi oratione tum *Imperium Monarchicum in omni Republica optimum esse*, tum *tale Imperium jam inde a condito Regno in Dania obtinuisse*, idque plenis sub *Friderico III, Avo bodiæni Danorum Regis, juribus restauratum fuisse*, demonstrare annititur eloquentissimus Beringius. Adstructa nimirum, exordii in ea loco, uno & altero argumento Rectorum in Rebus publicis necessitate, proluxa prius oratione disceptat, quodnam regimen Rectorum sit præstantissimum, an Democraticum, an Aristocraticum, an vero Monarchicum? Atque tandem innumeris regiminis Democratici aut Aristocratici incommodis, & maximis contra imperii Monarchici utilitatibus ostensis, decernit: *Regnum Monarchicum longe præstare, tum Regno Democratico, tum Aristocratico*. Quo asserto tamen, neutiquam se carpere statim monet Orator disertissimus, florentissimas per Europam Respublicas, quæ sub Optimatum imperio ad summum hodie felicitatis suæ fastigium sint evectæ. Geminam enim iis deberi laudem, quod in pessimo statu optimis consiliis, & in inconstantissimo regimine diutissime florent. At nihilominus alioquin statum plerumque rerum enasci perversissimum, ubi penes Plebem summa sit potestas, & ex ea Duces ac Rectores Reipublicæ

eligantur. Siquidera constet, quod ejusmodi ex plebe lecti Rectores, inter nundinationes caufarum, commodum privatum raro a publico distinguant: quod eidem filios aut agnatos in hæredes regiminis nunquam non obtrudant: quod aliquando regiminis prorsus ignari & potentia impotentes, effrænata dominandi libidine intumescant, & coeca tantum ac immoderata, maximo Reipublicæ detrimento, consilia capiant: aut quod perpetuæ, ubi plures regnent, sint consiliorum moræ atque ambages, & tantum absit, ut exoptata semper inter tot capita consiliorum servetur concordia, ut potius nil nisi suspiciones clandestinæ, iræ, odia, dissidia & factiones publicæ exoriantur. Unde pateat, ex geminis aut pluribus regimini datis capitibus, in Republica perinde ac in homine, monstrum tantum enasci, & eo rerum statu, ubi in diversas diversa imperii capita discindantur factiones & sententias, Lernam persæpe omnium malorum fieri Rempublicam. Satius inde esse, si tutela & regimen rerum humanarum in uno regno, velut in una navi, uni tradatur Rectori. Ita enim ex unius capitis nervis, omnium membrorum temperamentum & regimen profluere sanctissimum. Ita adesse in regno cæli faciem, quod inter perpetuas circumvolutiones, uno collustratur Sole. Ita ætiori cives & milites vinculo constringi, si unus in sacramento nominetur Princeps, & unus in legum promulgatione Legislator. Ita fœdera cum vicinis & exteris firmiora diutius manere & sanctiora, si unus gentium legatis Dux ostentetur ac Imperator. Neque etiam in Monarchia metum esse, ne consiliorum ancipitia, suffragiorum moræ, aut æmulantium odia Rempublicam divexent. Accedere potius statum Monarchicum ad cœlitum statum beatissimum, in quo unus imperet Deus: ac ideo quoque, Regibus Majestatis titulum & communis parentis nomen dari, nec non cum sceptro coronam iis imponi, ut æternitatis ac divinitatis symbolum in eorum frontibus resplenderet.

Quo vero stabilis eo magis ac firmior in omne ævum maneat Monarchia, necessariam adhuc maxime esse addit Beringius perpetuam hæredum ex una stirpe in regno successionem, ita tamen, ut quem nascendi ordo inter defuncti Monarchæ filios throno proximorem ostenderit, thronum ascendat & regnet. Sic enim, cum una familia perpetuum foret Regum seminarium, cives nunquam

espere suo destitui, adeoque nullam, post mortem Regis sui, jacturam propemodum sentire. Sic ipsos Principes, regni hæredes, eo magis ad supremum Heroiearum virtutum apicem Majorum exemplis eniti, atque publicæ salutis eo semper esse amantiore, quo certius sciant, sua esse omnia, quæ tuentur. Enutririque eosdem eo majori a parentibus sollicitudine, ad publicam Reipublicæ salutem; ac ideo mutuum Principum & civium amorem eo semper esse efficaciorum. Ocludi hæc modo ambitioni viam omnem. Absesse inter regna turbulenta, neque metuendum, ne aut peregrini regnum occupent, aut ipsi electores istud ad se trahant & rapiant. Miserum in de haud raro statum enasci in iis per Europam imperiis, in quibus inter comitiarum solemniam, & suffragiorum moras atque ambages, electorum arbitrio & potestate suprema potestas, ejusque moderator dependeat. Evenire eo multoties statu cædes & funera magnorum virorum tristissima, si videlicet pro suis singuli quandoque electores suffragis ad arma confurgant, & pro eis tanquam pro aris & focis decerent. At excipere quis contra hæc & cætera a Beringio allata argumenta poterat; *bonos non semper nasci in purpura.* Ad quod autem eloquentissimus Beringius paucis regerit: *neque vero in comitiis bonos semper eligi.* Rectius inde fore atque satius, si, quod de suis Galli Regibus dicant, *nunquam moritur*, suum quævis Respublica de suo Rectore esse juberet symbolum, atque Rex instar Phœnicis o suo semper cinere in filiis suis esset superstes.

His præmissis, jam secundo loco evincere annititur Beringius, *Dania imperium semper fuisse Monarchicum*, tum quod hæreditaria in eo perpetuo obtinuerit Regum successio, tum quod supremam aut Monarchicam ibidem Reges semper exercuerint potestatem. Quod enim prius attinet, nullum per orbem regnum reperiri, quod per integra quinque & viginti sæcula, quod Daniæ contigerit, perpetuam & indivulsam in gemina omnino stirpe successione continuaverit. Nam a Dano imperii conditore, ad Unguinum usque, Daniæ Reges unius familiz sanguinem fuisse, per unicam foeminam, Suanhuidam, Hotteri genitricem, eonnoxa. Deinde vero ab Unguino usque ad Domum Oldenburgicam, alteram Regum seriem per tres foeminas, Gyretam, Estritiam &

Mar-

Margaretam, junctam fuisse. Atque harum familiarum in regno Daniæ successione hæreditariam, constantem adeo fuisse & perpetuam, ut aliquando etiam ad fœminas, aliquando vero ad dislitos procul a stirpe & patria in aliis extra Daniam terris agnatos regimen descendisse, Margaretæ & Erici Pomerani atque Christophori Bavari exempla comprobent. Imo eandem ob causam, ne scilicet deficerent e stirpe Regia, qui regnarent, Ubboni relucant, & Jarmerico e captivitate redeunti, paternum regnum fuisse traditum. Cui hæreditariæ successionis juri & illud porro accedat, quod Reges Daniæ non tantum hericisci olim regnum, sed & istud aliis privata auctoritate donare potuerint. Quamvis autem jam hæc hæreditaria olim Regum in Dania successio, ab adversæ opinionis auctoribus non ficulneis prorsus argumentis possit impugnari: hodie tamen hæreditariam in Dania Regum successionem æque ac potestatem Majestaticam inconcussam stare monet Beringius & integram, ex quo utrumque, & successionem & potestatem, FRIEDERICUS III, manumissa veluti Domo Oldenburgica, plenè A. 1660 juribus in Daniam reduxerit. Frustraneum inde jam fore Bodinum & quemvis alium, si Majestatis jura Daniæ hodie velit detrahere, ob leges Regum olim inaugurationi adhibitas. Has enim Friedericum memoratum abrogasse, ita ut nunc citra comitia & interregna, Regii Principes thronum ascendant, relinquantque posteris.

Ne autem quis suspicetur, jura supremæ potestatis superiori jam demum seculo in Daniam esse introducta, ultimo adhuc loco versatissimus in Historia Danica Beringius contendit, Regimen Danorum semper fuisse Monarchicum. Nam ante conditum etiam Regnum, ipsos Judices vel Suffetes supremam aliquam & Regia haud multo inferiorem potestatem tenuisse. Id quod partim ex multis antiquitatis & scriptorum testimoniis non contemnendis, partim exinde possit probari, quod Judices non tantum pro tribunali sederint; sed quod &, veluti supremi omnium rerum in campo & foro Domini, populum in concionem libere evocaverint, tributa sciverint, dignitates mandarint, & belli ac pacis sine provocatione populi moderatores extiterint. Additum fuisse his juribus jus gladii summum. & supremam in cives jurisdictionem, quæ etiam inter ipsos fuerit hæreditaria. Imo non ad vicinos modo populos, sed & ali-

aliquando trans maria & oceanum formidandas in orbem legiones emisisse. Fuisse eas Gothos, qui primi a septentrione in meridiem egressi Cimbrorum tradux fuerint ac tribules. Neque vero Cimbro aut Gothos tantum; sed & Gepidas, Longobardos, Varios, Vitasque, & qui eos longo intervallo exceperunt, Normannos generis sui decora & incunabula ex Dania arcessere. Ampla posthæc laude extollit Ostro-Gothorum & Vestro-Gothorum res gestas & victorias, nec Judicum laudes reticet, qui interea, dum hæc extra Daniam agebantur, domi togæ gloriam altius indies extulerint, & justitiæ ac pietatis antistites extiterint serenissimi. Nullam proinde per orbem gentem ad divinam Reipublicæ imaginem propius, quam Danicam accedere, quæ ad Dei nutum & præceptum constituta sub Judicum magisterio adoleverit, Elapsa esse novem integra secula, per quæ Judices in Dania supremam in toga & sago potestatem exercuerint. Post ea tempora, quæ Daniæ pueritia dici possent, adolescentiam ingressam Daniam prodire cœpisse cum corona in publicum, & matura velut ætate in purpura se orbi ostentare, h. e. traductum fuisse regnum a Judicibus ad Reges, eaque mutatione, quam aut æternæ rerum omnium vicissitudines, aut mutæ & fatales tunc temporis insularum Danicarum iræ & contentiones, nullo alio veluti remedio, quam auctoritate Regia compescendæ accelerarint, supremam seu majestaticam in Daniam potestatem fuisse introductam. Atque ut hæc Daniæ potestas Monarchica, & per continuam Regum seriem ad nostra usque tempora continuata, atque inprimis Friederici III auctoritate anno Christi 1660 plenissimis Majestatis & hæreditariæ successionis juribus communita, ævum pariter omne ac spatia orbis emetiatur, postremo demum loco Beringius pie precatur.

Diutius paulo nos Præfatio detinuit. De Historia ipsa paucissimis dicemus. Eam a Dano, Regum primo, annoque ante natum Christum millesimo trigesimo octavo orditur Beringius, atque ad ea tempora deducit, quibus regnans hodieque Domus Oldenburgica sceptro Danico admota fuit, i. e. ad seculi post Christum natum quinti medium. Sermonis genere usus ubique est sublimi & arguto, ut attentum Lectorem omnino requirat, inter Historicum & Panegyristam quasi medius, celebratis justo elogio Regum præclare gestis, sed nec dissimulatis tamen eorum vitiis pravis-

que facinoribus. Seriem Regum, adjectis ubique imperii annis, eam proxime servat, quam dudum Saxo Grammaticus, Danicæ Historieorum hucusque facile princeps, ex Islandicis aliisque monumentis eruit atque congeffit: nisi quod a Dano I. cum Saxone Regum Historiam auspicatus, post Olauum I. *Haraldum I.*; post Frothonem V. *Haraldum II.*; post Quinqueviratum Danicæ, *Haldanum III.*, *Haraldum Hyldetand.*, *Ringonem I.*, & *Hettam*; post Sivardum I. *Butum*; post Regnerum, *Haraldum Klakium* & *Ivarum*; post Ericum I. *Ericum puerum*, & post Olauum Famelicum, *Ericum bonum* ac *Ubbonem* interferat: quorum fata & facta Saxo quidem maximam quoque partem loco suo memorat, nomina vero eorundem suo Regum Danicæ censui ac numero nuspiam adscribit. Inter Snionem vero & Bocrnonem, trium integrorum seculorum hiatum seu lacunam esse Historiæ Danicæ, intime & graviter conqueritur Beringius, quam in Saxonis Historia dudum Arvidum Huitfeldium & Claudium Lyschandrum, Historicos Danicos, animadvertisse, doctissimus Stephanius in uberioribus suis ad Saxonis Historiam notis testatur.

*AURELII PRUDENTII CLEMENTIS QUÆ EX-
stant. Recensuit & Adnotationibus illustravit CHRISTOPHO-
RUS CELLARIUS, qui & Indices copiosiores Rerum
& Verborum addidit.*

Halæ Magdeburgicæ, sumptibus Orphanotrophi, 1703. in 8.
Alphab. i. plag. 13.

Christianorum poetarum princeps omnium iudicio Aurelius est Prudentius, divinus quasi Pindarus, & sanctissimus Horatius: nec tantum lyrico, sed omni genere carminum excellens. Sæculo, quod nuper exegimus, duo cum primis in ornando illo laborarunt, Joannes Weitzius & Nicolaus Heinsius, quorum libri quum desierint in bibliopoliis proflare, novam editionem, & utraque commodiorem adgressus est Vir meritis de bonis literis CHRISTOPHORUS CELLARIUS, quem sponte sua id molientem beatus noster FRIDERICUS BENEDICTUS CARPZOVIUS ultimis ex fatali morbo literis, pro amicitia, quam cum ipso percoluerat, exstimu-

stimulavit; ut ille in nuncupationis epistola profitetur. Id autem egit Editor celeberrimus, ut primo textum quam emendatissimum daret, usus in id non aliis codicibus manuscriptis, quam quos plurimos laudati viri Heinsius atque Weitzius exeerperant, quod ille antiquissimum quemque in Italia, Gallia, Britannia, præter suos, evoluit; hic præstantissimos latitantes in Germania. Quibus quod meliores non possunt inveniri; ex his, quod sibi optimum videbatur, Prudentio vindicavit ita, ut in plerisque summi iudicii virum Nicolaum Heinsium secutus sit: in nonnullis autem ob graves rationes ab illo discesserit, quas in Notis profert. Quod autem præcipuum in hisce Notis est, ad explicationem magis, quam ad lectionem & curam criticam pertinet: quamquam neque hanc, ubi opus erat sensui ac interpretationi, posthabuit. Sic nullum fere locum difficilem, aut intactum ab aliis, reliquit inexplicitum, in quo offendere lectores possint, præsertim adolescentes, in quorum usum hæc editio apparatus est. Indices adjecit copiosos Rerum & Verborum: etiam tertium licentiæ Prudentiæ, sive metri a regula recedentis. Nam Christiani poetæ plus sumunt sibi, quam ceteri, in Græcis maxime vocabulis, quibus pro vulgari, quæ illo ævo obtinebat, pronuntiatione suam syllabarum quantitatem constituerunt. In Præfatione optat Editor, ut in Christianis scholis hic poeta cum Virgilio & Horatio conjungatur, quo cum carminum varietate, quæ vel omnibus antecedit, juvenus Christiana etiam Ecclesiæ antiquæ ritus atque fata condiscat, quod utique plurimum adferre ad rem sacram & pietatem possit.

DUODECIM PANEGYRICI VETERES, EX SEculo a Diocletiano ad Theodosium superstites, recensiti & Adnotationibus illustrati a CHRISTOPHORO CELLARIO, qui & Indices copiosiores Rerum & Verborum adjecit.

Halæ Magdeburgicæ, sumptu Jo. Bielckii, bibliopoliæ Jenensis, 1703, 4. Alphab. 1. plag. 7.

Quæ prima olim Romanis & præcipua disciplina Eloquentiæ erat, qua in foro, in curia, pro rostris & in ipsis castris promptissime res gererent suas; ea postmodum ad pauciores usus reda-

cta fuit, quorum præstantissimus est ille, qui magnorum Principum laudibus panegyricis continetur. Hunc quod præcipue Constantinorum sæculo excultum esse videmus, illos Panegyricos, qui supersunt, rarius adhuc & minori cura in Germania excusos, clarissimus Editor cum Adnotationibus suis publicavit, ut qui in eloquentia se exercent, aut ad Principum laudationes vocem præparant, exemplum habeant, ad quod meditationes suas imitando possint componere. Laborarunt in his olim eruditi viri, Livinejus, Acidalius, Rittershusius, Gruterus: cum quorum Notis sigillatim & conjuncte aliquoties hi Panegyrici prodierunt: anno cło 10c LXXVI etiam Parisiorum Lutetiæ augustiore forma Jacobus de la Baune cum suis adnotamentis edidit. His omnibus usus est Cellarius noster, & quod quisque præstantissimum, præfertim ex MSS. observaverat, excerptit, & suis interpretamentis inseruit, quibus quidquid difficile ad intelligendum erat, planissime clarissimeque exposuit. Singulis Panegyricis argumentum præmisit, ut in conspectu sit materies. Continent enim res præstantissimas, ad historiam illorum temporum complendam & explicandam cumprimis utiles ac necessarias. Verbi gratia, de Maxentii tyrannide, de Constantini contra illum bello & victoria nemo plenius, distinctius nemo disseruit, quam Nazarius, & alius anonymus auctor Panegyrici VIII, enarraverunt. Egregia quoque & rara sunt, quæ de Constantino patre, de Juliano, de Theodosio traduntur, ut vere celeberrimus Editor in præfatione dixerit, arcanam historiam & ab aliis præteritam in his Panegyricis reperiri. De dicendi genere, nonnunquam gloriosiore quam pro mortalium conditione Principum, in eadem præfatione præmonetur. Panegyrici sunt numero XII, secundum ætatem Augustorum atque Cæsarum (hos enim accurate, ut fuerunt discreti, hæ orationes distinguunt) distributi, quorum primus est dictus Maximiano Herculeo; eidem etiam secundus: ultimus Theodosio Magno: medii Constantio Chloro & Constantino Magno, maxime Eumenii Augustodunensis; Juliano, Mamertini fœtus junioris; & Gratiano, ex ingenio Aufonii; quem apposuit Editor, a nonnullis, etiam a Parisiensibus de la Baune, in serie & complexu Panegyricorum prætermisum. Inprimis commendabilis est Panegyricus

III Eu-

III Eumenii, pro Restaurandis Scholis ad Constantii Cæsaris præfectum Galliarum. Plinii autem Panegyricum Noster non adiunxit, quia idem eum cum Epistolis illustratum olim ediderat, ut anno cło Ibc XCIII mense Aprili recensuimus. Nunc verò unius sæculi orationes, quod a Diocletiano ad Theodosium fuit, complexus hoc fasciculo est.

*CHRISTOPHORI CELLARII ORTHOGRAPHIA
Latina, ex vetustis monumentis, hoc est nummis, marmoribus, tabulis, membranis, veterumque Grammaticorum placitis, nec non recentium ingeniorum curis excerpta, digesta, novisque observationibus illustrata.*

Halæ Magdeburgicæ sumtu Jo. Bielckii, 1703, 8.
plag. 10.

Latine scribendi rationem sive Orthographiam, propter variationes successu temporum, etiam ætate una ab ipsis Romanis factas, auctasque a Grammaticis antiquis, in ordinem redigere & summam explicare multi sunt adgressi, in quibus maxime Aldus Manutius Pauli filius, Justus Lipsius, & Claudius Dausquius excelluerunt: quibus clarissimus Auctor nunc adnumerandus est, diligentissime, quidquid hujus rei est, scrutatus, & brevi summa in hoc Latinæ Orthographiæ libello complexus. In duas partes distribuit, quarum priore de variis, quæ generatim ad universam Orthographiam pertinent, agit ita, ut ante omnia, quod ceteri præterierunt, distinguat inter majusculam veterem literarum formam, in nummis, lapidibus, antiquissimis codicibus superstitem; & minusculam, multo posterius, & quum caderet Latinitas, superinductam: quarum diversas rationes esse, nec unam ex altera ubique judicandam, perspicue ostendit. Deinde agit de literis Græcis in Latium adsumtis: de Vocalibus & Diphthongis Latinis: de formis *V* & *U*, *v* & *u*, quando distingui cœperint; & de aliarum in vetustis nummis connexionem. Ad hæc de literarum mutatione in compositionibus, ubi per ordinem & seriem Præpositionum a pag. 36 ad 49 omnia recenset ac explanat. Subjicit de Adspiratione, ubi addenda sit, & ex quibus expungenda: etiam de

Numeris Romanorum : postea de Accentibus Latinis , quos , ut in usu hodie sunt , Adverbiis & Particulis impositi , rejicit omnes & ineptiarum accusat , quia longissime absint ab apicibus veterum , quibus vero & hi non nisi rarissime usi sint : dein propterea , quod innumera sint diversæ notationis Nomina & Nomina , Verba & Verba , Verba & Nomina , quæ plane iisdem literis scribantur sine notulis accentuum , & tamen a quovis legentium discernantur . Quanto magis , inquit , Adverbia ab rarissimis Vocativis distingui ab omnibus , etiam a pueris , poterunt ? ut apicum illorum neque necessitas sit , neque usus ullus , quum ex sensu id , quod illi discernant , satis possit intelligi . Tandem de Signis Distinctionum , puncto , commate , colo & ceteris : & de Divisione in fine versuum ; item de Notis seu Abbreviaturis pertractat , & clare omnia proponit . Et hæc priore parte . Posteriore secundum Alphabeti ordinem , singulas voces , controversas in scribendo , percurrit , & ex antiquis monumentis Grammaticorumque rationibus , quæ probabilior scriptura sit , & plus olim auctoritatis habuerit , multa cura & solertia demonstravit .

**LAURENTII BEGERI, CONSILIARII REGIO-
lectoralis Brandenburgici ab Antiquitatibus & Bibliotheca,
de Numis Cretensium Serpenteris Disquisitio An-
tiquaria.**

Coloniz Marchicæ , typis Ulr. Liebperti , 1792 , in fol.
Constat plagulis novem .

Tab. I.
Fig. 1.

Elegantissima hæc Disquisitio in Colloquii modum conscripta est , ubi celeberrimus Begerus , assumpto *Dulodori* nomine , id agit potissimum , ut Cretensium Asiaticorumque a Serpenteribus creditam originem adstruat , atque inde Antonii quoque & Augusti , aliorumque numismatibus serpenteris lucem affundat . Qua fini quatuor Cretensium serpentera numismata , quæ apud Goltzi-um extant , (ex quibus unicum hic exhibuisse suffecerit) producit , & quid in illis serpentes , quid pharetra , Bacchique cista mystica & hedera sibi velit , copiose edisserit ac explanat . Existimat quippe , serpenteribus his ipsos Cretenses adumbratos fuisse , nec obscure gentis originem iis declarari . Cumque primus homo in Asia externa creatus dicatur , & Genes. X. disertis verbis tradatur , *Japheti*



posterius insulas inter se divisisse, sponte sequi, Cretæ incolarum originem ab Asia arcessendam esse. Sed ut, quæ probanda sibi delegit, clara maxime reddantur & perspicua, ulterius progreditur, atque evincit, serpentes Asiæ symbolum fuisse. Planum hoc ac expeditum facit numismate Augusti, quod *Asia recepta* inscribitur, & serpentes connexos exhibet; cui jungit, quæ apud Seguinum extant, Laodicensium numismata, non connexos solum serpentes, sed & pharetram amplexos, eodem plane modo, quo & in numis Cretensium visuntur, ostentantia. Et quamvis exinde dilucide satis appareat, serpentes Asiæ symbolum esse, accuratius tamen ista persequi, allatoque simulacro Asiæ, serpentem dextra præferentis, quod & nōs hic repræsentamus, uberius explanare Dulongodorus voluit. Quia in re utut a Clarissimo Begero Vaillantius discedat, eo quod Præstant. Numismat. Tom. II, p. 143 adfirmet, non serpentem in hoc numo, sed acrostichium designari; tantum tamen abesse; productis rationum momentis, Begerus asseverat, ut Vaillantius opinionem hanc tueri possit, ut potius eodem loco fateatur: *angues insignia sunt Asia minoris, ut fidem facit Augusti numus cum iis, & epigraphæ, ASIA RECEPTA*. Istitis perpulchre confectis, ut reliqua quoque rite explanet, Strabonis locum ex libro XIII affert, atque ejus beneficio probat, Asiæ simulacrum non tantum ob serpentum in Asia multitudinem præferre serpentem, sed vel maxime ob serpentigenas. Locus iste est: *Εἰς δὲ καὶ Πάριον πόλις ὅππῃ θαλάτῃ, λυμένα ἔχουσα μείζω τῆς Περσίας. -- Ἐνταῦθα μυσθεύουσι τὰς Ὀφιογενεῖς συγγενεῖαν τινα ἔχειν πρὸς τὰς Ὀφεις. -- Μουθεύον δὲ τὴν ἀρχηγίην τῆς γένους ἡρώα τινα μεταβαλεῖν ἐξ Ὀφείας*. Ideo vero in primis Asiaticos a serpentibus suam deduxisse originem, ut ostenderent, non navali solum potentia, & peritia se excellere, sed & viros alere omni ex parte Heroes, utpote a serpentibus oriundos. Olim quippe & maximos summosque viros a serpentibus genus repetiisse, & ipsis serpentibus divini quid tributum esse, idque posterius Eusebii potissimum de Præpar. Evang. Lib. I. verbis firmari. Sed & hoc, quod celeberrimus Diodorus affirmat, præterire non possumus, a serpente nimirum primorum hominum seductore Ethnicorum errores produxisse, adeo ut serpentem in Orgiis mysticum hinc non abe-

Tabi. II.
Fig. 2.

ratio-

ratione quidam deducant, suctamque vociferationem EVOE, a prima mortalium matre EVA desumptam, non adeo absurde arbitrentur. Ut ut autem re ipsa fortasse serpentis hinc divinitas ortum traxerit, cum tamen res progressu temporis inter Ethnicos fuerit oblitterata, iis se inhærere velle dicit, quæ Ethnicis nota aut saltem credita fuerunt. Cujus propositi memor id proinde expedire annuitur, quomodo ab unica gente in Parianorum angusto agro ad universos Asianos descendi possit. Ita vero instituti rationes moderatur, ut demonstret, Phrygiam minorem seu Troada antiquissimis temporibus, & omnium primam, *Asie* nomen obtinuisse, indeque paulatim nomen hoc toti continenti commune factum esse. Quam sententiam cum plurimis optimorum auctorum suffragiis munivisset, porro inde efficit, Lydos gloriam Trojanorum commento quodam sibi vindicasse, & Iones etiam longo post Trojanæ tempore, adeoque diffuso jam ulterius Asiæ nomine, in Asiam transiisse. Nec Homero non hanc Asiæ appellationem cognitam, sed & ejus ætate jam ultra Caystrum progressam esse probat, eo quod Iliad. β. vers. 461 canat;

Ἀσίῃ ἐν λειμῶνι καυτέρῃ ἀμφὶ ῥέεθρα.

Male vero se tueri opinionem Stephani Byzantini, qui *Ἀσίῃ* interpretetur *ἀπὸ τῆς Ἀσίας*, præsertim cum ipsi aperte repugnet Virgilius, ita hunc locum exprimens;

Jam varias pelagi volucres & quæ ASIA circum
Dulcibus in stagnis rimantur PRATA Caystri.

Cui denique accedat Dionysius in Periegesi vers. 836, seq. Vatum non minus Servii esse effatum, qui asserat, Asiam *regionem* primam corripere, Asiam vero *paludem* producere, cum idonei scriptores aliter statuant, quorum exempla hic congesta videas. Cum ergo ex hæcenus dictis planum effecerit, Asiæ nomen, Trojanæ regioni antea proprium, in cæteras regiones diffusum esse, non mirum videri ait, quod & origo a serpentibus petita ad eas transmissa fuerit. Et quod ad Cretenses attinet, eos ab Asia hac, quæ Trojanis subsuit, oriundos ex Phrygia per Thraciam & Græciam in Cretam transiisse, multisque in rebus Phryges imitatos, originemque suam mentitos fuisse, copiose Dulodorus & eleganter edisserit. Ne vero nominum varietas cuiquam imponat, hoc quoque solerter, ut mul-

ut multa alia, præcipit, eos ab Ida Phrygiæ monte Idæos Dactylos vocatos, & a nonnullis Cabirorum, nec non Curetum nomine, compellatos fuisse. Ad corytum denique, arcus & sagittas in Cretensibus numis quod attinet, nihil iis denotari aliud, quam sagittandi artem; cumque Cretenses eam ab Apolline se didicisse gloriati fuerint, dilucide inde apparere, quod ab Orientalibus Asiæ populis eam didicerint. Apollinem enim Solem esse, qui ab Oriente surgit, & inde orbem transit, quique ideo jaculandi arte censetur excellere, quod radii Solares sagittarum rationem obtineant, idque Solem in Cretensium quodam numo aperte testari. Contra serpentem, cum cista & corona hederacea, Auctor ad cultum Bacchi per Asiam universam vulgatissimum, & originem orgiorum docet respicere: nec pertinere non huc, quod in numismatibus Antonii cista mystica Bacchi serpentibus imponatur; quandoquidem omnium fere scriptorum suffragiis constitutum sit, Antonium pro Baccho in Asia cultum esse. Sed hæc speciminis loco sufficiant.

COLLOQUII QUORUNDAM DE TRIBUS PRIMIS
*Thesauri Antiquitatum Græcarum Voluminibus ad eorum
 Auctorem Relatio, amico DULODORI ca-
 lamo scripta & publicata.*

Anno 1702, in fol. Constat plag. 8.

Splendidum opus est, quod sub Thesauri Antiquitatum Græciæ Titulo, curante celeberrimo Jacobo Gronovio, prodit, & pro-
 ut in præfatione ipse loquitur, *visibilem Græciæ veterrimam histori-
 am, & quicquid auri, argentiq; præci, vel aris alteriusque or-
 namenti ad hanc causam pertinens restat*, complectitur. Pri-
 mum ejus tomum in Actis A. 1697 p. 529 indicatum a nobis lau-
 datumque meminimus: de secutis vero deinceps per temporum in-
 tervalla tomis aliis fatemur nondum nos dixisse, quod expe-
 ctandum censeremus, donec opus universum esset absolutum.
 Interim non defuere, qui seu lacessiti a Gronovio, seu quibuscun-
 que de causis aliis, justum sub examen tres saltem priores tomos vo-
 carunt, id quod in Colloquio præsentis factum. Et quædam certe lau-
 darunt in opere collocutores, v. g. quod Nymphæum in numo Golt-
 ziano

TAB. I.
Fig. 3.

ziano Apolloniatorum scite detexerit ; quod non Q. Curtium , sed M. Curtium Romæ in voraginem profundam una cum equo se præcipitem dedisse , contra Jo. Baptistam de Cevaleriis asseruerit ; & quod denique subodoratus aliquo modo fuerit , non *Iolen* , uti clarissimus Begerus , Leonh. Augustinum secutus , olim existimarat , in gemma a nobis hic exhibita designari. Quod vero subolfecerat doctissimus Gronovius , id plenius hic Begerus explanat , accuratiusque Ovidii introspectis verbis , nunc pro candore suo dudum Orbi Erudito comprobato pronunciat , *Omphalen* in ista gemma agnosci debere. Sed plura sunt , quæ in isto opere virgula censoria notarunt. Jam enim , quod aliena & ad Antiquitates Græciæ non pertinentia , inter quæ & *sacerdotem illum Germanium navigerum* referunt , admiscuerit : jam quod res easdem sine causa repetierit : jam quod ex quadratis rotunda , ex marmoribus clypeos effecerit , quodque in figuris ea avulserit , quæ conjuncta unam constituent hystoriam , adeo ut separata vel plane non , vel difficulter agnosci possint : jam quod de multis perperam statuerit , & in primis quamplurima nulla idonea ratione ductus asseruerit , quo referunt , quod *Agamemnonem* in numo Gortyniorum ex sola litera A , & ex solis literis A. B. *Abarin Scytham* agnosci posse crediderit : jam quod longe plurima omnino ad institutum pertinentia exhibere neglexerit , exprobrant ipsi & obijciunt. Singula quidem omni conatu diluere Dulodorus h. e. L. Begerus nititur , sed ita hoc evenit , ut postremo , quod suarum virium non fuerit , Gronovium ipsum sua eruditione suppleturum confidat ; quam quoque causam esse ait , cur totius colloquii summam ad Gronovium perscribere in animum induxerit. Nos quæ in illustri opere carpuntur , uberius ordineque recensere , cum prolixum id nimis foret , non possumus ; nec volumus , ne quid affectibus dedisse , aut objecta invidiose repetiisse videamur : etsi profecto comparata ita sunt , ut responsuro facessere negotium possint , speremusque agniturum Gronovium , in Germania quoque emunctæ naris viros superesse. Speciminis autem loco pauca monimenta , in quibus explicandis doctissimi Viri dissentiant , adducemus , judicio integro Lectoribus relicto. Et quidem statim tangunt Colloquutores , quod pro Parcisi habeat Gronovius , quas Bacchantes esse , in monumento hic quoque

TAB. I.
Fig. 6.

a nobis expresso, inde constet, quia infano motu caput jacent, hinculos dissecant, & partes in diversa auferant. Nec discedunt non ab eo, dum, quem ille Urfinum sequutus *Oeneum* Meleagri patrem putaverat, ipsi *Ænum*, suffragante numismate a Fabro commemorato, & consentientibus aliis duobus in Regio - Electorali Brandeburgico cimeliarchio ei quoad caput simillimis numismatibus, non OINOY, sed AINI inscriptis, constituunt. De *Danao* similiter rem comparatam esse. Quod enim ipse hic designetur, solo clypeo non confici, cum non Danaus, sed Lynceus ludos *Ægis ex Argo* dictos consecraverit, & quidem postquam Danaus periisset. Imo *Danaum* clypeum istum, uti veteres tradant, in juventute gessisse, cui proinde simulacrum barbatur non conveniat. Nec Argivos galeam, cui insidere Danaus fingatur, sed Lacedæmonios invenisse. Nec ferunt, quod in numo alio, *Peparethion* quem n. 7 exhibemus, *Pratidem* se invenisse putat. Cum enim inauditus sit, Prætidem in vaccas fuisse commutatas, *Io* vero a se compressam in vaccam, uti veteres referant, Jupiter mutaverit, id proinde rectius hic agnosci. Obijcienti Gronovio, verosimile non esse, quod Jupiter placitissimam sibi puellam inter amplexus in bestiam mutaverit, respondent, esse id utique verosimile, cum & Hyginus dicat, Jovem id fecisse, ne Juno eam cognosceret, & Ovidius aperte testetur, mutatam *Io* canens, cum adventum Junonis Jupiter præsensisset, adeoque cum ipse ea per tenebras frueretur. In eo porro a clarissimo Gronovio dissentiunt, quod asserant, simulacrum, quod & huc transtulimus, non *Famam*, sed *Musam* repræsentare, & Dulodorum proinde, qui ex ala capiti affixa collegerat, *Musam* esse, recte existimasse. Gronovius quidem pro *Fama* pugnat ideo, quod volare & loqui *Famæ* proprium sit. Enimvero aliud hi esse dicunt *volare & loqui*, aliud *verba alata invenire*. Hoccapite fieri, & Musarum ac Poetarum proprium esse, qui idcirco non abs ratione alas capiti suo apposuisse fingantur. Cæterum mirari se ajunt, cur nec ad testimonium Eustathii, quo Musas ex pennis Sirenium, funiculo collectis, coronas alatas fuisse docemur, nec ad exemplum Titii Poetæ, qui alato capite & ipse in numis profset, quicquam reposuerit. Tandem præterire non possumus quæ de *M. Curtio* in toreumate, quod hic repræsentamus, disputant. Gronovius

Fig. 5.

Fig. 6.

Fig. 7.

Fig. 8.

Fig. 9.

vius Marcum intelligit, qui anno V. C. cccxci Romæ in profundam voraginem se cum equo præcipitem egerit. At cum M. Curtius apud Valerium M. Lib. V, cap. VI, n. 2. dicatur, *equum vehementer admotis calcaribus, præcipitem in illud profundum egiſſe*, & in toreumate & equi & equitis trepidatio aperta ſit, calcaria certe in toreumate deſint, & herbæ ac cannæ ſub equi pedibus non ſpecum, qualis in foro Romano fuit, ſed locum paluſtrem arguant, dubitant omnino, an iſta interpretatio conſiſtere poſſit. Majori potius jure hæc ad Metium Curtium, Sabinorum Principem, quadrare, de quo Livius referat: *Ex equo tum forte, Metius pugnabat: eo pelli facilius fuit: pulſum Romani perſequentur. Et alia Romana acies audacia regis accenſa, fundit Sabinos. Metius in paludem ſeſe, ſtrepitum ſequentium trepidante equo conjeçit: advertebatque ea res etiam Sabinos tanti periculo viri. Et ille quidem, annuentibus ac vocantibus ſuis, favore multorum addito animo, evadit.*

ADRIANI RELANDI DISSERTATIO DE IN-
ſcriptione Nummorum quorundam, ad ſpectatiſſimum virum
JACOBUM de WILDE.

Amſtelodami apud Franc. Halma, 1702. 8.

Plagulæ 4 cum 2 tabellis æneis.

IN elegantiffimis ſtudiis facile princeps eſt, quod rem nummariam variarum gentium ex antiquitate in lucem protrahit, & aduſum politionis doctrinæ accommodat. De Romanis Græciſque numiſmatis res clara, & innumeris ſpeciminibus ab eruditiffimis viris probata eſt. Orientalium nummorum explicatione felix eſt clariffimus Auctor, quatuor nummos Samaritanis literis ſignatos, doctiſſime hoc libello interpretatus. Hos vidit Amſtelodami apud Jacobum de Wilde, virum æque cimelio numiſmatarum rariorum, ac ſingulari peritia hujus rei ac doctrina inſtructum. Primus illorum eſt ceteris integrior, inſcriptionis literas ſalvas omnes habens: ſecundus & tertius ejusdem argumenti & figuræ, ex primo ſunt ſupplendi, & in integrum reſtituendi. Facie, quæ palmam fert, Judææ ſymbolum, legit, ut quadratis literis exprimamus, *שנת רכך* hoc

TAB. I.
 Ug. 10. 11. 12.

hoc est, anno 224. In æram hinc hoc numero expressam inquiri, cui inveniendæ præmittit, probari non posse, nummos Judæis cusos ante templum, secundum fuisse, ex quo tempore plerique Hasmonæorum sint, qui genuini nummi circumferantur. In his æram non a conditu templi secundi, quæ brevissimo in usu fuerit, sed ab Alexandri Macedonis in Judæam adventu, seu ejus Regis anno sexto duci, quam סנין שטרות *aram contractuum* appellent: cujus etiam I. Maccab. II. 69 videtur mentio fieri, ubi Mattathias dicitur anno 146 mortuus, quem vero Judæi anno 140 desessisse tradiderunt. Quod ita Clarissimus Auctor noster conciliat, ut Maccabaico libro ab anno primo Regis Alexandri æra deducatur; in Judæorum chronicis ab adventu ejus in Palæstinam. Nec obstare ait huic Alexandrinæ æræ, quod I. Maccab. XIII, 41, 42, anno 170 sublatum jugum dicatur, & scribi cœptum anno primo Simonis Pontificis & Strategi: cui similis locus ex Talmude adjunctus est pag. 16. Sed ex eodem Maccabæorum libro cap. XIV, 27 respondetur, non exclusam tum æram vulgarem fuisse, sed novam Pontificis superadditam. Hanc expositionem per singulas literas ex antiquis alphabetis, ne quod dubium supersit, copiosius confirmat. Quibus ita positis, tres priores nummos sub Rege & Pontifice Jannæo, Aristobuli fratre, percusos esse, ex temporum rationibus evincit. Aversam faciem ita legit, לגאולת סיון *in memoriam liberationis a Græcis*. Nam & Syrorum regnum *Javan* dici, ex Seder Olam & ex Talmud probat, & aliquot locis LXX Interpretum, Esa. LXVI, 19, Ezech. XXVII, 13, Zach. IX, 13 illustrat. Pariter ductus singulos literarum examinat, ut certior fiat & hujus faciei interpretatio. Ut vero signum palmæ symbolum Palæstinæ est: ita calix partis aversæ ex Psalmo CXVI, 12 videtur signum gratiarum actionis, quia & Targum ibi *calicem liberationis* vertit. Quantum nummum ob erasas literas, antequam plenior ejusdem formæ inveniatur, non audet explicare. Quintum, quem Villalpandus, Kircherus, alii Samueli prophætæ tribuerunt, itidem noster Auctor ad Hasmonæorum tempora deducit, & potius שמואל *anno* legendum esse, ubi alii . . שמואל *Samuel* legerunt, ex ipso ductu literarum, cum explicatis nummis collato, demonstrat: etiam in altera facie, ut in superioribus, appa-

TAB. I.
Fig. 13.
Fig. 41.

TAB. I.
Fig. 15.

rere לְגַאֲלָתָא מִיּוֹן in liberationem a Gracis. Sextum nummum, quem *Ludolfianum* vocat, ex celeberrimi Cellarii Historia Samaritana habet, qui vero non nummum, sed inscriptiones seu titulos epistolarum, quas simul eodem schemate exhibet, a nobilissimo Ludolfo se accepisse dicit pag. 41. Ex hoc in suorum illustrationem Auctor שְׁנַת *anni* vocabulum observat : alterius faciei verba, quæ ירוּשָׁלַם לְחֻרּוּת *libertatis Hierosolymitane* legit, intacta nunc relinquit. Altera Tabula, a nobis omiſſa, exhibet nummos Punicos itidem ex thesauro Wildiano, ut convenientia literarum cum Samaritanis, præsertim ultimæ *Tau*, quæ crucis figuram habet, ut in nummis superioribus, eluceat. Tandem duos eruditos viros notat, Othonem Sperlingium & Fortunatum Seacchum : illum, quod de Judaicis nummis scripserit, oleum & operam perdere, qui eos explicandos suscipiant ; quem putat suis jam explicatis abunde posse convinci : hunc, quod cufas monetas ex patriarcharum seculo deducat, abusus in id etiam Josephi lib. III cap. I, qui in Amalekitarum præda πολλὰ ἐπίσημον, *multum signata pecunie* fuisse tradit : cuius vero nulla Exodi XVII, unde desumpta est historia, fit mentio.

PROBLEMA GEOMETRICUM DE GENERALI VIA
inveniendi omnes Regulas Centrales BAKERI.

POſt editam *Cartesii* Geometriam certatim Viri docti in ejus methodo perficienda defudarunt. Primo enim *Schootenius* Equationes Cubicasolvere conatus est per Parabolam, etiam nondum ablato secundo Termino, cujus miræ industriæ in *Cartesiana* Geometria illustranda orbis eruditus plurimum debet. Cum eo sua studia conjunxit Vir magni ingenii *Huddenius*, certas Equationes, scilicet quæ falsam radicem nullam continent, non obstante secundo Termino feliciter solvens per Sectionem Hyperbolicam. Denique *Bakerus* Anglus palmam aliis præripuisse creditus est, qui ingenio in omnes partes versato modum tandem eruit, quo ipsa etiam Parabola viam suppeditaret, solvendi quascunque Equationes Cubicas vel Biquadratas, Ordinatis ad Axem secundarium applicatis. Hujus inventum magno cum applausu exceperunt

Gy.

Gymnasia Mathematicorum, etsi non pauci conquesti sint, Demonstrationem inventi adeo præclari sibi nondum esse reclusam. Præclara hæc magnorum Virorum inventa, priorumque inventorum facilitationes dum non sine insigni voluptate sæpe numero mente evolvi, plerumque id desiderare solitus sum in nunquam satis laudandis sæculi nostri luminibus, quod cæteris adeo nitide jam excultis, nullam haberent rationem *Ellipseos Conicæ*, quæ reliquis & delineatu faciliior, & ipsi Circulo absque dubio propior agnoscitur debet. Ipse quidem meo Marte hanc conatus sum viam ingredi, atque non omnino infelici successu mihi clavem invenisse videor, qua multo plura liceat recludere, quam *Huddenio* per Sectionem Hyperbolicam. Id quod præcipue me animavit, ad Ellipsin quoque in ministerium solvendarum *Æquationum* transcribendam, hoc erat, quod viderem eadem Analogia per Ellipsin secundi generis (de qua legi potest *D. T. in Medicina Mentis*) ascendi posse ad altiores *Æquationes*, quippe quæ non minus expedite filo describitur, cum aliæ curvæ secundi generis, quas summus *Cartesius* in medium attulit, magis in conceptu quam in operatione satis accurate exhibeantur. Quæcunque autem a me in hanc rem in chartas conjecta sunt, premere malui ad tempus, etiamsi firma demonstratione nitantur, eo consilio, ut viderem an non prius a doctioribus forte idem expeditum ac publico accuratius traditum videam, quam arrogare possem meæ tenuitati. Sed ad *Bakeri clavem* ut redeam, patet ex ejus proluxa deductione, aliorumque qui hanc illustrare conati sunt, indicijs, quod Clarissimus *Auctor clavis* omnia a posteriore proluxis Demonstrationibus implicata tradiderit, unde in hoc quoque invento illustrando non parum operæ consumserunt Excellentissimi *Sturmius* & *Hallejus* Anglus. Meo vero judicio, quod integris hucusque libris conati sunt Viri magni, duobus foliis præstari potuisset, omnia ad eum calculum, quem paucis communicabo, revocando. Id quod suspicionem injicit, *Cartesio* quoque hanc viam ignotam non fuisse, qui tamen maluit eam revocare ad compendiosorem methodum ejectionis secundo Terminis, quod facilius videtur, quam operationes admodum proluxæ in calculo *clavis Bakeri*. Facile enim est mihi demonstrare, quod ejectionis secundo Terminis ex *Æquatione*

ne

ne $x^4 - px^3 + qxx + rx + s$ revocando eam ad hanc formam $x^4 - pxx + qx + r$. Termini $\frac{1}{2}p$. & $\frac{1}{2}q$, quos sumere jubet *Cartesius*, ex priore forma $x^4 - px^3 + qxx + rx + s$ eosdem pene valores accipiant, quos suis Lineis Centralibus *Bakerus* in *Clave* attribuit.

Cæterum, posteaquam Dominus *Hallejus* in *Supplementis* horum *Aſtorum* viam communicavit *Clavem Bakeri* admodum expedite construendi, cujus Demonstrationem suppressam facile est ex calculo Parabolico supplere, jam demum viam *Bakeri* aptiorem esse, quam si Terminus secundus tollatur, lubens fateor dignamque cenſeo, quæ ad calculum brevissimum revocetur, quod sequenti modo fieri poterit.

Si *Æquatio* se offerat quomodocunque affecta, illa comparari debet cum una ex his duabus, quæ naturam Axis secundarii explicant, assumpta distantia a vero Axe $\frac{1}{4}p$ uti vult *Bakerus*.

Æquatio prima, ubi occurrit $-p$.

$$\left. \begin{array}{l} x^4 - px^3 + \frac{1}{4}pp \\ - 2ab \end{array} \right\} xx + abpx - 2aadx = 0.$$

Æquatio secunda, ubi est $+p$.

$$\left. \begin{array}{l} x^4 + px^3 + \frac{1}{4}pp \\ - 2ab \end{array} \right\} xx - abpx - 2aadx = 0.$$

Sit jam data *Æquatio* $x^4 - px^3 + aqxx - aarx = 0$

Ea convenire debet cum *Æquatione* prima propter $-p$.

Ergo Conferendo Tertios Terminos

$$\frac{1}{4}pp - 2ab + aa = aq,$$

$$\text{Id est } \frac{1}{4}pp + a - q = 2b$$

$$\text{Id est } b = \frac{1}{8}pp + \frac{1}{2}a - \frac{1}{2}q.$$

prorsus ex mente *Bakeri*,

$$\text{Et } b p = \frac{1}{8}p^3 + \frac{1}{2}ap - \frac{1}{2}pq.$$

Con.

Conferendo Quartos Terminos

$$+abp - 2aad = -aar$$

$$bp + ar = 2ad$$

$$\text{feu } \frac{1}{8}p^3 + \frac{1}{2}ap - \frac{1}{2}pq + ar = 2ad$$

substituto scilicet valore (bp)

$$\text{Ergo } \frac{1}{8}p^3 + \frac{1}{2}p - \frac{1}{2}pq + \frac{1}{2}r = d$$

iterum ex mente Bakeri.

Sit alia Aequatio $x^4 + px^3 - aqx^2 - aarx = 0$.

Hæc cum Aequatione secunda comparabitur, cum habeat $+p$.

Collatio Termini tertii

$$\frac{1}{4}pp - 2ab + aa = -aq.$$

$$\text{feu } \frac{1}{4}pp + a + q = 2b.$$

$$\text{feu } \frac{1}{8}pp + \frac{1}{2}a + \frac{1}{2}q = b.$$

uti & Bakerus exhibet.

$$\text{Inde } bp = \frac{1}{8}p^3 + \frac{1}{2}ap + \frac{1}{2}pq.$$

Collatio Termini IV.

$$-abp + 2aad = -aar$$

$$2aad + aar = abp$$

$$2ad + ar = bp.$$

$$\text{feu } 2ad + ar = \frac{1}{8}p^3 + \frac{1}{2}ap + \frac{1}{2}pq$$

$$\text{Ergo } d = \frac{1}{8}p^3 + \frac{1}{2}p + \frac{1}{2}pq - \frac{1}{2}r$$

Si Terminus quispiam deficiat, ejus loco (o) scribendum, ut
si fuerit $x^4 + px^3 - aarx = 0$

Collatio Term. III.

$$\frac{1}{4}pp - 2ab + aa = 0$$

$$\frac{1}{4}pp + aa = 2ab$$

$$\frac{1}{4}pp + \frac{1}{2}a = b.$$

2a

T

Idem

Idem vide in *Bakero*.

$$\text{Ergo } b p = \frac{1}{2} p^3 + \frac{1}{2} p a$$

Conferendo IV. Term.

$$- a b p + 2 a a d = - a a r$$

$$\text{erit } - b p = - a r - 2 a d$$

$$\text{seu } - \frac{1}{2} p^3 - \frac{1}{2} p a = - a r - 2 a d$$

substituto ($b p$) ad Latus invento.

$$\text{Ergo } r - \frac{1}{2} p^3 - \frac{1}{2} p = - 2 d$$

$$\text{seu } - d = \frac{1}{2} r - \frac{1}{2} p^3 - \frac{1}{4} p.$$

$$\text{Id est } d = \frac{1}{4} p^3 + \frac{1}{4} p - \frac{1}{2} r$$

prorsus ad mentem *Bakeri*.

Atque hoc modo tractando omnes occurrentes *Æquationes*, non solum absque tabula *Bakeri* Regulæ Centrales in promptu erunt, sed etiam Demonstratio totius clavis habebitur clarior & brevior, quam unquam in lucem prodit, dummodo quis duas fundamentales *Æquationes* ex natura Parabolæ norit deducere, quod ipsum si opus fuerit, decem Lineis facile a nobis effectum dari poterit.

CHRISTIANI FRANCISCI PAULLINI DISQUISITIO CURIOSA: An Mors Naturalis plerumque sit Substantia Verminosa?

Francofurti & Lipsiæ, apud Jo. Christoph. Stösseln/

1703, 8.

Constat plagul. 13 $\frac{1}{2}$.

HOC Ζήτημα Clarissimus Author ante triginta duos jam annos Athanasio Kircherō amice inscripserat; quod etiamsi tum hujus cura in Italia typis fuerit impressum, nonnisi pauca tamen ejus exemplaria in Germaniam nostram pervenerunt. Quapropter hanc

hanc Dissertationem revisam, auctam & emendatam, multisque raris, selectis, & curiosis Dei, naturæ artisque magnalibus, mysteriis, & memorabilibus illustratam & confirmatam, amicorum monitis incitatus, denuo luci publicæ exponere, operæ pretium Author duxit. Prima equidem fundamenta assertionis ex *Kircheri Scrutinio Pestsis*, & *Langii Animadversionibus ad Petri Johannis Fabri Pathologiam Spagyricam* se didicisse, non diffitetur; *Augusti* vero *Hauptmanni* libellum de *Viva Mortis Imagine* (quem illustris *Wedelius in Pathologia Medico-Dogmatica* sect. XI. cap. 5. nec editum, nec perfectum autumat) nunquam se vidisse esset Brevibus jam Clarissimi Authoris hypothesein enodabimus.

In prima creatione, ubi virtute Divina generationis & multiplicationis vim acceperunt pura & integra semina, omnes etiam res puræ, perfectæ & incorruptibiles erant. Post lapsum vero, amissa pristina elegantia, puris seminibus novæ & impuræ supervenerunt tincturæ, quæ illis in generationum principio obsequuntur quidem, donec sub fallaci servitutis schemate, oportuna tandem nocendi tempora capient: separatæ enim & exaltatæ genium indolemque suam produnt, morborum mortisque fabri. Cum igitur homo omnium rerum sublunarium ministerio utatur, universis nunquam non impuritatibus coinquinatur, & infinitas morborum mortisque species, quæ in colluvie arsenicali, sulphurea, salina, mercuriali, vitriolata &c. consistunt, imbibit, & pro diversis & contrariis, ex quibus constat, miscibilibus, (acido, puta, salso, amaro, dulci, insipido) diversimode læditur. Ne autem gratis talia adduxisse videatur Clarissimus Paullini, per vastum macrocosmum transcurrit, & totum mundum verminosum esse, demonstrat, atque exemplis curiosis omnia elementa, omnia animalia, fructus, plantas, legumina, eorumque semina &c. verminibus scatere, omnem carnem, cibum & potum esse verminosum; omnem hominem a primo ortu suo vermes continere, ne sanguine quidem, in quo tamen anima, & semine ejus excepto, probat: & quemadmodum illos imprudenter agere dicit, qui omnes promiscue morbos a verminatione dependere putant, mortemque ipsam semper bestiolam aliquam esse autumant, ita omnes morbos abstrusiores & atrociores magisque contagiosos, & ab excellen-

ti putredine oriundos, ut pestem, variolas, febres malignas, dysenteriam, gangrænam &c. pro animatis, mortemque naturalem plerumque pro substantia verminosa habet. Nec spernendum sententiæ suæ robur accedere credit ex eo, quod iuxta Dei iudicia, & gravissima ejus supplicia, potissimum per vermes fuerint exercita. Imo cum qualis causa, talis etiam esse soleat effectus, mortem substantiam vocare eo minus dubitat, quo certius ejus matrem, fontem & scaturiginem, peccatum originale, substantiam esse, Nicolai ab Amsdorff auctoritate munitus credit; imprimis cum mors in Sacris Literis tanquam Ens reale nunquam non describitur: de quo Lectorum esto iudicium.

Sed nec silentio præterire fas est *παρὲνθασιν*, quam pag. 114. & sequent. interfert, dum Jobum & Jobabum, de quo Genes. XXXVI, 33. legitur, unum eundemque fuisse, ex locorum circumstantiis probat; Johannis de Pineda, qui Jobum, præter alios affectus, lue Venerea laborasse dixerat, sententiam confirmat, hancque luen antiquissimam esse demonstrat.

‘H KAINH’ ΘΙΑΘΗΚΗ.

NOVUM TESTAMENTUM, AD PROBATISSIMOS codices studiose revisum, adjunctisque summariis, singula capita in partes suas accurate dividendibus, locis parallelis, quam nunquam antea, locupletioribus, variis lectionibus præcipuis, & chartis denique geographicis, in concinnam hanc formam adornatum, vigiliis & industria JO. GEORGII PRITII, SS. Theologiae Doctoris & Professoris Publici.

Lipsiæ sumptibus Jo. Friderici Gleditschii, 1703, in 12.

Constat alphabetis duobus dimidiatis chartæ augustæ.

Quo sacratior liber est, qui Novum Jesu Christi Testamentum inscribitur; utpote in quo salutis humanæ mysteria contineri, certissimi sumus: eo majorem curam adhiberi par erat, ut & quam emendatissime & quam nitidissime excusus, hominum manibus tractaretur. Nec defuerunt a renatis litteris, qui suscepto in se hoc negotio, bene de gente Christiana elegantissimis No-

vi Fœderis editionibus mereri studuerunt. Ecce enim noti non sunt immensi propemodum labores, quos viri æterna memoria dignissimi, Desiderius Erasmus Roterodamus, Robertus & Henricus Stephani, Theodorus Beza, Joachimus Camerarius, Isaacus Casaubonus, Henricus Boelerus, Stephanus Curcellæus, alique circa Novi Testamenti editionem incomparabili studio exantlarunt; ut illos nunc transeamus, qui dissimulatis hoc egerunt nominibus. His vero, qui in hoc genere elaborandum sibi esse censuerunt, accensendus nunc venit *Jo. Georgius Pritius, Sanctæ Theologiae Doctor, ejusdemque in illustri Ruthenæ, quod Gera floret, Professor publicus, & sacrorum apud Schlaizenses in Variscis Antistes celeberrimus*, haud ignotum in Actis his nomen. Nam ille, cum studiosorum commodis præsertim vellet inservire, ad novam Testamenti Novi editionem quam castigatissime concinnandam, jam pridem adjecit animum; cumque, quæ huc pertinent, sibi circumspexisset adjumenta, non cunctatus amplius, in eam formam, ut nunc prodit, eandem cum Republica communicat literaria. Ut autem, qualis sit illa quam sistit nobis editio, pateat luculentius, lubet, quantum ex præfatione, ubi fufius de ratione instituti sui disserit, tum ex inspectione ipsius operis cognoscere datur, eandem paulisper describere. Elegantissimum typum esse, quo textus expressus est, vel ipse docere nos potest adspectus; ad optimos vero codices conlatum esse, ipse Pritius indicat in præfatione, quam operi præmisit; nec dubitandum est, quin clarissimus Vir, Guilielmus Schuzius, Verbi Divini apud nos Minister, nosterque in his Eruditorum Actis colligendis adjutor, qui editioni invigilavit, id dederit operam, ut emendatissime excuderetur. Ad marginem loca idem sonantia numero copiosissimo, quæ diuturno studio collecta a se esse, & aliis nunc addita refert Editor, sunt adscripta, ut nec unquam alias paribus opibus in publicum adparuisse Novum Testamentum, facile credi possit. Singulis capitibus summarium præfixum est, in quo totius capituli accurata continetur dispositio; qua in re secutum se esse mentem Sebastiani Schmidii, Theologi apud Argentoratenses summi, noluit ipse nos ignorare. Cum enim accuratissimi illius interpretis commentationes in sacre Scripturæ libros magni utique pro suo merito habeantur, &

versentur ubique in hominum manibus, convenientissimum fore ratus est, si mature juventuti ad easdem hoc pacto via demonstraretur. Singulis paginis subjiuntur lectiones variae, non omnes quidem, quod nec opus ipsi visum est, quasque nec spatium receperit; sed præcipuæ, & quæ momentum aliquod in interpretatione sacre Scripturæ habituræ videbantur. Denique cum cognosceret, quantam Geographica notitia lucem adfundat scripta historiarum complectentia evolventibus, habuit curæ, ut non tantum Palæstina, quam Christus itineribus suis subinde permensus est; sed & regiones, quibus Paulus salutarem doctrinam peregrinationibus suis intulit, quaqua versum se extendentes, æri incisæ accurate repræsentarentur; quam ad rem exquisitam sibi præstitisse operam Virum, præter alia, in hac eruditionis parte, ut ex operibus ipsius decantatissimis, imprimis Geographia antiqua, jamdiu constat, scientissime versatum, Christophorum Cellarium, bonarum litterarum Doctorem in Academia vicina Halensi celeberrimum, gratus deprædicat. Ita ergo perfecta videtur & elaborata esse ista editio, ut accommodatissima sit, quæ cum singulari utilitate studiosorum teratur manibus. Constituerat etiam Vir maxime reverendus, præfationis in vicem, præmittere Introductionem in lectionem Novi Testamenti, in qua prosequeretur ea, quæ ad rem criticam, chronologicam, historicam, & ad interpretationem sacri codicis referri possunt, & quæ nosse, juvenum interest; sed cum hac ratione libri moles paullo magis excrevisset, quam ut ipse commode posset circumferri, placuit separatim eandem in lucem emittere; quod, ut illam jam absolutam habet, quantocyus pollicetur se esse facturum, & nos quoque non intermitteremus, si prodierit, ejus quoque in Actis nostris facere mentionem.

*HISTOIRE DE HOLLANDE, PAR M. DE LA
NEUVILLE.*

h. e.

HISTORIA BELGII FOEDERATI AB INDUCIIS

A. 1609, in quibus desinit Grotius, usque ad nostram ætatem deducta, per Dn. NEOVILLIUM.

Tomi IV.

P2-

Parisiis per Societatem Bibliopolarum, 1702, in 12. Alph. 2.

Prostat Bruxellis apud Josiam de Griecq.

Factum est superioris belli Gallici motibus, atque impeditis ideo commerciis, ut libri hujus A. 1693 Parisiis formis perquam nitidis impressi, sicuti aliorum plurimorum librorum, copiam haud nancisceremur, ejusque adeo indicium dare nobis haftenus minime licuerit. Nunc autem, cum occasione exardescantis modo belli Galliam Hispaniamque inter, & Belgium Foederatum, per typos Bruxellenses ille denuo recusatus proiit, & sic ad manus nostras pervenerit, alios eum harum rerum satagentes amplius ignorare noluimus. In limine quidem operis perspicere est, Autorem ejus, natione licet Gallum, victum tamen tum amore Historiae Belgicae, quam praeteris cognitu maxime necessariam existimat, tum aliorum extraneorum, puta Campanae, Stradae, Quereghii, Bentivoglii, Conestaggii, Justinianique exemplo, qui initia tumultuum Belgicorum sollicitè tradiderunt, tum denique impatentia, quod post octoginta fere annos nemo plane extiterit, qui telam a Grotio ad A. 1609 perductam continuasset, penso huic otium suum impendere tandem decrevisse. Praeterea neque Batavorum intuitu exteris se accenseri patitur Autor, quandoquidem Reges Christianissimi nascentem eorum Rempublicam per centum annos (verendum oppido, ne nascendi tempus cum bona parte adultae aetatis confundat Autor) in clientela habuerint, eandemque & copiis & pecunia semper adjuverint; foedera insuper plurima, cum abolitione juris Albigenatus, inter duas nationes coalescerint; Historiaeque rerum, quae in Hollandia ab A. 1672, quo Gallorum Societati renunciavit, acciderunt, partem fecerit Gallicae, & Gallum tam prope nunc quam Belgam tangat. Ceterum non inficiatur, posse se variis indiciis pro homine extraneo, inque statu monarchico & gremio Ecclesiae Romanae educato haberi. Qua quidem in parte nihil frustra asseruit. Etiam si enim magnam diligentiam in conquirendis Historiae suae adminiculis adhibuisse se ostendat, studiumque veritatis apprime cordi sibi fuisse simulat, multum tamen religioni ac patriae suae eum tribuisse, ex innumeris locis patet; sic ut aliis testibus fide dignis non concurrentibus, ejus dictis tuto ubivis vix inniti queas, nec suasores cuiquam facile

facile simus, ut in rationibus politicis ab eo adductis plane acquiescat, siquidem Aulam Gallicam quoad maximam partem redolent. Exempli loco allegabimus tantum, quod veram Belgii utilitatem ex perpetuo cultu ac vigore amicitiae Gallicae metiendam statuatur; id quod nemo cordatorum in praesenti admittet. Historia ipsa, cui notitiam imperantium & officiorum in systemate Foederati Belgii obviorem praemittit, initium capit, ut diximus, ab A. 1609, finitque in A. 1678. Complectitur vero sedecim libros in quatuor tomos seu totidem periodos distinctos, quarum prior ad excessum Mauricii, altera ad obitum Friderici Henrici Principum Nassoviorum, tertia ad Triplex Foedus praeludique belli Gallo-Belgici, quarta denique ad pacem Neomagensem usque vergit.

SIGISMUNDI AUGUSTI, POLONIARUM Regis, Epistola, Legationes & Responsa. STEPHANI BATORII, Pol. Regis, Epistolarum Decas, & Oratio ad Ordines Poloniae. E Museo H. De HUYSSSEN. Accesserunt opuscula duo alia, ad electionem Regis Sigismundi III spectantia. Omnia recensuit JO. BURCHARD MENCKENIUS.

Lipsiae, apud Jo. Frid. Gleditschium, 1703, 8.
Constat 2. Alphab.

Quo frequentiores quotannis prodeunt privatae fortis Virorum eruditorum epistolae, eo rarius Regum Principumque literas luci publicae exponi contingit. Itaque haud dubie laudem meretur Vir clarissimus *Henricus de Huyssen*, quod comparatas in itinere Polonico Sigismundi Augusti, Poloniarum quondam Regis, epistolas una cum ejusdem legationibus, & responsis ab eo legatis aliorum Principum datis, publici juris fieri voluit, easque novum iter ingressurus amico suo nostroque collegae *Jo. Burchardo Menckenio* ea lege, ut praemissa praefatione, additisque epistolarum argumentis rerumve indicibus, imprimi curaret. Quod is negotium eo alacrius suscepit, quo magis cum & rerum intra biennium licet gestarum (nam ad annum 1562 & sequentem omnia referri possunt) amplitudo ac varietas, & ipsa styli elegantia, quae adeo etiam adolescen-

lescentibus Latinæ linguæ studiosis, præsertim iis, qui Aulæ infervire aliquando velint, in exemplum proponi non sine fructu possit, invitabant. Nos pauca ex multis delibabimus. Memoratu imprimis digna sunt, quæ de Johanne, Finlandiæ eo tempore Duce, postea Suecorum Rege, afferuntur. Patet enim ex his epistolis, cum a consilio fratris Erici XIV, Sueciæ Regis, de bello adversus Polonos in Livonia excitando, vehementer abhorruisse p. 9, & de Suecis potius cum Polonis conciliandis laborasse p. 10. Quod eo magis verosimile est, quoniã eodem tempore & Johannes, & frater ejus Carolus Ostrogotiæ Dux, aliquam e binis Sigismundi Augusti sororibus petebant in matrimonium, p. 28. 29. Et quanquam Carolus, dubium qua de causa, consilium mutaverit, Johannes tamen in sententia perstitit, & præmissis ex pacto ad Regem pecuniis Gedanum appulit, p. 30. Quod ipsius Regis Sueciæ consensu factum esse videtur, quoniam & per idem tempus de pace inter Suecos Polonosque serio tractatum est p. 21, & ejus rogatu in Sueciam missam fuisse sororem suam, diserte scribit Sigismundus Augustus p. 497. Nihilominus adduci se a malevolis nonnullis Johannes patiebatur, ut Polono diffusus, repente Gedano discederet, unde tamen cum litteris humanissimis, tum legatione potissimum Regis, e fuga retractus p. 32. 35, iter postea in Poloniam instituit, & Cainam primum p. 88, ac postea Vilnam ad Regem pervenit, p. 89. Inde nuptias celebrat cum Catharina Regis sorore natu minore A. 1562 die 4 Octobris, ut patet ex oratione geniali p. 90 ff. inserta, qua Rex tutoriam potestatem deponit, tum adeo propensum esse suum in Ducem animum prædicat, ut in sorore illi collocanda, neque naturæ ac ætatis ordinem, (innupta enim adhuc soror major natu erat) neque majorum suorum morem in his rebus observatum, nimium, ut loquitur, superstitiose adversus Ducem urgere voluerit: tametsi hac in re antea plerisque tum Italiæ, tum Germaniæ Principibus sæpe postulanti- bus, adversissimum se præbuerit, p. 91. 92. Ea itaque affinitate confirmata, magnopere Rex dolebat, cum reducem in Suecia una cum uxore in carcerem a fratre Erico conjectum esse Ducem, anno sequenti fama ferret, eoque Daniæ Regem nuper solenni fœderis formula unitum p. 481, Duces item Prussiæ &

Brunsvicensem, nec non Marchiones Brandeburgenses p. 497, ut liberari eum curarent, multis modis hortabatur. Præter hæc, quæ partim cum Rege Sueciæ de pace tractata, partim bello contra Suecos in Livonia gesta fuerint, tum quibus conditionibus fœdus cum Rege Daniæ Friderico II sancitum, abunde ex farragine ista epistolarum cognoscitur. Imprimis autem Rex Poloniæ violatas ob captam Pernoviam induciarum leges p. 109, & vim suis subditis, nullis antea indictis inimicitiis, illatam graviter, missa A. 1662 ad Suecum legatione, querebatur, p. 115. Tamen si vero Pernoviam anxie revocaret, tamen a bello Suecico adeo alienus erat, ut nec arbitrorum judicium, si res componi posset, se recusare affirmaret. *Pacis enim, ait, profecto & tranquillitatis publicæ tam studiosi & esse & haberi volumus, quam qui maxime*, p. 118; cum quibus verbis consentiunt, quæ p. 10. 13. 22. 348. 503. & passim leguntur. Ad res Livonicas spectat, quod A. 1563 Derptensis, Harriensis & Vicornienfis Episcopatum nobiles a Polonis ad Suecos defecerint, quos Rex ad obsequium revocat, additis minis, p. 362. Obsidebant eodem anno Pernoviam Poloni, at relicta ea urbe, cum ad Lodensem arcem exercitum Sueci adduxissent, eos magna clade affectos rejiciunt p. 468, cumque haud admitterentur a Revaliensibus fugitivi, Suecorum non paucos capiunt, p. 469; quo eodem tempore Veierus, copiarum Germanicarum ductor, Suecis arcem Leal eripuit, p. 469. Neque minoris sunt momenti, quæ de Christophori, Coadjutoris Episcopatus Rigenfis & Ducis Megapolensis, defectione & captivitate memorantur. Is enim, cum & alienati primum a Rege animi indicium præbuisset, quod nullos ad Comitiam Polonica misisset legatos p. 125, & arcem Venden credere tur oppugnaturus p. 127, semel iterumque nequicquam admonitus, mox ingrati sui erga Regem animi (ejus enim commendatione Coadjutor factus fuerat) pœnas dedit, & a Duce Curlandiæ interceptus est, cum incautius versaretur, p. 314. 321. Quæ de re & legimenter, quæ ad fratrem ejus Johannem Albertum Ducem Megapolensem, ab ejus consiliis alienissimum Epistola 174, & quæ Epistola 203 ad ipsum Christophorum scribit, quem & ipse solatur captivum, atque alibi p. 441 temeritate magis juveni,

nili, quam malignitate consilia illa suscepisse credit. De fœdere Danico non attinet prolixè recensere, quæ in ipso volumine accurate descripta sunt. Nam quæ Polonicis legatis ad conventum Sundensem, in quo de eo fœdere deliberandum erat, ituris fuerint in mandatis data, p. 263, quæque ibidem ad capita viginti & unum a Danis proposita, sigillatim responsa p. 268, tum quæ porro Stetini A. 1563 die 21 Septembris & sequentibus inter utriusque Regis legatos tractata, p. 396, & qua denique ratione ibidem die 5 Octobris societatis leges perfectæ fuerint & obli-gatæ, p. 523, iterumque Anclæ die 20 Decembris confirmatæ, p. 510 ff. habetur. Quantum vero Alberti Senioris, Ducis Prus-siæ, consilia valuerint apud Regem Sigismundum Augustum, ex tot ejus ad Albertum litteris (nam triginta quinque hic com-para-rent) abunde potest cognosci. Quandoquidem vix aliquid sus-cepit, quod alicujus momenti videretur, quin Ducis illius sen-tentiam exploraret. Quæ etiam duravit amicitia, tametsi Rex jus suffragiorum in Comitibus Polonicis sibi vindicanti Duci con-stantè repugnaret, idque concedi posse negaret, nisi Dux pa-ctis renuntiare, & se suosque, quoad bellorum, judiciorum ac tributorum rationem, de quibus rebus plerumque in Comitibus deliberari soleat, subicere Polonis vellet, p. 176. Cumque pari-ter provocaciones, quibus Ducis subditi ad tribunal Regium u-tebantur, tolli atque aboleri postularèt, id fieri ob naturam feu-di posse pernegabat, p. 177. De civitatibus quoque Prussię ma-joribus sæpius queritur, quæ a minorum civitatum in Regem stu-diis discedebant, & parciores Regi sumptus suppeditabant, unde factum, ut & hæ fierent remissiores p. 374, & Rex pecuniis de-stitutus, a bello, quod in Moscum apparabat, quodque propter attritas imprimis per Tartaros & afflictas ejus opes felix prævide-bat & fortunatum futurum, abstinere, & inducias prorogare co-geretur, eoque ingentem caperet dolorem, magnoque ob ero-ptam sibi hanc belli gerendi commoditatem in mœrore versâ-retur, p. 365. Inter gravissima Reipublicæ negotia, Academiam quoque Cracoviensem curabat, in qua cum per id tempus scho-lares, ut vocantur, seu studiosi, nimis solutis moribus viverent, publico edicto jubebat, ut omnes non in civitate per hospitia di-

vifi, sed in contuberniis & scholis collecti habitarent, in publicum autem decenti suo pristinoque habitu & vestitu induti, nullis armis testī aut instructi prodirent, negotiaque sua urbana interdū tractarent, noctū per urbem non vagarentur, p. 487. Quod si vero in ealīcentia frenanda Rector, Doctores & Magistri seigniores forent, addebat se Socratis exemplum imitatum, a praeceptoribus ipsis poenam in discipulos decretam exacturum, p. 489. Non referemus alia, quæ ad leges imprimis & consuetudines Polonorum spectant. Quantum vero ex his epistolis & legationibus ipsa quoque Historia nostra Germanica illustrari possit, vel ex eo intelligitur, quod Sigismundus Augustus, quem admodum ipse affirmat p. 108. universam fere Germaniam afinitatibus & amicitiiis haberet conjunctam. At vehementer nihilominus metuebat, ne Suecis milites Germani adducerentur; quare non solum Principes fœderatos, quos p. 329 & 349 sigillatim recenset, frequenter per literas & legatos admonebat, ne iis perditiones suas transitum concederent, sed & Comitem Palatinum & Landgraviū p. 210, & imprimis Augustum Saxoniz Electorem p. 211 & 349, sibi conciliare magnopere studebat. Cumque tot per Germaniam & paternis, ut loquitur p. 367, atque avitis necessitudinibus & recentibus etiam amicitiiis atque clientelis abundaret, mirari se profitetur, quod de Erici Ducis Brunsvicensis consiliis atque conatibus a nemine, præterquam a Duce Prussiz, certior factus fuerit, & ne ipsi quidem Duci mature satis de his rebus significatum fuerit quicquam, cum tamen pariter. necessitudinibus, amicitiiis, clientelis universam prope Germaniam complexus videretur. Multa enim passim de hoc Erico deprehendas, qui cum suis sumptibus exercitum comparasset, eum frustra Sigismundo Augusto Regi, qui iis copiis opus se non habere in speciem assererat, re vera autem a pecunia minus instructus erat, quæ ad alendum militem Germanū satis esset, p. 279. 280. offerebat. Inde cum de infesto ejus in Regem animo orta esset suspicio p. 292, Rex ne exercitum propius ditionibus suis admoveret, hortabatur p. 351, & ut prohiberent eum transitu, ab ipsis quoque Pomeraniæ Ducibus, pro mutua necessitudine, & eo jure, quo sibi obstricti essent, postulabat p. 355; quem cum nihilominus ei permisissent, id contra pactorum le-

ges factum p. 433 querebatur, iterumque p. 520 ne quidem causas ejus rei a Ducibus afferri, per legatos exposculabat. Interea & legatos Erico obviam mittit, qui eum, promissa duorum millium thalerorum pensione annua, a proposito revocarent p. 385, cum-
 quene tum quidem permoveri posset, ut se ab instituto itinere re-
 ciperet, eum opprimere omnino statuit, quod etiam Danaos dona
 ferentes timendos esse arbitraretur p. 404. Itaque cum Ericus,
 extorta a Gedanensibus pecunia mutua p. 440, & passim illatis
 Polonicæ ditionis hominibus damnis, propere e finibus reces-
 sisset, propemodum Rex ait pœnitere se, tam benignam ad-
 versus illum editam fuisse animi sui significationem p. 455, eo-
 que de augendo ejus stipendio prius se statuere nihil posse, ad affi-
 nem ejus Prussiæ Ducem scribit, quam de damnis illatis cogni-
 tum fuisset, p. 465 & 483: quo loco addit quoque, se reprehendi a
 Senatoribus Poloniæ, quod eum qui se infcio atq; adeo nolente
 exercitum intra fines suos adduxisset, salario remunerandum cen-
 suerit. Præterea non paucæ hic exstant epistolæ ad Ferdi-
 nandum Imperatorem, & Johannem Sigismundum Principem
 Transylvaniæ & electum Hungariæ Regem, quos subinde ad con-
 cordiam adhortatur, eamque nuptiis imprimis stabilire nititur.
 Itaque Ferdinandum graviter hortatur p. 420, ut memor eorum,
 quæ nuper admodum huic Principi per commissarios promise-
 rit, tum & pactorum veterum cum ejus parente Johanne Rege
 Hungariæ, intercedente ad omnia Carolo V, constitutorum, fili-
 am suam Johanni Sigismundo despondeat. Quam cum aliis
 nuptiis destinari fama ferret, auctor est Johanni Sigismundo p.
 414, ut Maximiliani Regis Romanorum filiam tanto majori studio
 ambiat, quod Solem orientem populi adorare dicantur potius,
 quam occidentem. Uti vero ad Romanum, ita ad Turcarum
 quoque Imperatorem non literas modo, sed & legationem so-
 lennem misit Sigismundus Augustus, quo magis, ut ex li-
 bro hoc apparet, amicitiam ejus inter tot alias molestias conser-
 varet.

Cæterum cum Huyssenius noster, qui hæc omnia ex instra-
 ctissima suppellectile sua deprompsit, aliud quoque volumen epi-
 stolarum Stephani Batorii in manibus haberet, ex eo epistolas pri-

ores decem ad Stanislaum Carncovium, Episcopum Uladislavien-
sem, qui ad ejus electionem plurimum momenti attulit, missas,
velut in speciminis locum hic adjecit, 535 fl. ceteras quoque do-
ctissimi Regis hujus epistolas, si libellus hic emptores inve-
nerit, publici aliquando juris facturus. Quæ cum nec rerum pon-
dere, nec styli elegantia Sigismundi Augusti epistolis cedant, ne
eruditius subtrahantur, magnopere optamus. Accessit huic epi-
stolarum decadi ejusdem Regis oratio coram universo Senatu re-
citata p. 551 fl. quam integram ab harum rerum cupidis cum vo-
luptate perlegi, quam paucis verbis recensere malimus. His a-
necdotis demum addita sunt p. 557 fl. quæ ad Sigismundi III, Si-
gismundi Augusti ex sorore Catharina nepotis, qui Stephano suc-
cescit, electionem spectant, & pridem Cracoviæ, eodem
quo scripta & hinc inde transmissa sunt, anno 1587, in forma, ut
vocant, quarta prodire, hoc titulo: *Ordinum Regni Polonia,
nonnullorumque ejus Magistratum, de Electione Sereniss. Principis
Sigismundi III Regis, ad diversos Principes Christianos legationes,
epistola, responsa.* In his ut Ordines, quorum pars maxima fuit Jo-
hannes Zamoyskius, Regni Poloniæ Cancellarius & Exercituum
Præfectus, Sigismundi III: ita Maximilianus Archi-Dux, ejus æmu-
lus, ab assediis in Poloniam accitus, & haud procul Cracovia castra
metatus, suum jus multis argumentis probat. Addidit ultimo lo-
co p. 789 fl. Editor orationem, qua legati Suecici eundem Sigis-
mundum Polonis commendarunt Regem, olim quidem, quan-
quam anno locoque nullo addito, seorsim impressam, dignam-
que quæ una cum reliqua hac sarragine conservetur. Ita vero in
cap. 693 depingitur Sigismundus: *Juvenis est ætatis florem in-
grediens, natalibus splendidis, optime educatus, decora & virili fa-
cie avi materni Sigismundi effigiem referente, statura procerus, lin-
guarum peritus, maxime idiomatis Polonici, quo exakte scribit &
loquitur, literatus, mansuetus, prudens, denique, quod maximum
est, pius Catholicus, nec tamen ita, ut alios differentis religionis
Christianos aliquo odio aut insectatione prosequatur.* Tum in-
ter cetera discrete promittunt legati, si Sigismundus eligatur Rex,
Livoniam Polonis prorsus & omnino cessuram. Quæ de re ne
dubitare possint, Mater ejus fidem ipsa suam obstringere, vadem-
que

que se interponere, & bona sua, quæ intra Poloniam & extra ad ipsam spectent, hoc nomine obligare dicitur.

A COMPLETE COURSE OF CHYMISTRY &c.

i. e.

INTEGER CHYMIÆ CURSUS, CONTINENS
*trecentas circiter Operationes, quarum nonnulla antea nondum
fuerat descripta, iconibus fornacum, characterumque ac instru-
mentorum chymicorum adjectis. Auctore GEORGIO
WILSON, Chymico.*

Londini apud Walterum Kettilby, & Auctorem, 1699. in 8.
Alph. 1.

Quæ hic sistitur Chymia Auctorem agnoscit Virum in arte chymica exercitatisimum, utpote cui quadraginta fere annos assiduam sedulamque locavit operam. Quare in senili ætate constitutus, publico amplius invidere noluit, quæ crebriora tentamina ipsum edocuerant. Placuit autem Viro integerrimo totam Chymiam in tres præcipuas dispescere partes, quarum prima de metallis & mineralibus, altera de vegetabilibus, ac postrema de animalibus insectisque agit. Et ne quid omisisse videatur, primo domum chymicam, laboratorium vulgo dictum, secundo instrumenta & vasa, tertio furnos, quarto luta, quinto ignis gradus, sexto operationes chymicas, septimoque characteres usu receptos describit, ac pleraque iconibus illustrat. Postea transitum ad operandi modum faciens, concinnam corporum naturalium historiam, ad divisionis supra commemoratæ ductum præmitit, methodumque ex iis præparandi medicamina subtexit, ac dosin non minus, quam virtutes eorundem breviter designat, postremo notas seu encheireses, scitu pernecessarias atque jucundas, subnectens. Quia vero, vel ipso Auctore satente, plures vulgares medicamentorum compositiones traduntur, non est, cur iis recensendis immoremur, sed sufficiat, speciminis loco quasdam ex optimis ac ubique haud obviis hic proposuisse. Agmen proinde ducat aurum quoddam potabile. Cum enim aurum omnium metallorum sit perfectissimum,

num, permulti eo intenderunt nervos, ut ex eo veram conficerent panaceam. Ut ut vero Noster modum haut doceat, universale quoddam ex auro eliciendi remedium, auri tamen cujusdam portabilis, singularis propemodum virtutis, tradit descriptionem, quamque hic inferi non ingratum Lectori fore autumamus.

p. 12.

Aurum portabile.

R. auri per antimonium purificati ꝑiv, solve in spiritus nitri bezoart. ꝑij, destilla arenæ calore spiritum, eundemque rursus affunde, solveque ac abstrahæ, similiter procedendo tertia, quarta, quinta, sexta, septima, atque octava vice, hoc solum servato ordine, ut tertiæ, quartæ & quintæ cohobationi non minus, quam sextæ ac reliquis novum destines spiritum.

Hæc vero dum peraguntur, interea temporis oleum cretæ sequenti methodo para.

R. cretæ pulverisatæ, & ignis beneficio exsiccata ꝑss, inde in cucurbitam, ac ipsi spiritus nitri ꝑss pederentim affunde, solutam materiam filtra, filtratamque ex retorta in arena destilla. Hunc laborem duabus adhuc vicibus repete, semper phlegma abstractum ac pene insipidum materiæ relictæ & exsiccatae affundendo, quam postmodum cum æquali calcis auri portione in mortario lapideo pistilli vitrei ministerio misce ac contere.

Hoc factò misturam hancce in duas æquales partes divide, unam cum duplici nitri portione miscendo, & alteram cum triplici sulis ammoniaci bis sublimati, & æquali reguli martis stellati portione, exacte terendo. Qualibet vero parte probe triturata, hacque in retortam fornaci arenæ commissam indita, eam per horas octo graduale expone igni, postremis duabus horis ad extremum usque ignis gradum ascendendo; sic fiet, ut sal ammon. sulphure aurato insigniter imprægnatum, & sanguinis ad instar rutilans, collum retortæ conscendat. Alteram mixturam, ex nitro & calce auri constantem, in crucibulum candefactum cochleatim sensimque immitte, & tres horas vehementissimo igni expone, postea massæ nondum refrigeratæ, & in puro, calidoque ac ferreo mortario in pulverem comminutæ, Spir. vini tartarificum ad eminentiam quatuor digitorum affunde, leniorique calori 24. horas committe, & tunc spiritum vini probe tinctū decanta, aliūque secunda æque ac tertia vice affunde, digere & aufer.

Ex

Ex sublimato sale ammoniaco spiritus vini ministerio, modo jam commemorato, pariter tincturam confice, & quamlibet seorsim cucurbitæ infunde, quo sic ex ea spiritum vini ad remanentiam siccā abstrahere queas, atque sic obtinebis tincturas, profunde coloratas, viribusque egregiis pollentes, quas vel seorsim, vel inter se mixtas in usum trahere poteris.

Tincturæ hæc, lenem excitantes diaphoresin, non modo cor insigniter corroborare, sed & cachexiæ, consumptioni, omnis generis febribus atque morbis, a mercurio obortis, egregie conducere dicuntur. Earum dosis est a gr. v. ad xxx.

Nec minorem laudem promerentur pilulæ Dn. Starkey. Quantumvis vero is ipsemet earundem nobis reliquerit descriptionem, ea tamen adeo est obscura, ut vix ab ullo intellectu comprehendi queat. Nihilo tamen secius cum easdem, ad quosvis pene affectus appositas, miris extollat præconiis, diversi admodum eas conficiendi fuisse excogitati modi, ut ut falsi plerumque ac erronei. Quorsum pariter pertinet, Nostro momente, Sartoris cujusdam Londinensis spuria harum pilularum compositio, qua tamen is haut exiguam pecuniæ copiam sibi acquisivisse dicitur. Veriorem descriptionem, sibi que olim a Dn. Starkey communicatam, profert Noster, quamque huc transcribere, e re maxime futurum arbitramur.

Sapo tartari.

R tartar. vin. Rhenan. vel cremor. tartar. ana ꝑj, miscantur exacte, & per vices in crucibulum ignitum ingerantur, materiam in igne tam diu detinendo, usque dum probe fuerit fusa, hanc postea in terreum quoddam effunde vas, aquæ calidæ quantitatem, solutioni necessariam, addendo, solutam materiam filtra, & ad salis consistentiam evapora, hujus pulverem subtilissimum in vitrum latoris orificii immitte, & liberiori acri viginti circiter horas expone, deinde cuilibet salis libræ affunde olei terebinthin. rectif. ꝑiv, omniaque invicem mixta ad digestionem reponc, quotidie tribus vicibus massam spatula exagitando, quem laborem continua tamdiu, donec oleum terebinthinæ sali intime sociatum, & materia syrupi consistentiam fuerit indepta.

Aa

Sapo

P. 234.

Sapo hicce insigne diureticum præbet remedium, alvumque leniter subducit, inde calculi renum & vesicæ symptomata haud parum levare perhibetur.

Alias corrector vegetabilium audit, primariam pilularum Dn. Starkey constituens basin, quippe cujus ministerio opii virulentia emendatur egregie atque corrigitur. dos. a ʒj. ad ʒj.

pag. 271.

Pilulæ Dn. Starkey.

℞. extr. opii ʒiv, nuc. moschat. bezoard. miner. ana ʒj ctoc. opt. rd. serpentar. ana ʒj, cunctis probe contritis ac inter se mixtis adde corrector. ʒss olei sassafr. ʒss tinctur. antimon. ʒij. omniaque optime ac intime in mortario misce, servaque usui. Medicamen hocce, sudoris excretionem juvans, omnis generis referat obstructions, ac dolores insigniter lenit, quare eo præstantius antispasmodicum haut dari, non pauci recte existimant. dos. a gr. ij ad gr. v. vel vj.

Sequitur tandem spiritus quidam cephalicus, ante triginta fere annos ab Auctore inventus, & a populo Londinensi, qui eo maximopere delectatur, liquid snuff i. e. errhinon liquidum nuncupatur, cujus descriptio hæc est.

p. 218.

℞ olei essent. caryoph. cinamom. nuc. moschat. ana ʒss majoran. lavendul. rorismar. ana ʒij. cort. aurant. citr. ana ʒss pulv. benz. ʒj. Cunctis probe inter se mixtis affunde sp. vin. tartarisat. mensur. iij. totidemque ex cucurbita igne leniori denuo abstrahe, adde postmodum mari syriaci, lil. convall. ana ʒj. lil. volatil. oleos. ʒij. essent. ambr. ʒss. omniaque tres quatuorve dies ad digestionem repone, & obtinebis spiritum, cephalalgiam exemplo lenientem, dummodo aliquot guttulæ naribus excipiantur, temporaque eodem fricentur. Nec inepte is interne a gr. X ad gr. XXX præscribitur, utpote qui pectoris cumprimis affectibus haut parum conducere fertur.

Cæterum mirabilis quoque cujusdam tincturæ antirheumaticæ, ex sale animalium volatili, sulphure metallorum anodynò, & sale vegetabilium fixo compositæ, mentio subinde injicitur. Cum vero ea paulo obscurius describatur, curiosum Lectorem ad Auctoris relegamus libellum, in quo præterea sp. vitriol. diaphoreticum, spir. corn. cerv. aromat. aliaque curiosa inveniet.

p. 217. &

309.

p. 128.

p. 306.

JActuram insignem non Illustris solum Academia Ultrajectina, sed & Orbis Literatus universus, per obitum celeberrimi Viri, *Joannis Georgii Gravii*, Politices, Historiarum ac Eloquentiæ Professoris Publici, passus est. Quotus quisque enim eorum, quibus aliquis elegantioris doctrinæ sensus est, Viri summi in rem literariam merita ignorat? quæ sunt profecto majora, quam ut digne deprecidari a quoquam possint. Sed id in eo inusitatum prope & admirandum fuisse norunt, quibus familiarius paulo uti eo licuit, quod cum summa eruditione miram morum suavitatem animique candorem toto vitæ decursu conjunctum servaverit, Polyhistor, Politicus, Orator, Criticus sine exemplo, sed omnis fastus, rixandique libidinis experts, & Pedantismi, quod vitium tam multis optimarum licet literarum studia professis obrepere solet, per ingenuam liberalemque indolem ne capax quidem. Lucem primum, ut pauca ex oratione panegyrica, qua Præceptoris & velut alterius Parentis sui memoriam Vir Clarissimus Petrus Burmannus profecutus est, delibemus, adspexit Numburgi in Saxonia nostra, cui tantum virum Orbi Literato progenuisse gloriæ utique ducendum, die 29 Januarii, anno 1632, parentibus honestissimis. Græcis Latinisque literis in Gymnasio nostro Pfortensi hodieque florentissimo imbutus, Academiam hanc Lipsiensem incoluit, Andreæ Rivini & Joannis Strauchii præcipue, Professorum eo tempore doctissimorum informatione usus. Inde in Belgium abiit, cumque Daventriæ Virum celeberrimum Jo. Fridericum Gronovium salutasset, ita hujus eruditione summa ac humanitate captus est, ut ei per biennium auditor & discipulus diligentissimus adhæserit; cujus etiam dexterrimæ manuuctioni plurimum se debere, nunquam non data occasione professus est. Cum uberiora doctrinæ incrementa post in Amstelodamensi Lyceo, Alexandro Moro & Davide Blondello doctoribus, cepisset, jam anno 1656, cum ætatis annum vigesimum quartum ageret, a Serenissimo Electore Brandenburgico in Duisburgensi Academia Professoris munere ornari meruit, quo per biennium summa cum laude administrato, A. 1658 in Joannis Friderici Gronovii, Lugdunum Batavorum evocati,

cati, locum in Daventriensi Gymnasio suffectus est, spartamque & illicita ornavit, ut celebritatem jam nominis haud vulgarem consecutus, A. 1661 Ultrajectum, ab Illustrissimis provinciæ Ordinibus, ad Civilem Prudentiam docendam vocaretur. In qua urbe ab eo tempore fixam constantemque sedem posuit, seu amœnitate loci, seu incolarum humanitate, seu patronorum applausu adeo inescatus, ut ab ea divelli se passus non fuerit, tameris & Amstelodamum, & Lugdunum Batavorum, Patavium etiam in Octavii Ferrarii locum a Republica Veneta, ab aliis aliorum, propositis lautissimis conditionibus invitaretur. Ita factum, ut Ultrajecti ultra quadraginta & unum annos mandato munere, cui Historiarum quoque & Eloquentiæ professio accesserat, functus fuerit ex dignitate Academiæ, nec sine civitatis obfluxum studiosorum juvenum & inter eos Principum quoque ac summo loco natorum, quos Grævii inprimis fama acciverat, insigni emolumento: donec tandem die XI Januarii præsentis anni subitanea morte tantum lumen exstingeretur. Cum enim matutinas aliquot ejusdem diei horas in Serenissimo Principe Nassoviæ Frisone & Illustrissimis Comitibus Isenburgicis instituendis collocasset, indeque apud amicissimum Burmannum pransurus domo exiisset, inque via in ædes forte Cl. Pontani invitatus divertisset, apoplexia correptus, post pauca verba, sed fidei & fiduciæ in Christum Servatorem plena, antea edita expiravit. Quid nunc de Historia Wilhelmi III Magnæ Britanniæ Regis, quam componendam Grævius ipsius Regis clementissima voluntate susceperat, futurum sit, dies docebit. Epistolæ vero ab eo ad doctissimos per Europam viros conscriptas, & ab iisdem receptas, quæ ad augmentum Historiæ Literariæ plurimum conferent, publicatum aliquando iri, nulli dubitamus. Interim mortem Viri optimi ita lugemus, ut fratrem ipsi eruditione & moribus simillimum, *Godfriedum Grævium*, Reipublicæ nostræ oppidanæ Syndicum ac columen, quam diutissime supersitem exoptemus.

In vicina Illustri Academia Jenensi itidem nuper mortem cum vita commutavit Theologus gravissimus & de Ecclesia orthodoxa meritisissimus, *Friedemannus Bechmannus*, Vir doctrina

æque

æque ac mansuetudine animi inclytus, S. Theologiæ Doctor ac Professor primarius, totiusque Senatus Academici Senior. Is natalem habuit diem Julii vigesimum sextum anni 1628, in ditio nis Arnstadio-Schwartzburgensis pago Ellobio, in quo Pastoris Ecclesiæ munere pater fungebatur. Postquam in Gymnasio Gothano primum, inde Jenensi Academia studiorum cursum feliciter absolvisset, A. 1656 Logicæ ac Methaphysicæ Professionem publicam nactus est, quam ita ornavit, ut post Joannis Ernesti Gerhardi, Theologi doctissimi & placidissimi obitum, A. 1668 S. Theologiæ Professioni admoveretur. Ex quo tempore erudiendæ Studioſæ Theologiæ Juventuti operam navavit strenuam ac indefessam, scriptis etiam, inter quæ Notæ in Leonhardi Hutteri Compendium Theologiæ, & Theologia Polemica ac Moralis celebrantur, in lucem publicam editis. Senectute confectus, cum annum ætatis septuagesimum quintum ageret, die 13 Martii anni præsentis, ex hac vita ad meliorem decessit.

Bremensis quoque Respublica Doctores Theologos insignes duos amisit, longiore vita dignissimos, *Hieronymum Gulielmum Snabelium*, & *Gerhardum Meierum*, utrumque civem suum. Ex his *Snabelius* die 29 Aug. A. 1656, patre Wilhelmo Snabelio, Ecclesiæ Martinianæ Pastore primario natus est. In Pædagogo patrio, illustrique Gymnasio, bonas literas ac Philosophiam Theologiamque sic satis edoctus, ut uberes caperet studiorum profectus, A. 1671 in Academiam Ultrajectinam concessit, in Hebraicis Joanne Leusdenio, in Theologicis Francisco Burmanno, in elegantiori literatura Joanne Georgio Grævio, magistris usus. Inde cum Amstelodami ductu Joannis de Ræci, in adyta Philosophiæ Cartesianæ penetrasset, Lugduni Batavorum Christophori Wittichii præcipue institutione ac familiari consortio gavissus est. Ita studiis abunde exculso prima functio A. 1679 obtigit, cum Fœderati Belgii Ordinum ad Regem Christianissimum Legatis, Dyckveldio & Boreelio, Orator sacer adjungeretur: quo ipso nata ei occasio fuit, doctissimis in Gallia, post & cum illuc trajecisset, in Anglia viris innotescendi. Redux in Hollandiam in Heemstedensi prope Harlemum pago primum verbi Divini ministerium A. 1681 subiit: inde Daventriam A. 1686

vocatus, eodem illic sacro munere per annos duodecim functus est, donec A. 1699 Bremæ & in Ecclesia Ansgariana Pastoris, & in Gymnasio S. Theologiæ Professoris officium suscepit, ac dexterrime quidem, sed non longo tempore administravit, die 24 Novembris anni superioris, ex hydropisi & concomitantibus eam symptomatibus aliis, in ipso ætatis flore, cujus annum quadragesimum sextum agebat, extinctus. *Meierus* vero in lucem A. 1646 die 3. Dec. editus, parentem habuit Gerhardum Meierum, S. Theologiæ in illustri & hodieque florentissimo Gymnasio Professore, ejusdemque Rectorem, octogesimo demum ætatis anno defunctum. In Pædagogo ac Gymnasio patrio eruditione haud vulgari comparata, Rinthelsenem Academiam incoluit, Gerhardi Molani inprimis, qui S. Theologiam ibidem illo tempore maximo cum applausu publice docebat, & nunc Reverendissimi Abbatis Loccummenfis axiomate celebratur, informatione usus. Cum generosissimis inde Juvenibus, quibus ephorus & studiorum moderator præfectus erat, in Tubingensi Academia triennium integrum exegit, posteaque Lugduni Bavorum Juris quidem Civilis studium, quod Tubingæ sub Lauterbachio cœperat, Bœckelmanno ductore prosecutus est, Theologiam tamen præcipue sub Heidano, Spanhemio, Wittichio ita excoluit, ut ejusdem Doctor A. 1674 renunciari meruerit. Peragravit exin cum commissis curæ suæ juvenibus Angliam, Italiam, Galliam, demumque in patriam reversus, ab A. 1676 ad A. 1683 Matheseos Professionem in Illustri Gymnasio cum applausu sustinuit, Ecclesiæ deinceps Stephanianæ Pastor primarius constitutus. Decessit cacochymia scorbutica, febri continua aliisque malis fractus, nocte diem trigessimum primum præsentis anni prægressa, quinquagesimo septimo ætatis anno. Absolverint, in quo multis annis elaboraverat, Lexicon Onomasticum, seu Glossarium Linguæ Saxonicæ, a multis hæcenus desideratum, affirmare certo non possumus, etsi de eo non desperandum in programme ad funus solenniter ducendum invitatorio, Rector & Professores Illustris Scholæ Bremensis innuerint.

Lutetiæ Parisiorum Glossarii Mediæ & Infimæ Latinitatis Caroli du Fresne Domini, du Cange nova præparatur editio, eaque

eaque multo, quam priores, auctior futura ac emendatior. Nam & integrum illi suis locis inferetur Macri Hierolexicon, & ex defuncti Auctoris Illustrissimi Schedis augmentum haud exiguum accedet, & a viris doctis aliis observationes supplendo, ornandoque & emendando utilissimo operi haud dubie suppeditabuntur, cum programme publico Bibliopola Carolus Osmund, cujus sumptu nova hæc editio proditura est, omnes ad symbolam conferendam & ad se mature transmittendam invitaverit.

In Gallia novæ ex Casibus quibusdam Conscientiæ, a quadraginta Doctoribus Sorbonæ approbatis, turbæ non ita pridem nate sunt gravissimæ. Cum enim Casus isti favere quodammodo Jansenismo visæ essent, illico sic exarserunt Jansenistarum adversarii, & ut apparet, Jesuitæ cumprimis, ut jam haud pauci libelli adversus quadraginta illos Doctores in lucem prodierint, & ex iis Vir celeberrimus, Ludovicus Ellies Du Pin, cujus multoties mentionem in his Actis iniecimus, in exilium actus fuerit. De qua re, ut & de versione Gallica Novi Testamenti, a Richardo Simone composita, sed ab Archiepiscopo Parisiensi aliisque condemnata, plura forte alibi dicturi sumus.

LIBRI NOVI.

Appendix Augustiniana, in qua sunt S. Prosperi Carmen de Ingratis; Joannis Garnerii Dissertationes, pertinentes ad Historiam Pelagianam; Pelagii Britanni Commentarii in Epistolas S. Pauli &c. Antwerpia sumptibus Societatis, 1703. fol.

D. Caroli Antonii de Luca Animadversiones seu Antilogia in Stephani Gratiani Disceptationes Forenses. Geneva, apud Chouet, G. de Tournes &c. 1703. fol.

Joannis Dolai Opera omnia. Francofurti ad Mænum, apud Frid. Knobium, 1703. fol.

Christiani Hugonii Opuscula posthuma, qua continent Dioptricam, Commentarios de vitris figurandis, Dissertationem de Corona & Parbeliis, Tractatum de Motu & de Vi centrifuga, Descriptionem Automati Planetarii. Lugd. Bat. apud Corn. Bouters, 1703. 4.

Caspa-

- Caspari Commelin Preludia Botanica adpublicas Plantarum demonstrationes.* Lugd. Bat. apud Frid. Haring. 1703. 4.
- Georgii Baglivii Specimen quatuor librorum de Fibra Motrice & Morbosa.* Ultrajecti apud Guilb. van de Water, 1703. 8.
- Emanuelis König Regnum Minerale generale & speciale.* Basilee apud Emanuelelem König, 1703. 4.
- De Vita & Rebus gestis Christophori Bernardi, Episcopi & Principis Monasteriensis, Decadis a Joanne ab Alpen, Consiliario ejus Intimior, Vicario generali & Sigillifero conscripta, Pars I. Coesfeldia, typis A. H. Wemmeieri, 1694. Pars II. Monasterii Westphalia, typis Raesfeldicis 1703. 8.*
- Observationes in Samuelis L. B. de Pufendorff de Officio Hominis & Civis Libros duos, Autore D. Gottlieb Gerhardo Titio.* Lipsia apud Haredes Lanckischii, 1703. 8.
- L. Annai Flori Epitome Rerum Romanarum ex recensione Jo. Georgii Gravii, cum Ejusdem Annotationibus longe auctioribus.* Amstel. apud G. Gallet, 1703. 8.
- Ulrici Huberi Institutiones Historiae Civilis.* Editio nova multis locis aucta & emendata. Franequera, apud Wibium Bleck, 1703. 4.
- Nicolai Gurtleri Historia Templariorum.* Editio secunda priore multum auctior. Amstel. apud Franc. van de Plaat, 1703. 8.
- Jo. Joachimi Beccheri Physica Subterranea. Accessit Specimen Beccherianum Georgii Ernesti Stibalii D. Prof. Publ. Halensis.* Lipsia apud J. L. Gleditschium, 1703. 8.
- C. Pedonis Albinovani Elegia tres & Fragmenta, cum notis Jos. Scaligeri, Frid. Lindenbruchii, Nic. Heinsii, Theod. Goralli & aliorum.* Amstel. apud Henr. Schelte, 1703. 8.
- P. Cornelii Severi Aetna & quae supersunt Fragmenta, cum notis Jos. Scaligeri, Frid. Lindenbruchii & Theod. Goralli.* Amstel. apud eundem, 1703. 12.
- Essais de Litterature pour la Connoissance de Livres.* Tome premier. Mois de juillet & d'Août 1702. A la Haye chez Louis & Henry van Dole, 1703. 12.

ACTA ERUDITORUM,

publicata Lipsiæ

Calendis Maji, Anno M DCCIII.

*COSMOLOGIA SACRA: OR A DISCOURSE OF THE
Universe, as it is the Creature & Kingdom of God &c.*

h. c.

*COSMOLOGIA S. SIVE DISSERTATIO DE UNI-
verso, ut creatura est & Regnum Dei spectato, maxime ad de-
monstrandam veritatem & excellentiam Scriptura, ut qua Le-
ges regni Dei in Mundo hoc inferiori contineat. Consignata a
NEHEMIA GREW, Societatis Regiæ & Colle-
gii Medici Collega.*

Londini apud Jo. Rogers, S. Smith & B. Walford, 1701. fol.

Alph. 4. plag. 9.

Occasionem Viro aliis scriptis, quorum præcipua in Actis
A. 1682. p. 133, 57, & A. 1684. p. 72. recensuimus, celeberrimo,
de isto argumento commentandi Spinosæ scripta de-
derunt, ita hodie Anglorum manibus trita, ut ipsæ etiam
operæ & fæx infima plebis sceleribus suis in iis quærat præsidium. Ipse
itaque summam, quam sibi acquisivit, rerum naturalium cognitionem,
rectius quam in tuenda Autoris naturæ atque oraculorum ejus au-
dioritate, collocari non posse existimans, subcivis horis opus istud
perfecit, Mornæi, Grotii aliorumque magnorum Virorum ex-
emplis excitatus, qui licet Ecclesiæ non defungerentur officiis, re-
ligioni tamen ingenii lumine suppetias ferre, & stolidorum homi-
num deliria, quæ pro ratione venditant, ex sanæ rationis principii
convellere annisi fuerunt.

Auspicia operi ab ipso Deo accersit. Cujus existentiam
B b probat

C. I.

probat ex eo, quod ab æterno purum nihilum concipere non liceat, cum nullo primo ente vel nulla causa existente, nihil omnino produci, nihilque adeo existere unquam potuerit. Primam itaque & a seipsa existentem causam esse concludit, cujus perfectionem summam esse, ex ipsa perfecta & necessaria existentia ejus colligit, & per hanc durationem infinitam ei tribuit ut enti æterno, & quod nullam causam habeat, in quod tempus proinde etiam cadere nequeat, quippe quod partes habeat, cum duratio æterna unum sit & perpetuum vñ. Ex durationis vero infinitate immensitatem infert, & potentia, sapientia ac bonitatis infinitatem, cum omnes possibiles infinitates æque concipi possint, Deusque ob necessariam & perfectam existentiam suam sit illud omne, quod esse potest. Hinc spiritum Deum esse deducit, cum infinita & immensa essentia cum corpore mole atque extensione consistere nequeat. Simili ratione ex eo, quod a se ipso est Deus, quodque immensus est, omnipotentem quoque illum esse probat. Qui enim habet in se existentia potentiam, ille omnis existentia possibilis habet potentiam, cum nulla existentia possibilis, nullus perfectionis status ita superet alterum, ut aliquid nihilum superat. Habere vero omnis existentia potentiam, idem est ac posse omnis entis esse causam, quod idem est ac esse omnipotentem. Porro qui ut immensus infinita essentia habet potentiam, omnis finita quoque essentia potentiam habeat necesse est; quid vero hoc est, nisi omnipotentia? Sic quoque ex immensitate omniscientiam, ex omniscientia & omnipotentia ut & perfectione, bonitatem, ex bonitate justitiam & veracitatem infert. Non otiosum vero ens esse Deum, sed *ἰνεργητικώτατον*, ex perfectione ejus demonstrat, cum perfectio entis, quod operationi idoneum est, in operatione ejus consistat: unde simul operationem ejus perfectam esse, concluditur. Cumque modus operandi sequatur modum essendi & pendentem inde potentiam, non vero eodem, quo nos, modo Deus existat, eodem etiam modo cogitare ac intelligere eum non posse, ejusque adeo mentis operationem nostram longissime transcendere, quippe cujus cogitatio cum operatione infinite perfecta & *ἰνεργεια* omnipotente sit conjuncta, colligit. Hinc Trinitatem non tantum rationi innotescere, sed ne quidem Deum sine ejus cogiti-

cognitione concipi ab ea posse ostendit, quod ipsis fere ejus verbis, licet iis, qui Postelli & Poireti scripta tractarunt, non adeo novum videri poterat, hic repetere, operæ pretium ducimus. Cum nihil, inquit, sit æternum quam ipse Deus, de seipso tantum, neque de ulla alia re, ut æterno cogitare potest. Dum vero de seipso cogitat, seipsum non potest non & intueri & amare uti est. Id est, dum cogitat de se ipso, substantiales ideas sive imagines sui ipsius gignat oportet, hoc est omnipotentis sui intellectus & voluntatis, & perfectionum divinarum, quibus utraque gaudet facultas, omnium. Cumque adeo se contempletur ut est, ipseque sit ens necessario atque æternum existens, imagines quoque istas necessaria atque æterna existentia gaudere oportet; namque alias nec perfectæ Dei essent imagines, nec *ipsæ* Dei infinita esset æterna. Jam pergit: quemadmodum ipse Dei intellectus & voluntas realiter distincta sunt, licet, quomodo distinguantur, nequeat comprehendere; sic & substantiales harum facultatum imagines differre oportet realiter, nec a seipsis tantum, sed a Deo quoque eas distinctas esse necesse est, cum nihil sui ipsius possit esse imago. Utat vero distincta sit istorum existentia, separata tamen esse nequit, quemadmodum & nostræ mentis ideæ non scorsim ab ea existunt, ei potius coexistentes. Sic tria & unum habere se putat Autor, Deum scilicet in essentia sua simpliciter spectatum, resultantem ex contemplatione in Deo substantialem intellectus, & denique voluntatis imaginem. Ut vero Divinarum personarum processionem & originem ex scientia Dei deducit Autor, sic ex eadem quoque reliqua omnia derivat. Quemadmodum enim sui imaginem in se producit Deus per omniscientiam, sic aliarum rerum possibilem omnium imagines eum ait habere. Cum vero nihil sit æternum, quod non simul etiam sit infinitum, Deum nullam aliam rem, præter seipsum, ut æternam concipere posse. Nec proinde eum, ut aliquid sit ab æterno, cogitatione efficere posse, nec quicquam unum cum Deo (quam Spinozæ opponere videtur conclusionem) dici posse; finitum enim & infinitum unum esse non posse. Cogitatione igitur Dei, materiam & motum existentiam nactum esse; quod de materia ex hæcenus positum probat, quia non habet omnem possibilem perfectionem, quod entis a se existentis esse supra probavit, de mo-

tu vero ex eo, quod materiæ non sit essentialis, & quod motus in tempore & cum tempore sit, cujus idea conceptum æternitatis excludat: ex motus vero originibus in tempore constitutis rursus materiæ æternitatem impugnat; quid enim materia æterna sine motu profuerit, nemo est qui facile edisserat.

- c. II. Sic a priori, ut loquuntur in scholis, Autor Dei existentiam, essentiam & attributa demonstrat. Jam ad opus creationis pergit, ex quo opposita via ad eundem finem deducitur. Et proximo quidem loco Mundum istum corporeum spectari jubet. Ejus vastissimam magnitudinem ex distantia stellæ polaris ab orbe nostro (quam ex parallaxi illius 470, 840, 000 milliarium esse colligit) & multitudine stellarum immensa ac mole, qua Solem plerasque, sicuti errantes Terram putat æquare, colligit. Harmoniam & ordinem ex ordinatissimo Planetarum circa centra motus sui & proprium axem rotatione, juxta illustri Nevvtoni doctrinam explicata deducit, & ex eo quem Comata tenent tramite: ex corporum lucidorum figura rotunda: ex Solis luce vel cum nullo intenso calore, quem aeri permista demum acquirit, conjuncta, adeoque sine igne lucente, vel perpetuis flammis nihil amittente: ex ejusdem in Planetas horumque in suos Satellites imperio, cujus causas & instrumenta, ut obscura & ex solo gravitationis motu vix explicanda, ita admiranda prorsus esse judicat: ex ætheris porro natura transmittendæ stellarum luci, earumque motibus apta: ex aere ejusque phænomenis, & ventis imprimis: ex aquarum denique motibus refluus. Quæ omnia ut harmoniam hujus Universi, ita Autoris ejus sapientiam & potentiam manifeste arguunt.
- c. III. At eam non in *maximis* tantum istis, sed in *minimis* etiam, hoc est, in *principiis corpusculisque exiguis* majora componentibus, maxime conspicuam esse ostendit. Ea corpora adhuc esse, adeoque non minima puncta, docet, inque nullum corpus resolvi posse demonstrat ex eo, quod alias hypotenusa rectanguli ad latera ejus, & curva linea ad rectam exigi posset, quorum utrumque fieri nequeat. In hisce vero principiis & exiguitatem & immutabilitatem, quarum utramque variis observationibus illustrat, miratur: utriusque vero illorum attributorum necessitatem indicat, & ex posteriore autorem principiorum Deum esse infert, cum nullus motus

motus figuris suis ea induere valeat. Quod magis etiam ex eo confirmat, quod ad amissum sibi invicem istarum figurarum principiorum in corporibus, quod manifestum est in aquis ceterisque homogeneis, imo & in aliis salibus v. g. chrySTALLIS, arteria & ceteris, respondeant, cum sine arte id omnino fieri nequeat. Ista principiorum harmonia diligentius in corporibus mixtis ostenditur, ejusque usus, causam intelligentem manifeste arguens, attingitur. Imprimis vero in corporibus, quae organizata Physici appellare solent, accuratius ille investigatur, in quibus & accurata partium ad usus suos conformatio, & partium varietas, & usus in quavis parte multiplicitas, & plurium partium ad eundem finem usumque collineantium mirabilis concentus, jucundis valde observationibus illustrantur. Sed ista omnia ad corpora in se spectata, nulla vitae & motus habita ratione, pertinent. Horum vero consideratio novae tractationi ad eundem scopum tendenti materiam suppeditat, quae librum secundum *de Mundo Vitali* inscriptum absolvit. *Vitam* vero Autor L. II. c. I. R. Cudworthi, Henrici Mori, Joannis Raji, & aliorum ex gente sua Physicorum vestigiis, ut vero simile est, insistens, distinctam plane a materia substantiam esse putat, eos qui nullam mediam substantiam inter Deum & materiam agnoscunt, absurde Deum Universi hujus membrum facere arbitratus. Argumentum, quo ejus existentiam (cujus modum se, ut multa alia, quae tamen existant, ignorare fatetur) necessario evinci putat, illud est: quod corpori vita neque per materiae in subtilissimas partes divisionem, neque per dispositionem ejus organicam, neque etiam eo quod moveatur, nec denique per attributionem quandam, qualis esse solet adjuncti ejusvis, (cum nec producat vitam, nec illi recipienda, vi canonis, proportionem inter subiectum & adjunctum requirentis, sit idonea) conciliari queat. Admissa itaque vitali substantia, commercium ejus cum corporibus ita explicat, ut omnes impressiones, quas corpora recipiunt, per motum vitae, & per vitam substantiae vitali transmitti, versa vero vice omnes impressiones vitales per motum cum corpore communicari dicat, cui rei necessarium esse credit corpus organum instructum vitae cujusvis speciei aptum, ita ut recipere a vita & ad eam transferre varii generis motus valeat. Hoc vero intellecto, unionem animae cum corpore perceptu haud nimis

c. IV.

c. V.

difficilem putat, ut quæ nihil aliud sit, quam convenientia, quæ inter vitam & motum vel intercedat, vel intercedere possit. Vitæ porro tres species constituit, vegetabilis nimirum, sensitivæ & cogitantis. Vitam vegetabilem & sensus expertem describit, quod sit certa potentia determinans modum transferendi motus, vel reddendæ impressionis corporibus, quæ sit conveniens impressioni receptæ, a qua potentia spheram activitatis, quam vocant, omnium corporum pendere existimat. Discrimen inter hanc vitam & sensitivam in eo constituit, quod vita vegetabilis impressionem per motum acceptam reflectat integram, statimque amittat: quam contra vita sensitiva in se quasi immerfam retineat. Modos vero motionis, ex quibus modos sensationis accurate deducit, percensere superselemus; id tantum observamus, omnium jucundarum perceptionum, quarum sensus nobis existunt sive causæ sive occasiones, fundamentum in æqualitate motionis, per quam sit impressio, eum querere. Vitæ cogitantis, ipsiusque adeo mentis, duas species constituit, *phantastica* nimirum & *intelligentis*. In phantasia distingui jubet *organum*, *imagines* & *actus vitales*. Organum cerebrû esse: imagines vel expressas eorum, quæ sensibus obversantur, representationes, vel signa quædam: actus vitales denique esse aliquid a figura, positu & motu istarum imaginum penitus diversum, ut qui nihil aliud sint, quam potentia, qua & producere, & uti imaginibus istis valeamus. Hanc vitæ speciem brutis quoque animantibus tribuit, quæ sine ratione & intelligentia, membrorum apta dispositione adjuta, certas ideas in phantasia recipere putat, juxta quas operationes suas, sine ullo ad finem respectu, suscipiant. Sic enim apes oculum, eadem ratione qua vitrum objecta multiplicans constructum, forsitan producere in ea rerum imagines, quæ similes sint cellis *ἱερίδοις*: imo & ut examen sequatur, & amet efficere. At phantasiam humanam, & opulentam magis, & rationis mixturam habentem, bruta illa multo esse nobiliorem, quæ nihil aliud sit, quam mens circa res sensibus obnoxias immediate occupata, ejusque illarum rerum imagines. Ejus duos esse actus, perceptionem & volitionem: species vero totidem, quot sunt sensus: singularum porro specierum tres modos, recognitionem scilicet quæ sit rei præsentis, memoriam quæ sit præteritæ, & præsensio-

nem

C. III.

nem, quæ sit futura perceptio. Schemata phantasie varia oriri ex varia imaginum ejus compositione, ut si hominem concipiam præ dolore ingemiscientem, ubi visus tactusque & auditus imagines conjunguntur. Potentiam phantasie tam in schematibus consiciendis, rebus externis sensibusque representatis convenientibus elucescere, quam in iis fingendis, quæ sensibus nusquam obversata fuere. Ista schemata ingenii quasi esse ὄλῳ: eum enim, qui clarum v. g. proportionum, quæ inter sonos sunt, habet schema, musicum ingenium habere; pictoriæ arti idoneum esse ingenium ejus, qui ex figuris apte composita schemata clare percipiat. Sed hæc de perceptione, primo phantasie actu. Volitionem phantasie in affectibus constituit: eorum duos esse reliquos omnes comprehendentes, appetitum & aversionem, circa quos & eorum species multa rursus observat. Potentiam vero, sapientiam & bonitatem Dei, multis modis ex phantasie consideratione illustrat: ex ipsa imaginum formatione omnis materie potentiam excedente; ex memorie & prævisionis ratione, quam explicare ex motus legibus impossibile, cum neque præterita, neque futura, absentia quippe, movere valeant; ut alia taceamus argumenta, quæ ex compositione idearum, & amplissimo phantasie usu depromit. Sed ad alteram vitæ cogitantis speciem, intellectum, pergendum, quem a phantasia Autor *objecto* (ut in scholis loquuntur) maxime distinguit, dum circa insensibilia eum versari dicit. Ejus quoque duos actus, perceptionem & volitionem, modos vero perceptionis intellectualis iterum duos, dubitationem & inventionem esse ait: quibus respondeant duo modi volitionis intellectualis, suspensio & determinatio, cujus posterioris affectio est constantia. De dotibus præcipuis mentis intellectualis, scientia, sapientia & virtute, integris tribus capitibus agit: ita ut ostendat, *Scientiam* nostram, quæ rerum essentias contemplantur, ad ultimas quantitatis & motus partes eorumque adeo essentias non pertinere; unde non mirum, si eadem ad ultimæ rerum omnium causæ essentiam cognoscendum non assurgat, licet de existentia ejus certi esse queamus. *Sapientiam* esse, quæ causas & operationes rerum inquirat; ubi omnium operationum causas quatuor cardinales ab Autore constituuntur, corpus nimirum, sensus, phantasia & ratio, quorum unumquodque cum reliquis quadruplici modo conjungi possit, (sicut v. g. corpus vel in corpus

c. IV.

V. VI. VII.

c. VIII.

pus operari, vel in sensum, vel in phantasiam, vel in rationem potest,) sedecim classes generales operationum inde conficiuntur, quarum cognitio, ne causæ proximæ cum remotis, solitariae cum sociis, necessariae cum contingentibus confundantur, conducit; unde genuinus usus & applicatio causarum, quæ maximi in vita humana momenti est, unice pendet. Virtutem esse electionem bonorum secundum rationem rectam institutam, sedemque habere in voluntate intellectuâli: in mediocritate, quod Aristotelei volunt, minime necessario eam positam esse, nec discrimen verum inter moralem & intellectualem virtutem intercedere; varia nomina a rebus, circa quas versatur, obtinere posse, in se esse unam: prudentiam, constantiam, & amorem, non tam esse virtutes, quam ad consummandam virtutem requiri, & quæ sunt alia lemmata ad virtutes particulares pertinentia: quæ denique desinunt in commendationem Creatoris, qui mentem istis omnibus idoneam fecit, istis instruxit. In vita autem & ratione nostra cum multæ deprehendantur imperfectiões; in rebus conditis vero quærere fas sit omnem perfectionem, cujus capaces eas esse natura sua permittat, ob summam perfectionem Conditoris; consequens hinc esse, dari mentes supra nos positas, in quas maximam, quæ in mentem finitam cadere possit, perfectionem contulerit Deus, sicut inter metalla aurum perfectissima duratione, inter lapides adamas perfectissima puritate polleat; & sic in cognitionem *mentis*, quam *caelestem* appellat, nos deduci.

Ista vero etiam firmare considerationem Mundi sensibilis, in quo cum nullum detur vacuum, probabile non esse, in intelligibili hiatus quasi & vacuum, inter mentem humanam imperfectissimam, & divinam infinite perfectam, esse admittendum: quemadmodum contra probabile sit, mundi sensibilis infinitæ extensioni, infinita perfectione respondere intelligibilem. His vero argumentis diversos quoque gradus & ordines mentium cœlestium evinci, de quibus nobis etiam persuadeant diversi gradus in scala rerum naturalium mundum sensibilem componentium, cum eandem in omnibus Dei operibus proportionem obtinere, ratio suadeat. Neque obscure hinc colligi, in quo discrimen istud consistat: esse scilicet alias ex mentibus istis superioribus corpore vestitas, alias puras. Quemadmodum enim varii corporum animatorum numerantur ordines,

ordines, antequam ad intellectum perveniamus, ita suadere rationem, ut varii quoque mentium corpore induturum constituentur ordines, antequam ad intellectum purum fiat progressio. Mentis vero puras etiam omnisque corporis expertes dari, inde liquere, quod sicut perfectio corporis sit, uniri cum mente, ita mentis perfectio sit, esse corporis expertem: unde sequatur, Deum qui fecit mentes ex parte tenebrosas, ut cum corpore tenebroso valeant conjungi, mentes quoque condidisse purissimam lucem, suamque imaginem quam proxime referentes. Hinc facultates & operationes mentium istarum facile deduci. Illas nimirum, quæ cum corpore aliquo conjunctæ sunt, sentire: sed ut nos sensus habemus, quibus destituuntur sentientia nobis inferiora, ita mentes illas ecclestes sensibus frui nobis ignotis; utque sensus externi sunt in inferioribus animantium ordinibus magis magisque vegeti, ita in superioribus magis magisque attenuari, ad intelligibilem naturam propius sensum accedentibus. Contra phantasia eas nos excellere, ut nos cetera animantia. Conjunctionem vero intellectus earum cum phantasia, eas perinde ac nos mali moralis capaces reddere, in quantum illud pendet a phantasia imperium in intellectum usurpante. Mentis corporis expertes, hoc non obstante, phantasia etiam pollere. Ut phantasia enim non efficit intellectum, sed ejus tantum est instrumentum, ita sensum quoque phantasia non efficere, sed usibus ejus inservire. Phantasia hanc mentium purarum affici triplici modo, per corpus scilicet, per phantasia & per intellectum. Per corpus; nam licet sensibus destituatur mens pura, analogica quadam tamen ratione eam a corporibus affici posse, eo quod omnes res creatæ mediante vita & motu invicem communicare valeant. Per phantasia, eam affici posse; nihil enim obstat, quo minus imagines phantasiae unius mentis, cum altera ejusdem facultatis sibi conscia communicentur, pariter ac notiones intellectus. Intelligentiam tamen mentis puræ nostra esse longe excellentiorem, ut quæ directa & immediata intuitionem peragatur, (sicut phantasia in brutis animantibus, quæ instinctu, non acquisitis habitibus agat,) indeque evidentior sit quam nostra, & inclinationi ad malum morale locum non relinquat, cum summa vero delectatione sit conjuncta. Sed h. &c.



nus descriptas mentes puras quidem esse, sed tamen compositas: ab iis igitur ad supremum mentium cœlestium ordinem, non corporis tantum, verum & compositionis atque adeo phantasie expertem, esse progrediendum. Hujus excellentiam in eo consistere, quod antea commemorata mentium purarum species, libera a corporis umbris, intuitive quidem, sed tamen, ob cognationem cum phantasia, per reminiscentiam vel alium modum, in quo successio quædam sit, nonnulla cognoscat: cum contra perfectissimæ illæ mentes creatæ cognitione forte fruantur, quæ non intuitiva sit tantum, verum successionem etiam excludat. Hujus vero perfectionis in nobis ipsis umbram aliquam deprehendi: dum enim numerum vicenarium v. g. intelligimus, de eo, utut viginti unitatibus absoluto, non viginti tamen, sed unicam notionem nos animo complecti. Eo tamen mentem nostram hic deficere, quod ad hujusmodi conceptus unitatem, non nisi post singulorum eum componentium considerationem deveniamus; quod alia ratione in sublimibus istis mentibus eveniat. Ex istis perfectiones voluntatis manifestas esse, cum id, quod neque cum corpore, neque cum phantasia conjunctum est, purusque adeo est intellectus, nihil habeat in se, quo a veritate & rectitudine averti queat; ex quibus omnibus summa harum mentium felicitas necessario demum consequatur.

Atque hæc sunt, quæ Clarissimus Auctor in Libro I de Mundo corporeo, & in L. II de Mundo vitali & utriusque ex Deo originibus summo ingenio disputat. Jam Libro III gubernationem Dei in mundo a se condito ubique conspicuam persequitur; Libro IV & V autem, Veteris æque ac Novi Testamenti scriptis legem Dei positivam contineri, demonstrat. At horum brevem summam, cum nunc quidem primorum duorum librorum recensio paulo diutius nos tenuerit, proximo mensi reservamus.

NOUVELLE BIBLIOTHEQUE &c.

i. e.

BIBLIOTHECÆ NOVÆ AUCTORUM ECCLESIASTICORUM TOMUS XIII, continens Auctores seculi XVI. Scriptore LUDOV. ELLIES DU PIN, Doctore Theol.

Parisi. & Profess. Regio.

Parisiis,

Parisiis, apud Andr. Pralard, 1703. in 4.

Constat Alph. 1. pl. 9.

NON defatigatur doctissimi Pinii in penetranda vastissima Historiæ Ecclesiasticæ, & Scriptorum Theologicorum sylva, studium ac solertia præsignis, et si odio invidiaque non proletaria, ut rumor fert, inter ipsos tribules graviter nunc affligatur. Fuit, qui clarissimum Virum cum seculi XV descriptione finem Bibliothecæ suæ impositurum hariolarentur, ne, quæ ægre Romano coctui facerent, loquendi nimia ubivis necessitate, veritatis comite, constringeretur. Sed comparuere nihilominus duo Tomi, XIII & XIV, priorem seculi XVI partem dimidiani complectentes. Et Tomo quidem XIII, quem nunc sistimus, Auctor ex more Historiam istorum temporum sacram præmittit, exponens cap. I, quæ ab initio seculi usque ad A. 1517 contingere: utque momenta rerum enarrandarum rectius intelligantur, ex seculo XV originem Pragmaticæ Gallorum Sanctionis accuratius enarrat, quo pacto illa ex Concilii Basileensis decretis paulisper immutatis in conventu Cleri Bituricensi A. 1438 fuerit confecta. Quo loco dignum notatu est, quod p. 5. refertur, Clerum Gallicum non approbasse Basileensium Patrum decretum, quo novam Concilio jurisdictionem in Clericos arrogabant, sed huic innovationi non minus ac Pontificis effreni potentie se opposuisse. Enarratur porro, quo pacto Pragmatica ista Sanctio a Pio II in Concilio Mantuano damnata sit, atque instinctu Jo. Godofredi Episcopi Atrebatensis & Jo. Balluë, Ebroicensis, Cardinalitæ dignitate lactatorum, a Ludovico XI sit suspensa, reclamante semper Parlamento & Academia Parisiensi, paulatim vero vim legis recuperaverit, & a Carolo VIII atque Ludovico XII sit restaurata. Hujus cum Pontifice controversias prolixius recenset, consultumque ipsi a Conventu Clericorum Turonensi refert, ut obedientiam Papæ denegaret, bellumque inferret, ut Tyranno; Maximilianum I quoque Imperatorem Jacobo Wimphelingio negotium dedisse, ut Pragmaticam Germanorum Sanctionem, ad imitationem Gallicæ, conficere tentaret, p. 15 admonet. Hinc Pisani Concilii fata edisserit, quod Imperatoris ac Galliarum Regis instinctu, quatuor Cardinales, Bernardinus Carvajal, Guil. Brisonetus, Renatus de Prye & Amaneus d' Albret, cum trium aliorum absenti-

um procuratoribus indixerant, atque Pisæ A. 1511 inchoatum, A. 1512 Mediolanum transfulerant, in cujus sessione VIII Julius II Pontifex damnatus est, indignusque munere suo judicatus. De Concilio Lateranensi V, quod Julius contra Pisanum A. 1512 habere cepit, diligenter quoque agit, in quo Galli renunciarunt Pisano decreto, ac Leoni X Julii successori obedientiam præstiterunt, Montesque pietatis approbati sunt. Ibidem de Concordato tractat, quod Franciscus I, abrogata inter Gallos Pragmatica sanctione, ut Pontifici faveret, introduxit, valde obnitentibus Parisiensi Parlamento & Academia, ac libertatem Ecclesiæ ad annum usque 1517 & 1518 defendentibus.

Quæ ab initiis Reformationis ad Concilium usque Tridentinum gesta sunt, cap. II recensentur. Primordia Reformationis Auctor satis bene & cum insigni cura describit, evolutis, ut apparet, plerisque nostratum, præsertim Lutheri, operibus. Quare longe candidius, quam apud Pontificios fieri posse credidissimus, turbas ex indulgentiarum nundinatione natas, primorum Lutheri Antagonistarum res, colloquium Lipsiense, & VVormatiensia comitia depingit. Sed, quæ est humani ingenii imbecillitas, cavere sibi ab hallucinationibus non potuit, præsertim ex ignorantia Germanicæ linguæ ortis, qua factum est, ut Melancthonem patrio idiomate *Schwarzerde* appellatum velit, nisi forte vitium est typographicum; certe *Schwarzerde* scribi debuit. Jo. Staupitium cognatum Ducum Saxoniz fuisse, p. 30 contra historicam fidem pronunciat: patrem Lutheri Johannem magistratu urbis Mansfeldensis functum, p. 31 nullo auctore affirmat. Discedit etiam a veritate, quando p. 34, & passim alibi, Lutherum fiducia protectionis Friderici III, Septemviri Saxonici, tantas res molitum, refert. Eckio certissimam in colloquio Lipsiensi victoriam p. 48 adscribit, quam Mosellanus alique ex Pontificiorum ordine prorsus ipsi denegant, ipseque Eckius, in Epistola a Pinio p. 49 citata, a se amoliri videtur. Georgium Spalatinum a secretis status Electori Saxonum fuisse, qui a concionibus & secretis conscientiz ipsi erat, p. 49 traditi, Refert p. 66, Lutherum in via, quæ Isenæo Wittenbergam ducit, esse captum, qui tamen, quod ab Illustri Seckendorffo abunde probatum est, in via Salzungam descedente, quo propinquos

quos visitatum (quos eo loco complures habebat) Lutherus iverat, abreptus ac Wartburgum ductus est. Sed hæc levicula sunt, si cum Maimburgii, Varillasii ac aliorum in hoc scribendi genere Pontifici litantium erratis conferantur. Non diffitemur, Pinium iniquiori stylo in nostros identidem uti, sed & hic sedatior est furiosis aliorum calumniis, quibus abstinere ne hodie quidem possunt. Deprehendimus apud eundem in rebus nostratum nonnulla, quæ nostris etiam scriptoribus minus comperta sunt, quibus tamen testes non additos, valde dolemus. Sic Tezelium Lutheri theses de indulgentiis Francofurti, & hujus vicissim socios Tezelianas Wittebergæ, vix orta controversia combussisse, p. 34 narratur. Litem inter Cardinales, Anconitanum & Laurentium Puccium, esse exortam, de conficienda Bullæ excommunicationis Lutheri formula, quam provinciam uterque vindicabat, Anconitano tandem victore, p. 56 invenias. His enarratis, Auctor de censura Sorbonæ in Lutherum multis agit, quam etsi laudet, fateri tamen necessum habet, in eadem Dionysii Areopagitæ scripta pro genuinis agnoscendo fuisse erratum. Posthæc Carolstadii turbas, Leonis X mortem, Adriani VI conatus Romanam Ecclesiam emendandi, motus Zvvinglii Tigurinos, & colloquia Helvetiorum, (quos initio Reformationis, campanas etiam & organa pneumatica abrogasse, p. 85 refert) ac comitia Imperii Germanici religionis causa habita, Münzerianos denique motus studiose recenset. De Lutheri conjugio iniquius loquitur p. 97, & minus honestum ipsi fuisse affirmat, quod 45 annos natus uxorem duxerit; cum tamen, si ipsius Pinii computationem sequamur, quadragesimo secundo ætatis Lutheri anno id factum sit. Dehinc quæ Carolo V cum Pontifice intercesserint lites, Lutheranorum & Zvvinglianorum primas disceptationes, Balth. Hubmejeri, C. Schvvenkfeldii, Georgii Blaurokii, Conr. Grebelii & Felicis Manzii, Anabaptistarum Helvetiorum, Melch. Hoffmanni, & Jac. Kauzii fanatici Wormatiensis, eadem ætate viventium res percenset. Colloquium quoque Marburgense, Comitia Augustana & Confessionem in iisdem a Protestantibus exhibitam, pacem religiosam Noribergensem, turbasque Monasterienses Anabaptistarum sigillatim describit, de ultimis quidem p. 126 seqq. multo cum studio agens. Colloquium

Lutheri cum Diabolo de abrogandis Missis privatis, quod tanto cum mendaciorum apparatu nobis objici solet, longe æquius p. 130 enarrat. Multus est in Henrici VIII divortio, & Anglorum a Pontifice discessione describenda, atque a popularium fabulis, ea de re hactenus sparsis, alienum se ostendit, Burnetum tamen, istius Historiæ præcipuum scriptorem, nonnunquam in censuram vocans: tandem suam quoque sententiam interponens, leges Levitici de gradibus prohibitis universales esse fatetur, sed cum juris naturalis non sint, dispensari circa illas, ex fonticis tamen rationibus posse, p. 140 defendit. Notata dignæ sunt Elisabethæ Barthoniæ res, quæ se vatem cœlitus missam ad dissuadendum Henrico VIII divortium jactabat; hanc Noster miseram corrupta laborantem phantasia mulierculam, & motibus convulsivis interdum exercitam fuisse, p. 145 judicat. Nec indignus diligentiori perlectione est recens libelli de emendatione Romanæ Ecclesiæ, a quatuor Cardinalibus A. 1538 Pontifici oblati, quem p. 151 seq. evolvere licet; ut & formulæ Interreligionis, quam Interim vulgo appellant, excerpta, p. 157 seqq. extantia.

Singulari vero cura de originibus Reformatorum Gallorum Pinius agit, magnam culpæ partem in Navarræ Reginam conjiciens, quam sub titulo *Speculi animæ peccatricis* libellum, conscripsisse, p. 174 docet. Ludovici Becquini nobilis Flandri fata, qui cum Regi Gallorum a consiliis esset, Lutheri dogmata primus Parisiis publice proposuit, tandemque crematus est, p. 175, 212, 219 exponuntur. Calvinī vita p. 176 seq. candide satis delineatur, quem a Volmaro, præceptore in Græcis literis, ad Lutheranorum partes initio perductum Auctor tradit. Tandem mutationem sacrorum ad Septentrionem enarrat, concilia periodi hactenus explicatæ recenset, inter quæ Moguntinum salutaria reformatæ Ecclesiæ consilia suppeditans eminet, tandemque enarratione censurarum per id tempus a Sorbona dictarum concludit.

Speciminis gratia, quæ de Hubmejero fanatico Pinius noster narravit, ut minus nota, sigillatim recensebimus. Balthasar Hubmejerus, Fridbergæ Cattorum natus, Zwinglii amicus, Pastorem apud Waldshutenses agebat. Hunc Munzerus A. 1524, in itinere Basileam versus instituto, Waldshutum transiens, fanaticis opinionibus

onibus imbuerat. Hubmeierus auditoribus suis eadem doctrina imbutis, Pontificios omnes ex oppido ejecit, sed brevi post ab iisdem vicinorum auxilio victus, & in exilium actus. Hoc apud Tigurinos commodè se transacturum putans, urbem istam clandestinis motibus turbavit. Quare colloquium cum Zwinglio ipsi indictum est, victoque mandatum, ut palinodiam caneret, ac urbe excederet. Ille formulam palinodiæ in templo Abbatis recitavit, sed cum ab Imperatore ut rebellis in supplicium expeteretur, Tiguri permansit, renovatisque fanaticis doctrinis iterum, & lubens quidem, evitandæ pœnæ causa, palinodiam cecinit, ac Constantiam abiit, quo loco Zwinglium a se victum disputando jactans, auferens, ac vagabundus tandem inter Moravos confedit, parensque Anabaptistarum Helvetiorum habetur.

Inter censuras Sorbonicas multæ etiam occurrunt notatu dignæ, quarum nonnullas enotabimus. A. 1516 die 2 Jun. damnatæ sunt Claudii Cusini Ord. Prædicat. propositiones, qui Ordinem Presbyterorum Ordinariorum, quos Curatos vocant, graviter impetierat. A. 1518 die 6 Maji rejecta est, ut falsa ac scandalo plena præconis cujusdam indulgentiarum vox, qui numo in thecâm indulgentiarum cadente, animam citra dubium illieo ex purgatorio igne liberari, docuerat. A. 1520 decretum a Sorbonicis Doctoribus est, Mariam Magdalenam, Mariam Lazari sororem, & magnam Peccatricem, eandem esse personam, fatente tamen Auctore, aliam nunc esse & saniores Sorbonæ sententiam. Ejusdem anni die 5 Decembris damnata est Hier. Clichtovæi opinio, qui beneficia Ecclesiastica licite vendi, publice defenderat. Initio A. 1524 obelo notatæ sunt Amedæi Mescreti, Ord. Prædic. propositiones, quod Pagani rectam rationem sequentes salvi fiant, quod peccatorum confessio specialis cassâ sit, quod vota religiosa ultra 10 annos non obligent. A. 1525 d. 7 Septembris condemnatæ sunt Petri Caroli theses, quod Scriptura S. nunc melius quam olim intelligatur, hominesque ad purum Dei amorem perducantur, quod olim fuerit neglectum, quodque in vulgata Versione errores quidam dentur ex fontibus corrigendi. A. 1530 repudiata est quorundam sententia, qui sine Hebrææ Græcæque linguæ notitia S. Scripturam recte explicari posse negaverant. A. 1531 censura notatæ

tata sunt Condomensis cujusdam theses, qui quatuor baptismos, (aquæ videlicet, sanguinis, Spiritus S. & sanctificationis, quorum ultimus precibus parentum, deficiente primo, obtineri possit) docuerat, Johannemque Evangelistam mortuum esse negaverat; nec non Alghulphi Lamberti propositio, qua Jesum Redemptorem non esse necessario Deum, affirmaverat. Atque hæc de Tomo XIII Bibliothecæ hujus suffecerint.

REGIÆ SCIENTIARUM ACADEMIÆ HISTORIA. Secunda editio, priori longe auctior. Autore JOHANNE BAPTISTA DU HAMEL ejusdem Academia Socio.

Parisiis apud Joh. Baptistam Delespine, 1701. 4.
Constat 3 Alph. 10 pl. & 2 fig. æn.

Secundam hanc utilissimi operis editionem, Illustrissimo Viro J. Paulo Bignon Abbati S. Quintini dedicatam, voluit Autor celeberrimus non solum duobus libris, quinto nempe, qui annorum 1697 & 1698, sextoque, qui annorum 1699 & 1700 gesta complectitur, sed & variis additamentis, prioribus quatuor libris larga manu insertis, auctiorem prodire. Cum vero ipsemet priorum IV librorum summarium confecerit (vid. Acta Erud. A. 1700 p. 108.) nos ultimarum duorum brevem dabimus ideam; quanquam difficile sit compendium facere recensitionis, quæ res undiquaque momentosas, & jam in compendio, perque indicis modum exhibitæ sistit.

Solita distributione agit Auctor Parte I, Lib. V, Sect. I de rebus Physicis primum, ubi Cap. I. ex *Dn. de la Hire* jam ab octo annis continuatis observationibus, quantum pluvix solutæque nivis quotannis decadat, (cujus summam A. 1696 ad 19 pollices & 5 lineas altitudinis pervenisse comperit) factoque experimento cum pelvi plumbea, terræ ad 8 pedes effossæ aptata, ad quam hætenus nulla pluvia nixve soluta penetravit, vixque penetrabit, patet, pluviam quantumvis copiosam ad duos usque pedes terram non subire. & vel mediocris altitudinis arboribus nutriendis satis esse non posse, adeoque de fontium origine nihil hinc explorati haberi. Liquores mole augeri in vacuo, matratium angustioris colli & in partes






Fig: 5.




Fig: 7.




Fig: 6.



tes æquales per lineas nigras divisi docuit, ubi aqua exhausto aere statim visa est altior semipollice; imo spiritus vini & urinæ sudoris instar stillavere, ut in alembico, quod vicaloris Solaris pariter peregit *Filius D. de la Hire*. Egregium porro *D. Homberg* instrumentum est liquoribus dimetiendis, magis quam ea, quæ vulgariter applicantur, idoneum. Phiala est usitata, cujusvis capacitatis, perinde est; utitur phiala digiti cubici capaci; collum illius est longum sesquipollice, cujus diameter est semilinea, ubique teres nisi in extremo, ubi instar infundibuli dilatatur. Ad radicem colli tubulus assurgit collo ipsi parallelus, 5 lineas altus, cujus diameter etiam est semilinea. Hic exitum præbet aëri incluso, ubi phiala impletur aqua: quo quidem modo tam facile impletur & exinanitur, ac si collum ejus foret latius. (Vid. Figura I.) Usus instrumenti talis TAB. II. est: impletur liquor, donec per capillarem tubulum effluat; tum si Fig. 1. statur in collo ad altitudinem usque tubuli; quod superfluit, per tubulum egreditur; phiala parte exteriori sic detergenda, ut nulla remaneat exterior humiditas, exquisitæ bilanci appenditur; deinde eo liquore impletur, qui cum priore est conferendus. Ecce pondera:

Oleum Vitrioli 12 drachmis & 26 granis appensum est,

Aqua fortis argentum dissolvens 8 dr. 58 gr.

Aqua fortis debilitata ad plumbi solutionem, 7 dr. 46 gr.

Spiritus salis 1 unc. 7 gr.

Aqua fluviatilis 7 dr. 8 gr.

Acetum distill. 7 dr. 10 gr.

Aqua ardentis vini 6 dr. 52 gr.

Spiritus vini 6 dr. 16 gr.

Hydrargyrum 3 unc. 3 dr. 45 gr.

Idem quoque Capite 2 purgationem argenti vel auri, methodo vulgari per cupellam longe faciliori proposuit. Selibram argenti cum cupro permisti in granula comminuti catillo fictili, seu crucibulo imposuit usque ad rubedinem; sulphuris communis tantundem repetitis vicibus sic iniecit, ut singulis vicibus expectaret, dum prius injectum omnino incensum & consumptum appareret; tum fusione facta 8 unciz nitri, & totidem tartari, & 8 unciz limaturæ ferri, non simul, sed per vias ita sunt adjectæ, ut detonatione facta, nova mistura adderetur; tum per unius horæ quadrantem fusio est

D d

con-

continuata: quod erat in crucibulo argentum, & purum & ductile inventum est. Quæ operatio non amplius quam sesquihoræ spatio, una tantum fusione, & uno in crucibulo fuit absoluta, cum percupellam facta purgatio alterum tantum temporis & ignis exigit, præter cupellæ apparatus, & folium agitationem. Rationem hujus separationis vide apud Autorem. Ejusdem autem argenti a stanno, item a stibio expurgationem pariter subtilem, silentio prætermittit, prolixitatis evitandæ studio. Ex tentamine ejusdem circa acidus spiritus, an tandem inspidi fieri possint, cum mercurii 12 uncii, totidemque spiritus nitri instituto, tandem patuit, 12 spir. nitri uncias, in 7 aquosi & inspidi liquoris, & in 3 uncias solidæ & pene inspidæ materiæ abiisse, quæ a mercurio secretæ, & in formam liquoris reversæ vix potuerunt semiunciam mercurii dissolvere, cum antea 15 uncias ejus exsolvisent: magno argumento, corrodens acidum in materiam inspidam verti, atque eandem materiam varie modificatam fieri posse aquam inspidam & spiritum acidum.

De salibus plantarum Cap. 3 observat Idem, unum tantummodo esse salium genus, quod citra ignem aut fermentationem ex plantis extrahitur, nempe salem essentialem: sed analysi per ignem facta, tria eliciuntur, lixivialis & fixus, urinosus & volatilis, demum acidus & volatilis. Duo ex his, lixivialis & acidus, alter alterius formam, imo & olei aut spiritus ardentis induere possunt, verum urinosi sales iidem semper manent. Sal urinosus, etsi admodum volatilis, aliquando tamen corporibus tenaciter adhærescit, aliquando medioeri igne potest expediri, ut in sale tartari, ex cujus duabus partibus & una aluminis rupei elicitur urinosus liquor, imo & sal volatilis concretus; quod non fit, ubi aluminis alterum tantum apponitur. Et licet ambo hæc alcali lixiviale & urinosum sibi mutuo obistere videntur, interdum tamen sal urinosus plantæ aliis partibus bene odoratis adeo implicitus est, ut non nisi novi salis lixivialis additione seipsum prodat, ut in moschi cum spiritu vini infusione, addito oleo tartari per deliquium, urinæ foetor oritur. Sal ex terra multis annis inculta extractus cum natro Ægypti convenire videtur, quod salis marini & salis alcali naturalis mistarum continet. Quæ tandem de hydrargyri sublimati cum æqualibus partibus salis decre-

decrepiti per retortam destillatione loco sublimationis consuetae proferuntur, notatu digna sunt, imprimis, quod cum lutatis omnibus juncturis, magna tamen pars sublimati per eas erumperet, recipiens prope fundum parvo foramine in superiori parte pertusum (aëri hoc modo liberum exitum permittens) sine dispendio non obturatis juncturis, sublimatum instar butyri antimonii stillans excoerit, operatione tota intra 2 horas absoluta, in 6 libris sublimati, cum in vulgari modo 3, libræ spatio 12 horarum non fuerint sursum sublatae.

Quæ Cap. 4 plantarum historiam & analysin concernunt, sigillatim recensere non necessarium duxit Autor, quod præcipue una cum descriptionibus aliquando proditurae sint in lucem. Sed id majoris disquisitionis est: utrum sales fixi e plantis per lixiviam extracti in volatiles abire, & in alia principia simpliciora resolvi queant. Res experimento tentata hæc est:

2 uncii salis absinthii fixi & recens calcinati, affusæ sexies-

que per M. B. cohobatae

4 libræ aquæ absinthii recentis	reliquerunt	20 granis,
spiritus vini optimi	salem mul-	2 drachmis, 25 gr.
aquæ vini ardentis	statum	3 drachm.
vini albi		6½ dr. tandem 13 dr.
		saltem 3 dr. remanentibus.

Spiritus itaque sulphurei salis lixivialis partes sic penetrant, ut earum naturam immutent. Hinc aqua absinthii & acidi & sulphurei dissolventis expers, nihil fere salis; spiritus & aqua ardens vini acidi expertes, parum ex sale; vinum album utriusque compos multum solvit. Sales itaque fixi plantarum spiritu sulphureo vini fiunt volatiles.

Cap. 5 de rebus Anatomicis, usus illius canalıs, per quem in foetu vena porta cum vena cava in jecore communicat, is statuitur, ut aer, qui a matre per venam umbilicalem ad cor foetus pervenire debet, sufficiat circulari in foetu sanguinis motui, longo alias itinere nimium de motu suo perditurus. Capræ Lybicæ, vulgo bazelle, ventriculus accurata anatomia exhibetur, uti & aliorum animalium descriptiones. Peculiaris quoque occurrit observatio circa quod-

dam hydropsis genus, ubi apertione in parte inferiori ventris facta, exiit primum pus valde excoctum, tum corpus mediocris pruni Armeniaci magnitudine, tandem incredibilis multitudo globulorum, nonnullis pilæ palmaris magnitudinem æquantibus. Hydropicos sanatos fuisse asseritur, postquam arena operi Sole æstivo per biduum aut triduum expositi fuissent sereno aëri. Podagricis remedia indicantur, ranunculi pratensis contusi succus; item saponis cum aqua vini ardentis infusio, circum partem affectam in coronæ modum applicata; porro muscus Indicus in parte affecta incensus; demum salvia in modum thæi præparata. Anginæ remedium nidus est hircinis, oleo aut recenti butyro imbutus, qui in modum cataplasmatibus gutturi applicatur. Chirurgis proderit nota, vulnera rarius curata citius sanari: aer enim iis infestus est maxime, & frustra tam sæpe mundantur; nam quædam velut crustula aut linimentum detrahitur, quod naturæ utile est ad carnes disjunctas conglutinandas. Curiosa tandem est observatio circa novum crucæ genus, quod quatuor illas mutationes (ubi primum sunt ova, tum vermes, deinde aureliæ, tandem alis instructæ volant, ut muscæ & papilionæ) non subit, & viviparum est.

Res Mathematicæ Sectione II proponuntur. Ex Astronomicis Cap. 1 difficilis alias determinatio solstitiorum habetur. Clarissimus *Cassini* altitudines Solis meridianas aliquot ante & post solstitia diebus observans, & discrimina earum in differentias longitudinum convertens, ut erueret partem proportionalem & tempus, quo Sol a Tropico æquis distabat intervallis, invenit A. 1696 æstivum solstitium quidem $\frac{17}{18}$ Junii, 2 hor. 16, hyemale vero $\frac{12}{18}$ Decemb. 6 hor. 46. Spatium ab æstivo ad hyemale est 183 d. 4 h. 20. Cumque annus tropicus sit 365 d. 5 h. 48. erit spatium ab hyemali solstitio ad æstivum 182 d. 1 h. 28. Dimidia ergo anni pars 182 d. 14 h. 54. minor est spatio, quod ab æstivo ad hybernium solstit. currit, & major est spatio, quod ab hyemali ad æstivum solstitium labitur, eadem quantitate, nempe 13 h. 26. Hæc inæqualitas intervallorum oritur ab apogæo Solis, ubi tardior est Solis motus, unde & tempus lon-

longius efficit in eo semicirculo, in quo est apogæum, quod ex observatis a verno semicirculo in autumnalem commeasse colligitur.

Animadversionum circa reformationem Calendarii a Viro celeberrimo Erh. Weigelio propositam, summa est: novam de hac re deliberandi curam iis, qui veteri utuntur stylo, relinquendam; illos enim, qui novo observationibus hucusque habitis comprobato utuntur, eo contentos esse, ne rem actam agant, cum ad quamcunque anni solaris, lunarisque mensis magnitudinem rite accomodetur; computum autem cyclicum ab initio Christianæ religionis usurpatum non esse aspernandum, sed emendandum.

Cap. 2 de discrimine inter Cyclos lunares & solares agitur, quod ex Solis & Lunæ inæqualibus motibus oritur; hinc menses lunares, qui a vera Lunæ cum Sole conjunctione ad alteram numerantur, quique naturales sunt & apparentes, non sunt inter se æquales, sed aliquot horis dissident; longissimi ad 29 d. 19 h. produci, brevissimi ad 29 d. 7 h. contrahi possunt, medio loco interjecti sunt menses 29 d. 12 h. & fere 45, sed ii sunt perrari. Hæc inæqualitas ex diversa ab apogæis aut perigæis distantia, inæquales celeritatis gradus producente, explicari solet. Hinc periodum reliquis accuratiorem excogitavit D. Cassini, 4267 mensium, quæ intra 126007 d. 1 h. absolvitur; hæc Solem & Lunam apogæis suis propius admoveere ostenditur.

Cap. 3 duæ Lunæ eclipses, prior die 6 Maji, posterior d. 29 Oct. visæ, sed ob nubes vix observatæ describuntur, & ad Calendarii diligentius examen applicantur. De stella in collo Ceti posita Cap. 4 prolixius agitur, & revolutio ejus $330\frac{1}{2}$ d. statuitur; visibilis est, raro per 150 d. nunquam per 165 d. aliquando tantum per 108 d. quod juxta hypothesein, eam (ut & forte plures alias stellas) aliqua tantum sui parte esse lucidam, & circa axem suum sic volvi, ut aliquando partem sui fulgidam, interdum obscuram nobis obvertat, explicatur. Quorsum & phenomenon quinti satellitis Saturni pertinet, qui descendens post conjunctionem suam cum Saturno, in parte circuli superiore

riore invisibilis est; visibilis autem, quando a parte sui circuli inferiore ad superiorem progreditur. Pari modo quædam phenomena circa Jovis satellites observata explicari possunt.

Mercurium in Sole visum cap. 5 sistit, cujus sexta & postrema d. 3 Nov. a DD. *Cassini* & *de la Hire* maxima cum diligentia facta observatio prolixè subjicitur. Numeri D. *Cassini* sic se habent. Exiit Mercurius hor. 8. 9. 31. latitudinem ☿ in exitu invenit 8. 58, differentiam longitudinum ☉ & ☿, 13. 26 in ipso exitu. Tum Sol erat in 11. 13. 19. Scorpii. Quocirca ☿ h. 8. 9. 31. erat in 11. 25. 53 Scorpii, cum hor. 7. 24. 58 esset in eodem gradu 11. 28. 25, itaque intra 44. 33. unius horæ motus ☿ retrogr. fuit 2. 42. motus vero ☉ intra idem tempus 1. 51. itaque motus ☿ in Sole, intra 44. 33. temporis, est 4. 33. Jam, ut habeatur conjunctionis ☿ cum ☉ tempus:

ut motus ☿ in ☉, ad tempus: sic differ. longit. ad tempus

4, 33.	44, 33.	::	13, 26	2, 11, 26.
--------	---------	----	--------	------------

hæc subduc. sunt ab hor. 8, 9, 31, quod est tempus. exitus ☿, fuit tempus Conjunctionis ☿ cum ☉ in longit. hor. 5, 58, 3. tempus dimidiæ durationis eclipsis hor. 1. 58. 13, colligit; & intervallum temporis inter conjunct. ☿ cum ☉ habita ratione longitudinis, & adventum illius ad nodum hor. 13. 37, 10. Diæmetrum appar. ☿ 8 ex ipsis observationibus colligit.

Subjicitur historia observationum ☿ in ☉. *Prima* est *Gassendi* Lutetiæ a *Keplero* ad diem 7 Septembris 1631 prædicta. *Secunda* est *Schakerlei* Angli in Indiar. Orient. insula Suratta 3 Novemb. 1651. *Tertia* Londini facta a D. *Hugenio* & *Mercatore*, item *Hevelio* 3 Maji 1661 Gedani. *Quarta* Avenione a D. *Gallet* & *Beauchamps* 7 Nov. 1677. & in inf. S. Helenæ a D. *Halley*. *Quinta* Cantonii in regno Sincensi a PP. *Fontenay* & *le Comte* 10

Nov.

Nov. 1690. Postrema & sexta est 3 Nov. 1696. Nec recurret hoc phenomenon nisi mense Maio 1720.

Indicium quorundam Problem. Geom. & Arithm. cap. 6 facit, inter quæ notari meretur D. *Varignon* solutio de rationibus arcuum & spatiorum omnis generis curvarum similium, cui occasionem Generosiss. D. *Tschirnhaus* inventionem suam circa Parabolarum ejusdem foci & axis proprietatem, jam in his Actis A. 1695 mens. Nov. publicata fecit; D. *Bernoulli* Bas. extendit ad quodvis aliud communis axis punctum, in curvis omnibus similibusque; D. *Varignon* vero universim ad omnes diametros curvarum similium pertinere comperit. Nempe: *Duas curvas similes, quacunque illa sint, quarum diametri similes in eadem sint recta, quacunque sit earum inter se ratio, in eodem plano, punctum semper in hac recta habere, ex quo omnes recte ductæ ad unam item & alteram ex curvis, ubique arcus intercipiunt, quæ certam & constantem inter se habent rationem; & similiter, spatia intercepta inter se eam habere rationem, quæ est inter arcuum quadrata.* Ex. gr. si curvæ sint sectiones conicæ similes, hæ sectiones erunt inter se ut parametri, & spatia, ut quadrata parametrarum. Monitum porro D. de la Hire circa calculum indefinite parvorum attendendum est, ne suppositiones erroribus anam præbeant, quod exemplo duorum pendulorum 15 & 7½ ped. longorum, perque chordam seu arcum infinite parvum vibrantium declarat.

Ultimo 7 cap. de rebus dioptricis & mechanicis monetur, ante annum 1630 Telescopia ex duobus & quatuor convexis vitris non fuisse in usu, licet *Scheinerus* in *Rosa Ursina* hoc modo Tubum parari posse monuerit; P. *Rheita* Capucinus primus eam connexionem vitrorum in usum deduxit, quam in libro, *Oculus Eliæ & Enoch*, describit. Circa rationem contrahendi Telescopia, (interjectione nempe vitri cavi in focum inter objectivum & oculare,) aliquid desiderari, ut & in machina, cujus ope navigium adverso flumine promoveatur, ingenue indicatur.

Pars altera libr. V. Acta anni 1698 complectitur, ubi sect. 1 cap. 1 de rebus physicis, quantitas pluviae collectæ præterito

anno

anno ad $10\frac{1}{4}$ digit. altitudinem pervenisse observatur; ut & ex Thermometro, æstum maximum fuisse 14 Maij, & maximam altitudinem Barometri die 31 Januar. 28 dig. $4\frac{1}{8}$ lin., minimam vero 26 dig. 10 lin. Diversum esse æris pondus, globus vitreus diametri 20 pollicum exhaustus & bilanci appensus, tum subeunte aëre iterum ponderatus ostendit; æstivo enim tempore, flante Euroborea, 2 uncis $\frac{1}{2}$ drachma inventus est gravior; post 2 menses humidioris cœlo, flante Circio, $2\frac{1}{2}$ drachmis, adeoque aër $\frac{1}{3}$ gravior visus est, quam prius, Barometro in eadem fere altitudine utrinque persistente; sic pressio aëris in Barometro æqualis fuit, sed in balance pondus inæquale, quod vento aërem humoribus replenti adscribitur. Sub Januarii initium humido cœlo, nec tamen pluvioso, post acrius gelu, globus aëre impletus 3 dr. gravior est factus; ineunte Februario & pluvioso & temperato, 3 dr. levior factus est. Exeunte Januario, sæviente frigore, $4\frac{1}{4}$ uncis gravior inventus est; duplo itaque gravior quam in Junio experimento factus est. Angustissimorum tubulorum phænomena, quæ consuetis siphonibus, & receptæ sententiæ, continuum aquæ fluxum ex aëris gravitate provenire, adversari videntur, explicantur ita, ut illi angustiores tubuli, non ut veri siphones satis patentes sint considerandi; non enim egent aëris externi gravitate, sed aqua sibi & parietibus mutuo glutine sic adhærescit, ut tubus semper plenus remaneat, nec aqua nisi proprio pondere guttatim decidat.

Utilis cap. 2 occurrit observatio de plexu quodam radicum salicis, vulpis cauda dicto, quo aquæductus obstruuntur; penetrant enim radices glutinem tuborum, & ita excresecunt, ut tubos occludant, & motum aquæ intercipient; facile autem deprehenditur, quænam salix caudam vulpinam emiserit, nempe ea, quæ præ aliis vegeta virensque advertitur. Phosphoro conficiendo urinam cerevisiam bibentium aptiorem esse, quam qui vinum potant, asseritur; ut & circa lapidis Bononiensis naturam mineralem quædam subjiciuntur, pariter quoque de conchyliis in lapides conversis; & notatu dignum, fossilia insulæ Melitenensis esse aut corpora organica, aut stirpes in lapides

verfas

verfas, e. g. serpentum dentes vulgo dicti carchariae piscis aut lamiae dentes censentur, qui una cum argilla alba, ex qua tota insula coaluit, in lapidem sint conversi. In reliquis autem locis terrae, maris libella altioribus, ejusmodi mutationes ex diluvio universalis derivantur. Duo parhelia 2 April. observata sunt, Sole 7 grad. supra horizontem extante; centrum veri Solis distabat 24 gr. a centro spurii.

Varia atramenti vulgo sympathiae dicti (quo nomine liquor omnis, qui in charta nullum relinquit vestigium colore tinctum, artificio tamen, eoque quadruplici, ope liquoris novi, vel aeris, vel ignis, vel terrae materiae manifestandum, designatur,) praeparationes docet Cap. 3. Nempe 4 unciae lithargyri in pulverem comminuti, aceti distill. 2 librae imponantur vasi fictili, moderato igne bulliant per $\frac{3}{4}$ horae, ligno semper agitatae; filtratum liquorem in vase vitro bene occluso serva. Pariter procedendum cum 2 uncis auripigmenti mixti cum 4 uncis calcis vivae, & 4 libris aquae communis. Priore liquore scriptura exarata & exsiccata, posteriore illinitur. Alius modus: Calci auri in aqua regali ad satietatem solutae aquae communis partes affunde, serva in phiala: tum stanni puri rasuram pari modo in aqua regali solve, 2 aquae comm. partes affunde, & separatim serva: priore liquore scribitur, exsiccata charta perfunditur madefactis in solutione stanni plumulis calami. Praeparatio ex scoris reguli antimonii & ex vitro ejusdem mineralis per duos menstrua omittitur. Ex vegetabilibus rosae pallidae & recentes contusae spiritu vini rectificato affuso in pulvem rediguntur, in Sole digeruntur, donec omni colore suo exuantur; liquor per linteam expressus phiala bene occlusa servatur. Scriptura hoc liquore exarata aceto distillato aut spiritu vitrioli debilitato manifestatur colore roseo. Aeri exposita scriptura ex solutione auri in aqua regali ad satietatem, (quae aqua fluviatili diluitur, dum maculas flavas chartae non inurat,) post horae spatium diurno lumini exposita apparet; in arca vero asservata per 2 aut 3 menses citra colorem manet. Alii modi per solutionem argenti in aqua forti, adjecta aqua fluviatili; aut per amalgama ex aequis partibus argenti & mercurii, aquae communis adjectione debilitati; aut per dissolutionem bismuthi; vel demum per minium aceto distil. solutum, omittuntur. Omnia haec

Ec atra-

atramenta igni exposita in conspectum prodeunt. Majoris est usus, quam prima fronte videri queat, cisternarum in quibusvis privatis domibus applicatio, ad aquas coelestes pluviarum, saluberrimas, nec ita putredini, ut fere omnes terrestres aquae, obnoxias, quotidianæ necessitati suppeditandas. Plumbeo nempe receptaculo opus est hexapedæ cubicæ, quod 27 modios Parisiæ capit, cum cisternula purgandæ aquæ destinata, & ad receptaculi latus collocata, quæque fluviatili arena repleatur. Hoc receptaculum in loco bene ocluso, ne aqua in glaciem concre scat, tuto collocari poterit; quo autem aqua e cisternula in cisternam derivetur, *D. de la Hire* censet, cisternulam non ex infima parte, ne forte sordes, aut terrestres pluviz particulae simul cum aqua exeant, & arenam cisternæ penetrantes eam subeant, sed tubulum plumbeum & instar siphonis inflexum sic aptandum putat, ut per receptaculi marginem pertranseat, cujus crurum unum sabulum pervadens ad fundum usque cisternulæ pertingat, alterum cisternam subeat, ejusque orificium paulo sit depressius, quam alterius cruris orificium. Sic siphone semel impleto, aquæ cisternulæ & receptaculi inter se communicabunt, semper ad libellam positæ. Non eodem effectus prodire ex quibusvis acidis vel alcali, colligitur ex liquore, qui e calce vel cum sale communi, vel ammoniaco fusa extrahitur: solutio per aquam communem per filtrum trajicitur, exhalatur leni igne, sal remanens in cella vinaria dissolvitur. Hic liquor tam oleo tartari per deliquium, quam spiritu vitrioli cogitur in coagulum album & firmum: spiritus salis ammoniaci paulo fluidiorem eum reddit. Hæc ad sanguinis humani fluiditatem per alcalia volatilia, & coagulationem per acida, imprimis terrestria, demonstrandam applicantur.

Continuantur Cap. 4 & 5. Chymica, ubi quantitas salis acidi in aceti distillati 27 uncis, inventa est 7 drachmarum, ope retinentis eam salis tartari, & ex 30 $\frac{1}{2}$ uncis una uncia salis acidi prodit. Observationes circa salem calculi humani; item nitri spiritum cum oleo sassaparæ, rubrum fumum emittentem; marcasitam quandam mercurio divitem; fixationem spiritus vini per sales fixos lixiviales; acidorum liquorum mitigationem per digestionem 4 annorum frustra tentatam, indicasse sufficiat. In Botanicis Cap. 6.

pigmenti celeberrime *cochenille* origo proditur ex arbore opuntia, in regione Americae Guatemale, fructus proferente, qui ubi maturuerunt, finduntur, atque ex iis innumera exeunt insecta, quæ excussa linteis excipiuntur; ex iis obtrititur pigmentum *cochenilla* dictum. Insecti dein in sycomoro inventi descriptio subijcitur. Discrimen quoque resinarum (quæ succi aut lacrymæ plantarum sunt, menstruo pingui & oleoso dissolubiles, cum aqua non facile miscentur, & flammam concipiunt) & gummi (quo nomine succus intelligitur coagulatus solidior, in aqua facile dissolubilis, nec facile inflammabilis) ex differentia salium, quibus utriusque succi olea, (resinæ quidem acidis, gummi vero alcali) concresecunt, petitur.

Inter Anatomica Cap. 7. notabilis est defuncti cujusdam auricula dextra cordis adeo dilatata, ut caput infantis recens nati æquaret, & 1½ libram sanguinis caperet. Ex ira vehementi, sed magno conatu inhibita, morbus ante 12 annos coeptus est. Dentium formatio, juxta naturæ consuetos progressus, compendio exhibetur; ut & explicatio aphorismi Hippocratis: *concocta, non vero cruda medicari oportet, ac movere, nisi materia turgeat; ut plurimum vero non turget*, traditur. Vermis in rene canis inventus 2½ pedes longus describitur. Ovaria mulieris in tumorem (qui graviditatis conjecturam diu fecerat) exerescentia, postque mortem 35 librarum pondus æquantia referuntur. Tandem membrana quædam in avium oculis, nigrum marsupium a D. Perrault vocata, describitur & figura æri incisa oculis sistitur.

Mathematica Sectione 2 tractantur. Ex Astronomicis, C. 1. & 2 collatio occurrit observationum Mercurii in Sole visi, ad longitudinum differentiam constituendam, inter Lutetiam & Cantonium in Sina 7 hor. 23, Roterodamum 10. 46, Noribergam 34. 41, quam D. Wurzelbauer 32. 20, D. Eisen Schmid ex variis Lunæ eclipsibus collatis 35 definit. Determinatur dein medius motus primi Satellitum ♄; periodus quæ eclipses illius ad idem punctum temporis revocat, 1d. 18 h. 28. 36 inventa est. Conjunctio demum 4 Planetarum, Lunæ cum ☉, dein ♄, ♀ & ☿ die 1 Januarii 1699 contingens, ad Epactarum

ctarum Gregorianarum accuratam rationem monstrandam applicatur. Altitudinem poli *D. Casinus* invenit Lugduni Batavorum 52. 9. 45, Alcmari 52. 38. 30. Hypothesis ab eodem ad faciliorem intellectum motuum Satellitum Jovis figura lineari exhibetur, ubi principii loco ponit, temporum intervalla inter eclipses cujusque Satellitis breviora esse, cum Jupiter ad suum aphelium pervenit, ubi motus Jovis tardior est, quam ubi in perihelio versatur, ac motus illius est velocior; variare illam inæqualitatem intervallorum penes diversas ab aphelio, aut perihelio distantias. Eclipses primi Satellitis contingunt intra unam Jovis revolutionem numero 2448; Jupiter autem ad suum redit aphelium intra 12 annos Julianos, minus 50 d. 9 hor. 10. hoc est, intra 4333 d. 14 h. 50.

Cometam die 2, 4 & 6 Sept. in Cassiopea visum Cap. 3 sinit. Motus ejus contra signorum ordinem in lineam rectam porrectus, a 1 observatione ad 3 usque, fuit 23. 10; ad polum mundi propius 26 accessit. *D. Casinus* eundem esse judicavit, qui A. 1652 visus est, prouti Cometam A. 1630 cum Cometa A. 1571 contulit: non longius enim a prioris Cometæ tramite digressus est, quam Luna in sua revolutione a superiori deflectit. Hinc licet primum in ea opinione fuisset, Cometæ esse novos cœli factus, ex certa tamen æqualitate motus illius inæqualis, addubitare cepit, annon forte Cometæ inter veros Planetas essent adscribendi, visibiles cum terræ sunt propiores, non item, cum a nobis longius removentur; prouti & cometarum planetarumque motus consimiles arguunt: respectu ad stellas fixas habito nodi variantes; celeritas major cum terræ sunt propiores, in æquis a perigæo distantis æqualis; & peculiaris angulus quo orbitæ eclipticam interfecant. Quod si in his tribus duo diversis temporibus visi Cometæ conveniant, non abhorret a vero, unum & eundem esse Cometam.

Breve solum indicium Cap. 4 de Geometricis facit Autor problematum solutorum circa sectiones conicas, novam curvam in folii modum formatam, spirales, cycloides, superficies conorum obliquorum hæcenus nondum inventas, divisionem anguli in quot libuerit partes æquales, resolutionem triangulorum citra opem tabula-

bularum sinuum, lineas descensus gravium, dimensionem distantiarum inaccessarum, reflexionem radiorum. Prouti & Cap. 5 paucis notat, *D. Varignon* methodum generalem demonstrasse, quæ curvæ isochronæ juxta quamlibet hypothesin accelerationis motus in gravium descensu inveniuntur, adeo ut æquis temporibus diversos arcus describant, in quacunque ratione (non solummodo Galileana) ponatur acceleratio. Inæqualitas elateriorum, quæ varie in horologiis intenduntur, nota est. Eam emendare liceret optime, si fusus inveniretur, cujus radii, seu ab axe distantie, essent in reciproca ratione cum elaterii viribus, hoc est, si in fuso radii per vires aut potentias elaterii in fusum agentis multiplicati ubique æquales summas efficerent. Fusum in medio nonnihil excavatum esse oportere, compertum est; quæ autem debeat esse illa cavitas, seu, quæ sit natura illius curvæ, quæ circa suam axem rotata eum producat fustum, digna res visa est *D. Varignon* quæ perpendatur. Determinationes temporis a gravi corpore in descensu per quamcunque curvam impensis; virium aquæ profluentis penes diversas fluminis altitudines per machinam; motus Solis apparentis non medii, per novum penduli genus; celeritatis aquæ currentis, aut venti, per instrumentum; distantie loci ubi fulmen euditur, vel tormentum exploditur, ex sonitu tardius audito & flamma citius conspecta, cum sonus uno minuto secundo temporis 180 hexapedas percurrat; indicantur brevissime. Rotunditatem guttarum liquoris ex æquali pressione fluidi, in quo gutta natat, provenire traditur; cessante æquali pressione, rotundam esse desinere. Si tubus capillaris conicæ sit figuræ & impleatur per angustius osculum, idque inversum ad perpendicularum horizontis erigatur, aqua descendet; paulum inclinato tubo, ascendet, quod aeris inferioris sursum enitentis major sit pressio in aquam inclinati plani, quam aeris superioris per arctius orificium tam facile subire non valentis. Panem non fermentatum aqua dilui in pulsus modum, spiritu vini comminui in particulas duras instar arenæ, quod ex particularum minutiorum per superficies terfas contactu provenit.

CIRCULARIS HUMORUM OCULARIUM MOTUS
descriptus a JACOBO HOVIO.

Ec 3

Non

Non facile prætermittimus in his Eruditorum Actis observatio-
nes ac inventa nova, quæ cum Orbe Literato communicari o-
peræ pretium censemus. Itaque cum forte incidere nuper in
Viri Clarissimi, *Jacobi Hovii*, Dissertationem inauguralem, pro gra-
dû Doctorali in Academia Ultrajectina die 13 Julii anni superioris
solenni examini submissam, ac deprehenderemus, circularem humo-
rum ocularium motum, qui hæcenus publice non innotuit, feliciter
in ea detectum, tametsi Academicas ejusmodi Dissertationes in Actis
his recensere non consueverimus, temperare tamen nobis non po-
tuimus, quominus novi istius inventi cunctos harum rerum cupidos
participes redderemus. Cum enim sanguinis circulatio, postquam
detecta esset, & rationibus atque experimentis confirmata, tanto
eum applausu excepta olim fuerit, nunc quoque jucundum erit ac
utile cognovisse, quod humores oculares neque stagent, neque
per poros intro-foras spectantes dissipantur, sed continuo fluxu re-
fluxuque, sanguinis ad instar, indefinenter in orbem vertantur, ut
oculi vigor perpetuo conservetur, visusque rectius peragatur. Ex-
hibebimus vero præcipuas, quæ ad rem spectant, figuras, e quibus &
vasa circulationi illi humorum ocularium destinata, & circulatio-
nis modum facili negotio, qui rerum harum periti sunt, depre-
hendent.

TAB. II.
Figura 2.

Fig. 2. Caput Vitulinum exhibet, in quo ab una parte, rete novum
arteriosum parenchymate denudatum, una cum vasorum excursu
naturalis; ab altera rete idem in situ conspicitur.

- A. A. A. Arteria carotidis intra orbem ramificatio.
- B. Rete nostrum novum, parumper e situ remotum.
- C. Ductus novus e reti proveniens, supraque
- D. D. D. nervum opticum flexus, in
- E. a latere nervi prædicti incedit.
- a. Divisio ejus in duos ductus: quorum
- F. alter parum a latere nervi optici sejunctum, scleroticam
adit, ac fontem efformat: qui in
- G. divisus, eandem perforat.
- b b. Ductuli, ex eodem fonte, in progressu per scleroticam,
concorquentes.

H. H.

H. H. Ductus alter, supra opticum flexus, ac fontem in opposita parte constituens, cujus progressus tamen desideratur.

c. c. c. Ramificationes e surculo prænominati fontis.

I. Vas Nuckianum, ex

K. arteria carotidis ramo, intra cranium, procedens.

L. Vasis sympathetici (utriusque oculi arterias connectentis) portio.

M. Rete novum nostrum in situ naturali.

N. N. N. Musculi, retis aspectum inhibentes, separati.

O. Ductus novus in situ, prout ad

P. oculum tendit.

Fig. 3. Caput Vitulinum monstrat: in quo tum abducentia vasa TAB. II.
cum venoso reti in situ; tum adducentia, abducentia, duo retia Fig. 3.
sibi invicem intertexta, excarnata, oculis proponuntur.

a. a. Circulus venosus.

b. b. b. b. Ductus oculorum aquosi, crystallini, &

c. c. vitrei abducentes, humores circulo prædicto infundentes.

d. d. Ductus oculorum abducentes, qui e circulo venoso orti,

A. scleroticam ubi abscissa perforant, & juxta

B. B. progressi,

C. rete venosum in situ naturali, una cum aliis

D. D. D. vasis venosis, efformant.

E. E. E. E. Musculi, ne subjacentium aspectum inhiberent, suo loco remoti.

F. Portio arteria carotidis rete arteriosum emittens.

c. c. c. Rete arteriosum & venosum, sibi invicem intertexta.

g. Ductus e reti arterioso, a latere nervi optici incedens, cum
ulteriori ad oculum excursu, ut in Fig. II. notatum.

h. h. h. Ductus tres oculorum abducentes; quartum regis
nervus.

G. G. G. Vasa venosa, rete partim constituentia.

Fig. 4. Caput Caninum ostendit.

Figura IV.

A. Arteria carotis.

B. Ramus nervum parii quini concomitans.

C. Alter

- C. *Alter in duos divisus; quorum*
 D. *prior,*
 E. *emisso,*
 F. *nervum opticum percurrit, ac in duos divisus ramulos; quorum*
 G. *unus a latere nervi prædicti incedens,*
 H. *fontem in sclerotica constituit:*
 I. *alter infra opticum flexus ab opposito nervi latere, pro*
 K. *fonte tendit.*
 L. *Ductus e fonte in progressu ortus, cum*
 a. a. *ramificationibus suis intra duplicaturam sclerotidis.*
 M. M. *Circulus arteriosus.*
 b. *Ductus oculorum aquosi adducentes.*
 cc. — *e sclerotice circumferentia, hunc circulum ingredientes,*
 Cl. N. *io pro ductibus oculorum aquosis demonstrati.*
 N. N. *Posterior cranium ingrediens cerebrum alluit, e quo*
 d. *vas Nuckianum, a latere nervi optici, intra cranium*
incedit.
 e. *Vas sympatheticum, prout a*
 B. *nervo optico ad alterum latus deflectit.*
 f. *Portio vasis Nuckiani, ubi in vas nostrum sympatheticum*
incidit.
 O O. *Duo ductus oculorum abducentes, qui in*
 Q. *coaliti, in*
 R. *sinum venosum, ex*
 S S S. *vasis venosis efformatum incidunt.*

TAB. II.
 Figura V.

Fig. 5. Fontes supra scleroticam, cum gyris ac anfractibus, ductusque ad vitreum, ad aqueum, cum circulo arterioso ad vitrum depingit.

- A. *Ductus noster novus in*
 B. B. *duos fontes divisus, supra*
 C. C. *sclerotidis portionem,*
 D. D. D. *variis gyris ac anfractibus flectitur.*
 a. *Ramusculi duo, ex fonte uno prorumpentes.*
 F. F. *Divisio fontium, qui in*
 b. b. *scleroticam perforantes*

F. F. cho-

F.F. *choroideam pro*

G.G.G. *circuli arteriosi efformatione percurrunt.*

c.c.c.c.c. *Ductus oculorum aquosi adducentes.*

d.d.d.d.d. *Ductuli laterales e fontibus mirabiliter, ac in-
stir Maandri artificiosissimi, per scleroticam se conor-
quentes.*

e.e.e.e.e. *Ductuli e pradiitis gyris producti, pro vitrei re-
f.f.f. flauratione choroideam densa serie percurrentes.*

TAB. II.

Fig. 6. *Humorem vitreum, in cellulas divisum, oculis spe-
ctandum subijcit.*

Figura VI.

Fig. 7. *Tunicam choroideam explanatam & revolutam
exprimit.*

Figura VII.

A.A.A.A. *Choroidea tunica ac uvea.*

B.B. *Fontium portiones.*

C.C.C. *Circulus arteriosus, ob*

a.a. *tunicam uveam revolutam, ut*

b.b.b.b. *ductus crystallini adducentes cum divisionibus, ex
posterioribus circuli anfractibus prorumpentes exhiberen-
tur, nudus.*

D. *Calculus circulum arteriosum obstruens.*

e.c.c.c.c. *Ductus humorem vitreum advehentes, Figura V de-
monstrati.*

d.d.d.d. *Ductus aquosi adducentes ex anterioribus circuli
anfractibus.*

Fig. 8. *Vasa abducentia per choroideam explanat.*

Figura VIII.

A.A.A.A. *Tunica choroidea ac uvea.*

a.a.a.a.a. *Ductus vitrei*

b.b.b.b.b. — *aquosi cum suis osculis*

c.c.c.c.c. — *crystallini*

C.C.C. *circulum venosum abducentes.*

D. *Circuli venosi duplicatura.*

B.B.B.B. *Ductuum oculorum abducentium portiones.*

E.E.E. *Tres calculi diversa magnitudinis, in ductibus aquosis
abducentibus reperti ac conservati.*

F. *Frustulum cataracta perfecta, quo oculus laborabat, in situ
relictum.*

FF

SECTIO-

SECTIONUM CONICARUM ELEMENTA NOVA

metodo demonstrata, Autore JACOBO MILNES,
 Rectore de Ingeſtre in agro Staffordienſi.

Oxoniz e Theatro Sheldoniano, impenſis Antonii Peisley,
 1702. in 8.

Conſtat 12 plagulis & 19 ære expreſſis.

Altor in his Elementis concinnandis id potiſſimum egit, ut præcipuas ſectionum conicarum proprietates, quam poſſet, breviter & dilucide demonſtratas daret. Hunc in ſinem proprietates cognatas conatus eſt generalibus ut plurimum theorematibus complecti, & reſectis multis, quæ aliarum demonſtrationibus præmitti ſolent, tantum uſu commendatas, aut e quibus penitior natura ſectionum perſpecta ſit, inſeruit; has denique eo ordine diſpoſuit, ut poſteriora a prioribus facili continuo nexu pendeant. In principalioribus ſectionum affectionibus eliciendis, pro inſtituti ratione, methodo peculiari uſus eſt, operis compendio proſpecturus, ſimulque effecturus, ut proprietates haud paucas, alias ſchematicis intricatis laborantes, in plano demonſtrare conceſſum ſit. In cæteris maluit trita via incedere, quam nova ubique demonſtrandi media conquirere, ſateturque in præfatione ipſe, quod Philippi de la Hire (alio librorum ſubſidio deſtitutus) demonſtrationes plerumque adhibuerit: ex quo etiam propoſitiones lemmaticas, quotquot uſui erant, huc tranſtulit. Ipſam tractationem in quinque partes diviſit.

Pars prima duas habet ſectiones. In *priori ſectione* præmiſſis definitionibus ſuperficiæ conicæ, & oppoſita, nec non verticis atque baſeos & axis conî, ut & ſolidi conici, ſectæque partitione conî in rectum & ſcalenum, generale ſectionis conicæ nomen explicat, non omiſſis pronuntiatis, quæ ex definitionibus tanquam corollaria ſequébantur. Quibus ſubjungit theoremata generaliora & ſimpliciora conica, ita quidem, ut non ſolum multas cognatæ demonſtrationis propoſitiones inde tanquam corollaria deducat, ſed etiam ſpecialioribus proprietatibus viam pedetentim præparet. *Propoſitio prima*, quæ e geneſi & definitione ſuperficiæ conicæ clara eſt, hæc eſt: rectam per quodvis ſuperficiæ punctum

a ver-

a vertice ductam, totam contineri in superficie. *Proposio secunda*: Si per duas tales rectas a vertice ductas lineas planum transire concipiatur, id superficiem tantum in duabus dictis lineis occurrere; ergo planum illud inter dictas lineas contentum intra superficiem conicam contineri, atque, si pariter secet basin coni, esse triangulum. *Proposio tertia*: Rectam, quæ connectat bina puncta in eadem superficie, cadere intra conum; sed quæ connectat duo puncta in oppositis superficiebus, cadere extra conum. *Proposio quarta* theorema tale futuris usibus præmittit: Si basi circulari detur contingens, planum superficiem conicæ juxta hanc contingentem applicatum contingere superficiem conicam in linea a vertice ad punctum contactus ducta; neque aliud planum præter dictum juxta hanc ductam contingere conum: ut adeo (quod *Proposio quinta* peculiariter monstrat) facile sit, data linea basin contingente, planum contingens superficiem conicæ adaptare. *Proposio sexta* docet lineam quamvis, quæ parallela est lineæ a vertice ad punctum contactus in basi ductæ, (modo non sit in plano contingente) necessario oppositæ uni superficiem unico in puncto tantum occurrere, & partem unam ejus totam extra, partem alteram totam intra conum reperiri. *Proposio septima*: Rectam a quovis superficiem puncto parallelam rectæ per verticem intra conum ductæ oppositæ superficiem in unico puncto occurrere, atque sic planum per hanc rectam utrique superficiem occurrere, & vice versa. *Proposio octava, nona, decima* agunt de sectione basi parallela & subcontraria. Subnectit hisce definitiones specialiores sectionum hyperbolicæ, ellipticæ, parabolicæ, pro subsequendis theorematibus, quæ multo planiores sunt Apollonianis, præsertim si præcedentia theoremata habeat quispiam perspecta, & faciliorem affectionum demonstrationem suppeditant. Hyperbolen definit esse, si planum plano per verticem intra conum transeunti parallelum secet superficiem conicam: idemque si secet oppositas superficies, vocari sectionem oppositam. Ellipsin esse sectionem plano per verticem, sed extra conum transeunti parallelam. Parabolam vero sectionem esse plano conicam superficiem contingenti parallelam. Unde absque demonstratione sequebatur, parabolam & hyperbolam non concludere spatium, ellipsin vero id facere, circulum ellipsis annu-

randum esse, rectam quæ connectit quævis duo sectionis puncta totam esse intra sectionem, eam vero quæ connectit duo sectionum oppositarum puncta extra sectionem esse, per tertiam propositionem præcedentem. His subjungit theoremata illis definitionibus innixa, & ex planorum tangentium & secantium natura explicanda. *Propositio undecima* est: communem inter sectionem planorum tangentis & secantis conum, contingere sectionem, neque aliam præter hanc unam in eodem puncto sectionem tangere: tangentes vero plures tales in hyperbole & parabola necessario concurrere, in ellipsi autem & sectionibus oppositis posse esse parallelas, & quæ tangat hyperbolen, non occurrere sectioni oppositæ. *Propositio decima quarta* ita explicat naturam asymptotæ, ut ea ex nuda inspectione figuræ & schematis deprehendatur, nempe si secundum rectas in superficie, quæ triangulum intra conum illud, cui hyperbolica sectio parallela est & continent, duo plana applicentur contingentia; illa a plano sectionis extra conum producta ita secari, ut nunquam tamen sectionem contingant. Ex quo sequebatur largæ consecratorum series; imprimis vero hoc, quod quamvis asymptoti, ut in infinitum continuatæ, non contingant hyperbolen, semper tamen propius propiusque ad eandem accedant. Subnectit hæc lemma, quo demonstrat, rectangula ex segmentis linearum basi coni parallelæ, inter quodvis sectionis punctum & asymptotæ interceptis, tum inter se æquali, tum cum quadrato dimidiæ inter asymptotæ verticem contingentis; cujus demonstrationis fundamentum ex 36. tertii Euclid. cum definitione hyperbolæ collata desumptum est. *Propositio decima quinta* generalius demonstrat, si binæ parallelæ sive oppositis sectionibus, sive eidem sectioni, & asymptotis in duobus punctis occurrant, rectangula ex segmentis dicto modo facta esse inter se æqualia. Præmissis deinceps facili lemma *Propositione 16.* subjungit: in hyperbole, & sectionibus oppositis, si binæ quælibet rectæ, vel utraq; ad eandem, vel utraq; ad oppositas, vel singulæ ad singulas, vel altera ad unam, altera ad oppositas sectiones utriusque terminatæ, & (si opus est productæ) sibi mutuo occurrant in aliquo puncto, & utrique asymptotæ, adeoque occursum unius linearum fiat in quatuor punctis; rectangulum unius linearum ex segmento majore, quod est inter punctum asymptoti, & punctum se-

ctio-

dionis, & segmento minori inter talia puncta ad rectangulum ejusd. lineæ ex segmentis inter punctum communis occurfus & puncta sectionum interjectis habere eandem proportionem inter sese, quam rectangula alterius lineæ a similibus segmentis facta. Quid in hoc casu porro fiat, si binæ parallelæ a quacunq; linea vel parallelis binis intersectentur, docet *Propositio decima septima*. Eademque ad parabolam, ut & ad ellipsin *Propositio decima octava* accommodat.

Subsequitur hanc in sectione *Partis I. secunda Propositio decima nona*, quæ generaliter ex natura asymptotæ, propositione decima quarta expensa demonstrat, quod si contingentes vel concurrant vel parallelæ sint, puncta vero contactus linea recta connectantur, quamlibet rectam huic parallelam ita sectionem secare, ut spatia inter sectionem & contingentes sint æqualia. *Propositio vigesima* demonstrat, per punctum concursus & rectæ contactus connectentis medium (aut si contingentes sint parallelæ per medium dictæ lineæ, contingenti parallelam) ductam rectam omnes lineas intra sectionem parallelas bifariam secare. Lineam hanc subjungit vocari diametrum, parallelas bifariam sectas vocari ordinatas, diametri partem inter vertices (hoc est sectionum punctis, quibus occurrit) interceptam vocari diametrum transversam, partem vero inter verticem & ordinatam vocari abscissam; quibus definitionibus per corollarium ex Propositione 17 & 18 subjungitur, rectangula in

{ ellipsi	ex { differentia	} lateris transversi & abscissæ in ab-
{ hyperbole	{ summa	

scissam, habere eandem proportionem, quam quadrata semiordinatarum: in parabola vero quadrata semiordinatarum habere proportionem ad se se eandem, quam abscissæ. *Propositio vigesima prima & secunda* monstrat, lineas in oppositis sectionibus & ellipsi per medium punctum diametri transversæ duobus sectionis punctis occurrentes bifariam secari, atque omnes diametros per hoc punctum intersectionis transire, vocari vero punctum illud sectionis Centrum. Quare *Propositio vigesima tertia* demonstrare poterat, quod linea per centrum ordinatis parallela bifecet omnes diametro parallelas lineas: lineam hanc annotat vocari diametro conjugatam, & in specie si æqualis sit contingenti verticem inter asymptotæ (oppos. section.) interceptæ, vocari diametrum secundam. Ergo inter

Ff 3

qua-

quadrata lateris transversi, & diametri secundæ five conjugatæ, per propositionem 16 esse talem proportionem, qualis in $\left\{ \begin{array}{l} \text{hyperbole} \\ \text{ellipsi} \end{array} \right\}$

inter rectangulum ex $\left\{ \begin{array}{l} \text{summa} \\ \text{differentia} \end{array} \right\}$ diametri transversæ & abscissæ in abscissam, & quadratum semiordinatæ. Unde ulterius *Propositio vigesima quarta* ostendit, quod quadratum semiordinatæ in $\left\{ \begin{array}{l} \text{hyperbole} \\ \text{ellipsi} \end{array} \right\}$ æquetur rectangulo ex $\left\{ \begin{array}{l} \text{summa} \\ \text{differentia} \end{array} \right\}$ diametri transversæ & abscissæ in tertiam proportionalem ad diametrum

transversam & secundam, $\left\{ \begin{array}{l} \text{addita} \\ \text{dempta} \end{array} \right\}$ quarta ad has tres proportionali. Tertiam modo dictam proportionalem parametrum five latus rectum vocari, & rectangulum ex quavis diametro (transversa) & parametro vocari figuram. Si angulus asymptotæ sit rectus, parametrum diametro utrique æquari, & hyperbolæ vocari æqui-

lateram: porro inter rectangulum ex $\left\{ \begin{array}{l} \text{summa} \\ \text{differentia} \end{array} \right\}$ diametri transversæ & abscissæ in abscissam, & quadratum semiordinatæ esse eandem proportionem, quæ est inter diametrum transversam & parametrum. *Propositio vigesima quinta* ex corollario proposit. vigesimæ docet, quadratum semiordinatæ æquari rectangulo ex abscissa in tertiam ad abscissam & semiordinatam proportionalem, hancque tertiam proportionalem esse ipsissimam parametrum five latus rectum. *Propositio vigesima sexta* demonstrat, quod, si in parabola binæ sint diametri occurrentes rectæ cuidam sectionem utrinque contingenti, rectangula hujus lineæ ex sectionibus ab occurrentibus diametrorum factis habeant proportionem, quam portiones inter occursum & sectionem interceptæ. *Propositio vigesima octava*: si in hyperbola & sectionibus oppositis ducantur a duobus sectionis punctis binæ binis parallelæ ad asymptotæ terminatæ, rectangula linearum ab uno puncto procedentium esse inter se æqualia. Hisce subjungit problemata generalia, quomodo in singulis sectionibus inveniatur diameter, (in sectionibus oppositis & ellipsi etiam centrum) quomodo ordinatæ ad datam diametrum appli-

applicentur, quomodo, dato quovis puncto, applicetur contingens, quomodo asymptoti, & tandem parameter inveniatur.

Pars altera occupata est circa proportionem segmentorum in lineis intra vel extra sectiones sese interfecantium, & circa affectiones inde profluentes. Præmittit unicam definitionem divisionis harmonicæ; hanc nempe vocat, quando linea per tria puncta ita dividitur, ut qualis proportio inter totam lineam & alteram extremam partem, talis quoque sit inter alteram extremam partem & mediam. Puncta divisionis vocat puncta harmonicalia. Huic definitioni subjungit corollaria, quæ uti usum haud spernendum habent, ita facilia sunt, dummodo quispiam doctrinam de proportionibus ex elementis habeat cognitam. Præmittit porro lemmata ex corollariis fere deducta, nempe si linea sit harmonice secta, & quævis pars extrema cum media pro una tota linea sumpta bisecetur, (1) bisectionem esse mediam proportionalem inter differentiam partis mediæ & bisectionis, & inter summam partis extremæ & bisectionis; (2) differentiam bisectionis & partis mediæ mediam esse proportionalem inter bisectionem & alteram partem extremam; (3) alteram extremam ad eandem cum media, ut eadem cum bisectione ad totam esse; (4) ut alterum extremum ad mediam cum ipso hoc extremo, sic bisectio ad alterum extremum, bisectionis punctum habens; (5) ut tota ad alteram extremam cum media, sic bisectio ad mediam partem. His interserit definitionem linearum harmonicarum, quas vocat lineas per puncta harmonicalia ductas, vel paralleles inter sese, vel ad unum punctum concurrentes, (6) & (7) cuius harmonicalium parallelam ductam per tres reliquas secari bifariam, &c. &c. (8) Si recta quædam quatuor harmonicalibus quomodocunque occurrat, hanc secari harmonice. (9) Si duæ harmonice divisæ, habeant unum punctum harmonicalis commune, harmonicales per puncta reliqua ductas esse vel parallelas, vel concurrere in puncto communi &c. Sequitur *Propositio prima*: si quamvis sectionem, etiam oppositas, contingant duæ rectæ, & contactibus connexis in puncto concursus contingentium ducatur alia recta in duobus punctis sectioni occurrens, ut & lineæ contactus connectenti, hanc harmonice secari a punctis concursus: per corollaria vero specialiter deducit, quid tum fiat, si quando punctum concursus contingentium reperitur in diametro, vel linea a puncto con-

con-

concurfus ducta fit afymptotis parallela. *Propofitione fecunda*, in parabola puncti concurfus duarum contingentium diftantiam a vertice æquari abfciffæ, pulchra admodum methodo demonftrat de-
nuo, cum ex præcedente jam tum per confeftarium innotuerit..
Propofitio tertia, fi fectionem contingant duæ rectæ, & puncta con-
tactuum connectenti per concurfus punctum agatur parallela, re-
ctam a quovis hujus actæ puncto per mediam connectentis ductam,
occurrentemque duobus fectionis punctis, fecari harmonice ex pro-
pofitione prima, & sexto feptimoque lemmate demonftrat. Ex his
Propofitio quarta a quovis puncto contingentes ducere docet..
Propofitio quinta; fi a linea quadam in plano fectionis nec fectioni,
nec centro occurrente demittatur diameter, ab eodem puncto
duæ contingentes contactibus per rectam a diametro interfectam
connexis, demonftrat ex propofitione tertia, quamvis lineam, quæ
connectat quarumlibet contingentium contactus, in anteducta li-
nea tranfire per interfectionis diametri punctum. *Propofitio fe-
ptima*: fi linea recta non transiens per centrum occurrat fectioni
(fectionibus oppofitis) in duobus punctis a puncto vero hujus li-
neæ extra fectionem fumto, ducantur duæ contingentes, quarum
contactus recta connectantur, docet in hac recta connectente ex-
trinsecus protenfa reperiri punctum, in quo conveniant tangentes
ad primæ lineæ occurfus applicatæ. Septimæ converfam *oſtava*
Propofitio continet. Ex feptima demonftrat *Propofitio nona*, quod,
fi duæ tangant fectionem, & in linea tactus connectente fumatur
punctum extra fectionem, a quo aliæ duæ lineæ tangentes ducan-
tur, hæc illis occurrentes mutuo fe harmonice fecent. *Propofitio
decima*: fi in ellipfi & fectionibus oppofitis ad terminos diametri ap-
plicantur contingentes, quæ occurrant alii cuivis tangenti, rectan-
gulum ex tangentibus prædictis æquari quartæ parti figuræ. Quartæ
ergo parti figuræ etiam æquari quadratum dimidii diametri fecun-
dæ: huic vero proprietati in parabola refpondere, quod quadratum
lineæ, quæ inter verticem & quamvis tangentem interjacet, æquetur
parti quartæ rectanguli ex abfciffa & parametro.

Pars tertia proponit eas affectiones, quæ fectionibus quam
maxime competunt propter occurfum circuli & fectionis. Præ-
mittit unica definitione, circulum tum dici fectionem quamvis tan-
gere,

gere, quando per punctum concursus duci possit recta utramque curvam tangens. *Propositio prima*: Circulum sectioni conicæ non circulari ad summum occurrere in quatuor punctis, vel in tribus, si unum sit contactus punctum, vel in duobus tantum, si duo sint contactus puncta. Demonstrat hoc *εἰς ἀδύνατον* ex doctrina sectionis harmonicæ. *Propositio secunda & tertia* docent invenire axes. *Propositio quinta* docet ducere diametros, quæ ordinatas interfecent ad angulū dato angulo (qui tamen in ellipsi nec major majori, nec minor minori inter binas axem utrumq; connectentes contento esse debet) æqualem. *Propositio sexta* docet idem in parabola facere. *Propositio septima* demonstrat, diametrum in hyperbole secundam minorem esse quavis alia intra asymptotos sectionem contingente. *Propositio octava*: si in parabola ducantur duæ contingentes, tangens a puncto quod proximius est vertici, est brevior altera. *Propositio nona*: Circulus, qui in duobus punctis sectionem tangit, quoad reliqua peripheriæ puncta totus est intra sectionem, vel, si centrum circuli sit in minori ellipseos axe, totus extra sectionem. *Propositio decima*: si in quavis sectione conica axi applicetur ordinata, & puncto occurfus ducantur tangentes concurrentes in axi prolongato, & ab uno ordinatæ extremo ducatur diameter, huicque ab altero extremo applicetur ordinata nova, circulus, qui novæ ordinatæ in utroque extremo occurrit, & præterea tangentem tangit, ex altera parte intra, ex altera parte extra sectionem erit. *Propositio undecima*: iisdem positis, si nova diameter ab eo puncto, a quo nova ordinata ducta erat, ducatur occurrens circulo, hæc linea erit æqualis parametro hujus novæ diametri. *Propositio duodecima*: si parabolam tangat linea, eidemque ducatur parallela duobus sectionis punctis occurrens, & a punctis contactus & occursum applicentur ad quamvis diametrum ordinatæ, a puncto tactus ductæ, duplum æquabitur summæ reliquarum, si sint ad eandem diametri partem, alias earum differentia. *Propositio decima tertia* ex præcedenti infert, si circulus in quatuor punctis occurrat sectioni, semiordinatas ex una parte æquari semiordinatis ex altera parte: si tribus, semiordinatam ex contactu bis sumtam æquari reliquis: si in duobus, semiordinatam ex contactu ter sumtam æquari reliquæ, ex sectione ductæ. *Propositio decima quarta*:

Gg

si pa-

si parabolam linea tangat, & e contactu dimittatur in axem semiordinata, & alia perpendiculariter tangenti insistent, pars diametri inter perpendicularem & semiordinatam intercepta, æquabitur dimidiæ parametro. *Propositio decima quinta*: si in parabola sit axis, & applicetur semiordinata, & per punctum ordinatæ ducatur alia diameter, hujus parameter quadruplo abscissæ superabit axis parametrum.

Pars quarta continet theoremata, quæ ad focum focique distantiam pertinent. *Propositio prima*: si circulus sit descriptus super diametro majori ellipsæos, vel sectionum oppositarum, & a quavis sectionum tangente intersecetur, a punctis vero intersectionum utrinque excitentur perpendiculares usque ad axem, rectangulum ex dictis perpendicularibus æquari (1) figuræ quartæ parti, (2) rectangulo, ex portione axis inter occursum perpendicularis

& verticem intercepta in $\left. \begin{array}{l} \text{summam} \\ \text{differentiam} \end{array} \right\}$ diametri, & dictæ portionis in $\left\{ \begin{array}{l} \text{oppo. sectionibus} \\ \text{ellipsi} \end{array} \right\}$ demonstratio desumpta est ex propo. 10 part. 2.

Propositio secunda: si ad parabolam quævis tangens ducatur, ex vertice vero axi perpendicularis excitetur, occurrens tangenti, & ex puncto occursum hujus excitetur perpendicularis, occurrens axi, portionem axis inter occursum & verticis punctum æquari $\frac{1}{2}$ parametro, puncta occursum, in utraque propo. præced. notata, vocari focos. Subjicitur his commune corollarium: semiordinatam applicatam ad focum æquari $\frac{1}{2}$ parametro, connexam vero, hoc est lineam, quæ ab extremitate diametri secundæ, aut axis conjugati ad focum ducitur, in ellipsi semidiametro majori, in hyperbole vero connexam, hoc est, quæ a centro ad extremitatem diametri conjugatæ vertici applicatæ ducitur, distantia foci & centri æquari.

Propositio tertia: si in sectionibus oppositis & ellipsi ab utroque foco ad quodvis unicum ejusdem sectionis punctum ducantur rectæ, per idem vero punctum ducatur tangens sectionem, angulos inter tangentem utrinque & dictas rectas interceptos inter se esse æquales.

Propositio quarta: si in parabola ad quodvis sectionis punctum a foco linea ducatur, & per idem punctum

tan-

tangens & alia axi parallela ducatur, duas istas lineas utrinque super tangentem facere angulos æquales; porro tangentes binas parabolæ concurrentes continere angulum dimidium ejus, qui continetur inter rectas e foco contactibus occurrentes. *Propositio quinta:* per tertiam hujus partis & secundam sexti elementorum Euclid. expeditè demonstrat, quod in $\left\{ \begin{array}{l} \text{ellipsi summa} \\ \text{hyperbole differentia} \end{array} \right\}$ rectarum ab utroque foco ad idem sectionis punctum ductarum æquetur axi, si-ve diametro transversæ. *Propositio sexta:* si ab utroque foco ducantur rectæ ad idem sectionis punctum in hyperbola & ellipsi, & per idem punctum tangenti excitetur perpendicularis occurrens axi, ab occurſus puncto demittatur perpendicularis in utramque a focus lineam, reſecabunt illæ portiones tum inter se, tum dimidio parametro æquales, idque ex præcedente demonstratur. *Propositio septima:* distantiam foci esse in $\left\{ \begin{array}{l} \text{hyperbole} \\ \text{ellipsi} \end{array} \right\}$ mediam proportionalem inter semiaxem majorem, & ejusdem ac semiparametri $\left\{ \begin{array}{l} \text{summam} \\ \text{differentiam} \end{array} \right\}$. *Propositio octava:* in omni sectione conica, si linea transeat per focum, & in extremis ejusdem sectioni applicentur tangentes $\left\{ \begin{array}{l} \text{concurrentes} \\ \text{parallelae} \end{array} \right\}$ recta per focum $\left\{ \begin{array}{l} \text{concurſum} \\ \text{tangenti parallela} \end{array} \right\}$ faciet ad focum angulos rectos. *Propositio nona:* si in sectionibus oppositis & ellipsi detur uterque focus, & in axe majori (in ellipsi extra sectionem continuato) ſumatur punctum, cujus distantia a vertice sit quarta proportionalis ad distantiam focorum, axem & distantiam foci a vertice, per punctum vero illud agatur linea recta axi ad angulos rectos, & a quovis sectionis puncto ducatur in prædictam recta axi parallela, & alia ad focum, inter has duas esse talem proportionalem, qualis est inter axem & distantiam focorum. *Propositio decima:* si in parabolæ axe prolongato ſumatur punctum, cujus distantia a vertice sit æqualis distantie foci a vertice, per illud vero agatur linea ad angulos rectos, linea a quovis sectionis puncto ad focum æquabitur lineæ ab eodem puncto ad prædictam lineam axi παραλλήλως ductæ. *Propositio undecima:* si in parabola foco applicetur semiordinata etiam extra sectionem continuata,

& a puncto quovis sectionis in ordinatam demittatur perpendicularis, aliaq; ab eodē puncto ad focum ducatur, harum $\left. \begin{matrix} \text{summa} \\ \text{differentia} \end{matrix} \right\}$

si perpendicularis $\left. \begin{matrix} \text{intra} \\ \text{extra} \end{matrix} \right\}$ sectionem ordinatæ occurrat, semior-
dinatæ isti h. e. semiparametro æquatur.. Adjungitur huicce, *Propositione duodecima*, unicum problema, quomodo juxta prædictas affectiones in quavis sectione focus debeat inveniri.

Pars quinta continet quinque problemata, (1) per datum intra asymptotos punctum describere hyperbolē. (2) Datis quibuscunque diametris conjugatis & se mutuo bifariam secantibus describere ellipsin. (3) Data diametro & vertice, lineaque verticem contingente, & alio quovis, per quod sectio transeat, puncto, parabolam describere: (4) Dato axe & utroque foco, describere hyperbolē & ellipsin. (5) Datis parabolæ axe, vertice & foco, describere sectionem.. In quibus omnibus Auctor suæ sibi constitutæ methodi memor procedit, & figuris æneis mira facilitate discipulorum studia excitat..

GEORGII WOLFFGANGI WEDELII THEORIA

Saporum Medicæ,

Jenæ, sumptibus Joh. Bielekii, 1703, in 4.

Alphab. 2.

Rari & pauci sunt autores, qui de Saporibus ex professio scripsere; si unum & alterum exceperis, qui particulatim hunc illum delibarent, ut insar omnium *Laurentius Gryllus*, libro *de dulci & amaro*. Et licet tum Physici, tum Medici eosdem exquisiverint, parcius tamen fere & leviori brachio videas tractatos, inprimis quoad agendi modum, & usus ex illorum *κεφάλαια* fluentes.

Annus ergo est Illustris totoque literato orbe Celeberrimus Autor, primum distinctim scrutari, hinc conjunctim jam examinatos publicæ luci exhibere; veterum sapientiam novis cœquans dogmatibus, simplici via ad usum & theoriā directā. Tota hæc experimentis, rationibus & axiomatibus superstructa SECTIONI-
mus XI ordine absolvitur, conformi in singulis methodo, tribus summis capitibus absoluta..

Agit

Agit enim CAP. I. de *Natura* cujusvis, ubi (1) præmissis distinctionibus specialibus, (2) subjungitur definitio, (3) phænomena, effectus mechanici, experimenta chimica & practica, adeoque originem & causam saporum omnium ad principia Chimica potissimum redigens, indeque illustrans particulas, figuras, mechanicam genuinam, quod singula præstare nesciunt, a sociatis expectat.

Sal primum sapidum in omnibus asserit, & sal geminum in omnibus mixtis agnoscit, cum sulphure & mercurio, quorum modificatione, textura, prædominio, mixtura, non omisso seminario, ut ipse *Gryllus* fatetur, & fermento diverso hæc omnia absolvuntur.

Applicat hoc seorsim *Seß. I. ACID O*, a salis acidi eminentia, & expansione;

Seß. II AMARO, e sulphuris & alcali modulis enato;

Seß. III DUBIIS, ab acido cum sulphure æquabiliter remixto, quod experimentis debitis demonstrat;

Seß. IV AROMATICIS, a sale volatili oleoso grato expanso;

Seß. V ACRIBUS, a salis expliciti eminentia;

Seß. VI CORROSIVIS, a sale magis vel minus acri, & gustu & tactu deprehendendo;

Seß. VII AUSTEIS & ACERBIS, ab acido terreo coadunito;

Seß. VIII OLEOSIS, a principio sulphureo-aqueo;

Seß. IX TERREIS, a terræ variè mixtæ, explicitæ & laxioris, eminentia;

Seß. X-AQUEIS, ex aquæ variè mixtæ prædominio, & tandem

Seß. XI SALSIS, a salis medii potissimum, hinc & alcali ἐξοχῇ oriundis, ubi & τῶν καλεσμένων ἁλῶν, seu appellatarum *Halarum*, præter alia plura meminit.

Ubivis vero junctas offendas differentias specificas, a modulo afficiendi & effectû desumptas; ut acida stringant & pungant: amara laxent & stringant: dulcia laxent ac demulceant: aromatica calefaciant, stimulent & reficiant: acria laxent & pungant: corrosiva absumant & destruant: austera & acerbata stringant, & asperent:

oleosa laxent, laxigent ac demulceant: terrea stringant ac demulceant: aquea refrigerent, humectent & laxent: salsa abstergant.

Hinc CAP. II in recensendo *Ufu* occupatus, distinctis notionibus & positionibus, progreditur a qualitatibus, (quæ quid sint, non minus, ac principiorum hinc inde originationem, & terminos usitatos, passim dilucidat) primis ad secundas & tertias, communes, específicas, internas & externas, omnium & singulorum, uberrimas.

Tandem CAP. III *Abusum*, nocumenta & cautelas debitas, in generibus quibusvis, accurate investigat, non omittis effectibus morboris, in partibus corporis variis occurrentibus & applicatis, ut profint, non noceant, filo Ariadne manuducens.

Summatim vires medicamentorum, velut per *σύνταξιν* e saporibus enatas cognoscendas & applicandas, juxta laudata eorum genera, aliis contra eruere & exhaurire satagit, experientia multorum annorum propria confirmat, stabilitque, quot axiomata, tot, imo plura experimenta dilaudans, ut in via regia progressuris ex præxi theoriam saporum medicam succinctam formatam abunde liceat perspicere & æstimare.

*CONCORDIA. Christliche wiederholte einmüthige
Bekänntniß / xc.*

hoc est:

*CONCORDIA. PIA ET UNANIMI CONSENSU
repetita Confessio fidei & doctrina Electorum, Principum & Ordinum Imperii, atque eorundem Theologorum, qui Augustanam Confessionem amplectuntur. Editio nova, Articulis Visitationis aucta. Appendicis vice Historico-Theologicam Introductionem in Libros Ecclesiarum Lutheranarum Symbolicos addidit M. HENRICUS PIPPING, Ecclesiastes ad D. Thomæ Vespertinus Lipsiensis.*

Lipsiæ, apud Joh. Ludov. Gleditschium, 1703. in 4.
Constat Alfab. sex cum dimid.

QUOD D. AUGUSTI, Electoris Saxonie, auspiciis A. 1580 primum idiome vernaculo prodijt, Christianæ Concordiæ Liber,

ber, Augustanam Confessionem ejusdemque Apologiam, Articulos Schmalcaldicos, utrumque Catechismum Lutheri, & denique Formulam Concordiæ stricte sic dictam complectitur, merosque adeo tractatus exhibet, qui scriptorum Symbolicorum auctoritate in Ecclesia Lutherana pollent, ac, cum insuper dicto solenni sacramento doctrinæ in iis positæ se adstringant ii, qui publicis officiis, & Ecclesiasticis imprimis Scholasticisque, in his oris defunguntur, suo merito omnium manibus terendi sunt. Sed cum inde ab anno 1622 bibliopolarum nullus Germanicam eorum editionem denuo susceperit, istius vero ultimæ exempla dudum distracta fuerint, solertissimus Gleditschius laudabili instituto hanc operam in se suscepit, & ut primæ illi per omnia conformis redderetur hæc, sollicituravit. Addi quoque curavit Articulos Visitationis, A. 1592 in Electoratu & provinciis superioris Saxonie publicatos, quibus alia editiones Germanicæ haud instruuntur. Ut autem scriptorum modorum memoratorum historia illis, quibus ea aliunde nondum innotuit, patefieret, Introductionem peculiarem in notitiam eorundem subnexusit Plur. Rev. Pippingius noster, & (ad eum fere modum, quo in Parte prima Appendicis tripartitæ, editioni librorum Symbolicorum Latinæ A. 1677 primum subjunctæ, processit Celeberrimus Rechenbergius,) post generalem de scriptis Symbolicis, ac de libris, quos Papæi, Calviniani, Sociniani, Arminiani & Anabaptistæ hunc in censum referunt, tractationem, statim ad scripta Lutheranorum Symbolica pergit, & præter tria Symbola Oecumenica, unumquodque in Concordiæ libro ulterius comparens speciatim describit, nec sub finem tractatus quosdam alios publica auctoritate scriptos indicare omittit.

JOH. BARTHOLDI NIEMEIERI, PHILOS. ET
SS. Theol. D. utriusque in Acad. Julia Professoris Publ. Ordinari.
Facult. Philosoph. Senioris, Theologia Dogmaticæ Fidei, in
sum exercitiorum Academicorum adornata, & XXVII.
Disputationibus publicis proposita.

Helmstedtii, 1702. in 4. Constat 1^o alph. 6 plag.

Qui divinas humanasque scientias in florentissima Julia per annos plurimos eximie ornavit & ornat, Maxime Reverendus Auctor,

Auctor, novum sacrae eruditionis & industriae non vulgaris specimen publici juris fecit. Theologiam dogmatum fidei intelligimus, quam nervose admodum & concinne, qua est accurate, conscripsit, annoque elapso typis mandavit. Ipse laudat, nec immerito, Calixti, Hornei, Titii, Hildebrandi, de illustri Academia Julia & erudita pietate immortaliter meritorum virorum scripta, quae in eundem finem ediderunt. Ad horum exemplum non abs re fore arbitratus est, si in gratiam auditorum suorum, qui sanctissimae disciplinae Theologiae operam navant, in summam contraheret, quae vel ad difficiliorum sacrae Scripturae locorum explicationem, vel ad fidei dogmatum confirmationem, vel ad controversiarum decisionem pertinere visa sunt. Eo magis autem opera haec laudari meretur, utilisque juventuti esse potest, quod sacram morum Theologiam eadem methodo celeberrimus Auctor ante annos aliquot exhibuerit, & in usum exercitiorum Academicorum adornaverit. In Theologia hac dogmatum fidei rem omnem ita profecutus est, ut a natura Theologiae exorsus, postquam de Religione, de Scriptura sacra, de Deo ac Trinitatis mysterio, actum fuit, quoad reliquarum partium, quae in disciplinis practicis considerari solent, ita rationem habeat, ut parte generali absoluta, in speciali parte de Ecclesia, de verbo Dei, nec non de Sacramentis considerationem instituat. In toto hoc negotio in id praecipue est annisus, ut sacra Scripturae, sanctorum Ecclesiae Patrum, quin & orthodoxorum Doctorum verbis subinde rem eloqueretur. Cumque examinationibus, quibus in scientia studii Theologici firmiores redduntur juvenes, librum hunc apprime inservire certum sit, liberalibus ingeniorum certaminibus & viginti septem disputationibus publicis a saepe laudato Autore fuit subjectus.

LIBRI NOVI.

- Codex Apocryphus Novi Testamenti, animadversionibus illustratus a Jo. Alberto Fabricio. Hamb. apud Benj. Schiller, 1703. 8.
 Sacra Themidis Hispanae Arcana. Auctore D. Gerardo Ernesto de Frankenau. Hannoverae, apud Nic. Forsterum, 1703. 8.
 Burcardi Gotthelfii Struvii Bibliotheca Juris selecta. Jenae apud E. Cl. Bailliar, 1703. 8.

* * * *

ACTA ERUDITORUM,

publicata Lipsiæ

Calendis Junii, Anno M DCC III.

*COSMOLOGIÆ SACRÆ A NEHEMIA GREW
edita Lib. III. IV. & V.*

Londini, 1701. fol.

Cosmologia Growianæ, cujus primum atque secundum librum mense proxime elapso recensuimus, liber tertius providentia sua Deum gubernare hoc, cujus Auctor extitit, universum, demonstrat, occultasque sapientiæ divinæ in mundi administratione semitas rimatur. Ostenditur hic ante omnia, providentiam dari, *ex perfectionibus Dei*, qui cum rebus, ut existerent, curam impenderit, operationibus earum, quæ sunt finis existentia illius, non intendere non possit, quippe cujus sapientia sit indignum finem negligere, cum mediis animum advertat: quæ etiam non ferat, ut faciat opus, quod factum cura sua atque sapientia indignum putet. Potentiam vero providendi Deo negari non posse, nisi testes impotentia suæ eum condidisse statuere velimus. Idem simili ratione ex rerum creaturarum imperfectione, & hujus universi structura evincitur. In hoc enim evidens esse, semper inferiora a superioribus, materiam a motu, motum a vita, sensu & phantasia, hæc a ratione pendere; unde ad varios gradus celestium mentium, & denique ad primam causam omnibus prospicientem, necessario deveniatur. Hanc vero providentiam primo quidem esse universalem, idque patere rursus ex perfectione divina cum fine creationis comparata, eodem modo, quo existentia providentiæ in genere exinde elucebat. Deinde esse

CAP. I.

Hh

ordi-

c. II.

ordinis & decori observantissimam, idque patere tum ex subordinatione causarum secundarum, sine quibus Deus nihil omnino agat, tum ex ordine, quo munia sua illæ obire deprehendantur, qui exemplis ex omni genere rerum creaturarum petitis demonstratur. Fines providentiæ semper certos esse, nobis licet ob immensam eorum varietatem, multivariam subordinationem, distantiam a suis causis, occultas rerum ad quas pertinent naturas, nostræque imbecillitatem, plerumque ignotos. Hanc ipsam vero ignorantiam, pro hominum ingeniis majorem atque minorem, venerationem Dei in operibus ejus augere, siquidem artifex, etiam in humanis rebus, eo majorem apud omnes laudem consequatur, quo longius opus ejus omnium captum superare fuerit deprehensum. Hinc interea concludendum, nihil dari, quod proprie loquendo sit mere contingens: talia enim quædam respectu ad homines, non vero ad Deum, habito dari posse, qui si agat non concurrente consilio humano, *Fortunam*, si suspendat etiam atque occæcet humanam prudentiam, *Fatum* id appellare mortales consuevissent. Ad hanc providentiam divinam pertinere omnes rerum effectus naturales, variasque rerum secum invicem junctarum facies & respectus: v. g. quod cometæ & eclipses aliaque, quæ omnium prodigiorumque nomine veniunt, magnos eventus rerumque mutationes non producant quidem, sed tamen præcedant. Omnes autem universi partes, apte adeo sibi invicem respondentes, providentiæ eas continentis bonitatem loqui & justitiam, quam magis etiam firmiter humana natura terminos justæ & injusti complexa, quam Deus ita, ut suæ injustitiæ testis sit, condere non potuerit. Neque justitiam Dei providentis infringi malorum permissione; malum enim culpæ permittendum, nisi sibi ipsi contrarius esse, & cum voluntatem rationalem concesserit homini, usum ejus tollere velit. Malum vero poenæ, majestatis & justitiæ suæ tuendæ gratia, in causis suis sapienter a Deo constitutum fuisse, malum culpæ diu antea prævidente, quamvis & ipsi sibi mali poenæ plerumque causa mortales existant: proportionem interea inter culpam & poenam egregie semper, quod exemplis ostenditur, justitiam providentiæ illustrant.

frante, bonitate ejus ex eo, quod ita semper bona malis mixta deprehendantur, ut illa tamen prævaleant, elucescente; quemadmodum, ut alia ejus rei argumenta taceamus, in morbis plerisque, quibus ipsa natura medicinam ut plurimum invenit: imo & exinde, quod vel ea etiam, quæ noxia maxime videntur, suum tamen etiam usum, quo damna quasi compensent, habent. Imprimis vero providentiam divinam circa respublicas conspicuam esse. Cum iis eam versari sicut cum singulis personis, quarum membra sese afficiant mutuo; unde mirum non sit, majorum virtutes & vitia posteris sæpe vel emolumento esse, vel damno. Ita autem hic providentiam sese exercere, ut manifestissimum sit, per ipsam regnare Reges: Deumque nequicquam obstantibus humanis consiliis, cui visum fuerit, reipublicæ habenas permittere; quod ex profanis monumentis, Romanæ tamen imprimis Historiæ, prolixè demonstratur. At & vitam futuram atque cœlestem providentiam respicere, de cujus existentia nos dubitare non sinat corporei & vitalis, quem appellat, mundi conditio. In eo enim cum eadem materiæ & motus servetur perpetuo quantitas, cum ipsa quoque rerum principia naturæque motus non mutantur, omnibus quippe generationibus alterationibusque sola eorundem principiorum diversa mixtura perfici solitis; absurdum fore, ullam diminutionem in mundo vitali, vel alterationem minimam, sive in substantiis principiorum vitalium, nedum nobilissimæ eorum speciei, mentis intelligentis, sive in operationibus earum essentialibus admittere. Idem confirmari firma hominum de sensu post fata persuasione, quam prodat abunde famæ perennaturæ studium. Vitam istam cœlestem præsentem esse nobiliorem, suadere id, quod per gradus in hac vita proficiamus, secus quam bruta animantia, indicio non obscuro, nos sensim sensimque ad sublimiorem vitam componi. In corpore vero vitam istam cœlestem esse degendam, inde evinci, quod per saltum non sumus perficiendi, inter nos vero & puros spiritus alii interpositi sint, quod in parte secunda ostensum, corporibus, sed nobilioribus induti. Corpora ista hisce, quibus nunc utimur, nec similia, nec eadem cum iis fore; namque in omnibus generationibus a minus eccellente

c. III.

c. IV.

corpore ad excellentius, a semine ad plantam fieri progressionem: corpora item ista nostra cibum requirere atque potum aliaque, vitæ illi cœlesti minime convenientia. Mentis itaque nostras ad sublimiora evolantes, proprii sui corporis embryonem secum auferre, corpore hoc nostro, quod sepulcro relinquimus, uteri cujusdam vices obeunte, ex quo ad alteram illam vitam nascamur. Corpus hoc sensu & phantasia præditum esse; id quod eodem modo, quo libro II de spiritibus inferioribus, probatur. Cumque, ut antea monstratum, substantialis mutatio, neque corporeæ, neque vitali parti superveniat, easdem quoque inclinationes in alterum mundum nos comitari, sed ob phantasiam majores vires, ipsas quoque vehementiores: proque earum ratione bona malaque a Creatoris providentia nobis necessario evenire. Illudque judicium necessario competere ei, qui exacte boni & mali limites perspectos habeat, coram omnibus exercendum, ut omnibus de Judicis æquitate rectius constet, actiones singulorum, earumque cum aliorum gestis relationem manifestantis. Præmiorum & poenarum naturam facile concipere, qui facultatum seu corporis seu mentis in illa vita naturam expenderit; quibus proinde fusius exponendis in istis angustiiis superfedemus. Sed ista, quid faciat providentia divina creaturis, declarant; jam quid exigit ab iisdem, & quæ sit, ad quam componi illas velit, regula dispiciendum. Geminam illam Autor statuit, legem naturæ, & legem positivam. Legem naturæ esse legem rationis, quæ licet sit imperfecta, certa tamen sit, quousque quidem ejus comprehensio extenditur. Sensu eam superiorem esse & phantasia, eique imperare debere, cum ipsa de sensu, non autem vicissim de ea sensus ferat judicium. Hinc vero consequens esse, legem naturæ seu rationem exigere, ne ad nos tantum, sed ad Deum omnia referamus: hoc vero facere, virtutem, obligationem ad faciendum agnoscere, naturalem religionem esse. Sane enim nihil magis naturæ, h. e. rationi, convenire, quam ut temperantiæ, per quam cum corpore animus vigeat, operam navemus, ut Deum cognitum amemus, atque sic de ceteris virtutibus, quibus, vel ad nos vel ad Deum, cetera referuntur. Et hæc de lege naturæ. Præter eam vero legis

Cap. V.

C. VI.

posi-

positivæ etiam necessitatem suadere corruptum hominum statum, cui corrigendo lex naturæ non sufficiat (quod ex legibus moribusque cultissimarum etiam gentium demonstratur) Deique perfectionem, quem, ut Dominum, leges condere par sit, quarum præcise ratio subditis, qui iisdem obligantur, non constet: quid quod creaturam obsequio idoneam eum condidisse, probabile non sit, quam deinde legi positivæ, ad quam aliunde, quam ex propriæ rationis dictamine obligetur, non alligaverit? ut ceteras ejus rationes taceamus. Hanc vero legem Dei positivam primo contineri in Ebraico veteris Testamenti codice, cujus antè omnia fides & integritas pro indubitata sit supponenda. Hanc ut extra omne dubium ponat, curiosam codicum V. T. inter Judæos asservationem in suis archivis, assiduam in templis & synagogis temporibus solennibus lectionem, descriptionem frequentem legibus quoque sancitam, variorum codicum & versionum antiquarum consensum, & diligentiam Masoretharum maxime urget. Diversitates vero si hinc inde nonnullæ deprehendantur, amanuensium illas deberi oscitantæ, & orthographiam sæpius quam sensum spectare, vel alias momenti esse perexigui. Neque esse existimandum, punctorum vocalium in antiquissimis codicibus defectum, summæ in legendo & interpretando licentiæ, infinitæque adeo lectionum varietati occasionem dedisse; eorum enim officium Matres, quas vocant, lectionum supplevisse. Multo minus Judæorum malitiam suspectam nobis integritatem sacrorum codicum reddere debere, ut quibus & voluntatem corrumpendi sua in eos religio, & facultatem ante Christi natales ignorantia conditionis regni Christi, post eos exemplarium per orbem disperforum multitudo ademerit. Ast non integritatem tantum suam scripturis V. T. sed veritatem etiam summamque excellentiam constare: quod post Eusebium, Grotium, Huetium aliosque religionis Christianæ defensores, proluxa eorum, quæ profani scriptores memoriæ prodiderunt, cum sacra V. T. historia instituta comparatione, & præclaris eorum de sacrorum monumentorum præstantia testimoniis evincitur, eaque occasione, quid Plato imprimis ex illis profecerit, diligenter pervestigatur. At & ex insitis argumentis ve-

Lib. IV.

c. II.

c. III.

ritas illa atque excellentia firmatur: ipsa ante omnia scriptorum antiquitate, quæ longo intervallo, quicquid habemus profanorum monumentorum, post se relinquit, & quæ fidenter rebus expositis non conciliare non possit, cum sacri scriptores vel res gestas a sua memoria non valde remotas, vel quarum pars ipsi extiterint, describant. Sic Moſen a mundi originibus vix quinque atque viginti generationibus abſuiſſe, quas a maioribus divinitus inſpiratis, literis haud dubie etiam conſignatas acceperit, propius etiam a reliquorum, quorum geſta expoſuit, Patriarcharum temporibus abſuiſſe, ipſum interſuiſſe reliquis. At certe verum ipſum atque unicum partis Pentateuchi leges complexæ autorem exiſtere, cætera hiſtorica, ſi non ab ipſo, auſpiciis certe ejus conſignata fuiſſe; quod aliquot contra Spinofam argumentis evincitur. Simili ratione reliquorum librorum V. T. autores plerofque, & notos nobis, & valde antiquos eſſe. Si qui vero librorum ſactorum vel partium eorundem autores nos lateant, hoc ſaltem conſtare, ex publicis Judæorum monumentis, quibus conſciendis Sacerdotes & Prophetæ præerant, eos ſua depromiſſiſſe, adeoque ad autores, de quorum veritate dubitari nequeat, denique rediri. Hanc vero porro curioſa temporum notatione, ſolicita genealogiarum textura, accurata minutarum etiam rerum, ubi opus fuerit, obſervatione, ſimplicitate ſumma, majeſtate incomparabili, conſenſu perpetuo non niſi apparentibus contradictionibus (quarum oppido multæ, a Spinofa atque aliis veritati Scripturarum oppoſitæ, ſolvuntur) laborante egregie firmari: quibus omnibus argumentis ſummum denique pondus addat, Scriptorem N. T. de veritate ſcriptorum antiqui fœderis teſtimonium. Contineri autem ſcriptis iſtis rerum geſtarum & miraculorum variorum hiſtoriam, vaticinia item & leges varias. Hiſtoriam rerum geſtarum, non niſi relatu digna cognituque maxime neceſſaria, & quæ alibi vel non inveniantur omnino, vel ex ſacris iſtis monumentis repetantur, complecti: qualia ſint, quæ de primigenia generis humani perfectione & lapſu habemus, & quæ Sanchoſiathon ac Herodotus de rebus antediluvianis ex ſacris accipere: alia enim nunc prætermittimus, præter ac exempla narrationum

tionum, in quibus Autor, cum triviales primum eas intuenti videantur, maxima rerum momenta animadvertit. Quantum ad miracula, eorum veritatem ex ipsa narrationis ratione aliisque eorum pertinentibus argumentis patere, uberius Autor commonstrat. Huc spectare ait, ut miraculi natura nobis sit cognita. Esse igitur miraculum extraordinarium quendam effectum cujusdam nobis ignotæ in natura potentia, divina autoritate in circumstantiis suis limitatum, finis cujusdam convenientis obtinendi gratia. Hanc definitionem insignioribus V. T. miraculis convenire docet, de quibus varia curiosius annotavit. Mosis & Magorum baculos in serpentes veros transmutatos neutiquam fuisse, siquidem indignum futurum sapientia divina fuisset, animam cum omnibus externis internisque organis condere, quam mox destrueret rursus, sed phantasticam tantum serpentum induisse speciem. Fini vero, quem intendebat Deus, hoc suffecisse, cum imitabile Satanæ id fuerit, cujus tamen potentia a Deo ita limitata, ut ex Mosis baculo factus serpens reliquos deglutiret, & indurationi cordis Pharaonis, & confirmationi Mosis occasionem dederit. Miraculum pediculorum, a Mose productorum, ex definitione data ita fere esse explicandum: Scilicet ovula forsan insecti illius, pulveri ubique majori copia quam aliis annis admista, & subito animalcula ista edentia, hominum corpora illis perfudisse. Utcunque autem & undecunque illa advenerint, adventum eorum ad tempus istud a Deo, finis sui consequendi gratia, fuisse adstrictum, quo pulverem virga Aaronis percutiebat. Sic ranas, sic locustas naturalem causam advexisse; sic cum ceteris etiam rem sese habere, quarum limitatio certi temporis, loci & personæ respectu, miraculi faciem illis induat. Certe autem miracula illa esse patrata, tot spectatores, tot alias circumstantias abunde evincere. Per mare rubrum Israelitis viam stravisse Eurum vehementissimum, undas maris ubique in glaciem constipantem, quod ipsum & Aegyptiis insequendi animos feceris: Favonium vero glaciem constipatam solvisse, fluctibusque marinis Pharaonis involvisse exercitum: Deo, ut & isto præcise tempore, & ea qua nunquam alias efficacia venti illi spirarent, efficiente. Korah cum suis terræ motu periisse, Deo naturales cau-

cau-

c. VI.

causas, ut illo demum tempore *ἐπέστη* suam exerent, disponente; alios vero 250 rebellionis ejus complices igne periisse, fulmine scilicet ex sulphureis exhalationibus, quas terra hians reddiderat, accenso; directione interea divina ex eo, quod omnes illi & soli in tam vasta multitudine perierint, abunde elucescente. Aaronis virgam facta vegetationis acceleratione floruisse. Hierichuntinos muros terræ motu concidisse, Dei gubernatione tum exacte eos quatiente, ubi sacras circa urbem processiones populus Dei absolvisset. Sed a miraculis ad prophetias. Eas evincere, nullum dari absolute contingens, licet ad nos, ut supra ostensum, habito respectu quædam contingere dicantur. Esse enim Prophetiam declarationem præscientiæ divini, quocunque temporis spatio remota per longam causarum notarum nobis ignotarumve seriem complexæ, & cum certitudine de effectu secuturo conjunctæ. Aliquid miraculi eas habere, hinc esse manifestum; de eo igitur quæri tantum, an veræ prophetiæ libris V. T. contineantur, & annon potius vel corruptæ phantasiæ, cui forte fortuna responderit eventus, vel prudentiæ humanæ longe antea futura prospicientis, quæ pro talibus venditantur, sint tribuenda. Veras esse, & modum factæ revelationis, & argumenta earum, & eventus prædictioni respondentis evidentiâ probare; quod longa exemplorum inductione probatur. Sed de legibus denique, quas V. T. complectitur, agendum. Hic

c. VII.

primo de legibus Adamo datis Clarissimus Autor agit, inter quas primum locum obtinet præceptum de Sabbato, quod ob rationem additam, ad legem positivam universalem pertinere concludit. Posteris Adami post lapsum novas leges a Deo latas haud dubie esse, cum non probabile sit, Deum qui naturam rectam legibus instruxerit, corruptam sibi reliquisse, atque inter has fuisse leges de sacrificiis, ex non obscuris argumentis colligi. Novam legis divini dispensationem Noæ obtigisse, eique præceptam inter alia abstinentionem a sanguine & crudis carnibus, ut humanæ consuleretur naturæ, cui non varii tantum corporis, sed & animi morbi ab isto victu immineant, utque parcendo humano sanguini hoc magis Noæ progenies sese affue-

fa-

faceret. Leges vero alias, etiam in Scripturis non consignatas, a Noacho posteris traditas fuisse, colligi ex Gen. 13, 13. 20, 3. ubi peccata redarguantur, quæ ex lege naturæ non possint argui, legemque adeo positivam supponant; item ex eo, quod Gen. 8, 20 Noah sacra fecisse dicitur certo more, qui nuspian lege sancitus legatur. Quemadmodum & Gen. 15, 9. 10 Abraham aves non dividat, haud dubie ex legis cujusdam non scriptæ directione: qua etiam de Sacerdotiis aliquid sancitum fuisse, Melchisedeci historia probet; ut alia ejus generis argumenta taceamus. Noachicæ legi successisse Mosaicam: promulgationem ejus fuisse majestate conspicuam, decorumque in diversis partibus legis, morali scilicet, ceremoniali & judiciali promulganda, exacte fuisse observatum: methodum ubique deprehendi decentissimam: ipsam rationi, & finiqui intendebatur, esse accommodatissimam. Finem istum vel temporalia respicere, politicumque esse, & æconomicum atque privatum; vel spiritualia: utrumque quomodo Mosaicæ leges assequantur, variis exemplis monstratur. Sic leges de abstinentia a certis cibis, manifeste sanitati tuendæ inservire, primumque adeo scriptorum diæteticozum Mosen exitisse. Suillam enim carnem in istis tractibus lepræ causam sæpe exitisse, siquidem & Ægyptiis abominabilis ea, Herodoto teste, fuerit, suillumque lac scabiem producere Plutarcho, carnem vero, nisi bene igne subigatur, cholæræ morbos provocare Hippocrati sit creditum, imo ne in Anglia quidem æstivo tempore comedatur, quod diarrhœæ & febrium sæpe causa existat. Dasypodis esum prohiberi, ut ne fovendi istius animalis, quod frumentariæ rei tantopere noceat, ulla causa existat. Insectorum, testaceorum æque ac alatorum, prohiberi usum, quod nimis in istis regionibus ex ignea natura trahenti Veneri stimulos addant. Similes aliarum legum rationes esse. Purgationes puerperæ, & mariti satis longo tempore ab ea abstinentiam exigere, ne fluoris viridis spurcicia, in fuscis maxime puellis, quales sint istarum regionum pleræque, graveolentis, nauseam mariti & inde animi aversionem producat. Coitum cum menstrua uteri sæpe prolapsus causam esse in Græcis puellis, Hippocrati esse observatum, proptereaque Judæis eo in-

terdici: ut alia innumera taceamus. Sed & spiritualibus uſibus pleraſque leges conducere, legem ſcilicet omnem moralem, imo etiam ceremonialem cultum, qui totus ad demonſtrandam ſapientiam, potentiam, providentiam, accuratum in rebus conditis ordinem ſit compoſitus; id quod ex tabernaculi imprimis ſtructura & ſacerdotali veſtitu demonſtratur, cujus partes pene omnes ſymbolice explicantur. Atque ea occaſione ſuam de *Vrim* & *Thumim* ſententiam Clariffimus Autor exponit, quæ duas imagunculas fuiſſe Spencero minime concedit, cum Judicum XVIII, 14. 17. 18 manifeſte ab imaginibus diſtinguantur. Fuiſſe igitur duas gemmas, adamantes forte auro incluſos, *Seraphim* vel alio quocunque nomine angelico inſignitos. Hos vero, cum familiari atque nota omnibus ratione ſplendorem in tenebris eis conciliare liceat, vi divina ad voluntatem Dei ſignificandam certis temporibus eum naſtos fuiſſe, ut moneretur populus, penes Sacerdotes explicationem legis eſſe. Animalia quoque impura concernentes leges, præter ſupra traditum finem, ſpiritualia reſpexiſſe: per eas enim ab idolomania gentium, quæ divinis honoribus beſtias iſtas proſequebantur, & commerciis infidelium, qui cibis hujusmodi oblectabantur, populum abſtractum fuiſſe. Et alias magnam legis ceremonialis partem ad repurgandam Medicinam, quam in Ægypto didicerant, & cujus origo atque progreſſus ſuſe exponitur, a Magicis ſordibus ſpectaſſe. Nec typicum tamen uſum harum legum proſus eſſe excludendum, imo potius ſolicite obſervandum. Ex his vero atque aliis omnibus patere, non eo legem ceremonialem pertinuiſſe, ut Iſraelitis in externam cultus pompam proclivioribus ſatiſfieret; neque Ægyptiarum ſuperſtitionum imitatione eam conditam fuiſſe; quin ipſos contra Ægyptios, poſt Salomonis tempora, ejus reverentia ductos, Judaicos ritus adoptaſſe. Sed & Novi Teſtamenti ſcripta legem Dei poſitivam complecti, Liber quintus demonſtrat. Eis quoque integritatem ſuam conſtare, ante omnia evincitur, factò ab ipſis autoribus eorum diſſerendi initio, quorum cuivis ex eccleſiaſticis monumentis ſcripta ſua vindicantur, ipſis hæreticis quoque in partes vocatis, quibus non opus fuiſſet ſollicito iſto in corrumpendo ſtudio

dio, si autoribus istis eripere fortis suos potuissent: quod proinde etiam hostes Christianorum implacabiles, Celsus, Porphyrius, Julianus, ne ausi quidem fuerint facere, suis temporibus Ecclesiarum autographis facile revincendi. Ab his descriptis, ipsis viventibus Apostolis virisque Apostolicis, exemplaribus fidem negari non posse. Multo minus auctoritatem ipsis scriptis canonicam negari posse, cum per donum propheticum, quod diu satis in Ecclesia viguit, constare de ea potuerit. Mutationes vero, quæ alicujus momenti sint, nullas ab eo tempore passa illascripta fuisse: Patres enim orthodoxos id facere nec voluisse, nec potuisse, ab hæreticis statim prodendos. Hæreticos vero non potuisse, cum non facile fuerit genuina exemplaria ubique per orbem Ecclesiis eripere, ipsisque inter se de corrupteliis ob errorum varietatem consentire non valuerint. Firmare vero hoc abunde MSS codicum, versionum & allegationum apud Patres consensum, imo ipsas lectiones variantes, quæ si non numero, momento certe sint exiguæ, nullumque corrumpendi studium prodant, sed potius ex iteratis descriptionibus, additionibus vel illustrationis vel supplementi loco in usus privatos adjectis, omissionibus oscitanter factis, & correctionibus, quibus vel versiones vel Patrum allegationes extemporaneæ occasionem dederant, proficiantur. Veritatem & excellentiam librorum N. T. ut demonstraret, nec deceptos ipsos, *αὐτόπας* quippe vel ab *αὐτόπταις* instructos, sacros Scriptores fuisse ostendit, nec decipere voluisse; imo simplici faciliq; iis, qui modo stylo N. T. sint assueti, narratione sibi fidem facere. Nec res ipsas quippiam, quod fidem non mereatur, habere; quod longa locorum, quæ tale quid habere videbantur, excussione firmatur. Non voluisse autem decipere, ex eo, quod non succedere potuisset impostura, & quod emolumenta ab illa nulla, sed maxima potius incommoda ipsis essent expectanda, patere. Imo & ex ipsorum simplicitate, modestia, in propriis vitiis observandis sinceritate, consensu demum sive cum Judaicis quibusdam monumentis, sive cum Vet. Test. oraculis, sive denique invicem secum; qui tantus sit, ut nullis nisi apparentibus contradictionibus, quarum oppido multæ diluuntur, locum faciat.

c. II.

c. III.

Sed miracula quoque excellentiæ librorum N. T. aliquid addere, eorum veritatem ex omnibus circumstantiis patere, & infidelium quoque testimoniis firmari. Morborum curationes in specie virtuti cuidam sanatiæ, ut ita loquar, e corpore Christi emananti, quam non ægre concipiat, qui contagio morbos propagari meminerit, deberi, idque ex Marc. VI, 56, Luc. VI, 19, VIII, 46 firmari. Miraculosam tamen illam fuisse, quæ contrarios plane morbos fugaverit. Miracula e longinquo patrata, Spirituum bonorum ministerio patrata esse. Panis in deserto mirabilem multiplicationem factam esse per subitam principiorum ejusdem naturæ in aere volitantium accessionem, qua ratione plantæ etiam nonnullæ in aere solummodo suspensæ incrementa capiant. Stellam Magis apparentem, fixam nec novam forsitan fuisse, atque in eodem loco, dum in Arabia Judæaque observaretur, persistentem, radio quodam mobili speciem motus sui edidisse atque ita in vertice ædium, ubi Christus erat, subsistere visam esse. Miraculorum autem istorum omnium eos fuisse fines, qui de divina eorum excellentia dubitare nos haud sinant, imprimis doctrinæ Christi confirmandæ ea inservisse. Hanc & credenda

c. IV.

& agenda complecti. Credenda, qualia sunt doctrina de una Dei essentia, tribus in eadem personis, divina Jesu Christi ἡγοϋ̃, ejusdemque in carne manifestatione, clarius multo quam in V. T. revelata esse. Hujus postremæ vero & decentiam & necessitatem, justitiam divinam miseramque corruptionem nostram nec Mo-
sis lege, nec philosophia sanabilem, abunde probare. Porro Spiritus S. divinitatem, providentiam divinam, electionem; justificationem, sanctificationem, ministerium angelorum, resurrectionem & judicium luculenter exponi, ita tamen ut mysterio propterea non careant, quod statuere nuper docti quidam in Anglia viri ausi fuere. Horum sententia, forte non malo prolata animo, abuti tamen facile proterva ingenia posse, ad Scripturarum contemptum suæque rationis imperium stabiliendum. Equidem mysterii vocem primò ceremoniam in vulgus non proferendam notare. usum tamen ad omnia aliquid abstrusi habentia eam transulisse, qualia sint non in divinis tantum pleraque, sed & in naturalibus plurima, quæ tamen pro ingeniorum diversitate magis mi-

nus-

namque talia esse possint. Illa tamen cum ea ex parte, qua nobis innotescant, in augenda scientia, tum ea, qua obscura sunt, in admiranda impercrutabili sapientia divina nobis prodesse. Quantum ad agenda, ut ad ea a credendis transeamus, circa ea versari præcepta evangelica. Ea vel universalia esse, vel particularia certum genus hominum, Apostolos v. g. concernentia; utrorumque excellentiam ex συγκατάβασις atque proportionem cum humana ratione, indole spirituali, præriorum amplitudine, & exemplo a Christo ea observante nobis exhibito elucescere. Modum vero ac rationem, qua leges istæ proponuntur, sapientissimam esse, multa argumenta evincere. Vaticinia denique Salvatoris N. T. scriptis comprehensa, vel ejus διὰ τῶν παθημάτων τελείωσιν, vel magnos eventus eam subsequutos concernere. Eventus illos magnos esse prædicationem Evangelii in omnibus gentibus, Hierosolymorum destructionem, persecutiones eam infecutas, & Christianismi in Romano Imperio confirmationem; qui omnes ita fuerint comparati, ut humana prudentia prævideri non potuerint, exactissime tamen fuerint a Christo prædicti.

c. V.

c. VI.

NOUVELLE BIBLIOTHEQUE, &c.

i. c.

BIBLIOTHECÆ NOVÆ AUCTORUM ECCLESIA-

sticorum Tomus XIV, continens Auctores Sec. XVI. scriptores

LUDOV. ELLIES DU PIN, Doctore

Theol. Paris. & Profess. Regio.

Parisius apud Andr. Picalard, 1703. 4. Alph. 5 pl.

POSTquam Auctor tomo præcedenti res dimidii Seculi XVI exposuerat, ut superiori mense p. 203 seqq. dictum est, pergit suo more Scriptores Ecclesiæ Pontificiæ addictos, qui ab A. 1500 usque ad A. 1550 floruerunt, recensere, in præfatiuncula ipsæ, nec immerito judicatis, nullum esse Bibliothecæ suæ tomum; qui plura hoc ipso notatu digna contineat. Itaque Scriptorum, quos perceruset, vitam initio enarrat; dehinc libros ad rem Theologicam spectantes eorumque contenta singulari diligentia enumerat, imo quosdam eorum ferme in compendium mittit; denique judicio suo addito, auctores dimittit.

Initium a *Jo. Capnione* facit, cui Epistolas obscurorum virorum attribuit pag. 4, admonens tamen, nonnullos eas *Hutteno*, quem ex *παραπομπῇ* pro *Ulrico Henricum* vocat, adscripsisse. In *Jac. Almaino*, Theologo Parisiensi, ingenuum animum laudat, ejusque de Potestate Ecclesiastica & Laica librum diligenter enotat; ubi animadvertas, doctissimum Virum in recensendis iis libris, qui Ecclesie universae & Conciliorum jura contra Pontificem defendunt, peculiarem industriam adhibere. De *Jacobo Hochstratano* lepidam historiolam p. 12 narrat, quem Comes *Nuenarius*, ab illo laesus, ovorum & caseorum emptione in sua ditione prohibitum, ad sanio-rem mentem revocavit. Multus est in edisserendis *Erasmi Roterodami* rebus & scriptis, a pag. scilicet 12 usque ad 91. Inter alia observat, *Erasmum* a *Carolo V* Consiliarium status, cum ducentorum florenorum stipendio, fuisse constitutum, p. 15. Eundem Imperatori & Gallorum Regi consuluisse, ut societatem 150 eruditorum instituerent, veritatis, praesertim Theologicae, investigandae gratia, qui delegatos ex societate sua pauciores eligerent, p. 16. conf. 46. Singularia sunt, quae p. 16 de controversia *Erasmi* cum *Hutteno* leguntur, quam a delectis arbitris, *Rhenano* & *Amerbachio*, ita sopitam *Pinius* refert, ut *Erasmus* 20 florenis multaretur. Hujus Epistolas, *Militem Christianum*, *Moriam*, *Methodum Theologiae*, *Exomologesin*, controversias cum *Dorpio*, *Fabro Stapulensi*, *Leo*, *Latomo*, *Stunica*, *Natali Beda*, *Petro Sutore*, *Alberto Pio*, Principe *Carpensi* & *Luthero* diligentissime recenset; nec non Censuram propositionum ejusdem a *Sorbona* editam, quae p. 77 seqq. videatur. Denique contra *Erasmum*, Concilium in Hispania, praeside *Alphonso Manriquez*, Archiepiscopo *Hispalensi*, habitum, sed peste, rebus infectis, dissolutum fuisse, p. 85. enarrat. Hanc prolixitatem Auctor resarcit breviori enumeratione rerum scriptorumque *Raimundi Peraldis* Cardinalis, *Jo. Raulini* Theologi Sorbonici, editis sermonibus & zelo restituendae disciplinae ecclesiasticae elari, *Jo. Baptista Spagnoli Mantuani* Generalis Carmelitarum, Poetae sacri, *Godofredi Buffardi*, Theologi Sorbonici, *Jo. Ludovici Vivis*, *Claudii Sreysselli* Archiepiscopi Taurinensis, celeberrimi *Waldensium* adversarii, *Sylvestri Prientræ*, alias *Mazolini*, Generalis Ord. *Dominicanorum*, *Pauli Cortesii* Protonotarii Romani, *Jac. Wimpelingii*, quem

ob veritatis studium deprædicat, & *Æl. Antonii Nebriffens.* De *Thoma de Vio Cajetano* Cardinali memorabilia plurima refert, præsertim, quod cum immatura ætate, qua de auctoritate Pontificis scripsit, traditionibus fuerit addictissimus, senescens soli se studio sacrarum literarum ex Hebræis Græcisque fontibus addixerit, Rabbinicos quoque præceptores auscultans, & in eorum placita ferme ad superstitionem declinans. Pauciora, sed notatu dignissima, commentatur de *Mattia Ugonio* Episcopo Cyprio, Synodiæ Ugoniz scriptore, de *Christophoro Marcello* Archiepiscopo Corcyrensi, deque *Thoma Illyrico* Monacho Franciscano. In *Henr. Corn. Agrippa*, quem inter Theologos referre Auctor non dubitavit, vita variam hominis fortunam accurate describit, adjecta tamen invectiva in ejus de peccato originis invenustum sententiam: a magiæ crimine eum absolvit, ejusque de vanitate scientiarum libellum non proletrarie laudat. *Jo. Fischero*, Roffensi Episcopo, multum elogii tribuit: nec minus *Thoma Moro*, quem ob explicationem passionis Christi Theologis annumerat. Post hos *Job. Driedonis* Theologi Lovaniensis, *Philippi Decii* Jcti ob Canonici Juris scripta huc referendi, *Natalis Bedæ* Sorbonici, *Jac. Fabri Stapulensis*, *Petri Sutoris* Sorbonici, *Eustachii Rivii* Lovaniensis Theologi, *Hieronymi Hangeſti* Canonici Cenomanensis, *Jo. Lansbergii* Carthusiani Monachi, *Jo. Majoris* & *Jac. Merlini* Sorbonicorum, *Casp. Contareni* Cardinalis, *Josua Clichtovai* Sorbonici, *Jo. Fabri*, Episcopi Vindobonensis, *Jo. Eckii*, *Albertii Pigbii*, ac *Jac. Latomi* Lutheromastigum, *Franc. de Viſtoria* Theologi Salamanticensis, *Franc. Vatabli*, cui segnitiam sæpius objectam p. 176 observat, *Beati Rhenani*, *Jac. Sadoleri* Cardinalis, *Georgii Cortesii* Cardinalis, *Christoph. Longolii*, *Jo. Gagnei* Sorbonici, *Augustini Streuchi Eugubini* Episcopi Chisamenſis, & *Pierii Valeriani* Protonotarii Romani, res summatim, sed eleganter exponit, de Cortesio p. 181 observans, Herſiliam Cortesiam ipsius fratre natam, ejus epistolas & tractatum de Petro Romæ vivente edidiſſe; de Eugubino vero p. 184, eum Apologiam barbæ Presbyterorum conscripſiſſe contra illos, qui a Pontifice bullam contra eandem impetrare nitebantur. *Jo. Cochlei* vitæ scriptorumque diligens enumeratio operi finem imponit.

Omnia

Omnia hæc esse lectu digna, ambiguumque ex dubia hac cœna feligendi provinciam esse, nemo non animadvertet. Ne tamen morem nostrum migremus, de Vivis & Nebrissenſis historia quædam excerpemus. *Jo. Ludov. Vives*, Valentinus Hispanus, de quo p. 99 seq. agitur, Philosophiam Parisiis addidicit, & Lovanii perfecit, ibidemque elegantiores docuit literas, lectus inde præceptor Guilielmi Crouyaci, Archiepiscopi post Toletani & Cardinalis, quo præmature mortuo, A. 1522 in Angliam abiit, eodem apud Mariam, Henrici VIII filiam, munere fungens, & Oxonii quoque literas docens, visitante aliquando ejus lectiones Henrico IX Rege & Catharina Regina. Orta inter conjuges istos divortii controversia, Reginx partibus Vives adhæsit, quam ob rem sex mensium carcere punitus est, & Brugas Flandrorum dimissus. Quo loco uxore ducta humanitatem docuit, diemque obiit A. C. 1536, vel 1537, vel ut alii ferunt, 1545, quadraginta octo annos natus. Pinus noster ejus de veritate religionis Christianæ libros cumprimis laudat, mentionem quoque facit Instructionis uxoris Christianæ, Triumphi Jesu Christi & Paraphraseos Psalmorum, quos pœnitentiales vocant, a Vive conscriptæ. Stylum ejus censet purum, sed durum atque exsanguem esse; affectationem eruditionis, cacozeliam Philosophorum paginorum & dialecticæ Stoicæ eidem tribuit. Solent nonnulli Erasmus, Budæum & Vivem triumviros literarum suæ ætatis constituere, istique eloquentiam, illi ingenium, huic judicium excellens proprium facere. Alia Pinio mens est, qui Erasmus ingenio & judicio, Budæum linguarum notitia & profana eruditione, Vivem Grammaticæ, Rhetoricæ & Dialecticæ peritia principem existimat.

Ælius Anton. Nebrissenſis, de quo p. 120 seqq. agitur, Nebrissæ Vandalitiorum natus A. 1444, patre Jo. Martinez de Cala, Ælii nomen sibi adscivit. Literis in Academia Salamanticensi ac Bononiensi, simulque legibus, operam dedit. Redux in Hispaniam apud Alphonsum de Fonseca, Hispalensem Archiepiscopum, commoratus est. Post hæc Salamanticæ Grammaticam Rhetoricamque docuit, indigneque a Rectoribus Academix habitus, Ximenio Cardinali adhæsit, admotus operi, quod ille meditabatur, polyglotto & Compluti docendi provinciam nactus. Ejus observationes criticas in quæ-

quædam loca Biblica Pinius in compendium redegit, ac Polyhistor rem fuisse Ælium judicat. Obiit A. 1522 apoplexia prostratus, relicta, præter filios, Francisca filia adeo docta, ut patrem in componendis, & ipse forte impediretur, prælectionibus publicis sublevarit.

Si qui omisi sint scriptores, eorum se alio loco mentionem facturum Auctor spondet.

REGLE SCIENTIARUM ACADEMIÆ HISTORIA.
Autore JO. BAPTISTA DU HAMEL.

Parisiis apud J. B. Delespine, 1701. 4.

Librum quintum doctissimi operis proximo mense recensuimus. Liber VI a nova Academiæ forma exordium ducit. Sunt autem Regiæ sanctiones numero 50, quarum summa: Rex Academiæ perpetuus erit Patronus. LXX Academici distinguuntur 4 ordinibus: I Honorariorum 10, regnicolarum: II Pensionariorum 20, Lutetiæ habitantium, ex quibus sex disciplinæ, Geometria, Astronomia, Mechanica, Anatomia, Chymia, Botanica, singulæ ternos sibi vendicant, additis Secretario & Quæstore, utroque perpetuo: III Aggregatorum 20, quorum 12 regnicolæ illis 6 disciplinis bini operam dent, & 8 alii regionis sint & studii cujuslibet: IV Alumnorum 20 Lutetiæ degentium, quorum singuli suo Pensionario similis studii adjuncti sint. De horum electione, qualitatibus, conventionibus, laboribus, moderatione, communicatione, scriptis, suffragiis, sessione, tabulis, supellectile, typographia, remuneratione prudentissimæ leges feruntur, quibus hoc illustre Corpus Regio quasi Spiritu informatur.

Pars I Acta A. 1699 complectens, Physica Sect. I proponit, brevissime tamen, cum commentarii pleniores jam prelo consignati sint. De luce & coloribus *P. Malebranchius* systema suum delineavit, cum systemate soni consentiens, quo statuit vibrationibus continuis, quibus materia subtilis premitur, luminis speciem; celerioribus aut tardioribus, varias colorum species præberi. E.g. Si corpus coloratum 12 efficiat pressionis vibrationes, cum aliud corpus 6 tantum exerit, hoc magis a priori in colore discrepat, quam aliud corpus, ex quo 9 vibrationes prodeunt eodem temporis intervallo.

Kk

vallo. Loco globulorum Cartesii, quibus ceu secundo suo elemento lumen explicat, substituit perparvos subtilis materię vortices comprimi faciles, qui in diversis sui partibus varias excipiunt pressiones. Collatio observationum Barometricarum in Gallia & Anglia docuit, variationes hydrargyri non satis sibi constare, interdum eadem, interdum discrepante constitutione aëris utrobique regnante. Pluvię quantitas per plures annos in Belgica arce Insularum 23 pollicum, collata cum 20 poll. Lutetię, monstrat, uberio rem imbris copiam in ea Belgii urbe decidisse.

De notissimo fonte ardente circa Gratianopolin Cap. 2, ut & de aquarum mineralium examine quędam subjiciuntur. Inter Chymica Capite 3 opus *D. Lemery* de Antimonio publicandum promittitur. Quantitatem salis in spiritibus acidis cum inutili phlegmate mixti, ope salis tartari quęsivit *D. Homberg*, invenitque 1 unc. spiritus nitri continere 2 drachm. salis. Tabulam itaque condidit, qua ex hoc ponderis augmento, quo sal tartari ex absorptis liquoribus crevit, concluditur, quantum salis acidı cuivis liquori insit; hæc, & altera tabula, qua cujuslibet chymici liquoris discrepantia ponderis maxima æstare & acerrimo hyemis frigore inventa determinatur, rebus explicandis magno usui esse poterunt, e. g. aquę reg. ex spir. nitri & sale ammon. paratę 1 uncia, alterum tantum auri dissolvitur, quam ab 1 uncia spir. sal. quia 1 unc. spir. nitri duplum salis acidı continet ejus spiritus, qui salis uncia continetur. Id tandem notari meretur, qua ratione ferrum a rubigine illa sum servari possit. Adipis suilli minutius concisi 8 libras, pellibus & carnibus detractis, vasi fictili novo & plumbato imponi jubet, tribus aut 4 aquę cochlearibus additis; liquatus adeps & per linteum trajectus eidem vasi affunditur cum 4 uncis camphorę contritę; leni ignis calore una ebulliant, dum camphora penitus dissolvatur, tumque adhuc calenti plumbaginis tantum injice, quantum necesse est, ut ferri colorem induat. Hoc adipe suillo ferrum aut chalybs illinatur, postquam sic incaluerit, ut vix manibus atrectari possit, quo facilius adeps penetret, tum linteo abstergendum; adeps sic paratus vasi rite occluso includendus, ne exhalet.

EMER-

Mendationem mixturæ illius metallicæ, qua typographici characteres alias fundi solent, Cap. 4 continet. Vulgo 20 libræ cupri, 10 libræ antimonii, 100 libræ plumbi una miscentur; cuprum & stibium per strata alternis in catino ordinibus disposita liquantur, scoriis detractis plumbum separatim fusum catino imponitur. Sed hæc mixtura typi formas non satis exprimunt, cum literarum crura non in quadrum, sed in rotundum formentur, characterē ipso plus satis arctato. *D. Homberg* itaque remedium adhibuit. Usitata hujus mixturæ 6 partes miscet cum 1 p. bismuthi, & 1 p. stanni; hæc in unum conflata concretionem effecerunt probatam, & vulgari præstantiorem; nam litera per convexam lentem acrius inspecta, partes sui minutiores archetypis suis omnino consimiles, crura bene expressa, non rotundata, sed quadranguli forma, corpus non macie imminutum subjecit oculis: mixtura paulo durior vulgari & minus fragilis, unde characteres majoris usus & in longius tempus duraturi videntur. Anatomicis quoque injectionibus per artificium applicat, ut vasa & eorum rami illæsa conserventur, & materia ad vasorum extrema perveniat. Partes æquales plumbi, bismuthi & stanni una fusæ beneque mixtæ speciem metalli constant, quod leni admodum calore liquatur; hoc per epistomium cupreum probe calefactum, & collo campanæ vitreæ pariter calefacto insertum, in vasa animalis, tubulorum ope infundibulo adherentis infunditur, exhausto prius ex campana aëre.

Disceptatio de ovali foramine in fœtu, illiusque usu, Cap. 5 recensetur, una cum argumentis, quæ ex accurata testudinis terrestris dissectione, pro systemate ovorum tuendo adducuntur. Singularis admodum est structura cordis humani, tribus ventriculis inter se communicantibus instructi; sed an circa quæstionem de ovali foramine, ex tam insuetis naturæ portentis ad consuetum ordinem aliquid concludi possit, merito dubitatur. Senis pene centenarii corpus dissectum, novem postremas dorsi vertebrae in os unum & continuum coalitas exhibuit. Circa dentes adutorum observatur, non ipsum os dentis, sed ejus solum crustam (ac velut encaustum) ab osse omnino diversam crescere. Dissectiones sunt factæ circa æquilæ femur & pedem; item pelicanum & tigridem. Insecti quo-

que ejusdam secus flumina, *Demoiselle* nuncupati, genus describitur.

Circa Botanica Cap. 6 notatur parallelismus ramorum cum solo in patulis arboribus, fago, quercu &c. Inclinato nempe ad planum stipite, rami nihilominus ad planum sunt quodammodo paralleli; vicissim stipite ad perpendicularum stante in inclinato solo, rami sunt itidem solo inclinato paralleli; denique stipite eodem habitu in supercilio clivi stante, utrinque rami sequuntur habitum folii, sive ad planam, sive ad devexam ejus partem. Causa ex habitu radicum & fibrarum tractione super punctum divaricationis ramorum & radicum deducitur: radices enim una cum trunco & ramis ex iisdem constant fibris & rectis & sibi mutuo parallelis, &que ab extremis radicibus ad caudicem usq; & ad ramorum apices extenduntur; duplicem itaque efficiunt angulum, unum in collo radice, alterum in rami collo, eruntque adeo ut duæ lineæ in unam incidentes, vel angulis rectis vel obliquis alternis æqualibus, adeoque semper parallelæ. Experimentis porro quæsitum est circa stirpium sales, utrum eos e terra plantæ trahant, an fermentatione vel alia ratione in plantis ipsis fermentur. Terra hortensis & nigra, omni prius sale per aquam calidam exuta, in varias capsas æquali mole distributa, eodemque nasturtii, fœniculi &c. semine conspersa est; duæ capsæ aqua solum pura, duæ autem aqua bitro imprægnata irrigatæ sunt; grana in singulis optime germinarunt, in sale tandem nulla saporis differentia: unde patet, sales in plantis maxima ex parte formari, quales se produnt, & sales qui terræ insunt, configurationem suam in ipsis plantarum organis, juxta fermenta insita, prorsus mutare. Occasione salis essentialis tamarisci, observat *D. de Tournefort*, præpropere nimis salem essentialem ex succis plantarum extrahi solitum: horum enim eadem est ratio, quæ tartari, quod a vino, nisi post certum temporis spatium, non sæcernitur. Itaque diu expectandum est, donec succi ex plantis expressi salem omnem essentialem deponant, neve mucorem contrahant, oleum ad digiti altitudinem aquæ affundi debet, & in vase fictili per annum sunt relinquendi: Sic magna salis essentialis copia e fumaria post 7 aut 8 menses colligitur, cum vix aliquot grana post 7 aut 8 dies more solito extrahantur. Existimat idem, manna Calabriæ nil esse præter arbo-

arboris ornī salem essentialē sulphuri admistum, manna Brigantiniū esse salem essent. lariēis; imo & saccharum quarundam arundinum in America Australi salem esse essentialē. Hinc succorum in plantis effluvia ad 4 genera revocat:

1. Sale essentiali abundat, ut manna, saccharum, mel &c. in florū parte infima.

2. Sunt resinz purz & oleosi succi extra sua vasa effusi, ut in abiete.

3. Sunt succi aquosi & glutinosi instar mucilaginis, ut gummi in sola aqua solubilia, ut in nostris cerasis & prunis.

4. Sunt resinz & gummi, partim in aqua, partim in spiritu vini dissolubilia.

Singulare est Sect. II Cap. I in occultatione stellaz a Luna, quod ubi stella extremum limbum Lunæ lucidum attigisset, adeoque a corpore Lunari tegi debuisset, per aliquot tamen secunda horæ disco Lunari illuminato insistere visa sit. Ratio phænomeni non ex Lunæ atmosphæra, quæ nulla est, sed ex apparentia majore lucidæ Lunæ deducitur. Mentio quoque sit observationum *D. Flamsted*, circa stellâ polaris a polo ipso distantiam variatam, quibus Copenianum systema motæ terræ confirmatum voluit; *D. Cassinus* filius autem observationes Anglicas cum Gallicis consentire quidem fatetur, negat tamen eas in motum terræ annuum referendas, uti argumentis tam Geometricis quam Astronomicis probat. Quæ de eclipsi Lunæ d. 13 Martii & Solis d. 23 Sept. breviter indicantur, in ipsis commentariis proxius deducta erunt. Inter Geometrica Capz Bernoullianum problema: *Quadrare infinita prope segmenta & festores cycloidis*, ut & alterum *celerrimi descensus*, cum solutionibus recensentur; & circa Algebraica monitum *D. Rolle* notandum est, quo Algebraicas methodos ab optimis autoribus propositas, quæque pro tutis vulgo habentur, suis mendis non carere, & interdum eas falsas esse asserit, promittitque se tutiores certioresque methodos suffecturum. Quænam curva sit aptissima dividend liquidi partibus, quæque navis facillime moveatur, Cap. 3 quæritur, solutioque *D. Marchioni de l' Hospital*, *Newtono* & *Facio* ascribitur. Musculorum vires in femoribus & cruribus experientia fultus *D. de la Hire* æstimat 140 librarum; imo cum pondus incumbit

homini 150 librar. muscoli eum erigentes 290 libr. pares sunt, sed ultra 2 aut 3 poll. altitudinem vix attollitur. Equus in trahendo vincit hominem, 7 quippe hominibus par viribus; sed homo vincit equum in ascensu, & 3 homines singuli 100 libris onerati citius per clivum ascendent, quam equus 300 libris onustus. Porre in Sequana singulari artificio extractæ descriptio in Actis Academicæ anni 1699 explicatur. De clepsydram divisione actum. Pistrinum caloris vi agitatum in Historia Gallica expositum indicatur. Notabile est, quod de affricu machinarum monetur, falsam esse illam persuasionem vulgarem, affricum duorum corporum, quæ moventur & sibi mutuo applicantur, hoc majorem esse, quo superficies inter se conjunctæ & collisæ sunt majores; id vero certum, non illum augeri affricum, nisi penes corporum majorem aut minorem pressionem, vel penes majora aut, minora, quibus onerantur, pondera. Determinatum quoque, resistantiam hanc esse tertiam fere partem ponderum quibus premuntur, & attritum eo majori difficultate vinci, quo velocius partes attritæ feruntur; si e. g. homo 30 libr. pondus funi per trochleam trajecto illigatum sustineat, pressio utriusque erit 60 librarum, affricus autem erit $\frac{1}{3}$ hujus pressionis, nempe 20 librarum, posita velocitate potentia æquali ponderis velocitati; quare ut pondus 30 libr. sursum tollatur, potentia opus est 50 libr. & paulo amplius, quasi ponderi 30 libr. 20 libræ additæ fuissent.

Circa Catoptrica Cap. 4 multiplicatæ imaginis objecti ratio redditur, cum vitra sunt plana; ubi ejusmodi vitri superficies non exquisitè esse parallelas asseritur, & inde telescopiorum vitris examinandis modus deducitur. Vitri ustorii grandes effectus, (quorum parandorum artem D. Tschirnhaus invenit) quoniam a Generosissimo Autore his ipsis Actis A. 1697 Sept. p. 414 antehac inserti fuerunt, præterimus.

Ultimum seculi & Historiæ suæ annum 1700, Libri VI parte altera complectitur. Inter Physica Cap. I. notantur loca Delphinatus: mons, quem inaccessible vocant, cujus situs inversus est, quique apici suo innixus videtur, nam basis ejus ambitus est 1000 passuum, summum autem 2000; & spelunca prope Gra-
tia-

tianopolin, cujus aditus miræ est altitudinis, & lacus sub monte leucam latus. Systema soni in genere, & speciatim formatio vocis humanæ dein tractantur, ubi negatur, vocem in trachea ut in tibia formari, sed rimulam, quæ glottis appellatur, esse primarium vocis organum docetur. Hanc, licet ita sit angusta, ut minor sit lineæ latitudine, actu esse divisam in 6912 particulas, quarum aliz aliis sint majores: nam subductis calculis, tonos in totidem partes dividi posse. Subjiciuntur quædam de aquarum lapidificarum & thermarum examine.

Inter Chymica Cap. 2 de liquoris acidi ex antimonio extractione disquiritur. Egregio porro experimento fulminis, tonitru & terræ motuum natura illustratur. Nempe, ex æquis limaturæ ferri & sulphuris in pulverem contriti partibus aqua dilutis fit mistura, quæ in massam redacta spatio 2 aut 3 horarum citra ignem manet. Hæc massa fermentescens incalescit, vapores ex ea erumpunt calidi, si mediocris est quantitatis, sed in majori mole, ut 30 aut 40 librarum, flammæ erumpunt. Eadem mistura 50 librarum ollæ fictili longæ & angustæ imposita, inque terram defossa, post 8 aut 9 horas facit terram superpositam intumescere, quæ dehiscens primum exhalationibus, dein flammis erumpentibus exitum præbet, effuso circum flavo & subnigro quodam pulvere: in olla refrigerata pulvis solum ater & gravis superest. Hinc terræ fremitum oriri, & cum ventus ille sulphureus exitum non habet, diu perstare, probabile est; dato exitu, ventus prorumpens typhonem procreat: hinc ignes subterranei, fatui, thermæ, in nubibus fulmina. Hoc novo experimento probari potest: Vasi satis amplo, cui collum resectum, 3 unciz optimi spir. vitrioli, & 12 unciz aquæ comm. affunduntur; cum mistura incaluerit, $\frac{1}{2}$ unc. limat. ferri injiciatur iteratis vicibus; statim vapores albi ascendent, quibus filo cerato incenso prope orificium admoto, fulminatio cum strepitu orietur. Ex materia in vase residente parat D. Lemery suum vitriolum Martis. Docetur inter artis medicæ arcana habita solutio calcis, qua calcis recentis 1 libræ, 6 partes aquæ pluviz & calidæ spatio 24 hor. affunduntur; tum aqua per chartam emporeticam trajicitur. Administratio ejus in Batavia cum alterantibus, cum purgantibus, aut metallorum tin-ctura

Aura ex stanno, cupro & regulo antim. martiali simul fufis, dein pulverifatis & carbonum nitrique additione detonatis, cumque fpiritu vini aut juniperi in digeftione pofitis, paratur; 2 libris aquæ cakis, 2 aut 3 unciz hujus tincturæ affunduntur. Hujus mifturæ 6 unciz quovis die hydropicis & fcorbuticis præfcribuntur. Sed in regionibus Gallicis aliter fe rem habere, docuit experientia. Potest hæc aqua cum lacte conjungi, aut cum ptifana D. Boyle, qui 8 libris aquæ calcis lignum fafafræ, anifi, glycyrrhiæ ana 4 unc. citra calorem infudit, uvarum Damasc. aut Corinth. 2 unc. Dofis eft 2 unc. bis unoquoque die. Panditur & myfterium guttarum Anglicanarum, quæ funt fpiritus volatilis e ferico crudo deftillatus, cum oleo cinnamomi, aut quovis effentiali oleo rectificatus. Odorem habent magis tolerabilem, quam præparatio falis ammoniaci, aut cornu cervi. Subjicitur quoque analysis chymica hypecacuanæ albæ, cineræ & fubnigræ. Vires falium alcali dimentendi ratio docetur Cap. 3, quæ in eo confiftit, ut terreftria alcali in pulverem trita primum in 1 unc. fpiritus nitri, dein in 1 unc. fpiritus falis exfolvenda ponantur, & quantum e fingulis, & quam cito fuerint diffoluta, diligenter notetur: cujusque alcali diverfa quantitas, ut eandem fpiritus acidi quantitatem abforbeat, acidi vim paffivam dimetitur. De diffolventibus Mercurii quoque agitur, qui utrorumque diffolventium metallicorum, aquarum nempe tam regalium quam fortium viribus folvitur, non eodem tamen modo, quamvis certa ratione præparatus citius in aqua reg. quam in aqua forti exfolvi poffit. Spiritu itaque falis fimplici, aqua F. cui fal ammon. accessit, fpiritu nitri cum fpiritu falis conjuncto, fpiritu nitri cum fale comm. cohobato, fed celerrime fi cum fublimato corrosivo aquam R. aquas, folvitur; nam ut 1 unc. mercurii diffolvatur fpiritu falis, 4 aut 5 menfibus opus eft; per fublimatum 1 hora id perficitur Hydrargyri partes omnes non effe homogeneas, purgatio Mercurii, amalgamata cum regulo Martis & Veneris, aquaque calda tam diu loti, dum aqua omnem nigrorem exuerit, docebit; mox exficcat, amalgama, in retorta extillatur, novum amalgama cum novo regulo paratur, idque ut prius lavari & diffillari folet; poft amalgama fexto diffillatum Mercurius fit

niti-

nitidior, adeo ut nona, aut decima lotione peracta, aqua omnino pelluceat. Sordes illæ non ex regulo, sed Mercurii intimis oriuntur; nam alias novus regulus novas afferret sordes. Hæ vero nil sunt præter terrestrem materiam & levem cinerei coloris, non fusibilem, sed quæ boracis & sublimati additione, encausti certis coloribus inusti speciem præbuit. Ex 3 hydrargyri libris $5\frac{1}{2}$ drachmæ hujus pulveris prodire.

In Botanicis Cap. 4. mira plantarum sæcunditas tam spontanea, quam coacta prædicatur, ita ut arbor turbine ramis omnibus truncata sic damnum compensare possit, ut pro singulis ramis amissis 5760 aut 8280 reponere queat. Et seminum occulorum in uno grano latentium incredibilis summa in acetosa pratensi esse perhibetur, nempe 1, 419, 581, 604, 410. Oleum uberius aut parcius ex plantis educi, secundum artificis operandi modum, monetur; nec oleum fœtidum exire, nisi sub finem distillationis, cum pars acidior, & sal urinosus a planta separata stillant, adeo ut tria illa stirpium principia per retortæ rostrum exeant fere eodem tempore. Seminis fœniculi 1 libræ leviter contusæ 6 libræ aquæ communis affusæ, post 15 dies arenæ balneo extillatæ bisque cohobatæ, 2 dragmas, 56 grana olei essentialis dederrunt. Idem 1 libræ ejusdem seminis contusi affusæ sunt 3 unciz spiritus dilutæ 1 aquæ comm. libra; post 8 dies, 20 libræ aquæ tepidæ his affusæ; cunctis in digestionem leni positis per 8 dies, 5 & amplius dragmæ olei essentialis prodierunt. Rosæ ante distillationem in aqua communi spiritu vitrioli temperata per 15 dies maceratæ, pene tertia sui parte oleum essenziale auctum largiuntur. *D. de Tournefort* de plantis, quæ in maris fundo nascuntur, marinis notat. eas nullis fulciri radicibus, sed solidis quibusdam corporibus lamella quadam tersa & polita, quæque nullas admittat fibras, adhærescentes, peculiari quodam modo crescere ac ali. Ejusdem iter, Regis jussu in Græcia, Asiam & Egyptum susceptum, quo plantas Dioscoridis, Theophrasti &c diligenti subjeceret examini, memoratur.

Inter Anatomica Cap. 5 paracentesis puellæ hydropicæ notabilis est; non enim aqua, sed lac per tubulum exiit, ac operatione quovis decimo tertio die iterata, 13 aut 14 pintæ Paris. seu 26 aut 28 libræeductæ fuerunt. Hunc liquorem pro chylo, e lacteo

vase disrupto effuso habitum, alii aquam hydropicorum, sed chylo extra vasa fuso temperatam æstimarunt. De naturæ medullæ agens scriptum rejicit veterum sententiam, quæ eam ossi alimento esse putaverant, statuitque illam os emollire, & oleo suo minus fragile efficere. Observationes Anatomicas, utpote in Historia Gallica & Commentariis fusius descriptas, omittit Autor. Notari autem meretur mulier 22 annorum, quæ post diuturnam ægritudinem coepit paulatim decreescere, ad 1 usq; pedis altitudinem, cujus post obitum ossa quæque, exceptis dentibus, visa sunt instar ceræ molliæ, & flexibilia, omnis cavitatæ & medullæ expertia; item vermis in sinu superiori cerebri infantis quinquennis, de acerrimo dolore ad radices nasi conquerentis, 4 poll. longitudine inventus, terræ lumbricis consumilis, qui per novem horas vivus perstitit.

Brevissime Sect. 2 Mathematica decurruntur, & Cap. 1 Problema Bernoullianum proponitur: *In plano verticali curvam lineam invenire, quam corpus inter descendendum libero motu & proprio pondere describat, lineæ singulis punctis semper insistentem, cum vi aequali gravitati absoluta.* De sensu vocis, *gravitas absoluta*, prius disquiritur, eaque vim centrifugam, quæ vi extraneæ ad centrum inflectenti corpora resistunt, denotari docetur, quoniam eo major est, quo arcus infinite parvus circuli minoris est portio. Posset itaque fieri, ut in curva a corpore delineata, gravitatis impressione semper diversa existente, vis centrifuga sic varietur, ut una alterius excessum defectumve emendet aut expleat, ita ut utriusque simul sumptæ effectus absolutus corporis gravitati semper æqualis sit. *D. Marchionem de l'Hospital* solutionem dedisse monetur. *D. Varignon* de velocitate motus, quæ ratio est spatii decursi, & temporis, (spatium itaque per tempus divisum quotientem præbet velocitatem,) tam in motibus uniformibus, quam acceleratis, aut retardatis, ita agit, ut vires centrales in theoriâ suam inducat, quæ vires semper eadem sunt, semperque applicatæ, quæque mobile ad certum punctum dirigunt. Hinc cum celeritas, tempus & spatium inter se combinata triplicem tantum eorum habitudinem suppediteant, duobusque datis, tertium facile inveniatur; vi illa cen-



ANCIA

is ChristianiBimi
emia Scientiarum
ationes revocata

IVILLIS.

ITALIA

ANCIA

olis. Nica

Antipolis. Nica

urhus

00

trali adjecta sextuplex emergit inter ea habitudo. Methodum sic disposuit, ut una ex sextuplici illa ratione cognita, aliæ 5 innotescant.

Quæ tandem Cap. 2 Astronomica tanguntur, periodum 116000 annorum a D. Cassini inventam eclipsi Lunari 5 Mart. 1699 applicant. Periodus enim illa novilunia ad eadem zodiaci puncta, ad eundem hebdomadæ diem, & horam sub eodem meridiano revocat, eaque Epactis in Calendario Gregoriano longe faciliori methodo definiendis aptatur. Defectionis Solaris 23 Sept. 1699 varias observationes idem, methodo sibi familiari, ad longitudinum differentias adhibuit. Refractiones luminis in regionibus polo vicinioribus duplo majores esse, quam in climate Gallico, ex Solis in occidentu refractione, jussu Caroli XI Regis Suecorum observata, patuit. Pendulorum ad temporis accuratam mensuram adhibitorum, varia in variis locis longitudo designatur. Tandem brevis historia de meridiana linea, ab Observatorio Regio ad meridionales regni fines perducta, sinem illustri huic operi imponit. Ubi accurata diligentia, loca lineæ meridianæ primitus ductæ circumjecta, ad plures leucas ab invicem remota, sunt observata, eorumque anguli ad meridianam & ad se invicem magnis sumti sunt instrumentis; nullis locis occurrentibus arbores sunt erectæ, aut tumuli ex se mutuo, & ex præcedentibus locis visibiles, & sic ad Pyrenæos usque montes, nunquam interrupta triangulorum serie, opus ipsum perductum fuit. Elegantissima & accuratissima totius Galliæ tabula trineisa, & propriam perfectionem, & quantis deviationibus communes tabulæ a vero locorum situ discedant, clarissime loquitur, quam proin & hic exhiberi, operæ pretium duximus.

TAB. III.

DOCT. PHYS. D. DOMINICI SANGINETI AP-
puli Dissertationes Iatrophysicæ.

Neapoli, apud De Bonis, 1699, in 8.

Plag. 16.

Sublimioris ingenii ac veros Philosophos nunquam certæ Scuidam sectæ addictos, sed libere semper ad veritatem inquirendam philosophatos fuisse, vel unius Galeni exemplo con-

scire potest, quem *Lib. 2. de Morb. Vulg.* ita differentem legimus: *Ego quidem neque in Hippocratis solum scriptis, sed in omnibus Antiquorum libris observo, ut non temere, qua quisque ipsorum dixerit, approbem: sed experientia & ratione, verumne an falsum sit, examino.* Non sine ratione itaque *Clarissimus Vir, Dominicus Sanginetti*, opusculi præsentis Auctor, animadvertendum esse putat in illos, qui Philosophica & Medica tractantes, nimis præcipitanter quorundam scriptorum excogitata amplecti, ac magnificentius ubique commendare non verentur. Et pro ut vix ullum inter reliqua latius pervagatum esse, quam quod de Acido & Alkali retro abhinc aliquot lustri innouit commentum, persuasus est, ita hoc cumprimis examinandum ac refutandum sibi proposuit, quo cesset tandem hæc Fermentariorum in scholis Medicorum tyrannis, ac liberis Philosophorum ingeniis imponere amplius desinat. Enimvero non solum puris putis conjecturis inniti, sed vanitate etiam plenam, ac non dissimilem Veterum de qualitatibus nugamentis esse hanc ipsam doctrinam, existimat. In octo Dissertationes autem digressit omnem hujus argumenti tractationem, quarum summam breviter jam recensēbimus.

Quod igitur primam in ordine attinet Dissertationem, de *Acidi Genealogia* inscriptam, certiores hæc reddit legentes, non adeo modernam, sed satis antiquam esse Acidi notionem cum variis ejusdem operationibus, testante ipso *Hippocrate & Galeno*, quorum hic *Lib. 1. c. 7. de Caus. Sympr.* ille vero in *Lib. de Vet. Med.* expressis verbis Acidi mentionem faciunt. Quod autem ipsa Hippocraticæ doctrinæ principia, præter Acidum & Alkali, nulla fuerint alia, *Tachenii* figmentum esse docet, quod ne adeo videretur esse absonum, ex antiquissimis Philosophis probare conatus fuit, unius ejusdemque generis duo hæc Ignis & Acidi esse elementa. Cum enim a *Platone* Ignis ipse sub pyramidis figura describatur, ac Neoterici Acidi moleculas indem acuta cuspide & angulis armatas asserant, satis fundatam esse hanc suam *Hippocratis* interpretationem, ratus fuit *Tachenius*.

Alteram de *Alkali origine ac natura* tractare observamus Dissertationem. Ubi & Alkali vocabulum non novum esse,

indem ex *Tachenii* relatione docemur, quippe qui ex *Alphidii* vetusto codice, cui titulus *Aurora Conspurgens* &c. cap. 12. allegat locum, ubi salis Alkali terſis verbis fit mentio. De cætero ſub finem hujus Diſſertationis etiam monemur, Alkali, ad mentem Fermentariorum, nihil eſſe aliud, quam corpus poroſum ac foraminibus innumeris præditum.

Diſſertatione tertia, in medium adductis veterum ac recentiorum de *Chylificatione* ſententiis, multum de Calido Innato ac Humido Radicali veterum diſputat Auctor. Ex recentioribus, *Sylvii* cumprimis, *Job. Membroſi* & *Majoris*, tandem & *Virideti* proponit de Chylificationis negotio opiniones, quas tamen omnes, licet primo intuitu ſatis diverſas, facili negotio, ablata vocum ambiguitate, conciliari poſſe, atque ad unum tendere ſcopum, exiſtimat.

Cum autem Acidi Alcalique patronos in animantium œconomia naturali, & ægritudine præſertim, de Acido ejusque tyrannide fere ſemper loqui deprehenderit Clariff. Vir, peculiari Diſſertatione, & quidem hac in ordine quarta, de *Acido in ſpecie* ſermonem pertexere decrevit. Non parum hinc primo miratur, cur non indicetur ab Auctoribus ac demonſtretur, quomodo diſcrepent acidæ ciborum partes, in chylum ſanguinemque verſæ, a partibus acidi naturalibus; item, qualis ſit illa acidi alteratio, dum a ſtatu ſano ad morbiſicum pertransit. Hoc enim a nemine hætenus præſtitum fuiſſe meminit. Pergit hinc examinando *Williſii* principia, in tractatu de Fermentatione propoſita, ac putat, deceptum omnino fuiſſe *Williſium*, & una cum eo decipi omnes adhuc Chemicos, per experimenta illa, quæ extra animantium corpora inſtituere ſatagunt, perſuaſos, eoſdem plane effectus, quales e lacte vinoque acceſcentibus exoriuntur, noſtri corporis humoribus ad analogiam etiam innacſci: cum tamen acceſcentiam, ſi quæ modo ex illorum hypothefi humoribus noſtris accidat, minime ab innato aliquo atque excedente in corpore acido; ſed ſolum ac unice a ſpiritu defectu proſiſci, certum ſit. De cætero ſalia acida non poſſe aliter, quam ſolvendo, minime vero, ut Fermentarii exiſtiment, coagulando, agere & operari, firmiter perſuaſus eſt Auctor. Et quam-

quamvis coagulum lactis ab acidis factum opponant adversariis, putat tamen, coagulationem hanc solum a resistantia ac renixu duriorum lactis fibrarum, nullo modo vero ab acido figente oriri. Quod si enim potentia acidorum salium, lactis repugnantiam atque adeo fibrarum duritiem superaret, idem in tam minutulas disseccaret particulas, ut fluenti aquæ similibusque liquoribus responderet.

Examinantur in Dissertatione quinta rationes eorum, qui *Acidum & Alkali simul juncta* pro rerum principiis venditant. Et quoniam Auctores duas hasce substantias, quoties obviam sibi occurrunt, præ figurarum ac ponderis sui varietate, fermentationem commovere credunt, quæ usque adeo durare debeat, quoniam necessitudinem secum ineant, tertiumque inde pullulet plane diversum; non solum novum hunc & commentitium oriendi modum longe lateque a veritate abesse existimat, sed posita etiam hac recente principiorum isagoge, ipsam tamen Auctorum pessundari de principiis his invicem inter se pugnantibus hypothesein, si applicatio fiat ad functiones in viventibus naturales, putat. Enimvero simulacrum acidum & alcali convenirent in ventriculi glandulis, dispar omnino per modo commemoratam ductum inde nasceretur, quod nec acidi nec alcali nomen obtineat; consequenter tertium hoc, minime vero acidum & alcali, uti alias volunt, chylicationis & sanguificationis esset principium.

Sequitur Dissertatio sexta, quæ de *Fermentatione fluidorum in viventibus* agit, & in qua obnixè *Cl. Auctor* cum physicis tum mechanicis rationibus demonstrare satagit, sanguinem duplici motu, fermentativo nimirum & circulari, moveri neutiquam posse; quod, licet a *Charletonio* jamdiu fuisse factum, non lateat Eruditos, alia methodo tamen aliisque argumentis ab hoc nostro Auctore tractari hanc controversiam, ex sequentibus constabit luculenter. Supponit autem tanquam certissimum *Cl. Vir*, sanguinem ejici e cordis sinibus, non per suum proprium motum, uti *Hartmannus* voluit, sed per inflationem fibrarum, quale quid & *Lowerius* ac *Rorrellus* docuisse novimus. Nam cum substantia fibrosa cordis, inquit, per continuum spirituum influxum nervisque mediantibus dilatatur, præli ad instar sanguinem a suis alveolis expellit, cen-

expel-

expelluntur nuclei etiam digitorum compressione. Atque huius cordis motui omnem inniti sanguinis circulationem, firmiter persuasus est. Jam concedit, sanguinem constare ex minimis particulis, variis ponderibus, variisque figuris præditis, easdemque particulas figuris suis propriis correspondere in motu, ac secundum eundem intrinsecus moveri posse credit: quod si vero ejusmodi particulae ab aliqua causa majori vi ac potentia prædita exturbentur, ad impellentis tunc motum, non vero ad proprium easdem cieri, omnino probabile esse contendit, neque earundem pondus ac figuram illis suffragari posse credit, eum desilire accidat non ad earum, sed ad motum plagæ acceptæ. *Cum igitur potentia, ac vis illa cordis substantiam movens major sit, quam omnium fluidorum in sanguine contentorum motus ac resistentia, ad ejus impulsu, & non motu proprio in animantibus fluida omnia moveri, certum esse existimat.* Neque etiam in cordis diastole, ubi sanguis alias quietus supponitur, effervescentiæ vel fermentationi locum remanere credit, posito, cordis motum esse adeo celerem, ut antequam sanguis ejectus per systolem A. e. g. quietem acquirat, expellatur iterum per systolem B. Posthæc probare etiam satagit *Cl. Auctor*, quod, posito in sanguine fermentativo motu, ipsa animantium œconomia naturalis turbaretur, exemplo de generatione spirituum in cerebro desumpto; quam minus recte in tali sanguinis partium conflictu procedere posse existimat, siquidem eo ipso, dum chyli feces ac sanguinis scoriæ præcipitando in fibrillarum glandulas impingerent, pondere, durtio atque inæqualitate sua easdem dilaniarent, imo in ipsis stabulando, fluidis advenientibus novis transitum omnino interdicerent. Provocat insuper ad valvulas in venis perpetuo occurrentes, quas fermentativum in sanguine motum impedire certissimum; siquidem fluida effervescere saltem observantur, cum inter ipsa nullum mediet obstaculum, sed continuitas potius atque unio quædam servetur. Quodsi igitur obstat hæc in venis valvularum multitudo earundemque proximitas, prout cuique ex curiosiori Anatome constat, sanguinis fluida effervescere in venis nulla ratione ac modo poterunt. Et cum nullam transmutationem absque fermentatione in mixtis dari, ab adversariis sibi tandem o-

poni.

poni audiat Auctor, innumeris rationibus demonstrari posse docet, perennem illum fluidorum a corde factum impulsus ad transmutationem omnino sufficere. Nam cum quater millies singulis horis cor moveri, totiesque, intra tam exiguum temporis spatium, particulas sanguinem componentes concuti & conteri certissimum sit, satis superque inde elucescere existimat, quomodo per repetitam hanc contritionem ac concussionem sanguinis moleculæ immutari penitus queant.

Postquam igitur prolixè satis atque eleganter demonstratum dedit Cl. Auctor, fermentationem in animantium fluidis locum habere nullo modo posse, convertit se Dissertatione septima ad *Mixta inanimata*. Et prout in *bis fermentationem dari* non inficiatur, ita in hoc potissimum incumbit, ut modum monstraret ac rationem certam, qua fermentatio in illis procedat. Putat autem, quod fundamenti loco tenendum, in mixtorum particulis nullum motum, extra gravitatis illum, a quo unice moveantur, statuendum esse. Cumque aliud corpus, quod ubique inveniat, nullum sit, præter aerem, qui semper irrequietus apparet, eum tantum dicit esse omnis fermentationis causam efficientem. Modus autem ipsius fermentationis, ad mentem ejus sequens erit: nimirum *partes minus crassas in mixtis minusque graves ac coadjacentibus minus artas, primo per aerem moveri, expelli- que; inde ex his atque assidua aeris gravitate alias atque alias, cum fermentatio gigni incipit, moveri existimat*. Contravero, aeris pondere aliqua industria denegato, mixtorum partes suo naturali fœdere summa pace frui credit. Id quod experimentis illis, quæ Boyle circa *conservationem corporum in Vacuo* instituit, maxime confirmari autumat, utpote quæ luculenter satis demonstrant, nullum per longum tempus detrimentum nullamque mutationem passa fuisse in Vacuo mixta corpora, exantlato debite aere.

Ultimo loco, Dissertatione nimirum octava, de *Chylificatione ejusque principiis* ex professo agit. Placet hic Auctori *Clarissimo*, postquam naturalem ventriculi fabricam ex recentiorum anatomæ delineavit exactius, multiplicia illa arteriarum oscilla, quæ glandulis mediantibus in stomachum terminantur, con-

fide-

liferare ut organum, mediante quo ipsis chylicationis principis ex sanguine in ventriculum pateat aditus, ut in alveum ejus confluent, ibique cibaria, quaquaversus se immiscendo, penetrent, dividant, atque in chylosam substantiam mutant. Qualis autem dictorum principiorum natura, & in quo a *Willisii* ac *Tachenii* fermentis differant, declarare recusat. Non dissimulat tamen, esse eadem instar spirituum animalium, vel, si exosum hoc nomen, instar substantiæ illius, quæ ad sensationes obeundas animantibus deservire solet. Atque hæc ipsa chylicationis principia tantæ tenuitate frui, tantamque assidue adipisci persuasus est, ut, si de eorum affectionibus, sapore, odore, colore conquiretur, longe eadem insipidiora illo celebri menstruo a Chemicis, præcipue *Angelo Sala* enarrato, reperirentur. *Secundum hanc igitur summam tenuitatem, multipliciter, celeremque motum, subtilissimas illas particulas cibariis se inferere, ac penetrando aperire, eorundem spatiola, nec non ipsa assidue separando liquida reddere ac vitalia posse existimat.*

Et ut constet tandem, quid de principis Adversariorum in genere statuatur, non incongruum erit, ipsius *Auctoris* verba, quibus sub finem eruditi hujus opusculi utitur, huc referre :

Summatim dico, in hac rerum universitate neque alcalia, neque acida, neque sulphurea, sive fixa, sive volatilia, ut rerum initia reperiri; sed mixta, dum dividuntur iterumque combinantur, salis, vel spiritus, vel sulphuris nomen acquirere, at in minimas exilesque partes dum rediguntur, volatiliū nomen sortiri; iterum, dum cōeunt, & particularum motus intercipiuntur, fixa vocari, quod in generatione omnium corporum quicunque Philosophus esse profiteretur, perscrutatus est.

DE CHIMÆRA DISSERTATIO CRITICA, IN NOTAS D. Clerici in Hesiodi Theogoniam. Autore PETRO PE-NAVÆREO, Doctore in Legibus & Professore Lingua Græca in Athenæo Regio Gallicano Berolinensi.

Berolini, literis Joh. Wesseli, 1703, in 4. Pl. 2.

Mm

Me-

MEra Gentilium fabulas figmenta non esse, doctorum jam dudum demonstravit Virorum industria, quæ in retagenda abscondita in eis veritate occupata fuit. In ipso Chimææ monstro veram delitescere historiam, sensit harum rerum peritissimus Samuel Bochartus, quam in libro, quem Canaan inscripsit, eruere conatus est, l. 1. c. 6. Quantacunque verò hujus summi Viri sit solertia, satisfacere tamen necdum potuit clarissimo novo Hesiodi editori Johanni Clerico, cui diversa, in explicanda Auctoris sui Chimææ, incedere via placuit, inducto rationibus, quas iterum in hac sua dissertatione clarissimus Penaværeus excutere sustinuit, quidum Bocharti sententiam vindicat contra Clericum, ea addit, quæ a neutro observata sunt. Seriem autem dissertationis ejus ostendere, nostri erit officii. Postquam itaque ex Hesiodi Theogonia v. 39 fqq. fabulam exhibuit, quod Chimæa sit ab Hydra Lernæa genita, spirans terribilem ignem, triplex capite, ante Leonis, retro Draconis, & medio Capræ, monstrum a Pegaso strenuæque Bellerophonte sublatum; Bocharti explicationem subnectit, qui Bellerophontem facit Ducem Lyciorum, quorum in Solymos bellum describit Homerus ll. 7. Solymis autem Duces erant tres, Arzalus, Aryus & Trofibus, quos ab illis pro Diis cultos esse, Plutarchus auctor est. Chimæa ergo solos significat Bocharto Solymos, quorum tres Deos tribus Chimææ capitibus adumbrari, ex ipsa Phœniciorum nititur probare lingua, ex qua nomina acceperint. Arzalus enim Phœnicibus est ארזל *Arzal*, ut Syris ארזל *Urzil*, quod Flinnulo Capræ respondet, Aryus ארי *Ari* vel אריה *Arieh* Leonem significat, Trofibus vel Trofibus ראש הויה *Ros Hivjab* Caput denotat Serpentis, cui perperam a Græcis T ab initio adjectum credit. Hæc tria Solymos nomina in militariibus gestis signis, asserit ulterius Bochartus, tanquam Decorum suorum symbola vel Ducum, quos cum fudisset Bellerophon, dictus fuerit viciisse monstrum triceps, quod esset

Πεγὸς δὲ Λέων, ὅτι δὲ Δράκων, μέσση δὲ Χίμαιρα. l. c.

Ante Aryus, retro Trofibus, medio Arzalus ibat.

Verum enim vero in hac explicatione miratur *primo* Clericus, nihil suboluisse Bocharto de nomine Chimææ, ex quo ænigmatis hujus solutio pendat: *secundo* notat characterem, quo Chimæa dici-

dicitur spirasse ignem, in locis Hesiodi citatis: ex quibus *tertio* colligit, quid nomine Chimæra Poëtæ intellexerint. Inquit autem, si Phœniciis literis scribamus *חמירא* *chamirah*, comperiemus, ea voce *adustam* significari, ex radice *חמ* *chamar*, id est *aduri*; quod nomen optime convenit ei, quam fingunt ignem spirasse. At qui potuit fingi animal, quod ignem spiraret? Revera non fuit, animal, sed mons Chimæra, qui eo nomine propterea appellabatur, quod flammæ eructaret. Memoria prodidit Ctesias Cnidius, *ὅτι πῦρ ἐστὶν ἐγγὺς Φασηλίδος ἐν Λυκίᾳ ἀθάνατον, καὶ ὅτι αἱ καίται ἐπὶ πύρας, καὶ νύκτα καὶ ἡμέραν*; quæ vertit Plinius H. N. l. II c. 106: *flagrat in Phaselide mons Chimæra, & quidem immortalibus diebus ac noctibus flammæ.* Phaelis autem fuit pars Lyciæ. De hisce montibus ita Strabo l. 14 p. 458: *περὶ ταῦτα μνθίνεται τὰ ὄρη τὰ περὶ τῆς Χιμαίρας.* Cæterum ab Hesiodo Chimæra tria fingitur habuisse capita, Leonis, Capræ & Serpentis, forte propter iuga tria, quæ iudicabantur alicuiusmodi referre figuram illorum animalium. Per quæ autem iuga *quarto* intelligendos esse Clericus censet eorum incolas, quos Bellerophon non solus, sed cum exercitu illinc dejecerit: Pegasum vero illi datum a Poëtæ, quia propter altitudinem jugorum opus pene alis erat, quibus invitis incolis eo ascenderet. Ad hæc Penaværeus tandem noster, ut quid laudis Bocharto dederetur, impatiens, mirum non esse iudicat, tacuisse hunc de Chimæra vocis origine, quod non ignoraret, Chimæram, Leonem, & Dragonem mere Græca esse vocabula, quæ a Phœnicibus nequaquam mutanda sint. Unde totam quidem esse Phœniciam fabulam agnovisse Bochartum asserit, sed nomina ad Græcam linguam esse translata, excepto nomine Pegasi, quod itidem ad suam linguam traducere Græci sint conati, *ἀπὸ τῆς πηγῆς* derivantes, quod fontem significat. Veritati hinc minus convenientia sunt Nostro, quæ Clericus de voce *Chamirah* disseruit, quæ adustam significet, atque hinc montem Lyciæ adumbret, qui Chimæra nomine Plinio, Straboni & Ctesia veniat, quod flammæ eructet, quique deinde a Bellerophonte deletus dicitur. Cum enim Chimæra non solum de monstro dicatur, sed & Capram, quod ipsi hî versus Hesiodi probant, denotet, asserit Penaværeus posterio rem significatum tralati-

tium minime esse, quoniam capræ cum monte flammæ evocante nihil commune sit: sed contra Chimæræ alteram notionem meram esse allusionem ad Phœniciam vocem Chamirah, cui si quid tribuendum esset, Clarissimus Auctor putat, Phœnicium *chamar* posse exponi tam per *obscurum esse*, quem quoque valorem vox habeat, quam *aduri*; tum ob flammæ, quæ ei tribuuntur; tum propter obscuritatem ænigmatis, eadem ratione, qua Cimmeriæ tenebræ densissimas significent. Sed missis his omnibus, genuinam indagaturus explicandi rationem, fundamentum, omnis erroris in Græcorum ignorantia collocat, qui omnes in fabulæ voces in suam transferre audentes linguam, decepti sint voce *ΝΩΥ* *iseba* Phœnicia, quæ tam capram quam exercitum denotat, ex ipsius Clerici observatione ad v. 484 Theog. vel potius, quod verius Noster existimat, ex cognatione vocis *iseba*, quæ idem ac exercitus, & *ΩΥ* *isebi*, quæ idem ac capræ est. Quo ducti errore Græci historiam Phœniciam, quæ hæc erat: Bellerophon delevit *iseba* i. e. exercitum, spirantem ignem, i. e. cuncta incendio vastantem, ejus tria *roshim* i. e. capita, seu tres Duces erant Arzalus, Aryus & Trosibius, vel cujus agmina præferebant symbola trium illorum. Ducum, nempe primum Leonis, quo adumbrabatur Aryus, medium Capræ quo Arzalus, & novissimum Draconis, quo Trosibius; ita corruerunt: Bellerophon delevit *iseba* aut *isebi*, i. e. Capram sive *Χίμαιραν* ignem spirantem, habentem tria capita Leonis, Capræ & Draconis. Sic enim mutato nomine exercitus in capram sive chimæram, cetera nullum sensum metaphoricum admittere potuerunt. Ita verissimum est ex origine vocis Chimæræ ænigmatis solutionem pendere. Historia vero Phœnicia sic constante, neminem miraturum esse confidit Clarissimus Vir, quod possit dici de exercitu, quod ignem spiret; idem enim esse, ac si dicatur omnia vastare incendio, quæ metaphora nihil sit usitatus: quod testimonio Noster probat ex Act. 9, 1: ubi Saulus dicitur *ἐμπνέων ἀπὸ τοῦ φόνου*, spirans minas & cædem: nec minus manifestam esse rationem, qua sub capitum nominibus Duces intelliguntur, cum id plerisque fere linguis solenne sit. Hoc modo satis se vindicasse credit Auctor Bocharti interpretationem fabulæ. Hinc se confert ad examen sententiæ Clerici, de

nomine Chimææ montis, quod fictitium ait, vel saltem tralatitium a nomine Chimææ monstri fabulosi, eo, quod similiter flammæ vomeret. Ejus vero antiquitatem ex ipsis locis a Clerico allatis labefactat, quoniam a Ctesia nomen hoc non adscribatur illi monti, quem describit, & Plinius vertendo locum Ctesia videatur nomen Chimææ addidisse de suo, Strabo vero dicat tantum, his montibus fabulam Chimææ affingi: quibus innui autumat Noster, Græcis hujus fabulæ originem disquirentibus, nihil melius occurrisset, quam montibus ignivomis assignare fabulam & nomen Chimææ ignivomæ. Indeque sequi ait, rejiciendum quoque, quod adjicitur, tria Chimææ capita tria esse juga montis, quæ aliquatenus animalium figuram referant. Nam durum ipsi videtur, juga ejusmodi fingere, nulla favente veteri aut nova loci descriptione; durius, quod in fabula eadem Chimææ monti origo tributa sit Phœnicia, & Chimææ jugo ejusdem montis Græca & propria assignetur significatio. Posito vero, Chimæam esse montem illum, cui Chimææ fabula assignatur, id tamen expendendum, quod Bellerophonem narrat historia superasse ac domuisse hanc feram flammam eructantem, cum tamen & Plinius & Ctesias dicant, flagrare etiamnum montem illum ignivomum: si vero de incolis potius, quam de ipso monte, sermo sit, non verosimile videri, adeo perversi judicii fuisse Phœnicos Scriptores illius ævi, ut in eo collocarent omnem Herois sui laudem, quod incolas videret montis ignivomi, vel adeo levis & levis mentis fuisse homines illius ætatis, ut crederent, incolas hosce ferociiores esse factos ex vicinia montis, quasi pariter flammam vomerent ex pectore, aut feros animos ferarum, quas illius montis juga referebant, induissent; cum acuti potius ingenii fuisse Phœnices constet. Unicum tandem id argumentum evincere existimat, de monte, quæ statuit Clericus, locum non invenire posse, quoniam mons hic ab ipso Clerico ex Ctesia & Plinio dicatur situs esse in Lycia, Lyciorum Ducem autem Bellerophonem fuisse constet, qui Solymos delevit. Inverteret igitur Clerici interpretatio plane historiam, & debellantes Chimæam in debellatos, & commilitones Bellerophonis in ejus hostes mutaret. Neque descivisse Lycios a Duce suo, nos docet historia. Quod Clericus dicit, non solum Bellerophonem dejecisse ex monte incolas, sed cum ex-

exercitu, Nostro se approbat; minus tamen in eo ipsi cum adversario convenit, quod exercitum a Pegaso distinguat, quem ipsum Noster equitatum Bellerophonis exponit, nixus fundamentis in Phœnicia lingua jectis, ex qua ortum habere putat Πήγασον; & quidem ipsum Clericum ex Bocharto alibi docuisse ait, esse compositam vocem ex ΠΗΓΗ *pag fons*, quarum prior lupatum significet, posterior equum: qua tamen derivandi ratione forte veriore Penavzrens putat conjecturam suam, qua deducit vocem ex ΠΗΓΗ *pechatz* & ΠΗΓΗ *fons*: quarum illa secundum Buxtorfium pro *celeri* & *levi* usurpetur Gen. 49, 4, & ex ipsa Clerici sententia ad h. l. proprie dicatur de aqua effusa & exundante seu ἰξυβερζουμένη; hæc non tantum de equo dicatur, sed & de equitatu; unde recte *equus alatus*, vel *equitatus velox*, ἵππος πτερόεις exponatur, uti Homerus ἵππο πτερόεντα *verba alata* dicit, quæ celeriter prolata sunt, vel etiam ex Clerici mente *pechatz fons*, *equitatus effusus* & *exundans*. Quod autem litera Π in ΠΗΓΗ mutata sit in Græcum Γ, monet esse frequentissimum; quemadmodum a Græco ἄγγω sit *ango* Latinum. Ex omnibus ita deductis hæc prona ipsi fuit historia: Bellerophon delevit exercitum ignem spirantem, & tres duces illius, vectus equo alato, seu veloci, vel comitatus equitatu celeri, aut ingenti, qui regiones illas inundavit. Ad quæstionem, qua quis rogaret, qua causâ factum fuerit, ut nihil senserint de hac rei veritate Græci Mythologi? num liceat forte suspicari, Phœnicios mira hac de suo Heroe narratione, studio Græcos fabularum cupidos & quasi μυσθουαρεῖς ambiguitatibus & allusionibus deludere voluisse? respondurus, de *Sphinge*, quæ & Φίξ dicta, quædam præmittit, quam Chimæra peperisse Hesiodo memoratur, & licet diversa de vocis origine Bochartus & Clericus sentiant, docet tamen, utriusque etymologia admissa, constare explicandæ historiæ rationem, sive derivetur a voce ΠΗΓΗ *piccabah* propter sagacitatem, sive a סַבַּךְ *sabak*, i. e. *perplexus fuit*, sive a סַבַּךְ i. e. *sanguinem effudit*. Sic enim vel ipsa ænigmata intelligi posse ait, vel ipsos victores, qui illa victis insultantes proponerent, occidentes eos, si solvere non possent. Bellerophon enim cum vicisset Solymos, magna hæc habita victoria & insignis fuit; quo factum, ut victis post hæc daretur divinandum, quid esset Chimæ-

ra ignem spirans, cui fuerint tria capita, Leonis, Draconis, Capræ, quam Bellerophon occiderit vectus Pegaso equo. Stabilis hæc ex more Phœnicum, qui ludere ænigmatibus sint soliti, statuta multa in eos, qui solvere eadem non possent, præmioque futuris promisso. Nostrium vero hoc ænigma deinceps ad Græcos pervenisse conjicit, ignaros veræ historię. Utique non semper pugnare armis exercitus ait, sed scommatibus sæpius & diſtictis se invicem invadere, quale quid in exercitu Bellerophonis evenire poterit, quo milites victis hostibus proposita ingeniosa & acri satyra illuderent, qui tamen sales, Græcos postea, allusionis nominum ignaros, latuerint.

OBSERVATIONUM AD REM LITTERARIAM

ſpectantium Tomus VI.

Hale Magdeburgicæ, apud Rengerum, A. 1702, 8.

Alphab. 1. plag. 3½.

Quæ ratio sit Observationum harum ſelectarum Hale Magdeburgicæ per ſingula ſemeſtria A. 1700 publicari cœptarum, jam anno ſuperiori 1702 p. 201 indicavimus, quando de quinque Tomis illo tempore proſtantibus junctim a nobis verba facta ſunt. Nunc de ſexto ſigillatim dicemus, cujus Obſervatio 1. Historiam ſectæ Machiavelliſtarum & Monarchomachorum pandit, atque iſtam, ſi praxin inſpicias, non cum Machiavello demum, ſed cum iſtis Tyrannis cœpiſſe perhibet. Machiavellum vero, ut ab aliis culpetur, ab aliis defendatur, libros tamen condidiſſe reſert conſiliis nefariis, abſque antidoto & cautione propinatis, pleniffimos, ſectamque Machiavelliſtarum in Galliam propagatam exiſſe tandem in ſceleratas illas totique orbi notas nuptias Pariſienſes, quæ in A. 1572 inciderint. Monarchomachorum ſemina, quædam ſparſa jam fuiſſe perhibet tempore Ludovici Bavari, ſed in apertam veluti ſectam rem demum erupiſſe poſt Pariſienſes nuptias, a quo ſane tempore magno agmine in ſcenam prodierint ſcriptores hujus ſectæ, partim veris, partim aſcitiſ non ininiſ inſigniti, quorum nonnullos recenſet, ac, ut Machiavelliſtarum flagitia occaſionem dederint ſectæ Monarchomachicæ, ſic regicidia Monarchomachorum viciffim pluribus, & inter hos Thoma-

imprimis Hobbesio, ansam præbuisse sit, sectam Machiavellisticam denuo incrustandi. Observat. III legem Ephesiorum Democraticam, *nemo de nobis unus excellat*, sub examen quoddam revocat, ejusdemque cum illa commatis fuisse conjicit aliam Sybaritarum, in hæc verba conceptam, *nemo nostrum frugi esto*, quam multi quidem exagitent, tanquam extremæ ignaviæ indicinam, sed dubitat tamen Autor, an ad vitam adeo sceleratam & tam turpem lege illi publica se obligaverint, quin potius Democraticam eam Rebus publicis accommodatam statuit, in quibus nemo unus permittatur reliquos omnes antecellere. Observ. IV de ordine Alphabeti literarum conjecturam exponit, & Alphabetum Hebræorum pro fundamento venditat, ad quod reliquæ gentes se composuerint; id quod per ordinem Alphabeti Græcorum & Latinarum declarat, ac parallelismum omnium trium Alphabetorum adjicit. Obs. VII de ritu Poëtæ Laureatos creandi agit, eumque, secus ac Scaligero visum, non a Domitiani avo, sed ab origine graduum Academicorum, a temporibus Domitiani longe remotiori, deducit; quandoquidem jus creandi Poëtæ in diplomatibus Comitum Palatinorum intime connectatur cum jure creandi Doctores, Licentiatos, Magistros, Baccalaureos. Indeque convenientiam solum aliqualem esse statuit inter lauream Poëtarum recentiorem, & antiquiorem illam tempore Virgilii aut Domitiani usitatam; magnam autem econtrario se prodere discrepantiam, verbis privilegii Petrarchæ, cum inter primos Poëta crearetur, dati illustrat. Sicut autem Poëtæ Laureatos quintam quasi Facultatem constituisse monet, quæ cæteras coëgerit in ordinem elegantioris literaturæ, a qua secula prisca, quæ barbariem tueri sustinuerint, abhorruisse constat, ita Academiæ recusasse putat creationem Poëtarum Laureatorum; unde apud Imperatores solos ea potestas resederit, quam tamen illi in Comites Palatinos paulatim exonerarint. Quanquam de cætero vix aliter referri videas, quam primum fuisse Petrarcham, in quo mos ille vetustus & post aliqua secula mortuus renovaretur, aliter tamen se rem habere, & ante ipsum, licet annis non plurimis, Albertinum Mussatum id honoris meruisse probat. Observ. VIII Jo. Isacio Pontano consecrata est, ejusque Originum Francicarum libros sex recenset. Obs. X

Da-

Danielis Caspari Lohenstein vitam atque scripta enumerat, & commendat. XI regulam aliquam Criticam inter ignotiores numerandam proponit, istam nimirum: *Autores sæpe habent vocabula quædam ex simplicibus analogice composita, quorum significatio, quia usu non frequentatur, obscura est.* Illustrat eam exemplo ipsiusmet Pauli Apostoli, qui, utut linguæ Græcæ satis peritus fuerit, nihiloscus analogiæ illecebras cavere & evitare non potuerit, usus quippe vocabulo *ἐξουσία*, quod inter ejusmodi composita heic numeratur. Cum enim norit Paulus, præpositionem *ἐξ* sæpe eminentiam & abundantiam significare in compositione, *ουσία* vero rem quamlibet, formasse ipsum ex duabus hisce vocibus vocabulum *ἐξουσία*, quod eminentiam seu abundantiam rei cujuscunque significet. Lucem hinc affundi autumat imprimis loco 1 Cor. XI, 10. quem ita vertit: *propterea mulier rem quampiam supereminentem in capite habere debet propter nuncios* (ad Ecclesiam subinde mittendos.) Istos nuncios sæpissime juvenes atque comtulos adolescentescens fuisse addit, cum senes muneris tali haud apti fuerint; nec dubitat, quin Paulus voce *ἄγγελοι*, subobscurè ad Angelorum pulchritudinem sæpe in Veteri Testamento celebratam alludat. Rationem igitur legis videri eam, ut ne mulierculæ in concione, ubi omnia modeste fieri oportebat, conspectu adolescentum exterorum ad libidinem irritarentur, & castitatem, ad quam maritis sese obligaverant, negligenter. Observ. XIX Artistarum titulum Philosophis olim tributum considerat, eumque hinc enatum colligit, quod in antiquissimis Academiis illorum temporum Philosophi solum docuerint septem artes liberales. XV Facultatum Academicarum plerumque numerari notat quatuor, sed extra ordinem alibi pauciores, alibi plures invaluisse innuit. XVIII statum sistit Academiarum in sæculis barbaris, cumque apud scriptores istius ævi in reliteraria partes ab artibus interdum distinguantur, Obs. XIX per artes Philosophiam, per partes octo intelligit partes orationis, atque adeo rudiorem illam Grammatices notitiam, qualem hodie soleant pueri haurire ex Donato. Tacemus, quæ in Observ. XX dicuntur de statu Academiarum, & imprimis Facultatis Philosophicæ, post

receptum Aristotelem, inque obs. XXI de vocabuli *Philosophia* multiplici acceptione, & ad superiores Facultates accommodatione. Philosophorum nomen sigillatim Chymicis inditum, notat Obs. XXII, quæ etiam de lapide Philosophico nonnihil differit. Obs. XXII ob commentatiunculam de Elia Artista legi imprimis meretur. Obs. XXIV Oswaldi Crollii tractatum de signaturis rerum internis reprobatur. Obs. XXV de Jacobi Acontii Stratagematibus Satanæ agit, atque una vitam, fata & doctrinam Viri uberius exponit.

*DISSERTATIO BREVIS, AD ASTRONOMOS ET
omnes illos, qui Cælestibus Scientiis delectantur, in qua SPECI-
MEN NOVUM, pro incrementis Astronomia mirifice
promovendis, & defectibus hætenus observatis
feliciter corrigendis, proponitur.*

Anno 1703, fol. Constat plag. 3

Scientiæ Astronomicæ incrementa, veris tamen solidisque fundamentis innixa, promoturus Autor, nomen quidem non professus, ast vir Illustris rerumque Astronomicarum peritissimus hortatur Astronomiæ deditos ad labores, etiam turbulentis ob bellum in Europa temporibus suscipiendos, certa que puncta quæstionum modo proponit, de quibus sententias suas proferre, (litteris suis ad Jo. Ludov. Gleditsch Bibliopolam Lipsiensem transmittendis) cuncti intentione pari ducti rogantur.

Prima quæstio de adhibendis observationibus, fundamento nempe Astronomiæ, agens hæc est: *An non certiora Astronomia incrementa sperare liceat, si strenui observatores idoneis instrumentis instructi, communia inter se consilia conferrent, quo modo, quo tempore, quibus instrumentis, quo ordine hoc illudve phenomenon attendendum; quam puncta ad cognoscenda incognita inservire, & defectus hætenus obvii e medio tolli possint.* Sic enim observationes legitima & conventa methodo in diffusis locis simul instituendæ, certitudine fructuque circa exactiores motuum in cælo, longitudinumque in terra determinationes, non essent carituræ.

Secund-

Secunda incertitudinem distantiarum corporum cœlestium, ex quibus tamen omnis magnitudinum illis tributorum veritas pendet, respiciens quærit: *Annon ubi de vera diametro Lunæ, & ejus distantia a Terra aliquid certi demonstratum fuerit, exinde multum luminis pro eruendis aliis distantiiis habituri simus?* Neque enim hæcenus (1) parallaxes Lunæ adeo certæ sunt, cum locus Lunæ verus quidem probe constitutus sit per eclipses, locus autem visus non sit sine magni erroris suspitione, ob refractionis incertam determinationem. Neque (2) parallaxes sine refractione constitui possunt per angulum internum ad centrum terræ, & externum ad superficiem ex utriusque differentia; latus enim ex vertice ductum incognitum manens, faciet & angulorum proportionem incognitam. Observationes ergo Lunarium eclipsium & motuum, quæ nempe stellæ cum Luna meridianum transeant, quæ cum illa in uno verticali deprehendantur, quæ ab illa occultentur, in longe & ad 2000 leucas diffitis locis accuratissime instituendæ, multa in scientiæ usum pendent. Decretum igitur esse quibusdam, solo veniatis & Astronomiæ provehendæ amore, necessarios ad hunc scopum suppeditare sumtus; magnamque gratiam illos relaturos asserit Autor, qui suam explicuerint mentem, ad quænam phænomena potius attendendum, & quæ capita esse possint pro instructione observatorum.

Tertia quæstio est: *Annon ad distantiam Solis obrinendam, mensura peripheria illius orbis magni, in quo terra revolvitur, (cujus motum omnia hæcenus cœli phænomena suadent confirmantque) investiganda esset?* Cum enim tellus revolutionem suam circa axem in orbe magno 365 vicibus per annum absolvat, & in hoc determinato temporis intervallo, determinatum spatium loci emetiri necesse habeat, facillime distantia ista, cognita peripheria, ad calculum revocari posset. Neque hic objectionem hanc locum habere putat Autor, quod tellus annum in aura ætherea motum per protrusionem expediat, quia alias hic motus, quippe nullis regulis alligatus, nequaquam possit esse ita æquabilis, cum tamen revolutio illa æquabilissime suam periodum conficiat,

Quarta quaestio est: num & qua ratione in Eclipsibus longitudo umbra Telluris & Luna accurate determinari, & ad infallibilem calculum revocari haftenus potuerit? Nondum enim cognita distantia corporum, tam illuminantis, quam illuminatorum, eorumque ad invicem magnitudinis proportionem, etiam protensionem & quantitatem umbræ terræ maxime variare necesse esse, adeoque ejus coni latitudinem nondum exacte definiri potuisse. Cumque constet, Lunam Apogæam multo diutius in umbra terrena delitescere, & Perigæam integra hora, fere citius inde emergere, probabile fuerit, Solem satis propinquum esse, adeoque multo longiorem conum umbræ terræ efficere, qui proinde in crassitie circa Apogæum & Perigæum non multum decrescit.

Quinta quaestio est: Annon determinatio certa refractionis in sideribus tanti momenti sit, ut omnes, quibus certitudo observationum cura cordique est, vires omnes intendant, ut rem hanc difficillimam, & inter Astronomos valde controversam, ad certas leges reducere summopere enitentur? Forte observationibus eorundem siderum in locis, qui altitudines & Horizontes maxime diversos habent, una & simul habitis, & invicem collatis, dubiæ sententiæ componi possent. Cum itaque communicatis per literas ad Jo. Ludov. Gleditsch aliorum sententiis, intellectum fuerit, quid his cogitationibus deesse videri possit ad optatos fructus sperandos, id & gratum & certissimo signo erit, momenta rerum accurate expensa, & aliqua reflexione digna habita esse.

MICHAELIS ERNESTI ETTMULLERI, PHIL. ET Med. D. hujusque Prof. Publ. Extraord. Epistola, in qua Viro Illustri & Magnifico, Domino D. SCHROECKIO pro adscriptione in Illustre Collegium Naturæ Curiosarum decentes persolvit grates, per textaque operum Paternorum Historiæ, novam eorum editionem significat.

A. 1703, in 4. Constat plag. 3.

Quæ hæcenus sub Mich. Ettmulleri nomine divulgata sunt opera, non ex Mstis ejus collecta, sed ex Auditorum, qui a bea-

beati Viri ore quondam dependere, libellis corrasse esse, in vulgus notum est. Quemadmodum vero, quæcunque illorum hæcenus diversis locis prodierunt, editiones multis tautologiis, & inanibus amplificationibus refertæ, tædium Lectoribus non creare non poterunt: ita spes affulget, majori applausu exceptum iri laborem, quem in se suscepit MStorum Ettmullerianorum hæres unicus, Filius nimirum Michael Ernestus, Collega noster solertissimus, dum hæcenus opera edita juxta exemplar MStum revêdit, a mendis repurgavit, novis tractatibus, casibus & observationibus læcupletavit, nuncque in procinctu est, ut prelo operam committat. Idque ne Orbem Literatum lateret, eam negligere noluit Noster occasionem, qua Illustris Societatis Naturæ Curiosorum Præsidi, pro cooptatione in dictum Collegium, grates sibi decernendas esse videbat, quin in Epistola hac simul facta, quæ hæcenus opera Paterna perpessa sunt, recensere, novamque eorum editionem polliceri animum induceret: quæ præter ea, quæ in prioribus editionibus inveniuntur, novos insuper casus & observationes, effigiem B. Ettmulleri, *Dissertationem de Fermento Lieis, Tentamina Hæmorrhagica, Tentamina Chymica, & Dissertationem de Fermentationis & Putredinis Conventientia exhibebit*, prout Conspectus edendorum, Epistolæ calci additus, docet.

OLAVI RUDBECKII FILII NORA SAMOLAD, sive LAPONIA ILLUSTRATA, & iter per Uplandiam, Gestræciam, Helsingiam, Medelpadiam, Angermanniam, Bothnia, amiam Occidentalem, & huic annexam Laponiam Luleensem, quam Septentrionalem, cum Laponia Tornioniensi, & Orientalem, item Finlandiam, Alandiam &c. accurate exponens, singularum quidem regionum situm, & incolarum ingenium, imprimis autem Laponum cuncta habitum corporis, tum animi indolem, quin & religionem, mores, linguam, & conversandi rationem, primamque originem, atque simul tradens animalium, barbarum, & mineralium diversitatem, montium quoque & sylvarum, lacuum, paludum, fluviorum atque catarractarum naturam & amenitatem, nec non pro re nata, quæ ex antiquitatibus eruditioneque reliqua elegantiore scitu jucunda sunt, nec prorsus indigna, sub-

binde inspergens. Opus certis libris partibusque distinctum. Cui ad calcem Glossarium Laponicum accedit, cum inscriptione LAPO HEBRAIZANS in Septentione. Figuris aeneis lignisque undique ornatum; & propriis impensis editum.

Upsalæ anno salutis per Christum reparatæ 1701,
qui nobis est secularis. Plag. 12 $\frac{1}{4}$. fig. 4.

Titulum integrum descripsimus, ut operis præstantia jucunditasque Lectoribus statim pateat, quod lingua simul Suecica Latinaque conceptum est: quanquam non nisi *prima pars*, iter per Uplandiam complexa, ad manus nostras hætenus pervenerit. Initio docet celeberrimus Auctor, ad rerum metallicarum, lapidum, fungorum, herbarum, fruticum, arborum; aut animalium, piscium aviumque accuratam cognitionem, longas per orbem terrarum peregrinationes exigi. Deinde terras Septentrionales prolixè cum Australibus confert, iisque præfert. Hinc itineris sui occasionem memorat, quod Rex Carolus XI (Iustratis Borealibus regni sui provinciis, visoque Tornoviæ Sole inocciduo, quam in rem vide, si placet, Acta nostra anni 1697, mensis Febr. p. 91. sqq.) Rudbeckio nostro demandavit, ut eodem profectus, indagandis cognoscendisque rebus soli illius propriis, herbis & floribus, lapidibus, metallis, animalibus & similibus, animum intenderet. Aliquot igitur comitibus stipatus, A. c^{ho} l^{oc} xcv ante diem XII Calendas Junias, Upsalia discessit, & per Trelingiciac Wendelici ruris dorsum vectus, quotquot in subjecta planitie saxa conspiciabatur, & mediocris satis omnia magnitudine, & pressula rotunditate velut torno formata & levigata esse videbat. Qua de re pag. 19 disputans, perquam credibile esse putat, totum istum camporum tractum antiquitus adhuc maritimum fuisse. Porro ad pagum Elfskarby, lato imprimis, rapidoque fluminis præcipitio clarum, delatus, dum flumen trajecit, Virgilianum Charontem cogitavit, indeque prolixè a pag. 25 ad 65 venerandi Parentis sui opinionem fulcire aggreditur, *Charontis fabulam de Aquilonaribus oris nostris primum fuisse compositam*. Nomen enim in lingua Laponica portitorem significare, omnesque alias etymologias ab eruditis suppeditatas, fuitiles esse, ex abstrusiori ex Philolo-

logia contendit. Imo ipsum mare Balthicum, quod Draconi alii assimilarunt, Charontis effigiem vivis quasi lineamentis adumbrare ac amplecti docet, tam figura æri incisa, quam singulorum membrorum, tum pallii, cymbæ ac conti deductione. Quin & porro naulum Charonti persoluturus clarissimus Rudbeckius pag. 49. non solum ejus nomen, *Danake*, ex Laponum lingua derivat, sed & causam inquiri figmenti Poetici, primo unum, deinde binos, tandemque tres nummos dando fuisse: quoniam ex Oceano Atlantico in mare Balthicum navigaturis tria sese offerunt freta, Oerfundicum, Balthicum majus, & Balthicum minus, peregrinis olim atque advenis non simul & semel, sed unum post alterum successu temporis cognita. Huc refert trinas illas perexiguas, & inter se valde similes insulas, promontorio Langelandiz adjacentes, ipsamque Langelandiam hand secus ac tres coronæ cingentes. Suspiciatur etiam, tria hæc freta, tres Charontis fluvios, ansam primis temporibus dedisse Suedorum Gothorumque Regibus, insignibus suis inferendi tres coronas aureas, una cum tribus argentei coloris fluminibus, eisque in occeruleo campo insistente coronato leone.

Post hæc ad viam regiam iterum properans, prope ipsum pontonem Elskarbyensem in medio fluminis, oblongam quandam insulam considerat, quæ rerum potente Johanne tertio, primum orta dicitur; a terra continente, qua occasum spectat, rescissa & avulsa. Triplex inde avicularum genus, jyn gem, (quam æri incisam sistit) cuculum, conirolorem, (*Kreuz-Vogel*) attentius contemplatur, quoad formam, colores, nomina, distinctionem ab aliis, proprietates &c. Tandem ostendit, falsos deceptosque, eum antiquiores, tum recentiores Geographos, qui majorem Dalecarlum fluvium limitem inter Uplandiam & Gestriciam immerito constituentes, verum atque genuinum, *hærnes Ån* dictum, hac ratione plane negligens, ejusque ortum & flexuosum cursum prorsus ex mappis suis excludunt. Multo autem abstrusiora ex sequentibus Hodorporici Rudbeckiani partibus expectanda esse, vel hoc celeberrimi Normanni Carmen, inter alia operi præfixum, indigitat:

Qui

*Qui Genus ? Unde Domo LAPPI ? Quo sanguine creti ?
 Reliquias Tribuum credin' OLAVE Decem ?
 Mira fidem promissa levant. Qua caussa remotas
 Quarendi sedes, frigidaque arva, viris ?
 Libertas, nequidquam alibi quaesita & sub Arcto
 Hospitibus tandem tuca reperta novis.
 Sacra quidem & ritus patrii perire : nec ullus
 Librorum miseris usus apexque manes.
 Nulla Jacobae - ne igitur vestigia stirpis
 Nunc superant ? Mores. Sabbata. Lata Quies.
 Sessio. Tecta. Greges. Habitusque. Humilique Figura
 Et Color. & Sermo mistus Hyperboreo.
 Credimus ? an dubitamus adhuc ? harentibus istum
 RUD. BECKI nodum docta machara secat.*

LIBRI NOVI

- J**O. Francisci Buddei P. P. *Parerga Historico-Theologica.* Halle Magd. apud H. G. Musselium, 1703. 8.
 Elia Benoist *adversus Epistolam D. Taco Hajo vanden Honert de Stylo Novi Testamenti Antica Expositulatio.* Delfis apud Henr. a Krooneveld, 1703. 4.
 Johannis Gröningii *Bibliotheca Juris Gentium Europaea, seu de Juris Natura & Gentium Principiis juxta doctrinam Europaeorum Libri III.* Hamburgi apud G. Libezent, 1703. 8.
 Cornelii van Bynkersboeck ad L. *Agiswix IX Dig. de Lege Rodia de Jactu Liber singularis, & de Dominio Maris Dissertatio.* Haga Batavorum, apud Jo. Verbeffel, 1703. 8.
De Oorzaak van de Beweeging en de Beginselen der Vaste Lichamen, door D. S. J. Tas Utrecht, by Herman Hardenberg, 1703. 4.
Histoire des Conclaves depuis Clement V jusqu'à present. Troisième édition, augmentée du Conclave de Clement XI, & d'un Traité de l'Origine des Cardinaux & des Legats. A Cologne, 1703. 12.

* * * *

ACTA ERUDITORUM,

publicata Lipsiæ

Calendis Julii, Anno MDCCIII.

APPENDIX AUGUSTINIANA.

Antverpiæ, sumtibus Societatis, 1703. in fol. Alph. 7.

Posteaquam editionem Operum S. P. Augustini, studio & diligentia Monachorum Ordinis S. Benedicti e Congregatione S. Mauri adornatam, diversis hactenus vicibus in Actis nostris describendi, per tomos seorsim vulgatos, occasionem nacti sumus, locoque ultimo superiori anno 1702, p. 251 sq. vitam Augustini & indices in tomos antecedentes generales, tanquam contenta tomi undecimi, recensuimus; unus adhuc nobis superest, isque peculiari hac prærogativa gaudens, quod nulla ejus in editione Parisiensi, sed in sola hac Antverpiensi, quæ tomos undecim priores ad istam alias expressit, copia habetur. *Joannes enim Phereponus* (quo quidem sub nomine ascititio Virum aliquem doctum delitescere velle, nobis persuademus,) omnem in id operam impendit, ut, quæ ad scripta Augustini ornanda & melius intelligenda quid conferre adhuc possent, adjiceret, eaque de causâ non alieno modo, sed proprium etiam laborem suum, notas puta atque observationes, in peculiarem hunc tomm constipavit.

Ante omnia igitur legendum exhibet *Poëma S. Prosperi de Ingratis*, utpote in quo S. Augustini, Pelagii & præsertim Semi-Pelagianorum doctrina exponitur. Cumque istud eruditus quidam Theologus Lovaniensis notis suis illustratum dederit, eas viri docti manu emendatas & auctas addidit. Ut ut vero in prima editione Lovaniensi nomen *Martini Steyarti*, non ita pridem defuncti, & doctrinæ primum Augustinianæ, sed postea contrariis partibus ad-

O o

dicti,

dicti, notæ hæ præfixum gesserint, deleri tamen istud voluerunt, qui opusculum ejus ad Bibliopolam, ut denuo nunc ederetur, transmiserunt.

Sequuntur dein *Jo. Garnerii*, Societatis Jesu Presbyteri, *Dissertationes ad Historiam Pelagianismi* pertinentes, quæ in editione Parisiensi A. 1673 appendicem constituunt prioris partis operum Marii Mercatoris. Cum enim Garnerius accuratam instituerit discussionem scriptorum a Pelagianis editorum, gratum utique fore confidit hoc additamentum iis, qui in tomo Augustini decimo plurima illius scripta contra Pelagianos, aliaque ad controversias Pelagianas spectantia deprehenderint.

Tertio loco comparent *Pelagii Commentarii in Epistolas Pauli*, ad calcem operum S. Hieronymi legi alias, eique vulgo tribui soliti. Quamvis enim Pelagii fragmenta quoque, & ejusdem libellus ad Demetriadem huc spectent, illa tamen a Jo. Garnerio diligenter collecta, & hunc ad finem Epistolarum Augustinianarum, seu tomi secundi, in editione Parisiensi Belgicaque, repetitum cum agnoverit Phereponus, in iis rursus exhibendis operosus esse noluit.

Post Pelagii Commentarios collocavit *Præfationes, Censuras & Animadversiones Virorum quorundam celeberrimorum in Opera Augustini*. Ad primum namque tomm retulit Des. Erasmi ad Alphonsum Fonseca, Archi-Episcopum Toletanum, Præfationem ac Dedicationem, Præfationes item Lovanienfes, & aliam Erasmi, quam is Retractationibus & Confessionibus Augustini præfixit; ad secundum Præfationem Erasmi in Epistolas S. Augustini; ad quartum laudes Erasmi, quas Augustinianis de Interpretatione Scripturæ libris tribuit; ad quintum Jo. Vlimmerii & Jac. Sirmondi Præfationes ad Augustini Sermones; ad sextum iterum aliquot Erasmi; ad septimum Jo. Ludovici Vivis in opus de Civitate Dei; ad decimum primorum circa quosdam libros occupatorum Editorum Præfationes repetit, hisque addidit epistolam Cardinalis H. Norisii de inscriptione libri de Gratia Christi.

Præfationibus vero hæcenus memoratis *notas suas atque animadversiones* Jo. Phereponus subnexuit, tomorum quidem ordine servato, in quibus multa Grammatica & Critica, multa Philosophica & Theologica, ad Augustinum passim illustrandum se co-

ect-

cervasse dicit. Nec tamen obscura modo explicasse, sed & vere ac recte dicta meritis subinde laudibus affectisse; vicissim, in quibus Augustinus hallucinatus esse visus fuerit, notasse se subinnuit. ac de cætero istam de se mentem Lectoribus ingenerare studet, quod nempe Dei minime fallacia lumina, sive per rectam tantum rationem, sive per revelationem ad nos delata, a triginta annis sola attenderit, & magistros omnes quasi adjutores ad eam rem, non quasi dominos judiciorum suorum habuerit; quamobrem & Dialecticam diligenter coluerit, ne ratiocinando falleretur, & Grammaticam ac Criticam, sive literas Hebraicas, sive Græcas spectes, lectionemque indefessam non versionum tantum, sed & authenticorum Scripturæ librorum, Dialecticæ pro virili adjecerit, ut intelligeret, quid revelaret Deus, ac intellectum toto animo amplecteretur. Ut autem eo distinctius judicium de his ipsius animadversionibus ferre quis valeat, speciminis in vicem nonnulla generatim de iisdem exhibebimus. In iis, quæ tomum secundum attingunt, varia sunt ad versionem LXX Interpretum, vexationem Donatistarum, quorumvis etiam Hæreticorum, & damnationem Pelagianorum pertinentia. Addidit præterea Autor duas epistolas Norisii de Sedibus Episcoporum Provinciarum ProConsularis & Numidicæ contra Garnerium, in quibus multa sunt, quibus Geographia sacra Episcoporum Africæ luculenter illustratur. Ad tomum tertium, libros de Interpretatione Scripturæ complectentem, multa occurrunt Critica, quibus ostendere laboravit Phereponus, quam necessaria fuisset Augustino Græcæ & Hebraicæ linguæ peritia, qua deficiente frequenter lapsus fuerit. Ad quartum ex instituto notavit, Sermones Augustini in Psalmos ad hos accurate intelligendos nihil aut parum conferre, quanquam, quis alius eorum usus esse possit, ostendere haud intermiserit. In tomo quinto ad Sermonem Augustini 322 inseruit integram historiam, eamque in suos actus distinctam, curati Pauli cujusdam Cappadocis, una cum sorore, quæ specimen singulare miraculorum illius ævi præ se ferre debeat. E tomo sexto, qui varios exhibet Augustini libros Theologicos, objectiones non paucas depromsit, quæ vix e principii in istis libris positæ solvi posse ipsi visæ sunt. Cum opus de Civitate Dei præstantissimum inter Augustiniana nuncupari mereatur, id paulo copiosius in animadversionibus ad tomum sextimum

ptimum illustravit, inter alia ad lib. XVIII cap. 43, contra Augustinum, defensum ivit Hieronymum, & impugnavit, quæ prior habet de divino afflatu LXX Interpretum.. Ad tomum octavum Hæreticos, & præsertim Manichæos atque Arianos, alia via aliisque armis sæpe oppugnatos fuisse optat.. Tomum nonum, in quo cum Donatistis pugnat Augustinus, se non adeo occupatum tenuisse fatetur, quia eadem ferme ubique Augustinus repetat, cum Donatistæ eadem objectiones eodemque paralogismos adversariis ad fastidium usque oggessissent.. Ad tomum decimum eadem de causa pauciora annotavit, quod in rationationibus Hipponensis Episcopi contra Pelagianos innumeras se deprehendisse ait repetitiones, nec, ad summam rerum quod attinet, quidquam novi occurrere putavit, præter ea, quæ jam in Epistolis prolata fuerant.. Analysin tamen libri de Correctione & gratia, concinnatam ab Antonio Arnaldo, Doctore Sorbonico, A. 1644, quam Patres Benedictini inseruerant tomo decimo editionis Parisinæ, Franciscus vero Harlæus, Archiepiscopus Parisiensis, demi jussérat, recudi fecit, ne periret, & ut volumini isti ab iis, quibus servatu digna videretur, inter paginas 492. & 493; addi posset..

NECTARIU PATRIARCHÆ HIEROSOLYMITANI. Confutatio Imperii Papa in Ecclesiam...

Londini apud Jo. Taylor, 1702, in 8. Alph. 1. plag. 7.

GRæcam in Oriente Ecclesiam tantum non solum a Latina seu Pontificia hodie distare Ecclesia, quantum æra olim apud Romanos a lupinis distabant, sed & Romanos iisdem pene in Oriente ad Græcos subjugandos armis uti, quibus apud nos in Occidente Evangelicorum aque ac Reformatorum Ecclesiam impugnant; elegantissimo suo, quod heic exhibemus, *de Papa in Ecclesiam imperio opere*, magnæ & sanctæ urbis Hierusalem Patriarcha, *NECTARIUS*, Vir celeberrimus, abunde edocuit. Laudandam inde orbi literario præstitit operam eruditissimus in Anglia Vir, P. *ALLIX*, quod operis hujus Græca primum, qua a Nectario conscriptum erat, lingua A. 1682 Giazi in Moldavia per Metrophanem Hieromona-

monachum excusi, versionem Latinam, suasu & hortatu Reverendissimi Cantuariensis Archiepiscopi, Domini *THOMÆ*, adornare, & nuperrime Londini luci publicæ exponere non detrectaverit. Commendant sane opus isthoc, ceu ipse *Allixius* scite in præfatione præmonet, eminens Scriptoris auctoritas & eruditio; argumenti, quod tractat, præstantia & utilitas; nec non eximia in controversiis enodandis methodus. Scriptoris auctoritatem summa Patriarchatus, cui Hierosolymæ superiori sæculo immortalis apud Græcos gloria præfuit, dignitas prodit ac eminentia; nec minus ejus in S. Literarum, Patrum & Conciliorum quovis ævo habitorum historia, ac omni antiquitate Ecclesiastica, eruditionem omnes prope modum operis hujus paginæ eloquuntur. Argumenti, quod heic discussit, præstantia & utilitas inde elucescit, quod ex illo omnes Christianorum, non Græcorum solum in Oriente, sed & Evangelicorum ac Reformatorum in Occidente, cum Romana Ecclesia controversiæ hodie pendæant. Methodum nostri Patriarchæ scite admodum & nervose ipse *Allixius* in magna simplicitate adeo eximiam esse judicat, ut dubium sit, an in eo judicium, an humanitatem, an acumen, an vero brevitatem magis laudes. Quod autem translationem confutationis hujus Nectarianæ ab eruditissimo & Græcarum literarum peritissimo *Allixio* adornatam spectat, nitidiorem paulo & ornatiorem eam parari potuisse, ipse translator præmonet, nisi religioni ipsi fuisset, ab auctoris methodo & stylo longius recedere. Habere enim hoc Græcos hodie Scriptores, ut cum neo-Græcæ linguæ, ex regularum veteris linguæ contemtu & violatione natæ, adfuerint, ad res magis, quam ad verba & regulas Grammaticorum, attendant. Atque id sibi etiam passim licere in sua dissertatione, putasse Nectarium. Unde operæ omnino pretium fecisse videtur *Allixius*, quod Patriarcham nostrum in eo sequi maluerit, quam ipsum obtorto collo ad aliam scribendi rationem distrahere. Ipsum vero Nectarii opus, quo Papæ in Ecclesiam imperium evertere est aggressus, *quarundam Thesium confutationibus* absolvitur. Constat quippe, omnem Missionariorum Pontificis Romani laborem ac contentionem eo perpetuo redire, ut ex veteris monarchiæ memoria, Papæ auctoritatem & monarchicum in Ecclesiam imperium, ceu fidei veræ proram & puppim, ac stabilimentum unicum, in religionis

negotio gentibus ubique obrudant. Quo stratagemate eum & nuperrimis temporibus Fratres Missionarii, qui Hierosolymæ agunt, Græcos in Palestina sub Turcarum jugo actyranide gementes, in suas partes potestatemque pertrahere ausi essent, & idcirco per *PETRUM*, doctum aliquem Magistrum suum, *Diatriben dogmaticam*, seu præcipuas aliquas ex Latinæ suæ, quam Græci ita appellant, Ecclesiæ armamentario depromtas de *Papa imperio theses*, Patriarchæ Nestario oblatas, inter Græcos ubique Hierosolymis dissiparent: tantos Petri & Fratrum ejusdem insultus *Patriarcha Nestarius* fortiter retusus, allatarum ad se atque inter Græcos magna a Latinis jactantia dispersarum *quinque de Papa imperio thesum confutationem*, totius Ecclesiæ Græcæ nomine, eodem quidem, quo Petrus illas conscripserat, ordine adornare est annisus.

Etenim *ad primā* in diatriba Petri Latinorum thesium, quibus Papæ imperium & potestatem omnibus viribus communire moliebantur, quæ hæc erat: *Articulus fidei est, veram Dei Ecclesiam unam solam esse, & non plures*, duo præmonet Nestarius. Primo enim addi debuisse: *Sanctam, Catholicam & Apostolicam Ecclesiam*; ne, qui alias Latinorum mos solennis sit, manca & mutila definitio proponeretur, nec per veram Dei Ecclesiam, solam Romanam, quam Papa regit, a Petro indigitari, Græci forte suspicarentur. Deinde vero, si veram Dei Ecclesiam illam solam Petrus diceret esse Catholicam, quæ secundum Græcos sit *universalis fidelium collectio*, se consentire: sin vero aliam quampiam particularem, qualis Romana sit, se a Petro dissentire, Nestarius commonet. Et ad hanc Ecclesiæ œcumenicæ & particularis diversitatem recurrit etiam Patriarchæ responsio *ad II* Latinorum thesin: *Fidei articulum esse, veram Dei Ecclesiam in illis, quæ sunt de fide, errare non posse*; nec non *ad III*, quæ hæc erat: *Extra veram Ecclesiam non est salus*. Solamen enim Catholicam & Apostolicam Ecclesiam per tot particulares in orbe Ecclesias, non Constantinopoli solum, Alexandriæ, Antiochiæ & Hierosolymis, sed & in ipso Imperio Romano, dispersam esse eam, quæ tota errare non possit, & extra quam non detur salus. Prolixior his paulo est refutatio, qua noster Patriarcha *IV* Latinorum thesin: *Hæc vera Dei Ecclesia antiquis maxime & multis post Christum temporibus, tam Latina, quam Græca, in fide concordet* fue-

fuerunt, confutat. Ut enim contrarium luculenter ostendat. Nectarius, singula secula a Christo usque ad A. 1200 percurrit, ac licet primis temporibus Latinam & Græcam Ecclesiam in fide ipsa maxime concordēs fuisse, non diffiteatur; de aliis tamen rebus Ecclesiasticis partim lites perpetuo ac contentiones jam tum Græcis & Latinis motas fuisse, quæ tandem schisma effecerint, partim Orientales Ecclesias Papæ primatui atque imperio, sequioribus maximo seculis in totum propemodum orbem affectato, se perpetuo opposuisse, ex Historiarum monumentis fusc demonstrat. Nam *Centuria I* dissensionem de azymis inter Orientales & Occidentales fuisse. *Centuria II* de die Paschatos Orientales cum Occidentalibus habuisse controversiam sat arduam, ac non solum Polycarpum Smirna ideo Romam venisse, ut cum Papa Aniceto eo de argumento disputaret, sed & Papam Victorem Ecclesias Asiaticas, Pascha die Dominico celebrare nolentes, excommunicasse, utut frustra, eum totum deinceps negotium ab omnibus Ecclesiis ad œcumenicam primam Synodum fuerit delatum. *Centuria III* Orientalem & Occidentalem Ecclesiam de necessitate recipiendi lapsos in persecutione, & hæreticorum rebaptizatione disceptasse, ita quidem, ut contentiones & dissensiones demum omnes, non ad Papam, sed ad œcumenicum iudicium delatæ fuerint. *Centuria IV* magnam illam inter Orientales & Occidentales Ecclesias, circa voces *ὁσίος* & *ὁσιώσις*, controversiam fuisse ortam. Deinde secundam sanctam & œcumenicam Synodum ordinationem Paulini in Episcopum Antiochiæ, a Lucifero Papæ iussu susceptam, damnasæ, & S. Flavianum contra sedem Antiochenam propria auctoritate præfecisse. Imo quoque inter viginti, & si quæ sunt plures, tunc temporis celebratas Synodos particulares, esse & illam Sardicensem, a qua septuaginta sex Orientis Episcopi, Philippopolin secedentes, semet separaverint, ac postea magnum Athanasium & Paulum Confessorem cum omnibus illis, qui ipsis adhærebant, ab officiis suis deposuerint, ut & ipsi Julius Papæ & Osio Cordubensi anathema dixerint. *Centuria V* acorbas ubique in Ecclesiis de iudiciis Ecclesiasticis fuisse discordias, ex quo Theophilus Alexandrinus magnum Chrysostomum sede sua, iniuste quidem deposuerit, & Papæ Innocentii ad se ea de re datas literas expeditorias rejecerit, quod ejusdem cum eo, quoad Patriarchalem ordi-

ordinem, esset dignitatis. Porro vehementissimam eadem hac centuria contentionem inter Joannem Antiochenum & Nestorium hæreticum, nec non Memnonem Ephesi & Cyrillum Alexandriæ Episcopum, tertiz Synodi Oecumenicæ, ut adversus Petrum heic simul ostenditur, Præsidem, magno æstu exaruisse, usque dum non Papa quidem, sed Imperator, Theodosius junior, eam iterum extinxerit. Nec minus & illud hac centuria memoratu maxime dignum Nestarius judicat, quod tum Synodus Oecumenica quarta, invito & renitente Leone Papa, Chalcedone sub Marciano Imperatore a sanctis Patribus fuerit coacta. *Centuria VI* enarrat Nestarius, fervida primum de tribus vulgo sic dictis Capitulis anathematizandis inter Orientales & Occidentales fuisse certamina, usque dum Justinianus quintam Constantinopoli Synodum congregasset. Deinde Vigilium Papam, cum suis in Occidente asseclis, ab eadem Synodo, ob denegatam decretorum adprobationem & subscriptionem, fuisse excommunicatum. Atque demum Felicem Papam cum Euphemio & Macedonio, Constantinopoleos Patriarchis, de excommunicatione Acacii, ad schisma usque dimicasse. *Centuria VII* in Synodo Romæ sub Agathone Papa habita, Symbolo fidei verba, *Et ex Filio*, adprobantibus Græcis addita, nec non Synodum in Trullo sub Paulo factam heterodoxam, in eaque nullum Patriarcham præsentem fuisse, perperam Petrum cum omnibus Latinis comminisci. *Centuria VIII* non Papam Gregorium II, seu Latini contendunt, sed Synodum Ecclesiasticam in urbe Regia, teste ex ipsis Latinis Jacobo Goaro, Theologo Parisiensi, in explanatione Eucharistie Græcorum, in depositi propter hæresin Joannis, Patriarchæ Constantinopolitani locum, Germanum e Cyzico everxisse. Deinde vero hac ipsa centuria manifestum Occidentales ab Orientalibus schisma fecisse, ex quo Leo III additionem in S. Symbolo admisisset, & Carolum, Regem Francorum a se coronatum, juramento adegisset, ut Romanæ Ecclesiæ se semper submitteret. Addit præterea heic Nestarius, ex omni antiqua historia planum esse & evictum: *nullam Synodum Oecumenicam Papam Romanum, sed Imperatorem omnes præsidem habuisse ac judicem; nec ullam inter eam Synodum absque Imperatorum jussu & auctoritate coaluisse.* Id quod præter cetera ex eo quoque comprobare annitur, quod in Syno-

Synodorum Oecumenicarum decretis ac definitionibus, Imperatoris primum semper nomen, postea vero Patriarcharum cum reliquis, qui adfuerint, Clericis ordine scriptum & consignatum. *Centuria IX* nullum Latinorum Historicorum, nec ipsum Petrum, gravissimas in ipsa fide inter Ecclesias Occidentales & Orientales contentiones diffiteri. Unde id saltem hoc loco agit Nestarius, ut non Photium, sed ipsum Papam Romanum schismatis tunc temporis facti auctorem fuisse commonstret. *Centuria X* haud exiguum Constantinopoli schisma fuisse subortum, quod Theodorus Papa, ex Papali auctoritate, Leoni Imperatori quartas nuptias indulgisset. Convocatam inde fuisse ab ipso Leone, quem deinceps ejus rei poenituerit, & sub Constantino Porphyrogeneto & Sisinnio Patriarcha celebratam Synodum, quæ sub anathemate statuerit, ne quando Ecclesia Orientalis quartas nuptias concederet. Sub finem seculi etiam a Sergio Patriarcha, ob additionem in confessione fidei a Christophoro Papa factam, in sanctis diptychis Papæ nomen fuisse deletum. *Centuria XI* ostendit Nestarius, falsum esse, quod Petrus ex Glabro monacho, sublestæ fidei historico, probare ausus fuerat, Imperatorem videlicet & Patriarcham Constantinopoleos ad Joannem Papam Legatos misisse, ut Patriarcham Constantinopolitanum Oecumenicum dici clementer indulgeret, cum jam ante quingentos & plures annos, Oecumenici privilegium & honorem Constantinopolitanus ante quintam Synodum, sub Justiniano A. DXLV habitam, obtinuisset. Secundo loco commemorat, Michaelem Cerullium, quem Petrus schismatis Græcorum auctorem fuisse perperam comminiscatur, Latinos publice hoc seculo anathematizasse, & Petrum Antiochiæ in Latinis sabbathi jejunium, coactum sacrorum hominum cohabitatum, baptismum una solum immersione peractum, processionem Spiritus Sancti ex Filio, aliaque dogmata damnassee. *Centuria* demum *XII* Hadrianum Papam, sub Manuele Comneno Imperatore & Luca Patriarcha, Constantinopolin legationem, & ad Basilium Theflalonicensem epistolas quidem misisse, de pace ac unione inter Ecclesias Occidentales & Orientales instauranda; at frustra, cum Papa pugnae causam, additionem scilicet Symbolo factam, non sustulisset. Tandem proluxa disceptatione edocet, unionem Orientalium cum Occidentalibus in Synodo Lateranensi, sub Innocen-

tio III congregata, factam nunquam pro orthodoxa ac legitima fuisse agnitam, cum non orthodoxi Græci, sed nothi tantum, iique Latinorum mancipia, Synodo isti interfuerint. Neque eandem in Synodo Lugduni sub Papa Gregorio X celebrata, multo minus in Conciliabulo Florentino, aut per Legatos Occidentalium ad Romanorum Imperatorem Joannem Palæologum concordiam, inter gravissimas tunc temporis ubique Ecclesiarum contentiones & turbas tristissimas, obtentam fuisse ac introductam.

Quibus omnibus comprobatis, *Quintam*, eamque ultimam in Petri Diatriba Latinorum thesin: *Latinam Ecclesiam post Orientalia ab illa separationem, veram esse Dei Ecclesiam*, Nectarius ampliori demum disquisitione aggreditur. Cum autem eam Petrus Latinorum Magister, decem argumentis, totidem sectionibus contentis, se manifestam reddidisse jactitasset; sigillatim quoque Xitidem sectionibus eam summa industria refellere Nectarius annititur, atque ad primum *ex intrinseca fidei immutabilitate* depromptum argumentum *Seß. I*, Petri methodo ad id adactus, in hypothesi commonet atque ostendit, *non Orientales ab Occidentalibus, sed Occidentales ab Orientalibus schisma fecisse*. Id quod præter cætera argumenta, longe forte firmiora, ex eo quoque comprobare vult Græcus Patriarcha, quod Ecclesia Latina, addita S. Symbolo processione Spiritus S. *ex Filio*, (quam pertinaciter ubique communi Græcorum errore inficiatur,) intrinsecam fidei naturam immutaverit, & propterea, post multas easque fervidas maxime utrinque contentiones, a Græca Ecclesia, Photii inprimis tempore, se separaverit. Ad secundum argumentum, quod *ab immutabili Ecclesia Latina in externis fide* se desumxisse Petrus scripserat, circulum semper a Petro ad nauseam usque committi, *Seß. II* conqueritur Nectarius, dum in demonstratione argumentorum fuorum ad Papæ in Ecclesia primatum & imperium semper recurrit. Hinc quoque maxima refutationis argumenti hujus pars eo redit, ut Synodum aliquam absque Papæ licentia & auctoritate congregari posse, prolixè admodum ex Historia Ecclesiastica commonstret. Dum vero tertio ad *infallibilitatem fidei Romane seu Catholicæ*, tanquam ad firmissimum thesæos suæ fundamentum, Petrus *Seß. III* provocat, eamque ex *Luc. XXII, 31. 32. ex Matth. XVI, 17-19.*

ex Joh.

ex *Joh. cap. ult. & Rom. I, 8.* atque multis insimul *Patrum sententis* Latinam Ecclesiam dudum satis corroborasse jactat: jactatam tantopere Romanæ fidei infallibilitatem, ad Evangelicorum & Reformatorum plane mentem Patriarcha noster refellit atque elidit. Nam ad *Luc. cap. XXII v. 31, 32* primo manifestum esse, respondet Nectarius, ex historia Evangelica, Satanam expetivisse, ut omnes Apostolos instar tritici cribraret. Jam vero solum Petrum Satanæ fuisse permissum. Unde liquere, ad omnes sermonem quidem heic dirigi, nominatim tamen ad Petrum intendi sermonem, ut qui solus debuerit cum Satana in pugnam descendere. Deinde orationem Christi ad omnes discipulos pertinuisse, utut pro solo Petro Christus rogasse dicatur, planissime ostendi in cap. XVII Joannis, ubi expresse ipse Servator Patrem suum cœlestem roget: *Pater serva eos in nomine tuo, ut sint unum, sicut nos &c.* Tertio phrasin, *ut ne deficiat fides tua*, idem notare ac *ne finaliter pecces*, ex Chrysostomo, Theophylacto, Cyrillo & ipso Beda, Patriarcha comprobatur, ac quas ex Agathonis Epistola, Theophylacto & Chrysostomo dicti hujus explicationes pro sua sententia Petrus adduxerat, vindicat aut refellit. Ad locum ex *Matth. XVI, 17-19* regerit Nectarius, promissionem hanc pertinere omnino ad Ecclesiam Catholicam, qua scilicet *ubique sit*, non vero nominatim ad Romanorum Pontifices, sive illi sint Petri sūcessores, sive non. Petri enim confessionem fuisse etiam omnium Apostolorum. Deinde communia fuisse secundum Augustinum Apostolis cum Petro omnia, communem fuisse Apostolatū, communem fuisse potestatem ligandi & solvendi, communem fuisse Spiritus Sancti descensum, & Christi post ascensum in cœlum cohabitationem; & sic etiam communem ip sis fuisse indefectibilitatis fidei promissionem. Quod si vero Petri super ceteros potestas aliqua fuisset, & superior auctoritas, procul dubio Christum dicturum fuisse: *Qui Petrum audit, me audit, & qui Petrum rejicit, me rejicit.* Jam vero ad omnes nuper electos septuaginta discipulos apud Lucam a Christo dictum esse: *qui VOS audit, me audit, & qui VOS rejicit, me rejicit.* Porro cum Apostoli nunquam certis sedibus & urbibus affixi fuerint, planum inde esse docet Nectarius, promissionem Christi de petra ad Catholicam, non vero ad Romanæ solum urbis Ecclesiam

pertinere. Ad locum ex *Joh. ult.* cum Cyrillo, Gregorio Theologo aliisque Patribus, Patriarcha noster respondet, ter Petro in Apostolatus sui renovatione, curam & amorem ovium Ecclesiæ a Domino heic demandari, ut loco ternæ suæ abnegationis ternam confessionem Petrus ederet, tum ut oves, quæ sub Petri ita iactitatis Romæ successoribus, seu Papis, pascantur, errare non posse & a vera fide desciscere Salvator edoceret, quamdiu ista modo, ex ipsa quidam Latinorum confessione, in veritate fidei Romæ ab Episcopo pascerentur. Ad locum denique ex *Rom. I.* falsissimum ait esse heic Nectarius Latinorum præsuppositum, Paulum non tantum Historice, sed & omnino Prophetice Romanorum fidem laudasse, quasi Romanorum fides in omne ævum futura sit infallibilis. Si enim in Apostoli de Romanorum per totum orbem annunciata fide laudibus vaticinium aliquod occurreret, necesse etiam esse, ut in ejusdem Apostoli laudibus, quibus Thessalonicensium, Philippensium & Corinthiorum fidem ac in religione zelum tantopere prædicavit, nobilius longe vaticinium esse statuamus, cum majoribus longe fidem horum atque virtutes Christianas encomiis dilaudet. *Sectione IV* ea Latinorum hypothesis, qua ex dispositis optime Ecclesiastici regiminis harmonia, veritatem & orthodoxiam Ecclesiæ suæ Latinæ comprobare Petrus laboraverat, refutatur, atque inprimis quatuor, quibus novam istam suam Petrus hypothesin superstruxerat, theoremata: 1. *Monarchicum regimen melius esse Aristocratiæ & Democratiæ;* 2. *Ecclesiam non esse Democratiæ;* 3. *Ecclesiam esse Monarchiam bene concinnatam;* & 4. *Ecclesiam esse visibilem, & opus habere capite visibili sub Christo in his terris, id quod sit Papa,* a Nectario discutuntur. *Sectione V* argumentum Latinorum, quo ex primatu Petri & illius Successorum, quibuscum Latina Ecclesia semper conjuncta fuerit, theos suæ veritatem in sua Petrus Diatriba adstruere ausus erat, eliditur. Nil enim prodesse, ait Nectarius, si quis materialiter & non spiritualiter sedi Petri adhzreat. Dudum dixisse S. Ambrosium: *Non habent Petri hereditatem, qui Petri fidem non habent.* Imo vero ipsum cœli terræque Monarcham Christum, sua jam ætate, prævisam hanc Romanorum Pontificum arrogantiam, data ad discipulos & Apostolos suos reprobatione, anteveritisse *Luc. XXII, 26.* Si proinde Monarchi-

am

am in Ecclesia sua, & primatum dominationis inter Doctores Ecclesie esse voluisset Christus, decuisset omnino eum, ut, quod tamen non fecit, id definiisset, cum toties ipsius jam ætate inter discipulos ejusdem de primatu fuerint certamina. Equidem ordinis primatum Petrum inter Apostolos obtinuisse, neutiquam inficias ire vult Nestorius. At dignitatis & potestatis primatum simul Petrum tenuisse, fortiter ubique negat & pernegat; id quod inter alia vel ex eo patere putat, quod alias potius Joanni, qui Evangelista erat, Apostolus, Propheta & Theologus, qui a Paulo columna vocabatur, qui secreta Christi noverat, & pectori ejusdem perpetuo infidebat, qui fidelissimus Christi amicus erat, etiam usque ad mortem, & custos æque ac filius Deiparæ a Jesu constituebatur, primatus inter Apostolos esset vindicandus. Ultimo demum loco in hac sectione plausible quoddam argumentum, velut Achilleum munimentum a Petro sub finem Diatribæ suæ allatum, in Ecclesiam Latinam retorquetur. Ex corporis enim humani analogia ita Petrus adversus Ecclesiam Orientalem erat argumentatus: Corpus naturale unum habet caput, & quod multa capita habet, est monstruosum. Mysticum autem corpus Latinæ Ecclesiæ habet unum caput, & Orientalis contra Ecclesia quatuor habet capita. Ergo illius corpus bene est compositum; hujus autem est monstruosum. Confirmare hoc argumentum suum sustinuerat Petrus, hunc in modum deformitatem corporis multicapitis arguendo: Quod si nunc adessent in Orientali Ecclesia præsidentes Patriarchæ, & Episcopi, Constantinopoli quidem Macedonius, Nestorius & Sergius hæresiarchæ; Antiochiæ Macarius Monothelita, Paulus Samosatenus & Petrus Fullo; Alexandriæ Dioscorus, Lucius & Georgius Ariani; & Hierosolymæ Joannes Origenista, Eutychius, Irenæus, & Hilarius, item Ariani: unde tali corpori curatio? Ubi abest unitas, ibi etiam abest veritas. Unum enim, verum & bonum semper recipiuntur. Atqui vero Latina Ecclesia est una, Orientalis autem quadruplex. Ergo etiam Latina sola est & veræ & bona, non autem Orientalis. At pessime in hoc sophismate atque paralogismo, confundi primo commonet Nestorius caput invisibile corporis mystici cum capite visibili. Corpus Ecclesiæ mysticum unum tantum semper habere caput, idque invisibile, videlicet Christum, ad Eph. I.



Atque hoc caput unice venerari in Patriarchis suis ac Episcopis Ecclesiam Orientalem. Deinceps vero sat eleganter hoc argumentum in ipsum Ecclesiæ Latinæ caput visibile ita retorquet: Si Romæ hodie Honorius quispiam, vi promotus atque evectus; aut si quis Marcellinus; si quis Felix; si qua Mulier non agnita sub viri persona; si quis Stephanus; si quis Sergius, mortuos & sepultos Papas iterum extumulans, & eos, qui prius jam fuerant ordinati, reordinans; si quis Joannes XII in fornicatione; si quis Alexander VI aut alius aliquis Papa, flagitiis & cædibus hæresearum calamitates longe superans, Petri ita fictæ sedi insideret: quid pateremini, o Latini! Nonne actum de vobis esset, atque de omni Papæ aut visibilis capitis vestri infallibilitate? Et id quidem eo magis, quod omnes leges & canones, cum pudore omni ac pietate, dudum in Ecclesia Latina elanguerint, imo penitus jam sint emortuæ. Excidisse inde Papas dudum ex corpore Christi mystico, neque Papas genuinos esse Petri, qui nunquam Romæ Papa fuerit, successores, fustius jam simul noster Patriarcha demonstrare sustinet. Præterea vero nec deseruisse unquam, nec deserturum successuræ ætate, providum coeliteræque Numen ita suam Ecclesiam, ut ubique in omnibus particularibus Ecclesiis ab hæreticis Pastoribus pasceretur. Semper adhuc Deum excitasse & excitaturum esse, & Athanasios & Gregorios, Basilios, Ambrosios & Hieronimos, ad perpetuam & cessaturam nunquam in hoc ævo Ecclesiæ suæ, sive in Oriente, sive in Occidente propugnationem. *Sessione VI* Ecclesiæ Catholice nomen, quod non inane quoque Ecclesiæ Latinæ fundamentum & stabilimentum esse Petrus fuerat gloriatus, vanum omnino esse, & Ecclesiæ Pontificiæ non tam arrogantia Paparum & Episcoporum perpetuam vindicatum, quam ad ludibrium solum ab aliis affectum & usu concessum, ostenditur. *Sessione VII* ad argumentum, quo ex unionem & separationem Orientalium toties facta, veritatem theos suæ ulterius stabile Petrus cum Latinis laboraverat, respondetur. *Sessione VIII* injustissimam neutiquam omnium post Florentinam Synodum Orientalium ab Occidentalibus secessionem fuisse, evincitur, cum illa Synodus Caiphaici tantum cujusdam Synedrii nomen, ob Occidentalium in ea exercitam tyrannidem, omnium orthodoxorum consensu mereatur. *Sessione IX* eorum in Ecclesia Græca

Dottor-

Doctorem auctoritas, qui Latinorum Ecclesiam & ipsius communionem, ceu Petrus loquitur, unquam justo zelo oppugnaverint, adversus Petri assertum & accusationes vindicatur. Et Sectione X ac ultima, ex omnis ævi historia, Ecclesie Græcæ faciem nunquam adeo tristem aut sordidam, quam quidem Petrus confinxerat, fuisse, elegantissima quadam fatorum utriusque Ecclesie collatione demonstratur.

In Epilogo, quo demum docta hæc thesium a Latinis, ad primum Papæ in Ecclesia stabiliendum, allatarum confutatio terminatur, & concinna quædam omnium antea dictorum recapitulatio instituitur, de imposturis ac insidiis Latinorum Fratrum inter alia, maxime conqueritur Nestarius; quo & illud pertinet, quod Fratres Latini hodie adhuc, perinde ac lequioribus aliquando seculis, Græcos in Oriente possessione sacri montis Golgatha, sacri sepulcri Hierosolymitani & aliorum vere sacrorum locorum exturbare, clam & palam hostiliter ad barbariem usque moliantur.

Præterea subjiunguntur adhuc operi huic Leonis Diaconi Nompheylaci, qui Concilium Florentinum abjuravit, Expositio fidei, Constantinopoli inter antiquitates reperta: Apologia Pontificum & Clericorum, qui Synodo Florentina renunciarunt, & relatio de eadem Synodo ad Imperatorem: Synodica sanctissimarum trium Patriarcharum in Syria, Philothei Alexandria, Dorothei Antiochia, & Joachimi Hierosolymorum, adversus Synodum Florentinam Descriptio: Confessio Josephi, Patriarchæ Constantinopolitani, adversus Concilium Florentinum: Nestarii, Patriarchæ Hierosolymorum, de Fratrum, qui Hierosolymæ agunt, Anabaptismus, & alia de Jesuitis eorumque novis in Oriente fraudibus ac imposturis narratio: ut & Annotationes quedam eruditissimi Allixii ad enarratam modo Nestarii confutationem.

Ex his postremis vel tria saltem jam commemorare sufficiet. Nam ad *Dositheum*, Patriarchæ Hierosolymorum Epistolam dedicatorem, qua opus hoc Nestarii, Antecessoris sui clarissimi, Duci Illustrissimo *Joanni Duca*, Boëbondæ, Moldo-Blachia & totius Ucrainæ Principi inscripsit, & inter cætera vel tribus vel bis Synodum particularem superiori seculo a Nestario Giasi in parva Russia contra Cyrillum Lucarum congregatam laudavit, patere inde annotat, eos hal-

luci-

lucinato fuisse maxime, qui Synodum hanc, Giasi contra Cyrillum convocata, putarint esse opus supposititium. Scripsisse quoque, ex illius Synodi mandato, *Meletium Syrigum* sat magnum contra Cyrillum volumen, Giasi editum, in eoque Cyrillum cum omnibus, qui ipsi favent, mire exagitalle. Imitatum esse eundem celeberrimum Patriarcham Hierosolymitanum, *Dositheum*, libro adversus Claudium anno 1672 edito, in quaestione de Eucharistia. *Romanensium*, hoc est, (qui quod a Constantini M. tempore maximam Romani Imperii partem obtinuerint, ita se vocant,) *Gracorum* fidem defendentem. Interim tamen nec omnibus persuaderi potuisse, corporalem praesentiam Christi in S. coena, aut semper fuisse, aut etiam nunc esse universae Orientalis & Graecae Ecclesiae fidem. Videndum proinde ad id argumentum commendat Allixius Itinerarium Cl. & Rev. Dom. *Georgii Weller*, Canonici Dunelmensis, quod A. 1689 prodierit, & *Jeremiam* contra adductionem corporis Christi e coelo in *Actis Wirtenberg*. p. 86. Ad ea, quae p. 23 operis sui Nectarius de Synodo V disseruerat, commonet *Allixius*, planum exinde esse, Graecos neutiquam confirmationem Synodi V a Vigilio factam pro genuina agnoscere, a *Petro de Marca*, Parisiensi Archiepiscopo, magno apparatu editam. Ac licet quidem illius exemplar etiam in *Grashamensis Collegii Bibliotheca* extet, nihilominus tamen scriptum hoc supposititium esse, alibi, Deo dante, se manifestum facturum, *Allixius* pollicetur. Ad p. 154, falli ibi notat Nectarium, dum *Ambrosii* ad Ephesios commentarios laudet & commendat. Nam auctorem commentariorum horum fuisse *Hilarium Diaconum*, Luciferiani schismatis propugnatione non ignotum. Nec minus eundem pag. 163 falli addit, quod in Synodo IV *Eulogium* Alexandriae Episcopum pro *Dioscuro* ordinatum fuisse asserat, cum *Dioscuro* damnato *Proterius* fuerit ordinatus. Sic etiam p. 173 perperam a Patriarcha nostro librum de dignitate Sacerdot. *Ambrosio* tribui, cum iste potius esse videatur factus *Anselmi* Cantuariensis Archiepiscopi. Ad p. 163 commune istud omnium *Gracorum*, & *Nectarii* inprimis *praesudicium*, quod passim iste opere suo tuetur, de *patri* videlicet *Conciliorum Universalium*, cum *Apostolis* in *Ecclesia auctoritate* notat, illudque ut tutum omnium errorum & falsorum cultuum propugnaculum, tum a Graecis

tum

rum a Latinis semper adhibitum fuisse edocet. Græcos illo uti ad Concilium VII vindicandum; Romanenses autem ad propugnandas Concilii Tridentini definitiones. Ad p. 217 communem in Ecclesia Græca sententiam esse innuit, *Pontificem Romanum esse Anti-Christum*; siquidem istud, post alios multos scriptores Græcos, fusc docuerit celeberrimus Hierosolymorum Patriarcha *Desibens*, Nectarii nostri successor, in præfatione ad *τέουον ἀγαπῆς*, quem non ita pridem ediderit *Giazi in Moldavia*.

MEMOIRES DE LA DERNIERE REVOLUTION
d'Angleterre.

i. c.

COMMENTARII DE POSTREMA RERUM IN AN-
glia conversione.

Hagæ Com. apud Fratres L'Honoré, 1702, 12. Tomi II.

Constant 2. Alph. 16. plag.

Qui commentarios historiarum componendæ inservituros scribunt, hoc sibi datum credunt merito, ut summa qua possunt fide, & diligentia, monumenta quævis atque acta, tum publica tum privata, congerant, sylvamque adeo conficiant, materiam sufficientem historiarum præbituram. Præstitit hoc, nisi nos omnia fallunt, summam cum laude, commentariorum quos nunc indicamus Auctor, quem a nonnullis *Lambertum* vocari accepimus. Is omnia ad istam rerum mutationem, quæ sub Jacobo II in Anglia contigit, spectantia monumenta tanta diligentia hoc in opere collegit, ut curiosissimi etiam harum rerum scrutatores fateri necessum habeant, exhiberi hic nonnulla, nunquam antea sibi visa. Nec nuda solum monumentorum collectio hic conspicitur; imo luculenta etiam, licet brevis & succincta rerum enarratio additur, qua omnia inter se colliguntur, ut jam historiarum haudquaquam profecto contemnendæ faciem præ se ferant. Illorum vero iniquum iudicium, quæ ex stili nitore & elegantia omnem historiarum laudem metiuntur, in præfatione deprecatur Auctor: miserosque & scholasticum-

Qq

pul-

pulverem redolentes vocat, qui cum ceteroquin quod carpant non inveniunt, voces & loquendi formulas arrodunt, & minutias fugillant. Contigisse id ait clarissimis nostri temporis Historicis, Ameloto de la Houssaie & Michaëli le Vassor, in quorum scripta umbratica illa & litigiosa criticorum natio insultus ejusmodi fecerit. Monet & hoc, animum sibi fuisse, usque ad mortem Mariæ Reginæ opus hoc perducere, aut ad minimum usque ad Limmerici deditionem; ipsamque rerum seriem & contextum hoc requirere: sed per nimiam illorum, qui hocce opus imprimendum susceperunt, cunctationem tantum sibi oblatum fuisse tædium, ut dubitet, an additurus ea sit, quæ adhuc restant. Quæ vero in hoc libro continentur, ex dictis nemini obscurum esse potest: cumque historiæ ratio vix permittat, ut hinc inde quædam decerpantur, ob arctissimum partium nexum, difficile fuerit exemplis, quæ in hoc opere tractantur, declarare; ipsius vero historiæ exhibere summam, supervacaneum ducimus, cum nemo temere sit, qui eam ignoret. Né tamen a more nostro discedamus, unum alterumve, quod maxime memoratu dignum nobis visum fuit, designabimus. Inter ea, quæ sub finem imperii Caroli II contigerunt memoratu digna, eminet haud dubie conspiratio illa Romanensium, quibus tum alias ob causas, tum ob pacem cum Batavis factam Carolus displicebat, detecta a Tito Oate, quem suæ calamitates reddiderunt celebrem, & immortalis velut vita donarunt. Auctor observat, esse hodienum, qui istam conspirationem inter fabulas referant, & commenta, ob quasdam circumstantias, quæ vix permittant, ut huic rei fides adhiberi queat. Istos vero parum caute agere, cum ab auctoribus istius sceleris hæc scèna ita instructa fuerit, ut iis legibus in criminis societatem alii allicerentur, ut si qui in animum inducerent, revelare secreta, vel hoc ipso narratio illorum dubia atque suspecta fieret. Mortuo autem Carolo, & Jacobo ad summam rerum erecto, Titus ille Oates, perjurii accusatus, damnatusque ad perpetuos carceres, additis & aliis poenarum generibus, fuit. Qui animorum motus in Anglia extiterint, cum Jacobus, Dux Eboracensis adhuc titulo gaudens, Romanæ licet ecclesiæ fa-

cra

*T. I. p. 3.
seqq.*

ora amplexus, viam tamen ad regnum sibi quovis modo munit, satis constat. Agitata vero ista res & in Comitibus regni seu Parlamento fuit, eoque perducta, ut lex decerneretur, qua omnes Romanæ ecclesiæ addicti, speciatim & Dux Eboracensis, a successione excluderentur. Istud decretum, quod paucis notum, exhibetur ab Auctore, qui & rationes addit, machinationesque, quibus Dux Eboracensis impediverit, ne promulgaretur, valoremque & efficaciam legis consequeretur. Quanta Wilhelmi, tum Principis solum Arausionensis, generi, in Jacobum socerum fides fuerit, quanta hujus in illum dissidentia, ex eo abunde patet, quod & ab Auctore confirmatur: videlicet, cum Dux Monmuthensis arma contra Jacobum pararet, idque rescivisset Wilhelmus, ad Skeltonum Jacobi legatum dixit, non contemnendos esse hosce Monmuthensis Ducis conatus, quippe qui rerum bellicarum haud imperitus esset, simulque & copias suas & se ipsum Regi, ad salutem ejus & defensionem obtulit. Sed Regis sinistram de Wilhelmo opinionem variis suspicionibus jam auxerat Skeltonus, qui adeo acceptare oblata, ab hoste occulto ea proficisci credens, renuit. Magnam ceteroquin historiæ hujus partem absolvunt variæ molitiones Jacobi, tum ad libertatem populi Anglicani infringendam, tum ad Romanæ ecclesiæ sacra introducenda, comparatæ. Quas dum prolixè Auctor recenset, non omittit quoque, omnem Jacobum movisse lapidem, ut memoriam Elisabethæ Reginæ, cui cum multis aliis iisque maximis bonis, religionis etiam puritatem Anglia imputat, ex animis Anglorum deleteret. Positum namque iis in more est, ut quotannis in recordationem maximæ earum, quas unquam orbis vidit, Reginæ, festum diem celebrent, eodemque inter alia solennia imaginem Pontificis comburant. Rex & in suæ, quam profitebatur, religionis opprobrium hoc interpretans, & omnem libenter occasionem a veneratione Elisabethæ animos avertendi captans, severissime, ne solenni ritu istum agerent diem, prohibuit; sed suo exemplo comprobavit, Principem jubendo, quorum obsequium impetrare nequit, & virum prodere imbecillitatem, & auctoritatis certissimam facere jacturam. Agitavit vero & hoc Jacobus, ut comitali decreto

p. 4. seqq.

p. 5.

p. 223.

fanciretur, præter jus fasque tenuisse Angliæ habenas Elisabetham, quo ipso & hoc se consecuturum sperabat, ut leges sub Elisabetha conditæ, quas suis maximo obistere conatibus sentiebat, vim omnem & efficaciam amitterent. Sed & ista, ut reliqua fero istius Regis, consilia successu caruere. Id vero nunc novo confirmari exemplo potest. Nihil optabat Jacobus ardentius, quam ut inter reliquos proceres Rochestriæ Comitem, sanguinis quippe vinculo sibi junctum, & magnæ etiam auctoritatis virum, eundemque Angliæ Thesaurarium, ad Romanæ ecclesiæ sacra perduceret: licet enim suis eum addictum partibus sciret, nondum tamen ei prorsus fidendum credebat, quem religionis disjangeret diversitas. Sed persistebat in sua opinione Comes, nec dimoveri se ab ea ulla ratione patiebatur: ut tamen aliquid dedisse sollicitationi Regis videretur, colloquio interfuit, inter duos doctores reformatæ ecclesiæ, & duos monachos Benedictini ordinis, instituendo. Eo colloquio finito Comes dixit, nullum unquam in animo suo de religionis suæ veritate scrupulum ortum esse, adeoque frustra esse qui sperent, se ab illa discessurum: Rex vero ipse profiteri necesse habuit: *nunquam se vidisse causam malam melius, & bonam pejus defendi, quam in hoc colloquio.* De Walliæ Principe, filiusne Jacobi an per fraudem suppositus sit, quam varix hodie

p. 503. seqq. adhuc historicorum sint sententiæ, constat. Rem omnem accurate exponit noster, nec quicquam eorum prætermittit, quæ in utramque partem tum fuere disceptata. Nos id saltem observamus, quod de civibus urbis Careoli (*Carlisle*) vel potius Romanensibus quibusdam, qui integræ urbis consensum præ se ferebant, refert. Namque & hi inter alios, ut Regi placerent, libello solenni (*adresse*) gratias ei agebant, pro libertate religionis omnibus concessa. In eo, cum ante Walliæ Principis nativitatem Regi offerretur, augurati sunt, fore ut, quod Regis felicitati deesse videbatur, brevi accederet, filius, regni pariter ac virtutum paternarum heres. Id licet fortuito casu ab illis dici potuerit, optandi magis quam vaticinandi animo, fuerunt tamen, qui inde suspicarentur, ut Auctor innuit, litterarum istarum auctoribus forte consilia clandestina aulæ non prorsus incognita fuisse. Quicquid hujus sit, Episcoporum captivitas eodem tempore insinuat

rem

rem omnem valde suspectam reddebat. Horum vero dum hie nos subit recordatio, non possumus non meminisse illustrissimi viri, Gilberti Burneti, qui & suas in hac scena strenue egit partes. Is namque cum ex Scotia in Angliam commigrasset, Rege Jacobo consentiente, consultum duxit peregrinas tantisper illustrare auras. Cum vero eo ipso tempore, quo magnum illud Romanensium mysterium magis magisque innotesceret, apud Batavos plurimi libelli prodirent, artes fraudesque Romanensium, & totam machinationum seriem detegentes, horum auctorem Burnetum credebant nonnulli, qui a partibus Jacobi stabant. Perduellionis itaque accusatus, & postulante Regis in Scotia procuratore, coram regni hujus Comitibus, eo quod ex Scotia oriundus esset, se sistere jussus est. Tandem cum post varia itinera in Belgio substitisset, capitis damnatus est, ob contumaciam. Hæc vero dum agebantur, ad Middletonum Secretarium Status, litteras nonnullas scripsit Burnetus, in quibus erudite & solide causam suam agit, & objecta diluit, & innocentiam suam clarissime demonstrat, Deum testem invocans, falsa cuncta esse & conficta, quæ ab inimicis sibi objiciebantur. Ipsas litteras celeberrimi viri, lectu dignissimas, una cum formula citationis, operi huic dum Auctor inseruit, simul ornamentum haud exiguum eidem conciliavit.

p. 230-240.

Jam ut ad alia progrediamur, de Comite Essexiæ hic accurate quædam tradi videmus, quæ an alibi temere obviam futura sint, dubitamus. Consistat namque, in carcere Londinensi, in quem ob conspiracyonem imputatam missus erat, jugulatum fuisse: tum vero famam divulgatam, eum violentas sibi ipsi intulisse manus. Innocentiam vero viri quidam peculiari scripto vindicavit, cujus summam prolixè Auctor refert, ex quo nefandas illorum artes, qui cum religione libertatem Anglorum opprimere conabantur, intelligere licet. Etenim id agit, ut ostendat, immisos in Comitum percussores, & deinde divulgatum, eum sibi ipsi mortem confivisse, ob scelus per conspiracyonem admissi conscientiam, ut populo persuaderent, vera esse, quæ de Procerum Evangelicorum contra Jacobum Regem conspiracyone lepide commenti erant; simulque suspicionem conspiracyonis a se contra Carolum II initæ

T. II. p. 42.

scqq.

Qq 3.

&

p. 290.

& a Tito Oate detectæ amolirentur, saltem mitigarent, si hoc obtinere possent, ut ejusdem criminis rei crederentur, a quibus quotidie sibi talia exprobrabantur. Quæ vero ab adversariis jactabantur, ad ἀπολογία Comitis probandam, omnia sollicitè in hocce scelere potest, ita neutiquam ejusdem experts censendus est Templæus, celeberrimi Equitis Guilielmi Templæi filius, cuius funestum oppido exitum Auctor itidem pluribus refert. Secretarii bellici munere cum fungeretur, atra sanguinis fuligine circumactus, in eam ingressus est sententiam, se parem huic muneri non esse: idque cum Regi significasset, ab eodem tamen bono animo esse jussus esset, cum, si quæ deessent, ex continua ejusmodi rerum tractatione essent accessura, nec defuturi essent, qui ei assisterent, & partem oneris in se reciperent, eo tandem devenit, ut die 14 Aprilis A. M DC LXXXIX in Tamesi navigans, in fluminis rapidissimam partem ex navicula desiliret, & ita finiret vitam. Schedulam reliquit, in qua eam mortis, quam diximus, causam afferre videtur, dum suscepisse se aliquid profuturum, quod haud sine magno Regis incommodo ad finem perducere potuerit. Quod tamen nonnullos aliter interpretatos esse, Auctor addit. Etenim acceperat Templæus litteras ab eo, qui Tirconellio in Hibernia erat a litteris secretioribus, quibus certior reddebatur, Tirconellium arma, quæ contra Regem Wilhelmum arripuerat, positurum, modo honestis id fieri posset conditionibus. Id cum Regi significasset, nec tamen eventus votis responderet, renitente Tirconellio, Templæus incommodorum, quæ inde in Regem redundare poterant, se esse auctorem credens, id consilium de vita finienda arripuisse videtur. Sed Templæus quidem suæ calamitatis ipsemet auctor extitit, si modo illi imputandum, quod atris sanguinis efficacia abreptus fecit. Fuerunt & aliorum hoc tempore in Anglia haud felicia fata, quæ tamen alia ratione ipsimet sibi attraxere. Insignis enim illa reipublicæ mutatio, quam tum Anglia subiit, non potuit non privatorum sortem multiplici ratione immutare. Rege enim ad opprimendam populi libertatem proclivi, non defunt, qui, ut favorem ejus capterent, religionem, fidem, famam, in minimis ponunt; sed nec defunt, quibus hæc omnia

omnia pluris fiunt quam ipsa vita. Illos tum plerumque gratia, honores, divitiæ manent : hos opum, dignitatum, haud raro etiam vitæ jactura. Quodsi ergo mutari scenam contingat, ut pulsus libertatis oppressoribus rerum potiantur, quibus salute populi nihil prius, nihil antiquius, protrahuntur in lucem, quibus cum squalore colluctandum fuit, proterviæ & impietatis pœnas dant promeritis, qui in summo rerum fastigio erant collocati. Ejusmodi exemplorum magna se offert in hoc opere seges, ad quæ attendere haud abs re fuerit, cum quæ ad publicum statum spectant, satis plerisque nota sint. Horum ergo nonnulla indicavimus, *p. 120. seqq.* quibus addi meretur Comes Sunderlandiæ, cujus frequens in hac historia mentio : quanquam is nec apud Jacobum quidem, quem forte speraverat, consiliorum fructum tulit. In gratiam enim Regis sacre ecclesiæ Romanæ amplexus, simulque ad maximas eventus dignitates, is esse credebatur, ex cujus arbitrio Rex cuncta gereret. Ast labascentibus pectusque euntibus Jacobi rebus, subito privatus & gratia Regis & omni fortuna, concidit. Sub Guiljelmo non meliora fata sibi polliceri poterat. Mutati in Jacobo erga eum animi causas vix quisquam tum suspicari poterat. Ast epistolam deinde ad amicum scriptam evulgari curavit ipse Sunderlandiæ Comes, quam & Auctor hujus collectionis exhibet, in qua docet, se quod subinde ad salubriora & saniora consilia Regis animum flecteret, hoc ipso Romanensium quorundam, quibus violentiora consilia optima videbantur, & a quorum nutu Rex unice pendebat, in se concitasse suspicionem, qui ex eo tempore non conquieverint, donec Regis animum plane ab se abalienassent. Sed hæc, quæ speciminis loco sint, paucis indicasse sufficiat.

THE GENERAL HISTORY OF ENGLAND &c.

i. c.

HISTORIA ANGLIÆ GENERALIS, TAM ECCLESIASTICA, quam CIVILIS, ab initio regiminis Wilhelmi I (vulgo dicti Conquestoris) usque ad exitum Regni Henrici III perducta; ex antiquissimis monumentis, manuscriptis editisque Historicis concinnata. Volumen II. Autore JACOBO TYR-

RELL, Armigero.

Lon-

Londini apud W. Rogers, 1700, fol. Alph. 14.

- P**rimus, qui A. 1697 prodit, Historiæ hujus tomum in his Eruditorum Actis eodem anno prolixè satis recensuimus p. 399 seqq. Eandem vero in secundo hoc, quam in priori volumine, rationem servat Nobilissimus Auctor, præmissa non minus Præfatione, quam Introductione prolixiori. In præfatione, quorum auctoritate usus sit, demonstrat; ubi præter alios, quos in recensu primi voluminis nominavimus, Rogerium de Hoveden in primis commendat, cujus vestigiis Benedictum Petriburgensem *κατὰ μέτρα* inhærere, tametsi nullam ejus mentionem faciat, observat. Sequuntur Radulphus de Diceto, Bromton, Geſvafius, Wilhelmus Nevvbrigensis, Matthæus Paris ejusque continuator, Thomas Wikes, nec non Eadmerus Cantaburiensis monachus, qui quantum circa historiam ecclesiasticam potissimum verſetur, multa quoque inspergit politica. Accedunt Scriptores Normannici ab Andrea du Chêne editi, Guilielmi, Pictaviensis & Gemmaticensis, ut & Ordericus Vitalis, ex quo multa speciatim de Nobilitate Normannica in Angliam translata cognosci possunt. Notat autem Chronicorum Normanniæ, quæ in fine hujus collectionis comparent, auctorem esse Robertum de Monte, cujus manuscriptum Chronicon Oxonii pariter & Cantabrigiæ exſtet. Valde tamen mutila illa esse fatetur. Nam cum in manuscriptis exemplaribus ab anno 1100 ad 1182 enarretur rerum series, in illis Chronicis initium sit ab anno 1139, & quæ Robertum auctorem agnoscunt, annum 1168 non excedunt, quanquam ab alio auctore fuerint ad annum usque 1259 continuata. Tacemus manuscripta alia, quæ ex Cottoniana aliisque Angliæ bibliothecis largiter Auctor suppeditata habuit. Præterea Gallicorum etiam & Scotico-
rum auctorum utitur suffragiis; e Polydoro Virgilio tamen pauca, ab aliis prætermiſſa, offert, eidemque graviter indignatur, quod non tantum Oxoniensem bibliothecam publicam, verum etiam alias templorum in Anglia bibliothecas expilaverit, manuscriptis voluminibus magna navi Romam transmissis. Quo majorem vero huic volumini gratiam conciliaret, appendicem adje-
cit, in qua diplomata Wilhelmi I & successorum usque ad Johannem exhibentur; ad privilegia potissimum & libertates cleri & populi

p. 8. 9. 10. 11.

p. 15.

p. 16.

li Anglicani spectantia, e quibus ea, quæ principe loco comparent, utut jam impressa, vel ideo addidit, ut pateret falso a D. Bradeo asseri, omnia Anglorum privilegia ab indigenis Regibus esse profecta. Duos tamen foederum seu pacis tractatus inseruit, plures additurus, nisi ceteros omnes, speciatim eos, qui Angliæ Regibus cum exteris gentibus intercesserunt, ab Historiographo Regio Rymero ex reconditis thesauris brevi publicatum iri sperasset. Et quamvis Bradei Historiæ laudes suas non deroget, tamen eam *Completæ* (qualis appellatur) Historiæ titulum nequaquam mereri censet, inprimisque in Bradeo dexteritatem, si quæ aliorum Historicorum testimonia allegari debeant, desiderat. Unde sibi fatetur propositum initio fuisse, ut animadversiones in Bradei Historiam ederet, quas cum paulo prolixiores futuras observaverit, novum hoc opus se fuisse aggressum. Quin etiam diligentiam desiderat, quandoquidem Bradeum neque eos, qui publice prostant, Historicos, pro eo, atque opuserat, neque manu exaratos, quas potuisset, consuluisset pateat. Interim multum se illi debere haud diffiteatur, & ex iis rebus, quæ sigillatim ad Johannem & Henricum III spectant, pleraque, quatenus veterum testimoniis consentanea sint, retinuisse se ait, publiceque rogat, ut alterum Historiæ suæ volumen, quemadmodum spes facta sit, breviedat, sed ad veritatem prorsus exactum; quod si fiat, denuo pertextenda continuatione superfedere se prorsus velle affirmat. Denique pariter omnes admonet, ut sibi diligenter caveant a novo Compendio Historiæ Anglicanæ, a nobis in Actis A. 1696, M. Augusto, pag. 362 sqq. recensito, quod tribus tomis divisum, & Gallico idiomate, conscriptum, sub titulo *Historia Conversionum Angliæ*, auctore P. d' Orleans A. 1695 prodiit. Id enim quantis scateat erroribus, ex eorum tantummodo Regum Historia, quorum in hoc volumine gesta Auctor noster exposuit, exemplo non uno demonstrat, adeoque probat Auctorem Gallorum partibus mancipatum esse, ut a Gallicorum quoque Historicorum fide discedere sæpe non vereatur. Sic, ut unicum exemplum producamus, contra omnium scriptorum fidem, Ludovicum Philippi Regis Gallix filium, in Angliam adversus Johannem Regem evocatum, solenniter coronatum fuisse Londini, impudenter asseri existimat.

Rr

Quem-

p. 17.

p. 19.

p. 20.

p. 24.

p. 25.

p. 26.

p. 27.

- Quemadmodum vero, quæ vetustissimis temporibus forma regiminis in Anglia fuerit, in prioris tomi, ut suo loco diximus, Introductione descripsit Noster: ita in hujus voluminis Introductione, quæ post Normannorum tempora fuerit forma, paritione inquit. Itaque eorum oppugnaturus sententiam, qui arbitriam Regum tuentur potestatem, negat Wilhelmum ita Angliam jure belli subjugasse, ut leges omnes everterit & libertatem, eoque falso nonnullos existinare, ejus successores pari, si velint, jure uti, neque iis resisti a quoquam salva conscientia posse. Cujus sententiæ potissimos defensores nominat Bradeum, Johnstonium, Fernium & Dudleum Digs, eodemque spectare ait quosdam Roberti Filmeri factus. Noster ergo, Historici acturus imprimis partes, primo disquirat, quatenus Wilhelmus jure belli Angliam occupasse dicendus sit? deinde ex historiarum monumentis expendat, num absoluto in subditos dominio usus sit, & tandem Bradei ceterorumque argumenta confutat. Hinc idem a Wilhelmo, quod ab Eduardo Confessore, juramentum præstitum fuisse, ostendit; cui accedit, quod Aldredus Archiepiscopus Eboracensis, qui coronam Wilhelmo imposuerat, eidem, cum minus datæ fidei memor esset, maledixerit. Neque enim Anglos, uti quidem juramento promiserat, pari cum Francis jure habebat. Cumque hoc juramentum plane idem fuerit cum eo, quo Reges quoque Saxonici fidem suam subditis obstrinxerint, non majori certe Wilhelmum, quam Reges illos, potestate gavissimum fuisse. Ex quo cum patere existimet Auctor, Wilhelmum nondum ob victoriam de Haraldo deportatam jus in personas, bona, & libertatem Anglorum sibi vindicasse, porro historiam eorum temporum paulo penitius considerat. Probat itaque primo loco, non omnia Anglis bona Wilhelmum, neque iniqua de causa, eripuisse, eaque pro lubitu paulo post adventura suum Normannis donasse, neque unquam Conquæitoris titulo in diplomatibus usum fuisse, hæreditario potissimum juri innixum. Ut vero testimonia, quibus Pradeus utitur, evertat, negat Codicis Nigri, qui penes Thesaurarium & Canerarios Scaccarii asservari solet, veram auctorem esse Gervasium Tilburiensem, neque eundem indubiæ fidei virum esse ait, quod vel ex ejus *Otiis Imperialibus* Ottoni IV Imperatori

ri dedicatis, qui liber manuscriptus bis existet in Anglia, unicuique pateat. Præterea ejus in Historia Anglicana ignorantiam, exemplis quoque nonnullis Auctor declarat. Secundo quaerit, num Wilhelmus maximam partem veterum legum Saxonicarum immutaverit, & propria auctoritate Normannicas introduxerit? quod potissimum adversus Petiti librum Anglicum, *Jura Communium, &c. asserta*, affirmaverat Pradeus. Probat autem, non ipsas leges, verum jus dicendi atque ordinandi modum fuisse immutatum, & quæ olim apud Saxones, quæque postea instituta, qui mores, vel pœnæ fuerint, facta diligenti comparatione demonstrat. Neque minus adversus Pradeum defendit Atwoodium, quem addit tamen defensionem accurate conscriptam dudum prælo paratam habuisse. Quin & ipsas leges Feudales retentas maximam partem fuisse asserit, idemque quod Normanni *Feodum* appellaverint, veteribus *pradium* seu *beneficium* dictum fuisse notat. Quæ singula dum operose probat, multa fatetur se Matthæi Hale *Histories & Analyse Legum Angliæ*, libro nondum typis exscripto, debere. Tertio de eo agit, quod nonnullis multum ad sententiam hanc momenti asserre persuasum est, quando Wilhelmum asserunt Regnum, in præjudicium filii senioris Roberti, in Wilhelmum Rufum per testamentum transtulisse: quo argumento Pradeus quidem haud utitur, qui & Saxones Reges libera potestate Regnum per testamentum in alios transferendi usos fuisse eredit; quam sententiam tamen Auctor noster & in prioris voluminis Introductione expresso refutaverat, & hic rursus explodit, objectionem alia ratione diluens. Porro quos hoc volumine complexus est, Reges non tam successionis, quam electionis jure munitos fuisse docet, hac inter cæteras ratione usus, quod, si successio prævaluisset, novorum Regnorum initia in ipsis antecessorum diebus emortalibus ponenda fuissent, quod secus factum observat. Denique quas Angliæ vicissitudines post Wilhelmi ætatem fuerit experta, luculenter describit: ubi occasionem sibi suppeditari ait, de Communium in Parliamentis suffragiis eorumque origine disquirendi, quam ad annum imperii Henrici III quadragesimum nonum vulgo Spelmanus, Pryn, atque adeo Pradeus quoque referunt; verum eam materiam, cum sit paulo majoris indaginis, tertii voluminis Introductione

p. 62.

p. 75.

p. 86.

p. 97.

p. 104.

p. 105.

p. 107.

p. 126.

p. 127.

p. 128. ff.

ductioni potius reservat. Ultimo loco quæ post Wilhelmi tempora in Ecclesia mutata fuerint, & quibus gradibus Pontificis in Anglia auctoritas creverit, accurate Auctor describit.

Ipsam opus octo libris constat, totidem Regum Historiz destinatis, quorum posteriores duo novam partem constituunt. Ut vero eadem per universum opus Chronologiae deprehendatur ratio, ex veterum more annos a nativitate Christi incipit, ita tamen, ut ab ea ratione discedendi libertatem sibi relinqui deinceps velit. Errores ut aliorum, tam Chronologicos, quam Historicos, ita speciatim Bradei p. 44, 163, 563, 731, 736, 917, 1033, 1067, 1077, & passim alibi confutat. Videamus tamen libros singulos, quantum instituti nostri ratio permittit. L. I. dum Wilhelmi I gesta perceriset, Hectoris Boethii & Buchanani graves errores tollit p. 26. Wilhelmi Rufi res L. II. complexus, Polydorum Virgilium refutat p. 77, & fatetur quidem, eum Regem a Walthero Tyrrell, celeberrimæ in Anglia & Irlandia familiae auctore, fuisse in venatione, sed casu interemtum, neque Bradeo causam esse, probat, cur in dubio relinquat, utrum id patricidium non destinato potius consilio factum sit, insimulque Historici illius, qui Bedam continuavit, auctoritatem ex eo minuit, quod eum fuisse insignem plagiarium demonstrat p. 108, f. Accedit postea L. III ad Henricum I, qui cum litteris pro ratione eorum temporum probe eruditus esset, cognomen *Beauclerk*, seu eruditi, meruit p. 113 ejusque ætate observat eam monetæ conditionem fuisse, ut si opus esset, facile nummus in quatuor partes, quarum æqualis valor esset, diffringi potuerit, p. 140. Consummationem matrimonii Henrici IV Imperatoris cum Mathilde ad annum 1114 refert, eoque eorum errorem refutat, qui eam ante quinque annos (quo tempore novem annorum puella Mathildis fuit) factam cum vulgo asserunt p. 149. Quales errores Chronologicos in Eadmero quoque p. 153, nec non in Wilhelmo Malmesburiensi & in Florentii Continuatore p. 174 deprehendit. Imprimis vero contra Matthæum Paris, & quos secutus videtur, alios Robertum a Rege fratre oculis privatum fuisse negat p. 176. In his, quæ ad Stephanum Regem pertinent, cujus gesta L. IV. perceriset, auctorem anonymum, cujus liber sub titulo *Gesta Regis Stephani* collectioni scriptorum Normannicorum insertus est, diligenter consultit,

suluit, quem & Bradeus & alii Historici prorsus dicuntur neglexisse. Imprimis vero accurate describit, quæ ab Imperatrice Mathilde & ejus asseclis adversus Regem concitata fuerint; & Scoticos Historicos refutat p. 213. Libro V, quo de Henrico II tractat, Gervasium Cantuariensem, quoad Chronologiam, cæteris præfert p. 302, quem tamen infra p. 306 ejus auctoritatis non esse existimat, ut in Historia quoque aliis Historicis anteponi debeat. Primam sub hoc Rege in hæreticos pœnam ab Anglis statutam esse, Noster asserit p. 307, triginta quippe Germanis A. 1159 stigmatè notatis, virisque caesis, & frigore atque inedia enectis. Quæ vero Henrico Regi cum Thoma Archi-Episcopo Cantuariensi intercesserint, prolixius a p. 310 usque ad p. 370 recenset, usus imprimis Wilhelmi Fitz-Stephens & Eduardi Ryme libris manuscriptis, quorum alter in Cottoniana, hic in Bibliotheca Collegii Greshamensis Londini asservatur. Tum & Scoticos Historicos p. 385, & Gallicos p. 447 refellit, & quæ de Rosamunda Henrici pellice referuntur, maximam partem ut fabulosa explodit p. 457. In Historia Richardi I, quæ L. VI continetur, Rogerii de Hoveden Annales, ut alibi quoque, imprimis sequitur, nisi quod, si alios dissentientes deprehenderit, probabiliorem sententiam elingat; neque quicquam omittit, quod ad expeditionem sanctam pertineat, animadverso obiter Gallicorum Historicorum errore p. 510, & Gulielmo Newbrigeni, & Bromtono refutatis p. 517. L. VII Johannis gesta persequitur, & Matthæi Paris potissimum, testimoniis utitur, ita quidem, ut si quando Gallos aliosque Scriptores dissentire deprehendat, id identidem observet, eorumque p. 732 refutat sententiam, qui liberum fuisse Johanni perhibent, exactiones populo, adhibitis tantum in consilium Consiliariis intimis, pro subitu imponere. In L. VIII, cum de Henrico III agit, frequenter iis monumentis utitur, quæ in Appendice ad Bradei Historiam exhibentur; ipsum tamen Bradeum non uno in loco, tum & auctores Gallos p. 854, Historicos Walliæ p. 931, Speedium, & quem secutus est, Camdenum p. 1094 refutat. Cæterum ita ubique se gerit Auctor, ut enarrata prolixè rerum gestarum serie, postquam de mortis genere dictum est, prope finem de characterè unuscujusque Regis, de prosapia, de legibus, de ex-

actionibus aliisque ejusmodi rebus sigillatim agat, exemplo, ut videtur, Richardi Bakeri nostro quoque Auctori non illaudati, qui quam rationem in Chronico Regum Angliæ servet, vel ex Actis nostris Supplem. T. III p. 319 cognosci poterit.

JO. FRANCISCI BUDDEI P. P. PARERGA Historico-Theologica.

Hale Magdeburgicæ, apud H. G. Muffelium, 1703, 8.
Alphab. 1. plag. 19.

Cum non uni literarum generi se prorsus addiderit, sed cum Theologiæ studio Historiarum etiam atque Philosophiæ, præsertim morali & civili, conjungendum sibi esse Celeberrimus & a nobis sæpe jam laudatus Autor, nosterque in componendis Eruditorum Actis adjutor strenuus, existimaverit, nec unius quoque generis esse potuerunt, quæ in lucem hæcenus protulit, ingenii excellentissimi monumenta. Ac solennem inprimis receptamque in nostris Academiis consuetudinem, juxta quam selectiora ex omni doctrinæ genere argumenta in disputationibus publicis proponuntur, hinc ab ineunte juventute sequendam sibi posteaquam statuit, varias hucusque in lucem publicam emisit exercitationes, quas omnes ad quatuor referri posse classes innuit, Historico Theologicas puta, Juris dehinc Naturæ & Gentium, Civilis porro Prudentiæ, ac tandem Philosophicæ, quæ vocari sæpe, Historiæ.

Ex hisce classibus prima nunc seligitur, præsensque fasciculus decem sistit disquisitiones Historico-Theologicas, quarum plerasque illa ætate, quæ vel maxime aliorum quandoque auctoritate soleat circumagi, scriptas a se fuisse proficitur; quinimo in scriptis suis juvenilibus tantum non omnibus, majorem sibi in modum dicendi, quæ sit usus, rationem displicere addit, cum ea magis ad ornatum, quam ad veritatis cum aliis communicationem, comparata sit. Nihilo tamen secius haud impediendum esseratus est, quo minus juveniles etiam hæc dissertationes denuo ederentur.

Et prima quidem inter has de *Symbolis* agit *Eucharisticis*, & post sacra horrenda Gnosticorum, Ophitarum, Cataphrygum & Montanistarum ritus indicatos & explosos, de pane fermenta-

to in sacra Cœna adhiberi cœpto plura differit. Secunda de *Theodotione*, ejusque Græca Scripturæ sacræ versione verba facit. Tertia cum quarta ritus *Ecclesiæ Latine Judaicos* exhibet. Quinta, quid in *allegoriis Origenis* laudem vituperiumve mereatur, indagat. Sexta *Ludovici Bavari Imperatoris innocentiam*, adversus Abrahamum Bzovium, aliosque iniquos obtrectatores vindicat. Septima *ruinam murorum Hierichuntinorum* considerat, & ostendit, non potuisse rem tantam solis naturæ viribus peragi, sed agnoscendum heic omnino esse miraculum. Octava in *artes Tyrannicas Hieronymi Savanorolæ* invehitur, sed, quæ excipit hanc, nona *retractationem* antea dictorum instituit, maleque olim Savanorolam relatum esse ostendit inter eos, qui ad acquirendas opes, imperiumque sibi firmandum, pietatem sumant obtentui. Decima denique *animadversiones* exhibet in *Petri Charvini librum de religione naturali*; ubi de insufficientia luminis naturalis ad salutem, de libero arbitrio, de electione & reprobatione, de vitæ humanæ termino, de conscientia, de concursu Dei ad actiones hominum malas, de concordia rationis & religionis Christianæ, de adoratione Christi dum inter mortales versatus est, de lege naturali, deque peccato originali, erudita & exacta commentatio suscipitur.

Hisce vero Dissertationibus nova nunc ad Lectorem accedit Præfatio, in qua de singulis earum nonnulla monet; nec erit, uti opinamur, divitiarum, monitorum istorum summam huc referre. In prima, de symbolis Eucharisticis, merito quidem a se accusatos inquit esse Hæreticos, at tamen si non omnes, saltem plerosque, qui Tatiani disciplinam secuti sint, & Eucharistiarum nomine veniant, longe mitiorem promereri censuram statuit; quæ vero de perpetuo panis azymi in sacra Eucharistia usu in eadem dissertatione attulit, ejusmodi esse deprehendit, ut dum asseruerit, panes non fermentatos a Christi Servatoris institutione semper obtinuisse in vera Ecclesia, parum absit, quin suam ea de re sententiam nunc immutandam existimet; in veteri autem Ecclesia, panis Eucharistici rotundam figuram magnitudine multum superasse placetulas nostras orbiculares, quas vulgo oblatas vocamus, recte abs se dictum fuisse, denuo confirmat. In secunda, Theodotio-

dotionem gente Ponticum, & ex urbe Synopenſi ortum fuiſſe, Epiphanium ſecutus quondam aſſeruerat, idque haud invita veritate ſe ſtatuiſſe, contra Ludovicum El. Du Pinium, ex autoritate Irenæi Ephēſium eundem facientem, adſtruit. In duabus de ritibus Eccleſiæ Latinæ Judaicis Diſſertationibus, plurima quidem auctarii in vicem addi poſſe, ſed in ſententia earum nihil mutari debere ſtatuit, iis reſpondens, qui ritus Eccleſiæ Romanæ cum ritibus potius Gentilium convenire, perſuaſum ſibi habeant; quam Chriſtianos non ritus Templi, utpote ab indole & ſimplicitate ſuæ religionis magis alienos, ſed ritus ſaltem Synagogæ aſſuſiſſe, ex Stephani Le Moynii obſervatione vero ſimillimum iudicet. Johannem Evangeliſtam ideo, quod ex ſacerdotali familia ortum traxerit, ſummi etiam Sacerdotis ſigno, lamina videlicet aurea, uſum eſſe, penitus inſiciatur. Occaſione quintæ Diſſertationis de allegoriis Origenis, in nimium allegoriarum ſtudium, quo non pauci in præceps acti deprehendantur, animadvertit, & Hermannum inprimis Deuſingium notat, quod eouſque progredi haud erubuerit, ut Trinitatis quoque myſterium in allegoriam tranſmutarit. Circa ſextam Natali Alexandro reſpondet, qui ut aliqua ſaltem parte Romano placeret Pontifici, quem ſuis erga Galliæ Regem, etiam cum imminutione Pontificiæ auctoritatis conjunctis adulationibus, jure offenſum metuerat, iniquiſſimum in Imperatores Germanicos, eos maxime, quibus cum Romanis Pontificibus lites interceſſere, ipſumque adeo Ludovicum Bavarum, ſeſe præbuerat. In ſeptima de murorum Hierichuntinorum ruina, iis ſe iſſe obviam affirmat, qui naturæ viribus miracula peragi potuiſſe contendunt; neque id morari ſe nunc dicit, quod nonnulli regerant, non ſatis nobis conſtare naturæ vires, multo minus, quanta in eam ſpiruum ſit efficacia. Etenim licet naturæ vires non prorſus nobis conſtent, hoc tamen manifeſtam eſſe ait, ſoni, qui tubarum clangore populique clamore excitatur, tantam minime reperiri efficaciam, ut muros poſſit evertere. Spirituum potentiam neſcire nos fatetur, ſed ſi vel maxime ſpiruum in his acceſſerit opera, non deſinere tamen eadem eſſe miraculum, cum hoc nomine talis operatio veniat, quæ vim efficaciamque corporum naturalium ſuperet. Quod ſuam de Savanola diſſertationem retractarit, de decori ſibi haud eſſe poſſe, exemplis æque

æque ac rationibus illustrat ac evincit. Animadversiones tandem in Chauvini librum de religione naturali neutiquam intempestive nuncius publicari, ideo arbitratur, quod nondum hocce saxum volvere desinant viri eruditi, sed quisque pro lubitu sacræ doctrinæ aliquod sibi systema fingat, solum, ne quid admittere cogatur, quod ratio perfecte non capiat; prout sigillatim, quid Lockius, & quid Johannes Clericus, alique post Chauvinum hac in controversia statuerint, demonstrat.

JOSEPHI JUVENCII E SOCIETATE JESU

Orationes.

Parisiis apud viduam Simonis Benard, 1701, 8.

Constant 1 Alph. 16. plag.

Laudabilem valde operam in patria lingua exornanda cultissimos Gallorum ponere, publice constat, nec nostra prædicatione indiget. Non desunt tamen inter eos, qui Latini etiam sermonis decus & venustates impigre affectantur, ingenique sui monumenta polito Romanæ dictionis genere expriment. Pauci, fatemur, illi sunt hodie, cum plerique Gallorum Gallice scribant, non Latine; sunt tamen aliqui. Quos inter non ultimam meretur gloriam Josephus Juvencius, vir clarissimus, qui tersas admodum & elegantes Latinas scripsit orationes, quæ ante biennium conjunctim sunt editæ. Equidem Auctor patria relicta Romam abiit, nec forte curam libri hujus edendi suscepisset; quam tamen amico & collegæ veteri, quin litteraræ rei se debere, non male credidit Gabriel Franciscus le Jay, ex eadem Societate, qui orationes has ex parte olim mandatas typis, partim nondum editas, publicæ luci donavit. Juvencius per annos quinque & viginti Rhetoricam Gallicæ juventuti, in regio Ludovici Magni collegio Societatis Jesu, explicuit, & Cadomi partim, partim Parisiis orationes suas habuit. Quindecim illarum sunt, ornatae omnes & venustæ; pleræque in laudibus Regis Christianissimi enarrandis decurrunt. Prima de Trajecto ad Mosam expugnato agit; ostendere conatur altera, Burgundiam Sequanorum, quem liberum Comitatum vocant, nunc maxime, postquam Regis Galliarum esse

SS

cepit,

cepit, dici oportere liberam. Et Flandriam, nisi tota Gallica sit, felicem esse non posse, tertia probare annitur. Quarta panegyricum exhibet Ludovico Magno, religionis vindici scriptum, licet eloquentius hic quam verius in Reformatorum religionem orator invehiatur. Quinta Ducis Burgundiæ genethliacum exhibet, & quam falso ac periculose ingenii gloria novitatis defensoribus tribuatur, oratio sexta ostendit. Septima Ecclesiæ Parisiensis; octava Lutetiæ panegyricus est. Nona, quid sibi Gallia de Burgundiæ Ducis institutione debeat polliceri, commonstrat. Decima, Galliam nunquam magis invictam quam anno 1690, nunquam vincere digniorem fuisse; undecima, res anno 1692 prospere in Gallia gestas virtuti Gallicæ deberi, non fortunæ, probare intendit. Duodecima, quam est populis optanda pax, tameruditis bellum litterarium expetendum esse, demonstrat. Decimæ tertiæ argumentum est, Gallos anno 1696, dum agere nihil videntur, plus quam annis superioribus egisse; & decimæ quartæ, gentem Gallicam unam omnium esse, cui religio debeat plurimum, quæ plurimum religioni debeat. Ultima denique laudationem exhibet funebrem Henrici Borbonii, Principis Condæ, & Gallico P. Bourdalove in Latinum a Juvencio conversum. Hæc sunt elegantissimarum orationum argumenta. Tam Latine & eloquenter ad unam omnes sunt scriptæ, ut non possint non cum summa voluptate legi. Juvencius certe, qui jam olim Horatium, Juvenalem, Martialem & Terentium edidit, eruditique illustravit annotationibus, quid dicendo valeat, orationibus his commonstravit.

CORNELII VAN BYNCKERSHOEK JCTI AD L.

Ἀἰῶνις de Lege Rhodia de Jactu Liber Singularis, & de Dominia Maris Dissertatio.

Hagæ Batavorum apud Johannem Verbeffel J. F. 1703, 8.

Constant 16, plag.

Clarissimum Autorem, Libro singulari obscuram Legem *Lexa* explicantem, adjectaque Dissertatione pactorum, Juris stricti contractibus incontinenti adjectorum, nodos solenter solventem, in Actorum nostrorum Supplementis *Tom. III. S. II. V.* sistimus.

stitimus. Jam simile specimen, ex elegantiori magisque recondita Jurisprudencia Romana depromptum, idem exhibet, dum celebrem *l. g. de L. Rhod. de jactu* luculento commentario illustrat, ac de Maris dominio insuper differit. Egerunt quidem hac de re jam alii, sed quæ illi dixerunt, Noster non dicit, cui, ut ait in Præfatione, nunquam vacat describere, scribere vacat aliquando. Post relata memoratæ Legis verba Græca & Latina, novem capitibus singula exequitur Autor doctissimus. Primus labor est circa Legis inscriptionem: *Volusius Macianus ex Lege Rhodia*; quæ & autorem Legis, & librum, in quo illa sit relata, innui, auctoritate codicis Florentini Noster censet, ac Gothofredi, Mæcianum hæc scripsisse *libris Publicorum*, & verbis *ex lege Rhodia* indicari, hunc locum ex Jure Rhodio, quod nobis superest, esse descriptum, existimantis, sententiam refellit, adjiciens librum Mæciani *ex Lege Rhodia* singularem, linguaque Latina conscriptum videri, ac Legem nostram nonam ex actis Imperialibus, non vero, ut putat Gothofredus, ex auctoritate sive præfatione Legum Rhodiarum, quæ hodie circumferuntur, probabiliter descriptum a Mæciano esse. His peractis, ut nescit Noster ad ipsa Legis nonæ verba, inter quæ primo occurrit libelli supplicis inscriptio: *Deprecatio Eudæmonis Nicomediensis ad Antoninum Imperatorem*. Circa hanc ostendit Autor consultissimus, a veteri Interprete non esse recedendum, cum *deprecari* sit, non juxta vulgum, sed Latinorum præstantissimos, etiam *valde precari*; quicquid Gellius in contrarium somniaverit. Supplicantem vero fuisse hominem e Nicomedia Bithyniæ, cui Eudæmon fuerit nomen, ac direxisse illum preces ad Imperatorem Antoninum, quo nomine quis veniat, non liquere; probabile tamen esse, ut vel Pius, vel Marcus, non autem Caracalla, vel Heliogabalus, intelligatur. Inde succedit Eudæmonis propositio, cujus pars, *Domine Imperator Antonine. Naufragium in Italia facientes*, Nostro varia adnotandi ansam præbuit, & quidem primo, de appellatione Domini, aliqua ille observat, postea refellit eos, qui in-textu Græco pro *ναυφάγιον*, legi jubent *ναύαγιον*: licet enim non tantum vox *ναυφάγισ*, sed & tota locutio, *ναυφάγιον πορὶν*, Latina sit, nec apud bonos autores Græcos occurrat, attamen

men Thufci codicis auctoritatem obtinere debere, eaque verba retinenda esse Noster contendit, cum probabiliter sint alicujus Græculi ævi sequioris: nam translato Byzantium Imperio, Græcos cum hoc, tum aliis temporibus, multa ex Latino, Principis Populi, sermone traxisse. Imprimis tertio clarissimus Autor admonet, quod circa verba, in *Italia*, seditiose penitus tumultuentur non tantum, qui Jurisprudentiam, sed & qui Grammaticam profiteantur, in hoc tantum concordēs, delendam esse *Italiam*; nam in ea non magis opportune naufragium fieri posse, quam in mediis Alpibus aut silvis Lybiæ; præterea illa non coherere, quod naufragium in Italia factum, direptio vero Eudæmonis & sociorum apud Cyclades accidisse mox perhibeatur. Noster tamen *Italiam* servari cupit, nam ἐν τῇ Ἰταλίᾳ erit in mari circa Italiam Hadriatico, vel Tyrrheno, vel Tarentino, vel etiam in Italici fluminis aliquo vel lacu; aut si nihil horum placeat, ἐν erit ad, apud vel prope Italiam, bonis autoribus, Græcis & Latinis, eo sensu voce hac utentibus: denique nec altera ratio invicta est, cum nec locus direptionis determinetur, nec, si hoc factum supponas, absurdum sit, direptionem procul a loco naufragii fieri. Postquam laboranti *Italia* succursus est, deinde Autori placuit Criticorum in eam impetus capite intercalari redarguere, ac quid Petito, Salmasio, Cirionio, Gothofredo, *Italia* surrogare visum sit, quidque aliis, ac imprimis garrulis emendatoribus, amplius hic videri possit, expendit, addens, quod si quibusdam tantum desperationis sit, ut de *Italia* hic omni modo actum esse velint & conelamatum, eos *Æthalam*, insulam prope Samum, Cycladibus ipsis vicinam & Livio memoratam, pace sua restaurare posse; quæ Nostri conjectura eo verisimilior videri potest, quod eandem foveat quoque Vir clarissimus Gerhardus Noodt. Cum enim hic Nostrium inviseret, eidemque penitus persuasum esset, Italiam in nostra Lege non retineri non posse, significavit, se in Observationibus Criticis, propediem edendis, *Æthalam* illam Livii esse restitutum: cui Noster se, si quid mutandum videretur, eadem inter cæteras uti conjectura, ex adversariis suis continuo rursus fidem fecit. Pergit naufragus Eudæmon: *direpti sumus a Publicanis, Cyclades insulas habitantes.* In hac oratione cum nec direptionis locus, nec genus & color

color exprimatur, frustra de utroque disputari Noster admonet, contra Gothofredum imprimis, multis in posterius illud caput arguantem. Direptio facta esse perhibetur *ὑπὸ τῶν δημοσίων, a publicis*, ut habet translatio vetus: alii verterunt, *servos publicos*, quos præcise asserendos esse, præcipit Gothofredus. *Publicis* autem quo succurreret Saknasilus, in Græco legi jubet *δημοσίων*: quas versiones & correctiones neotericorum uti Noster non improbandas esse censet, ita necessarias eas non arbitratur; ac postquam τῶν δημοσίων simpliciter *homines publicos*, versione maxime secuta, verti posse admonuerat, luxuriantes Criticorum conatus, conjecturas inanes, ineptasque consequentias argute perstringit, & in Accursii, Cyclades ad Italiam transferentis, excusationem nonnulla profert. Deprecationem excipit Imperatoris responsio, nam Respondit Antoninus Eudæmoni: *Ego quidem mundi dominus*. Quam varie hic in Græco textu legatur, ac simplicissima alioquin vox εἰνὶ vertatur, primo indicat Noster; cumque Antoninus, de gloria imperii magnifice præfatus, causam ad se delatam non finiat, sed incertum Eudæmonem ad Legem Rhodiam mox remittat, quam falsam inde nectat Gothofredus consequentiam, secundo ostendit: inde transit ad insolentem illum titulum, quo Antoninus se *mundi dominum* vocat, quaque intentione idem videatur adhibitus, tum an ereditibile sit, Antoninum Pium vel Philosophum eodem uti potuisse, disquirat, temperandoque infano illi fastui unicuique medium superesse ait, si per *mundum*, intelligamus *Romanum*. Postea interpretum de illo mundi dominio, an scilicet dominio maris includat, aut recte olim Romanorum, hodie Germanorum Imperatori, vel etiam Pontifici Romano tribuatur, inepte otioseque trlicantium turba Nostro vapulat; vapulant & illi, qui ineptias istas refutare sustinuerant vapulant; denique Regum nonnullorum Orientalium protervia & furores, quibus non tantum omnium terrarum, nullis exceptis, ne forte quem angulum suffurari tentes, sed & cæli ac inferni dominos sese jactitant. Persequitur responsum Antoninus: *Lex autem maris, Lego id Rhodia, quæ de rebus nauticis præscripta est, judicetur*. Post indicatas varias hujus versiculi versiones, Nostro lectioni receptæ inhærendum videtur. Hinc prima verba eo sensu accipit, *lex autem est maris*, quasi di-

cat Antoninus: *est jus constitutum receptumque de rebus nauticis; me igitur, quamvis terra marisque dominum, de his noli interpellare.* Sic abit Noster a divīs, quos vocat, interpretibus, qui vocem *κῆρυξ* heic repetendam censent, quasi hoc velit Imperator, *se esse dominum mundi, sed legem dominam maris*: addit tamen, nec hanc interpretationem, si recte accipiatur, esse incongruam, nec inde sequi, quod Antoninus, suo ipsius testimonio, semet imperio maris excludat: quæ nonnullorum falsa sit persuasio. Non igitur adeo obscura videntur verba Antonini, sed nihilominus nonnullos tantopere turbarunt, ut ad partes emendandi confugerint, vel etiam variis interpretationibus eorum sensum eruere fuerint conati, quorum sententias Noster expendit, ac inprimis eleganter ridet eos, qui imperium maris, legi scilicet invidentes, ventis dederint; in quem censum pertinet Samuel Petitus, qui legit *ὁ δὲ ἀντὶ τῆς θαλάσσης*, Salmasio laudatus & probatus. Provocat Antoninus in responso suo ad Legem Rhodiam, non illam, quæ Parisiis & Amsterdami anno 1647 publicata est (hanc enim supposititiam, ac ab esuriente quodam Græculo, minus attento minusque docto impostore, confictam esse, pluribus contendit Noster) sed antiquam & veram, cujus gloria Rhodus olim celebrata est, quamque deperditam nunc frustra quarimus; cumque infinita sit Cæsaris oratio, hinc vulgo existimant, Romanos olim, in causis maritimis, generaliter vero illo jure Rhodio esse usos. Sed Nostro probabilius videtur, ex legibus Rhodiis nihil apud Romanos valuisse, nisi unicam illam *de Jactu*; cæteras a Romanis esse quidem confirmatas, sed solum quoad causas Rhodienses. Cum tamen Antoninus Eudæmonem, in casu factæ direptionis, ad Legem Rhodiam remittat, qui ex lege illa de Jactu, apud Romanos auctoritatem habente, decidi non posse hæcenus Nostro videtur, hinc Cæsarem ista ad Rhodiensem quendam, in causa Rhodia, rescripisse amplius censet, ac simul fatetur, ex suspecta illa Legum Rhodiarum farragine, quæ hodie habetur, nullam præcise designari posse, ad quam Cæsar Eudæmonem remiserit, utut Mornacius capitulum primum eo transferat. Absolvit tandem Antoninus responsum: *Quatenus nulla nostrarum legum adversetur. Hoc idem Divus quoque Augustus judicavit.* Duo hic exhibentur versiculi. Primum, quoad lectio-

lectionem Græcam, sibi ubique fere constare, ast in eo Latine transferendo, varie tricarî Interpretes Noster observat, cumque in eo habeatur exceptio, quoad Legum Rhodiarum observationem, ipse vero paulo ante, usum laudatarum legum ad causam Rhodiam restrinxisset, hinc ulterius arbitratur, Rhodiorum *ἀνθρωπίνων* a Romanis non aliter esse confirmatam, iisdemque legibus suis uti permissum, quam si hæ Romanis legibus non adversarentur; alioquin Romanas, etiam apud Rhodios, legibus Rhodienfibus prævaluisse. Alter verficulus uti variantibus lectionibus aut versionibus non adeo est obnoxius, ita duo circa eum quærentur, *cujus ille sit*, & *quis per Augustum intelligatur*? Nostro probabile videtur, esse illum Antonini, & per Augustum intelligi Octavianum Augustum, etfi quoad utrumque aliter sentit Gothofredus. Postquam ista scripserat doctissimus Autor, ad eum perlata est Dissertatio ad Legem nostram nonam, Lugduni Batavorum anno 1698 conscripta. Adjecti igitur *ἐπιθῆται*, in quo eam strictim eum *ἐπιεικῶς* sua recenset. Inter alia, Autoris illius observationem, qua ab specie facti, quam Eudæmon retulit, non necessario alienam esse omnem de Jactu inspectionem contendit, cum jactus naufragium vel sequi vel antecedere potuerit, laudat Noster, ex eaque in rem suam hoc efficit, sententiam, quam de partiali legum Rhodiarum apud Romanos auctoritate antea proposuerat, nunc subsistere, quamvis responsum Antonini de causa Rhodiensi (ad quam alias illud Nostro restringendum videbatur) non accipias; cum stante Autoris illius conjectura, probabiliter Antoninus Eudæmonem ad Legem Rhodiam de Jactu, apud Romanos etiam valentem, ablegaverit.

Dissertatio de *Dominio maris*, quam libro singulari Noster subjecit, novem capitibus itidem constat. Primo præsupponit ille, dominiorum ex naturali possessione cœpisse, nec diutius durare, quam possessio corporalis adsit. Quod igitur dominium ultra possessione hodie nonnunquam duret, id non quidem effectum esse universali aliquo generis humani pacto, quod absurde nonnulli asserant; sed unice dependere a lege civili, vel a fœderibus gentium specialibus, eo fine inter ipsas celebratis. Ex quo etiam (quod hucusque non apparuisse putat) apparere amplius arbitratur Noster, quo sensu in *l. 5. ff. de Just. & Jur.* ex jure gentium dominiorum disti-

tutur.

tinctio esse dicatur, nempe eo jure pactis foederibusque agnitionem esse
 & probatum illud jus, quod dederat antiqua occupatio, seu potius
 illud jus, quod amissa possessione amittebatur, extensum esse ad
 eas regulas, quibus in civitate reguntur rerum dominia. His præ-
 suppositis, ad mare, terræ proximum, Noster progreditur, ejusque
 dominium acquiri pronunciat, si quis navi una vel pluribus eo ani-
 mo in vacuum ejus possessionem venerit, cumque a possessione do-
 minii durationem suspendat, hinc continuam possessionem eatenus
 adesse censet, quatenus mare continenti potest haberi subditum,
 i. e. quousque tormenta exploduntur. E mari proximo ad exterum,
 in quod civitas e terra dominari nequit, pergit Noster, ejusque
 dominium habili occupatione acquiri, ac perpetua possessione inter
 gentes conservari censet; cum lex civilis, quæ ultra possessionem,
 dominium extendere solet, inter liberos populos auctoritatem non
 habet, nec pacta eo sine inter eos iniri soleant. Ex navigatione,
 autem, intentione habili velut animata, & occupatio & possessio, e-
 jusque continuatio colligitur; quibus mediis Romanos olim domi-
 nium maris Mediterranei & Britannici tenuisse, Auctor existimat,
 adjiciens, non ex armorum classumque potentia possessionem ac do-
 minium maris præse existimandum esse, sed si quis vel una scapha,
 occupet mare non occupatum & possessum, isque eadem scapha,
 dominii animo, pergat navigare idem mare, cum jure optimo cen-
 sere dominium, nec nisi per injuriam inde submoveri. Ex sola igitur
 navigatione possessionem ac dominium maris exteri judicandum
 esse, a quo non recte abeant Strauchius & passim Seldenus, qui crea-
 tis domi archigubernis, propositis edictis, aliisque vanis & tralatitiis
 jubendi imperandique modis, possessionem maris servari sibi per-
 suadent. Inde porro colligi Noster vult, hodie nullam gentem
 dominium maris exteri sibi asserere posse, cum nulla interruptam
 detentionem docere queat, a qua tamen unice proprietas depen-
 deat. De extero, occupatione & possessione non tantum imperium,
 sed & dominium maris acquiri dicendum esse; hinc etiam consueti
 domini effectus, a Nostro per partes explicatos, hic asseri debere.
 Ex his principiis Anglos, maris Britannici dominium sibi asserentes,
 strenuumque eorum patronum Seldenum Noster submovet: licet
 enim actus nonnulli, dominium illud probaturi, adducantur, attamen

men navigationem dominii acquirendi intentione factam, eaque data, possessionem perpetuam ex suis hypothesebus postulat; infra quæ labor Seldeni substitit, cum hodie nulla classis, imo ne una quidem navis, quæ Populi Anglicani nomine mare Britannicum naviget, adduci queat. Hinc non invidet Noster Seldeno splendida testimonia, quibus ille ad tuendam Gentis suæ gloriam, longe lateque superbit; cum dominium maris ab errantium testimoniis arcessi haut par sit, imo a veris etiam marium nominibus ad eorum dominium inferre non liceat. Plus momenti quidem adferre videntur gentium, Anglorum illud imperium agnoscendum, testimonia, sed si, cum polliderent Angli, imperium sit agnitum, nihil, cum non possideant, agnitum videbitur; siquidem id quisque præsumitur cogitasse, quod juris est, atque adeo id, quod Noster circa dominium maris antea præsupposuit: quod si autem ultra actualem possessionem, dominium Anglorum, a nonnullis agnitum sit, id agnoscendum quidem, non vero aliis, nec in specie Belgis, præjudicabit, cum res inter alios acta aliis nec prosit, nec obsit. Eandem sententiam in Venetos, dominium maris Adriatici sibi tribuentes, Noster pronunciat. Licet enim variis, ac in specie decantatæ illius desponsationis annuæ, argumentis dominium defendi soleat, attamen cum non continuo hodie mari incumbant Veneti, illud negare iisdem non dubitat: nam, ut amplius sciscit, incumbimus equidem, ubi classes nostræ, aliis jure fugatis, animo domino navigant, sed has ubi domum revocavimus, desinimus possidere, & cum possessione amittimus dominium, & quotquot sunt dominii compendia. Aliud dicendum esset, si vel quævis navis, navicula, scapha, cymba ad tuendam possessionem maris vela dare atque iterare cursus pergat relictos; sic enim nec mari, nec domino excedimus. Pro Genuensibus, asserendo Ligustici maris dominio, fortius quidem philosophari volunt videri Gentis istius Scriptores, dum eos, ad tutelam laudati maris, classem triremium perpetuam habere contendunt: hinc nisi remiserit illa gravitas & studium possidendi, fere est ut Genuenses maris Ligustici dominos Noster renunciaret. Verum cum ex idoneis autoribus intellexerit, habere eos triremes, sed domi, non in Ligustico, cætera eas non armare, nisi e republica esse videatur, mare a vicinis Afris purgare, vel si quid his est simile; hinc vere

tur idem, ut remiserit possidendi accuratio, & Genuenses maris Ligurici dominio exciderint. Id magis expeditum videtur, Regem Galliae injuria imperium in mari Mediterraneo sibi arrogare. In gratiam Gentis suae seu Belgarum mentiri non vult Noster, sed iis tantum modestiae esse ait, ut usu maris exteri & fructu contenti, nec dominium sibi adsciscant, nec aliis inuideant, qui sola nominum superbia delectantur. Sententiae igitur totius hae est connexio: Oceanus, quia patet, totus imperio subjici non potest, pars potest, possunt & maria mediterranea, quotquot sunt, omnia. Nulla tamen pars Oceani, neque ullum mare mediterraneum ditione alicujus Principis tenetur, nisi qua in continentis est imperio. Est mare liberum, quod non possidetur, vel universum possideri nequit; erit tamen clausum, si post justam occupationem in fatis sit, ut possessione non interrupta teneatur. Post hanc nonnulla testimonia, quibus maris dominium adfirmatur, nec non exempla quaedam Gentium, quae maris potitae esse perhibentur, adducit clarissimus Autor, ac quousque illa ex hypothesebus suis admittat, amplius edisserit. Inde Grotium, mare liberum, i. e. natura sua domini expers, pronunciantem refellit, ac Juris Romani auctores (quorum memoria Nostro semper fuit critque, donec ipse erit, sancta, secus ac Welwodo ac Seldeno, iisdem ignorantiam juris naturalis, vel oscitantiam quandam imputantibus, visum est) non eo sensu maris communionem asseruisse offendit, ac si mare omnino non possit fieri proprium, sed quod, illorum aeo, maxima sui parte occupatum possessumve non fuerit, imo forte nulla, si exterum spectes.

*D. CHRISTOPHORI HELVICI ELENCHI JULI-
dici. M. ANTONII PROBI Oratio de Monarchia regni
Israelis. RAPHAELIS EGLINI, Iconii Tigurini, Capi-
vitatis Babylonica Historia. Cum THOMAE CRENI
praefatione, notis & indice.*

Lugd. Batav. apud Abrahamum de Swart, 1702, 8.

Alphab. r. pl. 12.

Cum a prudentiorum nonnullis rogaretur Clarissimus Crenius,
ut in utilitatem Christianae religionis, studiosorumque sacrae
Theo-

Theologix, Christophori Helvici Elenchos Judaicos denuo ederet, tantum abest, ut ipsorum honestissimis refragari voluerit desiderii, ut porius, pro indefessa sua, quam in opuscula Theologorum Lutheranorum ab interitu vindicanda impendit, diligentia, abunde etiam iisdem satisfecerit, additis tractatibus duobus aliis, quos huc non male quadrare existimavit. Posteaquam enim Elenchos Helvici Judaicos e Disputationum Giessensium tomo quarto & quinto repetit, Antonii Probi, Pastoris quondam Islebiiensis, de Monarchia Israël's Orationem, quam veluti nec humilem, nec abjectam, nec nimis altam & exaggeratam plenam tamen gravitatis, concinnam & distinctam laudat, juxta primam illius editionem Islebii A. 1586 curatam subnectit, librumque claudit Disputatione, ut vocat, beæ coctæ Raphaëlis Eglini, Iconio Tigurini, Marpurgenfis Theologi, de Historia captivitatis Babylonicæ, habita A. 1607. Nec omissurum se fuisse dicit Edonis Hilderici Frisii Orationem de Politia & Hierarchia populi Judaici, itemque Clarissimi Christophori Cellarii dicta de captivitate Dissertationem, nisi utraque se destitui cognovisset. Præfationem interea prolixam satis, sed & admodum eruditam, tribus his opusculis præmisit, in qua id imprimis agit, ut scripta eorum largo numero recenscat, qui Gentilium & Judæorum maxime conversionem promovere intenderunt. In notis autem, quæ solis fere Elenchis Helvici subjiuntur, nonnulla de adventu Messiae, p. 30. & an Jesus noster Nazareus verus sit Messias? p. 35, de Pseudo-Messias p. 34, de sex millenariis annorum mundi p. 33, de Judæis, an inter Christianos tolerandis? p. 194, de usuris eorum, p. 218. & similibus hinc inde disserit.

*CLARISSIMORUM VIRORUM AD GEORGIUM
CASPARUM KIRCHMAIERUM Epistola, qua super sunt,
cum ejusdem Epistolis nonnullis ac Poëmatibus, ex Museo
GEORGII GUILIELMI KIRCHMAIERI,
G. C. Fil. Græc. Lit. Prof. Publ.*

Wittebergæ, apud Christ. Theoph. Ludovici, 1703. in 8.
pag. 19.

T t 2

Quam

Quamvis plurimi fortassis epistolas suas ad amicos familiariter scriptas, in scriniis possessorum abscondi perpetuisque tenebris sepeliri mallent, interest tamen Reipublicæ litterariæ, ut eæ imprimis, quæ eruditionis aliquam partem spectant, in lucem protrahantur. Quod probese cum pendit Clarissimus Georgius Guiljelmus Kirchmaierus, Parentisque adeo sui, venerandi olim Academicæ Wittebergensis Senioris, scrinia, quæ his talibus refertissima existimavit, sedulo excussit; quanquam, nescio quo fato, longe minorem, quam quidem speraverat, earum copiam repererit. Noluit tamen publico invidere, quicquid dignum clariori luce statuit; unde in præsentî sylloge non eas solum exhibet epistolas, quæ ad Parentem ipsius ab aliis, utpote Ismaële Bullialdo, Jo. Henr. Bœclero, Hermanno Conringio, Samuele Strykio, Georgio Hieronymo Welschîo, Henr. Oldenburgio, Dan. Georgio Morhofio, Jo. Ludov. Hannermano, Ottone de Guericke, Jo. Dan. Majore, Antonio Magliabechio, Jo. Hevelio, Gerardo Abbate Luccensi, Jo. Georg. Grævio, cæteris, perscriptæ sunt; sed istas etiam, quas ad hos aliosque vicissim ipse exaravit. Et istarum quidem 39, harum vero 12 numerantur. Nec est, ut rerum memoratu dignarum vacuas easdem quisquam statuat; quin messem potius sat uberem Lectoris pollicemur, e qua perexiguum heic exhibemus spicilegium. Pag. 2. Bullialdi de LXX Interpretibus mens, & p. 5. de sententia Erasmi Schmidii circa Sibyllas Bœcleri censura habetur. Pag. 9. Conringius remedium adversus malum hypochondriacum subministrat, idemque p. n. Zieglero succenset, quod Grotio se valedixisse, testatus fuerit. Pag. 15. seqq. Welschii, Oldenburgii, Klengelii commendatitiæ de noctiluca constante Kirchmaieriana comparent. Pag. 33. Jo. Dan. Majoris ratio studendi sistitur. A p. 62 ad 67 duabus in epistolis Georgius Leonh. Modellius ad varias de Windshemio, urbe, quæstiones respondet. Pag. 76 f. Gerardi, Abbatis Luccensis, de Thasiorum quodam nummo sententia exponitur, & p. 81 f. idem de barba Caroli M. disserit. Pag. 84 de Hagestolziis per epistolam cum Kirchmaiero agit Tobias Eckhardus. Pag. 86. Frid. Illmerus, Comes de Warthenberg, gratiam singularem, qua Imperator LEOPOLDUS Academicam Wittebergensem complectatur, multis verbis celebrat.

Inter

Inter eas vero, quas ad alios scripsit Kirchmaierus, præcipuæ sunt, quas de Cometis, & illo imprimis, qui A. 1680 illuxit, ad Wedelium, Weigelium, Volcamerum, Hevelium dedit; sed insuper, ne cæteras penitus intactas reliquamus, pag. 97. Bæclero de Landgraviis Thuringiæ seiscitanti respondet; p. 108 f. phænomena quædam magnetica in scenam producit; p. 114 de pyrophagis ad Jo. Dan. Majorem disserit; p. 116. Jo. Baptistæ Colverti laudes decantat; p. 129 f. Hevelium consolatur, ob ejus opera, organa, manuscripta, machinas & pretiosa alia, quæ ignis A. 1679 absumserat; p. 137 vitam suam recenset Henningo Wittenio, p. 144 f. ad epistolam superius memoratam de Thasiorum nummo provocat Abbatem Luceensem; p. 157 f. de conceptione hominis & de animæ propagatione, quæstiones varias proponit Frederico Ruyschlio; p. 161 scriptorum abs se editorum & typis de huo exseribendorum catalogum Frid. Benedicto Carpio consecratum texit. Stipantur hæc epistolæ nonnullis Kirchmaieri poematibus, quæ pro varia occasione passim emergente, modo ad personas principes, modo ad viros eruditos, modo ad urbes resque alias direxit Autor. Sed & hæc appendicem peculiarem nacta sunt, Editoris nempe duo programmata, alterum de *Ævangelia* Oratoris, alterumque de Sybillinis Oraculis, ac duas dissertationes Mathematicas de Witteberga.

BURCARDI GÖTTHELFII STRÜVII BIBLIOTHECA JURIS SELECTA, secundum ordinem litterarum disposita, atque ad singulas partes juris directa. Accessit Selectissima Bibliotheca Juris.

Jenæ, apud Ernestum Claudium Bailliar, 1703, in 8.

Alph. 1. plagi 11.

Insitutum est Auctori Clariss. notitiam rei litterariæ secundum singulas disciplinas tradere, & cum inter has paratiorem ad prelum haberet Bibliothecam Juris, eandem præmittere voluit. Duodecim hæc capitibus absolvitur, in quorum primo agit de scriptoribus, qui vel bibliothecam, vel vitas istorum composuerunt; secundum de fontibus juris Civilis, Græci, Francici, Germanici & Novi;

T t 3

tertio

tertio de commentariis ad diversos fontes juris ; quarto de scriptoribus , qui historiam , ideas , systemata , vel controversias juris ediderunt ; quinto de scriptoribus , qui integra opera juris , decisiones & consilia ediderunt ; sexto de scriptoribus , qui regulas , logicas , antiquitates & lexica juris scripserunt ; septimo de scriptoribus practicis ; octavo de bibliotheca criminali ; nono de bibliotheca feudali ; decimo de bibliotheca juris canonici ; undecimo de bibliotheca juris publici . Tandem capite duodecimo adnectit bibliothecam juris selectissimam , maxime juris studiosi . In quovis capite certas fecit sectiones , prout ordo rei litterariz postulabat , ita ut primo semper exhibeat fontes cum commentariis , historiam , compendia , systemata , consilia & alia , prout se invicem sequuntur , uti ordinem dispositionis singulari indice expressit . Non autem ipsi propositum fuit , singulos libros exponere , sed prout titulus etiam præ se fert , selectiores solum . Et quidem inter hos ubique notat , qui præcipui , adjectis nonnunquam brevibus judiciis . Addidit in fine indicem tum dispositionis , tum auctorum alphabeticum , ut eo melius usui esse posset ipsius labor , atque in singulis accuratam rei litterariz dispositionem exhibuit . Promittit etiam præcepta sua generalia rei litterariz , quæ , uti percepinus , jam sub prelo sudant , & reliquas disciplinas eadem methodo exponere .

JO. HENRICI FEUSTKINGII, HISTORIA CLERO-GAMIE Evangelica, sive de primo Sacerdote marito Lutherano, Bartholomæo Bernardi, Schediasma.

Vitembergæ, apud Gottfridum Zimmermannum, 1703, 4.

Constat plag. 9. in 4.

Multi sunt, qui existimant, Carolo stadium primum inter sacerdotes inivisse matrimonium, postquam Lutheri auspiciis perpurgari diviniore doctrina ac luci suæ restitui cœpit. Hunc errorem ut ipsis eriperet maxime Reverendus *Feustkingius*, Doctor Theologus, Ecclesiæ Kembergenfis Pastor, Templi Cathedralis

dralis Præpositus, & Dioceseos Antistes, separatim hac de re commentatus est, evicitque, non Caroloftadio, sed *Bartholomæo Bernhards a Feldkirchen*, qui nonnullis *Velcurio* appelletur, gloriam matrimonii, a sacerdote Lutherano tum primum initi, adferendam esse. Cujus proinde vitam copiose exponit, resque gestas eo studiosius enarrat, quo magis par esse censet, ut ejus memoria sancta & inviolata conservetur, qui sanctimonia & morum innocentia multis præstitit, & pro Ecclesia multum diligenterque curavit. Nostrium est, instituti summas commemorare, ductisque velut lineis efficere, ut de toto opere judicium ferri queat.

Natus *Bernhards* est anno 1487 *Feldkirchæ* (non in loco quodam Austriaco, Slyn dicto, uti perperam existimet Seb. Münsterus) agri Suevo-Carinthiaci oppido, unde natales repetere Jodocum Morlinum, Jo. Dollstium seu Dolitium, Jo. Bernhards Velcurionem, nostri fratrem, viros optimos & publicis docendi muneribus in Academia Vitembergenfi sanctos, Auctor monet. Græcis Latinisque literis innutritus est Isenaci anno 1499, ubi tum Joannes Trebonius, Franciscanus, rectius paulo & exquisitius, quam ea ætate fieri consueverat, bonas literas tradebat. His excultus, divinæ humanæque sapientiæ studiis in Erfordiana Academia totum se dedit, istudque stadium alacriter decurrit, præmiis quoque, hoc est, summis Philosophiæ honoribus & *Baccalaurei Biblici* titulo, impletis. Ast mox ampliorem laboris fructum tulit, quando Brandeburgi sacris initiatus *Hypodiaconi*, Halberstadii *Diaconi*, & Curie in Rhætia *Presbyteri* munia ingressus est. Utut vero post hac Vitembergam concedens, Physices Aristotelicæ professionem sustinuerit, a sacro tamen studio ita abduci non potuit, quin scholas aperiret, & disputandi provinciam crebro ac soletter administraret. Dignas imprimis, ut ex Lutheri tom. I. Lat. huc apponeret, judicavit positiones Feustkingius, quas de libero arbitrio ac voluntate hominis sine gratia, præside Martino Luthero, anno 1516 exquirendas proposuit, & egregie defendit. Quod eo spectare monet, ut intelligatur, ab ista disputatione perpurgatæ religionis initium arcessendum esse. Cum ergo doctrina atque pietate maxime floureret, & imprimis Luthero contra Tzelium

zelium diligenter adesset, factum est, ut Henrico de List, Præposito Kembergenſi, A. 1518 fatis functo ſurrogaretur. Accurate hæc occasione tum de Kemberga uno lapide Vitemberga diſtante, nec non de Præpoſiti titulo, tum vero & de Chriſtophoro de List, Canonico Miſeneniſi anno 1506 mortuo, Henrici jam memorati fratre diſputat, ut planum apertumque ſit, eum ad hanc rem perſequendam idonea præſidia attuliſſe. Inde ad Velcurionis matrimonium explicandum accedit, doletque, nec nomen, nec genus illius, quam thori ſociam delegit, ullibi exprimi. Nuptias celebratas dicit anno 1521, eo menſis die, qui in faſtis divo Bartholomæo ſacer eſt, & quem ideo *diem liberationis Paſtorum* læto erectoque animo majores vocaverint. Hoc ipſo vero, quod tum Wartburgi delituerit Lutherus, rerum, quæ Kembergæ gerbantur, ignarus, labefactari ac dirui illorum ſententiam, qui Lutheri auſu & inſtinctu conſecta hæc ajunt & temere pronunciant. Parum cæteroquin abſuit, quin iſta res Velcurionem in diſcrimen adduxiſſet, Alberto inprimis Magdeburgenſi & Halberſtadienſi Præſule conjugium improbante, & ut Halam veniens inſtituti cauſas exponeret, ſerio poſcente. Sed iſti obtulit apologiam (quæ Tomo II Luther. Jen. Lat. reperitur, & a Melanchthone conſignata dicitur, cujus etiam exemplar Miſtum in Bibliotheca noſtra Paulina extat) & præterea ſupplicibus ad Fridricum Saxoniz Electorem literis perſcriptis, facti rationes reddidit. His enarratis, conſutatisque, qui Clerogamiz Lutheranæ initia a Caroloftadio repetunt, Jo. Cochleæ, Stapletono, Maimburgio ac cæteris, reliquum vitæ Bernhardinæ curſum explanat, & quam charus Melanchthoni, Camerario aliisque doctis ac præclaris ejus ætatis viris extiterit, recenset. Inter mala, cum quibus ipſi conſiſtendum fuit, prætereundum hoc non eſt, quod a militibus Hiſpanis, Saxoniam vaſtantibus, in muſeo ſuſpenſus, ſed auſpicato ab uxore liberatus fuerit. Obiit venerabilis Senex Kembergæ anno 1551.

* * * * *

ACTA ERUDITORUM,

publicata Lipsiæ

Calendis Augusti, Anno MDCCIII.

Preussische Krönungs-Geschichte / oder Verlauf der
Ceremonien / mit welchen der Allerdurchl. Großmächtig-
ste Fürst und Herr / Herr Friedrich der dritte / Marggraff
und Churfürst zu Brandenburg / die Königl. Wür-
de des von ihm gestifteten Königreichs
Preussen angenommen / &c.

Hoc est :

*ACTA CORONATIONIS BORUSSICÆ, SIVE DE-
scriptio Ceremoniarum, quibus Serenissimus ac Potentissimus Prin-
ceps ac Dominus, D. FRIDERICUS III, Marchio & Elector
Brandenburgicus, Regalem Dignitatem Regni Borussici a se con-
stitui assumpsit, & se atque Conjugem Serenissimam, SOPHI-
AM CHARLOTTAM, Electorali Brunsvicensi Domo or-
tam, Unionis ritu Regem & Reginam conse-
crari voluit.*

Coloniz ad Spream, 1702. fol.

Constant Alphab. 13. plag.

Quod multis seculis nemo mortalium viderat, eo Sere-
nissimus ac Potentissimus Princeps Elector Bran-
denburgicus FRIDERICUS III novum secu-
lum mirifice ac splendidissime auspicatus est, novo
Regno in Borussia constituto, cujus ipsemet se Regem,
idemque Conjugem Serenissimam Reginam, nemine quidquam
conferente, tantum adnuente Deo, creavit. Multæ prodierunt

Uu

au-

augustæ hujus Inaugurationis Descriptiones, sed nulla plenior, neque verior hac ipsa, quam exhibemus, quæ, qui collegit atque composuit, Vir Nobilissimus JOANNES BESSER, Serenissimi Regis Borussiae Consiliarius ac Supremus Magister Ceremoniarum, non ab aliis audivit, sed vidit, interfuit, & Regis jussu egit ac ordinavit: & quia elegantissimis studiis imbutus est, more suo, id est scite ac eleganter consignavit omnia. Praefatione ad Potentissimum Regem, sub qua ipse nomen suum, ut de Autore constet, subnotavit, rei admirabilitatem prædicat, novæ prorsus post Portugalliae Siciliæque Regna, ante sexcento circiter annos constituta. Neque enim inde usque ulla provincia seu principatus in Regni evecta sublimitatem est, nisi Hibernia, quæ vero non novum Regem accepit, sed quem olim Regem suum respectu Angliæ, etiam Majores ejus, venerata fuerat. Et illud dignum admiratione fuit, quod sine ullius injuria, sine bello, sola virtute Regis & inde manante existimatione, quam apud magnos Principes meruerat, Borussiae suam Regnum fecit, & se illius Regem. Ritus autem & ceremoniæ plane singulares fuerunt, ab ipso Rege sapientissimo ordinatæ ac dispositæ. Hæc in præfatione. Opus ipsum Nobilissimus Autor orditur a causâ, qua factum fuerit, ut Borussia tanta fortuna & dignitas accresceret, quam virtutem FRIDERICI WILHELMI dicit, summi Herois Brandenburgici, qui primus nexum illum, quo Ducatus Borussiae Poloniae Regno obligatus erat, dissolverit. Addit de vaticiniis quibusdam, JOACHIMI I Electoris Brandenburgici, qui ex astrorum significatione prædixerit, aliquando fore, ut Domus sua in culmen Regium evehatur: & Bodeckeri, Pomerani poetæ, qui A. 1657, quum Regiomonti Serenissimus FRIDERICUS nasceretur, hos versus de ipso scripsit, & A. 1692 ad Eundem dato carmine repetiit.

Nascitur in Regis Fridericus Monæ, quid illud?

Praedicunt Musæ: REX Fridericus erit.

Narrationis autem initium sumit Autor ab itinere, ex Marchia in Borussiae exeunte seculo, id est mense Decembri 1700, suscepto, ut ineunte novo anno atque seculo novum decus, idque summum ac vere Regium, temporibus adderetur. Dilata autem Coronatio apparatus causâ est in XVIII Januarii, qui cum appropinquaret, triduo ante sive diē XV, voce præconis, præeunte æneatorum

XXIV & tympanistarum equestrium choro, & splendidissimo quoque Aulicorum comitante, instans augusta solennitas per civitatem Regiomontanam publice fuit edita. Sequenti die novus Ordo Equitum, a nigra seu Borussia Aquila nomen habiturus, institutus est, in eumque lecti Filius Regis, Regni Heres; deinde tres Fratres Regis, Dux Curlandiae, Dux Holsatiae, & multi Comites, aliique summi Aulæ Ministri Regiæ. Cancellarius autem Ordinis, Comes de Wartenberg, Supremus Camerarius Regis, creatus est.

Cum illuxisset dies XVIII, qui inaugurationi Regiæ destinatus erat, Rexque & Regina vestimentis Regiis induti essent, Rex sibi ipse Coronam imposuit, ipseque Sceptrum sumit, quia nemini, præter Deum, accepta illa refert: Regiæ autem Rex Coronam imposuit. Et hæc intra Arcem facta, antequam in Templum prodiretur. Processum dein hora X fuit ad Templum Arci conjunctum, per viam panno rufo contextam. Ordo autem deductionis in Templum talis fuit:

Post duos caduceatores, coronatis caduceis & pictis vestimentis ornatos, ac duodecim æneatores cum tympanista, antecursores Regii, & adolescentes nobiles, Regi apparentes, ibant: dein Collegia Ministrorum varia ad summum usque, seu Intimorum Status Regii Consiliariorum, ex quo præsentis erant Illustrissimi Domini de Fuchs & de Schmettau. Post hos iterum duo caduceatores, tympanista & duodecim æneatores: dein duo Marchalli cum scipionibus, in quorum apice Aquila, insigne Regni, effigata erat: sequebatur Cancellarius Creutz Sigillum Regni portans: post quem pari dignitate Minister (Land-Hofmeister) gestans Regni Pomum: tandem Burggravius Supremus tenens Gladium Regalem. Tum incedebat Serenissimus Princeps Juventutis, Heres Regni, & post eum sinistrorsus Gubernator ejus, Comes de Dohna. Nunc, qui omnium oculos & reverentiam in se convertit, ipse REX Borussiae FRIDERICUS, Coronam capite gestans, Sceptrum tenens manu, gradiens sub umbraculo coccinei coloris holoserico, quod a decem nobilissimis Proceribus portabatur. Syrma purpuræ sive pallii Regalis pone Regem Minister primarius Comes de Wartenberg cum duobus Comitibus Cubi-

culariis manu sustinebant, ne longitudine traheretur. Proximus ibat Præfectus militiæ Regni, Comes de Barfus: & a lateribus umbraculi (quod Cælum a similitudine vocant) retrorsum tamen, Corporis custodes, inter quos medius Comes de Dohna a Reichertswalde Vexillum Regni gerens, cui ejusdem insignia intexta erant.

Regina sequebatur cum comitatu suo. Præibat Dux Holsatæ Fridericus Ludovicus, Generalis Præfectus militiæ equestris: ipsa Regina sub pari umbraculo coronata, & utrimque a Marchionibus, Fratribus Regis, ducta processit: Aulæ Magister ejus ad sinistram ibat: Dux Holsatæ & ambæ Magistræ Aulicæ Regalis pallii gerebant syrma: alius autem, nobilis genere, Holsatæ Principis syrma excipiebat. Utrunque Corporis custodes succedebant, & post eos Princeps Virgo Holsatæ, ducta ab Reginæ Cubiculario de Gromkau. Tum reliquæ ex Gynæceo Reginæ, & nobiles femine civitatis Regiomontanæ.

Ad Unctionis sacratissimum actum Rex duos ex primariis suis Theologis, tanquam Episcopos elegerat, Ursinum, Berolinensem Aulæ Antistitem, & Sandenium, Regiomontanum. Hi in atrio Templi, cum sex aliis Ecclesiæ Ministris, tribus Reformatis & totidem Lutheranis, Regem & Reginam intrantes faustis vocibus, præeunte Ursino, exceperunt: inde Rex & Regina quisque Thronum suum occupaverunt. A sacris initium factum, & cantatis hymnis Antistes alter preces recitavit huic actui accommodatas. Deinde, interjecto alio hymno, Ursinus pro concione interpretatus est Dei verba ex 1 Sam. II, 30: *Qui me honorat, cum ego quoque honorabo.* Post sacrum hunc sermonem, & cantatum hymnum *Veni Sancte Spiritus*, Rex de Throno inter clangorem tubarum & tympanorum cum comitatu suo ad aram processit, ante quam scabellum fragulis contextum erat, in quod, positis corona & sceptro, genibus procubuit, & a consecratore Ursino ex balsami pyxide, quam Regis jussu Comes de Wartenberg ei obtulerat, in forma circuli sive coronæ in fronte unctus est, etiam in utraque manu ad pulsus articularum, precante & optante eodem Consecratore, ut cujus hoc symbolum & figura sit, Deus Spiritu Sancto ungat & corroboret Regis Majestatem. Cum Supremus Camerarius, Comes de Wartenberg,

sub-

subtili linteo unguentum deterfisset, Rex resumptis corona & scepro, cum suis ad Thronum regressus est. Deinde ad aram Reginae comitatu suo accessit, & pari ritu a Consecratore Episcopo inuncta est, præterquam quod coronam, quia adligata erat, non deposuit, nec unguentum Camerarius Supremus, sed Dux Hollata deterfit, quæ linteolum Consecratori dedit, hic pyxidem unguenti Summo Camerario de Wartenberg. Regina quoque ad Thronum suum reducta, Consecrator ad aram persistens publice gratulatus est; deinde ad utrumque Thronum, comitantibus cæteris Sacerdotibus, qui juxta altare ad latus utrumque steterant, & Regi & Reginae fausta precatus est; indeque ad populum conversus, alta voce dixit: *Time Deum, honorate Regem & Reginam; & quæ aliæ precandi hortandique fuerunt formulæ.*

Finitis sacris hymnoque Ambrosii & Augustini, & inter canendum tormentis circumquaque explosis, Supremus Burggravius veniam publicam & captivorum liberationem, gladio, quem manu erectum tenuerat, in signum Regiæ clementiæ demisso, ex literis recitavit: a qua venia autem Majestatis divinæ ac humanæ violatores, deinde voluntarii homicidæ, tandem ob debita seu æs alienum in vincula conjecti, excludebantur.

Tum ex Templo in Arcem eodem ordine, quo ingressio facta erat, redibatur: & novi nummi, quibus sacrum caput Regis expressum est laureatum, cum nomine FRIDERICUS REX; & altera facie Corona, cui superscriptum, PRIMA MEÆ GENTIS; novi inquit, tum nummi tam copiose in populum ejecti sunt, ut singuli homines quidam vicenos ac plures etiam exceperint, & panis, quo via Regalis constrata erat, populo ad diripiendum, etiam inter epulas Regias bos assus ad discerpendum permissus est, & vinum duobus tubis publice diffusum. Interea convivium Regale apparatus fuit, in quo Rex & Regina sederunt Coronam in capite & omnem Regium ornatum retinentes, nisi quod Sceptrum Ille Cubiculario Comiti de Dohna post se tenendum tradiderat. Regalis ubique magnificentia, ministrantibus Cubiculariis Comitibus. Regi prægustavit Comes de Wartenberg: Reginae Princeps Hollata. Adfederunt Filius, Heres Regni: & Regis Fratres, & Soror Curlandia cum Filio. Ad unumquemque potum Regis & Reginae

novem tormenta majora: ad Filii, sex; ad cæterorum Principum, tria explodebantur. Mensa sublata, & Rege, Regina, & convivis, unoquoque in suum conclave, digressis, & insignibus Regni apud Regem depositis; qui ministraverant Procere, laute quoque ac Regie sunt epulati.

Nox ingruerat, tegens cætera nostri Orbis: Borussia & Brandenburgicæ urbes lucebant, & inter accensa lumina pulcherrimas figuras & elegantissimas inscriptiones, Regis sui & Reginae honori dicatas, ostentabant.

Die insequenti Ordines Regni gratulationis causa Regem mane adierunt: post meridiem Regum Principumque Legati. Bido post venationum spectacula edebantur; & cum invesperasset, studiosi Juvenes Academiae concentu musico Regem suum venerati sunt: interjecto die Senatus Academicus Panegyrico, quem Eloquentiæ Professor Schreiberus dixit, officium Regi subjectissime fecit; qui cum ad Collegium cum Filio & Fratribus & Primoribus Aulæ venisset, ab Rectore & Collegis oratione brevi exceptus; atque ita etiam, cum finita panegyri egrederetur Collegio, dimissus brevi sermone est. Sequentis diei vespere sera, seu nocte potius jam illapsa, ludi pyrobolici miræ artis edebantur: & XXX Januarii die, qui sacer erat & Dominicus, in Templo Palatino D. Sandenius quasi colophonem solennitatibus, ab Unctione adhuc continuatis, sancto sermone, præsentibus Rege & Regina & universa Aula, imposuit. Reliquum tempus Legatis mittendis & audiendis datum, & Regno undique de iis, quæ incolumitatem ejus præstent, est prospectum. Nunc reditus in Marchiam indictus erat, cum tres civitates, & quibus Regiomontum constat, transitoriis molibus construendis, per quas Regem dimitterent, impensè operam dederunt. Diversa harum figura erat; prima instar Pyramidis: altera Honoris templum referebat: tertia Arcum triumphalem. Et quod per omnes transitus patebat, communi nomine *Honoris Porta* sunt appellatæ. Exitus ex urbe illustris fuit & magnificus. Magnus comitatus, qui præibat, oppidanus: Aulici ordinatim sequebantur. Rex equo Hispanico excedebat: Regina curru vecta octo jugi: plateæ, per quas exhibatur, splendidissime erant ornatæ, & tormentorum tonitru omnia personabant. Itum per Dantiscum, cujus

cujus civitatis Senatus misit, qui obviam Regi salutandi causa venirent: etiam, qui egressum urbe honorifice prosequerentur. Bero-
linensium autem apparatus omnium fuit illustrissimus, tam multitu-
dine Portarum Honoris, quas vocant, (septem enim fuerunt) quam nocturnis illuminationibus & pyrobolico spectaculo; quæ cuncta Nobilissimus Autor cum emblematis suis & inscriptionibus in Appendice, quasi altera parte, copiosissime descripsit. Tandem Teutonica Carmina, ingenii sui monumenta, quæ perennius dura-
bunt, quam cuncta cætera, adjecit. Nihil enim aptius inveniri in hoc Regio argumento, nihil exprimi verbis concinnioribus potest: ut vel solo hoc specimine, & si nulla ejus exstarent alia, satis probatum dederit, in Germaniæ Poetis paucos cum illo comparari posse, anteferi forte neminem. Cæterum hæc tantum præmissa sunt minori forma & editione: eadem, sed splendidiora, & in augusta charta, atque plurimis figuris æri incisis illustrata, quamprimum ab-
solverint artifices, subsequantur.

*HENRICI VAGEDES, DUM VIVERET, HISTOR.
ac Eloquentia Professoris in Academia Hasso-Schaumburgi-
ca, quæ est Rintelii, OPERA ACADE-
MICA.*

Francof. & Rintelii, apud Forsterum & Enaxium, 1703, in 4.
Alphab. 2. plag. 5.

BEne mereri cupiens Clarissimus Philippus Ludovicus Pastoir de Manibus sui in Historiarum atque Eloquentiæ Professione in Academia Rintelienfi antecessoris, Henrici Vagedes, ingenii ejus doctrinæque monumenta. sparsim antea vulgata, in unum colligenda corpus existimavit, atque adeo Dissertationes, Orationes item & Programmata, quæ ipsum autorem agnoscunt, ab interitu vindicavit. Dissertationes igitur comparent undecim, interque eas prima cathedram Petri considerat, & quibus artibus a Paulo IV festum ei sacrum introductum fuerit, exponit. Secunda propagationem linguæ Romanæ, dominationis profanæ sacræque arcum fuisse probat. Tertia in causas factæ a Paulo III translationis Synodi e Tridentina in Bononiensem urbem inquirat, & i-
gna-

gnarone hujus consilii Pontifice, an conscio, eadem contigerit, explanat. Quarta de spiritu bullari & bulgari concilii Tridentini agit, & unius curiæ Romanæ arbitrio rem omnem ibi actam fuisse ostendit. Qua quidem dissertatione celeberrimus Tigurinorum Theologus, Jo. Heiur. Heideggerus, tantopere delectatus est, ut imperare sibi nequiverit, quin eam suo Concilii Tridentini Tumulo præfigeret. Quinta depositionem Childerici, e stirpe Clodovæi Francorum Regis ultimi, considerat. Sexta ludibria Aulæ Romanæ in translatione Imperii Romani observanda pandit. Septima periodum regni Austrasiæ seu Lotharingiæ, hujusque ortum, progressum, incrementa, mutationes, Germanorum Gallorumque de eo certamina, ac tandem occasum dilucidat. Octava ad Cap. 40. Lib. IV. Annal. Corn. Taciti de reputatione disserit. Nona quæstionum Philosophico-Historicarum Decadem exhibet, ubi inter alia exploditur vulgata de origine septem Electorum opinio, quæ istam Gregorio V. & Ottoni III. attribuat, quin potius credibile esse Autor statuit, quod sensim ille numerus irreperit; quis priscis temporibus fuerit Canonico-rum status? disquiritur; modum in distributione S. Cœnz olim apud Germanos teneri solitum, magnopere ab hodierno ritu discrepare innuitur, ut reliqua taceamus. Ejusdem instituti sunt sequentes isthanc duæ dissertationes ultimæ, in quibus v. g. virgula mercurialis approbatur: assertio, quod Lutherus ex incubo natus fuerit, inter fabulas rejicitur; a Franciæ & Angliæ Regibus strumas ex phantasia potius & imaginatione agrorum, quam ex vi quadam peculiari istis concessa curari, perhibetur; dari genus hominum, quod oculis aliisque sensuum instrumenta in pectore gestet, omnino negatur; sudarium S. Veroniæ & Sabaudicæ corpi oris Christi sindon reliquiis fictitiis annumerantur; puerorum quoque Hamelenium exitus, & annuus in nocte Calendarum Maji strigum conventus, anilibus nugis accensetur; origo formulæ loquendi, *Ich will dich schlagen / du sollst Zodbu ruffen* / statuarum item Rulandi in nonnullis Saxoniarum urbibus, Ordinisque aureæ periscelidis, indagatur, & quæ sunt alia. Orationum binarius est numerus, earundemque altera Pænegyrica est Serenissimo Hassorum Principi, Carolo I dicta, cum is A. 1677 imperii curam

a Se-

a Serenissima Matre ad se devolutam susciperet; altera funebri in obitum Dav. Pestelii, Professoris Juris Primarii, recitata. Programmata sex maximam partem habendas a studiosis Juvenibus orationes intimant, & pauca pro instituti ratione præstantur. Singula hæc bona fide exhibuit Editor, nec quicquam faciei pristinæ detraxit aut addidit, nisi quod summaria Disputationum commodiori loco, ac in exemplis seorsim editis factum antea fuerat, collocarit, & pauca quædam ἀμαρτήματα μνησθῆναι sustulerit. Adidit vero suam de cura Principum aliorumque Magistratuum Christianorum circa oppressos fidei suæ consanguineos dissertationem, in qua post vetera exempla, Friderici imprimis Tertii, Borussia Regis, & Caroli, Hassiæ Landgravi, prona in exules Reformatos gratia plurimum celebratur.

CHRISTIANI FRANCISCI PAULLINI DE LUMBRICO Terrestris Schediasma variis Memorabilibus, Curiositatibus & Observationibus illustratum,

Francofurti & Lipsiæ, impensis Joh. Christoph. Stösselii,
1703. in 8. plag. 14.

Quoniam juxta Stagiritam viliorum animalium disputationem propensionemque fastidio quodam puerili sprevisse, molestæque tulisse, dignum nequaquam est, cum nulla res sit naturæ, in qua non mirandum aliquid inditum habeatur; placuit Clarissimo Paullino, post industria variorum simplicium tam ex vegetabilium quam animali regno petitorum examina, horis subcivis lumbricum terrestrem curiosius contemplari, arcanaque ejus accuratius rimari. Hinc methodo sibi soleenni, in theoreticam & practicam partem tractatum hunc dispescit; in illa nomen, definitionem, vires & præparata lumbrici, in hac usum ejus specialem in triplici corporis regione & affectibus aliquot externis evolvens. Definit igitur lumbricum per animaleculum sanguineum, frigidum, reptile, oblongo & rotundo corpore, sexuque distinctum; cuius definitio- nis verba singula fufius examinat. Præ reliquis Caspari Hoffmanni sententiæ, qua interstitia illa copiosa, quibus lumbrici corpus n- terdistinguitur, medullæ adeoque cordis loco habet, subscribitur.

Xx

verc-

veretur, cum annularia ista discrimina, quæ elatiora & colore candidiore conspicua corpus ambiunt, absolute in omnibus individuis non reperiantur. Multo minus Stephano Blancardo assentit, qui vermes hosce, ut amphibæne quendam speciem, antrorsum retrorsumque repere, & alteram partem post se trahere putavit: cum enim in horto, subsecuta pluviâ serena tempestate, vermis e terra egrediens nihil cibi reperiret, parte illa, quæ prius posterior progrediendi ordine fuerat, iterum in alium locum terræ introitum sibi aperuit; ex quo colligit, partem posteriorem, quæ antea caudæ loco fuerit, jam pro capite ei intersuissæ. Exinde tamen nihil probari, contendit Noster, siquidem & cancri caudæ beneficio, præsertim in aqua, non segnius retrorsum ingrediuntur, quam juxta capitis positum alias antrorsum progrediuntur; quin ad manifestam structuræ diversitatem inter utramque lumbrici terrestris extremitatem provocat. Virtutes Medicas dum recenset vermium istorum, vim diaphoreticam, diureticam & anodynam præ reliquis commendat; inter præparata, vero 1. vinum, 2. decoctum, 3. aquam, 4. succum, 5. spiritum, 6. liquorem, 7. extractum, 8. essentiam, 9. oleum, 10. sal, 11. pulverem, & 12. caput mortuum commemorat & describit. Mittimus jam curiosas observationes per totum tractatum ex aliorum Medicorum scriptis adductas: sequentem addidisse sufficiet. Dedit Noster juveni XXVI annorum vomitorium, ut futurum naturæ conatum adjuvaret, monens. Hic intrusit minutam pennam anserinam, sed cum vespa forte prætervolans dextræ infigeret vulnusculem, hanc incautius retrahens, pennam digitis elapsam improvido deglutivit. Non vomuit quidem, verum quinque alvum cum *iv* *Qopiq* deposuit. Quarto abhinc die, mane urinam summo cum dolore guttatim excrevit, mox sufflaminato halitu membroque saliva sua illito, cum insigni strepitu profluxit eadem rubicunda, inque ea penna hæc anserina.

GEORGII BAGLIVI, MED. THEOR. IN ROM. ARCHIEPISC. Prof. Soc. Reg. Lond. Acad. Imp. Leop. &c. Socii, Specimen quatuor librorum de Fibra Motrice & Morbosa, cui annexa sunt quatuor Dissertationes.

Ro-

Romæ, typis Jo. Franc. Buagni, 1702. Ultrajecti, apud Gu.
vande Water, 1703. Basileæ apud Jo. Georg. König,
1703, 8. Plag. 19.

DUO fere præterlapfi sunt anni, cum *Antonii Pacchioni*, Medicinam Romæ profitentis, *Epistolam de novis circa solidorum ac fluidorum vim in viventibus, ac dura Menyngu structuram & usum, observationibus*, ad D. Ludovicum Testi, Medicum Venetum datam, Actis infereremus; cum qua idem eodemque modo explicatum argumentum tractat præsens Specimen. In hoc enim, conspectum solum exhibet Baglivus, æque ac ille in Epistola sua, eorum, quæ in tractatibus, quos sub manu habent, uberius enodanda venient. Scilicet postquam Noster multos veterum recentiorumque Medicorum libros lectitarat, ex ea tamen lectione parum se utilitatis collegisse adverterat, missis cæteris libris, totum Hippocræti se studio tradidit, aliquam bene medendi rationem inde affecturus; & cum in Italiæ nosocomiis dictorum illius periculum faceret, non sine admiratione doctrinæ ejus veritatem, tanquam ex Tripode prodeuntem deprehendit. Cognovit nimirum, Hippocrætem in morborum curationibus nihil magis præcipere quam balnea, fricationes, exercitationes, unctiones, ulsiones, incisiones partium ad ossa, ablutiones, capitis purgationes per sternutatoria, ejusdem lotiones, vellicationes, succussiones, ac hujus generis remedia in solidas corporis humani partes agentia; unde eum ad solida magis, quam recentiores solent, respexisse hæriolatus, semper solidum præcipue spectare, ejusque vim, & elaterem, & potestatem in fluida observare ad ejus imitationem corpit; & postquam hac de re cum Viris magni nominis, multæque eruditionis (inter quos supra laudatum D. Pacchionum commemorat) sermones sæpe numero fecerat, in hoc argumentum penitus inquirere sustinuit. Hujus autem Specimenis nunc suppeditare specimen, supervacaneum judicamus, cum mens ipsius ex jam dictis sat pateat. Ad Dissertationes potius huius Specimini annexas progrediemur, postquam commemoraverimus, Baglivum de *Febribus Mesentericis* opus novum, non e lectione librorum, sed ab observatione naturæ petitum, magno suo operi interspersurum esse, in quo has febres non testaceorum, antia cidorum, diluentium, & oleosorum usu vulgari, sed fomentis, bal-

neationibus, repetitis purgationibus, & demum educta cacochylia omni, sero lactis cichoreato vel destillato aliquo ex succis spe-
 rientibus, curari magis debere demonstrabit.

*Dissertationes annexæ observationes continent & experim-
 menta ad doctrinam de morbis solidorum maxime pertinentia.,*
In prima de anatome fibrarum, motu musculorum & morbis
solidorum agitur. Facta fibræ carneæ in debitis liquoribus ma-
 ceratione, observavit ope microscopii, quamlibet earum ex plu-
 rimis ac pene infinitis aliis fibrillis, in fasciculum contractis ac pa-
 rallelis, componi, quas aliæ sibi quoque mutuo parallelæ, & pares
 angulos cum utroque tendine constituentes, transversim intersecant,
 ad id potissimum factæ, ut carnearum rectarum nimiam in mo-
 tu musculorum dilatationem impediant. A qua structura fibra-
 membranacea in eo discrepat, quod etiam si hæc itidem plura con-
 tinuat filula, ista tamen magis sint subtilia, neque parallelo & re-
 cto ordine, sed irregulari, inæquali & frequenter veluti resisso
 progrediantur, ut in arborum foliis, vel madida papyro micro-
 scopio conspiciamus. Præcipua, si non tota vis motus, seu poten-
 tia movens musculos, in ipsis residet musculis, i. e. in peculiari fi-
 brarum artificio, earumque cum sanguineo tomento proportiona-
 ta mixtione & impulsu; spiritus vero influentes per nervos nil
 aliud, quam determinationem ad motum, mutationem globulo-
 rum sanguineorum inducendo præstant. Supponitur autem, quod,
 dato cordis sanguinisque continuo & nunquam cessante motu, fi-
 bræ carneæ majores earumque fibrillæ minimæ totidem sint ve-
 ctes vel funiculi, quorum singula puncta super circulantis sangui-
 nis guttulas, tanquam globulos solidos, veluti super totidem tro-
 chleas tracta & semicirculariter mota, superveniente spirituum de-
 terminatione, ad motum magnam vim in tendineis extremitatibus
 producant. At in mechanicis videmus, trochleas in absolvendis
 motibus fixo hædere principio, nec perenni impulsu hinc inde
 excurrere, ut sanguinis guttulæ per fibrarum spatia; igitur ut hoc
 videretur absurdum, scytalarum ad instar moveri circa fibras, iis-
 demque suum impulsu continuo communicare creditur sanguis.
 Et quoniam globuli illi sanguinis velociter currunt, a cordis motu
 vehementissime impulsu, necesse est, ut fibrarum sula ad conta-
 ctum

Cum globulorum currentium premantur, & undulando veluti
 crispentur: quæ crispatura cum maxime sensibilis sit in medio
 musculi, ubi sanguis velocius currit, sequitur inde, ut extrema-
 fibrarum singularum versus medium contrahantur, breviora fi-
 ant, & apposita sublevant ossa. Quemadmodum igitur, ad mo-
 tum musculorum recte peragendum, necessaria videtur esse 1.) deter-
 minata sanguinis quantitas in ejus fibris, ejusdemque determina-
 ta velocitas, 2.) proportio debita motus & resistentiæ singulo-
 rum liquidorum, per canales suos currentium: ita horum alter-
 um si turbetur, musculorum quoque motus inæqualis & turbat-
 us orietur. Inter affectiones denique fibrarum maxime sensibi-
 les tensio est & laxitas; & existimat Noster, multorum morbo-
 rum causas veras, sed obscuras, difficiles & a Medicis minus di-
 ligenter quæsitæ, in hoc solidorum vitiato tono, elatere, structu-
 ra, mutatoque solidorum ad liquida, & liquidorum ad solida æ-
 quilibrio residere potius, quam in mille somniatis acidis, & mille
 fictis humorum moleculis, quas innovandi cacoëthes nostris tempo-
 ribus adinvenit. Præ reliquis tamen pueri & senes cæteris ætatibus
 magis ad morbos observantur proclives, illi ob fibrarum laxita-
 tem nimiam molliemque, hi ob extremam siccitatem, & aridi-
 tatem. Ex quibus deducit Noster, remedia ad vitam longam &
 reveradari, & talia dici debere, quæ in humano corpore elate-
 rem cum rotis & rotas cum elatere mollia, laxa & facile flexilia
 conservare valent. Experimenta demum adducta eo redeunt,
 ut ratio pateat, quæ salinæ particulæ in sanguine redundantes so-
 lidas partes varie labefactent, ex quarum varia constitutione chro-
 nicorum acutorumque morborum idea certior atque clarior po-
 terit desumi.

Dissertatio II Observationes circa salivam, ejusque na-
 turam, usum & morbos continet. Hæc ob insignes suas ac pene
 innumerabiles virtutes, quas in nobis fundendo, solvendo, ab-
 stergendo ac celeriter penetrando producit, primum chylica-
 tionis menstruum pronuntiatur, morbosque epidemicos & conta-
 giosos, ea mediante ab infecto aëre conspurcata, communicari cre-
 ditur. Morbosam salivam, cum talis naturæ pancreatico vel a-
 liarum glandularum succo junctam, febres lymphaticas lentas cum

acri calore, circa vespertinas horas se exacerbante producere, docet Noster, quæ si male tractentur, facile in hecticas, in mesentericas occultas, difficiles & lethales, facile transeant. Hinc nunquam ab ægro discedant Medici, jubet, nisi prius linguam inspiciant, utpote quæ lymphæ sanguinisque statum certius, quam alia signa, nobis ostendat. Obiter hic notamus, quod Clarissimus Author ad corrigendam lymphæ acrimoniam, ejusdemque scorbuticæ dissolutionem, nec non ad stomachum confortandum, & digestionem juvandam, magno uti se fateatur cum successu potione calida ex decoctione *Ligni Carabaccii*, quod ex Indiis delatum, caryophyllis similem saporem, sed valde temperatum ac plane gratissimum, colorem vero illi caphe vel cinamomi valde affinem habet. Cæteroquin saliva a sale nomen sumfisse dicitur, hocque sal non vulgaris esse naturæ, sed de universali participare, atque intensam rubedinem lucemque vitalem, in sanguinem mutandam & digerendam, in se continere.

Bilis, cujus observationes *Dissertatio III* exhibet, ex sale fixo & volatili, sulphure & phlegmate constat. Hinc in duodeno, ex Authoris mente, cum chylo subacido ac fere caseoso, acidoque pancreatis succo effervesceat, cum eoque intime conjuncta in alcali volatile naturæ amicum abit, viscidiores partes scindit ac divellit, massam a putrefactione præservat, & fæces præcipitat. Hinc quando eadem quacunque ex causa ad intestina non descendit, rhabarbarum ante prandium masticare jubet Noster non sine euphoria. Morbos ejus dum commemorat, lentam febriculam puerorum, cum macie, siti, anorexia, pallore, tensione, doloreque hypochondriorum &c. oriri dicit ab amurcosa bile, acri, viscida, circa jecur vicinasque partes coacta & in motu impedita: hinc loco stomachicorum, aromaticorum & deobstruentium, remedia bilem diluendo temperantia, & per alvum subducentia, habita insimul solidorum crispatorum ratione, præscribit; quam medendi methodum similiter in ictero, ab inerti & viscida bile oriundo, observat. Et cum calculi ex sale acri muratico sanguinis, & acido-viscida mucagine primæ digestionis vitio facta concrecant, in vesica fellis facilius & levi de causa coguntur iidem, siquidem dicto sale summopere abundat bilis. Ex quibus


bus

bus reddi posse rationem sibi persuadet Author, cur existentibus calculis in vesica fellea, germinent quoque tales in urinaria, & contra? item cur ictერი calculosi sint, & calculo obnoxii ictero facile afficiantur? Vesicæ calculo laborantes cur pallidi, languidi, lasi, ac veluti ad motum impotentes sint, cum capitis affectibus quasi vertiginosis, ejusdemque debilitate, duas recenset causas. Primo, quia ob vehementissimum dolorem, centrum gravitatis fluidorum pene omnium inclinatur ad inferas partes circa vesicam, in quibus stimulus potens, vis & crispatura solidorum summo opere viget; qua ratione superiores partes corporis, humorum debito & æquilibrato cursu destitutæ, pallent, & ob id etiam universalis languor artus corripit, caputque vertigine ac debilitate vexatur. Secundo, dum bilis heterogeneis impurisque particulis abundat, inepta evadit, quæ chylum solvat, diluat, & sanguificationis rudimentis imprægnat; quamobrem crudus indigestusque fit sanguis, pallorem inducens. Ex experimentis circa bilem factis, quorum magnam farraginem allegat, concludit 1) exiguam adesse aquæ portionem in bile; 2) bilis virtutem nil magis acueri vel augeri, quam salia lixivialia plantarum, amarasque plantas; 3) bili nihil magis inimicum esse, quam acidum.

In ultima Dissertatione varia tractat argumenta, demonstrans, causam, quæ nos ad dormiendum cogit, non tantum in cerebro, sed maxime in solidis ac fluidis querendam ac investigandam esse, quorum laxato tono torpor, membrorum concidentia, necessitas decumbendi in horizontali situ, & id genus alia contingunt, quæ somnum antecedunt, vel consequuntur: æris molem, gravitatem ac circumpulsionem, causam universalem unicam esse, quæ viventia & vegetabilia ad illum fugendum, hauriendumque per proprias fistulas cogit: fallum esse, moveri primum in respiratione thoracem animalis, & vicinum ærem pelleret, ut pulmones ingrediatur: ærem autem inspiratum ad nihil aliud inservire, quam ut sanguinem, per pulmones circulantem, elastica vi sua ibidem magis aucta & gravitate sua urgeat, propellat, dimoveat, & torpidum jam ac motui ineptum ad cordis fontem vivida circumpulsione perducatur; imo ut hujus magni folliis motibus tota fluidorum moles, solidorumque compages in vivida
velut

velut vibratione permaneat. Quod vero nonnulla animalia, licet aëre indigeant, sine ejus tamen usu commode vivant, a peculiari pulmonum mechanismo, & fluidorum ad eos proportiono particulari, i. e. peculiari æquilibrio & resistentia pendere existimat, & curiosa testudinis anatome, quam subjungit, probat. Sic ubi de aëris gravitate locutus erat, problema solvit, cur flante borea & cælo sereno, aër gravior sit, quam austro flante, & calida constitutione; dicens, id contingere, vel quia flante austro pars quædam crassi aëris in pluvias, aut nubes concrevit, quas halitus e terra sublatis sustinent, & ita pondus minuunt; vel potius, quia boreali tempore aër sit densior, magisque compactus, propter vapores halitusque terræ cum eo mixtos, & in unum fere corpus concretos. Ideo flante borea asperior ac velut undulosus optico tubo, ob majorem gravitatem atmosphæræ, observatur aër, quam austro; montesque nivibus pleni eminus non ita distincte sereno cælo cernuntur, ut solent nubilo. His accedit, quod aquilo dum spirat, ruit deorsum, & materiam infra cogit; contra austro rarefaciendo eandem supra attollit. Singulare est, quod a quopiam se accepisse refert Noster, Lunam videlicet, veluti dies critici solent, statutis determinatisque periodis in hæc inferiora influere, mutationesque temporum producere. Qua in re sic procedendum est: Post duas vel tres horas a factò novilunio, vide quæ temporis constitutio, qui venti tum regnent; & qualem constitutionem, qualesque ventos dictis horis observaveris, tales durabunt ad tertium diem Lunæ, ad dictam horam, quæ factum est novilunium. Si tertio non mutetur, durabit ad quintum, circa dictam horam; si neque quinto, ad septimum, a 7 ad 9, a 9 ad 11, ab 11 ad 13, ab hoc ad 15, inde ad 17, hinc ad 19, a 19 ad 21, ab hoc ad 23, ab hoc ad 25, ab hoc ad 27 finem Lunaris periodi. Si quid circa mutationem ventorum, aut temporis, aut eorum durationem evenire debet, dictis diebus & ordine recensito eveniet, mutationesque majores ac magis sensibiles in quadraturis Lunæ futuræ sunt. *Quæ si certa sunt*, pergit Noster, *rationem periodorum regularium & ordinatarum in diebus criticis, pro imperfecta hactenus habitam, exploratam nunc habebimus, & fere 3 patefactam.* Mittimus experimenta, quæ Clarissimus Author cir-





circa sanguinem fecit : sufficit annotasse, eum ex illis probare ;
acida inimica esse sanguini, ipsiusque compagem immutare, con-
tra vero alcalia non amica tantum, sed ejusdem naturæ fere af-
finia existere. Et cum duo sint in sanguine prima ac præcipua
principia, acidum & urinofum, prout hoc vel illud in eo domi-
nium obtinet, universam massam simili natura infici; sed acidum
regnans authorem esse chronicorum, urinofum vero acuto-
rum morborum.

J. HERMANNI DEMONSTRATIO GEMINÆ FOR-
mule a Celeberrimo Dn. JOH. BERNOULLI, in *Actis Erud-
itis. Mens. Apr. A. 1701, pro multisectione anguli vel arcus cir-
cularis, sine demonstratione exhibita.*

EGregiæ nimis, ac in universa Geometria perutiles Clarissimi
Domini Bernoulli sunt æquationes binæ universales multise-
ctionem anguli cujuslibet mirabili exhibentes facilitate, quam ut
Geometræ ob circumseptas eis difficultates, ab earum demonstra-
tionibus pervestigandis deterreri debeant. Si non aliunde, vel
hoc saltem capite magni videntur faciendæ, quod justos *Oughtre-
di & celeberrimi Wallisii* de Sectionibus angularibus tractatus,
quibus concinnandis non inutilem se locasse operam omnino eor-
um opinati sunt Auctores, compendiosa sua Universalitate quasi
absorbeant. Haut ingratum igitur harum rerum intelligentibus
existimavi futurum, si utriusque seriei infinitæ, quales laudatissi-
mus Dn. Bernoulli citato in loco publicavit, demonstrationes ab a-
liquo jam tempore a me inventæ heic loci pariter comparerent.
Quod ergo ut distincte fiat; centro G, radioque AG semicir-
culus describatur ACEF (Fig. I.), & detur arcus quilibet AB, cu-
jus Chorda AB = a, Chorda complementi BF = b; Radius
AG = q, Chorda arcus multipli AE = x, hujus Chordæ compl.
= y. His ita positis, si BC = AB, rectæque BC, AC & BG
ductæ intelligantur, fient $\triangle ABC$ & BGF similia, ergo BG

TAB. IV.
Fig. 1.

(q). $BF(b) :: AB(a). AC = \frac{ab}{q} = \text{chordæ arcus dupli.}$
Chorda AD arcus tripli ABCD invenietur ex consideratione
Yy qua-

quadrilateri ABCD segmento ACD inscripti, notum enim est, BC in AD + AB in CD = AC in BD, hincque obtinebitur analytice $AD = \frac{abb}{99} - a =$ Chordæ arcus tripli ipsius AB.

Chordæ arcus quadrupli, quæ est AE, hoc pariter modo elicietur, quia in quadrilatero ACDE AC in DE + CD in AE = AD in CE, inde colligitur esse $AE = \frac{abb^2}{9^3} - \frac{2ab}{9}$. &c. ita por-

ro in infinitum. In primis autem id in hoc negotio notandum, ut talia assumantur quadrilatera, quorum alterutra ex diagonalibus dupli arcus chordæ semper æquetur; super hoc enim principio sequens facile constructur Tabella,

a	Chordæ arcus simplicis
$\frac{ab}{9}$	Chordæ arc. dupli priori
$\frac{abb^2}{99} - a$	Chord. arc. tripli
$\frac{ab^3}{9^2} - \frac{2ab}{9}$	Chordæ arcus quadrupli
$\frac{ab^4}{9^3} - \frac{3abb}{9^2} + a$	Chord. arc. 5pli
$\frac{ab^5}{9^4} - \frac{4ab^3}{9^3} + \frac{3ab}{9^2}$	Ch. arc. 6pli
$\frac{ab^6}{9^5} - \frac{5ab^4}{9^4} + \frac{6abb}{9^3} - a$	Ch. arc. 7pli
$\frac{ab^7}{9^6} - \frac{6ab^5}{9^5} + \frac{10abb^3}{9^4} - \frac{4ab}{9^3}$	Ch. a. 8pli

 $\frac{ab^8}{9^7}$

$$\begin{array}{ccccccccc} a b^2 & 8 a b^6 & 15 a b^4 & 10 a b^6 & & & & & \\ \hline & - & + & - & + & & & & \\ g^8 & g^6 & g^4 & g^2 & & & & & \\ \hline P & Q & R & S & T & & & & \end{array}$$

in qua constantes hæ progressionis observantur Leges.

I. Signa + & — alternatim sese excipere.

II. Literam a , qua chorda arcus simplicis designatur, ad unicam tantum in singulis seriebus perpendicularibus P, Q, R, S, T, &c. assurgere dimensionem.

III. Coefficientes seriei P constituere seriem æqualium h. e. ex meris unitatibus constantem, literamque b ad eam ibi potestatem elevari, cujus exponens sit numerus multipli arcus unitate minutus, cui ad modum fractionis subscripta litera g ad totidem dimensiones est perducta, adeoque ponendo indefinite literam n pro numero multipli arcus, fiet huic respondens seriei

P, terminus $\frac{ab^{n-1}}{g^{n-1}}$

IV. Quemlibet Coefficientem Seriei verticalis Q, excerpti ex serie numerorum naturalium & binario semper a numero multipli arcus deficere, potestatem vero literæ b , duabus dimensionibus esse imminutam, hocque in seriebus R, S, T verticalibus ubique obtinere, ut dimensiones ibi binario decrescant; & adjecta tabula ostendit, literam g in denominatore semper tot præcise dimensiones habere, quot litera b in Numeratore, unde pro n multiplo arcus, seriei Q, membrum respondens erit $\frac{n-1ab^{n-1}}{g^{n-1}}$.

V. Seriei R coefficientes sunt trigonales Numeri, quorum radices quaternario a respondentis multipli numero ubique deficiunt, adeoque terminus hujus seriei in Casu indefinitæ Sectionis angularis, erit $\frac{n-3 \cdot n-4ab^n}{1 \cdot 2g^{n-1}}$.

VI. Coefficientes seriei Verticalis S efficiunt numeros Pyramidales, quorum vero radices senario ipso arcus multipli respon-

Y 2

den-

dentis numero minores deprehenduntur, hujus ergo pro indefinita arcus multiplicatione debitus terminus erit $\frac{n-4.n-5.n-6.ab^7}{1.2.3.q^{n-7}}$.

VII. Seriei perpendicularis T coefficientis omnis est numerus triangulo-triangularis, cujus radix octonario a multipli arcus numero superatur, unde $\frac{n-5.n-6.n-7.n-8.ab^{n-9}}{1.2.3.4.q^{n-1}}$ respondet bit indefinitæ Sectioni in Serie T, & ita deinceps. In genere ergo observandum erit, coefficientes serierum P, Q, R, S, T &c; esse series numerorum figuratorum haud interrupto ordine se invicem excipientes, ita tamen comparatos, ut radix cujusvis coefficientis binario magis a numero multipli arcus deficiat, quam respondentis termini radix vel latus seriei proxime eam antecedentis. Hoc igitur pacto pro indefinita multiplicatione arcus cujusvis hanc invenimus universalem Chordæ expressionem:

$$x = \frac{ab^{n-1}}{q^{n-1}} - \frac{n-2.ab^{n-1}}{1q^{n-1}} + \frac{n-3.n-4.ab^{n-1}}{1.2q^{n-1}} - \frac{n-4.n-5.n-6.ab^{n-1}}{1.2.3q^{n-1}} + \dots$$

$\frac{n-5.n-6.n-7.n-8.ab^{n-1}}{1.2.3.4q^{n-1}}$ &c; vel ponendo $q = 1$;

$$x = \frac{n-1}{ab} - \frac{n-2.ab^{n-1}}{1} + \frac{n-3.n-4.ab^{n-1}}{1.2} - \frac{n-4.n-5.n-6.ab^{n-1}}{1.2.3} + \dots$$

$\frac{n-5.n-6.n-7.n-8.ab^{n-1}}{1.2.3.4}$ &c. Hæcque ipsissima prima Cla-

visissimi Inventoris formula primò nobis erat demonstranda.

TAB. IV.
Fig. 2.

(Fig. 2.) Iisdem, quæ supra retentis symbolis excepta q , qua ipsa diameter Circuli designabitur, ductaque perpendiculari BG ad Chordam arcus dupli AC, sient $\triangle \triangle$ ABG & FAB simili-

a, unde AF (q). BF (b) :: AB (a). AG = $\frac{ab}{q}$ unde 1 AG = AC

$$= AC = \frac{2ab}{q} = \text{chordæ arcus dupli. Sit porro AD chorda ar-$$

cus tripli, ductaque CK = CD, fiet AK = AB, nam quia CKD = CDK (propter arcus AC & BD quibus insunt æquales) = BAD, & CK ipsi AB parallela, hancque ob causam ACK = BAC = BCA, atque adeo AB = AK. Et quia AD = AH + (HD = HK), HK vero = AH — (AB = AK) erit AD = 2AH — AB; propterque allatam modo rationem Si DL = DE, erit DL parallela ipsi AB, AL = AC & AE = 2AI — AC & ita deinceps. Quia ergo ΔΔ. ACH, ADI &c; & FAB similia sunt, erit

$$FA(q). FB(b) :: AC\left(\frac{2ab}{q}\right) \cdot AH = \frac{2abb}{qq} \text{ adeoque } 2AH - AB = AD = \frac{3abb - a^3}{qq}.$$

$$\text{b. FA}(q). FB(b) :: AD\left(\frac{3abb - a^3}{qq}\right) \cdot AI = \frac{3ab^3 - a^3b}{q^2}, \text{ adeoque}$$

$$2AI - AC = AE = \frac{4ab^3 - 4a^3b}{q^3} \cdot \text{Hocque modo non difficulter inveniuntur chordæ arcuum quintupli, sextupli &c. sequenti laterculo exhibendæ.}$$

Chordæ	Chordæ complementi
1. b	arcus simplicis
$\frac{2ab}{q}$ $\frac{bb - aa}{q}$	arcus dupli
$\frac{3abb - a^3}{qq}$ $\frac{b^3 - 3aab}{qq}$	arcus tripli
$\frac{4ab^3 - 4a^3b}{q^3}$ $\frac{b^4 - 6aabb + a^4}{q^3}$	arc. 4pli
$\frac{5ab^5 - 10a^3b^3 + 6a^5}{q^5}$ $\frac{b^5 - 10aabb^3 + 15a^4b - a^5}{q^5}$	arc. 5pli
$\frac{6ab^6 - 20a^3b^4 + 15a^5b^2 - 6a^6}{q^6}$ $\frac{b^6 - 15aabb^4 + 15a^4b^2 - a^6}{q^6}$	arc. 6pli
&c; &c; &c; &c;	

A	B	C	D	E
1. 0	0	0	0	0
2. 1	0	0	0	0
3. 3	1	0	0	0
4. 6	4	1	0	0
5. 10	10	5	1	0
6. 15	20	15	6	1
$n, n+1 \quad n, n+1, n-1 \quad n, n-1, n-2, n-3 \quad n, n-1, n-2, n-3, n-4$				
$1 \quad 2 \quad 1, 2, 3 \quad 1, 2, 3, 4 \quad 1, 2, 3, 4, 5$				

Chordæ complementorum hoc etiam in laterculo expressæ ita elici debent. Triangula CDH & AFC similia sunt

Y y 3

Sunt, quia anguli CDA & CFA eidem arcui ABC insunt, angulique CHD (per construct.) & ACF recti sunt. Adeoque

$$CD(a) \cdot HD(-HA-AB = \frac{abb-a^3}{99}) :: AF(q) \cdot CF = \frac{bb.aa}{9}.$$

Ob eandem rationem $\triangle DIE$ & $\triangle DAF$ similia sunt, eritque ideo $DE(a) \cdot JE(=AI-AC = \frac{ab^3-3a^3b}{91}) :: AF(q)$.

$DF = \frac{b^3-3aab}{99}$. Atque hujusmodi chordæ complementi simili analysi, quousque placuerit, continuare licebit. Observatur iterum in adjecto laterculo constans progressionis Lex: Signa + & — ut supra alternatim etiam ponuntur. In formulis Chordarum illius verticalis seriei, ubi a unius dimensionis, coefficientes faciunt seriem A numerorum naturalium, exponensque potestatis b est numerus multipli arcus unitate minutus. Sequens vero series verticalis, ubi a ad tres assurgit dimensiones, coefficientes habet numeros pyramidales seriem C constituentes, potestas vero ipsius b binario decrevit. In tertia serie perpendiculari, ubi a ad quintam elata est dimensionem, coefficientes formant seriem E numerorum triangulo-Pyramidales dictorum, dimensio vero ipsius b binario itidem minor est, quam in serie immediate antecedente. Patet igitur, singulorum terminorum coefficientes excerpti ex seriebus numerorum figuratorum A, C, E, &c. non immediate, ut in præcedentibus, sed per saltum intermediarium B, D &c se insequentibus. Cætera ex inspectione formularum attendenti manifesta reddentur. In formulis pro chordis compl. id observare licet, literam b ad eam præcise evectam esse potestatem, cujus index est numerus multipli arcus, in sequentibus vero membris dimensiones perinde ac in formulis chordarum, binario semper decrescere, coefficientesque ex seriebus B, D &c excerpti in chordarum formulis præteritis. Indefinite igitur pro numero arcus multipli ponendo n ut supra, ei respondebit in se-

ne figurata B quantitas $\frac{n \cdot n - 1}{1 \cdot 2}$. In serie C, $\frac{n \cdot n - 1 \cdot n - 2}{1 \cdot 2 \cdot 3}$. In serie

D,

D, $\frac{n \cdot n-1 \cdot n-2 \cdot n-3}{1 \cdot 2 \cdot 3 \cdot 4}$ • In serie E, $\frac{n \cdot n-1 \cdot n-2 \cdot n-3 \cdot n-4}{1 \cdot 2 \cdot 3 \cdot 4 \cdot 5}$ & ita in infinitum:

ubi statim patet, hujusmodi terminos coefficients esse binomii ad indefinitam potestatem n sublatis. Ex demonstratis hactenus superque iis factis observationibus colligere datum est, fore tum

$$x = \frac{n a b^{n-1}}{q^{n-1}} - \frac{n \cdot n-1 \cdot n-2 a^2 b^{n-2}}{1 \cdot 2 \cdot 3 q^{n-1}} + \frac{n \cdot n-1 \cdot n-2 \cdot n-3 \cdot n-4 a^3 b^{n-3}}{1 \cdot 2 \cdot 3 \cdot 4 \cdot 5 q^{n-1}} - \frac{n \cdot n-1 \cdot n-2 \cdot n-3 \cdot n-4 \cdot n-5 \cdot n-6 a^4 b^{n-4}}{1 \cdot 2 \cdot 3 \cdot 4 \cdot 5 \cdot 6 q^{n-1}} \&c ; \text{ tum } y = \frac{b^n}{q^{n-1}} - \frac{n \cdot n-1 a b^{n-1}}{1 \cdot 2 q^{n-1}} + \frac{n \cdot n-1 \cdot n-2 \cdot n-3 a^2 b^{n-2}}{1 \cdot 2 \cdot 3 \cdot 4 q^{n-1}} - \frac{n \cdot n-1 \cdot n-2 \cdot n-3 \cdot n-4 \cdot n-5 a^3 b^{n-3}}{1 \cdot 2 \cdot 3 \cdot 4 \cdot 5 \cdot 6 q^{n-1}} \&c ;$$

Quod si $q = 1$, q^{n-1} unitati aequivalebit, alteraque emerget Clarissimi Dn. Bernoulli formula, quam demonstrandam itidem suscepimus.

Cæterum sciendum, etiam hanc posteriorem formulam alterius cujusdam nobilissimi Problematis in se quoque completi solutionem, nempe *ex dato arcu inveniendi ejus chordam*; quod ita ex nostra formula deducitur. Arcus AB (in Fig. II) tantæ concipiendus est exilitatis, ut cum sua chorda AB vel a plane confundatur; n vero adeo magnus, ut in arcum infinite parvum AB ductus producat arcum AE finitæ & determinatæ magnitudinis, qui vocetur f : $b \cdot c \cdot f = na$; & quia AB ad totum Semicirculum rationem habet infinite parvam, æquabitur b chorda complementi ad semicirculum ipsi diametro q , adeoque ponendo in utraque formula loco b , q & loco $n-1$, vel $n-2$, aut $n-3$ sive $n-4$ &c; n quia numeri finiti infinito additi evanescent. Erit

$$x = na - \frac{n^3 a^3}{1 \cdot 2 \cdot 3 q q} + \frac{n^5 a^5}{1 \cdot 2 \cdot 3 \cdot 4 \cdot 5 q^4} - \frac{n^7 a^7}{1 \cdot 2 \cdot 3 \cdot 4 \cdot 5 \cdot 6 \cdot 7 q^6} \&c ;$$

$$\text{vel } y = q - \frac{n n a a}{1 \cdot 2 q} + \frac{n^4 a^4}{1 \cdot 2 \cdot 3 \cdot 4 q^3} - \frac{n^6 a^6}{1 \cdot 2 \cdot 3 \cdot 4 \cdot 5 \cdot 6 q^5} \&c ;$$

Vel utrobique substituendo loco na suum valorem f ;

$x =$

$$x = f - \frac{f^3}{1.2.3qq} + \frac{f^5}{1.2.3.4.5q^2} - \frac{f^7}{1.2.3.4.5.6.7q^3} \&c;$$

$$\text{vel } y = q - \frac{ff}{1.2q} + \frac{f^3}{1.2.3.4q^2} - \frac{f^5}{1.2.3.4.5.6q^3} \&c;$$

Quæ mirifice mutatis mutandis cum iis conveniunt, quæ illustri-
simus in Republica literaria atque Amplissimus Dn. *Leibnitius* ante
decennium de *Problemate* ex dato arcu ejus sinum inveniendi,
edidit. Vid. Act. Erudit. A. 1693. pag. 179.

Ingeniosissimi Dn. Jacobi Bernoulli apud nos Professoris So-
lutio duplex subtilissima *Problematis angularis* Societati Parisiensi
transmissa, brevi inter Commentarios illius Academiæ propediem
publicandos lucem videbit.

In aliam adhuc æmque elegantem jamdudum incidimus
formulam pro hoc, quod impræsentiarum tractavimus, *Problema-
te angulari*, methodo longe diversa ab ea, quam hic impertiti su-
mus; eandemque prorsus formulam via tamen diversissima a mea
pariter elicit Celeberrimus Jacobus Bernoulli, quod patebit, quam-
primum uterque modus lucem aspexerit publicam. Formulam, de
qua loquor, hic non appono, quod ea in aliqua ex Epistolis Il-
lustris *Newtoni* ad *Oldenburgium* A. 1676 data, sed neque me-
thodo ad eam perveniendi neque demonstratione stipata extet, quæ
que videri potest in Tomo II Operum Math. Rever. *Wallisii* pag.
348. & Tom. III. pag. 625.

*CORPUS JURIS VENATORIO-FORESTALIS RO-
mano-Germanici Tripartitum, olim opera ac studio AHASVE-
RI FRITSCHII J. U. D. Com. Palat. Caf. Cancellarii
Schwarzb. &c. compilatum, nunc altero tanto adauctum, cum
Præfatione SAMUELIS STRYKII J.C. Reg. Maj. Pruss.
Consiliarii intimi & Antecessoris in alma Fri-
dericiana.*

Lipsiæ, impensis Joh. Ludovici Gleditschii, 1702, fol.
Constat 18. alph.

Ahas-

A Hasverus Frischius, rerum patriarum, dum viveret, ex-
 amie peritus, ac variis libris, quos vel ipse composuit, vel edi-
 curavit, etiam post fata notissimus scriptor, anno 1675 publici
 juris fecit Corpus Juris Venatorio-Forestalis Romano-Germanici
 tripartitum, quod nunc Johannes Ludovicus Gleditschius, Biblio-
 pola apud Lipsienses integerrimus ac de re libraria meritis-
 simus, altero tanto auctius exhibet, Illustri Strykio præfationem
 addente, in qua id demonstrandum sibi sumit Vir summus, quod
 restricta venandi libertas in Germania, ex prohibito armorum u-
 su resultet; ex quo ille amplius infert, militibus seu vassallis olim
 jus venandi, tam in Germania quam alibi, semper liberum fuisse,
 cum iis armorum usus non tantum non denegatus, sed & injun-
 ctus fuerit. Isto igitur rerum statu, ut amplius ille censet, ne-
 que ab Imperatore Vassallis illustribus, neque ab his Nobilibus, jus
 venandi ipsum, sed solum jus banni ferini seu forestæ, *der Wild-
 bann*, i. e. jus alios a venatione in certo districtu excludendi, per
 investituram concessum est. Hinc eorum sententiam, qui per vo-
 cem forestæ seu foresti sylvam tantum, vel arbores ibi conten-
 tas denotari arbitrantur, & infrequens non esse in Germania, ut
 uni debeatur jus forestæ, *die Forstgerechtigkeit* / alii autem venatio-
 inde amplius eliciunt, falsam esse, ultro consequitur: nam jus fo-
 restæ venationem præsupponit, ac ex nativa sua significatione jus
 banniendi, seu alios ab usu certi alicujus loci excludendi, dono-
 tat, adeo ut olim etiam *forestæ piscium*, ac *flumina forestata*,
 occurrerint. Interim verum manet, quod jus foresti & vena-
 tionis semper distincta fuerint: nam qui illo, intuitu ferarum,
 gaudet, jus venandi quoque cum exclusione aliorum possidet, ac
 insuper omni sylvarum utilitate fruitur; sed qui hoc solum habet,
 nec alios a venatione arcere, nec cætera nemorum compendia
 sibi asserere potest: jurisdictionem tamen forestalem jus forestæ si-
 mul non includit, ut hætenus illud nonnullorum assertum,
*daß die fürstliche Vertheilbarkeit mit der Jagdgerechtigkeit keine
 Gemeinschaft habe* / procedat. Olim igitur investitura cum ban-
 no ferino, plenum jus venandi præsupposuit ac inclusit, sed Prin-
 cipes successu temporis a Nobilibus emtione, permutatione si-
 milive contractu, majorum ferarum persecutionem sibi quæsi-
 runt,

nint, inde invaluit distinctio der Ober-und Unter-Jagden/ & tandem etiam, quod penitus ab usu Germaniæ. prisco alienum est, ac ante duo circiter secula auditum non fuit, der Ober-und Unter Wildbann. Ad quam recentiorẽ praxin etiam pertinet assertum illud hodie admodum solenne, *concessa venatione tantum concessam esse venationem inferiorem*: quæ omnia Vir Illustis eo fine disseruit, ut quanta opus sit circumspeditione, in literis investiturarum antiquioribus interpretandis, inde intelligatur. Opus ipsum quod attinet, ut olim, ita nunc etiam tripartitum idem comparet. In prima parte variorum Autorum, nempe Sebastiani Medices, Georgii Mohr, Friderici Pruckmanni, Francisci Zorretti, Sebastiani Khraisseri, Ahasveri Fritschii, Helfrici Ulrici Hunnii, Jacobi Ottonis, Noe Meurers, Ferdinandi Christophori Harprechti, Christophori Feschii, Ernesti Friderici Schröteri, Johannis Thomæ Cludii, Anonymi ejusdam, & Ottonis Menckenii, de re venatoria tractatus & dissertationes exhibentur. Pars secunda varia variorum Jctorum, nimirum Schurffii, Cohtmanni, Merckelbachii, Gødenii, Befoldi, Pistoris, Richteri, Everhardi, Pruckmanni, Wehneri, Cravettæ, Coleri, Jctorum Argentoratensium, Klockii, Finckelthussii, Carpvovii, Berlichii, Heigii, Speckhanfi, Frankii, Biedenbachii, Lynckeri, Strykii, Harprechti, Maurinii, Rivini, ac imprimis Heroldi, consilia, responsa, decisiones vel observationes adducit. Tertia pars ordinationibus variorum Imperii Statuum repleta est: hoc loco igitur comparent sanctiones & mandata rem venatoriam in ditionibus Saxonie, Lusatiæ, Altenburgensibus, Hennebergicis, Magdeburgensibus, Bavaricis, Brunsvico-Luneburgicis, Würtembergensibus, Hassiacis, Mecklenburgiacis, Anhaltinis, Schwarzburgicis, Stolbergenibus, Mompelgardenibus, Hohenloicis, Ruthenoplavicis, Prussicis, Marchicis, Angriæ & Westphaliæ, concernentia. Huic parti tertiæ accesserunt tres Appendices, quarum prima Cyriaci Spangenbergii Theologi de venationum usu & abusu disquisitionem, secunda Ahasveri Fritschii venatorem peccantem, seu tractatum de peccatis venatorum, tertia varias ordinationes sepius transmissas Electorum Saxonie & Brandenburgensium, ut & nonnullorum Saxonie Ducum sistit. Hæc bre-

vis totius operis delineatio est, cujus habitum usumque tam ex indice materiarum generali, quam rerum speciali, quem copiosissimum adjici curavit solertissimus Bibliopola, amplius intelligere licet. De cætero uti, judicio Illustris Strykii, in præfatione antea laudata, inter cæteros antiquiores Scriptores, qui rem venatoriam Germanicam tradiderunt, eminent opus Noë Meureri, utpote cum ex eo plerique hauserint, qui quicquam secundum Germaniæ mores de hac materia scripserunt: ita in universum Scriptores modo indicati non easdem præsupponunt hypothesen. Nam plerique jus venandi in civitatibus cuique vi libertatis naturalis competere, ac successive variis mediis Imperantibus assertum esse censent: alii vero imperio civili illud inesse, ac adeo neminem subditorum, sine Imperantis concessione, sibi id asserere posse, doctrina tamen non satis constanti arbitrantur. Ut nonnulla, præmissis generalibus, specialius tangamus, ex Observationibus Forestaribus Consultativo-Decisivis Dn. Joh. Christophori Heroldi, Jcti, judice Strykio, rerum usu & experientia exercitatissimi, ac Sacræ Regiæ Majestatis Borussiae, duorumque Electorum Brandenburgensium, ut & Reverendissimi ultimi Domini Administratoris olim Archiepiscopatus, nunc Ducatus Magdeburgensis, per semiseculum fere, Regiminis, Aulæ, Justitiæ, Consistorii, Limitum, Foresti & Venationum Consiliarii, quædam, cum hæcenus illæ nondum impressæ sint, delibare libet. In observatione prima hic proponitur casus: Dux quidam Comitibus quibusdam in feudum concesserat sylvam, cum omnibus pertinentiis, commoditatibus, gratiis, juribus & privilegiis, nullo excepto. Comes Nobilibus sylvam memoratam, cum juribus illis non solum, sed & nominatim, cum jure venandi superiore & inferiore, in subfeudum dederunt, quod jus etiam subvasalli, Domino feudi supremo sciente & patiente, exercuerunt; sed Comitum & Vassallorum familia extincta, dominioque directo sylvæ subinfeudatæ ad Ducem, velut supremum feudi Dominum, in solidum reverteretur, Nobilibus subvasallis jus venandi laudatus feudi Dominus amplius relinquere haud vult, causatus, in sui præjudicium, illud a Comitibus in subfeudum vasallis non potuisse concedi, cum in literis investituræ id expresse non sit concessum. Hinc o-

ritur quaestio : an jus venandi hodie ita ad Regalia minora pertineat, ut nemini illud in proprio fundo, superiori licet jurisdictione instructo, exercere, ac cum sylva expresse in subfendum alii concedere liceat, nisi a domino territoriali de eo sit diserte & literaliter investitus? Contra necessitatem disertae expressionis, adeoque pro vassallo & subvassallo, urgetur investiturae primae generalitas, singulorumque verborum in ea contentorum emphasis; deinde quod ex jure communi, venationes pro fructibus sylvae habeantur; tertio quod jus venandi in literis investiturae exceptum, probari nequeat; inprimis cum quarto non ex tempore praesenti, sed antiquissimo illo, quo concessio facta est, investiturae interpretatio peti debeat. His accedit, quod quinto, quae generaliter, implicite & tacite sunt, perinde vera sunt suoque gaudent effectu, ac ea, quae specialiter & diserte peraguntur; praeter ea jus venandi nec olim ad Regalia pertinuerit, nec hodie rationibus satis validis illis annumeretur, adeoque a multis eximius Jctis ad servitutes reales, vel personales, aut jurisdictionales, imo ad pacta personalia, aut ad ejusmodi reservata, quae facile communicari soleant, referatur. Hinc nisi dissentientes, & jus venandi ad Regalia certo pertinere, ac dominum feudi illud nec potuisse nec voluisse concedere, probaverint, omnis eorum labor irritus foptimo existimatur; maxime cum octavo Jcti Lipsienses, Wittebergenses & Helmstädienses, suo suffragio vassalli & subvassalli causam tueantur. E contrario pro domino feudi his rationibus certatur. Primo quod sub locutione generali ea, quae ob singularem affectionem quis excepturus praesumatur, quale utique sit jus venandi, non contineantur; deinde, quod jus illud ad Regalia pertineat, haec autem nemini privato competant, nisi titulum & specialem concessionem, aut immemorabilem praescriptionem docuerit, adeo ut non pauci Jcti existiment, venatione licet nominatim concessa, attamen inferiorem solum esse intelligendam. Quibus praesuppositis, ad rationes prioris sententiae respondetur, venationes ne quidem jure communi ad fructus fundi referri, cum eodem fere non jure soli, sed simpliciter jure capionis, acquirantur; deinde solidis rationibus ostendi non posse, quod jus venandi ad servitutes reales, personales, jurisdictionales, aut pacta per-

personalia spectet. Porro laudata investituræ generalitas, ob peculiarem juris venandi indolem, sine effectu esse existimatur, ut non opus sit, ejus a generali concessione exceptionem speciatim probare, maxime cum jam ab antiquissimo tempore jus venandi Regalibus fuerit annumeratum, nec adeo sub fundi accessionibus contineatur, ac implicite taciteque concedi soleat; non refragantibus Doctoribus in contrariam partem allegatis, cum illi non de jure consuetudinario Germanico, sed civili loquantur, ac secundum hoc, jus venandi ad Regalia non pertinere, pronuncient. Juxta hæc adeo cum Principes, in concedendo jure venandi, non admodum liberales esse soleant, id citra speciale concessionem privatis asseri non posse contenditur, quem in finem non tantum plurimum JCtorum testimonia singularia, sed & diversorum Collegiorum responsa allegantur. His ita in utramque partem disputatis, Camera Imperialis A. 1669 pronunciavit, subvasallum, quantum ad venationem superiorem, melius probare debere, quod ipse ejusque majores eam usu & præscriptione acquisiverint. Sed post illam sententiam, lis tota per cessionem & refutationem, sive potius venditionem totius sylvæ composita est. In observatione secunda quæritur: an subditi, juxta regulas rectæ rationis, ut & jura communia, contra dominum territorialem, quoad jus venandi aliaque Regalia, præscriptione se tueri queant? id quod hisce fere rationibus affirmatur. Primo quod Principes ex jure naturali obligentur ad ea, quæ ob utilitatem publicam jure positivo introducta sunt, servanda, adeoque his minimum præscriptio immemoralis obsit, conspirantibus in hoc pluribus Collegiis Juridicis & JCtis longa serie relatis. Deinde quod ista sententia non tantum Jure Canonico, sed & Recessibus Imperii obtineat, adeo ut per tempus immemoriale immunitatem a contributionibus Imperii acquirere, ac bona domanialia præscribere, ex nonnullorum sententia, subditi possint, imo & in ecclesiasticis præscriptione sese tueri queant, negligentia ministrorum etiam dominis ipsis nocente. His accedunt tertio suffragia JCtorum Gallorum, Hispanorum, Italarum, Anglorum, Belgarum, ut & legum exterarum, in eo consentientium, quod subditi omnia jura, quæ non tanguant superioritatem ipsam, nec competunt Prin-

cipi in signum universalis subjectionis & supremæ potestatis, contra superiorem præscribere queant. Quæ in genere dicta, speciatim ad jus venandi a scriptoribus applicantur, adeo, ut Dominus prohibens subditos venari in loco, in quo ex diuturna consuetudine venari poterant, violentiam iis inferre dicatur. Atque hanc sententiam Serenissimi Electores Brandenburgici, in Ducatu Magdeburgico, eatenus admiserunt, ut eos, qui, deficiente concessione expressa, immemoriam continuamque, ac ante Instrumentum Pacis Osnabrugensis completam præscriptionem docuerint, in quieto juris venandi exercitio sese esse relicturos, clementissime edixerint. In observatione tertia Alexander quidam produxerat rotulum testium super asserto jure venandi, partim in judicio, sed extra processum, partim coram Notario & testibus examinatum, petieratque decretum manutenentiæ, contra Dominum territorii, in judicio summarissimi possessorii concedendum. Quærebatur, an tale decretum roganti impetendum sit? Ita visum est Dominis Scabinis Lipsiensibus, JCTis Jenensibus, ac in simili casu Francofurtensibus, hac ratione præcipue motis, quod Rei titulum emti venditi documentis habilibus, ac immemoriam præscriptionem testibus omni exceptione majoribus, docuerint. At in alio casu Domini JCTi Lipsienses pronunciaverunt, in causis venationem concernentibus, momentaneum possessorium locum non habere; quam sententiam, in causa simili, Regimen Ducatus Magdeburgensis, ut & Facultas Juridica Hallensis probaverunt, censente Nostro, quanquam ratio decidendi addita alio spectet; nempe in possessorio pronunciari ideo non potuisse, quod actor non illud, sed potius actionem negativam utilem instituerit. His tria in laudata observatione adjiciuntur, primo, rotulum testium, coram Notario & testibus confectum, demonstrando juri venandi non sufficere, sed id legaliter probandum esse; secundo, in Ducatu Magdeburgico, deficiente concessione expressa, nullam aliam præscriptionem jus venandi tuari, quam immemoriam ac sine interruptione, ante Instrumentum Pacis Westphalicæ completam; tertio, in probatione juris venandi, juramentum suppletorium non videri locum habere, cum sit causa magna & ardua, quæ requirat plenissimam probationem contra territorii Dominum, qui

qui intentionem, ex præsumptione & assistentia juris plene fundatam, ac contra semiplenam probationem militantem, pro se habet; quanquam Facultas Juridica Erfurdensis in contrariam ierit sententiam, ac iurjurandum suppletorium admiserit.

JO. GEORG. DORSCHÆI, DOCT. THEOLOGI

& Prof. Argent. ac Rostoch. Primarii, ad entheas S. Jesaie

Prophetias, earumque singula capita, Analysis.

Hamburgi, apud Godofr. Libernickel, 1703, 4.

Alphab. i. plag. 9.

Quam in præfatione ad opus isthoc posthumum, primo loco celebrat Maxime Rev. Fechtius interpretandi sacras literas rationem, juxta quam id agant Interpretes, ut omnes quasi sacri textus divitias & recessus exhauriant, & quicquid uspiam vel in vocum philologia, vel in contextus scrutinio, vel in reliquæ scripturæ collatione, vel in consideratione historię argumento quorumlibet locorum cœvæ, vel denique in materiæ ipsius enucleatione, cogitari dicive potest, summa diligentia, labore, copia, judicio conferant in medium; ea Beatus noster Carpozovius in Jesaie Prophetiis exponendis dexterrime usus est, dum singulas atque universas pro lectionibus publicis ista methodo excussit. Et dolendum sane, quod in publicos usus laborem illum morte præventus Vir summus edere non potuerit. Equidem sermonum ad populum e sacra cathedra habitorum, in quibus dicta Jesiana Evangelicis pericopis Dominicalibus & Festivalibus parallela enucleavit. bonam partem ipse, dum viveret, prælo submisit; verum & hæc opera cito nimis abrupta est, & aliena, ut ad finem perduceretur, eguit industria. Interea dum Sebastiani Schmidii novissimo in hunc Prophetam Commentario se delectarunt hætenus, qui genuinum ejus sensum nosse desiderant, veterem equidem, sed nondum hætenus publice visam explicacionem e tenebris producit celeberrimus Fechtius, eam nempe, quæ Jo. Georgium Dorscheum, consuinmatissimum sui ævi Theologum, autorem agnoscit. In hujus enim literariis reliquiis ab interitu vindicandis, ut sollicitum se jam ante gessit insigne hodie Academiæ Gryphiswaldensis decus, Jo. Frid. Mayerus, quando & Dorscheum in Marcum Commentarium, & Aphorismos ejus-

eiusdem Theologicos e manuscripto edidit ; ita non minus de beati Viri Manibus bene mereri cupiens laudatus Fechtius , hasejus in Jesaiam prælectiones Academicas nunc sistit, imposterum Exegetes Dorschei integras in quatuor Evangelistas & Apostolorum Acta superadditurus, sua instructas præfatione, in qua, qualis quantusque Theologus fuerit Dorscheus, recensita vitascriptisque ipsius, palam reddere constituit. Quemadmodum vero Dorscheus in Academia Argentoratensi, auditoribus publicis æque ac privatis, complures in libros Biblicos dictavit expositiones, breviores illas quidem, sed ad studiosorum tamen Theologiz usum apprime comparatas : ita in hunc censum & isthæc Jesaiæ explicatio merito connumeratur, in qua post præmissam singulorum capitum interpretationi apodixin, poenitentiam valide urgentem, mox accuratam subnectit analysin, quæ & brevitate se commendat, & de iis, quæ difficultia dubiaque videri possunt, iudicium interponit, scrupulosque vero sensui obstantes removet.

ANTONII PACCHIONI REGIENSIS, PHILOSOPHI & Medici, de Dura Meningis Fabrica & Usu Disquisitio Anatomica.

Romæ, typis D. A. Herculis, 1701, in 8.

Constat plag. 9, cum figurarum ænearum tabulis 5.

Etiamsi Clarissimus Pacchionus ultra decennium in id incubuerit sedulo, ut opus suum novum de æquilibrio fluidorum ac solidorum, eorumque viribus & morbis, nec non duræ meningis fabrica absolveret, prout in Epistola, Actis nostris A. 1701 Mens. Septembri inserta. D. Ludovico Testi, Venetorum Medico, significaverat ; variis nihilominus graviter ægrotantium morbis, aliisque externis ac domesticis curis distractus atque impeditus fuit, quo minus illud publici facere juris sibi licuerit. Amicorum interim quotidianis fatigatus precibus, id cepit consilii, ut partem saltem istius operis cum orbe literato communicaret. Præsentigitur opusculo, quod Illustrissimo Clarissimoque Viro, D. Joh. Mariz Lancisio, Pontificis Maximi Clementis XI Intimo Cubiculario & Medico a Secretis, Archiatro Collegiali, nec non in Romano Archilycezo Publico Practicæ Professori sacrum esse voluit, duræ

duræ meningis fabricam & usum exhibet; quam propter ventriculos, septa, lacertos, (quorum nomen non tam parti musculosæ, quam conspicuis quibusdam fibrarum manipulis tribuit,) & vim propulsandi spiritus, cor cerebri & fluidi nervei vocitare non dubitat. Brevem ejus conspectum cognoscere qui desiderat, evolvat annum Actorum nostrorum supra commemoratum, pag. 418. & 419, atque voti sui satis superque compos fiet, ita ut plura eis addere, superfluum judicemus. Ut autem mens Authoris eo melius percipiatur, præcipua schemata Lectorum oculis usurpanda hic exhibere voluimus. Calci hujus opusculi experimenta & observationes pratico-anatomicas, ad duræ meningis usum roborandum spectantes subjungit Noster; ex quibus paucas indicabimus. Molossus in sinistro syncipite terebra perfodit, & duram matrem delicate absque ulla læsione detectam gossypio, spiritu natri parum imbuto, & soli ossis foramini adaptato, irritavit Noster. Canis vehementer ejulabat, sese undiquaque distortuens, quousque renovato sæpius gossypio, nunc spiritu sulphuris, nunc vitrioli madefacto, in somnolentiam, seu potius stupiditatem, & postmodum in tremorem plane incredibilem incideret. Dempto gossypio, ablutoque vulnere, animal ad se rediens omni expertus malo videbatur. Demum immissum gossypium per duas noctes reliquit. Tum frigidos sinistros pedes, motuque prorsus expertes, dexteros calidiōres, & convulsivis motibus per vices obnoxios observavit. Spuma ex ore prolabebatur; oculi in gyrum aliquoties acti non integre claudiebantur; canis omnino absque sensu, cum respiratione parva ac lenta apparebat, donec post 57 horas, imminuto pedetentim anhelitu moreretur. Aperto cranio duram matrem circa terebrationem animadvertit. Nil prorsus vel sensibilibiter saltem piz matri communicatum, naturalis ejusdem color ac crassities indicare videbantur. Alii cani postquam prope suturam sagittalem, decoctum anodynum per dies 15 assidue iniecerat, post 8 dies ipsum surdum, & sensibus pene orbatum observavit, quousque stupidus prorsum factus, cibis haud amplius se reficiens, & levibus membrorum contorsionibus correptus, e vita decessit. Secto cranio, suturæ filamenta elongata, ac duram meningem plus quam par sit a cranio distitam, flaccescentem, subalbam, & circa terebrationem ex decoctionis tinctura flavescen-

tem conspexit. De delicatula illa catulorum specie, quæ a Bononia nomen, & fossulam ad os frontis habet, observavit, quod, si caput vel leviter aqua, vel molli aliquo liquore abluitur, facile iis visus hebetetur, & suffusio inducatur, ex pulvere autem ossis sepiæ oculis ad plures dies sufflato malum cesset. Quæ & similia observata & phaenomena ex hypothese sua eleganter Noster explicat.

FIGURARUM EXPLICATIO.

FIGURA TERTIA.

TAB. IV. Duræ Meningis mulieris, ob vulnus capitis interemptæ, portio superior incrassata; unicum tantum latus cum falce, & lacertis, posterioris fibrarum glomi vestigia, & intersepti portionulam adnexam, exhibens.

Fig. 3.

AAAA Meningis dimidia concavitas cerebrum complectens.

B Falcis pars anterior tendinea, & reticularis, in os ethmoideum inserta.

C Tendo subrotundus, parum extensus, in parte infima, ad basin falcis locatus, & in medio interseptorum insidens.

DDDD Situs, ubi meninx in falcem curvatur, & hujus dorsum respondet.

ecce Lacerti pyramidales, eorumque pars veluti tendinea; & utraque, inferior & superior, fibrarum in falcem, & meningem insertio.

F Lacerti pyramidalis morbose relaxati effigies.

G Fibra posterioris lacerti ex pyramidalibus ad subrotundum tendinem inclinantes.

H Lacerti pyramidalis anterioris productio, falcis dorso adhaes, & ad os ethmoideum propendens.

iii Posteriores falcis lacerti a meninge orti, cum propriis fibrarum expansionibus, in subrotundum tendinem insertis.

L Lacertorum segmenta, ad interseptum, & subrotundum pariter tendinem spectantis.

mmm Fibrarum glorum posteriorem constituentium, e tergo postremi locuti (in meninge admodum incrassata) erumpentium vestigia, in subrotundum tendinem implantata.

non Vestigia fibrarum, internum meningis planum contestentium, ad falcis dorsum anterieus, in valde incrassata membrana, conspicua.

FIGURARUM QUARTA.

Fig. 4. Exhibet segmentum laterale cavitatis cerebelli, cum lacertulis cau-

cau-

caudici adstantibus, & reliqua fibrarum crassiorum, in continuato latere, expansione.

- aa Pars inferior magno occipitis foramini affixa.
- b Pars superior, & interior ad foramen ovale tendens.
- c Membranz elixatz crassities, qua caudicis lateri adnectitur.
- d Sinus transversalis foramen, sanguinem in jugulares velentis.
- eee Lacertuli.
- ff Fibrarum stratum sub lacertulis excurrentium.
- g Lacerti, seu potius, fibræ crassiores continuati lateris simul coeuntes, ad foramen ovale inclinantes, cum substratarum fibrillarum vestigiis.

FIGURA QUINTA

Exhibet segmentum posticum, & superius elixatz meningis, cujus planum fibrarum intimum crispatum, intestinulorum convolutioni simile apparet.

- aa Sinus tertius, sive longitudinalis, per medium sectus.
- b Superior postremi pyramidalis lacerti per medium secti expansio.
- c Sinus tertii extremitas in laterales inclinata.
- dd Fibrarum glomus posterior, per longiorem cocturam fortius contractus.
- eee Interioris strati fibræ similiter in formam intestinulorum contractæ, & convolutæ.

CHRISTIANI HUGENII, ZELEMII, DUM Viveret, Toparcha, Opuscula Posthuma, qua continent Dioptricam, Commentarios de Vitris figurandis, Dissertationem de Corona & Parbeliis, Tractatum de Motu & de Vi Centrifuga, Descriptionem Automati Planetarii.

Lugduni Batavorum, apud Cornelium Boutesteyn, 1703, 4.

Constat 2. Alph. 19. plag. cum 24. tab. æneis.

Vtrum & meritum magnitudine, & fama vere illustrem, Christianum Hugenum, orbis eruditus ut admiratus est viventem, ita doluit mortuum. In abitus perpetui solatium edita sunt, tum Autoris ipsius voluntate, tum Virorum in Acad. Leidenfi Clarissimorum, Burchardi de Volder, & Bernardi Fullemii labore, scripta hæc posthuma, quorum & conditionem, & epitomen Editores ipsi suæ ad Lectores præfationi inseruerunt. Hinc paucis tan-

tum indicium contentorum facientes, ad ipsam libri inspectionem ablegamus harum rerum gnaros. Dioptrica ut ut dudum conscripta, novissimis tamen circa refractionem inventis innititur. Postquam enim generaliter mensuram refractionis, punctaque concursus dispersusque radiorum determinasset, cum cura id, quod in vulgaribus dioptriciis libellis forsan frustra quæras, agit. Perquirat nempe *aberrationem radiorum*, quæ ex duplici causa oritur; vel *ex figura*, qua varie incidentes radii non ad idem punctum concursus diriguntur; vel *ex dissipatione lucis*, qua idem radius in plures diffringitur, & ex una linea in triangulum quoddam quasi distenditur, unde colores generantur; uti ex accuratissimis Newtoni experimentis patet. Ultraque radiorum aberratio, maxime autem posterior, in visione confusionem parit, si nimia sit; hinc in telescopiis & microscopiis certi limites sunt ponendi, ne nimius fiat angulus aberrationis hujus in oculo; quod utique hic sufficienter præstitit Autor, & ex hac cautela, aperturæ in vitris tuborum objectivis, & in ocularibus focorum mensuram computat, quæ longitudinum datarum est subduplicata. Microscopia pariter huic fini adaptare docet. Notari autem meretur modus conficiendarum pro microscopiis Levenhokianis sphæricularum, pag. 225. communicatus.

Sphærulæ quo minores, eo facilius conficiuntur, hoc modo: Fragmina vitri minima ad imam lucernæ flammam, qua parte cæruleus color conspicitur, admoventur, ut candescant, atque ita filo ferreo, quantum tenuissimum duci potest, excepta, ac porro dextre versata, in globulos abeunt, qui satis magni, si granum sinapi æquaverint. Ex pluribus ita paratis aliquos probos reperies, idque experieris, postquam lamellæ æræ eos incluseris. Quod ita fit: lamellam ex ære tenuissimo digiti latitudine, longitudine dupla complicabis, tum medium hoc rectangulum acus cuspidē perforabis; foramina opposita cotricula levigabis, ne quid scabri circa margines adhæreat, & flammæ fuliginē inficies, ne quid fulgidum intus remaneat. Inde sphæram adhuc filo ferreo hærentem intra lamellam atque ad ipsa foramina inferes, pressamque continebis adactis circum æneis tribus clavibus ex filo desectis malleoque firmatis. Sic levi opera pluram microscopia efficies, ex quibus quæ optima seliges.

Sub-

Subjunguntur, ut theoriam sequatur praxis, *Commentarii de formandis poliendisque vitris ad telescopa*; ubi in eo ab aliorum methodis differt Autor, quod ab initio ad finem usque, non solum in patinis sphaerice excavandis, sed & vitris primum in figuram debitam terendis, dein ad polituram disponendis, demum perpoliendis, omnia machinis sibi peculiaribus peragat, nihil autem motui manus libero permissum velit, lentium perfectioni motus potius regulares, quam arbitrarios & facile degenerantes convenire ratus. Modum ipsi Autori usitatum ex figuris xneis perspicere licebit.

Quae de *Coronis & Parheliis* sequuntur, continent varias tallium meteororum observationes; ideam autem hypotheseos, unde causae apparitionum redduntur, brevibus indicamus. Statur nempe Autor, aërem tum temporis confectum repletum esse effluvis humidis, pro Coronarum quidem phaenomeno globulis, pro Parheliis autem ortu cylindris, semiliquatis extrinsecus, in medio sui autem nivalem opacumque minorem globulum seu cylindrum retinentibus, quo nucleo opaco radii lucis transire prohibentur, donec in semiliquata vel aquosa vel glaciali parte extrinseca, ad certum angulum refracti, tandem oculo spectantis illabuntur; quod & tabulis computatis determinatum est.

De *Motu Corporum ex Percussione*, inquit celeritatis mutae quantitate; ubi notabile est circa quaestionem antehac ventilatam, quod Propos. VI de quantitate motus demonstret, eam non semper post impulsu eandem conservari, sed vel augeri posse, vel minui.

Quas jam olim Operi affirmatissimo de *Horologio Oscillatorio* addidit in fine propositiones de *Vi Centrifuga*, hic aliquot novis insertis demonstratas cernere licet, ubi imprimis pendula filo annexa rei dilucidandae adhibet, viresque eorum centrifugas ex tensione filorum seu finium aëstimat.

Tandem egregii artificii mechanici descriptio operi finem facit. Est illud *Automaton Planetarium*, quo anomaliae planetarum omnium, ad hypothesin Copernici, sed juxta proportionem Kepleri, visui exhibentur, tanta subtilitate, ut intra viginti annos vix observabilis oculo dissensus oriri queat. Constructionem ipsam grandibus figuris æneis ita coram oculis sistit, ut illi, qui ta-

libus delectantur machinis, non solum rationem compagis hujus percipere, sed & si prudens felixque mechanici manus accesserit, facile possint hoc exemplar imitari.

JACOBI GRONOVII NOTITIA ET ILLUSTRATIO
Dissertationis nupera de morte Judæ & verbo ἀπ' αὐτοῦ
χριστοῦ.

Lugduni Batavorum apud Jordanum Luchtmans,

A. 1703, plag. 8. in 4.

JACOBI PERIZONII RESPONSTIO AD NOTITIAM
nuperam.

Lugduni Batavorum, apud Jo. du Vivie & Isaacum Severinum,

A. 1703, plag. 8. in 8.

Indicavimus supra, mense Januario hujus anni, quæ de morte Judæ & verbo ἀπ' αὐτοῦ χριστοῦ disputaverint celeberrimi Viri, Jacobus Gronovius & Jacobus Perizonius, & quam quisque meritis sententiam; jam quid præsidii ad fulciendam eam denuo attulerint, strictim persequemur. Id imprimis ægre fert Gronovius, pronunciaſſe Perizonium, verba Act. I, 18 præter omnium veterum Patrum, Græcorum ac Latinorum, mentem a se explicatæ esse. Ita vero explanarat Gronovius, ut non de morte Judæ, sed de eo, quod illi jam mortuo, seu cadaveri ejus accident, ibi agi adſeruerit. Ut ergo conficiat, perperam se hujus rei argui, Chrysostomi, Athanasii, Aratoris, Anonymi cujusdam, & Origenis verba allegat, & quod idem prorsus sentiant statuuntque (de moriente nempe egisse Matthæum, de mortuo seu cadavere agere verba Lucæ) evincere conatur. Enimvero miratur Perizonius, cur in dedicatione Exercitationum jactarit, a Pallade animam, & efficaciam inspiratam, ut magnos Viros irrico labore liberaret, ad quod venerit & junior & tardus post XV seculorum tenebras, & milena aliquot ingenia, sed & se egregio probasse docuimus, res Christianas ex verbis Gentilium elucidari melius posse, quam ex omnibus horum Christianorum evanidis conjecturis, si, ut Matthæi, ita & Lucæ in Actis locum eodem modo, quo ipse, interpretati fuerint Athanasius, Chrysostomus, & seriores ætate, qui vix XIV aut XIII sæculis a nobis absint. Quo vero res omnis quam ac-

cura-

curatissime definiatur, singula loca penitus perquirat, & quæ sensus illorum, quæ vis, multum diligenterque indagat. Locus Chrysostomi hic est: *οὗτος βρέχων Ἰούδα ἤγαγε, καὶ μέσον λαλήσας πωπώσας, καὶ μετ' ἐκείνα πάντα εἰς γέλατον παρέπεμψε.* Nihil causæ esse ait Perizonius, cur concludi debeat, verba *οὗτος βρέχων Ἰούδα ἤγαγε* de Juda in laqueo mortuo, reliqua vero de cadavere, intellexisse Chrysostomum. Certe si tanta vis vocula *καὶ* sit, ut illa, quæ ea connectantur, de eadem morte dici nequeant, futurum, ut 2. Sam. XVII, 23 in verbis: *καὶ ἐντείλατο τῷ ἰακώ αὐτῷ, καὶ ἀπήγαγε, καὶ ἀπέθανε, & mandata dedit famula sua, & ἀπήγαγε, & mortuus est, vox ἀπέθανε aliquot significet, quod post mortem eveniret Achitopheli; imo futurum, ut in epistola ad Philippenses (cui Gronovius nihilo minorem tribuat auctoritatem, quam genninis Ignatii epistolæ) locus de Diabolo & Juda, *καὶ βρέχων αὐτῷ δεικνύσι, καὶ ἀγχίνῃ διδάσκουσιν. Et laqueum illi ostendit, & suspendium docet, per βρέχων & ἀγχίνῃ res plane diversas denotet, adeo ut non unius mortis circumstantiæ sint, sed distinguantur in tempus mortis & post mortem. Non majorem vim inesse ait loco Athonasi: *ἀγνοεῖ τὸν Ἰησοῦν πρὸς Πιλάτον, ἀπάγχεται Ἰούδας, nec non Origenes: ἀπελθὼν ἀπήγαγε, μηδὲ περιμένειας ἰδεῖν τὴν περὶ τὸν Ἰησοῦν παρὰ τῷ Πιλάτῳ κρίματος τὸ τέλος; nam ἀπάγχασθαι Judam, penitentiam negare; sed queri solum, quæ ratione illius verbi significatus cum loco Actorum sit conciliandus. Neque facere cum* Classico Gronovio Aratorem, qui canat:**

coeli terræque perosus

Inter utrumque perit, nullis condenda sepulchris

Viscera rupta fluunt.

Non enim inde necessario effici, viscera effluxisse possit suspensum in voraginem, & non ex pendente: imo Aratorem aperte adversari Gronovio, dum lib. I Hist. Apostol. v. 449 de Aristo scribat:

Fusa ruit Arrius alto

Infelix, plus mente cadens, lethumque peremptus

Cum Juda commune tulit, qui gutture pendens

Visceribus vacuatus obit.

De

De loco Anonymi ad Nectarium ita Clarissimus Gronovius cenſet: *manifeſta eas voces Luca de cadavere accipiunt verba. Epistoſa Græca Anonymi ad Nectarium in Defenſ. p. 58. cum dicat: Εἰκὸς τὸ τελευθῶναι τε δι' ἀγχόνης αὐτοῦ (ubi jam mortuus eſt) καὶ τὰ σπλάγχνα αὐτοῦ ἐκχυθῆναι . . . καὶ τεύθει εἰς γῆν κατενεχθέντος ἐκείνου καὶ ὅτω μίση λαλακεῖνός, ὡς δάμα πρῆμασαι τοῖς πασὶν ἑξαιτίαι.* At vero monet Clarissimus Perizonius, a Gronovio aliqua omitti; ita enim Anonymum dicere: *εἰκὸς γὰρ καὶ ἀμφότερα ταῦτα γενέσθαι ἐν τῷ τότε, τὸ τελευθῶναι τε δι' ἀγχόνης αὐτοῦ, καὶ τὰ σπλάγχνα αὐτοῦ ἐκχυθῆναι.* Probabile enim, utraque illa accidisse tunc simul, & consummatum eum esse per suspendium, & viscera ejus effusa. Ejus rei gratia puncta quoque nonnulla inserte, & hæc ejecta verba fuisse, æte τῷ καλωδί διαρραγέντος, ἐν ᾧ ἀπηρώρητο, καὶ τεύθει εἰς γῆν κατενεχθείς, καὶ ὅτω μίση λαλακεῖνός, *utroque f. p. n. c. disrupio, quo pendebat in alto, & inde in terram delato Juda & sic medio rupio.* Cæterum, ut ut Patres in suspendium & hunc verbi ἀπήγατο sensum apud Mattheum consentiant; nihil tamen consensum istum ad hanc rem facere, ubi de sensu verborum Lucæ disputetur. Addit inde quædam de Jesuitis Dombensibus, inprimis quod agnoverint, optime se probasse, τὸ ἀπάγαγον latiore habere, quam solius suspendii, significationem. His perquisitis, ad ipsa verba Act. II v. 18. accedunt, existimatque Gronovius, si simplex ibi processus actionum vivi enarraretur, frustra interponi, *ergo, & ille ergo.* Debuisset enim Lucam in enarratione actorum vivi progredi, & *sustinuit hujus muneris partes, & comparavit* &c. ut omnia de vivo intelligerentur. Sed cum magnus illic hiatus sit, par esse monet, ut statuamus, magnam Judæ istius mutationem contigisse, magnamque rerum ab illo jam mutato & misero actorum intervntum declarari, a quibus referendis Lucas abhorruerit, & proinde perrexit connectendo, vocola interposita, ὅτε μὲν ἐν ἐκτίσῃ &c. Respondet Perizonius, particulas has inseruire vel maxima scriptoribus, quando ab rei totius descriptione transitum faciant ad peculiare illud, quod potissimum de ea dicere velint, ideoque per *ergo, vero* & similes Latinas verti. Nexam proinde concinnum & pulchrum

ver-

verborum esse. Petrum enim, quum dixisset de Juda ductore illorum, qui ceperunt Jesum, fuisse eum etiam unum ex Apostolis, pergere jam per hasce particulas ad illud, quod potissimum exponere auditoribus suis voluerit, nempe, illum ergo Judam; qui fuerit inter Apostolos; poenitentia sceleris ad desperationem adactum, primum pecuniam; mercedem sceleris sui, (qua deinde ager emptus fuerit facto ipsius insignis, dum vocetur ager *sanguinis*) ultro abjecisse, & dein, abjecta ita pecunia, in eadem illa desperatione precipitem factum periisse, rupto ventre & effusis intestinis. Qua de re dum commentatur Perizonius, notat, male a Gronovio voculas *ἄτος μὲν ἔν* verti ille *quidem igitur*, seque autoritate Fr. Vigerii & H. Stephani munit, & rectius per *et vero*, imo *vero, ceterum*, exponi contendit. Sed repetit Gronovius, quod Judas dicatur agrum acquisivisse, idque pramittatur proxime ante controversa nobis verba, cumque ager ille emptus sit post mortem Judæ, verba quoque ista non de morte, sed de cadavere exponenda esse. Ad quæ, & alia, & hoc inprimis Perizonius reponit, nondum confectum esse, an post mortem Judæ ager emptus sit; certe ex verbis Lucæ id non patere, nec facile probari posse, eo quod ipse fateatur Gronovius, *orbem Christianum habuisse hucusque incertum & fluctuantem de tempore strangulati proditoris*. Plura adhuc restant commemoranda, de quibus eruditissimi Viri contendunt. Enimverò cum pleraque ita constituta sint, ut de scopo propositæ disputationis declinent, & paulo acerbius expediantur, tum ejusmodi esse intelligimus, ut scientes prudentesque a recensendis iis abstineamus.

OBSERVATIONUM SELECTARUM; AD REM
litterariam spectantium, Tomus VII.

Halæ Magdeburgicæ, apud Rengerum, 1703, in 8.

Plag. 30.

Quemadmodum Observationes has selectas ad rem spectare litterariam, ipse titulus indicat: ita *quarum* inter eas locum, post tres priores ad rem Medicam spectantes, quæ obinet, conversationibus dicata est litterariis, quæ variis olim in locis, & in:

B b b

By-

Byzantinorum maxime Imperatorum bibliothecis instituta perhibentur, sed præ cæteris tamen Deipnosophistarum in museo Alexandrino conventus celebratur. Observatio V quæstionem examinat, cur mors in undis Gentilibus olim, præ aliis mortis generibus, maxime invisa fuerit? & sicut ad rationes genuinas ista refert, quod bello cadere gloriosius illi judicarint, magisque homini conventus existimarint efflare animam in aerem, ac sepulture insuper speciem dulciorem conceperint: ita Servio imprimis contradicit & Synesio, qui putarint, ista ratione non corpori tantum, sed ipsi quoque animo moriendum esse, cum, ex ratione sigillatim a Servio allegata, anima sit ignea. Et hæc quidem Observatio nova non est, sed jam A. 1667 Dissertatione publica a Jacobo Thomasio, Professore tum in Lipsiensi hac Academia celeberrimo, proposita: cui & ea debentur, quæ mox Obs. VI & VII de Latrocinio Gentis in Gentem referuntur, ab eodem, in Dissertatione itidem quadam Academica, quondam publico eruditorum examini subiecta. Nimirum cum binæ istæ Dissertationes summo studio elaboratæ essent, legique ab omnibus mererentur, nec ullo tamen pretio comparari a quoquam possent, laudando consilio Clarissimi Observationum Collectores eas denuo, distinctis accuratius paragraphis, eorumque summis cuique Observationi præmissis, prælo committendas censuerunt, de re litteraria hoc facto optime meriti. Obs. VIII Hieronymi Hirnhaimii tractatum de typho generis humani, sive de perverso scientiarum studio recenset. Nonna, itemque decima tertia, Paganini Gaudentii volumen de Philosophia apud Romanos illustrat, & Autorem, quod erudite, perspicue atque solide rem susceptam ubivis exposuerit, commendat; in eo autem, quod interdum se suaque acrius defendat, & in alios acerbe ac contumeliose invehatur, humani aliquid possum esse, non dissimulat. Obs. X loci alicujus Scripturæ sacre Novi Testamenti illustrationem sibi sumit, dicti puta Hebr. X, 4. 5. quod hic subijcimus: Ἀδύνατον γὰρ αἷμα ταύρων καὶ τράγων αἰφαιεῖν διαφύλαξαι· ΔΙΟ' ΕΙΣΕΡΧΟΜΕΝΟΣ ΕΙΣ ΤΟΝ ΚΟΣΜΟΝ ΑΓΓΕΙ' Θυσίαν καὶ προσφοράν ἐκ ἡθελήσας· σῶμα δὲ κατήρισά μοι. Huic ut scōsum hactenus inauditum inferat, ex mente nonneminis hæc præsupponit: Autorem Epistolæ ad Hebræos

bræos non tam pure, proprie ac luculenter ubivis loqui, ut eruditus lectoribus nihil cogitandum illustrandumque reliquerit; epistolam illam aut Hebraice primum scriptam fuisse, aut certe ab homine Hebræo, quisquis tandem sit; Hebræos, aut potius Hellenistas, sæpe vocabulis linguæ peregrinæ easdem significationes subjicere, quascunque vocabula linguæ Hebrææ habeant; nomina & verba, ab Hebræis derivata, habere posse, & revera ex intentione scriptoris sæpe habere omnes eas significationes, quascunque verba habeant; istas significationes alias aliis obscuriores esse, & hanc ob causam ipsa illa nomina lectorem imprudentiorem sæpe fallere, quia facile contingat, ut significatio notior & usitatio mentis aciem præstringat, ignotior vero & auctoris propria prorsus lateat, veluti tenebris quibusdam involuta; denique Hebræos & Hellenistas frequenter omittere nomen personæ, quæ aliquid egisse dicatur. Has hypotheses præsupponit Autor Observationis, ut eo commodius ad sequentem præsentis loci expositionem easdem accommodare valeat. Dicit enim, *κόσμος* esse Hebraicum *עולם*, & significare rem abstrusam, incognitam, secretam personam, quæ *λέγει* dicat, omissam esse censet consulto & ex more; unde hanc emergere orationem inquit: *quare ingrediens in secretum, ait David* &c. Facile patere autumat, vocem *ingrediens* metaphoricam esse, atque per *secretum* intelligi sublimiorem sapientiam, ignotiorem præstantioremque philosophiam, unde sententia sit: *idcirco etiam David, cum occultiori illi sapientia studet, seu, cum in ignotioris philosophiæ adyta penetrat, ait, &c.* Obs. XII metallorum emendationem modice fructu profuturam esse innuit. Obs. XIV titulum *semper Augusti*, quo hodiernum utuntur Imperatores Romani, perperam in lingua vernacula efferri autumat per *allezeit Mehrer des Reichs*, cum Augustus non tam ab auctu, quam ab augurio dicatur, & Augustus idem sit ac sanctus; unde, si rem accuratius pensare velis, Imperator semper Augustus eadem ratione dicatur ac sacrum Romanum Imperium, & sanctum potius, quam augmentem denotet, meliusque transferatur *allezeit geheiligter Kaiser*. Observatio XV vitam, mortem ac scripta Hugonis Grotii exhibet. Obs. XVI Imperatores, post renunciationem ab Henrico V fa-

etiam Calixto Papæ, jus in Episcopos Germaniæ haud perdidisse, probatum dat. Decima. octava Jo. Launoji Dissertationem: de vera causa secessus S. Brunonis in eremum approbat, & quicquid de Doctoris illius aut Canonici Parisiensis horrendis in feretro vocibus: *justo Dei judicio accusatus sum, judicatus sum, damnatus sum!* tradatur, fabulis accenset. Vigesima prima. atque ultima Alexandri Alefii vitam exponit..

NOVA LITTERARIA.

Quantos in Ecclesia Gallicana motus libellus quidam, Resolutionem Casus Conscientiæ complexus (*Cas de Conscience proposé par un Confesseur de Provence, touchant un Ecclesiastique qui est sous sa conduite, & resolu par plusieurs Docteurs de la Faculté de Théologie de Paris*) nuper concitarit, publice constat: ast originem controversiæ ac momenta non omnes forte exacte habent cognita.. Tamen si enim totius negotii Historia in Novis Reipublicæ Literariæ (*Nouvelles de la République des Lettres*) Jacobi Bernardi, quæ per mensium intervalla Amstelodami eduntur, mense hujus anni Majo pag. 335-349, & plenius in Commentariis Historiæ Scientiarum & Bonarum Artium componendæ inservituris (*Memoires pour l'Histoire des Sciences & des Beaux Arts*) qui in Gallia a Jesuitis Trevoltiensibus vulgari, Amstelodami post cum luculentis accessionibus recuduntur, mense Martio p. 206-215, Aprili p. 297-314, Majo p. 372-377, exposita prostat; multos tamen esse non dubitamus, qui aut Gallice nesciunt, aut non mature satis libros hosce: nanciscuntur; quorum proinde in gratiam, de ista quædam edisserere non gravabimur.. Clericus quidam in Provincia, ab aliis apud Confessarium, suum in suspensionem novarum & singularium circa sacra opinionum: adductus erat. Confessarius, quod absolutionem largiri homini hæreseos suspecto religioni duceret, nec inauditum tamen condemnare vellet, privatum cum eo colloquium instituit, utque mentem ejus accurate exploraret, quæstiones ipsi de novem capitibus, in quibus erroneæ doctrinæ insimulatus erat, nempe de quinque Propositionibus Jansenii, de Prædesti-

na-

natione & Gratia, de Amore Dei, de sufficientia aut insufficientia Attritionis, de modo assistendi Missæ, de cultu Sanctorum & imprimis B. Mariæ Virginis, de conceptione immaculata B. Virginis, de libris quibusdam a Jansenistis editis, deque translatione Novi Testamenti in linguam vulgarem, & Montensi imprimis, proposuit. Cum ad singulas sincere Clericus respondisset, mentemque suam distincte aperuisset, Confessarius tamen suo judicio diffidens, & num absolutionem deinceps delicta promere confessorio largiri possit, nec ne, dubius, Casum conscientie formavit, decidendumque commisit Sorbonæ, transmissis clerici ad interrogata sua responsis, seque, quomodo gerere se deinceps debeat, instrui petiit. Re in Sorbona proposita, a quadraginta illius Doctoribus statutum fuit, opiniones istius clerici nec novas esse, nec singulares, nec ab Ecclesia damnatas, nec denique tales, ad quas deferendas adigi clericus debeat. Cum vero decretum istud quadraginta Doctorum, subscriptis ejusque nominibus, publicatum esset, indignationem id haud levem concitavit apud alios, Jesuitas præcipue, ut apparet, quod in eo Romani Pontificis auctoritas labefactari, & sopita dudum de quinque propositionibus Jansenii controversia: resuscitari videretur: ut jam compluribus libelli in quadraginta Doctores magna cum acerbitate invectivi prodirent, resque ad gravissimas contentiones spectaret. Tandem Resolutio illa Casus Conscientie Romæ a Pontifice *Clemente XI*, die hujus anni 13 Februarii, solenni ritu damnata fuit ac prohibita, literis insuper ad Galliarum Regem datis, quibus ut severo supplicio in auctores illius, homines novarum rerum cupidos, Janseniique hæreticis dogmatibus haud occulte faventes, constitutionesque Apostolicas per captiosas subtilitates eludentes, animadverteret, Regem Pontifex adhortabatur. Ejusdem mensis die vigesimo secundo, Archiepiscopus quoque Parisiensis, *Ludovicus Antonius* Cardinalis de Noailles, decretum promulgavit, quo & ipse Resolutionem quadraginta Doctorum condemnabat, sed ita, ut simul damnares libellos famosos & injurios, qui oppositi illi fuerant, omnibusque pacis & concordie studium juxta zelo commendaret. Quadraginta vero Doctores retractare scripto priorem sententiam, decreto Archiepiscopi se sub-

mittere, ac poenitentiam de Casu Conscientiæ signato testari jussi sunt, qui & ne lautis, quibus fruebantur, beneficiis exciderent, paruerunt, tribus tamen, *Ludovico Ellies Du Pin* Theologiae in Collegio Regio Professore, cujus multoties in his Eruditorum Actis facta fuit mentio, *Petio* Professore itidem Sorbonæ & librorum Censore, ac *Guesnono* Canonico Abbatæ S. Victoris, exceptis, qui cedere muneribus suis ac redditibus, & abire in exilium maluerunt, quam revocare sententiam, præmissa matura deliberatione semel dictam. Hæc rei gestæ qualiscunque est narratio. Ut pateat, quid admissum a clerico illo & Doctoribus fuerit tam severa censura dignum, necesse non arbitramur, ut integra Casus Conscientiæ Discussio hic legatur. Etsi enim Reverendissimus Archiepiscopus quosdam e reliquis etiam articulis contradictionum, expressionum reprehensibilium & in S. Sedem contumeliosarum insimulet, non docet tamen, quosnam eorum intellectos velit. Primum autem articulum cum inprimis atro carbone notaverit, cum Latine redditum non possumus non hoc loco exhibere. Interrogatus nempe de quinque propositionibus Janseii famosis clericus profitetur, *semet condemnare eas, & condemnasse semper, pure etiam & sine restrictione, omni sensu, quo condemnaverit eas Ecclesia, etiam in sensu Janseii, prout cum Innocentius XII in suo ad Episcopos Belgii diplomate explicavit. Subscripsisse se formulæ, cum id a se exigere tur, ejusque rei scriptum testimonium possidere. Quantum ad factum Janseii, uti juxta decretum Domini de Peresne (Archiepiscopi quondam Parisiensis) aut malitiosum esse oporteat, aut rudem, qui censeat, Ecclesiam parem fidem de facto, quam de jure exigere: ita se non pari fide amplecti decisionem de facto, quam decisionem de jure, in condemnatione quinque propositionum, sed sufficere submissionem reverentia (de respectu) & silentii erga id, quod de facto Ecclesia decidit, & quamdiu juridice convinci ipse nequeat, quod nullam propositionum condemnatarum defenderit, non debere se inquietari, aut religionem suam haberi suspectam, cum Innocentius XII, in diplomate ad Clerum Gallicanum, proxima Synodo comprobato, id prohibuerit.* In hoc ergo articulo quid peccatum a clerico, & qui illum approbarunt, quadraginta Doctoribus fuerit, dijudicandum

nos aliis harum rerum peritioribus relinquitur. Sepultam vero plane Janfenisticam controversiam omnem cupere Galliarum Regem, nemo ignorat, qui publicis edictis severe prohibuit, ne de ea in quamcunque partem aut modum disceptetur; ut adeo ab omni culpa Doctores isti, publicato intempestive suo de quaestione ad Janfenismum spectante iudicio, immunes forte videri queant non fuisse. Num vero Clerus Galliae infallibilitatem, etiam in quaestionibus facti, Romano Pontifici hodie vindicare tanto zelo velit, ut iis, qui agnoscere eam nolunt, dissensus exilio luendus sit, cum olim ne in quaestionibus quidem fidei irreformabilem eam consuevit, nos non definimus. Unum superest, quod dissimulare nolumus, ex decreto Archiepiscopi haud obscure intelligi, Doctoribus Sorbonicis generatim quoque vitio verti, quod oblatum sibi a Confessario Casum Conscientiae ausi sint decidere; cum id potius ad cujusque Dioeceseos Episcopos pertineat, ad quos in casibus extraordinariis, tam in doctrina quam disciplina obviis, decidendis omnibus sit confugiendum.

Cum hæc literis consignassemus, in manus forte nostras Novorum Reipublicæ Literariæ (*Nouvelles de la Republique des Lettres*) Mensis proximus Julius incidit, ex quo pag. III cognovimus, Pontificem Romanum aliis literis gratias egisse Regi Christianissimo, quod punire Approbatores illos Casus Conscientiæ sustinuerit, ac speciatim acerrimum in Ludovicum Ellies Dupin odium prodidisse, utpote quem non dubitaverit *nequioris doctrina hominem, temerataque pluries Apostolica Sedis dignitatis reum* appellare; ut adeo palam sit, non nuper demum, sed dudum, scriptis aliis in lucem editis, Dupinitem Romanæ Curiae iram provocasse. Severissimo etiam supplicio pag. seq. typographus Morellus (*Moreau*) affectus memoratur, quod Casum Conscientiæ sine permissione Magistratus, cujus consensus requirendus est, typis impresserit; ad multam nempe mille librarum condemnatus, & jure artem typographicam exercendi, seu Magisterio suo (*maitrise*) cum omni posteritate sua dejectus, typographia insuper ejus & re libraria fisco addicta. Cui relationi si adhibenda fides, patet, quanto rigore in Gallia hodie id agatur, ut Janfenismus omnino eradiceatur.

LIBRI NOVI.

Novum Testamentum una cum Scholiis Græcis, & Græcis Scripto-
ribus, tam Ecclesiasticis, quam exteris, maxima ex parte de-
sumptis, opera & studio Joannis Gregorii. Oxoniæ e Thea-
tro Sheldoniaco, impensis Tho. Bennet, Bibl. Lond. 1703. fol.

Le Nouveau Testament traduit sur l'original Grec, avec des
Remarques, où l'on explique le texte, & où on rend raison de
de la version. Par Jean Le Clerc. A Amsterdam, chez J. Lou-
is de Lorme, 1703. 4.

Ezechielis Spanhemii, Liberi Baronis & Legati Regii, Orbis Ro-
manus, seu ad Constitutionem Antonini Imperatoris, de qua
Ulpianus Leg. XII Digestis de Statu Hominum, Exercitationes
duæ. Londini, apud A. & J. Churchill, 1703. 4.

Etymologia Sacra Græco-Latina, seu e Græcis fontibus deprompta, &
lucubratione P. Nicolai du Mortier, Clericorum Regularium mini-
strantium infirmis Theologi & Generalis. Romæ, ex typogra-
phia Jo. Jac. Komarek, 1703. fol.

D. Jobannis Bohnii, Professoris Lipsiensis, de Officio Medici du-
plici, Clinici nimirum ac Forensis: hoc est, qua ratione ille se
gerere debeat penes Infirmos pariter, ac in Foro, ut Medici cru-
diti, prudentis ac ingenui nomen utrinque tueatur. Lipsiæ, a-
pud Jo. Frid. Gleditsch, 1703. 4.

Joannis Razi, Societatis Regiæ Socii, Methodus Plantarum emen-
data & aucta. Accedit Methodus Graminum, Juncorum &
Cyperorum specialis. Londini, apud Sam. Smith & Benj.
Walford, 1703. 8.

Histoire de l'Académie Royale des Sciences. Pour l'Année 1700.
Avec les Mémoires de Mathématique & de Physique pour la
même année. Tirés des Registres de cette Académie. Par
Mr. de Fontenelle. A Paris, chez Jean Boudot, 1703. 4.

ERRATA.

P. 176. l. 31. post lege inferatur communicabit. P. 116. l. 6. post & 19.
inf. tabulis. P. 117. l. 6. post bina puncta, inf. linearum a vertice duarum.
P. 118. l. 6. lege interfectionem. P. 119. l. 19. pro punctis lege puncta. P. 120.
l. 16. post semiorinata inf. in Parabola. P. 131. l. 16. post partis inf. alterius.
P. 132. l. 16. pro scens lege secare. P. 133. l. 19. post & inf. a. P. 363. l. 23. pro
AB. II. 18. lege AB. l. 18.

* * * * *

ACTA ERUDITORUM,

publicata Lipsiæ

Calendis Septembris, Anno M DCC III.

CODEX APOCRYPHUS NOVI TESTAMENTI, collectus, castigatus, testimoniisque, censuris & animadversionibus illustratus a JO. ALBERTO FABRICIO, SS.

Theol. D. Prof. Publ. & h. t. Gymnasii Hamburgensis Rectore.

Hamburgi, apud Benj. Schillerum, 1703. 8.

Alphab. 3, plag. 2.

NE innumeris aliis hominibus tempus terendum esset in fabulis apocryphis, aut per mille scriptores notandis, aut ad examen revocandis, uno hoc volumine collectas eas falsitatisque convictas, in Ecclesia Christi, tanquam anathema quoddam, suspendere, testimoniisque prius & censuris haud inficiandis confossas veluti dilacerare, atque ita ad usum Canonice autoritatis, quam invadere voluerunt, ineptas redere (ad eum fere modum, quo Hesychius testatur, vestes, quæ ex spoliis vel aliunde Diis devotæ suspensæ olim fuerint, prius solitas fuisse confindi ac dilacerari, ne humanis usibus amplius paterent,) laudabiliter studuit Maxime Reverendus Fabricius, qui suum isthoc propositum in præfatione adversus nonnulla, quæ obijci fortassis possent, argumenta solide vindicat. In duas autem partes volumen præsens dispescuit, quarum prima exhibet Evangelia apocrypha, sive scripta subditiia de Christo, ejusque genere, parentibus, dictis, scriptis; secunda vero sitit, quæcunque de Apostolorum doctrina, miraculis, vita, epistolis, aliisque eorum nomini tributis scriptis. pari fide ac fronte variis temporibus conficta ac supposita fuerunt. Ubivis de cætero testimonia

Ccc

varia,

varia, vetera æque ac recentiora, Vir solertissimus præmisit, censurasque in apocrypha hæc scripta exercitas nuspiam reticuit, quin & animadversiones suas eruditissimas largo numero passim inseruit.

Tomum primum auspicatur ab Evangelio de nativitate S. Mariæ, jactato olim sub falsis nominibus scriptoris S. Matthæi Evangelistæ, & interpretis S. Hieronymi, qui illud ex Hebraico verterit, donaveritque interpretatione liberiore Latina; cui mox ad latus jungitur Protevangelium, Jacobo, cognomento Justo, Fratri Domini adscriptum, idque non Græce solum, sed & Latine, retenta quidem versione Guil. Postelli, a Theodoro Bibliandro primum cum notulis quibusdam marginalibus edita, & in Orthodoxographis Jo. Heroldi iterum vulgata, ita tamen, ut ubi plura in Græco sunt, ea Fabricius Noster ediderit Latine alio charactere; ubi versio Postelli quædam adjecit, ea inclusit cancellis; & ubi alius ab hoc sensus exhibetur, de eo in notis suis disseruerit. Sequitur tertio loco Evangelium Infantię Christi, adscriptum Thomæ Apostolo, Græce, cum versione Jo. Baptistæ Cotelærii; itemque liber ejusdem argumenti, ex Arabico translatus ab Henrico Sikiō; sub cujus calcem specimen quoddam Noster adponit ex libro Infantię, versibus Germanicis ante tria vel quatuor secula descripto, quem passim in bibliothecis manuscriptum occurrere testatur. Quartum Evangelium est istud, quod vulgo tribuitur S. Nicodemo, quodque pluribus in codicibus manuscriptis inscribitur: *Acta Pilati de passione & resurrectione Jesu Christi*; una cum epistolis eidem Pilato adscriptis ad Claudium (Tiberium puta) Imperatorem, & Lentulo, ad Senatū Romanum; prout & in addendis sub calcem universi operis Ἀναφορὰ πρὸς τὸν πρὸς Τιβέριον, ex codice Colbertino secum communicatam, Græce & Latine legendam dat. Ad allatum vero Justinī Martyris de Pilati Actis testimonium observat Noster, haud dubium esse, quin Pilatus ad Tiberium Imperatorem referre debuerit, atque adeo retulerit, quæ circa Christum gesta fuerint; quippe cum hic mos Præsidum provinciarum ex Plinii ad Trajanum epistolis, multisque aliis monumentis constet. Utrum vero ista, quæ in Actis Pilati extitisse perhibeat Justinus, etiam vere fuerint in commentariis a Pilato

Pilato ad Imperatorem missis, & unde commentarii illi in vulgus manaverint, altioris esse ait indaginis. Credibile sane existimat, Christianos quosdam ejus ætatis, qui pessimo consilio, sub Apostolorum, sub Sibyllæ, Hermetis & similium nominibus scripta supposuerint, etiam sub Actorum Pilati titulo fucum facere ausos fuisse, atque ita fecisse, ut Justinum, Tertullianum, aliosque deceperint. Neque tamen vel Epistolam Pilati, vel Acta extitisse primum evulgata sic, ut in manibus hominum versarentur, Casaubono adstipulatus judicat, cumque ipso notitiam hujus rei pervenisse putat ad Christianos per aliquem e Caesarum ministris, qui ad Christum conversus, quæ ipse, scriinia tractans Augustorum, comperisset, fidelibus narraverit. Cui addit, rem amplificatam deinde dicendo scribendoque, donec Acta denique ejusmodi literarum Pilati, per Christianos consistæ, & jactatæ fuerint pro genuinis monumentis. Cæterum omnia, quæ in Actis Pilati lecta esse veteres referant, hodie legi observat in Evangelio, quod heic sistitur, Nicodemi, unde Acta Pilati commentitia hoc ipsum vel plane simile fuisse scriptum, non absurde colligas, ad mentem eorum, qui talia in commentariis Pilati putabant contineri, antiquissimis temporibus expressum.

Sequuntur duæ Editoris nostri dissertationes peculiare, altera de scriptis, quæ ad Jesum Christum, Servatorem nostrum, tanquam autorem relata sunt; altera de dictis ejusdem, quæ in quatuor Evangeliiis Canonicis non commemorantur. In priori, præter scripta alia a Patribus, tanquam quæ Christo supposita fuerint, allegata, literarum imprimis Christi meminit, quas coelo delapsas nugivenduli finxerint. Nec Liturgiam Salvatori tributam præterit, epistolamque ejus ad Abgarum Edessæ Regem, post hujus literas ad Christum, similiter in medium producit. In posteriori dicta Christi, præter auctoritatem librorum canonicorum circumferri solita, triplicis esse notat generis; aut enim in paucis quibusdam Evangeliorum Canonicorum codicibus adfuta fuisse dicit, ex apocryphis, ut par sit credere, Evangeliiis; aut allegari a Patribus, verba Evangelistarum non recte memoria tenentibus, aut de industria interpolantibus, aut interpolato codice usis; aut denique a vetustis scriptoribus, e traditione vel apocryphis scriptis,

tanquam Christi dicta proferri. E singulis classibus exempla non una citat, egregieque eadem illustrat.

Sed hactenus exigua tantum Evangeliorum apocryphorum sylloge comparuit, quandoquidem nunc notitia & fragmenta aliorum circiter quadraginta subnectuntur. Equidem tituli suppeditantur quinquaginta, quorum tamen plures interdum unum scriptum designant; unde singulis genuinis Evangelii dena propemodum respondere Maxime Reverendus Autor fecit apocrypha, eaque ordine alphabetico disposita. Sunt inter hæc Evangelium secundum Ægyptios, Evangelium æternum, Evangelium Andreæ, Appellis, duodecim Apostolorum, S. Barnabæ, S. Bartholomæi, Basilidis, Cerinthi, Desposynorum narratio de genere Christi, E-bionitarum Evangelium, Evangelium Encratitarum, Evæ, Gnosticatorum, Evangelium secundum Hebræos, S. Jacobi Minoris Prot-Evangelium, S. Johannis liber de transitu S. Mariæ, Evangelium Judæ Ischariothæ, Leucii, Marcionis, Mariæ interrogationes majores & minores a Gnosticis confictæ, e quibus Epiphanius nonnulla asserat, sed tam turpia, obscœna ac plena blasphemiz, ut illa describere Noster abhorruerit; Evangelium Matthæi Hebraicum, quo usi Nazaræi, Narratio sub Justiniano Imp. reperta de genere Christi, Evangelium Pauli, Petri, Philippi, ut alia taceamus.

Tomo voluminis secundo quæ antefixa est præfatio, pauca esse observat, quæ de Apostolis, neque universis illis, sed duobus fere tantum, Petro ac Paulo, Ecclesiæ reliquerit certa atque indubitata divinus scriptor Lucas, indeque fabulis illum supplere defectum, & erroribus, majorine, dubium, audacia an impietate, multi voluerint, diverso licet consilio, aliis infelicius & majori libidine hæreses fabulis miscendi, aliis majori specie & frequentioribus veri vestigiis ex traditione utcumque petitis, omnibus temeritate æquali ac detestanda agentibus. De Actibus vero Apostolicis Deo adspirante a Luca scriptis annotat, Lucam plerisque, quæ in illo libro exponantur, ipsum interfuisse, secus, ac autor synopsis Scripturæ (quæ, non indigna aliqui tanto scriptore, feratur sub nomine Athanasii,) existimet, quod Lucas quidem Acta conscripserit, sed Petrus Apostolus eadem dictaverit. Librum
interim

interim hunc, post Paschatos festum, in veteri Ecclesia quotannis, instituto laudatissimo & convenientissimo, prælectum fuisse innuit, atque his prælibatis denno ad apocrypha sua pergit.

Maximam horum partem conficiunt Acta Apostolorum, sive Historia certaminis Apostolici, adscripta Abdiæ, primo, ut ferunt, Babylonix Episcopo, & distributa in libros decem, quos integros Noster huic corpori inseruit. Dum autem inter testimonia & censuras, de historia hac a variis olim prolatis, Christianum quoque Daumium allegat, in editione novissima Bibliothecæ Patrum Lugdunensæ Abdiam Babylonium desiderantem, etiam in aliis Bibliothecarum Patrum editionibus eundem desiderari notat, unde fallantur, qui eum ibi extare affirmant, Viri docti, Phil. Labbeus, Theoph. Spizelius, Lud. Ellies du Pin, Caveus, Petrus Baylius, aliique, sive conjecturæ suæ, sive aliorum non examinatis testimoniis hoc tribuentes.

Abdiam excipiunt Notitia & Fragmenta Actuum Apostolorum apocryphorum, alphabetico ordine digesta, ubi de Achajæ Presbyterorum & Diaconorum Epistola de Passione S. Andreæ, de S. Andreæ Actis, Clementis Romani Actis Petri, de Actis Apostolorum, quibus usi sunt Ebionitæ, Actis Johannis, Leonidæ & Nexocharidis sive Xenocharidis Actis sub nomine Andreæ Apostoli editis, de Lini Passione Petri & Pauli, anonymi Historia S. Marci Evangelistæ, Jo. Marci Passione S. Barnabæ, Melliti Passione Johannis Evangelistæ, de Actis Pauli, itemque Pauli & Theclæ, Actis Petri & Philippi, de Polyeratis Vita Timothei, Prochori Historia de Johanne Evangelistâ, de Itinerario S. Apostoli Thomæ, similibusque haud proleteria cum erudito Lectore communicantur.

Post Acta isthæc spuria, in scenam prodeunt Epistolæ apocryphæ, utpote S. Mariæ virginis ad Ignatium, Messianenses & Florentinos, Latine; S. Pauli una ad Laodicenses, Latine, cum Græca Eliæ Hutteri versione, ejusdemque Pauli sex ad Senecam Philosophum, Latine; S. Petri ad Jacobum, Græce, cum versione Jo. Baptistæ Cotelerii; S. Johannis ad hydropicum quendam, Latine. Ut taceamus succinctam de aliis epistolis & scriptis apocryphis Apostolorum commemorationem, quæ obsignatur sen-

sententiis ex Clementis Recognitionibus, Abdia, & Vincentio Bellovacensi collectis, quas Latine & Germanice, cum Epistola Pauli ad Laodicenses, Hamburgi A. 1595 Stephanus Prætorius edidit, splendidoque titulo *Fragmenta Apostolorum* insignire haud dubitavit.

Agmen claudit Dodecas Apocalypseon apocrypharum, quas inter primum locum obtinet liber quartus Esdræ, in hanc classem ideo relatus, quod totus complectatur visiones factas, uti Autor, quisquis fuerit, præ se ferat, Esdræ vati, sed, ut res ipsa loquatur, scriptas a Christiano quodam ex Judæo, adeoque temporibus Christianissimi; quanquam non diu post Christi resurrectionem exaratas eas fuisse indicio sit, quod in Barnabæ epistola verba quædam hinc produci videas. Hinc sequuntur Revelationes Patriarcharum & Prophetarum ab Hieronymo memoratæ; Apocalypsis S. Petri, Pauli Ἀποκάλυψις, Apocalypsis & Visiones, S. Johannis Apocalypsis diversa a Canonica, Apocalypsis Cæcili, & Apocalypsis miraculosis Cæcili commentariis illustrata, S. Thomæ porro & Stephani Proto-Martyris Apocalypses, & Hermæ denique Pastor, qui hujus generis scriptis ea propter accensetur, quod non tantum libro primo quatuor comprehendit visiones, sed & duodecim mandata, quæ libro secundo, & decem similitudines, quæ libro tertio occurrunt, ex ore Angeli, qui habitu Pastoris ista æque ac has dictarit, promanasse perhibentur.

Cuicunque ergo campum hunc levi modo penicillo a nobis adumbratum ingredi allibuerit, non mediocri voluptate se perfundi sentiet, quam & scriptorum heic repetitorum commemoratorumve creabit varietas, & notarum augebit multitudo, qua legentes cumulat Maxime Reverendus Editor; cui omnes boni proinde vitam otiumque & vires apprecabuntur, ut volumen quoque Apocryphorum Veteris Testamenti, quod itidem promittit, & cujus illustre specimen jam A. 1691 edidit, (laudatum in Actis nostris A. 1697. p. 109.) simili ratione perpolitum dare valeat.

FIN.

MENSIS SEPTEMBRIS A. MDCCIII. 33;
VINCENTII GRAVINÆ DE ORTU ET PRO-
gressu Juris Civilis Liber, qui est Originum Primus. Ad
Clementem XI. Pont. Max.

Neapoli ex officina Bulifoniana, 1701, 12.

Plag. 22.

SI qui sunt ex Jctorum ordine, qui Acta hæc nostra legere sus-
tinent, eos meminisse eorum necesse est, quæ de consultissi-
mi hujus & elegantissimi Scriptoris opusculis, A. 1696 Romæ edi-
tis, mense Febuario anni 1697, p. 74 sqq. diximus. Primum nem-
pe eorum *Specimen* erat *pristini juris*, prægustum velut quendam
exhibens trium de Originibus Juris Civilis librorum, quos com-
ponere jam tum eruditissimus Autor constituerat. Eorum vero
dum primum, qui nunc demum ad nos pervenit, ante biennium
luci publicæ exposuit, & spem nostram de hoc opere conceptam
tantum non superavit, & cupiditatem incendit duos etiam reliquos
Originum libros propediem conspiciendi. Adeo enim, quæ a
cupida legum juventute prænosci par est, antequam ipsi Juris Ci-
vilis studio se mancipet, solide & graviter ornatæque proponun-
tur, ut optemus librum, cujus exempla ægre hac tempestate com-
parari ex Italia possunt, nostratibus typis recudi, quo frui illo o-
mnes possint, atque ex diligenti ejus lectione, tum præcognita Ro-
mani juris & Jctorum omnis ævi notitiam hauriant, tum simul
tertæ puræque Latinitati, qua Gravinam pollere nemo negaverit,
assuefiant.

Præmittitur Operi, post dedicatorem ad hodiernum Pon-
tificem Epistolam, elegantissima Præfatio, quam legi integram a
juris studiosis cupimus. In opere ipso, primum Reipublicæ Ro-
mæ veteris faciem, tum qualis sub Regum imperio fuit, tum qua-
lis post ejectos Reges divisamque majestatem, cum regiam po-
testatem Consules, Senatus aristocratiam, Tribuni cum plebe
populare regimen repræsentarent, accurate prolixæque describit.
Inde, quæ legum ferendarum ratio, a primis Imperiis incunabulis
fuerit, exponit. Unde de Jure Papyriano, leges a Regibus con-
ditas complexo; de Legibus XII Tabularum, post extinctam
Monarchiam, a Decemviris, partim ex Jure Papyriano, partim ex
Græcorum & Atheniensium præcipue institutis, compositis; de
Ple-

Plebiscitis ; de Senatusconsultis ; de Jure Flaviano, ex formulis ritibusque solennibus judiciorum collecto ; de Edictis Magistratum, Responsis Jurorum, Principum Rescriptis similibusque eleganter differi videas : etsi id argumentum secundo atque tertio Originum libris copiosius explicabitur.

p. 98.
103.

Inter hæc dum ex Græcorum Philosophia in Jus Romanum haud pauca dogmata derivata innuitur, Stoicam imprimis Jctis probatam Auctor Clarissimus memorat, quod Zeno minus, quam aliarum Philosophorum sectæ, a rebus gerendis alumnos suos revocaret. Non gravabimur exempla quædam ex Auctore adducere. Hominem in fructu esse, negarunt Jcti, quia Stoici docebant, omnes rerum fructus hominis causa a natura comparatos. Usuras Stoici vocarunt humanæ cupiditatis extra naturam quaesita nomina : Jcti dixerunt, usuras natura non provenire, sed percipi lege. Fœtum in utero matris non animal, sed portionem ventris materni, cum Stoicis Jcti plerique statuerunt. Proculiani imprimis, ex Antistii Labeonis disciplina profecti, ex Stoicorum sententia sæpe pronunciarunt. Itaque in ea quaestione, num artifex sit speciei dominus, an qui materiæ dominium habet, Proculiani steterunt pro artifice, quod juxta Stoicorum doctrinam res non tam materiæ, quam formæ, ejusque conditori essent adjudicandæ. Licuit per Stoicos angorem animi voluntaria morte effugere : licuit idem per Proculianos, siquidem Neratius, qui erat ex illa familia, lugeri vetuit eum, qui sceleris conscientia mortem sibi conscivit, non qui tædio vitæ. Stoici omnia peccata censebant æqualia ; similiter Trebatus Labeonis doctor eum, qui aurem alicujus tangeret, totum attigisse corpus, & qui dolium aperiret, indeque parum vini auferret, non ejus tantum, quod abstulit, verum etiam totius furem esse, pronuntiabat. Castrates Proculiani æque ac Stoici pro imperfectis & morbosis habebant : itaque si emptor ignorasset, castratum hominem a se emptum, Labeo Proculianorum princeps redhibendum censuit, veluti morbo affectum.

p. 104. lqq.

Cæterum Jurisprudentiæ apud Romanos quatuor periodos seu genera, a variis ducta temporibus, Gravina constituit, antiquum, medium, novum, & novissimum, singulaque dein, intermixta

mixta Jctorum, qui sub quoque floruerunt, Historia, latius persequitur. *Antiqua* Jurisprudencia, aspera illa Auctori & tenebricosa ac tristis, ab origine Imperii usque ad Ciceronis fere ætatem porrigitur, a Coruncano, qui primus Juris civilis professionem dicitur ingressus, Sexto & Publio Æliis, P. Mutio Scævola, Manlio Torquato aliisque exculta. *Media* superiori longe humanior, & quæ magis utilitate communi, quam potestate verborum negotia moderata est, legesque veteres ad lenitatem flexit, a Ciceronis pueritia ad Augusti usque Imperium viguit, quam P. Rutilius Rufus, Q. Ælius Tubero, Sextus Pompejus Cnei patrus, Q. Mutius Scævola uterque, C. Aquilius Gallus, L. Lucilius Balbus pluresque alii illustrarunt. *Nova* ab Augusti Imperio ad Justinianum usque extenditur. Sub Augusto enim magis magisque Jurisprudencia effloruit, sed & in duas mox scissa fuit sectas, Antistio Labeone & Attejo Capitone auctoribus; quorum hic, quæ a majoribus tradita fuerant, constantius tenebat, religionemque vetustatis tuebatur: ille plus indulgebat ingenio, propriæque sapientiæ nixus, libertatis novitatem asseribat. Et Labeonis quidem scholam Nervæ, pater & filius, Licinius Proculus, a quo Proculianorum nomen huic familiæ illatum, Pegasus, Celsi, pater & filius, ac Neratius Priscus: Capitonis vero Masurius Sabinus, C. Cassius Longinus, a quo schola tota Cassinianorum deinceps dicta, Cælius Sabinus, & Priscus Javolenus propagarunt, donec paulatim, post Antonini Pii Imperatoris tempora, sectarum studia quieverunt. Prolixum foret recensere Jctos singulos, qui exinde usque ad Justinianum famam consecuti sunt: ceteri quæ de singulis jam breviter, jam uberius ab Auctore tradita sunt, perlegere jucundum æque ac utile Juris Romani & Historiæ cultoribus futurum sit. Itaque ad *novissimam* Jurisprudenciam a Justiniano Imperatore conditam, aut in meliorem & breviorẽ ordinem digestam, prætermissa Auctoris digressionẽ, qua de Imperatorum Romanorum summo jure variisque muneribus pulchre disserit, progredimur. Hic enim, cum jam veteres leges & Jctorum libri nimia mole laborarent, inque iis obsoleta multa continerentur, ut juvenus tanta librorum strue ac lectionis varietate tantum non opprimeretur, isti malo mederi, jusque brevius & expeditius

p. 156. sqq.

p. 183. sqq.

us reddere constituit, Triboniani (cujus æque ac Justiniani ipsius laudes ita Noster prædicat, ut nec vitia dissimulet) inprimis opera usus. Itaque ex tribus, quorum tum usus erat, Codicibus, Imperatorum usque ad Theodosii Junioris tempora constitutiones continentibus, Gregoriano, Hermogeniano & Theodosiano, aliisque constitutionibus postea exortis, Codicem suum componi edique Justinianus curavit. Tum ex veterum Ictorum voluminibus, quorum jam duo millia numerabantur, decerpi ea tantum, quæ usum haberent, unoque opere comprehendi jussit, quod Pandectas ac Digesta vocamus, abscissis abjectisque reliquis. Quod ipso sublevata quidem juventutis studia fuisse, ita agnoscit Autor, ut jacturam tamen tot antiquorum voluminum ægre ferat, & expressis verbis fateatur, Justinianum *subduclis primæ Jurisprudentiæ capibus, extinctæque originum luce, eam juri civili nubem offudisse, ut vix veterum Historicorum, Poëtarum, & Oratorum lectione atque eruditorum interpretum industria & acumine diluatur.* De Libris Institutionum elementa Jurisprudentiæ complexis, Justiniani itidem auspicio compositis; de Codice quinquaginta decisionibus aucto & emendato, publicaque auctoritate, abrogato priori, confirmato, quem *repetita prælectionis* vocant; de Novellis Constitutionibus seu Authenticis, quæ & ipsæ Corpore Juris Justiniani continentur, dicere superfedemus, vitandæ prolixitatis studio. Tamen si vero Justiniani illius Juris auctoritas aliquamdiu duraverit, recedente etiam paulatim Latine linguæ usu in Aula Imperatorum Orientis, Pandectæ, Codex & Institutiones in Græcam linguam fuerint translatae, Basilii Macedo tamen Imperator, ut Justiniani nomine depresso, suum attolleret, exclusa prorsus Latina & Justinianeæ Juris editione, novum Corpus e Novellis, Digestorumque & Codicis versionibus Græcis concinnari jussit, a filio ejus Leone postea absolutum, quod a Basilio librorum *Βασιλικών* nomen adeptum est, ac in Oriente ad finem usque Imperii Græci & expugnatam a Turcis Constantino-
polim, auctoritatem retinuit. Ita in Oriente Justiniani Juris dignitas mox eviuit, ut tantum non cum auctore suo Justiniano eodem funere elatum videri possit: nec mitius ejus in Italia factum fuit, quæ postquam majestatis simul ac legibus exuta suis, ba-

ba-

bararum gentium jugum subiisset, non potuit non earundem quoque leges admittere: donec tandem, Lothario Saxone Occidentis Imperatore in Apulia adversus Rogerium bellum gerente, Amalphi A. 1130 inopinato reperti fuerunt Digestorum Justinianeorum libri; quod exemplar Pisani quidem tum permissum, postea Florentiam pervenit, ubi hodieque in Museo Serenissimi Magni Ducis sancte asservatur. Ita, postquam Ravennæ Codex etiam Justinianeus inventus esset, ceterique libri in lucem protracti, rescitatum, quod tenebris sepultum tamdiu fuerat, Juris Justinianeus Corpus, summo cum applausu exceptum fuit, ab Italis comprimis, quorum studia ad interpretationem atque usum illius continuis exarsere, ab Imperatore Lothario, sublatis Longobardorum legibus, approbata.

His digne enarratis, progressum studii ac culturae Juris hujus Nobilissimus Auctor exponit, & quatuor iterum scholis, uti superius quatuor Jurisprudentiæ ætates, distinguit. *Primam* ipsi *Irneriana* est, Bononiæ in Italia Imperatoris Lotharii auspiciis ab Irnerio, seu Vernerio, cui, iudice Gravina, integritatem & vitam velut suam acceptam refert Jurisprudentia, aperta; sed quæ renatis recentior legibus summa religione parebat, nihil sibi amplius in jure interpretando permittens, præter breves titulorum aut legum summas, & verborum expositiones, quibus obscuriorem legum sensum recludebat. Ex ea prodire Martinus Cremonensis, ejusque æmulus Bulgarus, Hugolinus, Pyleus, alique, quos inter Azo facile eminuit. *Alteram* scholam ab Accursio ex Azonis disciplina profecto Auctor auspicatur, ejus laborem ac induitiam deprædicat, graviter indignatus illorum insolentia ac intemperantia, qui exagitatis Viri erroribus, quorum impunitis pro ista temporum ratione esse non potuit, gloriosam aucupantur, meritum ejus obliiti. *Accursiana* ergo illi audit, quæ liberiorum ac uberiorum juris coepit explicationem, quam ausi Irneriani fuerant, modestam tamen, quam Dinus, Bartholomeus a Capua, Petrus de Bella Pertica, Cinius Pistoriensis, Albericus de Rosata, alique plures, ad Bartolum usque Cini discipulum, novæque classis Juris principem propagarunt. *Tertia* ergo *Bartoliniana* fuit, quæ cum profusa commentandi libidine, & Dialectica-

rum subtilitatum consecratione, ac Historiz veterumque morum pro temporum illorum infelicitate, ignorantia, conjunctum tamen habuit studium indagandi æqui bonique naturam, solutisque tot quæstionibus in foro emergentibus, non contemnenda Jurisprudentiæ commoda attulit, & Baldum, Paulum Castrensem, Alexandrum Tartagnum, Jasonem Maynum, aliosque magistros celebrat. Verum enim vero, cum ab Irnerio usque ad hæc tempora, non nisi hyems Jurisprudentiæ fuisset, quarta denique scholæ Gravinæ tranquilla & serena Jurisprudentiæ dies audit, ejus luce, diffatis barbariæ nubibus, sincerus Romanijuris aspectus patuerit, quam præcipuo conditore *Cujacianam* appellat. Tamen si enim non dissimulet, jam Alciati ingenio & industria Jurisprudentiam in primæva eruditione & elegantia collocatam, neque Ferreti, Budæi, Enguinarii Baronis, Duareni, Donelli, Hotmanni, Brissonii aliorumque egregia in eam merita reticeat: unus tamen instar omnium ipsi Cujacius est, quem adeo aliorum industriam eruendo & illuminando veteri Juri superasse persuasum habet, ut quicquid est optimum, ei sit adscribendum, ipseque appellandus redivivæ Jurisprudentiæ pater. His quatuor scholis hunc in modum perlustratis, conclusionem de Interpretum usu denique subnectit, ejus partem ipsiusmet verbis hic exhibemus.

p. 232.

Sua, inquit, studia recte instituturus, primordia & elementa Juris & Cujaciana Schola petat; ut nihil initio imbibat, nisi sincerum & incorruptum, ac vere Romanum: qua cum in sanguinem verterit, tum poterit certis & obscurioribus in locis ad intelligendi facilitatem & cursum addibere. Quo in labore cum se probè exercuerit, expendieritque vires suas, Bartolini utatur interpretibus: ut ad patrocina causarum scientia munitus accedat, & usu. Ex hoc enim studio ei facile ad subortas quæstiones, & quotidianæ negotia, rationes & auctoritates, exemplaque abundè offerentur. Quibus ubi defutur, commodum operi poscet a tractatibus, consiliis, decisionibus, resolutionibus, & similibus forensium disquisitionum acervis: quibus legum studiosus maxime juvabitur, si eos; non pro magistris, sed pro nomenclatoribus, & indecibus memoria adminicula addiderit, recentioribus

qua

que natus sanctorum, ut famulis veterum interpretum, cornique promicondis.

Hæc operis qualiscunque summa est. Nunc ex tot Jctorum Historia, quæ in eo exponitur, decerpi quam plurima possent, quæ non ingrata fortasse Lectori benevolo forent. Sed nobis brevitatis ratio habenda est. Itaque speciminis loco ex iis solum, quæ de Heroe suo Jacobo Cujacio Auctor prodidit, quædam delibabimus. Patriam hic Tolosæ in Gallia nactus est, a qua, cum literis jam excultus esset, contemptum tamen fuit habitus, ut in honorum contentione Forcatulus ipsi, homini simia, ut Gravina loquitur, præferretur. Quam repulsam ita ipse vindicavit, ut, cum postea a civibus respicientibus repeteretur, nonnisi his verbis responderit : *S. P. Q. Tolosano Jacobus Cujacius S. P. D. Frustra absentem requiritis, quem presentem neglexistis.* Primum in Academia Bituricensi, jussu Michaelis Hospitalis, docuit, Duareno & Donello collega datus. Verum his velut antiquis ejus scholæ possessoribus, ob novitatem & doctrinæ præstantiam invisus adeo fuit, ut collatis illi in unum viribus, & factionis suæ discipulis novum in præceptorem concitatis, Cujacium retro flectere cursum cogerint, mox tamen Hospitalis auctoritate, compresso tumultu, honorifice restitutum. Ex quo tempore eo majori gloria docuit, quo magis adversariorum æmulatione exacerbat, ut dicere solet, se quicquid in Jure civili profecisset, acceptum ferre obtrectatori suo Duareno. Docuit etiam Dujonæ Cadurcorum (Caors) & Valentiz ad Rhodanum, & Augustæ Taurinorum : Bononiam vero ad antiquum bonarum artium domicilium a Gregorio XIII vocatus, venire recusavit. Ubique autem commoratus est, turbam auditorum undique excitum incredibilem habuit, majorem tamen famæ, quam rei familiaris incrementum. quod fraud exiguam auri summam in sublevandis discipulis, dum a patria pecuniam expectarent, amisit. Si Josepho Scaligero, quem & ipsum auditorem habuit, fides est, theoriæ Juris Romani veteris calluit optime : usus vero forensis non tantum fuit ignarus, sed cupidus quoque dediscendi, si quid imbibisset ; ne a Romano Jure distraheretur. Ad docendum non ante accedebat, quam septenis aut octenis horis commentatus esset.

Cum animum laxaret, & intervalla studiorum conviviis unacū discipulis occuparet, nullam interea juris mentionem fieri patiebatur. De rebus ad religionem pertinentibus, etsi ipse Romanæ tenacissimus esset, rogatus, non nisi his verbis respondere consueverat: *nihil hoc ad edictum Pratoris*. Bibliothecam suam post obitum sparsim vendere iussit, ut libris in plurium dissipatis manus, nemo esset, qui a se annotata colligeret atque vulgaret. A factionibus alienus sic fuit, ut adversariorum tamen cavillationes non pari semper patientia ferret. Discipulis scriptis potius profuit, quam ore, quod in dictando anceps esset & perturbatus, oratione modo citata, modo remissa, nec raro interrupta, ut pronunciantem auditores neque stylo neque auribus commode semper consequerentur, cogerenturque interdum convenire simul, ut scriptis collatis sententias integras colligerent. Diem supremum obiit anno a nato Christo MDXC, ætatis LXVIII. Neque mortui funus honore caruit, corpore nobilium discipulorum humeris elato, virtute vero funebri oratione a Claudio Marefcalo Senatore ac Regio Consiliario, collaudata.

p. 168. lqq.

Unum superest, quod silentio non prætereundum duximus, Gravinam, ubi de Lege Regia differit, lapidem illum Capitolinum, qui Regiæ Legis nomine produci solet, sed a quibusdam falsi damnatus est, pro genuino illius monumenti, quo collecta ex pluribus magistratibus potestas Senatus populi que decreto Imperatoribus collata fuerit, fragmento agnovisse, postquam duæ, quæ vocat, nostrorum temporum clarissima Romanæ antiquitatis lumina, Raphaëlem Fabretum & Franciscum Blanchinum, sincerum idem pronuntiasse, ex Fabretti literis, ad calcem libri adjectis, intellexisset.

THE STANDART OF THE QUAKERS
examined &c.

i. e.

VEXILLUM QUAKERORUM EXAMINATUM,
sive Responsio ad Roberti Barclaji Apologiam, Autore GE-
ORGIO KEITH, A. M.

Loa.

Londini apud B. Aylmer, C. Brome & Georgium

Strahan, 1702. in 8.

Constat Alph. 1. plag. 10.

Inter fanaticos, qui Quakerorum nomine vulgo insigniuntur, magnam obtinere auctoritatem Roberti Barclaji, principis eorum, Apologiam, nemo rerum, quæ ad istos pertinent, notitia vel leviter tinctus potest ignorare. Et videtur sane, præter Latinam atque Anglicam illius editionem ab ipso Auctore primum in lucem emissam, Belgicam item, Germanicam, & Gallicam Londini nuper publicatam, Anglicam imprimis lingua, post Barclaji obitum, a Quakeris non alia de causa toties fuisse impressa, quam ut ceteris persuaderent, librum istum opus esse exasciatum penitus, & munitissimum religionis suæ propugnaculum, contra quod omnes adversariorum conatus inanes sint ac plane irriti. Quod cum animo reputaret suo Georgius Keithus, & ipse olim Quakerorum sectam secutus, jam vero Anglicanæ Ecclesiæ addictus, ad quam ante annos aliquot per Dei gratiam rediit, operæ pretium se facturum existimavit, si publico scripto ostenderet, quantis erroribus quantisque contradictionibus scateat Apologia ista, quamque adeo fallantur illi, qui eam Palladium religionis suæ dicere non dubitant. Cum præterea secum perpenderet, Barclajum, cum quo, dum in vivis esset, arctam amicitiam coluit, in isto scripto plurimis terminis, distinctionibus ac argumentis fuisse usum, quibus ipse olim Quakerorum sententiam confirmare operam dederit, nec amici defuncti memoriam recoli melius, nec pristinos suos errores refutari aptius posse ratus est, quam si istud refelleret, ac scandalum, quod oriri exinde queat, studiose amoveret. Edidit hac de causa præsentem libellum, in quo tamen illud haud sibi agendum esse putavit, ut sententias, quas Barclajus defendit, Quakerorum esse multis probaret, id quod alibi a se factum esse innuit; potius causæ se satisfacturum esse credidit, si systema hoc doctrinæ Quakerorum accurate examinaret, singulasque theses eo, quo ab Auctore propositæ sunt, ordine veritati contrarias esse demonstraret. Quamvis vero singula hujus responsionis capita prolixius enarrare, instituti nostri ratio haud patiat, nimisque longum foret explicare, quomodo dogmata de vero salutis co-

gni-

gnitionis Dei fundamento, de immediata revelatione, de sacra Scriptura, de hominis post lapsum statu ac peccato originali, de lumine interno, de justificatione, perfectione ac perseverantia, de ministerio ecclesiastico cultuque divino, de baptismo & coena Domini, de magistratus potestate in religionis negotio, de saltationibus ac recreationibus, de juramentis denique ac defensivo bello partim refellat Auctor, partim contra Barclajum vindicet; speciminis tamen loco ostendendum nobis esse putamus, quid circa tertiam Apologiae thesin, in qua errores Quakerorum circa Scripturam sacram defenduntur Keithus imprimis moneat. Cum scilicet in illa Barclajus, cum reliquis Quakeris, Scripturae sacrae auctoritatem, non ab interna quadam illius vi, sed potius a Spiritu sancto, tanquam illius auctore, omnino dependere adserat, concedit equidem Noster, auctoritatem Scripturae Spiritui eadem ratione adscribendam, qua legum humanarum auctoritas ipsis legislatoribus adscribi solet; quemadmodum tamen leges humanae semel solenniter publicatae ita vim obligandi habeant, ut nova ipsarum promulgatione ac repetitione opus non sit, ita quoque cum divinis legibus, quae in Scriptura continentur, comparatum esse arguit, nisi quis his minorem vim, quam humanis legibus tribuere inepte velit. Neque vero ob stare, quod Barclajus dicat, eam esse Scripturae excellentiam & sublimitatem, ut tantum a spirituali, non vero a naturali homine queat intelligi, adeoque, ut Spiritus Dei fidem de ea in pectore generet, necessarium videri. Ut enim taceat Auctor, illud ex hac sententia consequi, quod homo naturalis a legibus divinis haud obligetur, quoniam non, aequae ac spiritualis illas possit discernere, eam praeterea cum doctrina Quakerorum de lumine interno plane non convenire, probat. Si enim, juxta eorum placita, lumen internum sit omnibus innatum, tanquam primaria fidei vitæque norma, non videt, quem usum habeat in naturali homine, nisi eum de Scripturae praestantia dijudicare doceat. Imo cum Scriptura, quam Quakeri secundariam normam dicere solent, & styli majestate & aliis partibus ex ipsorum propria confessione excellat, consequens esse ait, ut lumen internum, quod primariam regulam & adaequatam nominant, tantum majestate & excellentia Scripturam praestet, quantum viva facies omnibus picta-

picturis antecellit. Jam vero dum Barclajus hominem natura-
 tem, quamvis lumine interno præditus sit, Scripturæ majesta-
 tem agnoscere posse neget, multo minus probabile videri ait, quod
 idem homo naturalis luminis interni præstantiam, quæ juxta Qua-
 keros illa Scripturæ longe major sit, possit discernere. Quodsi ob-
 jicere Apologiæ scriptor velit, ipsum Keithum cum Protestantium
 reliquis non diffiteri, quod Spiritus S. operationes fidem in homine
 veluti obsignent, indeque concludere contendat, obligandi vim
 non in Scriptura, sed in Spiritu potius querendam esse; Auctor con-
 sequentiam negat, partim quod similia illustrent quidem, nequa-
 quam vero probent, partim quod (uri de legibus Principis pro-
 mulgatis nemo certus esse possit, nisi aut videat illas, aut de iis
 audiat, nec tamen aut visui aut auditui ipsarum auctoritas adscri-
 benda sit) interna Spiritus persuasio neque legi divinæ auctori-
 tatem tribuat, neque certitudinem, uti loquitur, objectivam gene-
 ret; id quod ut ulterius declaret, omnem veritatem, tum in na-
 turalibus, tum spiritualibus, aut entis aut mentis certitudine niti
 ostendit. Ad testimonia Protestantium a Barclajo adducta, quæ
 per internam Spiritus persuasionem fideles de veritate verbi certos
 fieri adfirmant, id imprimis regerit Noster, quod illud non sen-
 su Quakerorum, de immediata nimirum revelatione quadam, sed
 orthodoxo sensu adstruant; indeque novum adversarii argumen-
 tum examinat, quo Scripturam fundamentum principale omnis
 veritatis atque cognitionis, primariamque regulam fidei & mo-
 rum propterea dici posse negat, quoniam ea non ipse fons, sed sal-
 tem sit fontis declaratio. Confundi nimirum hic demonstrat
 Auctor fontem, seu principale fundamentum, cum primaria ve-
 ritatis atque cognitionis norma, quæ tamen distinguenda sint; a-
 deoque concedit quidem, Spiritum Dei primarium fidelium ducem
 dicendum esse, normam vero primariam ac principalem eum no-
 minari posse negat. Et licet Barclajus ad canonem istum in scho-
 lis tritissimum provocet: propter quod unumquodque est tale,
 illud magis est tale, Keithus tamen eum tum sæpe alias, tum hic
 præsertim non valere ait, dum res, quæ comparantur inter se,
 non in eodem genere causarum sint, & Spiritus atque Scriptura
 tanquam causa principalis ac instrumentalis inter se differant. Post-

Ecc

quam

quam deinde ulterius explicuisset, quid per normam fidei morumque Christianorum intelligendum sit, & quanam differentia inter normam primariam & secundariam obtineat, probassetque adeo, Spiritum Dei in proprio atque univoco sensu fidei ac vitæ normam dici non posse, alia Barclaji argumenta quædam diluit, quibus suam sententiam confirmare nititur. Ita enim, ut cetera taceamus, iste in Apologia sua ex eo fundamento Scripturam primariam regulam dici non posse existimat, quoniam ea homines in omnibus casibus, qui evenire solent, haut plene instruat, & vel centum circumstantiæ fingi queant, in quibus, quomodo se gerere quis debeat, Scriptura nihil certi determinet. Verum ex hac conclusione, lumen illud Quakerorum internum, cunctis hominibus commune, multo minus, quam Scripturam, vitæ morumque regulam dici posse, Keithus elicit, quippe quod, ut ipse Barclajus cum sociis suis fateatur, in essentialibus & integralibus religionis partibus hominem non instruat, ita ut nemo absque verbo fidem historiam habere possit. Ceterum plane non necessarium esse dicit, ut Scriptura circa quævis specialia certas nobis regulas præscribat, eum in genere bonum sectandum, malum vero fugiendum esse doceat. Quod si vero dubius circa indifferentes actiones quis hæreat, tum rectæ rationis & Christianæ prudentiæ dictamen sequendum, ac divinæ providentiæ, quæ nos paternè gubernet, confidendum esse monet. Quod attinet Barclaji quæstionem, ubinam Scriptura aliquem informet, quo in loco evangelium ipsi prædicandum sit, num nimirum in Gallia, aut in Anglia, aut in Belgio, aut in Germania evangelii doctrinam spargere debeat? non negat equidem Auctor Apostolos olim speciali quodam Spiritus instinctu ad has vel illas orbis partes fuisse ablegatos, hodie vero eo verbi ministro eundem esse ait, quo amor erga Deum ac fons ipsum trahant, ubi doctrinæ suæ latissimos fructus sperare possit, & quo a superioribus vocetur. Eadem ratione ad illam Barclaji exceptionem respondet, quæ Scripturam non quemvis hominem de fidei suæ veritate certum facere instat. Quamvis enim ea exempli causa non adferat expresse, quod Robertus credat, suppeditare tamen eam ejusmodi fidei signa, quæ si Robertus apud se inveniat, de fide sua possit esse certissimus. Et cum per-

ro adversarius arguat, Scripturam propterea normæ nomen haut mereri, quod non ad quævis individua, quæ ea opus habent, spectare videatur, atque surdi, infantes & fatui ab usu illius exclusi sint, regerit tamen Keithus, non quæri num isti, qui ita compatiuntur; ea non uti queant, sed de eo potius disquiri, an homo, cetera idoneus, summam sibi utilitatem exinde promittere non possit. Imo licet multi in Ecclesia sint literarum rudes, qui non in vernacula, nedum in originalibus linguis Scripturam legere sciunt, licet in Hebræo ac Græco textu tot variaz occurrant lectiones, illeque a septuaginta-virali translatione multis in locis admodum differat, hæc tamen omnia non efficere pronunciat, ut Barclaj & Quakerorum sententia firmior reddatur, dudumque a Protestantibus ad ista argumenta, quibus & Pontificii Scripturæ auctoritatem oppugnare soleant, fuisse responsum. Quemadmodum vero Barclajus ea omnia, quæ de Scriptura sacra in Apologia sua propterea dixisse videri cupit, ut ostenderet, quod spiritui primæ partes, Scripturæ vero secundæ tribuendæ sint, non vero quod illam inutilem penitus atque incertam reddere voluerit: ita Auctor noster hac in re nequaquam ab eo se dissecare fatetur, quatenus nempe Spiritui, tanquam causæ principali atque efficienti, præ scriptura tanquam subordinata atque instrumentali causa omnes Theologi principatum concedant, modo norma & causa bene a se invicem distinguantur. Novum, quod adversarius urget, argumentum Scripturæ canonem respicit, quem tot libris constare ait, ut absque speciali revelatione de numero eorum non possimus esse certi. Ast vero cum ipse Barclajus ita sentiat, ut historicas Scripturæ veritates ab ipsa Scriptura potius, quam Spiritu doceri putet, idem de numero librorum sacrorum dicendum esse Keithus statuit, & si unusquisque eorum sigillatim spectatus divina auctoritate niti comperiatur, quod omnes eadem gaudeant, necessario concludit. Instat equidem præterea Apologiæ Auctor, Paulum, cum gentiles ad Christum convertere laboraret, non tam ad legem atque Prophetas ablegasse, sed potius, ut aliquid divini sentirent, quod ipsis inesset, admonuisse Act. XVII sed excipit merito Keithus, quod non modo alibi Corinthiis 1. Cor. XV, 1. 2. Scripturam tanquam regulam proposuerit, verum etiam in illa ipsa concione ad

Athenienses mortuorum resurrectionis atque iudicii extremi mentionem fecerit, de quibus tamen lumen internum absque Scriptura, ipso Barclajo fatente, neminem erudiat; ut omittamus; Barclajum hic rursus sibi contradicere, qui jam in gentilibus fidem, absque Scripturis, solo interno lumine accensam fuisse adserat, alibi vero expresse adfirmet, se, aliosque Quakeros, fidem in Christum carne manifestatum, per lumen internum non habuisse. Quantum ad illas exceptiones Barclaji contra quædam argumenta attinet, quibus alii Scripturam fidei normam esse adfirmant, refutare ea supervacaneum Auctor esse putat, cum partim in antecedentibus ad illas satis responderit, partim quilibet lectorum retundere facile eas possit.

TRAITE' DES ALIMENTS &c.

Id est,

TRACTATUS DE ALIMENTIS. AUTORE LUDOVICO LEMERY, Doctore Regente Facultatis Medicæ Parisiensis & Academia Scientiarum Regiæ Membro.

Parisiis apud J. B. Cusson & Witte, 1702, in 12.

pagul. 245.

Cum ii, qui alimentis adhuc edocendis suam addixerunt operam, vel tædiosa prolixitate, vel nimia brevitate, tanto minorem lectori utilitatem soleant asferre, quanto infirmiori simul fundamento, qualitatum videlicet quaternioni, maximam partem insistant; Autori potius nostro in præsentī de alimentis scripto, cujus tres partes constituit, media placet incedere via, & analysin cum primis chymicam atque mechanicam ubivis attendere. Prius tamen, quam usitatiores species alimentorum, vel esculentorum ex regno vegetabili pariter atque animali petitorum in duabus partibus prioribus; vel potulentorum in ultima parte sistat pertractatas, in præfationibus, quæ aut universis, aut singulis partibus præmitrit, alimenta non minus, ac vegetabilia, animalia & potulentia in genere dispicit. In præfatione namque generali alimentorum differentiam, famem, principia chymica, effectus,

Atus, assumendorum quantitatem, præparationes, tempus & ordinem, ipsasque in nobis alterationes, dum masticationem, chylicationem & sanguificationem subeunt, perspicue explicat; in specialibus autem præfationibus, nunc plantarum structuram, & feminibus, in quibus delitescunt, progerminationem, summamque ad corpora nostra nutrienda dispositionem; nunc animalium ex ovulis generationem, discrepantiam, partes nutrimentum præbentes, atque usum alimentarium, pro nationum differentia differentem; nunc potulentorum denique sitim atque classes, curiose scrutatur. Hinc in singulis capitibus, ordine *Pisane* lo quondam *de alimentorum facultatibus* solenni, singulorum alimentorum, non solummodo selectum, effectus laudabiles ac prave, principia chymica, tandemque tempus, ætatem & temperamenta, quibus conveniant: breviter describit, sed & in annotationibus adjectis pleraque fusius deducit, nihil eorum omittens, quæ specialius naturam & usum alimentorum propositorum queant demonstrare, etymologias solum, ex Autoribus in fine adscriptas, nequaquam defendere suscipiens. Quæ methodus ut exemplo *Lechoris* in gratiam declaratur, partis tertiæ caput unice quartum, de *Sicera* agens, liceat percurrere, atque tum singulorum esculentorum, quæ in prioribus partibus ex utroque regno, vegetabili & animali, tradit, principia imprimis chymica atrexere, quod hisce omnes ubique effectus Autor ferat acceptos. In memorato videlicet capite *Sicera* non tam dulcium pomorum, quoniam promptè corrumpatur, quam austerorum, egregia in *Normannia* potissimum inferiori prope *Bajocas* fieri solita, seligitur, & quidem, ubi existat perspicua, & elegantem colorem aureum, odorem gratum, saporemque dulcem ac vellicantem obtineat. Quæ in morbis pectoris, corde ac ventriculo roborandis, hæmectando & siti sedanda, nec non in affectibus scorbuticis & melancholicis, multisque aliis, salutes edere effectus adstruitur, cum & diverso nimium hausta majorem quoque, diuturniorem & periculosiorem vino ipso concitet temulentiam. In analysi exacta spiritus primus sulphureus sive ardens, hinc phlegma cohibetur, relicta crassiori parte, quæ vehementiori igne parum olei crassioris & spiritus seu salis essentialis in phlegmate soluti suppeditur,

una cum capite mortuo pro paucioris salis fixi separatione calcinando. Sicera demum omni tempore, omnibusque subjectis cuiuscunque ætatis & temperamenti, congrua pronuntiatur, modo usus ejus observetur moderatus. In annotatione vero varia & que de sicera, ac de liquoribus vegetabilium aliis adduntur. Sicceram, cum musto convenientem, dum e succo pomorum expresso per fermentationem parant, sal imprimis essentielle consideratur, quod in phlegmate solutum particulas oleosas resistentes attenuet ac spirituosiores reddat, quodque copiosius in pomis austeris, quam dulcibus, ipsam pariter sicceram pomorum acerborum diutius a corruptione præservet, qualem nihilominus omnis alias sicera minus depurata ob confusas fæces promte solet contrahere. Unde pro sicera exactius defæcanda mentio nonnullorum injicitur, qui Ichthyocollam in vino solutam eidem infundant, quemadmodum aliorum, qui deficientem acrimoniam seminis sinapi additione satagant resarcire. Cum vino sicera comparata vel ipsi in sanitate conservanda præferunt, quod *Franciscus Baco* in plerisque eorum, qui sola sicera vice potus fuerunt usi, majus robur ac grandior ætatem deprehenderit, quam qui vinum biberunt, in quantum spiritus siceræ minus impetuose, atque vini, agitentur, sed a multo potius phlegmate viscoso coerceantur, ratione cujus potus siceræ magis humectet & refrigeret, licet post abusum iidem viscosæ ejusmodi particulae, cerebri & nervorum poros obstruendo, varias inferant noxas. Occasione autem siceræ, in Normannia ex pyrorum quoque austerorum succo confectæ, alii pariter vegetabilium liquores, tum vinosi, v. g. cydoniorum, fructus in India orientali, Ancuas, fructuum Sebesten & Jujubarum, Palmæ in India majori, cui Coquo nomen, tum minus vinosi, v. g. betulæ æceris, radicum nucis juglandis &c. recensentur. Ast quo singulorum porro esculentorum principia ordine proferamus, sicuti pro talibus oleum, sal, terra & aqua reputantur, & in nonnullis esculentis duo eorum, in aliis tria vel quatuor, proportionem tamen plerumque diversa, præpollere indignantur, ita manus errare videbimur, si cuncta esculenta ratione principiorum eminentium, prout hæc ab Autore illis attribuantur, ad tres revocemus classes, atque ea, quæ duobus principiis pollent, in prima, quibus autem tria vel quatuor prin-

cipia sunt, in altera & tertia classe collocemus, subdivisionesque ab eorundem diversitate ac proportionem mutuemur. In esculentis siquidem, quæ prima classis comprehendet, vel cum oleo sal essentialiale, vel sal volatile, idque aut urinosum, aut acidum, vel phlegma & acidum, varia proportionem observantur combinari. Multo & oleo, ea sale essentiali perhibentur constare *Pyrr*, *Faba*, *Scolymus*, *Asparagus*, *Lupulus*, *Mentha*, *Pimpinella*, *Dracontium*, *Porrus*, *Fungi*, *Rapa*, *Rapunculi*, *Carotta*, *Sinapi*, *Nux Moschata*, *Zingiber*, *Caryophylli aromatici*, & *Cinamomum*; cum multum olei & parum salis essentialis de *Milio*, multum itidem olei & mediocris salis essentialis quantitas de *Oryza*, *Gruto*, *Semine Coriandri*, e contra de *Capparibus* multum salis essentialis & parum olei, salis acris copia & olei mediocris portio de *Petroselinio*, *Scorzoneræ*, *Cepi Ascalonia* & *Saccharo*, prædicentur. Multa olei & salis volatilis quantitas *Corticibus Aurantiorum*, *amarorum*, *Citri* & *Limonium*, *Aniso*, *Thymo*, *Satureje*, *Apro*, *Verveci*, *Hædo*, *Capreolo*, *Dama*, *Cuniculo*, *Gallina*, *Pullo gallinaceo*, *Caponi*, *Gallo Indico*, *Perdici*, *Phasiani*, *Corvini*, *Turdo*, *Merula*, *Ficedula*, *Alaudæ*, *Hortulano avi*, *Sturno*, *Pluviali*, *Vinnello*, *Chloropodibus* aliisque *Pullis aquaticis*, *Gallinagini*, *Ovis*, *Lucio*, *Perca*, *Gobio*, *Eperlane*, *Salmoni*, *Asello minori*, *Sturioni*, *Haleci recenti*, *Sardina*, *Apus*, *Soleæ*, *Rhombæ*, *Draconi*, *Rubellioni*, *Alofa*, *Risa*, *Marna*, *Thunno* ac *Festadini*; *Butyro* multum olei & parum salis volatilis adscribuntur: quemadmodum salis volatilis acidi copia & olei mediocris quantitas *Cepi*, multum itidem salis volatilis acidi, parum tamen olei *Allo*, phlegmatis denique & acidi multum *Acetosæ* assignantur. Esculenta vero, quæ sub altera stant classe, principia tria proportionem vel æquali, vel inæquali habent unita. Æquali proportionem modo oleum cum duplici sale, aut cum sale & terra; modo phlegma, sal & oleum concurrent; in quibus autem tria principia inæquali proportionem coherant, nunc unum reliquis, nunc duo prædominantur. In *Croco*, ex Autoris mente, oleum cum sale volatili, tam acido, quam urinoso, in *Pipere* autem oleum cum sale volatili & fixo abundat; in *Nucibus juglandibus* & *Tuberibus terræ* oleum cum sale & terra, in *Buna*, *Cervo* & *Lepore* oleum cum sale volatili &

KKA

terra luxuriat. De multo phlegmate, oleo & sale *Poma*, *Pasiflora*, *Morus*, *Sorbi*, *Oliva*, *Dactyli*, *Pisa*, *Phaseoli*, *Charesfolium*, *Nasturtium aquaticum*, *Boleti*, *Napi*, *Pastinaca* & *Lac*; de sale acido, oleo & phlegmate *Cydonia*, *Malis Punicis* *vimola*, & *Mespili*; de oleo, sale volatili & phlegmate *Flores Aurantiorum*, *Pami*, *Vitulus*, *Porcus*, *Agnus*, *Anser*, *Anas*, *Carpio*, *Barbus*, *Anguilla*, *Tinca*, *Trutta*, piscis a *Gallis Barbotte* salutat, *Lampreta*, *Scomber*, *Trigla*, *Musculus* & *Cancer* participant. Quod principium reliquis duobus præstat, vel sal est vel oleum, vel phlegma. In *Sale communi* (quod solum e regno minerali vegetabilibus adjungitur) acidum terram & sulphur superat; in *Amygdalis dulcibus* plus olei, quam salis & phlegmatis; in *Pistacis* & *Pineis* olei pariter quantitas salem volatilem & essentialem excedit; in *Cerasis*, *Malis Armeniis*, *Ficibus*, *Aurantiorum dulcium succo*, *Cucumeribus*, *Cucurbitis*, *Citrullis*, *Sisiferibus* & *Cichoreo* phlegma præ oleo & sale essentiali eminet. Duo autem inter, quæ antecellunt, vel sal & phlegma, vel sal & oleum, vel phlegma & oleum, vel oleum & terra deprehenduntur. In *Malis Punicis austeris*, *Succo Citri* & *Limonum* acidum & phlegma præpolent oleo; in *Fragis*, *Rubis*, *Idæis*, *Uva crispa*, *Ribibus*, *Malis Persicis*, *Prunis*, *Succo Aurantiorum amarorum*, *Beta*, *Borragine*, *Buglossis*, *Brassicis* & *Raphano rusciano* cedit oleum phlegmati & sali essentiali; in *Amygdalis* vero amaris phlegma oleo & sale inferius. *Majorana* & *Columba* plus salis volatilis & olei, quam terræ continent; in *Malis Punicis dulcibus* major phlegmatis & olei quantitas, quam salis acidi; in *Portulaca*, *Spinacia*, *Tuberosis*, *Passeribus lavibus* & *squamosis*, item *Ranis*, plus phlegmatis & olei, quam salis, annotatur; sicut in *Castaneis* & *Lentibus* oleum & terra salem antecunt. Tandem in quibus esculentis, ad classem tertiam referendis, quatuor principia conveniunt, proportionem itidem, vel æqualem, vel inæqualem observant. Æqualis proportio advertitur in *Nelonibus* & *Ostreis*, quorum illi multo phlegmate, oleo, sale essentiali & volatili; hæ autem multo oleo, phlegmate, sale volatili & fixo gaudeant. Inæqualis vero prostat in *Casco*, *Nucibus avellanis*, *Lactuca* & *Melle*, dum casco multum olei, mediocri portio salis essentialis & parum phlegma-

gmatis ac terræ; nucibus avellanis multum olei & terræ, mediocris quantitas salis volatilis & essentialis; lactuæ denique & melli phlegmatis & salis essentialis multum, mediocris portio olei, & parum terræ tribuuntur.

VINDICIÆ AREOPAGITICÆ P. LAURENTII
COZZA.

Romæ, typis Laurentii Plachi, A. 1702, in 4.

Alph. 3. pl. 8.

NOVUS iterum Dionysii Areopagitæ ejusque operum in Italia surrexit Apologeta, isque est Vir doctissimus, P. LAURENTIUS COZZA a S. Laurentio, Ordinis Minorum de Observantia, Romanæ Provinciæ Lector Jubilatus, Diœceseos Viterb. Examinator Synodalis, & S. Congregationis Indicis Consultor, qui elapso proxime anno, multæ cruditionis referto opere, VINDICIAS AREOPAGITICAS, moderno Pontifici Maximo CLEMENTI XI inscriptas, Superiorum suorum auctoritate & approbatione, Romæ divulgavit. Distributum est hoc Opus in duas partes, atque in earum prima quidem, (præmissa S. Dionysii Areopagitæ Vita, a Michaelæ Syngelo adornata, una cum Annotationibus quibusdam de Parisiensi S. Dionysii Areopagitæ Episcopatu, & Passionis ejusdem tempore, ex Areopagiticis & Anti-Areopagiticis undique scriptoribus succincte collectis) Areopagiticorum, seu eorum in universum priscæ & nostræ ætatis Doctorum Ecclesiasticorum judicia & argumenta, juxta annorum, quibus vixerunt, seriẽm enarrantur, qui opera S. Dionysii Areopagitæ hagiographa & genuinos ejusdem fœtus esse contendunt. Leguntur proinde initio heic judicia & argumenta S. Maximi, Michaelis Syngeli, Jo. Erigenæ Scoti, Theodori Presbyteri, Anastasii Abbatis, Suidæ, Jo. Sarrazæni, Thomæ Abbatis Vercellensis, Alberti Magni, S. Thomæ Aquinatis, Georgii Pachymeræ, Dionysii Carthusiani, Marfilii Ficini, Jo. Trithemii, Facultatis Parisiensis de A. 1520 adversus Lutherum, Jacobi Fabri Stapulensis, Facultatis Parisiensis de A. 1527 adversus Erasmus, Jo. Novii, Sixti Senensis, Nicolai Sanderi, Cardinalis Bellarmini, Cardinalis Baronii, Antonii Possevini, Andreæ Schotti, Natalis Alexandri,

Fff . dri,



dri, Emanuelis a Schellstrate, Petri Annati, & ipsius Vindiciarum harum auctoris, P. COZZÆ. Id quod ultimum Cozzæ judicium eo summum redit: Se post tantorum Patrum, tam vetustiorum, quam recentiorum judicia, qui scripta Areopagitica pro genuinis S. Dionysii fortibus agnoscere non abnuunt, tota antiquitate conelamante, & cunctis fere ab ineunte seculo VII, per XI secula, usque ad initia nostri XVIII seculi, Catholicis Scriptoribus conspirantibus, omnino dementem fore, si Hæreticorum judiciis acquiescere; si multitudine relicta, paucorum & deceptorum forte adversæ partis Catholicorum sententiam sequi; si denique recentioribus Criticis, novitatum amatoribus, vellet assentiri. Suam igitur esse utique sententiam, quin potius non suam, sed totius vetustatis: scripta & opera, S. Dionysio Areopagite attributa, non pseudepigrapha, non spuria aut supposititia esse, sed hagiographa, genuina, vera, & a tanto Doctore edita. Atque hæc quidem esse libros de *Cælesti Hierarchia*, de *Divinis Nominibus*, de *Ecclesiastica Hierarchia*, de *Mystica Theologia*; epistolas ad *Cajum IV*, ad *Dorotheum*, ad *Sosipatrum*, ad *Polycarpum*, ad *Demophilum*, ad *Titum*, ad *Joannem Evangelistam*, & ad *Apollonphanem*. Ne tamen vero antiquitatis nimium tenax, aut singularis admodum prorsus cuipiam videatur, assentiri se fatetur Cozza Anti-Areopagiticis, epistolam Dionysii de *obitu Pauli ad Timotheum* non esse genuinam; & libros ejusdem de *Theologia Symbolica*, de *Anima*, de *Hymnis Divinis*, de *Iusto & Divino Judicio*, de *iis, quæ intelligentia & sensu percipiuntur*, nec non *Hypotyposes sive Theologicas Informationes*, se non posse, utut libentius, quod ab ipso Dionysio in cæteris libris suis citentur, vellet, jam amplecti, cum hodie amplius non extent. Quam sententiam suam XII dehinc per plures paginas argumentis, Hallonius præ cæteris vestigia legens, corroborare allaborat.

In altera Vindiciarum harum parte, Anti-Areopagiticorum, seu Novatorum, stylo Cozzæ, & recentiorum Criticorum judicia recensentur & rationes, quibus ii opera S. Dionysio Areopagite attributa, non genuina, sed pseudepigrapha esse & supposititia, luculentis indiciis demonstrare conantur. Occurrunt inde hæc judicia Laurentii Vallæ, Cardinalis Cajetani, Martini Lutheri, &

rasini

raſmi Roterodami, Matthiæ Fſacii Illyrici, Andr. Riveri, Il. Caſauboni, Jac. Uſſerii, Edm. Albertini, Jo. Morini, Jo. Pearlſoni, L. Eſlies du Pin, Guil. Cave, & Dan. Papebrochii. Quæ Pontificiorum vero æque ac Proteſtantium Doctorem judicia adverſa, una cum omnibus, quibus innixa ſunt, argumentis, diffuſa poſthac longe diſceptatione reſellere ac confutare Cozza annititur, ita quidem, ut ſimul magno ſtudio, quæ fuerit antiquiſſima Eccleſiæ in ritibus & ceremoniis Eccleſiaſticis diſciplina, adverſus recentiores, maxime Anti-Areopagiticos, tum heic memoratos, tum eos quoque, quorum judicia ſe omiſſiſſe Cozza non diſſitetur, ut Scultetum, Blondellum, Dallæum, Launoyum, de Nourry aliosque, oſtendat.

Accum quidem in omnibus fere S. Dionyſii libris præmittatur titulus: *Sympreſbytero Timotheo Dionyſius Preſbyter*; ex eo ipſo autem jam ſtatim Anti-Areopagitici, opera Dionyſii pſeudopigrapha eſſe ſuſpicentur, quod S. Timotheus, ante editas Ignatii epiſtolas, in Dionyſii operibus jam allegatas, martyrio e vivis fuerit ſublatus, & nec *ſilius* a Dionyſio, ceu quidem factum, nominari potuerit: primo quoque loco Cozza diſquirit, cui Timotheo opera S. Dionyſii ſint dicata? Quæ res cum haud levem ſemper operum Areopagiticorum patronis & apologetis crucem fixerit, fuſius paulo hic Fr. Bivarii & Cardinalis Baronii Cozza reſert ſententiam, quorum ille in commentario ad Chronicon Flavii Lucii Dextri, ad A. Domini 100 & Urbis conditæ 851, Dextrum *πρόδα* ſequutus, Eugenio Marcello, Epifcopo Toletano, propter ingenii excellentiam dicto Timotheo; hic vero aut Pudentiſ, Senatoris Romani, filio Timotheo, aut alii tamen proſus ejus nominis, quod Ephęſiorum fuit Epifcopo, opera S. Dionyſii dicata fuiſſe, variis argumentis inductus, exiſtimat. At cum utraque, & Bivarii, & Baronii ſententia, a P. Halloixio in Vita S. Dionyſii fuerit impugnata, iſque ſimul communem Eccleſiæ Pontificiæ de S. Timotheo, Pauli Apoſtoli diſcipulo & Ephęſiorum Epifcopo ſententiam multis argumentis ſat firmiter, Cozzæ judicio, propugnaverit; totam quoque propemodum Halloixii pro S. Timotheo apologiam hic ſubungere, ſux Cozzæ operæ futurum duxit pretium. Quæ enarrata, unum alterumve quidem argumen-

tum adhuc memorat, quo Bivarii de Eugenio Marcello sententia novum aliquod, adversus Halloixium, robur addi posse commonet: nihilominus, libera cuique optione relicta, an Bivarii, an vero Baronii opinionem velit amplecti, sibi tamen religioni esse Cozza innuit, communem Ecclesiae de Timotheo, S. Pauli discipulo & Ephesiorum Episcopo, sententiam deferere, utpote quam & S. Maximus, Jo. Erigena, alique vetustiores, qui in S. Dionysium commentarios scripserunt, constanter tenuerint. Primo enim nullum eruditorum ignorare, Chronicon Flavii Lucii Dextri esse valde corruptum ac interpolatum; adeoque forte etiam ista verba a Bivario ex eo producta: *Dicat Eugenio Marcello, disto propter excellentiam ingenii Timotheo, libros de divinis Nominibus*, ab interpolatore fuisse adjecta. Quae si non essent supposititia, adnotassent forte alias S. Maximus & ceteri, qui in S. Dionysium scripserunt. Praeterea quoque in fragmento Chronici Flavii Dextri, quod Cardinalis de Aguirre attulerit, non ea, sed haec duntaxat sub A. 95 verba legi: *M. Marcellus, M. Marcelli, Urbis Praefecti filius, qui & Eugenius, quondam S. Petri Apostoli, postea vero S. Clementis Papa discipulus, ab eodem & Dionysio Areopagita missus in Hispaniam praedicat, & Toletanos docet* XCV. Secundo argumentis, quibus Bivarius & Baronius se a communi sententia dimoveri passi sint, nequiquam esse tanta, ut solvi non possint; prout in sequentibus capitibus liquido se demonstraturum Cozza profitetur. Ea de re difficillimum illico, ex S. Ignatii ad Romanos epistola in Dionysii operibus relatum locum, subsequenti capite examinat, quem vel ab interpolatore quodam insertum, vel ab ipso Dionysio non prius statim quidem, sed postea, cum extremam operibus suis manum imponderet, ex ista Ignatii epistola, sive etiam ex alio quopiam ejusdem Patris scripto, additum esse suspicatur. Priorem enim sententiam de interpolatione, a S. Maximo, Halloixio & Natali Alexandro dudum defensam, neque ipsum Ellies Dupinium prorsus reprobare, cum in omnes propemodum Auctores, tum ecclesiasticos, tum profanos, additamenta quaedam irrepperint, & demtis Ignatii verbis, Dionysii oratio longe omnino melius cohaereat. Siquidem Ignatius in isto effato suo, *Amor meus crucifixus est*, de amore concupi-

piscentiæ & terrestri, in se jam extincto; Dionysius contra de amore ecclesiæ & in bonam partem usurpato loquatur. Posteriori vero sententiam, quæ ipsi Baronio non insulsa fuerit visâ, ex eo posse stabiliri, quod recentiores Critici, Dionysium ante Ignatium vita functum esse, perperam comminiscantur, quoniam Dionysium non sub Domitiano, sed longe post, aut sub Trajano aut potius sub Hadriano passum esse, ex Michaelæ Syncello, Suida, Aristide aliisque Auctoribus, ut & Græcorum & Latinorum martyrologiis vetustissimis, satis superque constet. Posthæc cur S. Dionysius Timotheum non Episcopum, sed Presbyterum & Filium duntaxat appellaverit, adversus Bivarium, Baronium, Scultetum, Rivetum & Dupinium præ cæteris disceptat. Ubi S. Dionysium ideo recte in omnibus libris suis: *Sympresbytero Timotheo Dionysius Presbyter*, scripsisse vult evincere, quod in primitiva Ecclesia, ut ex ipsis S. Pauli epistolis palam fiat, Presbyteri & Episcopi nomen fuerit promiscuum. Quod autem eundem *Filium* in operibus hinc inde suis nominare Dionysius non erubuerit, tres eundem causas iustas habuisse, Cozza cum S. Maximo existimat. Nam sub Neronis Imperio, sub quo Paulus suam Timotheo scripserit Epistolam, adeo adhuc visum fuisse Timotheum juvenem, ut ipsemet Paulus eum in Epistola sua adolescentem vocaverit, & ne quis adolescentiam ejus contemptui haberet ac ludibrio, fideles admonuerit. Jam autem tunc temporis Dionysium quinquagesimum circiter egisse annum, quia tempore passionis Christi viginti quinque annorum fuerit, & Paulus ex Macedonia, sive ut aliis placet, ex Laodicea, anno vigesimo quinto a passione Domini, primum Timotheo scripserit. Unde major ætate Dionysius, jure meritoque Timotheum ætate juniorem Filium potuerit appellare. Secundo Timotheum S. Dionysii tum in externa Philosophia, tum in sublimiori Theologia fuisse discipulum; id quod ex ipsis Dionysii scriptis non obscurum sit, in quibus Timotheum se non semel de variis difficultatibus interrogasse, Dionysius testetur, utut in aliis locis sua Timothei judicio scripta committeret. Jam autem non solum ipsum Christum *Joan. XXI & Matth. XVIII.* Apostolos suos pueros, sed & D. Paulum eos, quos per fidem Christi genuerat, filios appellasse.

pellasse. Quare nec Dionysio magistro sit exprobandum, quod Timotheum discipulum suum filium appellaverit, & id quidem eo minus, quod eum *sacrorum filiorum sacratissimum* dixerit, primitivæ videlicet Ecclesiæ morem secutus, in qua Episcopi *παῖδες ἱεροί*, pueri, sive filii sacri fuerint dicti. Tertio Timotheum timidiorem paulo fuisse & pusillanimum, prout ipse Paulus II. Tim. I. ac II, & I. Cor. XVI. indigitavit. Jam autem præter hoc, in primitiva Ecclesia Christianos omnes, ob morum simplicitatem & innocentiam, ab ipso Christo commendatam, vocatos fuisse pueros. Unde vel hoc nomine integrum fuerit Dionysio, Timotheum filium salutare. Hac lite excussa, diversa in Dionysii operibus ex Joannis Evangelio & Apocalypsi deprompta loca, ex quibus Dupinius, opera Areopagitica pseudepigrapha esse, novo cum cæteris Anti-Areopagiticiis argumento arguit, a Cozza evolvuntur. At errare omnino contendit Cozza Anti-Areopagiticis, quod Joannis Evangelium & Apocalypsin vel S. Dionysii & discipuli ejus S. Timothei ætate, nondum scripta fuisse, vel tamen a Dionysio ut Canonica nequiquam scripta allegari potuisse, existimant. Nam S. Timotheum æque, ac S. Dionysium, sub Domitiano martyrium subiisse, tantum abesse ut jam satis undique sit evictum, ut potius ex Græcorum menzæis & Latinorum martyrologiis, S. Timotheum sub Nerva, & S. Dionysium sub Hadriano demum passum esse, manifestis indiciis evinci possit. Quæ si ita se habeant, utrumque etiam Joannis librum, post Domitiani mortem omnium quippe consensu scriptum, tum ante Timothei, tum ante Dionysii martyrium jam extitisse, simul esse evictum. Deinde vero, omni de martyrii temporibus lite seposita, dici posse commonet, S. Dionysium sua opera primum quidem, ante Joannis Evangelium & Apocalypsin, rudius paulo & imperfectius scripsisse, ac S. Timotheo dicasse; at post Joannis Evangelium scriptum, & Apocalypsin editam, sub perfectiori & correctiori forma ultimam eisdem manum imposuisse. Id enim persæpe admodum auctoribus tum profanis, tum ecclesiasticis accidisse; ceu quidem ex Quintiliani, Ciceronis, Justin Martyris, Apollinaris Laodicensi, Hieronymi & Tertulliani præ cæteris, exemplis constat. Ast quod Apocalypsis Joannis, ut Canonica a Dionysio scriptura citetur, quæ tamen

tamen, non nisi longe post Dionysium, Canonicis Scripturæ S. libris fuerit adnumerata, eo minus scripta Areopagitica supposititia esse arguere, quo magis quoque de Jacobi, Judæ & Petri Epistolarum auctoritate Canonica, etiam olim aliquando a plerisque fuerit dubitatum. Sufficere proinde, Dionysium in eorum semper fuisse sententia, qui Apocalypsin Canonicis scripturis adscribendam esse, non dubitaverint, ac idcirco etiam ipsam Apocalypsin, ut Canonicam scripturam, optimo jure potuisse allegare. Post hæc, stylo operum Areopagiticorum ex Græcæ & Platonis inprimis, cui Dionysius addictus erat, Philosophia vindicato, pervertitum Criticorum argumentum, ab Eusebii & Hieronymi silentio depromptum, ac noviter ab Elies Dupinio & Nicolao de Nourry reiteratum, Cozza discutit. Ubi quidem, inter cætera, Baronio & Posslevino Eusebii silentium idcirco valde suspectum esse memorat, quod is, Ariana quippe juxta eos sectæ patronus & vexillarius, fraude omnino & industria scripta Areopagitica omisisse videatur. At cum prave admodum hoc Eusebio illatum convicium, esse, Halloixius cum Riveto dudum edocuerit, & nihilominus tamen ipse Hieronymus in epistola ad Pamachium & Oceanum scribat: *Ecclesiasticam pulchre Eusebius historiam contexuit, sed impietatis Arii apertissimus est propugnator*: non audet Cozza hac dere ferre judicium, sed aliorum judicio Baronii & Posslevini sententia commissa, S. Maximi responsionem potius amplectitur. Hæc autem eo redit, quod opera Areopagitica Eusebio fortean prorsus fuerint incognita, cum ipse Eusebius in Historia sua non diffiteatur, se quam plurima scripta omisisse, quæ aut ad matrem suam non pervenerint, aut quorum auctores sibi non satis fuerint cogniti. Sic quoque Eusebium Athenagoræ nec minimam fecisse mentionem, cujus tamen præclaram admodum pro Christiana religione Apologiam, a Methodio ante Eusebium, & Epiphania post Eusebium memoratam, nemo hodie eruditorum, ob istud Eusebii silentium, supposititiam esse suspicetur. Eandem quoque silentii in Hieronymo Cozza addit esse rationem. Omisisse Hieronymum non Athenagoram solum, sed & Narcissum, Hymenæum, Pantænum, Theognostum & alios, ab Eusebio itidem non memoratos. Unde manifestum sit, Dionysium Arepagitam ideo quoque

que ab Hieronymo omiffum, quod tunc temporis opera ifta neque ipfi, neque Eufebio fuerint cognita, utut forte ea poft fcriptum Catalogum Hieronymo non prorfus incognita manferint. Quod autem præftantiffima tam antiqui & tam eruditi Patris, qualis Dionyfius fuerit, fcripta in primitiva Ecclefia non eodem cum cæteris Patrum fcriptis fato felici, fcriptoribus & doctoribus primorum feculorum ecclefiafticis innotuerint, caufam adfuiffe Cozza putat triplicem. Primo non plane effe improbabilem Poſſevini & Anaftaſii conjecturam, opera Dionyſii ab Arianis aliisque hæreticis fuiſſe ſuppreſſa. Secundo vero Suidam & Pachymeram non temere ſuſpicari, libros Dionyſii a Philoſophis Græcis fuiſſe maximam partem furto ſurreptos, tum ut Chriſtianos armis adverſus gentiles exuerent, tum ut eo felicius, familiari ſuo crimine, ſibi ipsis eruditiffima Dionyſii ſcripta, ſuppreſſo ejus nomine, poſſent vendicare. Tertio pauca & rara admodum inter primos Eccleſiæ Patres extitiſſe operum Areopagiticorum exemplaria, cum ipſe Dionyſius Timotheum in libris ſuis admonuiſſet, ne omnibus promiſcuis myſteria librorum ſuorum revelaret; adeoque quam facillime opera Areopagitica potuerint tum ſupprimi, tum furto auferri. Cæterum prodiſſe his ultimis temporibus opus aliquod de Mortibus Perſecutorum, Laſtancio adſcriptum, quod utut per quamplurima ſecula, ipſorum modernorum Criticorum conſenſu, ob Patrum de eo ſilentium, ſepultum jacuerit, nihilominus pro legitimo Laſtantiæ ſpectu ab ipsis agnoſcatur. Quodſi proinde Eufebii, Hieronymi, cæterorumque Patrum antiquiorum ſilentium non obſtet, quo minus hoc Laſtantiæ opus, ut & illud Athenagoræ, antea memoratum, hagiographis adnumerari poſſit: multo minus eorundem Patrum ſilentium S. Dionyſii operibus quicquam officere, Cozza noſter concludit, cum poſt Eufebium & Hieronymum, communis ea a Patribus tum Græcis tum Latinis conſenſu fuerint recepta. Ab his vindiciis jam ad cætera, & inprimis ea Cozza argumenta progreditur, quibus tum ex funere B. Virginis Mariæ, cui Dionyſius ſe interfuiſſe gloriatur, tum ex voce *ὑποτάκτους* a Dionyſio toties uſitata, opera Areopagitica genuinos neutiquam Dionyſii Areopagitæ factus eſſe, Anti-Areopagitici arguunt. Atque quidem B. Mariæ funeri Dionyſium intereſſe omnino potuiſſe,

ex eo demonstratu haud impossibile esse Cozza regerit, quod Mariam anno ætatis suæ non LXII, sed LXXII mortuam esse, ex Epiphani, Cedreni, Anselmi, Glycæ, Andræ Cretenfis, Canisii, aliorumque calculo satis & abunde possit demonstrari. Quo calculo posito, planum esse atque evictum, Mariam plures adhuc longe quam XV annos post Christi ascensum vixisse, adeoque Dionysium ejusdem exequias cum cæteris omnino Apostolis potuisse celebrare, cum Paulus XVII post Christi passionem anno Athenas profectus fuerit, ibique non diu adeo commoratus S. Dionysium concionibus & apologiis suis Heroicis ad fidem Christianam converterit. Deinde Angelorum ordinibus Dionysianis ex ipsa Scriptura S. & Patribus V priorum seculorum prius adhuc vindicatis, altero quodam capite vocem *ὑπεράστας* quarto demum seculo, post Concilium Nicænum ab Hosio, Episcopo Cordubensi, adinventam, aut eo ad minimum, quem hodie obtinet, sensu personali in libros Ecclesiæ symbolicos esse introductam, assertum Cozza esse ait Anti-Areopagiticorum falsissimum, cum ea jam I seculo ipsum Paulum Apostolum in Epistola ad Hebræos, & post eum Tertullianum seculo II, Origenem vero, Gregorium Thaumaturgum & Dionysium Alexandrinum III seculo, eodem quidem, quem hodie habet, sensu, usos fuisse, ex Græcis Philosophis & Patribus, neque Soerate, neque Sozomeno, neque etiam Nicephoro reclamante, abunde probari possit & confirmari. Quod denique memoratam in operibus Areopagiticis disciplinam Ecclesiasticam attinet, quam omni itidem conatu Anti-Areopagitici Dionysii S. ætate nondum ita viguisse contendunt, magnam admodum Vindiciarum suarum partem in ea primitivæ Ecclesiæ seculo I vindicanda absolvit, ita ut & templa, altaria & loca sacra Dionysii ætate fuisse extracta: ac baptismi ceremonias circa exorcismum, unctionem, consecrationem aquæ baptismalis, baptisteria aliasque res baptismales, Dionysii ævo in usu fuisse: antiquissimam fuisse, ac ab ipsis Apostolis dimanasse, circa sacrificium Missæ, circa Catechumenos, & circa Pœnitentes Ecclesiæ disciplinam: Monachorum ordines & tonsuras, ut & Episcopos distinctos a Presbyteris, Dionysii ætate extitisse: Mille-nariorum hæresin ejusdem ætate certo modo jam fuisse exortam: celebratas fuisse, ut a Dionysio describuntur, mortuorum exequias

quias: usitatas preces & oblationes pro defunctis ejusdem ætate fuisse, & quæ sunt cetera, fufius probare nititur. Cui disquisitioni demum recensitionem de operum Arcopagiticorum utilitate & variis editionibus, cum tota Joannis Novii pro operibus S. Dionysii adversus Laurentium Vallam Apologia, & indice rerum in his vindiciis memorabilium subjungit.

Cum hæc typis committeremus, ejusdem plane argumenti opus aliud, superiore quoque anno Lutetiæ Parisiorum Gallico sermone editum, in manus nostras incidit, cujus Auctor anonymus non minori, quam Cozza, studio Dionysio Arcopagitæ Opera, quæ sub nomine ejus venditantur, vindicare allaborat. De quo alibi.

ANTONIUS SIDOBRE MONSPELIENSIS Doctor de Variolis & Morbillis. Accedit CAROLI DRELINCURTII &c. de eodem argumento Dissertatio. Cum indice Capitum & Rerum.

Lugd. Batavorum, apud Andream Dyckhuifen, 1702. 12. pl. 15.

Lugduni in Gallia A. 1699 typis excusus est, quem Batavorum Opera nobiscum jam communicatum videmus, tractatus. Auctor illius est *Dn. Antonius Sidobre, in Monspelienfium Academia Artis Medica Clarissimus Doctor.* Qui *Celeberrimi Drelincurtii* (cujus opuscula antehac edita, in Actis nostris anno 1686 pag. 472 recensita invenimus) aliorumque exemplo excitatus, observationes illas, quas de Variolis, partim ex propria, partim ex Avunculi sui, felicissimi Practici, experientia diuturna collegit hætenus, Orbi Literato invidere diutius noluit, sed concinnata atque in lucem edita præfente de Variolis ac Morbillis Dissertatione, suæ pariter famæ atque aliorum commodo consulere decrevit.

C. I.

De origine Variolarum non immerito dissertationis facit auspiciū, quam ratione temporis in seculum rejicit post C. N. duodecimum, utpote sub cujus medium Variolas ac Morbillos, penitus ignotos hætenus affectus, primum innotuisse apud Arabes, *Avicenna, Avenzoare, Rhazi & Mesne* testibus, probare nititur.

Se-

Sequitur accuratior Variolarum descriptio, atque in hac nulum fere fuisse omnium periculosissimi hujus morbi phænomenon, ex lectione constabit plenius. Facta descriptione, transitum ad examen constitutionis sanguinis facit, & quæ sit in hocce affectu M. S. crasis, operose disquirat. Ubi tandem ex narium, alvi & uteri hæmorrhagiis, mictu cruento, hæmoptis, aliisque similibus Variolarum consuetis symptomatibus concludit, Variolas sanguinis præalidi ac dissoluti sobolem esse. Interim nec dissimulat, reperiri in nonnullis subjectis, quamvis rarius, crassum adeo ac pinguescens sanguinis sulphur, ut, terebinthinæ instar igni expositæ, per fermentationem in serosum liquamen haud resolvi patiatur sanguinem, sed inspissari potius faciat; unde loco hæmorrhagiæ, faucium asperitas ac sitis inexplebilis, angina, parotides ac bubones se prodere soleant.

C. II.

C. III.

Cum autem per experientiam constet quotidianam, ex hominum millibus vix unum reperiri, qui semel in vita Variolis non corripiatur, sequi inde existimat Clarissimus Auctor, dari quid in nostro sanguine, quod, data occasione, memoratam jam fermentationem ac dissolutionem inducere queat. Et hoc salia vult esse acria, salia, ex acidis atque alcalinis fixis coalescentia, quæ soluta & cum sero sanguinis circulata liberius, mole sua fixa, multisque aculeis hirta, partes sanguinis sulphureas, menstruorum salforum instar, carminare, disrumpere, totique massæ sanguineæ æstum impertire vehementissimum valeant. Quod autem hoc ipsum Variolarum fermentum diu in corpore lateat, & nulla symptomata accersat, sulphureis sanguinis partibus in acceptis ferendum esse putat. In his enim facilius, quam in aliis humorum partibus, salia ejusmodi acria aliaque fermenta implicari, difficiliusque iterum exsolvi, fuse docet, adducto in medium de Hydrophobia simili, cujus fermentum morsu canis rabidi cum corpore communicatum, longo temporis intervallo sopitum mansisse, observatum fuit, donec post menses, imo & annos integros, egressum e contextu staminum sulphureorum sanguinis miasma rabidum, ex improvise hominem in tantum conjecerit vitæ periculum; qualia exempla apud *Forcstium*, *Schenckium*, *Musam Brassavolum*, *Guainerium* &c. leguntur plura. Causam igitur occasionalem, salia illa acria in motum

C. IV

C. V.

C. VI.

cientem, nullam fatetur esse aliam, quam nimiam sanguinis fermentationem, ab aere impuro vel infecto oriundam. Quodsi enim atmosphæra nostra salibus volatilibus alcalinis, a fermentatione subterranea, uliginosis locis, vel etiam contagio contrahatur, sit referta, ac pulmonum vesiculas pervadat, aut corporis habitum ambiat, sanguini necessario infundet hæc ipsa miasmata, quæ humores permeantia, partes sanguinis sulphureas dissolvendo, in iis involutum seminium expedient, ac morbum suscitabunt.

C. VII.

Revertitur, his suppositis, ad causam Variolarum intrinsicam, scilicet nimirum acria, atque altius hic repetere instituit Cl. Auditor ipsam seminii Variolarum in corpore humano scaturiginem & propagationem. Ubi Variolas inter morbos hæreditarios omnino referendas esse pronunciat. Variolarum enim saluum aere fermentum, in foeminarum corpus cum semine virili emissum, atque ad ovarium tractum, a sanguine arterioso per placenta rudimentum incerni, atque in foetum per venam umbilicalem viam sibi parare, probabile ipsi videtur; quo facto, fieri aliter non posse, quam, ut cum humoribus foetus permixtum, eandem iis conciliet, quam sanguis paternus obtinuit, labem, existimat. Notatu digna etiam, quam occasione hujus theoriæ proponit, de nutritione foetus in utero, observatio: scilicet non per sanguinem, sed per lacteam succum certis lactiferis ductibus contentum, nutriri embryonem, firmiter persuasus est. Et hos ipsos lactiferos ductus, gestationis tempore internum uteri involucrium irrigantes, extra illud autem agglomeratas vesiculares glandulas repræsentantes, primum sibi a *D. Chyrac, Regio in Acad. Monspeliensi Professore*, demonstratos fuisse, cum laude meminit.

C. VIII.

Transit hinc ad primum Variolarum ortum, quem talem sibi concepit, ut existimet, febrem malignam cum exanthematibus invasisse, non multo ante Avicennam tempore, ex Arabibus quædam, ubi volatiliori fermenti parte per sudorem ac transpirationem dissipata, fixior nihilominus in parte sanguinis sulphurea tamdiu delituerit, donec diuturno humorum æstu partisque sulphureæ divisione, evoluta fuerit. Et hoc modo a parentibus in filios, ab Arabibus denique ad alias gentes, tractum fuisse virus hocce malignum, persuasus est. Cum autem seminium illud in cute non

C. IX.

possit

possit erumpere, nisi prius e sulphureo involucro expediatur, necessario in hac sanguinis turba, multa salia fixa cum aeribus illis salis simul evolvi, atque ingentem inire fermentationem existimat Clar. Auctor. Unde tot tantaque circa Variolarum eruptionem symptomata, quæ sigillatim recensita, & fusius explicata, in hoc capite invenimus. Inter cætera meminit etiam palpitationis cordis, consueti circa Variolarum insultum symptomatis, quæ de peculiarem etiam fovet speculationem: dissolutis nimirum sulphureis sanguinis partibus, nitrum æreum promptius cordis fibris cum parte sanguinis explosiva salino-sulphurea suppeditari; hinc motum cordis vegetiorem celerioremq; arteriæ dilatationem dependere, asserit. Cordis enim motum non per spiritus animales, sed per nitrosam aeris partem, fibris cordis in spiram convolutis, mediante sanguine per arteriam coronariam advecto, inspiratam perfici existimat. Neque vulgaris est observationis, quod occasione anginae, de affectu *Patris cujusdam ex Congreg. Oratorii Du Brueil* refert exemplum. Liquida Rev. hic Vir non nisi guttatim & maximo cum labore sorbillabat; quod si ea avidius atque inopinanter forte hauriret, frequenti tussis & suffocatione statim angebatur; solida vero sine ullo labore devorabat, de cætero integra usus valetudine. Supponit, ad explicandam rarissimi hujus affectus causam, ex atropia Anatomica Cl. Auctor in glottidis margine duos utrinque excurrere alveolos, qui haustum omne liquidum, citra ejus depressionem, in oesophagum alias deducant; hos ipsos alveolos, in hoc subjecto, ab acre explicatos, ac fere penitus deletos fuisse credit, præsertim cum Vir iste a longo tempore orationibus, precibus & colloquiis vacaverit frequentius. Hactenus de Variolarum prodromis; ipsam eruptionem ac suppurationem sequentem in modum describit. Salia acris salia, ingenti sanguinis motu expedita, & cum obviis fermentis congregiando fracta atque divisa, materiam perspirationis sibi adsciscunt, & una in cutis glandulas secreta, earum poros meatusque insensiles, ob crassam suam molem infarciunt, contextumque earum vellicant: paulo post circa cutis glandulas difficulter circulans sanguis, rubentes excitat maculas, & post tres aut quatuor dies effervescendo in pus, partium suarum attritione, abit. Facta jam eruptione, evanescit-

C. X.

re sæpius iterum Variolas notissimum, id quod duplici ratione accidere existimat: vel enim Variolarum fermentum, superveniente febre, in sanguine nimis commovetur, consequenter per cutis glandulas non percolatur, nec in pustulas debito modo efflorescit: vel etiam sanguis nimium ab ambiente frigore tactus, vel impulsu spirituum a timore, terrore &c. destitutus, ad interiora statim cogitur, unde pustulæ pabuli defectu exarescere, ac intus resorberi observantur.

C. XI.

Nec vacabit res periculo, si tardius erumpant Variolæ: præter symptomata alia enim satis periculosa, solent tunc ægrotantes vomitu etiam excruciaci enormiter. Curiosa est, quam de vomitionis actu proponit hic Cl. Auctor, theoria: fibras enim stomachi nihil prorsus ad vomitionem conferre autumat; sed diaphragmatis & musculorum abdominalis validæ pressioni potius totum deberi negotium, experientia in cane vivente facta, probare satagit.

C. XII.

De symptomatis Variolantes Gravidas corripientibus notissimum, frequentius ab iisdem abortum provocari, quod a febrili sanguinis commotione evenire, persuasus est Auctor noster: commoto enim extraordinarie, per Variolarum fermentum, in gravidis sanguine, uterinum vel menstruum fermentum simul, ante tempus a natura præscriptum, evolvi, eoque intempestive succum, quo foetus nutritur, lacteum infici existimat, ita ut maturius calcitrare coactus, atque uterum ad contractionem concitare, necesse habeat.

C. XIII.

Notatu dignum etiam, quod circa prognosin occupatus, de Variolis in morbos chronicos aliquando degenerantibus, profert exemplum. Vidit enim Narbonæ in Galliis Marchionissam, neglecta V. Sæ, Variolis confluentibus ac crustosis tam atrociter laborantem, ut ulcera in clunibus cava, in tibiis ac femore intumescencia gangrænosa, ac de cætero febris lenta cum sputo copioso purulento, lethalem morbi exitum minarentur. Et quamvis administrata adhuc V. Sæ, atque adhibito cathartico blando servata fuerit, nihilominus tabem ex hoc morbo & sanguinis depravationem contraxit tantam, ut in cute ejus per sesquiannum pullulaverint semper exanthemata, pustulis variolarum similia, quæ exsiccata squamarum instar decidebant, atque alia illorum loco

loso germinabant; donec sanguis diuturno lactis asinini usu, frequentibus catharticis, atque accurata victus lege, pristinam recuperaverit consistentiam, totumque seminium morbosum propulerit.

Curationem denique ipsam in Variolis quod attinet, cardinem ejus in eo potissimum versari vult Cl. Auctor, ut sanguis in vasis æstivans temperetur, ejus acrimonia demulceatur, citatior motus reprimatur, vasa turgida depleantur, ac fermenta innata a vinctulis expellantur, quo facilius per cutem secerantur postmodum. Hisce indicationibus omnibus per V. Snem, catharsin, enemata atque emulsiones, vel ptisanas refrigerantes ac lenientes, satisfieri posse, suffragante experientia, omnino persuasus est. Et V. Snis usum, sub principium morbi, adeo quidem facit necessarium, ut iterandam eandem, pro symptomatum urgentium ratione, septies vel octies etiam existimet: enemata & purgantia a deliriosis vel convulsionibus indicari, refrigerantia autem, diluentia atque humectantia, tunc potissimum in usum vocanda esse perhibet, ubi ob tenaciore sulphureas partes, ac deficiens serum, exsiccatus nimium sanguis deprehendatur: procul de cætero sic dicta alexipharmaca, cardiaca & bezoardica esse jubet. Et mirandum profecto, Gallorum medendi in Variolis methodum in tantum distare a Germanorum methodo, ut illa, quæ apud nos miseros ægrotantes pessumdarent, Gallis in remedium cedere observentur. Certe, si neglectis lenioribus alexipharmacis & bezoardicis methodo nostræ consuetis, V. Sne, purgatione ac vomitoriis, Variolantium succos & sanguinem exhaurire tentaremus, ocmeteria vix sufficerent tegendis crassis istiusmodi Medicorum erroribus.

De *Morbillerum* theoria & curatione brevissimis agit Auctor. Sicut enim horum seminium a Variolis non aliter differre, quam quod hoc crassius sit ac tardioris motus, illud vero tenuius atque acutius, docet: ita & Morbillerum fermentum sanguinem minus commovere, & per cutis glandulas secretum, eas minus obstruere, faciliusque in auras diffusi, per experientiam constare existimat. Meminit sub finem etiam certæ alieujus exanthematum infantibus familiarium speciei, quæ ab Italis *Ravaglione*, a Gallis autem *Verole volante* appellatur communiter. Atque hæc ipsa exanthemata

C. XIV. &
XV.

C. XVI.

mata sub forma vesicularum albicantium, aqua limpida turgidarum, apparere, intra triduum autem facta ruptione exsiccati iterum solent. Quapropter parvi momenti affectum hunc esse reputat, a materia transpirationis viscidiori & sale fixo infecta oriundum, atque infantes solum, citra febrem tamen, prehendere solitum.

Supereſt, ut ex annexa Celeberrimi *Drelincurtii* dissertatione notatu digniora adjiciamus. Unum idemque cum præcedenti argumentum est, quod a Celeberrimo Viro hic pertractatum videmus. De jucundissima autem brevitate, accuratoque & summo judicio, quibus utitur, plura haud attinet dicere: per orbem enim notissima consummata Viri hujus doctrina & scribendi genus est, quo *Medicorum* appellari *Seneca* omnino meretur. Sed ad rem. Variolas & Morbillos ab omnium hominum memoria viguisse, ex veterrimis Auctoribus Medicis probare satagit. In specie autem *Variolas* describit *fermentantis sanguinis universalis a rejעתانعا*, vulgo *sepe prodentia tuberculis rubris, saniosis, purulentis, pruriginosis, sublimibus atque disjunctis*: *Morbillos, sanguinea massa febriliter effervescentis eruptiones erysipelatosas, maculis generalibus conspicuas rubentibus, planis, expansis atque contiguas*. Causam quod attinet, putat illam in fermentatione, qualis in musto alias obtingere solet, consistere: atque hoc ipso præternaturali humorum turbamento, sanguinem emittere existimat Celeberr. Auctor portuunculas suas, tum crassiores, quæ epidermidis densitate cohibentur, atque in Variolas abeunt, tum subtiliores, quæ poris & halitu diffantur, & contagione sua aerem inquinant, quo virus illud serpere in adstantes, eorumque massam æque commovere, ac florentis vitis expirationes vinum vel in cryptis exagitare solent, observatur. Interim ferviditas sanguinis, ad mentem Celeberr. Auctoris, major in Morbillis erit, quam in ipsis Variolis, unde febres Morbillis quidem, non æque Variolis tribuit: Morbillorum enim fermentum fervidius ætenuius, ideo turbis majoribus febrem succendens; Variolarum virus crassius ac lentius, nec jure febris suscitabulum, ex observatione sedula statuere non dubitat. Saniem in suppurantibus Variolis naturæ acido-salæ esse existimat, tantis quidem præditam aculeis,

leis, ut non solum pruritus, foveas ac cicatrices, sed & ulcera sinuosa inferre valeat: sistit ex Praxi sua exemplum de annosa virgine, cujus glutinosos musculos, mammarumque colles, imo & oculorum globos, purulentis cuniculis ex hoc affectu suffossos vidit cum dolore ac stupuit. Notari etiam meretur, quod curationem horum affectuum pertractans, tyronibus Medicis proponit monitum: *cavendum scilicet, ne securitati nimium indulgentes, deficiant in generositate*: & hoc de venæsectionis usu potissimum vult intellectum, utpote quam, ubi vehemens febris accensa sæviat, & symptomata varia invalescant, circa Variolarum & Morbillorum principium negligere Medicos, circa errorem manifestum, haud posse existimat: ope venæsectionis enim naturam ex parte onere levatam, reliquum audentius aggredi, ac majori robore vitiosam congeriem ad ignobiliores partes protrudere, observavit non semel. Si febris fuerit mitior, & materia semel incitata foras excerni nequeat, præ nimia humorum mole, qua viscera premuntur, tunc humores illos prave purgantibus, ast mitissimis, utiliter imminui docet, quo facto natura postmodum alacrius expulsionem promovere observabitur. Tegmina, quibus cooperiendi Variolis ac Morbillis conficiantur, ex pannis rubris aut puniceis concinnata, non improbat Celeberrimus Auctor, utpote quorum, atque in universum omnium rubore tinctarum rerum, crebro aspectu ad exteriora summamque cutem ferri humores, persuasus est. De cætero Lentium cum Lacca & tragacantho toti Arabum familiarum tanquam selecti remedia frequentem usum, hodie ob minus conspicuam virtutem, lenti medicamenti titulum jure meritoque obtinere: quin & usum eorum, propter crassi succi generationem, & pavorem in somno augmentum, exosum esse debere existimat.

DE ARGENTO RUNIS SEU LITERIS GOTHICIS insignito Sententia NICOLAI KEDERI, Regii Antiquitatum Collegii, quod Holmia est, Afferoris.

Lipsiæ apud Jo. Frid. Gleditsch, 1703. 4.

Plag. 2½, cum fig. æn.

H h h

Ele-


TAB. V.
Fig. I.

Elegantissimo huic schediasmati occasionem nummus præbuit argenteus, vetustis gentium Septentrionalium literis, quas *Runas* vocant, notatus, primumque a Clarissimo Viro, *Edmundo Gibsono*, in Guiljelmi Camdeni Britannia in Angliam sermonem versa, ac luculentis accessionibus aucta (quam in Actis hiscæ anno 1696, mense Aprili, pag. 188 sqq. recensuimus) publicitatem dignisque ob summam raritatem Celeberrimo Antiquitatum Suecicarum Collegii Regii Assessori, *Nicolao Kederi* visus, quem accuratius sub examen revocaret. Nos eum in tabula V, fig. I exhibemus, paucisque tum Gibsoni, tum Kederi de eo sententiam enarrabimus, iudicio Lectoribus harum rerum peritis relicto.

Et Gibsonus quidem persuasum habet, argentum hoc non monetæ usum habuisse, quippe qualis in regnis Septentrionalibus ante abrogationem Runarum cusa non fuerit, sed amuletorum quoddam genus fuisse magici usus, qualia imaginibus Deorum facie humana expressorum signata veteres in Paganismo habuisse, *Thomas Bartholinus Tb. F.* in Antiquitatibus Danicis de causis contemptæ a Danis adhuc gentilibus mortis, testetur. Nomen vero non aliud in eo representatum, quam veterum illud Saxonum quod *Thor* appellabant, Anglis etiam non ignotum, quibus ab eo dies Jovis *Thursday* denominetur. Certe Stephanius, in notis ad Saxonem Grammaticum, *Thorem* ita describere, quod habuerit caput flamma circumdatum instar Solis, manu vero sceptrum vel aureum malleum gesserit: quæ ad effigiem argento nostro expressam exacte quadrent. Extra omnem vero controversiam rem poni, per literas Gothicas in parte postica expressas *† Thur Gus Luetis*, i. e. interprete Gibsono, *Thoris Dei facies*. Et huc spectare quoque Lunæ dimidiæ stellarumque figuras, cum, quod Phœnices de Sole suo, unico cœli Deo, cujus nutum reliqua sidera observent, idem prisce Gothi de suo *There* crediderint.

Ex adverso, Kederus primum non credit, argentum istud amuleti usum præbuisse, etsi sua Bartholino fides constet. Quod si enim cum orbibus illis aureis, de quibus potissimum Bartholinus disserat, argenteus hic diligenter conferatur, inque illis forma, figura, fabrica, alterum duntaxat latus signatum, annulus superius

TAB.V. ad A.1703 M.Sept. pag. 418 sqq.



penius additus, aliaque spectentur, longe hunc alium deprehensum iri. Deinde non persuadet sibi, simulachro illo *Thorem* idolum gentilium referri. Obstare enim ait in secundo latere Crucem initio literarum præfixam, ut & illam in media area, quam Rhomboides sepit munitque: qualis crucis usus Christianorum fuerit proprius. Verborum vero Runis expressorum minime hunc sensum esse: *Thoris Dei facies*. Primum enim *Thur* & *Gut* perperam separari, cum nulla hic compareat interpunctio, singulis alias in Runographia vocibus perquam familiaris, quali & in hoc nummo *Thurgut* a sequenti voce dirimatur. Secundo, si *Gut* significaret Deum, loco Runæ ↑, cui T simplex par sit, collocandam fuisse Runam Þ, cujus vim T cum adspiratione (H) conjunctum imitetur. Tertio *Thur* & *Gut* non esse casus secundi. Postremo pro genuina voce *Lunris* (sic enim eam legi debere, cum tertiæ ejus Runæ litera N æquivalet) vocem *Lueris* male subditam, quæ nec ipsa tamen forte faciem denotet, quam veteres Gothi potius *Andlit*, *Ysrlit*, *Mynd*, *Likneski* vocarint. De cætero Lunam & stellas quidem haud incongrue ad *Thorem* applicari posse: ast resillas ad quadrati externas angulos, quæ pro stellis sint acceptæ, aliud quiddam potius, idque non nisi ut parergon, sistere posse censer. Certe in tribus rarissimis nummis argenteis Runicis nostro consimilibus, quadrati hujusmodi angulos, non stellis, sed globulis exornari: quorum unum hic figura II exhibet. Lunulas vero in Anglorum veterum nummis, ubi ne minimum quidem *Thoris* vestigium reperitur, frequentes, & haud dubie solius etiam ornatus causa, occurrere. Ita enim e. g. in uno, inter suos, *Sterlingo* cum Æthelredi nomine duas, in altero cum Suenonis nomine quatuor, evidenter comparere, quorum ille figura 3, hic 4. representantur.

Ita destructa Gibsoni sententia, suammet Kederus exponit, censetque nummum, de quo disceptatur, non nisi monetæ publicæ usum olim præstitisse. Quam ut confirmet, cum altero figura 2 expresso, & ab ipso Giblono inter Britannicos nummos Tab. II no. 34 relato, illum confert, eandemque plane in utroque partis posticæ epigraphen esse monet, nisi quod in nostro ex meris

ea Runis, in altero isto ex Runis partim, partim ex elementis La-

H h h 2

TAB. V.

Fig. 2.

Fig. 3, 4.

tinis

tinis composita sit. Ita enim legendam putat: **TOHRVN:**
INMIS. quæ verba, si elementis pure Latinis exprimantur, &
 si τω H genuina sedes, unde in nummo derurbatum fuerit, resti-
 tuatur, non aliud innuant, quam **THORGV. LVNTIS**. Dein
 ex genio aliorum nummorum, præcipue veterum Anglicorum,
 comprobare nititur, quod noster hic a fronte sive Salvatorem ge-
 neris humani, sive Regem quendam; a tergo cum crucem, tum
 appellationem & loci, ubi fuerit signatus, & gubernatoris ejus-
 dem loci, aut alius viri, qui officinam ibidem habuerit monetari-
 am, exhibeat. Nimirum imaginem Servatoris nostri præcorum
 Anglorum denariis adversis non infrequenter imprimi solitam,
 animadvertit, & ex sua Collectione unum producit figura 5, quo
 Servator noster toto expressus corpore, sedens, cum nimbo seu
 circulari isto lumine, dextera sublata benedictionem impertiens,
 & læva Evangeliorum codicem tenens conspicitur, adscriptis
 elementis ΓΙΧΕΙΣ ΙΗ. ΧC. i. e. **IESV CHRISTI**. Nec impro-
 babile esse, quod Anglorum Reges Imperatorum Orientis inferioris
 ævi morem æmulari voluerint, quos Salvatoris effigie nummos
 erebro insignivisse constat. Forte & simulachro nostro datæ e-
 pigraphes duas primas literas **ΙΣ**, compendiaria quadam ratione,
IESV nomen comprehendere. Porro nec Regis cum globo &
 sceptro typum veteribus nummis Anglicis esse insolitum, ex-
 emplo *Sterlingi*, quem Sancti Edwardi Confessoris putant, figu-
 ra 6 ostendit, ad nummos similes alios provocans. Etsi vero in
 his nimbus non cernatur, insolens tamen non fuisse, talem etiam
 adhuc inter vivos degentium Principum effigiebus addi, non Ro-
 manorum tantum Imperatorum Gratiani & Constantini M. sed
 & e recentiore ævo, Johannis Suecorum, Danorum Nowego-
 rumque Regis exemplo probat, qui in quibusdam regni Dani
 nummis argenteis uncialibus, effigiem suam illo quoque cultu
 adornari passus fuerit. Quantum ad crucem, eam addit vetustos
 Angliæ nummos velut pro sua sibi vindicare, & quidem in latere
 averso, adeo ut olim latus nummorum aversum *Crosse-Side*, i. e.
 Crucis latus, quemadmodum adversum a Regis effigie *Kings-Side*,
 i. e. Regis latus, fuerit nuncupatum. Denique quod in averſa num-
 mi parte indicetur locus, ubi percussus fuerit, nec non ejusdem loci
 seu

TAB. V.
Fig. 5.

Fig. 6.

seu gubernator, seu monetarius, ex more itidem veteris monetæ Anglo-Saxonice declarat. Et hunc quidem, sive gubernator fuerit, sive monetarius, familiarissimum Septentrionalibus nomen *Thurgur* indicare putat, ex idoli *Thor* nuncupatione, & ex *Gute*, sive *Gaute*, quod Gothum significet, coalitum; quemadmodum per has plagas, pagani veteres summæ gloriæ duxerint, a *Thor* pariter, ac *As* (quod & ipsum nomen singulis Diis, præcipue tamen *Orbino* competierit) sua utriusque sexus nomina propria deducere: quam in rem nominum talium catalogus ex *Olai Verelii* Auditorio Notarum in *Hervarar-Saga* p. 22 adducitur. Locum vero ostendere arbitratur nomen *Luntis* seu *Lundis*, pro vulgari illo *on Lunden* (Londini Anglorum) Latina terminatione, auferendi casu, numeroque plurali, ut Hierosolymis, Parisius, positum: sicut & loco *Londini Scanorum* in Arnoldi Abbatis Lubecensis Chron. Slav. l. 4 c. 18, & apud Ericum Olai l. 4. Historiæ Sueo-Gothicæ, *Lundis* legatur. Neque isti tamen *Luntis* ex Latino fonte haustæ explanationi *Runas* refragari, cum gentes olim Boreales integras inscriptiones Latinas Gothicis quandoque literis exprimere amaverint.

Sub finem non dissimulat Nobilissimus Auctor, in nummo nostro septies geminatum Σ dubitandi ansam præbere posse, sitne ex monetæ, an amuletorum censu. Sed opponit ex *Sterlingis* suis unum figura 7, in quo litera E sedecies conduplicatur; confessus tamen, in iis enucleandis Davum se, non Oedipum. Denique si quis malit, monetam nostram non Londini in Angliâ, sed Londini in Scania, ad exemplum Anglicarum monetarum, auctoritate viri cujusdam illustris, cui *Thurgothi* fuerit nomen, olim fuisse percussam, ei se non magnopere adversaturum profitetur.

TAB. V.
Fig. 7

HISTOIRE DES VARIATIONS DE L' EGLISE Gallicane.

i. c.

HISTORIA VARIATIONIS ECCLESIAE GALLICÆ, auctore J. A. RENOULT.

H h h 3

Amste-

Amstelodami apud Nicol. Chevalier, A. 1703. 8.

plag. 211.

Neglecta responſionum tritarum via, novo oppugnan di genere
 notiffimum Celeberrimi Boſſueti, de Variationibus Eccleſiæ
 Proteſtantium, librum aggreſſus eſt *J. B. Revulſius*, ex Romanarum
 partium homine religionis Reformate propugnator, alius confi-
 milis materiæ ſcriptionibus notus, quippe qui Eccleſiam Gallicam,
 Romano Pontifici addictam, longe pluribus majorisque momenti
 variationibus ſubjectam fuiſſe, hoc velut ſpecimine probatum ivit.
 Tria vero potiſſimum ſelegit argumenta, in quibus operam ſuam
 collocaret, videlicet doctrinas de cultu Sanctorum, de Euchariftia,
 & Pontificis poteſtate. Has XIII epistoſis, ad Boſſuetum ſcriptis,
 multoque ſale conſperſis proponit. Prima enim epistoſa, quæ
 præſationis vice eſt, præmiſſa, in ſequenti, quis impræſens in Gal-
 lia B. Mariæ cultus exhibeatur, quo pacto illa Deo fere ipſi præferat-
 tur, redemptrix humani generis ſalutetur, ex Cheminaſii Jeſuitæ,
 aliorumque recentiorum ſcriptis, ac præxi eccleſiaſtica offendit,
 monetque in tertia, longe alios veteri Gallorum Eccleſiæ mores
 fuiſſe, quæ nec narrationi de nativitate Mariæ fidem adhibuerit,
 nec a peccato illam habuerit immunem, nec miracula illi adſcrip-
 ſerit, longe minus templa arasque extruxerit, preces ac vota fe-
 cerit. Epistoſa quarta, de præſenti Sanctorum demortuorum in
 Gallia cultu tractat, eosque ad latus Divinum poni, vel ſaltem
 inferiorum loco Deorum haberi, collata paganorum apotheoſi
 probat, monens & mente capto; nonnunquam, poli, qualis Fran-
 ciſcus ab Aſſiſio fuerit, & vitiis graviter contaminatos, qualis
 Gregorius VII dici mereatur. Aliam ſtetiſſe mentem præſentis
 Gallorum Eccleſiæ, epistoſa quinta edocet, Irenæo præſertim ſo-
 lum Dei cultum admittente, pag. 75 & ſeq. in teſtimonium ad-
 ducto; quæ dñta occasione, Auctor Irenæum & pleroſque veterum
 de beatis demortuis, ipſis etiam Apoſtoliſ vel Martyribus, docuiſſe,
 quod, corlo uſque ad extremum iudicium excluſi, in loco quodam
 ſubterraneo aſſerventur, & quod pro iisdem preces fundendæ ſint,
 obſervat, indeque argumentatur, eoſ ab iſtorum adoratione alie-
 niſſimos fuiſſe, quæ quarto ſeculo concepta, ſexto nata fuerit, ſe-
 ptimo

ptimo adoleverit. Post hæc sexta epistola de imaginibus disceptans, Marollium & Crassetum inducit, testes futuros, quantum Gallia in earum cultu nunc excedat; quo loco in sanienti alleclat multis modis invehitur, eosque reliquis Pontificiis meliores non esse, confidenter pronunciat. Septima vero & octava epistola, quantum Gallia Christiana vetus ab idololatria ista abhorrue-rit, adductis Irenæi, Sereni Massiliensis, Conciliorum Francofurtensis & Parisiensis, Agobardi & Jonæ Aurelianensis, exemplis evincit, ipsaque Caroli M. Capitularia contra Maimburgium aliosque vindicat.

Ad aliud caput progreditur epistola nona, decima & undecima, de Eucharistia nimirum moniturus, quam insigniter circa eandem Ecclesia Gallicana variaverit, quæ ad seculum usque undecimum transubstantiationis dogma repudiaverit, S. cœnam sacrificium quidem, sed precuni & symbolorum, non corporis & sanguinis Christi vocaverit, adorationem vero & circumgestationem ejus tardissime receperit. Quo loco ipsius Paschasii confessione probatur, inventam ab illo transubstantiationem novum dogma & priscis inauditum fuisse; neque ante seculum decimum quintum communionem, quam sub una vocant, ab universa Gallia approbatam.

Deinceps de potestate Papæ disserit, quam ad seculum usque quintum Gallis omnino ignotam fuisse, ostendit, adeo ut Leoni-rodia quædam dominatus sui fundamenta posituro, & Valentini-ani Imp. lege adjuto, Hilarius Arelatensis mascule se opposue-rit. Octavo autem seculo, Pipino adblandiente, nonnihil potestatis in Gallos Pontifici concessum, sed sequentibus sæculis ferme abolitum, usque dum undecimo seculo Galliam sibi Romanus Præsul subjecerit, adductis ex omni Historia testimoniis demonstrat. Sed decimo tertio ac quarto sæculis, adspirasse Gallos ad libertatem, sæpeque omnem Papæ obedientiam denegasse, observat: tandemque, quæ nostra memoria contra eundem in Galliis acta, & quam brevi post tempore immutata sint, adductis undique idoneis domesticisque testimoniis, commemorat. Et hæc quidem epistolis duodecima & decima tertia agit.

Non

Non defunt opusculo alia scitu digna, inter quæ referre possis, quæ de feriis, in B. Mariæ honorem institutis, p. 42. sequi, narrantur. Inter quæ feria Conceptionis seculo duodecimo Gallis innotuisse; feria Nativitatis Mariæ, quam Mabillonius septimo seculo ortam judicat, duodecimo pariter in Gallis demum recepta; feria Præsentationis ejusdem A. 1372 instituta; feria denique Assumptionis seculo nono Gallorum moribus recepta legitur.

AMOR DIVINUS ADUMBRATUS IN D. N. JESU CHRISTO. Elegiarum Libri IV. Auctore R. P. GUILIELMO Vander HAGEN, Societatis Jesu.

Antverpiæ, apud Viduam H. Thieullier, 1703. 8.

plag. 1c $\frac{1}{2}$.

Elegantissimi libelli Auctor Clarissimus indignatus, Elegiam, natum anioribus carmen, traduci passim ad libidines & spurcitas decantandas, cum & ipse musinari quid in isto poëseos genere constituisset, Amores quidem retinuit, sed a sordibus perpurgatos, sed castos & innocuos, imo sacros & divinos. Nimirum ipse humani generis assertor Christus, cujus vita, quot fluxit momentis, tot arsit luxitque igniculis vehementissimæ in nos caritatis, *Amor* illi est, sub quo schemate Servatoris universam Historiam nitidissimis, & tum ingenii acumen, tum pietatem nusquam non spirantibus elegis, ita composuit, ut libro I Amorem hominem factum, II Amorem thaumaturgum, III Amorem patientem, IV Amorem triumphantem repræsentet. Non diffitetur verò in præfatione, facem sibi quoad hanc inventionem prætulisse gravissimos Ascetas, æque inprimis S. Ignatium Martyrem, cujus scitum illud, *Amor meus crucifixus est*, de Christo patiente celebretur. Quo ipso Auctor noster palam dissentit a P. *Laurentio Cozza*. Hic enim in Vindiciis Areopagiticis, ut supra in recensione hujus operis, pag. 404 sub finem innuimus, contendit, Ignatium isto dicto non de Christo loqui, sed de suamet concupiscentia & amore terrestri, quem in se crucifixum, i. e. mortuum & extinctum esse, ita ut nunc non aliud quam Deum amet, verbis illis indicare voluerit: cum contra Noster Ignatium per *Amorem crucifixum*, Christum Servatorem ipsum intellexisse, tanquam rem indubitata præsupponat.

Pag. 361 lin. 28 post *cerebrationem* inseratur *subsidiam*, *crasporum* & *gangrana affellam*.

* * * * *

ACTA ERUDITORUM,

publicata Lipsia

Calendis Octobris, Anno M DCC III.

DE VITA ET REBUS GESTIS CHRISTOPHORI
BERNHARDI, Episcopi & Principis Monasteriensis, Deca-
dis a JOHANNE AB ALPEN, Ecclesiarum Metropolitana
Coloniensis Archidiacono Majore, Archidiaconalis Santensis Prae-
posito, insignis Collegiata D. Martini Monasteriensis Decano,
Christophori Bernhardi Consiliario intimiore, Vi-
cario Generali & Sigillifero, conscripta, Pars I.

Coesfeldiz, typis Andr. Herm. Wemmeiori,
Anno 1694. 8.

... Pars secunda.

Monasterii Westphaliae, typis Racsfeldicis,
Anno 1703. 8.

Constant Alph. 4. pl. 9.

Chrisrophorus Bernardus de Galen, Episcopus Mona-
steriensis, si quisquam alius Episcoporum Germaniae,
dignus erat, cujus res gestas probi scriptores ad po-
steros propagarent. Quamobrem magis debentur
gratiae Illustrissimo Alpenio, quo nemo forsitan alius ad componen-
dam tanti Principis Vitam aptior futurus erat, quippe qui gravissi-
mis quae describenda obveniunt, negotiis ipse ut plurimum, & ma-
gna cum auctoritate interfuit, quod laborem hunc aggressus fuerit,
tandemque post annos non paucos illi impensos, exantlarit.
Quanquam enim mox ab obitu Episcopi, libellus lingua Belgica
prodiit in Belgio, vitam ejus complexus, & in varias postea lin-

guas translatus, eum tamen plurimis & erroribus & calumniis esse refertissimum, in præfatione luculenter ostendit Noster, eoque non male literas, quibus celari Auctor nomen suum voluit, *S. S. V.* interpretatum non geminem censet, *Sycophanta de Ultrajecto*. Quantum autem passim ex hoc opere intelligitur, Vicariatu generali aliisque muneribus, sub hoc ipso Episcopo, supra viginti annos functus est Auctor, præsertim vero, Episcopo A. 1664 in Hungariam profecto, diocesani Vicaria potestate rexit, & ejusdem nomine Neomagus pacis conciliandæ gratia legatus fuit A. 1678. Nos ut Operis hujus rationem paucissimis exponamus, prætermittam exterarum rerum, quæ fructuose passim interferitur, historia, ea tantum, quæ ipsum Christophorum Bernardum propius concernunt, obiter delibabimus.

Lib. I.

Mortuo A. 1650 Electore Colonienſi eodemque Monasterienſi Episcopo Ferdinando, nemo Episcopatum Monasteriensem præſentabat sollicitius, quam ejus Capituli Decanus, Bernardus Mallingerotius, rarissimæ vir doctrinæ, & memoriz tam felicitis, ut libros integros, si periissent, restituere posse crederetur; maximam quippe noctis partem, post quotidiana convivia, in seram plerumque vesperam protrahere, litteris impendens. At quod Manliana ejus imperia formidarent, plerique Canonicorum, in Christophorum Bernardum de Galen magis proclives, eum Episcopum designabant, frustra primum moras neſcente & postea provocante ad Pontificem Decano, qui vitio electum inde arguebat, quod pridie electionis Capitulares, se uno excluso congregati, in ejus jam tum electionem conspirassent. Hunc ne quis, cum auctore libelli supra memorati, pauperem scholarem fuisse existimet, præclaræ Galeniorum stirpem Noster describit, patremque Christophori Bernardi Theodoricum, Curlandiæ ac Semigalliæ Archimarescallum, Dynastam in Lutzen, Curtzen, Bisping & Roemberg, virum doctum juxta ac prudentem, nec bello inglorium fuisse docet. Re ad Pontificem & Cæsarem delata, uterque probavit electionem Christophori Bernardi A. 1651, cumque Mallingerotius nondum inquietum animum deponeret, exclusus primum a comitis est, jussique excubitores manibus pedibusque fores palatii pulsantem, & introitum postulanti respondere, nulli nunc eas patere publice quietis

quietis inimico: post A. 1652, a Commissariis Apostolicis pariter & Episcopo, Decanatus officio, donec resipisceret, motus est. Quo eodem anno Episcopi prudentia imprimis enituit, Bevergerna quippe Monasteriensis diocesanos arce, quam a Suecis transcriptam Belgæ hæcenus infederant, & nequicquam a Monasteriensibus repetitam Guilielmo III, Arausioensium Principi vix bimulo, in speciem tradiderant, pulcro stratagemate in potestatem accepta, & quiete postea retenta. Anno sequenti Ratisbonam ad Imperii comitia profectus Episcopus, facile Cæsarem sibi devinxit, & Mallingerotio ter ab Aula rejecto, neglecta hæcenus jura resuscitavit, atque Burggraviatus Strombergenensis nomine, suffragii & sessionis facultatem denuo obtinuit in Imperii comitiis. At Mallingerotius A. 1654 diligenter Monasterii captabat populi studia, adeoque multorum paulatim favorem sibi conciliabat, ut promulgata ejus ab Episcopo excommunicatione, diplomata passim lacera & fœde conspurcata cernerentur, connivente ipso, uti visum est, Magistratu. Interim Decano sacram ædem nihilo secius ingresso, fugere, ut Noster ait, Capitulares, cessare cantus, omitti horariz psallentium preces, abrumpi sacrificia, extinguere candelæ &c. Tandemque, ne toties turbare sacra posset, Prætoriani ad templi fores collocantur, qui ingressurum per vim arceant. Quin etiam postea domi suæ detinetur Mallingerotius; quod postquam cognitum est, tumultuatur plebs, & dilapsum forte Decanum, & a Nuntio Pontificio per idem tempus improvida facilitate ab excommunicatione solutum, læta excipit, atque in Jesuitas, quos credit Episcopo faventiores, libere debacchatur. Unde Princeps res novas non immerito metuens, cum Coloniensi & Trevirensi Electoribus, Principeque Neoburgico, fœdus init, eodem anno in tabulas relatum. Imo quo citius plebis ferociam compesceret, Monasterium urbem per prodicionem subjugare statuit A. 1655, militemque clam primo quodam mane adduxit, quo vix tamen comperito, adeo ad arma provolatum est, ut ne ipsæ quidem fœminæ pulsan-
 dis tympanis abstinerent, donec tandem cives Principi (qui detecto dolo explicatis signis urbem cinxerat) per Magistratum utcumque conciliarentur. Neque enim cessabant exinde odia; quandoquidem Monasterienses, cum frustra urbem inter immedias

Lib. II.

Lib. III.

diatas recipi a Cæsare A. 1656 postulassent, palam Hanseaticarum civitatum opem implorabant anno sequenti, a quibus ad Batavos dimissi, Leonem ab Aizema patronum invenere. Quamquam vero Mallingerotio ipso forte intercepto, & in Ottensteiniam arcem (ubi laute ab Episcopo habitus, A. 1664 vivere desiit,) deducta, rursus urbem, hortantibus Sociis obsidione cinctam, acriter oppugnaret Princeps A. 1657, adeo tamen animos obfirmaverant Monasterienses, ut illico glande trajiciendum, quisquis primus dedicationem hisceret, conjuratione facta statuerent, forminis iterum tympana haud raro pulsantibus, & *ad valla, ad valla*, conclamantibus. Itaque cum & opem haud obscure civitati pararent Belgæ, denuo, interventu quidem Nobilium, pax haud magis duraturis legibus coalescit. Certe parum firmam futuram, exinde facile constabat, quod & editus mox in favorem Principis libellus jussu Senatus concrematus, & vulgatus contra alius est titulo haud satis honorifico : *Vera descriptio Monasterii, antiquissima urbis Hanseaticæ, nec non metropolis Westphalorum, a vigesima Augusti ad vigesimam primam Octobris anni 1677, a Reverendissimo & Illustrissimo Monasteriensis Ecclesiæ Episcopo, aliquorum S. Rom. Imperii Electorum ac Principum auxilio, obseffa atque oppugnata.* Arctiorem quoque cum Belgis societatem expetebant Monasterienses, quod cum in fraudem Imperii fieri, Status Francofurti A. 1658 congregati cognovissent, factum inde, ut Capitulationis Leopoldinæ articulo nono, mediatæ civitates fœdera inire invitis dominis prohiberentur. Quod tametsi paulo post & sigillatim Monasteriensibus interdixerat Leopoldus Imperator, jure etiam praesidii Episcopo A. 1659 adjudicato, & submissis postea executoriis libus, attamen illi nequiequam moniti, Belgarum auxilia identidem sollicitabant. Ad eos enim tum temporis, præter Clutium, obligaverant Eitzenum, hominem, ut Noster loquitur, publico malo facundum, quique cum a Cæsaris apud Rempublicam ministro Friquetio ægre laturum Imperium cognovisset, si Belgarum opem circumspicerent Monasterienses, respondisse inter alia fertur : *Si in Hollandia audiri nequeant, tractaturos cum Sueciis, & sinec illi velint, malle se Turcæ, imo Damonis, quam Episcopi subesse imperio : religionem nil morari.* Cum verò & mandatum sine clausu-

Lib. IV.

clausula de revocandis e Belgio Legatis, & duplex, quam vocant, paritoria a Casare prodiisset, crescentibus indies simultatibus, Princeps tertio urbem obsidet A. 1660, quam nec liberare ausi sunt Belgæ, imprimis Amstelodamenses, quod sibi a Sociis Galeniæ, Cæsare, Galliæ item Angliæque Regibus, & Principibus Rhenanis timerent. Itaque cives, ineunte anno 1661, saniora consilia secuti, & vano rumore de Legato Gallico cum magna pecuniæ vi adventante perterriti, deditionem die 26 Martii faciunt, hac potissimum conditione, ut traditis Principi clavibus, præsidium ad ejus arbitrium recipiant alantque. Mirum autem visum est, in tota obsidione, quæ menses octo totidemque dies duravit, tormentis quidem oppidanorum bis millies dispolis, non nisi quinque milites fuisse prostratos, inter velitandum e primoribus tres, e gregariis equites peditesque viginti cecidisse, & per molestissimam licet hyemem, non ultra triginta viros morbis confectos periisse. Expugnata itaque urbi arcem per summam celeritatem Episcopus imposuit, eamque non quidem *perspicillum Monasteriense*, ut quidam ab Anonymo forte illo, cujus supra meminimus, seducti tradunt, sed *Pauli-Burgum* a D. Paulo, urbis illius & dioceseos tutelari, vocari voluit; qua demum perfecta, intravit urbem, erectis passim arcibus triumphalibus, hæc imprimis inscriptione conspicuis: *Chriſtophoro BernarDo AntIſtItI ſolEmnitIer oVanI*; inde novum creat Magistratum, & Tribuum potestatem adeo Principibus exosam tollit, unde nonnemo adscripserat ædibus tribunitiis: *Ne sVror VLtra CreptIdaM*. Postulatus postea A. 1662 Abbas Corbejenſis multa non sine laude ordinat, & confirmata anno sequenti cum Galliæ Rege & Principibus Rhenanis societate, quam & Palatinus Rheni, Hassiæ item Landgravius, Ducesque Brunsvicensis, & Dux Würtembergensis ampledebantur, Boreculoam, tot retro annis a Monasteriensibus quiete possessam, sed a Gelris A. 1616 præreptam, edito publice scripto reddi postulat. Tum eodem anno 1663 sententiam Cæsaris, pro Frisio-Lichtensteinio contra Frisio-Ritbergios latam executurus, castellum Dylerianum subita oppugnatione, non parum indignantibus Batavis, capit, & conventa postea summa Lichtensteinio præbita, dum eam recipiat, retinet. Consultabatur eo tempore Ratisbonæ de rejiciendis ex

Lib. V.

Hungaria Turcis, neque dignior repertus est, qui Imperii nomine armorum director esset, Galenio, qui de belli illius ratione tanta cum prudentia in iis Comitibus perorabat, ut orto postea novo bello Caesar, illustratis studiose actis Ratisbonensibus, eam orationem, investigari, & militiæ ducibus ceu exemplar aliquod proponi iusserit. Et suscepit quidem ille Hungaricam expeditionem A. 1664, mox tamen, facta cum Turcis pace, finitam. At Belgæ interea castellum Dylarianum obsident, & facile deditione capiunt, magnam præterea pecuniæ vim prætexto veteri jure exigentes, executionemque minati. Proinde ut adversus Belgas se muniret, primum de redintegrando Circulo Westphalico laborabat, cujus condirectorium eum ad Juliæ Principem spectaret, essentque eo tempore de his ditionibus inter Brandeburgicum & Neoburgicum lites, tandem instituto A. 1665 conventu, utrumque certis legibus adsevit condirectorem, eoque modo futuræ inter eos concordiæ fundamenta posuit. Et si vero neque Principes illos, neque Gallum ceterosve fœderatos, belli, ut optabat, adversus Belgas socios posset nancisci, attamen illud, consulto Capitulo, & pactus a Rege Angliæ in singulos menses nummos, denunciavit publice, causasque, allegavit, quod Frisios adversus Lichtensteinium tueri præsumpissent, & retenta Borculoa, occupatoque castello Dylariano, vim non semel intulissent Monasteriensibus. Inde copias, quæ magno numero confluerant, in Transilvaniam & Zutphaniam ducens, Borculoam aliasque civitates nullo negotio capit, partemque exercitus in Drenthiam quoque & agrum Groninganium immittebat: neque minori felicitate ineunte anno 1666 utitur, quam plurimis Belgarum cohortibus interceptis vel fugatis. Verum cum pacem inter hæc plerique suaderent, & Sociis pariter atque ære Anglico indies destitueretur Episcopus, instituuntur Cliviæ de pace tractatus, dumque Templius, Legatus Anglicus, Principem conatur ab eo consilio avocare, affertur de conclusa pace nuntius, fremente hoc magis Episcopo, quod & paulo post Sueci opem suam liberaliter offerrent, & indignæ nimis condiciones fuissent obtrusæ, nimirum, ut & Borculoa cum ceteris locis, abdicato prorsus jure superioritatis, ad Belgas rediret, & exercitus Principis, exceptis tribus millibus, dimitteretur. Exagitatus quoque passim fuit Episcopus.

piscopus, nec defuere, qui eum ideo, quod numerus *sexcentis sexaginta sex* ejus nomine, tam Latino *ChrlstophorVs BernarDVs GalenVs*, quam Germanico *ChrlstophorVs BernarDVs Von GsLen* contineretur, Antichristum esse calumniarentur. A. 1667 fœdus cum Rege Galliæ & Principibus Rhenanis renovat, eodemque anno, inter varias Capitularium altercationes, Coadjutorem nanciscitur Ferdinandum, Episcopum Paderbornensem, a Pontifice postea Clemente IX, frustra repugnante Electore Colonienfi, confirmatum. Exinde quo magis augeret suæ diocœcesis commoda, Embslandiæ jurisdictionem, quam hæcenus Ecclesiæ Osnabrugensis exercuerat, decem millibus Imperialium comparat A. 1668. Natæ quoque eodem anno Benthemenses turbæ. Nam Ernesto Guiljelmo Comite, Pontificia sacra, præsentè Monasteriensi, professò, uxor ejus ignobili familia oriunda, filios quatuor in Transilalaniam dimiserat, & marito minaciter nuntiaverat, redeunti ne quidem ostium Benthemii patens fore. At facile quidem urbem arcemque ingrediebatur Comes, Galenio imprimis cum parva manu comitante; mox imposito præsidio, quod Cæsari pariter & Comiti obnoxium foret, Monasterium conjugem evocabat, & comparentem sub libera custodia detinebat, eoque adigebat, ut Belgii Ordines ad liberorum restitutionem palam per litteras hortaretur. Clam tamen & alia epistola dehortatur, & ancillam mentita, Benthemium primo, mox Hagam Comitum cum lactante filiolo, qui solus hæcenus remanserat, se surripit. Neque defuere ejus patrocinio Ordines, datisque A. 1669 ad Comitum litteris postularunt, ut filios sibi ereptos minus ægre ferret, eosque ad annum usque ætatis decimum octavum, Protestantium sacris imbui pateretur, & uxori redennti adsciscendi Concionatoris arbitrium permitteret; quæ is postulata facile refutavit, admixtis Ovidianis versiculis :

Exigis ut nulli gemitus tormenta sequantur,
 Acceptoque gravi vulnere flere vetas?
 Ipse Perilleo Phalaris permittit in ære
 Edere mugitus, & bovis ore queri.

Cum

Tom. II.
 Lib. VI.

**Cum Priami lacrymis offensus non sit Achilles,
Tun' sletus inhibes durior hoste meos?**

Lib. VII.

Quæ dum cuncta recenset Noster, plura de Benthemensium Comitum familia interfert, nec omittit ea, quæ ante aliquot annos de successione mota sunt, ea fere ratione A. 1691 composita, ut Comitatus Benthemensis integer Arnaldo Mauritio, cæteris Comitibus Steinfurtenis Comitatus cum Dynastiis Alpen & Harkensvehrte cederet, & his insuper quotannis ex Comitatu Benthemensi numerarentur Imperiales mille. A. 1670 prope fuerat, ut bellum inter Episcopum Monasteriensem & Brunswicensis Ducem, qui Huxaria urbe per intestinas turbas potiti fuerant, bellum in crudeceret, quod mox tamen plurimum interventu sopitum est, urbe iterum a Brunswicensibus relicta. Sed & ipse enatas anno sequenti inter Urbem & Electorem Coloniensem lites diligenter composuit, extraneo milite a civibus dimisso, & imposito Circuli Westphalici præsidio. Tum inter Galliarum Regem & Coloniensem fit fœdus, cui accedit & mox Monasteriensis, bellumque in Belgas decernitur, quod sesquianno ante singulari quodam vaticinio sibi & Episcopo revelatum fuisse, suo loco Auctor noster refert. Hinc Anglis pariter ad societatem admissis, bellumque una cum Gallis A. 1672 denunciatis, Belgæ ab Episcopo, ut neutrarum maneret partium, magnopere desiderabant per Legatos. Verum quod eodem tempore atroces adversus Episcopum insidiæ detegerentur, quarum artifices iidem Legaticelebantur, Episcopus his atque causis irritatus, bellum & ipse palam Belgis denuntiat, tantoque plures colligit copias, quanto majorem (convenerat enim inter Socios, ut quæ quisque occupasset, ea retineret,) sperabat belli hujus fructum. Mox adscitis Gallicis & Colonienfibus copiis Grollam obsidet, & intra triduum deditione capit, frustra renitente eodemque capto prædialiorum præfecto Tongelio. Hinc diviso exercitu, pars Bredefordiam, alia Louburgum, Hardervicum item & Hattemum, tertia Daventriam opinione citius occupat. Quin & Daventriæ exemplo mox Zvolla, Campi alique urbes, nondum vim expertæ, propere se dödunt. Quæ cum tanta celeritate fierent, Rex Galliarum adeo prædi-

dicasse fertur Episcopi ingenium & potentiam, ut sibi ipsi eum formidini aliquando esse posse, non negaret. Quin & Rex amice cum Episcopo congressus, ita partitus est loca hæcenus occupata, ut Rhenoterca & Daventria ad Coloniensem, & quicquid post Grollan, Bredevordiam, Borculoam, in Transisalaniam, Frisia, Groningam, aut captum jam esset, aut deinceps capiendum, ad Monasteriensem perveniret, Hardervico tantum, Elburgo, Hattemo & Campis sibi reservatis. Postquam deinde Gallos & Colonienfes milites paulo insolentius grassantes abs se dimisisset, castellum Ommanum fœde desertum occupat, & Covordiam, urbem multorum opinione inexpugnabilem, injecto e mortariis, quæ *Diabolorum capita* Hollandis nuncupata sunt, perpetuo igne, septimo post coeptam obsidionem die, ad deditionem adigit. Id autem nec Noster satis excusat, quod nec præfidiarii omnes, quemadmodum quidem convenerat, libere fuerint dimissi, nec integræ omnibus relicta sarcinæ, quodque præfidiariorum reliquæ, quæ Harlingam deduci, quanquam non expressa via, debebant, per varias ambages circumducerentur. Interea alibi quoque Monasterienses copias, arce Dyleriana capta & diruta, Castellum Vetus & Novum in potestatem redigunt. Quare tot urbibus captis percussis Frisicæ Nobiles, Provinciarum Unioni renunciant, & se ac fortunas suas certis legibus tradunt Episcopo; qui tantis elatus successibus, Groningam ipsam, quanquam plerique dissuaderent, exercitum ducit, magnamque vim ignitorum globulorum immittit. Ast cum octava tantum parte obsideri urbs posset, & Brandenburgici Cæsareorumque nunciaretur adventus, civesque intrepidi ædium suarum conflagrationem spectarent, solvitur tandem obsidio, nonnulla Monasteriensium clade, quam multum tamen supra fidem extollunt scriptores alii, qui præterea Episcopi jussu ægros milites omnes, extra spem propinquæ curationes positos, glande trajectos, & laminam magicis characteribus signatam in urbem cum pyrobolo translata fuisse, impudenter asserunt. Facto inter hæc Belgarum cum Cæsare & Brandenburgico aliisque Principibus fœdere, Brandenburgicus primus, bello Monasteriensi denunciato, in Westphaliam descendit; & Covordiam præfectus Groningensis, Rabenhauptius, milite per fossas gelu concretas

Lib. VIII.

Lib. IX.

obscura nocte transmissio, recuperat. Hinc alia apparebat rerum facies A. 1673. Namq; Galli occupata a Cælaris Bonna, quamquam Brandenburgicum sibi ad tempus conciliassent, prima tamen oppida deserebant, pariterque significabant Monasterie, si, ut cum Batavis utcumque in gratiam rediret; se quidem suis rebus consulere oportere. Is itaque, quo religioni saltem prospiceret, hæc hactenus occupata Hispanis se traditurum pollicetur, cumque illi conditionem seu fœderi suo probrosam rejecissent, cum Batavis tandem A. 1674 Colonia pacificatur, & urbes ad unam omnes restituit, exercitu tamen viginti quinque millium, quot sub signis habebat, retento, & pactis seorsim cum Cæsare conditionibus paulo lautioribus. Jam bellum Brandenburgico intulerant Sueci, & arma vicissim adversus Suecos Batavi, Hispani Danique induerant, cum & Monasteriensis tum frequentibus Cæsaris monitis sollicitatus, tum sponte obsignaturus Imperio fidem, exercitum contra Suecos duxit vicinos. Postquam enim Hannoverano Principi persuasisset, ut exitis e tractu Bremensi copiis, neutrarum esset partium, ipse cum copiis Visurgim, falsis sub noctem Suecis, transit A. 1675, eodemque impetu Languetam, Burgum, Verdam, Rotenburgum, Ottersbergam capit, & dum Buxtehude imminet, fœdus cum Brunsvicensibus Ducibus pangit, unitisque viribus urbem opinione citius capit, cujus exemplum mox sequitur Bremæfurdæ. Arctiori deinde fœdere Hispanis Belgisque junctus Episcopus, quod ei perquam fuit honorificum, A. 1676 castellum Zvingerianum, capto præfecto & præfidiariis sine armis dimissis, neque multo post Stadenam ipsam deditione capit, tormentis inter Fœderatos divisa, unde ad Monasteriensem sexaginta quinque pervenere. Quin & pulsus hoc modo e Bremensi & Verdensi ditione Suecis, quicquid occupatum erat, dividitur inter Socios, ita quidem, ut Episcopus post Wildeshusam, totum Verdensẽ Ducatum, & in Ducatu Bremensi Burgum, Bremæfurdam, Ottersbergam, Tedinghusam & alia quædam obtineret; pars reliqua tripartito Zellensi, Hannoverano & Wolfenbutano Ducibus, renovato inter hos fœdere, cederet. Ex eo tempore auxiliares Hispanis Danisque copias submisit Monasteriensis, quarum hæc cum primis tum in Scania fortitudinis egregia documenta in rebus etiam creperis dedere, tum in Rugia insula occupan-

da utilissimam Daniæ Regi operam præstiterunt. Verum Batavi tandem bellorum pertæsi, Gandavo imprimis & Ipris a Gallis captis, unam optabant pacem, eoq; Legatos miserant Neomagum, quorum exemplum secutus etiam Monasteriensis, ne ab iis desertus duriores cogeretur conditiones amplecti, ut postea evenit, Legatum pariter eo misit libri hujus auctorem Alpenium. Itaque, postquam libro Lib. X. ultimo de dissidio inter Petrum Philippum Episcopum Bambergensem & Herbpopolitanum atque ejusdem Capitula Cathedralia enato, tum & de novo matrimonio Comitis Benthemensis, quantum e re, præfatus esset, de pacificatione Neomagensi pluribus agit. Quanquam enim, cum inter hæc in morbum incidisset Episcopus, Neomago confestim revocatus esset, quæ tamen huc spectant, pertexit, imprimisque ostendit, quanto opere laboratum a Sociis fuerit, ne seorsim Belgæ cum Gallis paciscerentur. Quod impediri tamen nequaquam potuit, quandoquidem Belgæ paci, graviter succensentibus Fœderatis, soli subscribunt A. 1673 die 10 Aug. Inde cum & Galli anno sequenti Nonis Februarii seorsim cum Cæsare, & post Hannoveræ cum Ducibus Luneburgicis, ac Lutetiæ cum Rege Daniæ & Electore Brandenburgico, certis legibus convenissent, tandem & Neomagi inter Episcopum Monasteriensem Ferdinandum (nam Christophorus Bernardus jam decesserat,) & Galliæ Sueciæque Reges, die 29 Martii, pax coalescit, iis conditionibus, ut redditus, quæ Antecessor occupaverat, locis cæteris, & Wildeshusæ præfecturam ceu pignus, centum mille Imperialibus a Suecis luendum, & quicquid belli tempore e tributis Verdensium & Bremensium collectum esset, cum apparatu bellico vere Regio, & militia instructissima retineret. Inter hæc A. 1678 die 19 Septembris e vivis excesserat Christophorus Bernardus de Galen, cujus itaque morbum ejusque incrementa, tum præparationem ad mortem, & placidam analysin, funeris item deductionem, luctum, testamentum salutaribus monitis conditum, ejusque executionem, operose describit Noster. Imprimis vero universum Principis characterem exprimit, & virtutes longo ordine recenset, pietatem scilicet religionisque zelum, prudentiam, facundiam, justitiam, elementiam, vigilantiam, temperantiam & castitatem imprimis singularem, fortitudinem, tolerantiam, munificentiam, comitatem, affectum

erga nobiles, milites, sacerdotes, eruditos; subjunctis aliorum elogiis, epitaphiis, additaque in fine oratione funebri Germanica a Nagelio Jesuita recitata.

Restat ad operis hujus commendationem, ut pacis & foederum formulas ipsas suis locis insertas esse memoremus, nec omissas etiam epistolas lectu digniores, quas inter merito primum locum occupant, quas Galliarum Rex ad Reginam de successibus Belgicis perscripserat. Neque est tacendum, Alpenium subinde familias illustriores, si occasio detur, recensere, atque adeo non minus jucunda, quam erudita multa passim inspergere. Sic L. VI p. 121 Baronum de Velen mentionem injiciens, ex insigni gentilitio tres aves rubearum representante arguit, familiam iis ab Heroibus procedere, qui & in auguria propenderint, & bonis avibus militarint: cumque scutum galea tegat coronata, quod certum nobilitatis a Carolo M. vel ex Italia vel ex Francia in Westphalam traductum signum sit, eam gentem a Velnio potius duce, qui Carolo M. militavit, quam Velede Bructerum nationis principe formam derivat. Dumque nec omittit Auctor ea, quae aliis in locis, praesertim in Germania, per idem tempus, quo vixit Christophorus Bernardus, gesta sunt, passim refert singularia, nec ubivis obvia. Quorsum spectant, quae de Electrice Brandenburgica, Friderici Wilhelmi conjugis, L. VIII. pag. 330, deque Leopoldo Caesare p. 365, nec non de Guilielmo Egone Fürstenbergio L. IX p. 501 habentur.

*JO. MICH. LANGII, THEOLOG. DOCT. ET PROF.
in Academia Altdorfina Ordinarii, ibidemque Verbi Divini Mini-
stri, de Genealogia Christi ex Patribus secundum carnem,
Dissertationes Theologicae.*

Norimbergae, apud Andream Ottonem, A. 1703. in 4.
Constat Alphab. 1.

Edidit ante annos aliquot Maxime Reverendus Langius Commentarium de *Genealogia nunquam finiendis & Fabulis Judaicis*, cui mox subjunxit Dissertationem de *Fabulis Muhammedicis circa Sacrosanctam Trinitatis mysterium & generationem indivinis*; unde tanquam argumentum admodum vicinum; nunc addendas censuit Vindicias verae Genealogiae Christi ex Patribus secundum

dum carnem ; præſertim cum ad hanc materiam expediendam & cum eura tractandam, occasione ſcrupulorum nonnullorum, a quodam Judæo docto, Novum Teſtamentum Syriacum literis Hebraicis impreſſum tractante, amico cuidam Chriſtiano motorum, invitatus fuiſſet. Et omne quidem negotium quatuor abſolvit diſſertationibus, quas inter *prima* præliminaris eſt, ac ſingulare articuli huius momentum vel ex eo probatum dat, quod Chriſtus Jeſus non poſſit haberi pro vero Meſſia, a Deo per Prophetas in Scripturis Veteris Teſtamenti promiſſo, niſi fuerit ſemen mulieris, ſemen Abraham, Judæ propago, Davidis filius; unde etiam vaticinium de ſemine mulieris, thema Bibliorum univerſorum nuncupat, ad quod ſub denominato a Davide Pſal. XL, 8, & Paulo Ebr. X, 7 *Libri capite* reſpectus habeatur. Ut igitur de Genealogia Chriſti cuius tanto conſtet accuratius, ſolicite in *ſecunda* diſſertatione removel ſcrupulos, qui circa diſſenſum inter Matthæum & Lucam, tabulam Chriſti Genealogicam texentes, moveri aſſolent, dum nempe intricatum videatur plurimis, quod Matthæus a Davide, per Salomonem Regem, uſque ad Joſephum, Virum Mariæ, matris Chriſti, pergat; Lucas autem e contrario a Davide per Nathanem, qui Salomonis frater germanus fuerit, uſque ad Heli, remoto quaſi Joſepho, tanquam putatitio patre, lineam Chriſti Genealogicam conſtruxerit. Non exiſtimamus tamen fore neceſſarium, ut ſpeciales ad ſingula dubia reſponſiones Autoris noſtri afferamus; quin potius id, quod rei caput eſſe nobis videtur, paucis indigitabimus. Diverſum nempe Evangeliſtæ utriuſque, uti in toto Evangelio, ſic etiam in tabula imprimis Chriſti Genealogica, ſcopum ſpecialeſ fuiſſe innuit. Matthæum namque ſuum Evangelium compoſuiſſe ſpecialiter in gratiam Judæorum, qui ex circumciſione crediderant; unde cum Judæi in Abrahamo, gentis ſuæ conditore, gloriari quam maxime conſueverint, Matthæum noluiſſe dicit tabulam Chriſti Genealogicam altius, quam ab Abrahamo, repetere; præſertim cum inſuper Judæi omnes Chriſtum habuerint pro filio Joſephi, ſi non naturali, ſaltem legali & ex Joſephi conſenſu, qui nunquam hunc Jeſum aliter, quam pro filio ſuo legitimo omniumque jurium filialium particeps habuerit. Alium vero ſcopum ſpecialeſ ſibi præfixiſſe Lucam aſſerit, quippe qui, tan-

quam Pauli in itinere comes, magis cum gentium hoc Apostolo ad genium gentium, quam ad mores & captum Judæorum respexerit. Hinc eundem non tam Judæis more receptam & legitimam, etiam per patrem nutritium deductam tabulam Genealogicam, quam Mattheus attulerat, repetiisse, quam potius eam modeste removisse ait, utpote in jure & consuetudinibus Judaicis magis, quam in vero & naturali ordine fundatam. Ideo voluisse ipsum transire a patre Christi putatio, ad Seminis mulieris lineam maternam, atque per Nathanem, Salomonis fratrem & Davidis filium, surgere ad Abrahamum, & ab hoc per Noachum & Sethum usque ad Adamum, cui ut filius mulieris, sine vero patre corporali, nascendus primus promissus fuerit; imo tandem, missa tota Genealogia Christi humana, placuisse eidem acquiescere in vero Christi patre, Deo optimo maximo. Atque isthoc certe pacto plurimis occurrere se autumat objectionibus, quæ alias in hoc negotio moventur, cum tantam utriusque tabulæ Genealogicæ statuat differentiam, ut ne duo quidem nomina, Salathiel & Zorobabelis, apud utrumque Evangelistam eosdem notare viros admittat. Fundamento autem hoc stabilito, ad speciales pergit discrepantias, quas beatus Michael Waltherum maxime secutus, recenset & conciliat. Mox in dissertatione *tertia* tabulas Christi apud Mattheum & Lucam Genealogicas, cum reliquis Scripturarum, maxime Veteris Testamenti, documentis Mesuræ Genealogicis, studiose componit, ac denique in *quarta* Virorum doctorum, veterum & recentiorum, potiores circa hanc materiam sententias producit, & modeste discutit. Mantissæ vero loco porismata quædam practica, quæ ex theoria Genealogiæ Christi fluunt, superaddit.

APOLOGIE DE LA MISSION DE S. MAUR.

i. e.

APOLOGIA ABLEGATIONIS S. MAURI, Apostoli Benedictinorum, in Galliam, auctore THEODORICO RUINARTO, Presbytero Benedictino Congreg. S. Mauri.

Parisiis,

Parisiis, apud Petrum de Bats, A. 1702, 8. plag. 12.

Multum hodie negotii Præfulibus Gallis facessunt Breviaria, quæ vocant, barbaris conscriptis seculis, usuque confirmata, iis tamen scitentia erroribus, quos nostra ætas in tanta Historiarum luce patienter ferre non potest. Quare corrigendis iisdem multum laboris industriaque impendi solet, idque maximam partem inter contradicentium receptas concertationes, quibus efficitur, ut quæ hodie emendata sunt, eras in pristinum locum redeant. Dedit operam emendando Parisiensi Breviario Franc. Harlaeus Archiepiscopus, corrigente plura ejus successore De Noailles. Sub utriusque auspiciis actum est de S. Mauro, quem vulgo Benedicti discipulum primicerium, atque ab eodem in Gallias missum, exstructo cœnobio Glannafoliensi, Regulam Benedicti inter Gallos disseminasse ferunt. Hujus res gestæ doctioribus nonnullis suspectæ videbantur, aliis tamen contradicentibus, qui id tandem obtinuerunt, ut in citato Breviario Mauri memoria retineretur, adjecta tamen clausula, traditionem de illo satis vetustam esse. Non tulere hanc noxam Benedictini Monachi, Mauro suo defendendo omnem moventis lapidem, inter quos doctissimus nobisque sæpenumero cœaudatus Vir, Theodoricus Ruinartus, scripto officium suum egit. Is principio extitisse Maurum, gente Italum, disciplinæ Benedictinæ, miraculis celebrem, Gregorii M. potissimum testimonio probat. Posthæc allatis Adrevaldi, Amalarii aliorumque attestationibus propugnat, seculo IX. inter Gallos extitisse traditionem, de Mauro Abbate Glannafoliensis, cujus ea ætate corpus in monasterium Fossatense ad Lutetiam translatum sit, creditumque fuisse, quod Benedictus eundem in Galliam miserit: id vero sequentibus seculis etiam pro vero habitum, imo Pontificum Regumque diplomatis confirmatum esse. His positis concludit Ruinartus, a morte Mauri ad seculum usque IX. idem fuisse creditum, cum Mauri istius, quem inter Sanctos antiquissimæ Litaniæ commemorant, nullibi; quam apud Gallos, memoria ac reliquiæ supersint: speciatim vero, Maurum a Benedicto in Gallias missum evincit, adducto hymno Breviarii cujusdam Cassinensis, & Glannafoliensis cœnobii cum Cassinensi, unde omnes Benedictini prodierint, vetusta unione, nec

non regulæ Benedictinæ inter Gallos propagatione, in illud ipsum tempus, quo Maurus vixisse dicitur, incidente, denique antiquo codice regulæ Benedictinæ, & inscriptione Castrensi. Atque hæc quatuor prioribus capitibus edisserit. Posthæc de Vita S. Mauri, quæ Fausto ejus sodali adscribitur, ac nono seculo ab Odone, Abbate Fossatensi edita creditur, multis capite quinto & sexto disceptat. Hujus auctoritatem vindicat his rationibus: quod genium seculi sexti accurate exprimat; quod epistola Odonis eidem præfixa, cum Historia Translationis S. Mauri, quæ omnium consensu ab Odone scripta sit, ipsa scribendi ratione pulchre conveniat; quod Adrevaldus in libro de Miraculis S. Benedicti ex Vita ista quædam petierit. Tribus postremis capitibus tres adversarios Rivartus aggreditur, & primo quidem auctorem Commentarii hujus ante annos quosdam contra Benedictinos editi (*du Mémoire*.) Hic vitam Mauri ante A. C. 869 non scriptam docuerat: Odonem ejus editorem Glannasoliensem se Abbatem nominare, cum auctor Historiæ Translationis Fossatensis fuerit; Maurumque ipsum passim Levitam, nullibi, nec ab Ursuardo quidem, Beda, aut Gregorio Turonensi, Benedicti discipulum ante seculum IX appellari, objecerat. Respondet Noster, Glannasoliense cenobium Fossatensi tum fuisse subjectum, Odonemque adeo utriusque appellatione usum: Maurum etiam post seculum IX raro Benedicti discipulum appellari, quippe cum, re satis nota, nec alio Mauro Monacho inter Sanctos occurrente, discretionis hæc necessaria non fuerit. Fatetur tamen, vitam Mauri, a Mabillonio nuper denuo editam, vitiis scatere plurimis: Indictioni X A. C. 863 tribuere, quod ad XII pertinet; in enarrando tempore obitus Benedicti cespitare; pro Innocentio Episcopo Cenomanensi Bertrichamnum nominare, qui recentior omnino sit. Inde Basnagium aggreditur, qui in Historia Ecclesiastica, Maurum unquam vixisse, negaverat, ac præter argumenta auctoris superioris, istud etiam lectori inculcaverat, adventum Mauri ex Italia in Galliam, quocunque nos veramus, contradictionem aliquam Chronologicam inferre. Ad quod Noster Syrtis istas non dissimulans, respondet, eas ab intricata Episcoporum Cenomanensium, cum quibus Mauro primum in Galliis negotium erat, Chronologia ori-

Op-

Oppugnaverat quoque Baſnagius Vitam Mauri, commemorato uno aut altero, quod in eadem abſurde dictum exiſtimat, quale inter alia eſt, quod Benedictus Mauro *reliquias S. Michaëlis Archangeli ex pallio rubro ſanctæ ejus memoria miſerit*. Ruinarum non deeſt, quod reſpondeat; memoriam nempe ſtylo iſtorum temporū denotare ædiculam vel aram memoriæ cauſa exſtructam, pallium vero pannos, quibus parietes ædiculæ aut ara obtegebatur; tales enim reliquias, imo pulverem ab aris verrendo ablatum, oleum e lucernis ſacris ereptum, magni eo ſeculo habita fuiſſe. Ultimus labor Bailletum manet, qui in Vitis Sanctorum duos exiſtiſſe Mauros, alterum Italum, in patria mortuum, alterum Glanſoliensis in Andegavis monaſterii auctorem, quos noni ſeculi ſcriptores commiſcuerint; confidenter pronunciavit. Hunc eo præſertim argumento Ruinarum ſtringit, quod nullæ penes Italos Mauri reliquiæ, nulla mortis ejus veſtigia ſuperſint.

Appendicis loco de S. Placido diſſeritur, quem Mauri ſocium fuiſſe, atque apud Meſſanenſes martyrem factum ferunt. Hujus res, cum in ſuſpicionem ſuppoſitionis a quibusdam, præſertim a Baſnagio, hodie adducantur, Ruinarum ſtabilire voluit, fatendo quidem, Acta ejus, quæ circumferuntur, eſſe adulterina & fabulis reſerta, ablegationem vero ejus in Siciliam ac martyrium ex Gregorii M. teſtimonio ac aliunde ſatis conſtare. Quo pacto Placidi fratrumque & ſodalium ejus corpora ſubter templum S. Johannis Meſſanenſe A. 1591 inventa ſint, prolixius quoque deſcribit, omnemque rem iſtam contra obtrectatores vindicat; qua de hiſtoria ſingularis Philippi Gothi Equitis liber exſtat.

Non deſunt opusculo huic flores, quos colligamus. Phraſin *Sanctæ Regula* penes mediæ ævi ſcriptores Regulam Benedicti indicare, p. 33 docetur. Adrevaldi ſcriptoris ſec. IX ætas ad Ludovicum Pium idoneis argumentis reſertur, ac contra eos, quibus recentior viſus eſt, p. 52 ſeqq. vindicatur. Auſtraſiæ Reges κατ' ἐξοχήν Reges Franciæ dictos eſſe, contra quosdam p. 80. probatur. Regulas, quibus ſcripta veterum genuina, etſi turpiſſime interpolata, dignoſci poſſint, Auctor p. 97 ſequentes, pro ea, qua in talibus pollet, ſolertia ſuppeditat: 1. Monumento tali non deſit genius antiquitatis; 2. adſint teſtimonia

factæ interpolationis; 3. interpolationes cum seculo falsarii convenient; 4. eadem nervum totius scripti non ingrediantur. De partitionibus regni Francorum multa differuntur p. 107 seqq. tandemque res eo redit, ipso Valeſio fatente, terminos earundem inexplicabiles esse.

ERRATA DE L' HISTOIRE DES CONGREGATIONS de Auxiliis &c.

i. e.

ERRATA HISTORIÆ CONGREGATIONUM DE AUXILIIS.

Leodii, apud G. H. Streeck, 1702. 8. Alph. 1. pl. 3.

ORiginera atque progressum certaminum, occasione Historiæ Congregationum de Auxiliis, ab Augustino Le Blanc, h. e. P. Sery editæ, inter auctorem & Societatis Jesu Theologum P. Germant exortarum, jam enarravimus, cum Historiam Congregationum de Auxiliis, assertam contra auctorem Quæſtionum momentum trahentium, mense Martio hujus anni pag. 118 recenseremus. Auctor vero libri, *Quæſtions importantes* &c. quem P. Germant esse diximus, quique Jesuitarum causam agit, nondum conquiescit, imo nunc demum caput causæ aggredi videtur. Etenim, cum adversarius ejus fidenter asseruisset, in Responsione ad Quæſtiones momentum trahentes (*Response aux Quæſtions importantes*) neminima quidem in re erroris aut falsi se convinci potuisse, suarum partium esse duxit, exemplis, ut putat, evidentissimis, quod res aliter se habeat, demonstrare. Errata autem dum adversario suo, vel in ipsa libri fronte exprobat, non alia se intelligere profitetur, quam quibus contra fidem historicam, contra religionem & reverentiam, quam primi in Ecclesia ordinis viris debebat, peccaverit. Levia lubentem se prætermittere, notare solum, quæ momentum trahant, & quidem vel solum primum librum uberrimam horum segetem sibi suppeditasse, quibus & quæ in reliquis libris deprehenderit, addere paratus sit. Ut vero destinata ordine exequatur, initio quidem facta, in quibus adversarius redarguendus, ex libro primo Historiæ Congregationum in compendium mittit, eorumque summam cæcis propositionibus comprehensam oculis subjicit, tum vero ordine singulas propositiones denuo exhibet, simulque, quam a vero in iis aberraverit adversarius, demonstrare annititur.

Pau-

Paucorum forte interest, omnia, super quibus concertatur, capita accurate nosse: at quædam forte cognoscere nonnulli gestient, ut speciminis instar sint, ex quibus de reliquis statu-
ant. Horum ergo ut faciamus satis desiderio, pauca deliba-
bimus. Prima, quam Auctor adversario suo tribuit, assertio hæc est: Jam ipsa Ignatii Lojola ætate, Lainium, Salmeronem, ac Jayum, primos Ignatii socios, ad nova dogmata proclives val-
de fuisse, atque obliquas ad oppugnandos hæreticos inhiisse vias, ut Ignatii quoque auctoritate ac admonitione coerceri eos at-
que retrahi, necesse fuerit. Hoc ipsum vero, quod isti Societa-
tis Jesu Patres, Lainius, Salmero ac Jayus, ad nova dogmata pro-
clives fuerint, est, quod Noster negat, qui & de istorum in Eccle-
siam meritis quædam præmittit. Cuncta autem redeunt ad tes-
timonium Orlandini, qui in suæ Societatis historia refert, Igna-
tium hosce suos Socios Tridenti, ut Concilio interessent, com-
morantes, adhortatum fuisse, ne illorum Præfulum exemplum
imitarentur, qui nova quandoque proponebant dogmata, & hæ-
reticis, ut vocat, aliquid concedebant, ut eo facilius ad Ecclesiam
eos reducerent. Ex eo vero, quod Ignatius suos admonuerit,
ne nova dogmata sequerentur, colligi, istos novorum dogma-
tum fuisse suspectos, id vero quovis modo inficiatur Noster.
Altera, quam ex mente adversarii sui ponit, assertio hæc est: So-
cietatis Jesu Ordine initiatos, statim post mortem Ignatii, pro-
prias sequi cœpisse sententias, imo communi velut consilio de-
liberataque sententia, repagulum & obicem novæ doctrinæ re-
movisse, abrogando legem, quæ Thomisticæ doctrinæ eos ad-
stringebat, & *accommodatiorem Theologiam* in Ecclesiam intro-
ducendo. Hoc nimirum ut probaret Augustinus Le Blanc, provo-
caverat ad decretum Ordinis A. 1558 factum, cum Didacus Lai-
nius ad supremam Societatis præfecturam eveheretur: *in Theo-
logia legeatur vetus & novum Testamentum, & doctrina schola-
stica D. Thomæ. Prælegeatur etiam Magister sententiarum. Sed
si videretur temporis decursu alius autor studentibus utilior fu-
turus, ut si aliqua summa vel liber Theologia scholastica confice-
retur, qui his nostris temporibus accommodatior videretur, gravi
cum consilio & rebus diligenter expensis, per viros, qui in uni-*

versa Societate aptissimi existimentur, cumque Propositi generalis approbatione, praelegi poterit. Quæ ad hæc Autor respondet, huc redeunt: vel ipso eventu refelli accusatorem, cum novum Theologiæ systema non confecerint Societatis Jesu Patres, sed Thomam adhuc & Magistrum sententiarum duces sequantur. Secum vero istius decreti non hunc esse, quem vellet Le Blanc, ac si Theologiæ systema a doctrina Thomæ diversum confici velint, sed quod doctrina Thomæ semper fundamenti loco posita, systema tantum ad seculi nostri controversias accommodatius confici queat. Ostendit præterea, quam aperte Augustinus Le Blanc secum pugnet. Alibi namque eum docere, antiquos Societatis Jesu Theologos doctrinæ Augustino-Thomisticæ præfatis additis-
simos; cum tamen hic contendat, eos velut inita conspiratione, novis dogmatibus viam munivisse. Sed pergit Le Blanc, auctor-
que est, fundamenta quidem novi Theologiæ systematis, perscrutentiam mediam jacta, eadem tamen occultata esse, donec Prudentius de Monte-major illa in Academia Salmanticensi primus proderet, atque in lucem proferret. Hinc & eundem Prudentium de Monte-major, *primum Molinismi velitem* adpellat. At cum Molinismi nomine nihil aliud intelligere possit, quam sententiam illorum, qui prædeterminationem physicam, & gratiam per se efficacem rejiciunt, & scientiam mediam admittunt, jam ante Prudentium, in eadem Societate Jesuitarum, idem docuisse Fonssecam, Molinam, Henricum Henriquez aliosque, imo antiquos Scholasticos, ipsumque Augustinum, contendit. Ut adeo magnopere erret, Prudentium de Monte-major pro primo hujus sententiæ auctore venditando, nec cum suarum partium hominibus satis conveniat, quorum alius ad Simonem Magum, alius omnino ad Luciferum ipsum, naturæ suæ viribus cuncta tribuentem, istius opinionis natales retulerit. At neutiquam (ita pergit Le Blanc) ex voto Jesuitis primus iste conatus successit, cum Academia Salmanticensis hanc Prudentii de Monte-major doctrinam, ceu temerariam & erroneam, rejecerit. Provocatque, ut hoc probet, ad libellum manuscriptum: *Apologie des Freres Precheurs, &c.* Negat factum Auctor, & provocat ad alium librum manuscriptum: *Histoire des Colleges de la Pro-*
vin-

vince de Castille de la Compagnie de Jesus. Equidem fatetur, Historiæ hujus auctorem esse Jesuitam, sed contra & testes, ad quos Le Blanc provocaverat, esse Dominicanos. Auctores Apologiæ istius esse viros probos & honestos, contendit Le Blanc: sed nec hac in re se inferiorem esse autumat Auctor, cum P. Valdivia Historiam istam scripserit, qui non tantum ea atteste vixerit, sed & teste Nierembergio, qui vitam ejus litteris consignaverit, vir probitatis haud vulgaris fuerit. Hactenus paria utrinque militant argumenta. Sed cum novis rationibus suam defendere causam Auctor possit, quibus Le Blanc destituatur, eam omnino evadere superiorem, sibi persuadet. Nimirum, si ab Academia Salmanticensi hæc doctrina, ceu nova, temeraria & erronea rejecta fuisset, haud dubie ab Officio Inquisitionis prohibitum fuisse Jesuitis, ne in posterum simile quid docerent. Hoc autem cum factum non sit, damnatam hanc doctrinam ab Academia, negat. Reliquas rationes, quæ ejusdem commatis sunt, brevitate studio prætermittimus. Hinc ad Claudium Aquavivam devolvitur disputatio, cui nihil prius, nihil antiquius fuisse, quam infirmare, imo abrogare penitus legem, qua Jesuitæ ad sequendam Thomæ doctrinam obstringebantur, asserit Le Blanc. Hoc vero est, quod Auctor noster, qui Claudium potius Aquavivam id operam dedisse autumat, ut in lex quam accuratissime observaretur. Namque inter regulas, ab eodem Theologiæ Professoribus præscriptas, hanc quoque fuisse: *Sequantur nostri omnino in Scholastica Theologia doctrinam S. Thomæ, cumque ut doctorem proprium habeant, ponantque in eo omnem operam, ut auditores erga illum quam optime afficiantur.* Sed & alia, quibus idem evincat, assert, simulque affirmare non dubitat, Thomam Jesuitis maxime suam, quam apud omnes Romanæ Ecclesiæ addictos obtinet, debere auctoritatem. Antequam Jesuitæ docendi munus susciperent, vix tres aut quatuor extitisse ex Dominicanorum ordine, qui in Summam Doctores Angelici commentarios scripserint: aut Jesuitis exemplum præeuntibus, & velut signum tollentibus, certatim in Germaniæ, Galliæ, Hispaniæ & Italiæ Academiis, commentariis & interpretationibus illustrari cœpisse Thomam. Interim non deesse fatetur, quæ si-

bi objici possint, quæ ad duo revocat capita : quorum alterum est, quod Claudius Aquaviva sanxerit, non sine delectu & examine quodam, Thomæ opiniones esse sequendas; alterum, quod connivente & permittente Claudio Aquaviva, aliter Thomam interpretati sint Jesuitæ, quam eo tempore interpretabantur Dominicani. Ast ad prius respondet, nec Dominicanos Thomæ vestigiis tam accurate insistere, ut putarint, nunquam sibi fas esse ab iis desiliendi : ad posterius, hoc inde provenisse, quod ejus ætatis Dominicani a sententia & decretis antecessorum suorum discesserint. Utrumque prolatis in medium testimoniis comprobatur.

Sed ne tædium Lectori creemus, prolixè nimis cuncta enarrando, reliqua, de quibus disceptatur, summatim indicabimus. In controversiam nempe venit, an illi ex Jesuitarum ordine, qui A. 1586 scriptum concinnarunt, cui titulus, *Ratio atque institutio studiorum*, nomine totius Societatis, pro doctrina, Thomæ agnoverint, quam deinceps aliis rationibus inducti, Thomæ esse negarint? An Jesuitarum libertas in judicando de doctrina, displicuerit Philippo II Hispaniæ Regi, ut librum de Ratione studiorum regni sui Inquisitoribus tradiderit, qui eundem condemnaverint? Numve idem Rex statum V Pontificem induxerit, ut Jesuitas libri istius interdiceret? An Lessius & Hamelius, cognita Jesuitarum Generalis sententia, in Academia Lovaniensi A. 1585 palam docere inceperint, quæ hæcenus pro arcanis habitæ fuerant? An doctrina Lessii & Hamelii ab Academia Lovaniensi & Duacensi fuerit condemnata, accedente etiam tribunalis Inquisitionis comprobatione, & an istud tam evidens sit, ut vir honestus ea de re dubitare nequeat? An Cardinalis Quiroga, Archi-Episcopus Toletanus & Magnus Hispaniæ Inquisitor, propositiones plerasque Molinæ libro insertas damnaverit? idque an ipse fateatur Molina? An hac censura permotus Molina, Castiliæ regno excesserit, ut alibi errores suos disseminaret? An sub protectione Alberti Archi-Ducis Austriaci, Magni in Portugallia Inquisitoris, qui Societati Jesu prorsus addictus fuerit, Molina in Portugallia facultatem librum suum de Concor-
diæ edendi nactus sit? An idem Albertus, insuper habitis Do-

mi.

minicanorum querelis, librum istum, quem ut ederetur & sibi inscriberetur concesserat, edi permiserit? An Molina Magnum Hispaniæ Inquisitorem, ob censuram ejus spretam, jure sibi iratum metuens, a supromis Castiliæ & Arragoniæ Senatibus, facultatem vendendi librum suum petierit? An eam obtinuerit, & quidem tantum sub approbatione Bartholomæi Ferreiræ in Portugallia illi data, qui forte librum sibi non lectum approbaverit? An citra controversiam finis Molinæ fuerit, novam introducere de gratia Dei Theologiam, conculcatis Augustino ceterisque Pelagianæ impietatis oppugnatoribus? An Vasquez, Fonseca, Graciano, Herice, Tiphanius agnoverint, Molinianam doctrinam de scientia media plane novam esse, quæ antea nemini Theologorum, ne per somnium quidem, in mentem venerit? An Baroni, per Molinianam doctrinam Semipelagianismum resuscitari, judicaverit? idque præcunte Caspare Contareno Cardinali? An velut conspiratione inita, eodem tempore, quo Molinæ Concordia prodit, Jesuitæ ad resuscitandos Semipelagianorum errores, Romæ recudi fecerint Cassiani opera, & quidem cum notis Stephani Tuccii, qui unus ex illis fuit, qui librum de *Ratione studiorum* concinnarunt? An Tuccius in notis defendere Cassianum aggrediatur, ejusque verba in alienum detorqueat sensum, hausto ex Molinæ Concordia interpretandi modo, ex quo sua deprompserint, qui apologias pro Cassiano, Faustio, Gennadio, scripserunt? An Molinæ discipuli Augustinum plaustrum conviciorum oneraverint? An Bellarminus omnes ingenii vires, ad impugnandam Molinæ doctrinam, de gratiæ efficacia ex liberi arbitrii cooperatione &c. intenderit? Quo jure dicatur, Bellarminum a Jesuitis pro tali haberi, qui in numerum Sanctorum debeat referri, quanquam omnes, quibus ἀποθώσις dijudicatio demandata erat, unico Dominicano excepto, pronunciaverint, de ejus virtutibus rem nondum exploratam esse? An libri Bellarmini per Jesuitas Germanos castrati sint atque corrupti? Bened. Porerius, Henricus Henriquez, Jo. Mariana, an Molinæ se opposuerint? An recte Franciscus Macedo Molinæ adversariis Gabrielem Vasquezium annumeret? & an hujus interpolatæ sint disputationes? An Jesuitæ Romani eo tempore, quo Molina librum suum edidit, & postea etiam

iam

iam adhuc A. 1674, Thomæ & Augustini doctrinam contra Molinæ defenderint? An A. 1594 Societas Jesu causam Molinæ defendendam suscepit? An Jesuitæ Vallisoletani Molinæ causam defendere instituerint in disputatione d. 4 Martii 1594, præside P. Antonio de Padilla, & respondente Hieronymo Nugnesio, habita? An tum Jesuitæ Didaci Nunni, Didaci Alvaresii, & Hieronymi Vallesii opponentium argumentis non satisfecerint? An Jesuitæ disputationem Nugni, post duos menses illis oppositam, frustra impedire conati sint, Inquisitoribus Dominicanorum studium, in refellenda Jesuitarum doctrina, comprobantibus? An Antonius de Padilla contra Dominicanos disputans, rationibus adversarii sui permotus, falsus sit doctrinam Molinæ esse erroneam? An eodem die ipsimet Jesuitæ Molinæ librum, ut hæreseos suspectum, Inquisitionis Officio obtulerint, hoc saltem petentes, ne Dominicanorum censuræ submitteretur? Rea duobus Dominicanis edito scripto divulgata, an Jesuitæ aliam relationem, in qua veritatem mirifice supplerint, in lucem emiserint? An doctrina Molinæ ad Inquisitionem delata, Pontificeque hac de re certiore facto, per Episcopos, quorum magna in aula auctoritas, causam suam Pontifici commendari curaverint? Et quæ reliqua sunt ejusdem commatis. Namque nullum fere Historiæ hujus, a Le Blanc in primo libro contextæ, caput est, aliquod momentum trahens, quod non ab Auctore in dubium vocetur. Nimirum & quæ de Pontificis decretis statim ab initio in hac causa factis, & de Inquisitorum Hispaniæ ad Molinæ librum damnandum promptitudine, & de Clemente VIII Pontifice, rogatu Jesuitarum, Romam hanc causam trahente, & de iis, quæ tum porro acta sunt, Augustinus Le Blanc memorat, ea omnia Auctor sollicitat, magnamque ubique errorum sibi suppeditari copiam, putat. Et hæc quidem summa illorum est, super quibus tantis concertatur animorum motibus. Nos id solum addimus, in præfatione Auctorem referre, Historiam Congregationis, quæ istos motus denuo excitavit in Hispania, a judicio Inquisitionis damnatam esse, quod contineat propositiones scandalosæ, seditiosæ, injurias in summos Pontifices & Officium Inquisitionis & Societatem Jesu, & in multos Viros doctos ac illustres &c. Quam quidem censuram Auctor noster si cum

cum ipsa Historia contendatur, æquissimam longe & admodum moderatam vocat.

*PETRI MARCELLINI CORRADINI J. C. SETINI,
in Romana Curia Advocati, de Civitate & Ecclesia Setina.*

Romæ, apud Cajetanum Zenobium, 1702, in 4.
plag. 16.

SEtia, urbs Volscorum in Latio olim appellata Livio, Straboni, & aliis, hodie Sezze nuncupatur, oppidumque est, Baudrando teste, Campaniæ Romanæ, in ditione Ecclesiæ, in monte prope Pontinas paludes sedens, septendecim miliaribus distans a Velitris in Ortum. Patria fuit C. Valerii Flacci, inter eos, qui Heroica decantarunt, omnium judicio celeberrimi. quique de Argonauticis octo scripsit volumina; imo & ante eum C. Titinii, Poëtæ itidem sat clari, qui opus reliquit in honorem patriæ, cujus sola quædam fragmenta passim annotata reperiuntur. Hanc urbem initio nascentis Ecclesiæ, Episcopalem fuisse, omni studio probare conatur civis illius clarissimus, Corradinus, motus imprimis hoc argumento, quod temporibus illis Colonia ista non procul a Roma sita abundaret nobilibus familiis, insignibus templis, Sacerdotibus, Præsulibus, quibus præfuerit Flamen Coloniz; unde sibi persuadere vix possit, D. Petrum & successores, quos vocat, Pontifices, qui per totum orbem miserint Episcopos, reliquisse hanc urbem haud parvi nominis intactam & derelictam, nec illi dedisse Episcopum, cum constet, eos in eadem regione longe inferioribus oppidis & minoris nominis coloniis Episcopos concessisse. Sed ne sola hæc niti conjectura videatur, ad antiquorum insuper Chronicorum, testimonia provocat, e quibus, quod urbs ista dudum Episcopalis fuerit, colligere liceat. Cumque objici possit, in Bulla quadam Honorii III unionem institui Ecclesiæ Setinæ cum Terracineni, regerit, ea non obstante, Setinum mansisse cathedralem, cum unio ista haud accessorie facta sit, sed æque principaliter, ita ut unus tantum fuerit plurium Ecclesiarum Episcopus, & unum caput. Certe post istam quoque unionem, Setinam Ecclesiam Episcopalem mansisse, e literis summorum Pontificum constare.

M m m

autu-

autumat, Setiamque ab ipsis Regibus Neapolis & Siciliae, qui eam occuparint, tractatam reperiri ait tanquam civitatem nobilem, ejusque Magistratum nobilitatis privilegio & titulo ab iisdem decoratum. Quid? quod Concilium Basileense, tempore Eugenii IV anno 1439 celebratum, commendet Setinis familiam Colunnensium, eosque Fidelissimos S. R. E. nuncupet, & nobilibus titulis decoret. Tacemus documenta alia, quibus favorem Sedis Romanæ erga Setiam, & ex isto unionem non accessoriam, sed cumulativam, & æque principaliter factam, confirmare laborat. Equidem nonnulla in contrarium asserere monet Terracinenfes, verum ista elevare modis omnibus annuitur. Imprimis, quando in Enunciativis & Bullis Pontificum Setiam appellari terram contendunt, respondet, stylum Sedis Apostolicæ ita formari suevisse, ut ejusmodi etiam civitates, in quibus cathedrales Ecclesiæ, terræ titulum obtinuerint.

*FLUXIONUM METHODUS INVERSA, SIVE
Quantitatum fluentium leges generaliores, ad Celeberrimum Virum
Archibaldum Pitcairnum Medicum Edinburgensem,
a GEORGIO CHETNAEO M. D. & R. S. S.:*

Londini typis Joh. Matthevvs; prostant apud R. Smith, 1703. 4.
Plag. 17.

AUtor Medicus Scotus in his studiis docte versatus id agit, ut Methodum Quadraturarum provehat, quod facit Mercatoris Holsati, Nevvtoni Angli & Jac. Gregorii Scoti, aliorumque insignium Virorum exempla secutus, exprimendo earum valorem, per series infinitas, quæ quidem interdum feliciter abruptuntur, & in formulas finitas degenerant, ut constat; sed quia id plerumque non contingit, & aliæ expressiones transcendentes quidem, finitæ tamen, hæcenus nondum satis in potestate habentur, ideo contentos nos esse oportet hoc Catone, donec generalior reddatur hæc scientia; nempe utendum est subsidio serierum infinitarum, quæ, si non aliorum, certe ad appropinquationes præcitas prodesse possent, si quis eam aliquando traderet Methodo ad eaptum communem accommodata. Interea noster. Auctor conatur

natur series condere generales, exempli causa pag. 7 area quærenda est per seriem infinitam Figuræ, cujus abscissa existente z , & v existente Z^m , fiat ordinata $Z^{m-1} (a + bv + cv^2 + dv^3 \&c.) (e + fv + gv^2 + hv^3 \&c.)^{m-1}$ vel per compendium, $Z^{m-1} \odot)^{m-1}$. Quia autem, si $m-1$ sit numerus fractus vel irrationalis, hæc quantitas per Geometriam ordinariam non est tractabilis, ideo, nota jam ratione, quærit D^{m-1} per seriem infinitam, compositam si placet ex potentiis ipsius v , multiplicatis per coefficientes constantes. Hanc seriem multiplicat per \odot & postremo (v , rursus explicata, cum sit Z') per Z^{m-1} : ita singulis terminis separatim summatis, habetur summa ordinarum quasitarum. Utitur & subinde, uti p. 9 Methodo comparationum, quam in Actis nostris Aprilis 1693 ad series infinitas applicare docuit Illustrius Leibnitijs, ut scilicet seriem infinitam quæsitam assumamus tanquam datam, instructam coefficientibus incognitis, sed quarum deinde valor invenitur, dum ex ea ducimus, quod cum dato comparemus. Cum etiam Leibnitiana & Bernoulliana Schediasmata in Actis novos usus calculi exponentialis vel Logarithmici ostendant, & inter alia posito esse $\int dx : x = lx$ & $X^x = a^x$ (seu cum $la = 1$) $x \int x = y$ unde $dx \int dx = dy$ seu dy ad dx ut $1+lx$ ad 1 , & plura hujusmodi, in quibus Clarissimus Nieuventijt hærebat, & ampliorum explicationem merito desiderabat; ideo Cl. Cheynæus non nihil his insinuat, eaque ad series applicat. Pag. etiam 50 & aliquot sequentibus utitur serie Cl. Job. Bernoullii in Actis nostris A. 1694 prodita, quam ingrediuntur, $dy, ddy, d^3y, d^4y, \&c.$ seu quotcunque differentiarum differentiarum. Deinde quoniam Leibnitijs noster oñm aliquoties monuit, maximi usus fore calculos secundum expressionem generalem omnium curvarum dati, vel etiam cujuscunque gradus; Autor ait p. 54, se aliquid in eo genere præstitisse, nullamque nosse methodum, quæ culturam magis mereatur.

Serierum Methodo exposita, applicat eam ad inventionem arearum curvilinearum aliaque problemata, ut constat, ac Cl. Joh. Cragii etiam Scoti ea in re operam passim commendat, quæque in eam rem affert p. 63, p. 123, ei se ex integro debere ait. Necque vero opus est, ut de curvarum longitudine, superficiebusque aut solidis rotatione genitis, centris gravitatis & similibus, quæ Autor ipse tantum generalissime attingit, agamus, cum talium mensuram ex mensuratione arearum seu quadraturis haberi constet.

*ASTRONOMIÆ PHYSICÆ ET GEOMETRICÆ
Elementa Auctore DAVIDE GREGORIO M. D. Astronomia
Professore Saviliano Oxonia & Regalis Societatis Sodali.*

Oxoniz e Theatro Sheldoniano, 1702, fol.



5 $\frac{1}{2}$. Alph.

EXcellentissimum hoc opus, quod eo tempore, quo in Regio Juvene Duce Glocestriz formando, spes omnium essent positz, elaboratum, nunc post ejus præmatura fata Serenissimo Principi, GEORGIO, Parenti dedicatum est, eo consilio publicavit Autor Clarissimus, ut illa (propria Autoris verba repetimus) quam subadoratus est sagacissimus KEPLERUS, quamque Geometrarum princeps ISAACUS NEWTONUS ad eum, quem omnes suspiciunt, apicem perduxit; Physica Cælestis, meis etiam curis illustrata, Philosophia & Astronomia Studiosis paulo facilius innotesceret. Calculatoriam proin, alibi forte proferendam, hic omisit; Physicam autem Astronomiam, utpote primam inter disquisitiones naturales, facillimamque, cum solam vim gravitatis universalem consideret, diligentius tractat.

Hæc KEPLERO debet fundamenta (quamvis & antiquissimis Philosophis harmoniam Cælestem, qua gravitates Planetarum in Solem reciproce sunt ut quadrata distantiarum eorum a Sole, cognitam fuisse in præfatione doceat Autor) NEWTONO fastigium (ad quod eam in incomparabili Opere Principiorum Mathematicorum Philosophia Naturalis exivit, vid. A. E. 1688 Junio, pag. 304.) Autori Clarissimo ordinem & claritatem;



53. 899.



tem; non enim cujusvis erat, ex Kepleri nutantibus conjecturis, & Nevvtoni abstrusis, hic dilucidatis demonstrationibus, tantæ certitudinis, perspicuitatis & perfectionis systema compaginare, quale præsens egregium opus a rerum gnaris æstimabitur.

Libro I de Mundi Systemate agens, Sect. I exponit Planetarum primariorum circa Solem gyantium Ordinem, Periodos, Distantias in numeris rotundis proxime veris

☉	0 0	--
♂	3 mcnf.	4
♀	7½	7
♂	1 ann.	10
♂	2	15
♂	12	52
♂	30	95

hinc Phænomena Planetarum variantia, tam respectu motus in longum & latum, quam illuminationis apparentis, ut & Cometa- rum admodum dilucide deducit.

Sect. II Directionem Virjum, quibus Planetæ primarii in orbibus suis retinentur, explanat. Hæc consideratio totius operis primaria & fundamentalis, meretur & hue breviter transferri. Propositio XI, (quæ Nevvtonianæ primæ libri I correspondet,) ita rem proponit: Concipiatur Tempus divisum in partes æquales, in cujus prima corpus sola vi insita, qua secundum directionem AZ (vid. fig. 1. Tab. VI.) progredi nititur, describat ejus partem AB, descripturum temporis parte secunda BC ipsi AB æqualem, verum ubi corpus ad B pervenit, intelligatur Vis Centripeta ad G tendens agere impulsu unico quovis, ita ut temporis parte secunda corpus per solum hunc impulsu impelleretur per rectam BC. Patet, (si per e ducatur eC ad BG, & per G, GC ad B c parallela,) corpus ex utroque impulsu, quo simul impelkitur, perventurum ad C, describens rectam BC, diagonalem nempe parallelogrammi, quam conjunctis viribus eodem tempore describi, quo latera separatis, notissimum est. Sed areæ descriptæ, seu triangula BSA & BSc sunt =, ejusdem nempe altitudinis & æqualium basium. Pariter triangula BSc & BSC =, quia in iisdem

M m m 3

paralle-

TAB. VI.
fig. 1.

parallelis & super eadem basi constituta ; Ergo & areæ BSA & BSC =, id est, areæ erunt sicut tempora, quibus describuntur. Quod & porro de arcibus CS d, CSD, DSE &c. valet. Si augeri intelligatur triangulorum SAB, SBC, SCD &c. numerus, & latitudo minui in infinitum, horum bases AB, BC, CD, DE, constituent lineam curvam versus eosdem pontes cavam, & in eodem plano jacentem, quam corpus de tangente istius curvæ perpetuo retractum, describit. Hæc igitur temporum proportionalis seu æquabilis arearum descriptio, verum est symptoma Planetarii motus, quo omnes excogitatae hypotheser, veræne an falsæ sint, multum an parum abudent a cœlo, probari possunt debentque. Hinc patet, corpora tali modo mota, urgeri a Vi Centripeta tendente ad punctum S. Planetæ itaque Primarii omnes a motibus rectilineis retracti, inque orbitis suis retenti, versus Solem tendunt, uti & Cometæ, non autem versus Terram.

Seçt. III easdem considerationes repetit circa Planetas secundarios, qui circa aliquem primariorum revolvuntur.

Primarii	Secundarii	Period.	Distant
♂	1 Satelli. D.	27 $\frac{1}{2}$ dies	60 Semid. tertæ
♂	4 Satelli. { 1 & intimus	1 $\frac{1}{2}$	5 $\frac{2}{3}$ Semid. 7.
		2	9
		3	14 $\frac{1}{2}$
		4 & extimus	16 $\frac{1}{2}$
			25 $\frac{1}{3}$
♂	5 Satelli. { 1 & intimus	1 $\frac{7}{8}$	4 $\frac{1}{2}$ Semid. 5
		2	2 $\frac{1}{2}$
		3	4 $\frac{1}{2}$
		4	16
		5	79 $\frac{1}{2}$
			54

Hinc phenomena Lunæ ex illuminatione & opacitate, quæ eclipses & a tellure patitur, & rursus facit, perspicue exponit.

Dum Seçt. IV Planetarum Secundariorum circa suum Primarium, & horum circa Solem motus distantiasque confert, invenit utriusque Quadrata temporum periodicorum esse in eadem ratione cum Cubis distantiarum eorundem a Centro vel Primarii, vel Solis.

Hinc

Hinc Nevvtonianas libri I propositiones, quibus rationes Virium Centripetarum comprehendit, egregie & facili calculo illustratas subiungit. Quæ ex motu circa proprios axes oriantur phænomena, Sect. V. inquit, ascribitque revolutionem

☉	♂	♂	♂	♀
25 dieb.	1 d.	10 hor.	24 $\frac{1}{2}$ hor.	23 hor.

& ex hac circumvolutione figuram non perfecte Sphæricam sed Sphæroidem, ex rotatione Ellipsis circa minorem axem genitam, ad Polos depressam, ad Æquatorem elevatam, magis aut minus pro quantitate Vis Centrifugæ a motu Circulari oriundæ. Jam ipsas Planetarum Cometarumque orbitas, sectiones nempe conicas, ellipses præsertim, in quibus primarii planetæ circa Solem, umbilicorum alterum, & secundarii circa suum primarium revolvuntur, Sect. VI. proponit, indagatque legem Vis Centripetæ, qua in illis orbitis deferuntur. Hanc ob summam utilitatem ex prop. XXXVII (Nevvton. Prop. 6 lib. I) brevi calculo, subijcimus. (vid. fig. 2.)

TAB. VI.
fig. 2.

Si Corpus secundum directionem rectæ cujusvis projiciatur, & simul urgeatur a Vi Centripetæ tendente ad Centrum S, ita ut motu ex hisce duobus composito describat Curvam APP; hanc vero tangat in puncto quovis P recta PR, & a puncto B, ipsi P proximo, ducatur BD rectæ SP normalis, & BR eidem SP parallela; similisque fiat constructio ad aliud quodvis Curvæ punctum p. Dico Vim Centripetam in P, esse ad vim Centripetam in p, sicut $\frac{SPq + bdq}{bz}$ ad $\frac{SPq + BDq}{BR}$: Sive Vim Centripetam in P esse reciprocè ut Solidum $\frac{SPq + BDq}{BR}$, ubi figura P R B D est indefinita parva.

Vis in P ad centrum S tendens, vocetur V: Tempus, quo percurritur arcus minimus PB, vel quo corpus, sola vi insita, percurreret tangentem minimam PR, vocetur T: Vis Centripetæ in p agens vocetur v: & tempus, quo pb percurritur, vel quoque pr percurreretur, vocetur t. Sumatur arcus Pβ, quem corpus percurrit æquali tempore, quo pb arcum; & ducatur βγ parallela ad PS. PS vocetur D, Sp vero d, BD = X, & bd = x, βγ = Z. Jam Lineolæ erunt ut quadrata temporum vel arearum.

Y Z

T Z $::$ T^2 , X^2 $::$ $D^2 X^2$, $d^2 x^2$
 Et lineolæ ut vires Centripetæ
 Z y $::$ V , u
 Ergo ratio componitur, Ecl. lib. 5 def. 20.

$$\frac{T}{y} = \frac{T}{z} + \frac{Z}{y} = \frac{D^2 X^2}{d^2 x^2} + \frac{V}{u} = \frac{D^2 V^2 X^2}{d^2 x^2 x u}$$

jam ut habeatur $\frac{V}{u}$ sola, multiplic. utrinque per rat. inverf.

$$\frac{d^2 x^2}{D^2 X^2} \text{ fiet } \frac{T d^2 x^2}{y D^2 X^2} = \frac{V}{u}. \text{ Et } = \text{ in } :: \text{ resol. erit.}$$

$V, u :: T d^2 x^2, y D^2 X^2$, quibus divif. per Ty

$$V, u :: T d^2 x^2, y D^2 X^2 \quad \frac{d^2 x^2}{D^2 X^2} = \frac{D^2 X^2}{T y}$$

id est $:: \frac{d^2 x^2}{D^2 X^2} = \frac{D^2 X^2}{T y}$

Seu Vires Centripetæ erunt in reciproca :: solidorum illis locis correspondentium. Hæc solida autem ex data figuræ natura erunt computanda, quod Autor in sequ. pluribus exemplis fect. Conic. monstrat. Concipiendi igitur sunt Planetæ primarii & Cometæ quasi totidem Projecta, quæ nempe a duabus Viribus urgentur: nam hoc modo, eoque solo, Orbitas describunt, quales observata produnt. Vis secundum rectam tangentem est æquabilis; Vis autem, qua Projectilia hæc a motibus rectilineis retrahuntur, hæc est lex, ut augeatur, prout minuitur quadratum distantiz projecti Planetæ vel Cometæ a Centro Solis. Secundarii Planetæ vero circa suos Primarios eadem lege moventur, ut præter Vim omnem acceleratricem, qua Primarius urgetur, moveantur motu composito, uno nempe in tangente æquabili, & altero versus Primarii Centrum aucto in ratione, qua quadratum distantiz Satellitis ab illo diminuitur.

Causam autem, qua Planetæ in Orbitis suis retinentur, esse non varie diversam, sed unam eandemque, Gravitationem nempe, eadem lege per universum Systema Solare propagatam, Sect. VII docet demonstratque exemplo Lunæ, quæ (vid. fig. 3.) per 60 Semid.

TAB. VI.
fig. 3.

Semid. Terræ RAE a Terræ Centro T distans in orbita sua VL percurrat unius scrupuli horarii spatio partem LC; hæc, ob periodum Lunarem 27 d. 7 h. 43, hoc est, 39343 scrupulo-

rum horariorum, erit $\frac{1}{39343}$ totius peripheriæ, seu 33 scrup. secund. gradus. Terræ vero ambitus (sec. nuperam D. *Picart* mensuram) est ped. Paris. 123249600, hinc Semidiameter TA ped. 19615800: quare TL semidiameter Orbitæ Lunarise erit ped. 1176948000, sexagecupla nempe ipsius TA; arcus Le 33 sinus versus est LD, & hinc æqualis BC ped. Paris. 15 $\frac{1}{2}$, quam

proxime; tanta est linea, qua per 1 hor. Luna a motu rectilineo retracta versus Terræ Centrum impellitur. Sed in superficie Ter-

ræ nostræ, per 1 hor. gravia versus Centrum longitudine ped. Paris. 15 $\frac{1}{2}$ impelluntur, uti Celeb. *Hugenius* definit; ergo nostra vis gravitatis juxta distantiam sexagecuplo majorem di-

minuetur, ut illi 15 $\frac{1}{2}$ pedes, per 1 hor. percurrantur. Paria ergo præstant vis nostræ gravitatis, & vis Lunam in orbita retinens, adeoque & ob simplicitatem naturæ eadem erunt. Hinc & omnia gravia ex puncto extra Telluris superficiem, secundum horizontalem rectam vi satis valida projecta, orbitam describerent, & terra intacta gyrum complerent. Sumatur punctum aliquod G, (vid. fig. 4.) extra Terræ superficiem ABCD,

TAB. VI.
fig. 4.

ex quo secundum directionem GH ad TG normalis projiciatur grave quodvis. Patet, si corpus hocce minima aut nulla vi projiciatur, (hoc est, si libere demittatur,) casurum illud ad A, directe infra G; si aliqua vero, grave attinget Terram ad punctum B ab A versus H distans; si adhuc majore, corpus projectum ultra B ad C Terræ occurret. Si augeatur vis projiciens eo usque, ut Terram non attingat, donec ultra E punctum ipsi A oppositum perveniat, tum rursus versus G ascensens Ellipsis GKMF complebit, atque eundem rursus perpetuo non impeditum describet, & Planeta fiet. Si punctum M minus distet a Terra, quam punctum G, Centrum Terræ T est umbilicus Ellipsis a vertice remotior. Si augeatur vis projiciens, donec puncta M & G

N n n

æqua-

æqualiter a T distent, semita fiet Circulus; ætæque adhuc vi
projiciente fiet Ellipsis, in qua T est focus vertici G vicinior, alter
vero focus longius a T removebitur, pro Vis projicientis aug-
mento, donec tandem in Parabolam, posteaque in Hyperbolam
mutetur. Hinc rationem motus Planetarii, seu fundamentalem
hujus operis, cuique totum superstructum est, hypothesin facile
percipere licet. Ut vero hætenus motus corporum ad centrum
immobile attractorum proposuit Autor, ita Sect. VIII. motus cor-
porum se mutuo attrahentium, & circum commune centrum gra-
vitatæ similes figuras describentium, Systemati Solis Planetarumque
applicat; Sectione vero IX motus ipsius centri gravitatæ, quod
systemati corporum circa aliud corpus revolvantium commune
est, Planetarum tam primariorum quam secundariorum motibus
dilucidandis adhibet; omnia ex Nevvtonianis principiis. Aliorum
Philosophorum vero rationes motus Planetarum Sect. X exponit
& examinat, primo quidem *Keplerianam* Physicam Cœlestem ex
ejusd. lib. IV *Astron. Copern.* explicat, plagas tamen Planetarum
Soli vel amicas vel inimicas motibus ellipticis non convenire, bre-
viter indicat. Dein *Cartesii* sententiam ex ejusdem *part. 3. Princip. Philos.* describens, vortices ab eo confictos motibus cœ-
lestibus omnino contrariari, cum Nevvtono demonstrat. Viri il-
lustris *Leibnitii Tentamen de Motuum Cœlestium Causis* (vid. A. E.
1689 Febr.) dum recenset, monet quidem aliqua contra vortices
corporeos, Planetas deferentes, approbat tamen ab eodem inven-
tam Gravitatæ legem, eandem cum Nevvtoniana. Et hæc quidem
de vetere mundi systemate Philolaico hætenus; jam Sect. XI. de
aliis mundi Systematibus & viribus ad illa conservanda necessariis
agit, ubi *Semitychonicum*, *Tychonicum*, *Ptolemaicum*, & ex his
composita diligenter exponit, ut & Astronomi quod phænomenis,
& Physici quod rationibus naturalibus optime respondeat, Syste-
ma eligere possint.

Quæcunque Doctrinam Astronomis *Sphericam* dictam con-
cernere possunt, Libro II proponuntur. De Genesi Circulorum
Sphæræ Sect. I. De temporis divisione, Sect. II. De Globis cœ-
lestibus terrestribusque, eorumque usu, Sect. III. De Circulorum
situ per observationes determinando, Sect. IV. De fixarum locis,
Sect. V. De calculo Sphæricæ triang. huc pertinente, Sect. VI.

De

De Parallaxi siderum, Sect. VII. De Refractione, (cujus certam determinationem tam per observationes cum calculo collatas, quam per dioptricam quandam, de variis atmosphææ ad 40 aut 50 miliaria in altum protensæ densitatibus, hypothesein monstrat) Sect. VIII; & tandem de Tabulis Primi motus Fixarumque Sect. IX, summa cum perspicuitate, nihil necessarii omitteus, agit.

Theoria Planetarum Primariorum Librum III dicavit, quibus Orbits Ellipticas convenire Keplerus, exactissimis Tychonis observationibus nixus, ostendit. In hujusmodi igitur vera Planetæ Orbita Elliptica (vid. fig. 5.) ALP, ubi S focus alter est Solis locus, ASP linea Apſidum, A Aphelium, P Perihelium, L locus Planetæ ad libitum assumtus, ALS area sub rectis SA, SL & curva Elliptica AL comprehensa (computata ab SA in consequentia signorum) vocatur *Anomalia media*, id est *aquabilis*; hæc enim area crescit æqualiter, nempe in eadem ratione cum tempore. Ex ASL angulus a linea apſidum SA & radio vectore SL comprehensus, dicitur *Anomalia Conſueta*, sive *Vera*. Hæc generaliter omnibus Planetis Sect. I applicat, exque data Planetæ orbita, Anomalias medias & veras calculo determinare docet. Sed data Anomalia media veram invenire, vicissimque indirecta (directam enim methodum dari negat *Keplerus*, & Geometrica *Wallſii* per Cycloidem protractam calculo minus apta est) primum methodo, mox per series, tandem per approximationem monstrat, quam (nempe: æquales esse Anomaliis mediis angulos circa focum alterum a Sole diversum) primo *Bullialdus* ipse, licet nescius, supposuit; dein *Seebus War-dus* usurpavit (quem in Gallia *Paganius*, in Germania nostra *Zimmermannus* in Prodro-mo Cono-Ellipt. bicipiti secuti sunt) mox *Bullialdus* correxit, tandem *Clar. Casſini* mutavit in orbitam elliptica circa medias longitudes graciliorem, cœloque non convenientem.

Jam Telluris theoriam subjungit Sect. II. Orbitam, tempus Æquinoctii & Solstitii, anni vertentis & syderei quantitatem, Aphelium, a Sole distantiam, dierum naturalium inæqualitates, temporisque æquationem determinare docet. Reliquos Planetas primarios Sect. III eidem examini subdit, eorumque Elongationem a Sole maximam, Directionem, Stationem & Retrogradationem

N n n 2

Sect.

TAB. VI.
fig. 5.

Seçt. IV inquit, tabulasque huc pertinentes Seçt. V enumerat; hinc orbium planetariorum magnitudinem comparat Seçt. VI, & inde magnitudines densitatesque Planetarum Seçt. VIII investigat, figuramque eorum, hoc est, rationem, quam axis eorum habet ad diametros eidem normales, Seçt. VIII determinat. De distantia Fixarum Seçt. IX egregia monet, quomodo, si sensibilis sit diameter orbitæ annuæ telluris, per observationes commode distantia fixarum determinetur, (insensibilem autem & puncti loco totum orbem magnum habet;) Hinc per rationes opticas rem investigat.

Secundariorum Planetarum Theoriam Lib. IV comprehendit, & cum eorum motus maxime compositi reddantur ex diversa ad bina corpora, Solem nempe suumque Primarium tendentis, inæqualitates illas Astronomi potius hypothesibus salvare, quam physicis rationibus explicare sperabant. Autor vero felicissimi Newtoni cogitata hic dilucidata applicat, & Seçt. I errores in Satellitis motu a Sole productos demonstrat, cum Satellitis orbita Primario suo est concentrica; & Seçt. II, cum est excentrica; & Seçt. III, cum Satellitis orbita est inclinata ad Planum orbis a Primario circa Solem descripti; Seçt. IV, cum Primarii orbita circa Solem est excentrica. Hæc omnia rationibus physicis, sed caleulo intimioris geometriæ tractatis, dilucidantur; Seçt. vero V. hæc motui Lunæ e Terra spectatæ applicantur, cujus Tabulæ Seçt. VI ordinantur, ubi simul *Lunæ Theoriam Newtonianam* in praxi usurpatam adjungit Autor, qua Lunæ locus, etiam extra Syzygias, & in ipsis cum Sole quadraturis cœlo consentiens, (Astronomis hæctenus desperatus) ex calculo definitur. Eclipses Lunæ Seçt. VII proponit; Solis vero Eclipses Seçt. VIII.

Aliorum Satellitum circa suos Primarios motus Seçt. IX pandit; circa propria vero centra Seçt. X; magnitudines & densitates eorum Seçt. XI definit. Figuram Satellitum & Primarium ex mutua gravitate oriundam Seçt. XII, inprimis in Luna figuram sphaeroidem ad explicandum phænomenon æstus marini determinat. Saturni annulo ejusque phasibus Sectionem ultimam XIII attribuit, quia hic fornix Satellitii pars est, suumque locum sibi vendicat. Restant corpora alterius generis in Cœlo, Cometæ nempe, quorum motus lib. V plene persequitur, Physi-

cas primum opiniones & placita Philosophorum varia de iis recensens, mox Geometrica seu orbitalium determinationem subiungit. Generalis quædam Sect. I de Cometis tractat, de duratione locoque Cometarum, quos antiquissimi Philosophi æterna mundi corpora esse statuerunt, quæ altiora mundi secant, & tum demum apparent, cum inimum sui cursus veniunt. Peripatetica vero Schola, ut colorum ingenerabilitatem tueretur, eos ex terrestribus exhalationibus compactos in regiones sublunares detrusit, quos ob defectum parallaxeos diurnæ, *Tycho & Keplerus* in sedes supralunares reposuere. Eos excrementum quoddam ætheris, *Keplerus*; Planetarum, *Hévelius*; ex Fixa aliqua maculis obducta, & a vicino vortice abrepta, *Cartesius*, inque linea recta moveri statuerunt. Qui perenne corpus Cometam asserunt, ejus orbitam summe excentricam, telluremque vel intra eam contineri, vel extra poni, ita ut orbitæ convexitas terram respiciat, volunt. *Clar. Jac. Bernoulli* Cometæ habet pro invisibilis cujusdam Planetæ ad distantiam a Sole 2583 Semid. orbis magno, circa Solem rotati Satellitibus. Phænomenon caudæ, cui maximam materiæ copiam atmosphæra Cometæ suppeditat, vaporem statuit Autor a nucleo calore Solis elevatum, cujus expansionem in æthere, expansione aëris nostri declarat, qui ea cum raritate, quam haberet in altitudine semidiametri terrestis impleret omnes Planetarum regiones ad usque sphaeram Saturni, & longe ultra, quod prolixâ demonstratione de globo aëris nostri unciam unam lato evincit. Notat quoque, plures Cometæ in Hemisphærio versus Solem, quam in opposito videri; distantiam autem Cometæ a Sole ex comparatione lucis Cometæ cum luce Planetæ æstimat. Viam & locum Cometæ apparentem prope verum Sect. II determinat, cujus veram Trajectoriam Sect. III accurata diligentia vel Parabolicam vel Ellipticam esse demonstrat; hincque Sect. IV de Cometæ Loco tam Heliocentrico quam Geocentrico in illa Trajectoria ad tempus datum invenire, deque Tabulis ad Cometarum motus expedite definiendos necessariis docet, quæ quia omnia ex sublimiori sectionum Conicarum Geometria deducuntur, adeoque in breve compendium redigi nequeunt, apud ipsum Autorem sunt inquirenda. Libro ultimo VI Astronomiam Comparati-

rativam, hoc est eam, ubi oculus observatoris in variis Planetis supponitur, tractat, imitatus *Kepleri* Somnium astronomicum seu Astronomiam Lunarem post ejus mortem editam, & *Hugenii* Cosmotheoriam, quamvis duo hi insignes viri serio de incolis Planetarum egerint: (*Sethi Wardi* in Anglia, *Kircheri* in Itinere Extatico, celeberrimi nostri *Weigeli* in Geoscopia Selenitarum, pares labores Astrophilis quoque innotuerunt.) Phænomena igitur, oculo in Sole posito, primum enarrat; dein quænam ex Mercurio spectentur; mox ex Venere; porro ex Marte; Jove; & tandem Saturno. Phænomena quoque, oculo in Cometa aliquo posito, visa describit. Circa phænomena ex Luna spectata seu Satellite Terræ, & demum, ex Satellitibus vel Jovis vel Saturni, ultimus occupatur labor, unde judicium de Astronomia tale oritur: Oculo in Sole constituto, Astronomiam fore simplicissimam; in aliquo sex Primariorum, magis compositam difficiliusque condendam, quamvis Tellus optima præ reliquis subsidia possidet; in aliquo autem Secundariorum Planetarum oculus constitutus Astronomiam intricatiorem difficilioremque experietur.

Atque hæc est umbratilis tantum delineatio Operis pulcherrimi, principio unico naturali, gravitatis nempe legi, superstructi. Cessabunt proin opprobria in Mathesin hæctenus largiter effusa: eam in Cælo nil nisi figmenta condere, quibus intellectus humanus inutiliter fatigetur: applicatio enim principiorum *Newtoni*, Viri profundissimæ indaginis, ad Astronomiam, ab Autore nostro in tam perspicuum firmumque ordinem feliciter redacta, peperit Astronomiam vere physicam. Calculatoriam vero, seu ad ipsos usus astronomicos adaptationem, si juxta promissum Autor publico donaverit, adhuc magis merebitur; cum ex profundissimis Geometriæ considerationibus, Physicæ applicatis, difficulter constans Calculi tenor eruatur; cum autem in regulas & exempla computi ista sunt redacta, faciliorem viam etiam minus exercitatis pendent mysteria hæc tractandi. Vires igitur Celeberrimo Autori tam animi quam corporis serio exoptamus, quo Virium, quibus universa mundi corpora agitantur, doctrinam porro perficere queat.

ACTA SANCTORUM ORDINIS BENEDICTI.

*Seculum sextum, quod est a Christo nato undecimum, divisum
in duas partes.*

Lutetiæ Parisiorum, apud Carolum Robuffel, 1701. in fol.
Alphab. 20.

Quæ sit ratio instituti de condendis Actis Sanctorum Ordinis S. Benedicti, cepti a Luca Acherio, & a Jo. Mabillonio continuati, dudum in Actis nostris A. 1686, mense Febuario, p. 57. s. indicavimus. Jam (ubi interea Mabillonio socias præbere manus haud dedignatus fuit Theodericus Ruinartus,) post Seculum Ordinis Benedictini quintum, quod est a nato Christo decimum, cujus faciem tunc adumbravimus, sextum sequitur, aut Christi undecimum, quod duos tomos complet, eum materiæ amplissimæ Autores indulgere voluerint, ut penuriam illius temporis monumentorum, quæ ecclesiasticam & civilem historiam spectant, utcunque supplerent. Quam enim jejuna sit & sterilis utriusque historiæ illius seculi materia, probare censet Præfationis Autor Mabillonius, Annales Baronii non minus ac res Francicas, quibus adeo quoddam e rebus suis supplementum adicere, per jucundum eum Socio ipsemet existimavit. In sequentibus vero seculis Sanctorum Benedictinorum Acta paulo magis coarctanda fore innuit, ita ut decem omnino (novem autem jam tum prostant,) tomis tota compages absolvatur.

More autem solito Præfationem Seculo integro præmisit Mabillonius, eamque paulo prolixiorē, in qua post divulgatæ per id tempus doctrinæ historiam, Ordinis quoque Benedictini in Oriente aliisque regionibus factam propagationem latius insinuat. Mox ortam sub finem seculi decimi, occasione professionis, quam Episcopi ab ordinandis Abbatibus exegerint, controversiam declarat. Hinc ad Pontificalia ornamenta Abbatibus tunc concessa pergit. Porro observationes ecclesiasticas monasticasque varias ex isto ævo depromtas suppeditat, utpote de antiquo illo more, quo seculares homines, quinimo & Episcopi caterique Clerici majores, in extremis habitum monasticum in signum poenitentiae susceperint; de Principibus & Optimatibus, honoribus
seculi

seculi abdicatis, ad monasticum se ordinem conferentibus; de tribus institutis in monasteriis Italicis tempore Petri Damiani introductis, ut nimirum Abbas tres semper pauperes haberet commensales, ut in monasteriis & eremis decimæ quorundam proventus in egenorum usus assignarentur, ut anniversariæ octavæ pro carioribus quibuscunque defunctis fierent; de disciplinæ tunc usitatæ ratione, ubi ab anonymo Historiæ Flagellantium Autore ea in parte dissentire se haut negat, quod flagellationem propriam improbare minus audeat; de generibus probationum, ad dirimendas res dubias undecimo seculo frequentatarum, ignito nempe ferro pro ecclesiasticis, & duello pro secularibus viris, quin & de dubiis Sanctorum reliquiis per ignem probatis. Ut taceamus, quæ de anno obitus Hugonis Capeti, deque anno, quo filius ejus, Rotbertus, monarchiam Francorum adeptus est, & de tempore, quo Rotbertus ille Bertam repudiavit, duxitque Constantiam, ab eruditissimo Autore disputantur.

Ipsos autem, qui vocantur, Sanctos paulo curatius lustraturis, primo loco p. 3 occurrit Ramuoldus, Abbas S. Emmerammi apud Ratisponam, cujus Vitam ab Arnolfo, ejusdem monasterii monacho & coequali, conscriptam ex Tomo secundo Antiquæ Læctionis Canisii suppeditant Clarissimi Editores, in observationibus præviis monentes, quod ortus Ramuoldi annum nemo hæcenus assignaverit; sed ipsi illum A. 901 natum fuisse, nulli dubitant. Sequitur p. 25 Fingenius, cœnobiorum S. Vitoni apud Viridunum, & apud Mettas S. Felicis seu S. Clementis, tum S. Symphoriani Abbas; cujus occasione de monasterio S. Vitoni Episcopi Viridunensis, qui ineunte seculo sexto decessit, plura disseruntur. Tertius est S. Abbo, Abbas Floriacensis, cujus Vita auctore Aimoino monacho, ejus discipulo, descripta & valde commendata, p. 39 sistitur. S. Froilani, Episcopi Legionensis in Hispania, vitam a nemine antiquorum scriptam perhibent, quanquam ejus gesta plerique recentiores Hispani memoriæ mandarint: unde quæ de eo sive in Officiis Ecclesiasticis, sive in variis passim auctoribus invenire licuit, p. 58 in unum collegerunt. Mortis ejus tempus non ad annum 855, ut quibusdam visum, sed cum aliis ad A. 1006 referunt. Hinc post Vitam S. Alfrici seu Ælfrici, Archi-Episcopi Cantuariensis, &

post

post commemoratam translationem Sanctorum Livini Episcopi, & Briccii pueruli, Martyrum, in monasterium Gandavense S. Bavonis, Petri quoque Abbatis primi S. Petri in monte Caprario prope Perusium, Vitam recensitam, de Anastasio, Archiepiscopo Strigoniensi in Hungaria, p. 72 agunt. Post alios interjectos, p. 85 de S. Aufrido seu Ansfrido, Episcopo Trajectensi ad Rhenum, verba faciunt. Vitam S. Martiani, Abbatis Aptensis, ex Benedicto Gonono p. 93 repetunt. De Johanne II & III, aliisque Abbatibus Casinensibus & Viris piis, qui ab A. 1000 ad annos quinquaginta sequentes in Monte sacro floruerunt, commemorationem a p. 96 ad 112 inferunt. Vita S. Elphegi, Archiepiscopi Cantuariensis & Martyris, autore Osberno, ejusdem Ecclesie Cantuariensis monacho, concinnata, & S. Libentii, Archiepiscopi Bremensis, ex Adamo Bremensi repetita, p. 113 & p. 128 exhibetur. Nec feminae desunt, quorum Adelheidem virginem referas, primam Abbatissam Wilicensem in Germania inferiori, cujus Vita stylo Berthæ, ejusdem loci sanctimonialis, ex Surio & Februario Bollandiano p. 137 repetitur. S. Symeonem, monachum & eremitam in monasterio S. Benedicti de Padolirona, Benedictinam quidem regulam haud unquam professum fuisse innuunt, multis tamen de causis locum inter Benedicti alumnos eum obtinere posse perhibent, ac proinde ejus Vitam p. 149 s. describunt. S. Wolbodonem, Leodiensem Episcopum, p. 174, & Theodoricum, Episcopum Aurelianensem, p. 192 in scenam producant. Circa S. Bernwardum, Episcopum Hildesheimensem, diu occupantur, postulate id prolixæ vitæ ejus descriptione, autore Tangmaro presbytero adornata, quæ suum p. 202 capit exordium. Ut illustre admodum est nomen S. Romualdi, Abbatis, Ordinis Camaldulensis institutoris, sic Vita ejus a Petro Damiani enarrata spatium a p. 280 usque ad 312 occupat. Vitam S. Guilielmi, Abbatis Divionensis, autore Glabro Rodulfo, ex manuscripto codice S. Benigni Divionensis, cum alio & editis collato, p. 320 recensent, eique p. 315 aliam ex Chronico S. Benigni Divionensis excerptam associant; quin & post excerpta ex Chronico Besuensi, de eodem S. Guilielmo duas subnectunt appendices, quarum prior p. 346 de monasterio Fructuariensi a Guilielmo condito, poster-

terior p. 351 de monasterio Fiscamnenſi, in quo ſuum ille ſepulcrum habet, diſſerit. Meinverci, Epiſcopi Paderbornenſis, memoriam dum p. 382 reſcribant, de monaſterio ſimul Abdingoſſenſi, atque aliis ab eo conditis aut dotatis diſſerunt. S. Godehardi, Epiſcopi Hildesheimenſis, Vita a Wolſero, ejus æquali & diſcipulo ſcripta, p. 569, illiusque Canonizatio & translatio p. 430 prolixè enarratur. Vitam S. Chunigundæ dum p. 451 exhibent, Henrici una Imperatoris, ejus Conjugis, mentionem cum ſumma laude faciunt. S. Popponis, Abbatis Stabulenſis, p. 569 ita meminerunt, ut & de ejus matre Adelwiva diſſerant. S. Odiloni, Abbati Cluniacenſi, a p. 631 ad 679 præclarum ſuſpendunt elogium, quod Vita ejus a Joſſaldo monacho ſcripta excipit.

Præfatio, quæ frontem Partis ſecundæ hujus ejusdem ſæculi exornat, multo amplior illuſtriorque eſt priori, inque ea diſſeritur de Schiſmate Græcorum per Michaelem Cerularium excitato; de Berengario ejusdemque dogmatibus, adverſariis, poenitentia; de geſtis Gregorii VII contra Inveſtituras & Simoniam, & pro cœlibatu Clericorum; de variis Congregationibus & Ordinibus monaſticis ſæculo undecimo inſtitutis, veluti de Congregatione Camaldulenſi & Vallumbroſana, de Ordine Grandimontenſi, & Ordinis Cartuſienſis inſtitutione per Brunonem, ubi vulgatam illam fabulam de Doctore Pariſienſi anſam eidem præbente, exploſam videas; de origine & inſtituto Fratrum Converſorum, & eorum quos Donatos & Oblatos nuncupant; ut alia taceamus.

Tomus ipſe a Vita S. Bardonis, Archi-Epiſcopi Mogunti-
ni, fortitur auſpiciū. Hinc poſt duos alios interjectos, S. Leo IX Papa p. 49 comparer. Pag. 127 de Theoderico, Abbate Uti-
cenſi, agitur; de S. Dominico Loricato p. 142; de S. Theobaldo, Ere-
mita, p. 156. Vita S. Roberti, conditoris & primi Abbatis Caſæ
Dei in Arvernia, autore Marbodo, Archi-Diacono Andegaven-
ſi, ex variis codicibus manuſcriptis cum Aprili Bollandiano p.
183 ſ. conſertur. Nec reticendus eſt Petrus Damiani, Cardina-
lis & Epiſcopus Oſtienſis, qui p. 245 introducit; itemque S. Jo-
annes Gualbertus, Abb. s & Vallumbroſanæ Congregationis pri-
mus inſtitutor, de quo p. 266 agitur. Herluinus, Abbas primus

&

& fundator Beccensis cœnobii , duplici penicillo, semel p. 340, iterumque p. 355 delineatur. De S. Gregorio VII Papa a p. 403 ad 469 sermo est. S. Anastasii, monachi & eremitæ, Vita a Galterio confarcinata, ex manuscripto codice Ecclesiæ S. Martini Doydensis, p. 487 primum nunc in lucem protrahitur. S. Arnulphum, Episcopum Sueffionensem, a p. 502 ad 557 decantari legas. Victoris III. Papæ ubi p. 583 mentio fit, simul de Abbatibus & Viris piis, qui in monasterio Casinensi inde ab A. 1050 ad exitum usque sæculi undecimi floruerunt, disseritur. Adest quoque p. 630 L. Lanfrancus, Archi-Episcopus Cantuariensis, & p. 661 S. Adalbero, Episcopus Herbipolensis, ut reliquos silentio prætereamus.

ANATOMIE NOUVELLE DE LA TÊTE DE L'

Homme &c.

i. e.

ANATOMIA NOVA CAPITIS HUMANI &c. Auctore

JOSEPHO de LA CHARRIÈRE, Medico-Chirurgo.

g^o.

Parisiis apud Viduam Danielis Hortemels, 1703, in 12.

Constat plagulis 19.

Integram meditatatur Anatomiam Vir Clarissimus, qui ante duo Illustra *Novas Operationes Chirurgicas*, a nobis anno 1693, mense Junio pag. 267 recensitas edidit, cujus partem primam, primum corporis ventrem continentem, jam exhibet. Quoniam autem hic, præter partes sibi proprias, etiam ex talibus conflatur, quibus nec reliqua vel membra vel viscera destituuntur, in his explanandis ita se gerit Noster, ut generalem de istis ideam Leætoribus communicet. Orditur vero suum tractatum statim a motibus capitis, pro cujus semicirculari potissimum motu perficiendo, singulare Naturæ artificium celebrat. Facta tum partium caput constituentium divisione, cuticulæ, cutis, pinguedinis, salivæ, & musculorum naturam & usum explicat. Quemadmodum autem musculos pro fasciculo fibrarum membrana quadam, ex qua omnes exiliiores fibræ membranosæ reliquis

O o o 2

fibris

fibris motum præstantibus intertextæ originem ducunt, involuto habet: ita existimat, quamprimum musculi venter intumescit, membranam hanc plus minus tendi, hinc fibras membranosas versus principium suum moveri, sicque fibras carneas a centro ad circumferentiam pro contractione præstanda cogi, omnemque motus muscularis vim in eo consistere, ut hæ duplicis generis fibræ sibi invicem cohareant, viresque jungant. Respirationem vero motum mixtum, i. e. partim voluntarium, partim involuntarium vocare dubitat, utpote quæ absque vitæ jactura sufflaminari diu neutiquam possit, & potius ab aere, quem inspiramus, quam a musculis pneumaticis perficiatur; quapropter mere involuntariam eam pronunciat. In specie tum capitis musculos recenset, & pericranium examinat. Accuratam dein ossium formandorum rationem init, eorumque prima stamina in ovo latere putat. Cum enim omnes partes solidæ sint fascies exilissimorum filorum perforatorum, & contextum infinitorum vasculorum, exinde sequi dicit, canales illos, qui ossa constituunt, esse continuationes fibrarum, reliquorumque vasorum, quæ tenditem formabant, eodem modo quo tendines ex musculis, hi ex nervis propullulant. Duritiem denique ossium a dilatatione canalium, subtilitate succi salini, pondere partium prementium, & teneritudine fibrarum derivat. Nec in illorum concedit sententiam, qui ossa medulla aut succo nerveo nutrirî adstruunt, sed quoniam natura univoca sit in omnibus suis operationibus, ossa eodem succo, quo musculi & tendines, nutrirî probat. Postquam igitur ossium medullam, partes, cavitates & articulationes consideraverat, ad capitis ossa revertitur. Quibus quoad singulas partes examinatis, cerebrum evolvit, cujus fibras medullares concavas esse, prolixius probat. Eodem modo & cerebellum & medullam oblongatam examini subjicit. Quemadmodum autem cerebrum, omnium consensu, pro spiritibus animalibus elaborandis formatum est: ita Noster, ejus usum dum commemorat, mechanisum naturæ pro sæcernendo subtilissimo ex sanguine liquore, tam animæ & corporis functionibus, quam generationi impendendo, maximopere deprædicat. Hinc in pneumatici ad varias triturationes attendendum esse monet, quas san-

guis

guis patitur, antequam de spirato ex suo dimittat sinu spiritus. Primam triturationem subit in dextro cordis ventriculo, dum hic se constringit, & contentum fluidum in arteriam pulmonalem propellit; alteram in arteria pulmonali, quæ cessante cordis motu, sanguinem pulmonibus insinuat; tertiam in pulmonibus, dum in inspiratione aer ei admiscetur; quartam in iisdem pulmonibus, dum in expiratione iterum conquassatur, & per venam pulmonalem cordi redditur; quintam in corde, dum hujus contractione majori impetu in arteriam magnam injicitur; sextam in arteria aorta, carotidibus & vertebralibus; & ultimam in vasis capillaribus. In cerebrum hac ratione delati spiritus cum sanguine triplici modo præparantur; in corticali enim substantia formantur, in medullari subtilisantur, in protuberantiis medullæ oblongatæ poliuntur. De sede, facultatibus & passionibus animæ dum agit, multus in refutando Cartesio est; ad nervos tum pergit, quorum originem & usum tradit, sensuum organa describit, & modum, quo perficitur sensatio, explicat; ubi insimul, quæ ad doctrinam opticam spectant, in compendio enucleata inveniet Lector benevolus.

LETTERA DEL DOTTORE BARTOLOMEO
CORTE, Milanese &c.

EPISTOLA, IN QUA DE TEMPORE ILLO, QUO
Anima Rationalis fatui infundi solet in utero, disquiritur, scripta
ad Maxime Reverendum Patrem D. ALPHONSUM LODI,
Canonici Reg. Somnascensem, a BARTHOLO-
MEO CORTE, Philos. & Medic. Doctore,
Mediolanensi.

1702, in 8. plag. 4.

IN Ecclesia Romana & Jure Canonico solemniter receptum ac commune dogma est, non prius quam post quadragesimum a conceptu diem, infundiam animam rationalem, atque uniri cum mortali hominis corpore, in utero matris. Cum enim Medici, Aristotelici cum primis, pristinis temporibus, organa in foetu, non nisi elapso quadraginta dierum spatio, completa atque vitali cre-

O o o 3

dide-

diderint, illis etiam animæ communicationem ante dictum tempus competere, nullo modo sibi persuadere potuerunt. Et ab his, tanquam communibus in Philosophicis eo tempore Præceptoribus, ad Romanæ Ecclesiæ Theologos Jureque Consultos error transit, ad hunc usque diem suos inveniens propugnatores. Hujus rei non nescius *Clarissimus presentis schediasmatis Auctor, D. Barthol. Corne*, quamvis dictæ Ecclesiæ venerari se fateatur decreta, de veritate ac fide allegati dogmatis dubia concepit non levia, quibus sanæ rationis æqua lance rite trutinatis, non potuit non deprehenso errori aperte contradicere, & conscripta præsentis dissertatione epistolica, aliam in moderna Philosophia magis fundatam de infusionis tempore sententiam publicare. Id quod etiam citra omnem hæreseos culpam fieri posse existimat, præsertim, cum neque per S. Codicis auctoritatem, neque per viam revelationis, sed potius per Aristotelicorum oscitantiam, erroneam hanc de Animæ infusione traditionem, Ecclesiæ olim obtrusam fuisse, certum sit. Adeo autem eximia est thematis hujus ab Auctore nostro facta pertractatio, ut dubium sit, an in ejus judicio, an vero nervosam brevitatem magis laudes. Brevissimis igitur *Clarissimi Auctoris* mentem hic, factio compendio explicabimus, siquidem & omnia, quæ profert, ad probandam suam de tempore infusionis sententiam, argumenta, sequentibus nituntur, brevibus quidem, ast sat ingeniosis *postulatis* :

1. Animam sensitivam, quæ & spiritus vel vita appellari consuevit, esse unicum illud medium, quo intercedente, anima rationalis cum corpore uniri possit :

2. Dato hoc medio, necessario uniri debere duo illa extrema ; animam immaterialem puta, & materiale corpus :

3. Exemplar hujus unionis perfectum proflare in Genesi, ubi, formato jam, i. e. anima sensitiva instructo primo homini, infusum fuerit ab Omnipotente spiraculum vitæ, i. e. immortalis atque immaterialis anima ; quod autem vivum habuerit, ante animæ rationalis infusionem, primus homo corpus, ex præcedentibus in eodem sacro textu verbis : *producat terra animam viventem &c.* constare posse :

4. Ad normam primæ hujus creationis, continuari secundam ;

dam ; & hoc quidem virtute benedictionis Divinæ universalis : *creſcere & multiplicamini &c.*

5. Non dari ratione organorum, generationis a creatione diverſitatem. Licet enim organa factus in utero, vel ovulo etiam, propter ſummam ſubtilitatem ſuam, ſenſus fere fugiant, perfectæ tamen ac numeris omnibus abſoluta ex ſaniori Philoſophia credenda eſſe ; quod ſi quis in dubium vocare vellet, illo Platonis rubori dandum : *profani ſunt, qui nihil eſſe putant, niſi id, quod manibus palpare ac prehendere poſſunt* :

6. Dictam organorum in embryo ſubtilitatem, animæ rationalis uniōi cum corpore non contradicere ; *mens enim, & corpus, inquit, non junguntur per fines duorum ad ſe invicem admotarum extenſionum, quia mens extenſione caret.*

Stantibus firmo talo hiſce poſtulatīs, ſequi neceſſario exiſtimat Cl. Autor, *quod eo ipſo momento, quo vivere incipit factus in ovulo, (i. e. protinus poſt conceptionem,) fiat etiam anima rationalis cum corpore intima connexio*, ne quicquam ſcilicet ſtatim ab ortu deficiat, quod natura homini convenit. Tantam enim inter eſſentiales hominis partes intercedere neceſſitudinem exiſtimat, ut corpus ſine anima, anima ſine mente (i. e. anima rationali) in ſtatu naturali nunquam perſiſtere queat.

ETYMOLOGIÆ SACRÆ GRÆCO-LATINÆ P.
NICOLAI du MORTIER.

Romæ ex Typogr. Jo. Jac. Komarek, 1703, fol.

Alph. 8. pl. 6.

Cum Latium curtz ſuz ſupelleſtilis probe memor, magnam omni ævo vocum & terminorum artificialium farraginem ex Helladis fontibus locupletiffimis emendicaverit, eaſque civitate donatas in Theologorum & Philoſophorum maximam partem ſcholas introduxerit : non omnibus ſolum, qui Literati videri volunt, aſt tamen Græcarum literarum imperiti ſunt, ſed & Theologis atque Philoſophis omnibus perutile & proſicuum opus in his Sacris ſuis Etymologiis, moderno Pontifici Maximo Clementi XI inſcriptis, ſe adornariſſe conſiſus eſt P. Nicolaus Mortierius, Religionis Clericorum Regularium infirmis miniſtrantium Generalis. Evolvit quippe

pe primo ubique in hoc opere loco, ordine Alphabetico, omnia pene vocabula Latina ex Græcia oriunda, eorumque tum originem & ex duabus aut tribus pluribusve vocibus Græcis compositionem, tum significatum proprium, tum quoque usum quandoque diversum, ex Græcis Scriptoribus & Patribus Ecclesiasticis, brevem simul hinc inde hujus vel illius rei factive historiam pertextendo, eruit. Deinceps vero in eo multum terit otii, ut ex Græcæ linguæ indole, Latinarum vocum ex Hellade oriundarum pronuntiationem omnes Græcæ linguæ imperitos rite edoceat. Nam cum v. g. Philosophia, Theologia, Academia, in Græcis fontibus *Φιλοσοφία*, *Θεολογία*, *ακαδημία*, accentum in penultima syllaba habeant, rectius esse censet, si quoque in Latina lingua hæ voces paroxytonæ permaneant; utut juxta idioma Latinum, alioquin penultima syllaba in his similibusve vocibus brevis sit, eademque a multis ut proparoxytonæ, accentu in antepenultima syllaba locato, pronuncientur. Et cum pariter quoque hydrops in Genitivo Græco *ὕδρωπος* per *u* habeat, contra vero dæmon in Genitivo Græco *δαίμωνος* per *o* seu omicron: hinc quoque apud Latinos Genitivum hydropis, penultima syllaba longa facta, paroxytonum, est Genitivum dæmonis, penultima correpta, proparoxytonum esse admonet. Tandem quoque subinde lites adjungit, quæ Romanæ Ecclesiæ cum Evangelicis aut Reformatis, circa voces v. g. idioma, eucharistia, latia, intercedunt, easque, quantum per operis angustias fieri potest, brevissimis quibusdam eadem opera disceptationibus dirimere alaborat.

LIBRI NOVI.

Apparatus ad Bibliothecam Maximam veterum Patrum & antiquorum Scriptorum Ecclesiasticorum. Opera Domni Nicolai Le Nourry. Parisiis, apud Jo. Anisson, 1703. fol.

Theologia Dogmatica & Moralis, Appendicæ duplici aucta, auctore Natali Alexandro. Parisiis, apud Ant. Dezallier, 1703. fol.

Novæ Plantarum Americanarum genera. Auctore P. Carolo Plumier. Parisiis apud Jo. Boudot, 1703. 4.

Jo. Christiani L. Baronis de Boinburg Epistole ad Jo. Conradum Dietericum. Norimbergæ, apud W. Michaelis, & J. A. Schwobachium, 1703. 12.

* * * * *

ACTA ERUDITORUM,

publicata Lipsiæ

Calendæ Novembris, Anno M DCC III.

A GENERAL ECCLESIASTICAL HISTORY &c.

i. e.

HISTORIA ECCLESIASTICA GENERALIS, A Nativitate Servatoris nostri optimi usque ad Christianismi, sub Constantino M. legibus humanis primum stabiliti, tempora deductæ, spatiumque CCCXIII circiter annorum continens. Accedit rerum Romanarum & Ecclesiasticarum, quæ sub eadem temporis periodo evenerunt, tabula Chronologica prolixior. Auctore LAURENTIO ECHARDO, A. M. Prabendario Lincolniensi, & Summe Reverendo ejusdem Diocesis Episcopo a sacris domesticis.

LAURENTIO ECHARDO, A. M. Prabendario Lin-

colniensi, & Summe Reverendo ejusdem Diocesis Episcopo a sacris domesticis.

Londini apud Jacob. Tonson, 1702, in fol.

Constat Alph. 5. pl. 8½.

QUæ cura hæcenus eruditorum non paucostenuit, ut Ecclesiæ historiam magis ac magis expolirent, iisque, qui in addiscenda illa occupantur, quoad facultas tulit, operam levarent, eadem Clarissimum Auctorem impulit, ut civium suorum commodo præcipue inserviret, Anglico idiomate res tribus prioribus seculis in Ecclesia gestas, generatim & universe persequeretur. Neque vero dum in recensendo hoc opere eleganti versamur, illud per omnes libros ac singula capita pressius sectari est animus, cum in eo Echardus ipse solum, quæ ab aliis scriptoribus in hoc genere præstantissimis fuerunt consignata, se repetiisse, ac non sine studio collegisse, lubentissime fateatur. Potius itaque partibus nostris

P p p

fic

sic satis defuncti videbimur, si de methodo, qua usus idem fuit, deque scriptoribus, quorum vestigia pressit, pauca disseramus.

In tres ergo libros divisum opus est, quibus præfationis loco Introductionem quandam eum in finem præmissam videas, ut Lectoris animus ad meliorem ipsius Historiæ cognitionem quasi præparetur. Describitur enim in illa Terra, quam Sanctam communiter adpellant; depingitur Judæorum Respublica, eorumque Sectæ enarrantur: de variis, quibus Messias V. T. tempore se revelavit, modis disseritur; memorabilia Christi nativitatem antegressa exponuntur, quæ singula quin rebus, quæ in ipso opere traduntur, magnam lucem accendant, nemo est, qui inficias iverit. In primo autem libro Auctor Servatoris nostri optimi vitam exhibuit, inque ea describenda, non modo ex Novi Testamenti scriptis atque Josephi monumentis multa collegit, sed etiam recentiorum tum eos, qui sacras Pandectas commentariis illustrarunt, tum qui Chronologiæ studium excoluerunt, sedulo secutus est: quales sunt ex istorum numero Medius, Hammondus, Lightfootus, Grotius, & illi, qui Criticorum sacrorum nomine comprehenduntur; ex horum vero ordine Chemnitius, & qui cæptum ejus laborem perfecerunt, Garthwaitus item, Richardsonius, Lightfootus, Cradokius, Tillemontius, Taylorius, Walkerus, Du Pin, ac forsitan alii. Quod autem ex Whistoni Harmonia, quam nuper Actis hisce inseruimus, in usum suum nihil convertere potuerit, quamvis eam scriptam adhuc manu pervolverit, id temporis, quæ tum laboraverit, penuriæ Noſter adſcribit. Secundo atque tertio libro omnem Apostolorum ac primorum Christianorum historiam complectitur, quæ non tantum Josephi, Philonis, Eusebii, Lactantii, Orosii, Sulpitii Severi aliorumque auctorum, qui primis quatuor Ecclesiæ seculis vixerunt, sed etiam eorum, qui res Romanas consignarunt, testimoniis ubique confirmatur.

Cæterum scribendi ratione Auctor utitur perspicua ac ejusmodi, quæ narrationibus exponendis apta omnino est, nihilque quod a primis Ecclesiæ incunabulis, ad Constantini M. ætatem usque, memoria dignum accidit, prætermisit, additis non raro

is,

iis, quæ ex Romana historia desumpta, ab argumento suo non aliena penitus esse existimavit. Hinc jam Christianæ religionis statum adumbrare, jam gravissimas Ecclesiæ persecutiones recensere, mox horrenda Martyrum supplicia enarrare, mox Præsulum meritis & doctrina præstantium memoriam renovare, modo scripta ipsorum commemorare, modo Tyrannorum vitam, quorum sub jugo Ecclesia sæpe anhelavit, breviter exponere non infelici conatu nititur, ubi non nisi ad sincerissima testimonia provocans. Abstinet hæc de causa a Nicephori, Metaphrastæ aliorumque illius ætatis scriptorum incertiorum autoritate, potiusque præter antiquos autores, recentiorum quoque præstantissimos in consilium adhibuit, ex quibus nominare nobis liceat Centuriatores Magdeburgenses, Baronium, Brietium, Capellum, Valesium, Spanhemium, Norisium, Pagium, Ruinartum, Godelum, Suerium, Fleryum, Du Pin, Tillemontium, Foxium, Usherium, Simpsonium, Montagum, Pearsonium, Hovvclium, Stillingfleetum, Dodvvelum, Wakium, Wottonum, & his singulis non minorem, Guilelmum Caveum, qui pro eo, quo in nos omnemque rem litterariam amore fertur, præsens Echardi opus benevole nobiscum communicavit. Addita quoque cernitur operi tabula Chronologica pariter & Geographica, quarum illa & Romanas & Ecclesiasticas res, a Christi nativitate ad Constantini M. tempora, secundum doctissimorum Chronologorum placita computat, hæc vero Cananæ terram eo in statu, quo Christi ætate fuit, accurate exhibet; ut indicem rerum & verborum, qui in fine annectitur, taceamus.

LETTERS OF FRANCIS BACON &c.

i. e.

LITERÆ FRANCISCI BACONI BARONIS DE Verulamio, Vice-Comitis S. Albani & Cancellarii Angliæ, scriptæ regnante Jacobo I &c. Introductione Historica atque Observationibus illustrata, juxtaque temporum seriem disposita.

Londini, sumptibus Benj. Tooke, 1702, in 4.

Constant. 2. Alphab. 2. plag.

Ppp 2

Falsi-

Fasciculi hujus literarum maximam partem ineditarum ea est præstantia, ut non arcana vitæ tantum ab incomparabili Bacono in negotiis publicis exactæ, quibusve artibus viam sibi ad summæ dignitatis fastigium muniverit, palam faciat, sed plurima etiam status politici Anglicani singularia, haud absque legentis voluptate accumulata, offerat. Quæ omnia ne per difficiles demum ambages investigare oporteret, præliminarem discursum satis copiosum, rebusque notatu dignis refertum, præmisit anonymus Editor, cujus tanquam digiti indicis ope, veram eventuum potiorum seriem cernere datur; adeoque nec nobis, opinamur, fraudi cedit, si ejus ductum in delibanda tanti Herois historia pressio pede insequamur. Illi autem Londini A. 1561. d. 22 Jan. nato pater obtingit Nicolaus Baconus, Magni Sigilli Angliæ Custos, vir spectatæ fidei ac probitatis, quoque Elisabetha Regina, præter Burgleium & Walsinghamum, in Republica administranda imprimis fuit usæ; mater vero una e sex filiabus Antonii Cookii, Præceptoris quondam Edoardi VI Regis, quas omnes edecumata Latinæ Græcæque linguæ cognitio perquam celebres reddidit. Germanum quidem habuit natu majorem Antonium, sed multa post lustra sine prole demortuum. Ipse vero Cantabrigiæ studiorum circulum mature absolvit, mox comes datus Amicio Pauleto, Legato Reginz in Galliam, a quo ad eandem certi nuncii perferendi causa remissus, egregiam dexteritatis laudem sibi peperit. Verum parentis mors intempestiva, cum vix decimum nonum ætatis annum Noster ageret, & Magnatis cujusdam, gratia apud Elisabetham valentis, injusta æmulatio obstitere, ne virtutis suæ præmia capesseret, aut muneribus publicis admoveretur, donec Jacobus Scotiæ Rex rerum in Anglia summam teneret, cui etiam ut Soli orienti singularem venerationis cultum deferre properavit. Diversam enim ab Elisabetha viam vel in hoc ingredi visus est Jacobus, dum honores titulosque liberaliore manu in subditos profudit, protinus sub auspiciis regiminis sui aliquot centum, inter quos Baconus, Auratis Equitibus creatis. Cum deinde arduum unionis Anglici Scoticique regni negotium ex voto Regis tractaretur, Commissarii que ab utraque parte selecti essent, qui communis salutis fundamenta sollicitè perquirerent, magni præcipue æstimabatur

Baco.

Baconi opera, quippe qui bis ea de re ad Parlamentum verba fecit, & duos insuper ad Regem conscripsit libellos, in opere, cui *Resuscitatio* titulus, jam exstantes, ut licet tum temporis optato exitu careret, quandocunque tamen illa melius successerit, plurimum adhuc ista ætas Baconi consiliis sit debitura. Eadem fere tempestate, qua Regi servitia sua approbare studebat, non minorem quoque a literis Angliæ gratiam iniit, libro vernacula lingua de Augmentis Scientiarum A. 1605 edito, quem Regi consecravit, multisque e Nobilium ordine obtulit. Ast exterorum etiam favorem commemeriturus, Latinitateque eum donare cupiens, opem Doct. Playferi, Professoris Cantabrigiensis, dictionis elegantia summo opere clari efflagitavit, qui tamen nimis politam versionem moliendo, Bacono res verbis antiquiores habenti haud fecit satis, ita ut hic post primum acceptum specimen, illi continuandæ ejus causa aurem vellicare, opus non censeret. Ipse vero adjutus postea a Georgio Herberto aliisque eruditis, in Latinum sermonem ingenii sui factum transtulit, adjectisque nonnullis ac immutatis A. 1623 in fol. prelo submisit, quem D. Wassetius infelici versione rursus adulteravit. Pauca quædam hic inserit Autor de Thoma Egertono, Angliæ Cancellario ac Barone Ellesmerii, mox Vice-Comite Brackley, nec non de Edoardo Coke Magno Justitiario Angliæ & Præside Tribunalis Regii, quorum ille senex emeritus muniis suis se abdicavit, & Bacono Sigillum tradidit, talem sibi in tanto honore successorem unice expetens; alter vero, cum summus ævi sui haberetur Jure-Consultus, ægre tulit, Bacono eruditionis palmam ab omnibus tribui, unde similitudines atque obrectationes, hujusque ad eum querelæ acerbissimæ. Sane in opprobrium ipsi cecidisse solidæ doctrinæ amorem & culturam, vel exinde patescit, quod cum Sollicitatoris Generalis officium aliquoties prensaret, tanquam rudior Juris municipalis repulsam semper ferret, nec ante A. 1607 illud obtineret. Interea Historiam Magnæ Britanniæ contendam esse, serio suaserat, specimenque ejus Regi exhibens, in quo primordia regni uniti delineata erant, abunde declaraverat, neminem tantæ provinciæ subeundæ se aptiorem fore. Anno 1602 intestino tumultu contremuerat Ultonia, Hiberniæ borealis regio, quo sedato agrisque rebellium confiscatis,

Epist. 12.

seqq.

Ep. 17.

Ep. 20.

Ep. 18.

Ep. 19.

- nova colonia a civitate Londinenſi prope urbem Derry fundata ac London-Derry vocata fuit; qua occasione Baconus in libello quodam peropportuna conſilia Regi detexit, transducendis ac ſtabiliendis ejusmodi coloniis accommodata. Panegyricum quoque in felicem memoriam Eliſabethæ, ſchediaſmati *Miſera Femina inſcripto*, (quod illi nomen Papa in bulla quadam ſua dederat) opoſitum elaboravit, ac Georgio Carew Legato Pariſiis degenti tranſmiſit, quo Thuano veritatis amantiſſimo Hiſtorico, ac geſta ævi Eliſabethani conſignaturo, communicaretur. Quod licet factum, atque a Thuano mentio ejus injecta fuerit, Noſter tamen integrum Panegyricum ſeparatim typis exeudi ultima voluntate juſſit; ſed non prius cives morem geſſerunt, quam A. 1658, quo Ravvlejus illum una cum Anglica verſione inter *Opuſcula* evulgarvit.
- Ep. 29.* Porro A. 1609 luci publicæ expoſuit Baconus *Cogitata & Viſa*, in quibus peſſimum literarum ſtatum atque errores quotidie obvios depinxit: quæ excepit A. 1610 de *Sapientia veterum* liber, Comiti Sarisberienſi atque Academix Cantabrigienſi ſacer, totuſque ſcatens parabolis & fabulis Antiquorum inſignioribus, quibus mentis ſuæ ſenſa juxta priſcam methodum involvere voluit. Enim
- Ep. 28.* vero ut ad provincias revertamur, quas diligentiffime obivit, primarii Procuratoris Regii gradum A. 1613 M. Octobri occupavit, ſucceſſorem in ſuperiore ſparta naſtus Heinricum Yelvertonum, virum rerum uſu exercitatiſſimum, de quo varia memorat Editor, a nobis brevitatis ſtudio prætereunda. Innotuere eo circiter tempore Peachami atque Ovveni crimina, quorum ille ſermoni nunquam quidem habito aut habendo, attamen in ſchedas in muſeo ejus repertas conjecto, plurimas locutiones ſeditioſas admiſciſſe:
- Ep. 30. ſeq.* hic vero ex Hiſpaniis redux, doctrinam e Suareſii lacunis hauſtam, Reges nimirum Papæ ſententia excommunicatos regnoque privatos jure a quocunque occidi poſſe, aliis inſtillare voluiſſe deferebatur. In utraque accuſatione tum ſtrenue Noſter egit partes ſibi commiſſas, ut Regis gratiam magis magisque acquireret. Nec levioſorem ſedulitatis gloriam indeptus eſt in cauſa Oliverii St. Johannis, cujus eadem epiſtolæ, ut & quinquageſima, mentionem faciunt. Cum enim in conſeſſu Parlamenti, A. 1614 congregati, ſubſidia pecuniaria impetrare Rex non valeret, illudque propterea diſſol-
- a. 1614.*
- Ep. 36. 373. 8.*
- Ep. 42. uſque ad 48.*

diffolveret, complures e Nobilitate & Clero agri Londinensis amore suum spontaneo donativo ei declaraverant. Istud exemplum aliis quoque ad imitationem commendandum ratus Senatus sanctior, literis per reliquas Angliæ provincias dispersis significabat aperte, quam accepta Regi futura foret similis subditorum suorum benevolentia, ita tamen, ut nemo ad aliquid dandum coereretur, aut requireretur nomen ejus, qui desideriis regis annuere nollet. Hoc factum vituperare cepit modo dictus Oliverius, & legibus, rationi ac religioni adversari, scripto ostendit. Quocirca in jus vocatus, ad multam 5000 lib. Sterling. & carceres quoad Regi placeret, nec non ad veniam admissi erroris nominerogandam, condemnari meruit. Eidem indigentia ut Rex mederetur, privilegium de pannis non tinctis extra Angliam exportandis, Societati mercatorum quondam indultum, revocavit, novamque Societatem condidit, quæ omnes pannos exteris vendendos tingi curaret, sperans hoc ipso reditus suos haud mediocriter auctum iri; re autem accuratius perpensa, plurimisque incommodis manifestatis, restauravit pristinum Consortium, ita tamen, ut summam quinquaginta millium librarum Sterling. fisco ejus inferret. Quo in negotio maxime eminebat Baconi industria, Ep. II. 53. 60. sicut & in prohibitione duellorum, ad quæ Angli Gallorum in morem nimis faciles, jam magno cum regni exitio descendebant. Hæc aliaque merita ejus, in quibus enumerandis Auctor Introductionis copiosus est, effecerunt, ut non modo in sanctius Consilium Regis cooptaretur, verum etiam ad munus Custodis Magni Sigilli Angliæ m. Mart. 1617 eveheretur; quod cum Buckinghami amicitia aliquo modo se debere putaret, exquisitissimas ipsi desuper gratias persolvit. Ast parum absuit, quin haud ita multo post Hephæstionis hujus favore, occasione nuptiarum inter Johannem Villierium fratrem ætate priorem Buckinghami & filiam Edoardi Cokii conciliandarum, quas disturbatum ibat, penitus excideret; sed tandem ei reconciliatus, animi sui lætitiæ eleganti epistola aperuit. Itaque Cancellarii Angliæ munus Nostro A. 1619 M. Januar. fuit delatum, quod excepit M. Jul. honor Baronatus Verulamii. Attamen inter medias curas tam arduas, inter tot propitios fortunæ amplexus, adamatz a se Philosophiæ subinde operam

Ep. 92.

Ep. 99. usque
104.

Ep. 30.

operam navare non cessavit, sed M. Octobr. A. 1620 *Novum Organum* publici juris fecit, quod opus, novæ quippe Logicæ fundamenta suppeditans, maximum & benignissimum approbatorem invenit Jacobum Regem, cui illud dedicaverat. Cum deinde ad

Ep. 128.

Ep. 127. 131.

132.

annum 1621 Parlamentum esset convocandum, summe grata ei quoque reddidit servitia sua, aptissimum schema Proclamationis Regiæ adumbrando, aliaque præparatoria expediendo, sic ut dignus judicari posset axiomate Vice-Comitis S. Albani recens impetrato. Verum in eodem Parlamento locum ac sessionem vix obtinuerat Baconus, cum magno casu, ut sunt rerum humanarum vicissitudines, rueret, & avaritiæ sordiumque publice accusaretur.

Ep. 133. 134.

Ep. 135. 136.

Primo quidem multis se defendere, atque amicorum ope actioni remoram injicere coepit, at nihil profecit, novis utpote indicibus aggravatus. Igitur ingenue confessus culpam, ad Regis Curiaque superioris misericordiam totus confugit, seriam admissi facti poenitentiam agens. Nihilominus Judices, excusato negotio, sententiam dixere, quæ Bacono mulctam 4000 libr. Sterl. pendendam, carcerem in Turri Londinensi, donec Regi liberet, exclusionem perpetuam ex Parlamento, atque inhabilitatem ad suscipiendum ullum munus publicum irrogavit. Executioni autem sic illa fuit mandata, ut Rex, remissa poena pecuniaria, brevissimæ custodiæ ipsum traderet, qua liberatus integrum deinde quinquennium studiis suis insunxit. A. 1624 tamen Regi supplicavit, ut ignominia maculam ex sententia contractam prorsus abolere dignaretur, quod etiam factum esse inde arguit Autor, quoniam initio regiminis Caroli I. Regis ad Parlamenti conventum fuerit vocatus. Cæterum eatenus ab avaritiæ labe immunem prædicat Baconum, quod a corradendis divitiis alienus semper apparuerit, adeoque taxandam solum ait nimiam ejus erga famulos suos indulgentiam, quibus omnia permiserit; unde hi abusi conniventis heri benignitate, ac simul prodigi, largitiones a partibus promiscue flagitarunt. Dona autem ab ipso accepta, vel interlocutoria decreta, quorum nullum tamen dein tanquam injustum subverti potuerit, respexisse, vel ante aut post controversiam finitam data fuisse. Fertur aliquando, dum conelave transibat, ubi plures e familia pristina prætereuntem assurgendo salutabant, dixisse eis:

Ep. 146.

Sedete

*Sedete Domini mei; vestrum enim assurgere casum mihi accelera-
vis.* Quamdiu remotus a publicis officiis vitam privatam du-
xit, tam libere contemplationibus suis incubuit, ac Reipublicæ
commoda promovere satagit, ac si nihil plane adversi sibi con-
tigisset; quam in rem Regi persuadere conatus est, ut e numero-
sa legum Anglicarum farragine, Digestum aliquod conficeretur,
suamque opem atque otium eum in finem obtulit. Vivendi fi-
nem fecit Londini d. 9. April. festo Paschatis A. 1626, febricula an-
tea correptus, demumque catarrho suffocatus, cum sexagesi-
mum sextum ætatis annum ageret. Sepeliri voluit in Ecclesia
D. Michaelis, quæ Verulamii seu Albani est, ubi monumentum
e marmore candido in ejus honorem exstrui deinde curavit Tho-
mas Meauty, quondam amanuensis ipsius, postea scriba in san-
ctiore Regis Consilio. Conspicitur ibi sedens, meditabundi im-
morem, subiecto epitaphio, cujus Henricus Wottonus autor;

Franciscus Bacon, Baro de Verulam,

S. Albani Vice-Comes :

seu,

Notioribus Titulis,

Scientiarum Lumen, Facundiæ Lex

sic sedebat.

Qui postquam omnia Naturalis Sapientiz

& Civilis Arcana evolvisset,

Naturæ Decretum explevit :

Composita solvebantur,

Anno Dom. MDCXXVI.

Ætatis LXVI.

Tanti Viri Memoriz Thomas Meautus, Superstitis Cultor,

Defuncti Admirator

H. P.

Plura quidem tam ex Introductione, quam e Literis, iis-
demque superadditis notis, petere licuisset, nisi quemlibet pau-
lo curiosum, vel absque ulteriore incitamento, ad pernoscentia
tam illustri Viri fata, adeoque ad librum ipsum perlegendum,
propensum fore consideremus.

VITA S. PETRI DAMIANI, TRIBUS TOMIS
comprehensa, auctore JACOBO LADERCHIO, Con-
gregationis Oratorii Urbis Presbytero.

Romæ, apud Petrum Oliverium, 1702, in 4.
Constat Alph. 9. plag. 22.

Celebre adeo ac clarum nomen est Petri Damiani, ut eose
Cadductum fateatur Auctor Reverendus, quo vitam ejus co-
piose traderet, tribusque voluminibus inclusam orbi erudito ex-
hiberet. Cujus instituti rationes ita moderatus est, ut ductis
ab ortu initiis, ad exitum ejus perrexerit, remque omnem ope
variorum librorum, quantum fieri potuit, studiose enarraverit.
Natum esse dicit Ravennæ; quo anno, non definit, cum in di-
versas sententias scriptores abeant, & mox ad annum 1006, mox
ad 980 ortum ejus referant. Fratres duos habuit, *Damianum*
alterum, Ravennatis Ecclesiæ Archi-Presbyterum, inde Mona-
chum; alterum *Marinum*, nec non sorores duas. Caute ab his
separandi sunt, docente Laderchio, *Damianus*, Petri Damiani,
de quo hic sermo, ex sorore nepos, & *Marinus*, fratrucius.
Petrus Damiani natu minimus fuit, quem proinde mater nume-
rose prolis pertaxa abjecit, at sustulit scemina quædam, & amo-
riendi periculo liberavit. Duro usus est difficilique initio, in-
primis cum mater & pater mature obiissent, adeo ut porcos pa-
scere necesse habuerit. Nihilominus in puero jam tum eluxis-
se dicitur insignis sanctimonia, & mira erga defunctos parentes
pietas, quam eo maxime tempore declarasse existimatur, quo
numum a se inventum Sacerdoti, quo Patris causa Deo offerret
sacrificium, tradidit. Cum ergo frater *Damianus* erectam in
eo indolem animadvertisset, exemit ipsum servituti, & Raven-
nam, Faventiam ac Parmiam, quo studiis vacaret, misit. Id quod
Noster tanti duxit, ut grati erga fratrem animi ergo, Petrus Da-
miani appellari voluerit. Hæc dum refert Laderchius, monet
insimul, perperam aliquos Petrum Damiani cum Petro de Ho-
nestis, Ravennæ itidem nato, ac Portuensis cornobii fundatore,
confundere. Excultus literis Petrus Damiani, ordini S. Bene-
dicti se addixit, ac deinde Eremum seu Congregationem Fon-
tis

Fontis Avellani ingressus est. Late commemorat Laderchius de fundatione hujus Eremiti, tum vero & exponit de vitæ genere Petri Damiani, deque singulari Scripturarum studio, & nominis fama. His enim rebus effectum dicit, ut non ab aliis solum observatus, sed Congregationis quoque Prior constitutus fuerit. Interea maximis turbis ac dissidiis affligi cœpit Romana Ecclesia, mortuo A. 1033 Joanne XX Pontifice. His ut mederetur, omne suum studium in eo collocavit, ut pacem ac concordiam instauraret ac reduceret. Non minus elaboravit, ut vitæ purioris ac disciplinæ ratio haberetur, ac proinde contra Simoniacos, quorum gratia quoque Leo IX Synodum coegit, maxime disputavit, & adversus Sodomitas librum *Gomorrhianum* exaravit. Quem utut Leo IX scripta epistola approbaverit laudaveritque, ab Alexandro II tamen callide surreptum, & scrinio inclusum Laderchius dicit, propterea quod obscœnæ res non ita describi ab eo potuerint, quin castos legentium oculos offenderent. Inde disputatum est, an ordinati a Simoniacis, denuo ordinari seu reordinari debeant. Quam rem definivit Noster scripto libro, cui titulus: *Gratisimus*; in quo evicit, minime reordinandos esse. Tantam hujus libri auctoritatem fuisse refert Baronius, ut nullus amplius repertus fuerit, qui adversam sententiam propugnaret. Laderchius noster summam hujus libri hic repetit: inde progreditur, ac probare satagit, Petrum Damiani primum omnium voluntariam flagellandi disciplinam instituisse. Laudat hoc institutum Laderchius ac defendit, & quomodo a Petro Cerebroso, & nonnullis Florentinis Monachis impugnatum, & quibus porro modis propagatum fuerit, explanat. His aliisque explicatis, allata Damiani epistola narrat, quomodo Leonem IX adhortatus fuerit, ne se rebus bellicis a persona sua plane alienis immisceret, idque recte ipsum fecisse, contra Baronium & Bellarminum non solum probat, sed Cajetani quoque verba, quibus Petrum Damiani defendit, adducit. At nec hic substitit Damiani diligentia, sed processit ulterius, impulsiq; eum, ut contra Clericos concubinos, & eos, qui vitam monasticam deferere audebant, scriberet, atque vehementer eos coargueret. Varios huc usque, quos pertulit, labores commemo-

ravimus; nunc præmia, quæ consequutus est, attingemus. Anno nempe 1057, vel ut alii censent, 1058, Rom. Eccl. Cardinalem Episcopum Ostiensem constituit Stephanus Papa X, dictus IX, ut dignam laboribus ac bene merendi ardore (qui tantus in eo fuisse perhibetur, ut, cum acerbis febribus noctu conflictatus, mox orto Sole templum ingressus fuisset, missarum solemniam inchoaverit, & reliqua sibi facienda peregerit) mercedem persolveret. Hac dignitate auctus, scripsit ad S. R. E. Cardinales, & hortatus eos est, ut sanctimoniam curam haberent, atque ita viverent, quo vita ipsorum aliis in exemplum proponi posset. At vero frustraneas Nostri monitiones fuisse, ac proinde de abdicanda, quam adeptus erat, dignitate eum cogitasse, Laderchius scribit, qui hac occasione de Romanæ Ecclesiæ facie, qualis illis temporibus fuit, ex antiquo codice MSto Vaticanæ Bibliothecæ nonnulla adfert. Hæc dum aguntur, magna rerum facta est conversio. mortuo 4 Cal. Aprilis A. 1058 Stephano X Pontifice. Gregorius enim Lateranensis, & Tusculanensis Comes, sociato sibi Gerardo Galerense & Romanis potentibus aliquot, noctu cum armatorum turbis Ecclesiam una pervadunt, & Joannem Velitrensem Episcopum, Mincium postea cognominatum, Papam constituunt, Benedicti illi nomine imposito. Ægre hoc tulit cum aliis Petrus Damiani, restititque fortiter, tandemque non id assequutus solum est, ut a Cardinalibus Senis congregatis Gerardus, Episcopus Florentinus, postea Nicolaus II, Pontifex eligeretur, sed effecit quoque, ut Joannes, Velitrensis Episcopus, muneribus suis excideret. His gestis, scripsit Petrus Damiani ad Nicolaum II, & aperuit, se de Episcopali provincia decedere constituisse. At vero renuit Pontifex, & solummodo concessit, ut ad tempus ad Eremum regrederetur. Brevi post, hoc est anno 1059, inensè Aprili, Romæ Concilium in Laterano est institutum, eoque evocatus est Petrus Damiani. Præter alia, de Episcopis Simoniackis & concubinariis ibi actum est, urstque mirum quantum Pontificem Petrus Damiani, quo in id genus homines graviter animadverteret. *Nam si quis ad quemlibet ecclesiasticum erat ordinem promovendus, nullatenus absque venalitate commercio ad consecrandum, immo contaminantis, manus valebat*

*valdebat accedere. Alterius vero fœditas eatenus se impudenter effuderat, ut nuptiæ Presbyterorum nihil discrepare viderentur ab ambitione secularium, ut ex vita Damiani, a Joanne discipulo scripta, Laderchius refert. Huic proinde rei quo obex poneretur, missus est Petrus Damiani Mediolanum, maxime cum ideo inter clerum & populum Mediolanensem ingentes lites intercessissent. Descripsit res in hac legatione gestas ipse Petrus, in quodam ad Hildebrandum S. R. E. Cardinalem Archidiaconum libro, qui inscribitur: *Actus Mediolani*; ex quo varia hic adferuntur. Consecta prudenter & cum cura legatione, ad Eremum reversus, & Nicolao II, qui armis Procerum Romanorum superbiam fregerat, gratulatus est. Inter hæc anno 1061 mense Julio Nicolaus II moritur, eligiturque Alexander secundus. Cui instituto cum Aula Regia Germanica repugnaret, & Cadaloum, Parmensem Episcopum, Anti-Papam constitueret, Petrus Damiani magnopere Romanæ sedis auctoritatem defendere annisus, scriptisque literis Cadaloum a proposito dehortatus est. Enimvero flectere Cadaloï animum non potuit. Coactum ergo est Concilium Osborniense, in quo approbata est electio Alexandri, annitente inprimis Petro Damiani. Non quidem coram adfuit, at vero eo misit opusculum, cui titulus: *Disceptatio Synodalis*; ubi disceptantes introducit *Advocatum Regium & Defensorem Ecclesiæ Romanæ*. Inde cum Legati munere missus est in Galliam, tum alias ob causas, tum vel maxime, ut Cluniacensi monasterio contra Droconem, Matisconensem Episcopum, adesset, qui jus in monasterium sibi vindicare & vi adferere ausus fuerat. Quæ destinata quo ex voto a Petro Damiani expedirentur, ad Præsules Galliarum literas perscripsit Alexander Papa, in quibus significavit, se Nostro arbitrium statuendi agendique prorsus & omnino permisisse, & copiosis præterea laudibus eum extulit. Inter alia his verbis usus est: *Talem vobis Virum destinare curavimus, quo nimirum post nos major in Romana Ecclesiâ auctoritas non habetur: Petrum videlicet Damianum, Oslicensem Episcopum, qui nimirum & noster est oculus, & Apostolica sedis immobile firmamentum*. Et peregit sane rite demandata sibi munia, & insidias auspicato effugit, quas*

Cadalous ipsi struxerat. Quo igitur suscepti laboris fructum consequeretur, petiit a Pontifice, ut muneris, quod gerebat, Ecclesiastici vacatio concederetur. Ægre annuit Pontifex, & ea quidem lege, ut centum annorum pœnitentiam ageret. Ergo ad Eremum reversus est, at non sibi solum vacavit, sed pro totius Ecclesiæ salute curavit, atque scriptis literis Pontificem ac Præsules, tum vero & alios, ut disciplinæ & recti moris rationem haberent, diligenter admonuit. Quanta cæteroquin auctoritate floruerit, inde Laderchius probat, quod hortatu ipsius Romam venerit Agnes Imperatrix, Henrici IV mater, egeritque pœnitentiam propterea, quod Cadaloi partes sectata fuerat. Non minus valuit ejus sententia in Florentina, quam A. 1062 barbarum sopiendarum ergo suscepit, legatione, & synodis Romanis, nec pauca ex sententia ejus egit Alexander Pontifex. In primis vero scriptis epistolis diligenter cavit, ne turbæ hinc inde excitatæ crescerent, sed tempestive opprimerentur. Cujus instituti gratia exaravit ad Gottfridum, Hetrurici Ducem, literas, atque effecit, ut Cadaloi partes desereret. Imo Regem Henricum IV scripta epistola serio cohortatus est, ne Pontificiam sedem labeficeret ac incesceret. Maxime vero his verbis usus est: *Cavendum est, o Rex, ne dum tu pateris dividi Sacerdotium, tuum quoque, quod absit, dividatur Imperium.* Quod varicinium tum impletum esse ait Laderchius, cum Conradus filius contra patrem arma ceperit. Quæ Damiani adhortatio tantum valuit, ut anno 1065, vel 1066, Anno, Archi-Episcopus Colonienfis cum Legati munere Romam mitteretur, eo potissimum consilio, ut inuito, quod Noster Regi suaserat, Concilio, pax & concordia restitueretur. Ut vero monitionibus Damiani tum obtemperavit Rex Henricus, interjecto tamen tempore iterum ab instituto eum declinasse ait. Interea Mantuæ institutum Concilium, sublatumque dissidium est. Cui etsi interesse recusaret Noster, attamen omne tempus a quiete & otio sejunxit, & Pontifici ex Concilio revertenti librum de *brevitate vite Romanorum Pontificum* obtulit. Inde iterum Synodos Romanas invisit, everasque incestuosorum, ceu Laderchius loquitur, hæresis, ad Eremum reversus, & cum de *contemptu sæculi*, tum aliis rebus

com-

commentatus est. Aliquantum post Legatus ad Henricum Regem, ac interjecto tempore, Ravennam missus est. Inde rediens moritur Faventia. Hæc de vita & rebus gestis excerpere nobis libuit. Reliquæ hujus operis partes virtutes Damiani persequuntur, & ita constitutæ sunt, ut non tam historię faciem, quam orationis, laudes Damiani quam copiosissime decantantis, referant, cujus proinde stoliculos decerpere & huc transferre nolumus.

DE LOCIS SOLIDIS SECUNDA DIVINATIO
Geometrica in quinque libros injuria temporum amissos Aristæi Senioris Geometra, Autore VINCENTIO VIVIANI, Magni Galilei novissimo Discipulo, Regiæ Celsitudinis Cosmi III M. D. Etruriæ Mathematico primario, a Ludovico Magno inter ceteros Regiæ Academ. Scientiar. Socios adscripto, & Regalis Societatis Londini Sodali. Opus Conicum continens Elementa tractatum ejusdem Viviani, quibus tunc ipse multa, maxima & abditæ in Mathesi Theorematum demonstrare cogitaverat.

Elaboratum anno 1646. Impressum Florentiæ ab Hippolyto Navesi A. 1673. Addendis auctum & in lucem prolatum A. 1701. Florentiæ typis Regiæ Celsitudinis, apud Petrum Antonium Brigonci, in fol.

Constat 3. Alph. plæg. 15. & fig. æn. plagulis 2½.

Quantum apud Mathematicos nomen consecutus sit Autor Illustrissimus, prima Divinatione de Maximis & Minimis anno 1659 edita, nemo in his studiis versatus ignorat. Nunc ex longissimo intervallo sequitur altera de Locis Solidis, exemplo Aristæi senioris elaborata, quem Pappus Alexandrinus libro 3 de hoc argumento scripsisse refert, his verbis: *Hi (Heronem & Philonem intelligit) asserentes problema (duplicandi cubi seu aræ Deliacæ) solidum esse, ipsius constructionem instrumentis tantum persecerunt, congruenter Apollonio Pergæo, qui & resolutionem ejus fecit per Coni-sectiones; alii per Locos Solidos Aristæi; nullus autem per ea, quæ proprie Plana appellantur. Idem Pappus in proœmio libri 7: Scripserunt autem hac de*

re

re (de Locis scilicet) tum Euclides (de Locis ad Superficiem) qui Elementa tradidit; tum Apollonius Pergens (de Locis Planis); tum Aristæus senior (de Locis Solidis). Et paulo infra: *Aristæi Locorum Solidorum libri quinque*. Et inferius: *Erant igitur Conicorum Elementorum primum Aristæi senioris libri quinque*. Et mox: *Euclidis libros quatuor Conicorum cum Apollonii explevisset, ac quatuor alios adjunxisset, octo Conicorum libros confecit*. *Aristæus autem, qui scribit ea, quæ ad hoc usque tempus tradita sunt, Solidorum Locorum libros quinque Conicis cobarentes vocavit*. Fuit autem hic Aristæus prior Euclide; nam ut idem Pappus: *Euclides autem secutus Aristæum scriptorem luculentum in iis, quæ de Conicis tradiderat &c.* Ex his suspicatur Vivianus, Aristæum quinque libros Conicorum Elementorum, & quinque alios Locorum Solidorum scripsisse. Sed & ex Campano Novariensi, qui floruit anno salutis 1030, & in sua ex Arabico versione, Commentarioque Theonis in Elem. Eucl. ad 1 prop. libri 14, ita loquitur: *Nunc ergo explicandum est, quod ait Aristæus in libro intituato: Expositio Scientiæ quinque corporum, nec non & Apollonium in Dono secundo: & in exordio propositionis 10 ejusdem libri: Hoc est, quod superius post demonstrationem primam hujus auctoritate Aristæi & Apollonii commemoravimus; colligit Vivianus, Aristæum scripsisse de quinque Corporibus Regularibus. & quidem seniore, quia a Campano semper ante Apollonium nominatur.*

Hujus gravissimi auctoris Loca Solida resuscitare celeberrimus Autor noster constituit, sed negotiis publicis, assiduus itineribus, fluminumque & agrorum lustrationibus, tum adversa subinde valetudine, fuit retardatus. Nunquam tamen per intervalla tractare Geometrica desuit, tamque multa excogitavit in Mathematicis disciplinis, ut obruat copia jam senio confectum. Ne sere edendi quicquam otium fuit, quam Formationem & Quadraturam Geometricam superficierum curvarum, tum antiqui Romani *Formicis scaphiformis*, tum novæ suæ *Tessudinis Florentinae*. Nunc ad octogesimum annum proVectum, & amplissimis honoribus rursus a Ludovico Magno cumulatam, hoc tandem opus proferre se voluisse ait, ex tribus libris constans:

nam

nam duos ut adhuc adjiceret, & quinarium numerum Aristæi expleret, nec ætatem, nec occupationes, nec valetudinem permisisse. Hæc in præfatione exponit ipse, & præter defunctos, amicos laudat *Wallisium*, *Leibnitium* & *Baconem Gregorium*, quorum primus de Italorum meritis candide judicavit, postremus etiam operam ad edenda Autoris scripta obtulerit. Leibnitio autem nostro quastribuit invidendas laudes, recensere superfedemus.

Liber primus agit de Ordinationum Conicarum limitibus, quibus præmittit Autor definitiones novas; ubi meminit *Ramorum*, id est rectarum ex uno puncto, tanquam origine, ad diversa puncta Coni-Sectionis ductarum, ad imitationem Apollonii ex Arabico editi. Et prop. 10. demonstrat, si Coni-Sectionem ABC ex eodem puncto E, duæ rectæ lineæ EA, EC contingant ad A, C, & ex ipso tangentium occursum E, sit alia recta Coni-Sectionem secans in B, F, rectam vero AC, tractuum puncta jungentem, secet in L; constare jam ex 37 tertiæ Conicorum, secantem EF divisam esse in B, L, in ratione *harmonica*, ita ut FE ad EB, sit ut FL ad LB; nunc vero accedere, quod, si segmentum hujusmodi secantis inter tangentium occursum E, & tactus jungentem AC interceptum, nempe EL, media harmonica, bisecetur in M, tres MF, ML, MB, esse inter se in eadem continua ratione Geometrica, & in ea, in qua est FE ad EB, vel FL ad LB. Item FL ad LB esse, ut EM ad MB. Et prop. 13. si sit Coni-Sectionis quæcunque AB, cujus axis BC, vertex B, latus rectum BD normaliter ad B cum BC constitutum, sed ab altera parte Coni-Sectionis, transversum vero latus in axe sit BE, binos vertices oppositos jungens, rectam DE, quæ duo extrema D, E laterum recti & transversi jungit, vocat *regulatricem*. Sit recta BA, angulus ad BC semirectus, hæc recta alicubi occurret regulatrici ut in G, & ex A & G in axem agantur normales AL & GH; quoniam ergo rectæ BH magnitudinem ad limites indagandos utilem reperit, vocat eam *Modulum ex semirecto*; & biseccando eam in P, vocat P *centrum Moduli ex semirecto*, & prop. 14 ostendit in Coni-Sectione quadrata ramorum ab origine in vertice esse inter se, ut rectangula segmentorum axis, inter ordinatas ex ramorum terminis, & terminos moduli ex semirecto interceptorum. Nempe ex origine B præter BA sit alius ramus BI ex vertice B ad aliud

R r

cur-

curvæ punctum I ductus, & ex I ad axem normalis agatur ordinata IK, erit quadratum BI ad quadratum BA, ut rectang. HKB ad rectang. HLB. Eodem modo definitur postea Modulum ex Verticali, Modulum ex Laterali, Modulum ex Asymptoto, quos infra explicabimus. Si rectæ ordinatim sumtæ, v.g. normales ad parabolam ab ejus puncto usque ad axem ductæ, sumantur in ordinata ex axe, ait Autor, *Limitem ordinationis* harum normalium esse ad locum concavum alterius parabolæ priori congruentis, & communem axem habentis, cujus focus sit in vertice parabolæ datæ: eodem modo in Ellipsi & Hyperbola, aliam Ellipsin vel Hyperbolam prodire, ostendit prop. 38. 39, 40; simili ratione & multi alii limites ordinationum definiuntur. In libro autem secundo exponuntur Loca ipsarum ordinatarum parallelarum, quæ per rectas earumque quadrata & rectangula definiuntur, & in loca plana aut solida terminantur. Et in libro tertio exhibentur non pauca loca plana & solida, præsertim in quæ terminantur rectæ ex eodem puncto eductæ, & quantitatem habentes certa quadam communi lege definitam. Sic prop. 1 Locus, quem attingunt ad eandem partem positi vertices triangulorum similium, quorum bases ab eodem puncto dato ad eandem rectam lineam extra ipsum datam pertingant, est locus planus, videlicet ea recta, quæ vertices duorum tantum quorumlibet horum rectangulorum conjungit. Et prop. 24 locus, quem attingunt vertices triangulorum super eadem basi descriptorum, & quorum anguli ad alterum basis terminum dupli sint angulorum ad reliquum, est linea Hyperbolæ, cujus focus sit ad terminum basis, in quo sunt anguli reliquorum dupli, vertex vero sit in basi per hujus trientem a foco distans, & axis transversus sit segmentum, quod superest ex eadem basi. Hic etiam passim illustrat Autor loca solida, quæ habet Pappus, qualis est lib. 4. prop. 42. Sit recta AB positione data, atque a dato extra puncto C, ipsi occurrat recta quadam linea CD, & ipsi AB ad angulos rectos ducatur DE, sit autem proportio CD ad DE data; punctum E est ad Hyperbolam. Ubi notat Autor, insignem quendam Mathematicum, & maximi Geometricorum librorum autorem, (forte Gregorium a S. Vincentio) in prop. 96 & 197 sui de Hyperbola tractatus quadam attulisse,

tulisse, sed in prop. 197 nonnihil fuisse lapsum. Notat etiam prop. 37, si in Circuli ADFCE diametro AC sumatur punctum B, unde normaliter educatur BF & ipsi radio circuli æqualis BD, ipsaque DB producat in E, fore inter AB, CB, mediam Arithmeticam BD, Geometricam BF, Harmonicam BE, hasque tres medias esse inter se in continuatione Geometrica. Multæ habentur egregiæ propositiones in hoc opere, sed cum eas exscribere nimis prolixum futurum sit, & ipsum opus potius harum litterarum studiosis quærendum & legendum judicemus, ea fere tantum adduximus, unde novæ Autoris definitiones cognoscerentur, cum ad compendium enuntiandi vocabula quædam novo sensu adhibere, perutile judicavit. Diximus jam, quid appellet Modulum ex semirecto. Nunc & aliorum Modulorum definitiones addere, operæ pretium videtur. Sit Coni-Sectionis ABC vertex B, axis BD, ordinata BC ad axem normalis in D. Ipsam Coni-Sectionem tangent AG, CP, quibus occurrat tangens verticalis GBP, sumatur in BG punctum I, sic ut sit, DI æqualis ipsi BG: producat DI, donec tangentibus AG, CP, productis occurrat in H & M, ex quibus punctis agantur in axem normales HL, MN, appellabitur LN *Modulus ex verticali*, & si bis secetur LN in Q, erit Q *centrum Moduli ex verticali*, quæ definitio præmittitur propositioni 18 libri 1, quæ ita habet: in quacunque Coni-Sectione quadrata ramorum ab origine inter focum & verticem, in Ellipsi autem *prolata* (seu relata ad axem minorem, cuius respectu lata est, ut respectu axis majoris oblonga) ab origine interna ubicunque data sunt inter se ut rectangula segmentorum axis inter ordinatas ex terminis ramorum & terminos Moduli ex verticali interceptorum. Nempe retenta figura præcedente, *si origo ramorum* sit D, sitque alius quicumque *ramus* DR seu recta ex D occurrens Coni-Sectioni in R, unde ad axem agatur ordinata RO, erit quadratum DR ad quadratum DA, ut rectangulum NOL ad rectangulum NDL. Eadem figura quantum opus manente, in AC producta sumantur DS, DT, æquales ipsis AE, CE, posito punctum E esse concursum tangentium AG, CP, in axe. Jungantur ES, ET. Jam ipsi ES occurrat producta DG in P. ipsique DG occurrat IE producta in V (exce-

pto circulo, ubi DG, TE sunt parallelæ.) Ex punctis P & V ad axem ducantur normales PW, VX, appellabitur WX *Modulus ex Laterali*, & punctum bifecans WX *centrum Moduli ex Laterali*, & SET dicetur *Triangulum Circumauclum*. Quibus definitionibus subjicitur propositio 22, libri 1. In quacunque Coni-Sectione quadrata ramorum ab origine externa ubicunque data, quæ tamen in Hyperbola sit intra centrum & verticem, sunt inter se ut rectangula segmentorum axis inter ordinatas ex ramorum terminis & terminos moduli ex laterali interceptorum. Nempe in figura præcedente sit E origo ramorum, unde rami EA, ER, ad puncta Coni-Sectionis A & R, unde ordinatæ AD, RO, erit quadratum ab ER, ad quadratum ab EA, ut rectangulum WOX ad rectangulum WDX. Addemus & *Definitiones*, quæ Libro Secundo præfiguntur, tanquam utiles ad compendia enuntiandi. Data recta terminata A B sit utcumque secta in C, & ei addita in directum BD. Dicetur AB *data*; AC vel BC erit *pars*; utraque, *partes integrantes*; BD *addita*; AD *superaddita*; AD, BD, *coaddite*; C *occurfus partium integrantium*; A *occurfus data cum superaddita*; D *occurfus coadditarum*; B *occurfus data cum altera integrantium*; A *occurfus data cum reliqua integrantium*.

Cæterum non spernenda sunt, sed magnificienda potius, scripta Geometrica ad morem veterum elaborata, si præclaras contineant propositiones. Etsi enim calculus analyticus Vietæ & Cartesii effecerit, ut multa compendiosius obtineamus calculando, sunt tamen & quæ more veterum ex figurarum contemplatione facilius eruuntur. Et constat, multa problemata compendiosè & eleganter solvi more veterum per constructiones, ad quas solo calculo non facile pervenissemus; idque præsertim per doctrinam *Datorum & Locorum* obtinetur, quam ideo veteres studiosè excoluerunt, quorum Locis non pauca Autor noster adjecit. Cui utinam ætas viresque sufficerent, accederentque apti adjutores, ad multa, quæ adhuc præclara in scriniis habet, proferenda. Postremo laudanda est Viri egregii gratitudo erga Galilæum, ex cujus discipulis unus est superstes. Cui monumentum erexit in ædibus suis, quas Adeodatas vocat, quod Ludovici Regis

gis, a suis initio Adeodati dicti beneficii Deo dante, comparatz atque perfectæ essent, quarum & adjecta est facies, una cum typo *simulacri anei Galilæi*; quod ex protoplasmate a celebri sculptore Joh. Caccinio, coram Serenissimo Cosmo II anno 1610 ad vivum efformato, primus publice posuit. Adjectæ quoque sunt inscriptiones, quibus & Regi munifico gratias agit, & *Galileum* celebrat, quem in iis, ne vulgo nota repetamus, ait Microscopia ex una & duplici lente primum excogitasse, & jam anno 1612 Casimiro Polonorum Regi (sed tunc regnabat Sigismundus) dono misisse; fuisse perpetuum inanis artis Genevliacæ insectatorem; natum Pisis, eodem ipso anno, mense, die ac prope modum hora, quibus obiit celebris Michael Angelus Bonarota; patre legitimo Vincentio de Galilæis, Patritio Florentino (cujus de vetere & recentiore Musica dialogi extant & laudantur) ex uxore Julia Cosmi Venturæ de nobili Pistoriensi familia Ammanatorum filia (quod notasse videtur Noster contra eos, qui falso sparsere, Galilæum illegitimum natu fuisse;) anno ab incarnatione Christi 1563 stylo Florentino, mensis Februarii die 18, hora ab occasu 21½. Eadem autem die, hora 23½. Romæ obiisse Bonarotam, (non 17 Febr. ut scripsit Vasarius) didicit Autor ex commentariis domesticis Leonardi Bonarotæ, qui ex Michaelis Angeli fratre fuit natus. Galilæus autem postremo vitæ quinquennio visu fuit orbatus, & lenta tandem correptus febri optimus Philosophus, invocato sapius nomine Jesu, immortalem spiritum Creatori reddidit anno a Christo nato 1642, die Mercurii, 8 Januarii, hora quarta, annos agens 77, menses 10, dies 10; altantibus postremæ invaletudini Doctore Vincentio filio, ac duobus hospitibus & mensæ sociis, Evangelista Torricellio, celeberrimo viro, per postremum trimestre, ac per ultimum triennium ipso Autore admodum juvene, qui Galilæo a Serenissimo Ferdinando II, Magno Duce, fuerat commendatus. Atque utinam is plura, quæ adhuc servat, ad vitam doctrinamque Galilæi pertinentia, & sua propria non pauca præclara cogitata, quæ familiaris salutem ac sine Geometrico apparatu exponi possent, perire non patiatur.

C. PEDONIS ALBINOVANI ELEGIE III ET
 Fragmenta, cum interpretatione & notis JOS. SCALIGERI,
 FRID. LINDENBRUCHII, NIC. HEINSII,
 THEOD. GORALLI & aliorum.

Amstelædami apud Henr. Schelte, 1703, in 8.

Plag. 16.

Poetam exhibemus Ovidii æqualem, aureique seculi, *Cajum Pedonem Albinovanum*. Ex ejus operibus duo nobis fragmenta supersunt. Alterum ex deperdito Autoris de navigatione Germanici poemate desumptum, quo Oceanus describitur, quod *Seneca Rhetor* Suasoria prima nobis conservavit: alterum facietam de homine lucifuga narratiunculam continens, quod *Seneca Philosophi* Epistola 122 suppeditat. Præterea tres ejus Elegiæ ad nos pervenerunt. (Has suis commentariis illustratas (post antiquas editiones,) cum Catalektis Virgilii, in lucem conjunctim misit *Josephus Scaliger*. Post eum priori, ad Liviam Augustam de Drusi Neronis morte consolatoriz, *Nic. Heinsius* medicas manus attulit, eamque a se castigatam una cum *Ovidio*, cui eam multi tribuerant, circa finem Tomi I edidit. Alteram in Mæcenatis obitum, postremamque suprema ejus verba referentem, *Mæcenati* suo *Jo. Henr. Meibomius* inseruit. Primam Augusti ævo dignam, nemo dubitat: reliquas Scholastico euidam sequioris ævi tribuere malunt *Ger. Jo. Vossius* & *Nic. Heinsius*, quos oppido falli, recentis hujus editionis Autor Clarissimus existimat, qui eas Pedoni post Scaligerum tribuit, in multisque rationibus sententiam suam corroborare nititur. Non negat tamen, loca aliqua languidiora ibi occurrere, quibus nec prima Elegia omnino destituitur. Quippe spiritus Pedoni haud per omnia æqualis fuit, sed remissus aliquando, alibi vicens ac vegetus. Nos, quid circa hanc editionem doctissimus Gorallus præstiterit, paucis indicabimus. Dedit is ante omnia operam, ut certam & accuratam statueret contextus lectionem. Itaque editionem Scaligerianam cum antiquioribus Venetis annorum 1484 & 1577 diligenter contulit, ac ubi dissentiebant, eam lectionem expressit, quæ ad sæculi Scriptorisque ingenium, & rem ipsam propius visa ipsi fuit accedere; in Elegia

legia tamen prima, Nicolai potissimum Heinsii lectiones amplectus. Textui sic castigato, Gallos Autorum in usum Delphini interpretes imitatus, languidiorem, ut ipse fatetur, sed accuratam paraphrasin, prosa oratione, e regione adjunxit; quæ & eos juvit, quibus sine tali Poetæ sensum assequi ubique non datur: & sententiarum connexionem, quæ in Poetis sæpe obscura est, etsi in singulis dubium restet nullum, explicuit. Utrique vero paginæ, tum quæ textum, tum quæ paraphrasin exhibet, annotationes Scaligeri, Lindenbruchii & Heinsii integras subjecit; Lipsii quoque, Meibomii, Schotti, Jani Rutgerii, Jo. Fr. Gronovii, & si quæ sunt aliorum, observationes in Poetam nostrum sparsim allegavit, adjectis suis notis perpetuis. Hæ genuino Poetæ sensu indagando potissimum occupatæ, ritualia & historicas allusiones breviter explicant, allegatis veterum verbis, indicatisque, qui de talibus plura tradidere, scriptoribus. Sic *Eleg. I. v. 388* per *Appulum* Daciarum populum intelligi evincit, locumque intempestiva Scaligeri, qui *Angulum* legendum putaverat, emendatione corruptum, quemque Heinsius valde depravatum agnoscens restituere tamen non ausus est, absque ulla textus correctione, optime sibi constare ostendit. Sic *Eleg. II. v. 57*, per *Bacchum* describi M. Antonium, erudite docetur. Porro in interpretandis Poetæ locutionibus, talem se gerit laudatissimus Gorallus, ut prætermisiss, quæ in quovis Lexico occurrunt, dictiones Poetæ proprias e linguæ Latinæ analogia declaret; rariores vero, ac præ cæteris notabiles, adductis aliorum Autorum locis, explicet. Sic *Eleg. I. v. 403*, *gravem noctem* pro *procellosa* sumi docet, ac per id ipsum dilticho, quod pro desperato habuerat Heinsius, plenum sensum asserit. Ad *ejusdem Elegiæ v. 172* observat, particulam *quod* pro *quoad* accipiendam; quo sensu etiam intelligit *v. 354*

Infr. gilemque animum, quod potes, usque tene.

Quamquam posteriorem locum non incommode quis per *id quod*, interpretetur, consueta Poetis insinuatione; quo sensu sæpe Ovidius: *nam potes*. Nec Poetæ phrasibus ex sacris, aut his contra e profanis scriptoribus lucem affundere negligit, cum *v. g. ad avos conditum ire* idem esse ac *mori*, ad *Eleg. I. v. 162 & 330*,
&

& qui orant, *manus sustollere* dici, ad v. 192 ostendit, quidque *in sinu* Dei vel Abrahami *collocatum* esse denotet, ad El. III, v. ult. declarat. Quod si alii ante ipsum quædam Poetæ loca luculenter explicarunt, iis acquiescit; nec incastigatos dimittit, si qui minus commoda interpretatione textum obscurarunt. Itaque Lindenbruchii, Germanicum Drusi filium cum patre confundentis, oscitantia ad El. I v. 183 perstringitur, & Scaliger, (cujus tanta circa istas Elegias negligentia conspicitur, ut, cum animadversiones in eas scriberet, ipsas præ oculis non habuisse, per notam ad El. II v. 28 convineatur) parum accurate Pedonem aliquoties explicasse, mentemque ipsi alienam affinxisse arguitur. Vid. El. II v. 1. 75. Eleg. III v. 32. Præ cæteris, qui depexi darentur, meruere Petrejus & Schottus ad *Fragm.* I, v. 8, ubi Peto naves in limum & loca vadosa merfas narraturus,

. . Jam fidere limo

Navigia, & rapido desertam flumine classem, refert; at illi *fidere limo* Solem obliquum indicari, ridicule statuerunt. Sed nec Poetæ ipsi, ubi castigatione opus, parcit, siue orationi ac decoro vim faciat, siue prudentiam lædat, siue virtuti adversa comminiscatur, siue denique naturam rerum haud rite attendat. Singulorum exempla in medium afferemus. Sic de Octavia sepulta *ἀνυπόως* dici ait Eleg. I v. 70:

Perficit officium funeris, ecce, foror.

neque enim mortuum, sed qui mortuo iusta facit, perficere officium funeris. Ejusdem farinae esse, quando Eleg. II v. 34 de Cleopatra, cui Romam propter nuptias donaturum fuisse Antonium ferunt, dicitur:

. . ne posset femina Romam

dotalem stupri turpis habere sui;

cum dos marito ab uxore detur, non huic ab illo. Imprudentiæ maculam ipsi Gorallus adspersit, quando in re seria Philomelæ, Alcyonum, Meleagridum fabulas & similes nugas Eleg. I v. 105 sqq. crepat: aut Deum Tiberinum instar cancri ac pueri v. 22 sqq. parum *ἑσπερωὺς* depingit: aut præfagiis vanissimis nimis credulus fidem adhibet v. 401. Pudendam porro Pedonis nostri adulationem notat Gorallus, in Liviam El. I v. 41, in Domum

Au.

Augustam v. 59, in Drusum v. 236, in Julium & Augustum v. 245, denique in Mæcenatem Eleg. II. v. 47. Turpissimum vero contra innocentes Germanos Poetæ votum esse Eleg. I. v. 271 sqq. ad v. 281 ostendit. Sed ista quidem nimium laudandi studium, & perversus patriæ amor, utcunque excusant. In eo vero merito vanas argutias abominatur, & Poetæ suo veniæ jus nullum relinquit Gorallus, quod impie in Providentiam invehatur El. I. v. 130 sqq. eamque in adversis stolidè neget v. 190 sqq. quod mox in Fortunam stomachetur, modo ut iniquam v. 51 sqq. modo ut cæcam v. 373, mox eam non irritare, sibi ipsi contradicens, jubeat v. 375, mox iterum ejus merita laudet v. 378 sqq. Quæ omnia, amoto verborum ingeniosorum fūco, solidissime confutat, & quam parum cum Fato, cui iterum sibi contradicens Deos adstringit Poeta v. 234 sqq. combinari possint, eleganter ostendit.

*P. CORNELII SEVERI ÆTNA ET QUÆ SUPER-
sunt Fragmenta, cum notis & interpretatione JOS. SCALIGE-
RI, FRID. LINDENBRUCHII & THEODORI
GORALLI. Accessit PETRI BEMBI
Ætνα.*

Amstælad. apud H. Schelte, 1703, 8. Plag. 16.

Hujus etiam Poetæ ornamenta, quibus jam indutus in publicum prodit, doctissimo Pedonis Albinovani editori Theodoro Gorallo debemus. Nec indignus omnino Clarissimi Viri opera erat P. Cornelius Severus, Poeta Ovidii itidem æqualis, proximeque ad Virgilii dictionem & elegantiam accedens; ex quo etiam factum putamus, ut poema hoc de Ætνα a plurimis olim Virgilio tributum fuerit. Illud dolendum est, quod belli Siculi descriptionem, quam orsus fuerat Severus, fato impeditus absolvere nequiverit. Dolenda etiam temporum ac vetustatis iniquitas, quæ nobis non solum ex elegantissimi Poetæ scriptis, præter Ætνā & tenuia quedam fragmenta, nihil reliquit; sed & Josepho Scaligero, qui cum Catslæctis Virgilii illum quoque edidit, censente, nulli fere veterum tantum, adpersis plurim's maculis, quantum nostro nocuit. Quæ cum festinante Scaligeri opera adeo non deterfæ sint omnes, ut novæ etiam subinde adjectæ sint; optime de Republica Litteraria meritis

est Gorallus, cuius studio ita tandem expolitus & exornatus Severus est, ut, qui intelligi antea nullo modo poterat, legi nunc cum voluptate queat. Nam & textum pro virili emendavit, & tum paraphrasi, tum subiectis notis, Poetæ sui sensum perspicuum reddidit. Sic, ut speciminis loco pauca delibemus, vers. 641,

*Nec sanctos juvenes attingunt sordida sata,
Sed vere cessere domus & jura piorum,*

explicatur, *pior* dici camporum Elysiorum incolas, omnes nosse ait; Severum autem præterea respicere monet ad cognomen fratrum Catanensium, qui καὶ ἑζοχῆν dicti sunt *pii fratres*, quod suos parentes, ipso Severo narrante v. 620 sqq. per medias incendiiorum Ætnæorum flammâs incolumes tulerant. Ad v. 10, *eur dentes sevisse* Cadmus dicatur, declaratum legimus. Ex lingua nimirum Phœnicia, *serere dentes serpentis* explicandum esse per *distribuere cuspides aeneas*, quibus se armarent Græci. Id autem Cadmo propterea tribui, quia iste Tyrius mercator eam mercem primus in Græciam ex patria attulerit, quæ Phœnicio sermone vocibus *Schinne Nabhsch* exprimatur, quæ æque per *cuspides aeneas* ac per *dentes serpentis* verti possint. Ex eadem amphibolia vocabuli *Nabhsch* confictam esse Gorallus ad v. 47 absurdam fabulam dicit, qua hominum corpora cum serpentibus conjunguntur, item qua Hesperides, velleris aurei custodes, alique in serpentes mutati finguntur, quod scilicet lingua Phœnicia *Nabhsch* æque significare potest serpentem, ac eum, qui diligenter aliquid observat, i. e. custodem. Ad v. 516 generale illud Philosophiæ recentioris deprehendisse sibi visus est præceptum, quod dubiis non sit assentiendum, nec verum quicquam vocandum, nisi quod certis argumentis constet. Multa præterea alia, quibus & natura Ætnæ, igniumque & effluviorum Ætnæorum declaratur, passim deprehendas; sed his, cum ubivis obvia sint, non immorabimur. Unum, quod moneamus, superest. Gorallium nempe, uti & in notis ad Pedonem fecerat, tum scriptorum aliorum, tum Scaligeri inprimis errores subinde notare. Sic enim sæpe ipsum depravare Autorem suum ad v. 150, acumen & attentionem non adhibere v. 441, frequentissimeque eruditionem suam ostentare, & multa erudita, quæ ad rem non pertineant, afferre, ad v. 19, 471, 522, 560, atque aliis locis asserit. Sæpe inanes ejus conjecturas p.

36 ad v. 112, commenta ad v. 6, ineptas ratiocinationes v. 308, monstrosas emendationes v. 505, pessime tortas correctiones v. 460 & 487 arguit. In quibus ut multa rectissime a Gorallio monita concedimus, ita verum 319, ex Aldina editione, *pugnantes suffocat & intus* &c. legi nos quidem malle, quam e Clarissimi Editoris emendatione, *pugnantes & suffocat intus*; cum vocis *suffocat* media syllaba probis autoribus non nisi producat. Equidem novimus, quæ ex Propertio L. IV. El 8. y. 84 pro corripienda illa syllaba afferri soleant. Sed rectissime ad ea Clarissimum Brockhusium in nupera nitidissima Propertii editione respondisse, existimamus.

Hæc de Ætna Severi. Fragmentorum primum paulo prolixius de Ciceronis morte, a Seneca Suafor VII. conservatum, & a Gorallio e Plutarcho, Dione, Seneca, Livio, & aliis huic æqualibus scriptoribus satis illustratum est. Reliqua minora e Seneca Suafor. II, Persii Scholiastæ, Sospitro Charisio, Diomede & Prisciano desumpta sunt. Subjectus ad calcem Petri Bembi de Ætna Dialogus, Physicam non omnino accuratam, elegantiam autem Latinæ linguæ tantum non affectatam redolet.

OBSERVATIONUM RATIOCINANTIUM IN COMPENDIUM JURIS LAUTERBACHIANUM CENTURIÆ QUINDECIM, AUCTORE GOTTLIEB GERHARD TITIO,

II. 3. D.

Lipsiæ sumptibus Hæredum Friderici Lanckisii, 1703, 8.

Constant 2. alph. 16. plag.

Quare consilium scribendarum in libros Juris Systematicos observationum, annotationum similiumve meditationum, non plane inconsultum ac improbandum censei debeat, ejus rationem, a morbo Jurisprudentiæ Germanicæ statu, quem in præfatione pluribus repræsentasse sibi videtur, Noster repetit: nam alioquin istud scribendi genus, & quodammodo exosum esse, nec eodem tironum studiis satis prospici, in dicta præfatione agnoscit & fatetur. De cætero duplex hujus scriptionis perhibetur esse scopus, primo ut *verus Juris Romani habitus & usus, ex genuinis principiis, per singulos titulos ostendatur*, deinde ut *locâ obscuriora ac dubia explanentur*. Prius ita exequitur Autor

SSS 2

No.

Nobilissimus, ut naturalibus & positivis per singulas materias discretis, multorum quidem capitum, in Jure Romano occurrentium, usum in Germania admittat, sed ea Romana esse neget, ac potius ex communi omnium Gentium jure dependere, contendat; quæ vero positiva ac mere Romana sunt, illa in subsidium recepta esse censet. Hinc ex ejus sententia, legibus Romanis uti in Germania possumus, quatenus Germanicis non repugnant, aut his expressa sanctione vel constanti fori usu prælatæ sunt, porro quatenus a statu Germaniæ, vel hypothesebus Germanorum, non abluunt, aut etiam ipso non-usu rejectæ censi non possunt; ex quibus præsuppositis, legum mere Romanarum exiguum omnino usum esse, consequitur. Quo illa magis evadant perspicua, exemplis nonnullis, prout succurrent, eadem illustrabimus. Quæ de jurisdictione aliisque capitibus, ad processum forensensem pertinentibus, in Jure Romano traduntur, ea, maximam partem, nullius usus esse, censet Consultissimus Auctor *Obs. 39 seqq.* cum ex propriis Romanorum institutis eadem fere resultent. Neque etiam utilem applicationem, quam vocant, seu extensionem eorum ad similia, idem admittit. Cum enim hæc in Germania, vel communi Gentium jure, vel legibus propriis dirigantur, adeoque nihil eo nomine Romanis debeatur, hinc nimis superstitiosum ei videtur, utilis cujusdam applicationis fucum, sine ulla necessitate, iis allinere. Doctrina pactorum dubio procul juris Gentium, adeoque omnibus hominibus communis est: varietatem vero pactorum, quam leges Romanæ, ex propriis hypothesebus, introduxerunt, nullius in Germania esse usus, Nostro iterum est persuasum. Hinc quasi contractuum nullam esse necessitatem; veros autem cum pactis coincidere, ac tantum consensuales esse, adeoque pacta nuda & non-nuda, legitima item, adjecta, contractus innominatos & nominatos, eosque reales, verbales ac literales, denique contractuum bonæ fidei & stricti juris discrimen, in Germania cessare arbitratur *Obs. 56, 57*: id quod speciatim quoad contractus reales *Observ. 305, 390, 402, 465*, literales *Observ. 313 seqq.* contractus innominatos *Observ. 621 seqq.* bonæ fidei & stricti juris *Observ. 1148 seqq.* ac verbales *Observ. 1152* amplius confirmare nititur. Quæ de foro competente leges Romanæ tradunt, illa vel ex communi Rerumpublicarum habitu, vel in-

stitutis Romanorum propriis dependere, Nostro videntur, priora in Germania valere, sed Romanis non deberi; posteriora vero sine usu esse censenti *Observ. 149 seqq.* Actionem Publicianam nomen hodie otiosum putat Noster, cum eodem non nova & peculiaris actio, sed potius actio realis, ac in specie rei vindictio & confessoria, quatenus ex jure reali probabiliter præsumpto movetur, innuatur, adeoque facile liqueat, illud omne ex captiosa antiqui processus formularii sollicitudine resultare; hodie vero consuetæ actionum realium nomina in omnem eventum, id est, quando jus reale vel vere, vel saltem præsumptive probari potest, sufficere *Observ. 205 seqq.* Celebre in Jurisprudentia Romana est argumentum legis Rhodiæ de jactu, sed in illo nihil esse, quod Romanis debeatur; verum conclusionem, ex generali juris naturalis, necessitatem dirigentis, dictamine deductam, eodem solum exhiberi, Autor noster credi vult *Observ. 413 seqq.* adjiciens, parum recte ab interpretibus laudatam illam legem Rhodiam ad alios casus extendi, aut talem extensionem, velut utilem & necessariam jactari; cum non ex rivulo, seu subsumptione ac conclusione Romanorum speciali, sed ex fonte potius, seu generali æquitatis decreto, aliæ conclusiones derivari debeant, adeoque nimia illa, ac in opprobrium velut legis naturalis facta Juris Romani æstimatio, censuram omnino mereatur. De actionibus adjectitiæ qualitatis, quas vocant, puta exercitoria, institoria, de peculio, tributoria, quod jussu ac de in rem verso, hæc Nostri *Observ. 410 seqq.* est sententia: maxime naturale esse, ut ex contractu alterius, actio contra alium detur, quatenus hic in illum consensit, aut in hujus utilitatem ille cessit Romanos autem ambagibus suis, dum actionem stricto jure contra alium negarunt, sed ex æquitate, Prætori probata, asseruerunt, ex cogitato novo actionis nomine, nihil aliud effecisse, quam ut planissimæ materiæ nebulas velut effuderint, ac variis falsisque assertionibus, de actionum illarum indole, fundamento ac concursu; occasionem præbuerint: non rectius igitur solidam doctrinam hic restitui, quam si illa omnia, quæ Romani adperserunt, iterum abstergantur. Divisio actionum forensium, qua in rei persecutorias, pœnales & mixtas, nec non in eas, quæ simplicem, du-



plum, triplum ac quadruplum persequuntur, distinguere illæ solent, nullius usus Noster *Observ. 457* videtur; non quod Jus Romanum sit abrogatum, sed quod nunquam receptum; hoc enim ex constanti fori non-usu, qui positivam rejectionem utique involvat, merito colligi: nec cum turbare exempla contraria, nonnunquam forsitan intercurrentia, cum affectus Germaniæ, circa jura extranea admittenda aut rejicienda, ex eo, quod ut plurimum accidit, non sententia unius aut alterius, præjudiciis Romanis in transversum fortassis acti, æstimandus sit. Alterum hujus descriptionis scopum perhiberi, ut loca dubia & obscuriora explanentur, antea indicavimus; ei autem illustrando aliquod exemplum nunc quoque adjiciemus. In *Obs. 105* contendit Autor Consultissimus, restitutionem in integrum fori Romani esse inventum; nam sub illo nomine constari dispensationem & interpretationem doctrinalem, ac utramque sic conflata opponi interpretationi legali, seu ei, quod sit ipso jure, ita quidem, ut inter restitutionem & ipsius juris auxilium, multum intersit, si effectum & durationem spectes; id vero speciale esse, nec facile, extra forum Romanum, apud alias Gentes reperiri. Ex illo præsupposito, uti deinceps usum restitutionis in integrum Romanæ, in singulis casibus amplius demonstrare nititur: ita in genere, eam fori Romani corruptionem arguere censet, ac quomodo hæc emendari possit, indicat. In titulo de *Conditione indebiti* docuit *Schüzzius*, quod is, qui injusta judicis sententia absolutus est, nequeat repetere, si ex errore facti postea solvat. Verum hæc doctrina everti auctoritatem rerum judicarum, Autor Clarissimus *Observ. 363* ostendit, ac ad *l. 60 pr. de Conditi. indeb. l. 8 §. 1 rem rat. habet.* per quas vulgo dissentiant, respondet, loqui eas de debitore absoluto, qui suo consensu & confessione, vim rei judicatz a se repulerat, a quo adeo ad simpliciter absolutum male inferatur, ac exinde regula generalis constituitur. In titulo de *Rescind. vendit.* obscure nimis Compendium Lauterbachianum duplicem computandi enormem læsionem, emptoris intuitu, rationem innuit: hinc Noster *Observ. 542* clarius utramque proponit, ac alteram, quam neoterici nonnulli accuratissimam credi volunt, quaque emptor tum demum enormiter læsus censetur,

si ne quidem dimidium ejus pretii, quod dedit, acceperit, aliquot rationibus falsitatis convincere nititur, adjiciens, quod, si quis vulgatum illud, *nihil tam absurdum esse, quod non aliquando defenderit Philosophus*, ad interpretes Juris Civilis applicare velit, tum jactatam illam computationem, in exempli vicem non male allegari posse. In eodem argumento, sententia *Lauterbachii*, qua emtor ad emendandam lacionem obligatus esse dicitur, sive res vendita apud eum ejus voluntate, sive casu perierit, *Observ. 565, 566* confirmatur: hinc non tantum ad textus oppositos sigillatim respondetur, sed & inprimis obligationis, emto-rem constringentis, ordo, in cujus vera æstimatione totius rei cardo, ex sententia Nostri, vertitur, cujusque neglectus nonnullos egit transversos, explanatur. Legem falcidiam etiam in mortis causa capionibus locum habere, secus ac *Lauterbachius* docuerat, adstruit Noster *Observ. 944*, ac ad *l. 1 §. 8, l. 93 ad L. falcid.* quæ contrariam sententiam sustinere creduntur, respondet, in priori cessare deductionem falcidiæ, quia indebitum a sci-ente fuerit solutum; in posteriori vero rationem negatæ detractionis itidem non a qualitate objecti, sed subjecti dependere, seu falcidiæ ideo locum non esse, quod hæres centum, quæ mortis causa, adeoque titulo singulari (cujus generis successioribus in universum falcidiæ detrahendæ jus non competit) ceperat, alii velut fidei commissum singulare restituere rogatus esset. Celebris est *l. 68 ad L. falcid.* ob perplexam falcidiæ, de alimentis deducendæ, computationem, adeo ut, judice Gomezio, textus ille sit admirabilis, in suo casu singularis & unicus, ac in omnibus actibus hominum locum habeat: verum Nostro, computationis ibi propositæ sensum, habitum & usum, prolixius paululum scrutanti, nihil sani continere videtur *Observ. 945*. In titulo de *Captiv. & postlim.* contendit *Lauterbachius*, rem postliminio censeret reveriam, si ad amici præsidia pervenerit, ac Grotium velut dissentientem allegat: nullum vero hic subesse dissensum, sed casibus rite distinctis, diversas, quæ hic occurrunt, sententias posse & debere conciliari, in *Obs. 1451* ostenditur. Nimirum si res capta potestatem hostium evasisit, ac in locum tertii pervenit, tum postliminio rediit, & nihil interest, sive tertius ille sit commu-
nis

nis amicus, sive noster socius; si vero hostis prædam in portum communis amici detulerit, ejus nondum est postliminium; quod si autem tempestate compulsus, portum socii nostri appellere cogatur, eo ipso rem amisit, eademque postliminio ad nos reversa est, in quibus assertionibus omnes, qui dissentire sibi videbantur, consentiunt.

*INTRODUCTIO AD VERAM PHYSICAM, SEU
Lectiones Physicæ &c. quibus accedunt CHRISTIANI HUGENII
Theoremata de Vi Centrifuga, & Motu Circulari, demon-
strata per JO. KEILL, & Colleg. Ball. A. M.
& Reg. Soc. Socium.*

Oxon. e Theatro Sheldon. 1702, 8.

Constat Alph. 1. plæg. 8.

QUemadmodum, ut vidimus, titulus hujus opusculi *vera Physica* nomen præ se fert: ita in præfatione statim Clarissimum Autorem, de perversa quorundam Physicorum Philosophia, graviter conquerentem observamus. Quamvis enim nunc dierum celebretur Philosophiæ Mechanicæ nomen, & insignes in hoc ævo sui obtineat cultores; in plerisque tamen Physicorum scriptis, vix quicquam Mechanicæ, præter nomen, inveniri ait, in cujus dein locum substituant corpusculorum, quæ nunquam viderunt, figuras, poros, & interstitia, motum, pugnas & conflictus Alkali & Acidi &c. Porro ipsos postulata adhibere ad naturam rerum explicandam, quæ nec fieri possint, nec intelligi, & Cartesianorum hypothesein de gravitate v. gr. ab actione materiæ cœlestis dependente, quæ in vortice agitata circa terram deferatur &c. omnibus fere naturæ legibus adversari. Horum autem errorum fontem exinde promanasse, quod homines Geometriæ ignari philosophari ausi sint, & rerum naturalium causas reddere; quos inter Cartesius agmen ducat, qui etiam si Geometra fuerit insignis, ignavo tamen & desidi ut placeret philosophantium populo, nullum Geometriæ usum in Philosophia adhibuerit: & quamvis iste professus sit, se omnia mechanice per materiam & motum explicaturum, Philosophiam tamen excogitarit, quæ a veris Mechanicæ legibus abhorret quam longissime. Veros con-

tra

tra fuisse Mechanicos philosophos, divinum Archimedem, & post longum ab eo intervallum, Rogerum Baconum Oxoniensem, & Hier. Cardanum, Galilæum tandem, Torricellium, Paschalium, Hugenum, Boyleum, Wallisium, Hallejum, & denique celeberrimum Newtonum. Quam vero facile principia mechanica ad explicandos motus cœlestes ipsorumque inæqualitates, res longe a nobis distitas, adhibeantur, brevi literato orbi patefactura esse *Astronomia, Physica & Geometria Elementa D. Gregorii*: quæ luci jam exposita mense Oct. p. 452. sqq. recensuimus. Noster vero quid hoc in rerum genere præstiterit, ipse mox declarat. Nimirum ut præpararet animos suorum auditorum, *Lectio I.* agit de *methodo philosophandi*, ubi ante omnia de quatuor præcipuis physicorum sectis tractationem instituit, nempe geometrica, peripatetica, experimentalis & mechanica: neque non de principiis & modo tractandi physicam. Ex his selectum se habere debuisse asserit, ea eligendo, quæ usui maxime futura sint, & rationem ex his compositam sequendo; quemadmodum id uno alterove exemplo pluribus illustrat, qualitatis præcipue, cum scilicet ex primæ & secundæ sectæ rationibus sequens deducit theorema: quod qualitas seu virtus omnis, quæ undique a centro per rectas lineas propagatur, remittatur in ratione duplicata. Putat autem tutius in hoc negotio progredi neminem posse, quam si sequentes observentur regulæ: 1. secundum geometrarum methodum, definitiones ad rerum necessariarum intelligentiam necessariæ ponantur. 2. conditiones in veritate physica investiganda solum primo positæ considerentur, & ab omnibus aliis interea temporis abstrahatur. 3. a simplicissimis casibus initium sumatur, atque illis semel stabilitis, exinde ad magis compositos progressus fiat. Has jam fusius exponens regulas Autor imprimis ostendit, quomodo contra illas peccent theoricæ plerique omnes. In *Lectio II.* agit de *corporis soliditate & extensione*, quas proprietates conjunctas cum *mobilitate* essentiam corporis constituere, primamque illam omnibus corporibus ita essentialem esse asserit, ut nihil aliud in rerum natura esse cernamus, cui competere possit. Porro per hanc distingui dicit corpus ab alio extensionis ge-

nere, quod penetrabile concipimas, & spatium vocamus, in quo omnia corpora locari & moveri cernimus. Atque sic Cartesius nulla, quæ non sint corporea, spatia admittentes pluribus impugnat, eodemque contra bonæ methodi leges agere ostendit, eo quod corporis naturam seu essentiam intimam in aliquo ejus attributo ponant, quod an illi soli competat, non certe constat. Quod quidem ut feliciter agat, multis demonstrationibus geometricis spatii corporis vacui possibilem saltem existentiam ostendit, tandemque concludit, revera esse spatium ab omni corpore distinctum, quod sit vas universale, intra quod omnia corpora contineantur & moveantur. *Lectio III* agitur de magnitudinum divisibilitate, tanquam generali extensionis affectione. Hanc autem rationibus ex geometria petitis demonstrare volens Autor, conqueritur ab initio, esse quandam philosophorum hodie gentem, geometriam ex physica exulare cupientem; deinde harum rationum vim stabilire, & quibusdam objectionibus respondere conatur. Stringit autem præcipue calamum in clarissimum Du Hamel, quem hypothèses geometricas nec veras esse, nec possibles, cum nimirum nec puncta, nec lineæ, nec superficies, prout a geometris concipiuntur, vere in rerum natura existant, docuisse dicit. Contra quod quidem argumentum, si existit, dicit, corpus, necessario etiam existent vera puncta, veræ lineæ, veræ superficies &c. His vero prælatis, geometricæ demonstrat illam corporum divisibilitatem, & quidem in infinitum; atque tandem ex quantitatis ex indivisibilibus compositione, si quæ esset, sequi scribit, nullas dari magnitudines incommensurabiles. Rejicit quoque distinctionem in corpus mathematicum & physicum, eo quod divisibilitas illa ab ipsius extensionis natura & essentia dependeat, indeque ortum suum trahat, adeoque omnibus extensis tam physicis quam mathematicis convenire necessum sit, quia quicquid prædicatur de genere &c. Postremo in gratiam eorum, qui demonstrationibus geometricis non satis assueti sunt, unicum pro illa infinita continui divisibilitate argumentum physicum adjungit, & quidem ex motu petitur: nempe si continuum ex indivisibilibus constaret, sequeretur, omnes motus æquivalentes fore, nec minus in eodem tempore confecturam spatium segnissi-

segnissimam testudinem, quam $\pi\epsilon\delta\alpha\varsigma \alpha\chi\iota\lambda\epsilon\upsilon$ Achillem &c. *Lectio-
ne IV.* respondet objectionibus contra materiæ divisibilitatem af-
ferri solitis. Fatetur autem clarissimus Autor, esse aliquid in
natura infiniti, quod humano intellectu haud comprehensibile
esse videatur; unde nec mirum sit, si ex ea quædam sequantur, quæ
hominum mentes concipere non possint. Est autem prima, quam
producit, objectio Epicuri, qui, si continuum divisibile esset, in-
quit, in infinitum, contineret infinitas numero partes, adeoque
finitum contineret infinitum. Ad quam plura cum regressisset, e-
xemplis tum arithmetice tum geometricis eandem infringit: il-
lis v. gr. quando seriem infinitam numerorum in ratione quavis
decrementum sumit, quæ tamen finito adæquetur numero: his,
cum notum esse dicit, spatium posse dari infinite longum, quod
tamen spatio finito perfecte adæquetur; id quod a celeberrimis
geometris Torricellio, Wallisio, Barrovio &c. satis demonstra-
tum sit. Similes nec adeo ignotas atomistarum objectiones re-
futat hoc loco Autor, negans v. gr. contra illos, Deum posse ita
secare materiam, ut daretur pars ultima indivisibilis; esse partes
in continuo adeo minutas seu parvas, quin adhuc sint & sem-
per ulterius divisibiles &c. quæ & similia cum ingenio humano
non statim pateant, exempla comparat plurima, quæ inter & il-
lud Newtoni est in Schol. Sect. I. Phil. Nat. de curva parabola
Apolloniana. *Lectio V.* de materiæ subtilitate instituit, quam
phænomenis jam vulgaribus, ex summa auri ductilitate, disso-
lutione unius cupri grani in S. S. armon. ex odoribus item & ef-
fluviis, & tandem omnium & lectu & admiratione jucundissimo
animalculorum, quæ in aliorum semine & in aliis liquoribus con-
spiciuntur, experimento, cum clarissimo Lewenhookio deducit.
Ultimo denique de lucis particulis agit, & per harum subtilita-
tem fieri dicit, ut Sol, etiamsi continuo lucem emittat, non tamen
sensibile quicquam de sua amittat magnitudine, eisi quotidie per
aliquam inæstimabilem quantitatem decreseat: unde etiamsi post
6000 annos ejus diminutio nondum notabilis evaserit, post fini-
tam tamen annorum seriem, quamvis valde protractam, totum
dissipatum iri. Ex quo etiam sequatur, mundum hunc nec in æ-
ternum existere posse, nec potuisse etiam ab æterno existere.

Lectio VI. occupatur in doctrina de motu, loco, & tempore; refutans primo eos, qui cum Didoro Chrono, Zenone atque aliis, motum a corporibus omnem sustulerunt: dein ipsi tractationi de locali motu nonnulla præmittit, distinguens v. gr. locum, spatium & tempus in absolutum & relativum; illud nominans, quod in se, hoc quod apparenter tale est, & respectu corporum, quæ in eo sunt, consideratur. His præmissis, *Lectio VII.* motus & quietis, tam absolute quam relative spectatæ, definitiones subiungit, remque exemplo declarat ejus, qui in nave sedet, atque ita relative quiescit, absolute autem vere & eadem celeritate, quæ navis, movetur. Item si navis versus orientem feratur, & aliquis in prora sedens lapidem versus occidentem cum eadem velocitate projiciat, quæ ipsa navis ad orientem progreditur, tunc lapidem ait in hoc casu spectatori intra navem moveri videri versus occidentem, & ejus velocitatem relativam æqualem futuram ipsius navis celeritati absolutæ; revera tamen lapidem quiescere in spatio absoluto, abstrahendo a terræ motu & eo omni, qui ex gravitate oriri potest: at si ponamus, pergit, aliquem extra navem in aere pendulum, ille lapidem quiescentem spectabit; cum vero gravis sit lapis, videbit illum perpendiculariter deorsum moventem, nec magis versus ortum quam occasum tendentem. His explicatis, quid spatium, motus æquabilis, acceleratus, retardatus, æquabiliter acceleratus & retardatus, vis motrix, gravitas, vis centripeta, centrifuga &c. sit, declarat. Atque sic definitionibus etiam finitis, ad axiomata physica *Lectio IX.* accedit; deinde de materia & forma agit, atque quomodo a philosophis ostendatur, varias particularum ejusdem materiæ magnitudines, figuras & texturas, varias producere corporum formas, & ex variis etiam ipsorum motu & positione varias oriri qualitates, pluribus exemplis erudite monstrat. In *Lectio IX.* theorematum de motus quantitate & spatiis a mobilibus percursis, h. e. de corporum momentis, item de proportionibus spatorum a mobilibus emensorum tradit, eademque demonstrationibus maximam partem geometricis evincit, ostenditque corporum motus esse ut rectangula sub ipsorum celeritate & materia: unde ex datis cujusvis corporis materia & celeritate, dari ejusdem alicuius momentum,

&

& vice versa ex momento & materia, ejusdem celeritatem &c. Inde in *Leſſ. X.* ſcientiam hanc de motu per numeros illustrat, & arithmeticam præſertim ſpecioſam adhibet. Juvat quoque meminiffe theorematis, quo omnium corporum pondera quantitatibus materiæ in corporibus exiſtentibus proportionalia dicit; neque non problematis: dato corpore quovis, & ejus celeritate, & alio quovis corpore etiam dato, invenire velocitatem eam, cum quaſi moveatur aliud illud corpus, habebit momentum æquale momento prioris corporis dati; atque tandem ſequentis theorematis: quod ſi vectis ſit AB circa punctum ſeu fulcrum C tantum rotabilis, erit cujuſque puncti velocitas, ut ipſius diſtantia a fulcro. Ex quibus illustratis illud etiam deducitur, cur in canalibus communicantibus diverſæ amplitudinis conſervetur liquorum æquilibrium. In *Leſſione XI.* ad leges naturæ progreditur, h. e. illas, quas omnia corpora naturalia conſtanter obſervaffe neceſſe eſt. Quæ vero cum eodem ordine & iisdem verbis, atque ab Newtono prolata ſunt, proponantur, eas impæſentiarum mittimus. Harum autem legum naturalium occasione, plurima ſubneſcit nova theoremata, & hac quidem leſſione, ſeu capite, de motu corporum accelerato duo. *Leſſione XII.* illam naturæ legem (numero apud Nevvtonum tertiam) explicat, qua actioni ſemper contraria & æqualis eſſe dicitur reactio; quamque licet non uno exemplo illustratam dederit, digniſſimum tamen notatu nobis viſum eſt illud, quo non ſolum magnetem trahere (ut loquimur) ferrum, ſed & æqualiter a ferro trahi magnetem, monſtrat &c. *Leſſione XIII.* definitiones, quas vocat ſecundas, ſubneſcit, quibus quid centrum gravitatis cujuſque corporis, & viciffim duorum corporum commune centrum, quid directe, quid indireſte impingere, quid corpus perfecte durum, molle, elatiſticum &c. ſit, exponit: adjungens dein theoremata nonnulla de percuffione corporum durorum, quam quatuor potiſſimum caſibus fieri oſtendit; cui tandem problema ſubneſcit, corporum nempe durorum aut mollium poſt directum impactum determinare motus, id quod quinque exemplis illustravit. *Leſſione XIV. eaque ultima* de vi corporum elatiſtica & cauſa hujus reſilitionis agit, monſtrans Cartefianos, qui e-

elasticitatis vim ad corpora, ut loquitur, reflectendum nesciebant, aliam plane tradidisse reflexionis causam, quæ vero nec rationibus, nec experientia congrua sit. Quod vero obijciant, quo pacto innotescat, globos eburneos, marmoreos &c. & alia reflectentia corpora elasticitate pollere, hoc inde posse concludi ait, quod cum percutiuntur, tinnitum edant, item quod si unius globi superficies atramento (aut quovis alio colore, qui facile abstergi potest) inficiatur, & alter in ipsum quiescentem impingat, experimento constet, non punctum tantum physicum globi incurrentis post impulsum alterius colore tingi, sed partem ejus superficiesi satis magnam &c. His addidit denuo theoremata, quibus v. gr. corporum perfecte elasticorum & directe impingentium regulas congressuum geometrice determinat, in quo sine Wallisium, Wrenium atque Hugenum citat, tanquam quos corporum durorum leges omnium optime explicasse constet. Ut taceam reliqua non adeo ignota theoremata, quibus v. gr. corpus oblique impingens ita reflectere dicit, ut angulo incidentiæ equalis sit angulus reflexionis, & quæ sunt alia hujus generis plura.

Sequuntur duabus plagulis in calce operis *Clarissimi Hugenii Theoremata de vi centrifuga & motu circulari*, jam inunte A. 1672 edita, & subjuncta erudito operi de Horologio oscillatorio; ubi quidem illa nuda solummodo, demonstrationes alio tempore traditurus, proposuerat Autor. Hinc igitur jam eo mortuo, cum nulla amplius restaret spes, illius demonstrationes in lucem prodituras esse, opus reipublicæ philosophicæ non ingratum fore sperabat Noster, si alias demonstrationes Hugenianis parum absimiles traderet, quibus præclara hæc inventa, ultra dubium posita, in naturalis scientiæ incrementum felicius cederent. Ipsa theoremata cum jam innotuerint orbi literato, & loco modo memorato facile evolvi possint, hac vice præterimus. Neque addimus aliquid de Autoris nostri laudatis demonstrationibus, utpote quæ concatenatæ sunt, & nisi integræ exscribantur, multum claritatis suæ amittunt. Potius optamus, ut similes ingenii sui sublimioris fructus eruditorum oculis etiam in posterum sistat, & qua cepit industria, rerum naturalium causas indagare, maximo cum suo, tum aliorum emolumento pergat.

i. c.

JO. BAPTISTÆ THIERS CENSURA HI-
storia Flagellantium.

Parisiis, apud Jo. de Nully, 1703, 12. plag. 19.

Quli nuper fatis concessisse dicitur, Jo. Baptista Thiers, Car-
nutensis, Vir Clarissimus, Theol. Doctor & apud Burgun-
dos Parochus primum Champodienfis, tum Vibrajenfis, inter po-
lygraphos suo quodam jure locum obtinet. Extant enim ejus-
dem *de dierum imminutione, de stola Parochorum, de altari-
bus, de ludis & delectationum variis generibus, de coma adscita,
de effedis, de voce paracleti* libelli, tum *Advocatus pauperum*,
aliaque scripta, ad ritus praesertim Ecclesiasticos & rem Canoni-
cam, cui se totum velut consecraverat, facientia, quorum quendam
in Actis his A. 1692. p. 397, & Supplementorum Tomo I. p. 51.
recensuimus. Finem imposuisse scribendi studio fertur Censura
hac Historiae Flagellantium, ab Abbate Boilavio Latina lingua
Parisiis anno 1700 edita, & a nobis ejusdem anni mense Septem-
bri pag. 414 sqq. memorata, quae multis fudes in oculo fuit. Au-
ctor postquam in praefatione indignationem suam aliorumque ex-
posuisset, vitioque vertisset Abbati, quod librum de tactibus im-
pudicis, & alium quendam conscripserit, quo probaverit, lice-
re uni clerico plura simul possidere munera ecclesiastica (qui ta-
men nondum sit editus,) ipsum statim Historiae Flagellantium
titulum cap. I. sub censuram vocat. Quem quidem libro isti prorsus
non convenire existimat, quippe cum non de Flagellantium se-
cta, quam describit atque repudiat, sed de incommodis ac tur-
pitudine flagellationum ecclesiasticarum tractet, vel potius ista
confundat. Longe gravius cap. II. in stylum Viri invehitur, quem
alienum a Latio, obscurum, calami stris muliebriter ornatum, æ-
quivocationibus, solcecismis ac barbarismis plenum esse pro-
nunciat, enotatis inter alia Boilavianis phrasibus, *rotula Theolo-
gica tornare, ex caudice gentilitatis, insulfitas seipsum flagellan-
tium*. Consimili rigore cap. III. citata ab illo sub censuram vo-
cat, quae studio augendi molem libri, addita etiam, ubi necessa-
ri-

rium non erat, editionum nomenclatura, atque, ubi opus erat, omiffa, corrafâ fuiffe ait. Multa ab eodem epifodia aliena a fcopo libello affuta effe; multa etiam eidem contraria adducta effe obfervat. Quædam vero ridicula, imo ab obfcenitate parum remota Boilavio fingulariter *cap. IV.* vitio vertit, ac *cap. V.* peculiariter in eo reprehendit, quod Jo. Gersonem omne flagellationis ftudium repudiâffe tradat, cum tamen feftam Flagellantium Doftor ille, ut audit, Chriftianiffimus tantum impugnaverit & fui ipfius flagellationes, eas tamen, quæ alio infligente fiant, retinendas fuâferit. Neque a Senatu Regio Parifienfi, quod Abbas docuerat, ipfum flagellandi inftitutum, fed focietatem quandam Flagellantium Bituricenfem, A. 1601 condemnatam fuiffe, obfervat.

Hæc velut velitatione præmiſſa, ad rem ipfam *cap. VI.* fe confert, ſummam Hiſtoriæ flagellationis hanc effe tradens: *Flagellationem voluntariam contrariam effe pudori ac pietati, ex idololatrarum ſuperſtitionibus oriundam, erroneam, reſtaque rationi contrariam, ſtultam denique ac turpiſſimam.* Quas Noſter propoſitiones Eccleſiaſtica condemnatione dignas cenſet. Parum vero abeſt, ut hærefin in ea Abbatis ſententia reconditam dicat, qua Chriſtum invitum flagella pertuliſſe, *Hiſtor. Flag. p. 29. 30.* docuit. Poſthæc Auctor noſter *cap. VII.* adverſarii ſui diligentiam in dubium vocat, quem Petrum Damiani cum Petro de Honeſtis, Dominicum Loricatum cum Anſone confuſiſſe, imo fidem ſuam feciſſe ſubleſtam, multa falſo citando, adducta exemplorum nube contendit. Cujus generis alia quoque *cap. VIII.* enumerat, videlicet contra omnem veritatem negari, quod Petrus Damiani in Vita Romualdi, & Guigo in Statutis Carthuſianis flagellationis mentionem fecerit, quodque Archiepiſcopi appellatio ſeculo VI uſitata fuerit; falſo pronunciari, quod hærefis Flagellantium nulla, præter flagellationem, reprehentione digna fuerit; Alberto Cranzio, mirabili parachroniſmo, Albertum Argentinenfem juniorem fingi, atque hujus generis alia.

Ad probandum flagellorum uſum Auctor noſter *cap. IX.* ſe accingit, adductis præcipue Petri Damiani rationibus, quod nempe ſeipſum flagellans, perpeſſionem Chriſti & Martyrum dolores imitetur, carnem caſtiget, peccata expiet, jejunium Deo gra-

gratius faciat, odium mali adaugeat, pro miseris in purgatorio igne satisfaciat, & quæ sunt hujus farinae alia. Veteres vero flagellationum hostes, Eremitas Urbicos, Petrum Cerebrosus & Stephanum Cardinalem refutat, quos Boilavio mitiores hoc in negotio fuisse, existimat. Posthæc ex regulis Monachorum antiquissimis *cap. X.* disciplinæ genera flagellis peracta colligit, atque ex illis antiquitatem flagellationis a tertio usque seculo constare, affirmat. In eandem sententiam *cap. XII.* ritum poenitentes flagellandi affert, adductis inter alia exemplis Guilelmi Ducis Aquitaniz, Raimondi Comitis Tolosani, & Henrici IV Regis Galliz Procuratorum. Addit insuper *cap. XII.* Fraternitates ab Antonio de Padua flagellandi causa institutas, Conciliorumque decretis comprobatas. Tandem *cap. XIII.* flagellationes ad alterum genus operum, quæ Romanenses satisfactoria vocant, nempe ad jejunia refert, iisque in monumentis ecclesiasticis contineri, cum Moralis Theologia scriptoribus affirmat. Sed relicto hoc probandi munere, etsi undecimo demum seculo flagellationes exortas concesserit, causatamen se non cecidisse *cap. XIV.* opinatur, cum Ecclesia Romana complures ritus novos recens adoptaverit. Nihilominus tamen ad pristina redit, atque ante seculum XI. flagellationem usitatam fuisse, exemplo Gregorii Nazianzeni, Ecclesiæ Nitriensis, Pardulphi Carolo Martello ætate æqualis, & Guilelmi Ducis Aquitaniz, probatum it. Restauratorem vero hujus collapsæ paulatim disciplinæ, non Petrum Damiani fuisse, quod multis placuit, sed Romualdum, Joannem de Monte Feretro, & Dominicum Loricatum, Petro antiquiores, *cap. XV.* prodiit. Etsi vero *cap. XVI.* fateatur, flagellandi morem apud Græcos Christianos fuisse rariorem, in Latina tamen Ecclesia ab omnibus ferme Monasticis Ordinibus eundem receptum, singulorum facta recensione, probat, idque speciatim de Benedictino Ordine, ejusque surculis, *cap. XVII.* ostensum dat, deque recentioribus Monachorum Familiis *cap. XVIII.* Adducit quoque *sequenti capite* in testimonium Sanctos, quos vocant, flagellando celebritatem adeptos, videlicet Guidonem Pomposianum, Popponem, Antheilmum, Thomam Cantuariensem, Hugonem Lincolnensem, Dominicum, Hedvigem, Elisabetham, Ludovicum, Hyacinthum,

U u u

Rai-

Raimundum de Penna forti, Andr. Corfinum, Catharinam Senensem, Petrum Luxemburgensem, Vincent. Ferrerium, Franciscam, Bernardinum Senensem, Jo. de Capistrano, Jo. de Cruce, Franc. Xaverium, Ignat. Lojoram, Petrum de Alcantara, Carolum Borromæum, Phil. Nerium, Cardinalem Berullium, & Abbatem Trappensem. Denique *cap. XX.* collectis Petri Damiani, Petri Blefensis, Gregorii XIII, Card. Borromæi & Carl. Baronii elogiis flagellantium instituto datis, concludit.

Sunt plura notatu digna, quæ libellum hunc commendunt. Chronologia Petri Damiani p. 108. seq. studiose traditur. Quæ de Archi-episcopis ante Seculum VI. in veterum monumentis exstant, p. 130 seq. colliguntur. Refertur taciteque probatur p. 154. P. Damiani ridicula exegesis, qui Davidis verba, *Laudate Deum in tympano*, de flagellatione aridæ cutis nostræ Deo placente, interpretatus est. Ritus denique Ecclesiæ Romanæ post seculum IV exorti, bona fide p. 252. seqq. enarrantur.

L'ART DE FAIRE LES RAPPORTS EN

Chirurgie.

i. e.

ARS FORMANDI RELATIONES CHIRURGICAS

*Auctore D. *** Proposito Collegii Chirurgorum Parisiensis.*

Parisiis, apud Laurentium D'Houry, 1703, in 12.

Constat Alphab. i. cum 4. plag.

Quanquam Clarissimus Nicolaus Blegny, ante hos 20 fere annos, doctrinam Relationum Chirurgicarum, a nobis anno 1685, mense Octobri, pag. 454, recensitam explanaverit; non dubitavit tamen Noster, idem argumentum denuo sibi tractandum sumere, & quæ a probatissimis Authoribus diversis tractatibus fuerunt tradita, in unum volumen colligere, suisque annotationibus illustrare, ut in Arte Chirurgica nondum exercitati habeant, unde sibi consulere queant. Quemadmodum igitur tres Relationum istarum habentur species, Relationum scilicet proprie sic dictarum, de læsionibus corporum, aliisque morbis

tekti-

testimonium exhibentium, Excusationum in infirmorum gratiam, & Aestimatum; ita de singulis aliquot suppeditat specimina, postquam signa diagnostica æque ac prognostica, ubi opus fuerat, exposuerat. Plura de hoc tractatu jam addere superse-
demus, utpote qui cuivis lecturo seipsum commendabit: suffici-
et ea annotasse monita, quæ cum Chirurgo ejusmodi Relationes fa-
ciendo communicat Noster. Jubet igitur, ut 1) sit æquus, & in-
teger, nec donis, precibus &c. moveri se patiatur; 2) ipse omnia in-
quirat, nec vel collegarum, vel famulorum relationibus fidat;
3) de causis absentibus, doloribus, & quæ in sensus non incur-
runt, non affirmativam ferat sententiam; 4) a morbis fictis im-
poni sibi non patiatur; 5) circa prognostica sit dubius, im-
primis si mortem vel convalescentiam ægri hæc spectent; 6) obser-
vet longitudinem, latitudinem & profunditatem vulnerum, &
signa læsæ partis internæ annotet; 7) essentiam vulnerum decla-
ret, ut symptomata concomitantia bene exprimere, quid spe-
randum, quidve metuendum sit, prædicere, methodum meden-
di, curationis durationem, ægrorum regimen determinare, & an
tempore morbi suis vacare negotiis possit æger, effari valeat; 8)
probe examinet, an vulnus sit vera causa mortis, impotentia &c.
9) addat, an ægrum in propria, an ipsius domo exploraverit, num-
que vel intra vel extra lectum, suisque negotiis vacantem vel mi-
nus, offenderit; 10) nihil omittat, quod Judici de causa facino-
ris judicanti lumen affundere valeat, & omnia breviter ac claris
verbis pronunciet; 11) non præsumat, se quicquam scire, nisi
hoc sciat infallibiliter; 12) nihil dissimulet, & omnia secreta tra-
get. Supponit interim, ut Chirurgus Anatomia sit gnarus, &
morbos Chirurgicos cognoverit, quo eorum naturam, signa, sym-
ptomata, & prognosin, relationibus suis inferre valeat, idque ex
praxi potius quam theoria didicerit. Cognitam etiam habeat
methodum iis medendi, ut de ordine & duratione curationis,
ut & de aliorum Chirurgorum curationibus ferre judicium que-
at, remedia eorumque taxam & efficaciam in numerato habeat,
ut rite æstimare valeat. Circa quas Aestimationes respicere ju-
bet 1) ad operationis plus minus operosæ vel difficilis conditio-
nem; 2) ad morbi gravitatem magis, quam curationis duratio-
nem;

Uuu 2

nem;

nem; 3) ad personæ conditionem & opes; 4) ad viæ distantiam, quam Chirurgus ægrum visitaturus eretiri debuit.

De cætero, quoniam Rex Christianissimus, ante aliquot annos, certos in singulis civitatibus constituit Chirurgos, quibus Relationes adornandi munus incumbat, calci hujus operis Declarationes & Præscripta, has Constitutiones respicientia, sunt adjecta.

HISTOIRE DE L' EGLISE &c.

h. e.

HISTORIA ECCLESIASTICA, AUCTORE ABBA- TE de CHOISY. Tomus I. tria priora secula con- tinens.

Parisiis, apud Jo. Bapt. Coignard, 1703, in 4.

Constat alph. 2. pl. 18.

NON ignotum in Actis nostris nomen est Abbatis de Choisy, utpote cujus & Diarium, quo iter suum Siamense descripsit, A. 1688, mense Januario p. 12, & Historiam, quam de Philippi Valesii atque Joannis, Galliarum Regum, rebus gestis composuit, A. 1689, mense Aprili p. 221, nos recensuisse meminimus. Jam idem Clarissimus Autor, indignum Christiani hominis persona esse ratus, in profanæ Historiæ studio omnem ætatem terere, & eam, quæ Ecclesiæ fata spectat, penitus negligere, Historiam Ecclesiasticam, diversis voluminibus constantem, patrio idiomate edere constituit, quorum primum hic exhibemus, in quo ea, quæ prioribus tribus post C. N. seculis in Ecclesia gesta sunt, per quatuor distinctos libros, brevi quidem, sed facili & eleganti stylo persecutus est. Perlectis nimirum plerisque, ac tantum non omnibus Ecclesiasticis Scriptöribus, parem tandem, ut in præfatione monet, ejusmodi operi conficiundo se existimavit Choisyus, quod ideam quandam Historiæ sacræ complecteretur, & non tam eruditus inque hac palæstra exercitatus, quam iis, qui literarum aut plane expertes sunt, aut ad civilia studia animum adpulerunt, usui esse posset. Abstinent itaque in hac Historia a nimis eruditionis vana ostentatione, qua multi scripta sua onerare po-
tius,

tius, quam ornare solent, hæresibus vela magis obtendit, quam detraxit, controversiis non inhæsit, subtiles quæstiones neglexit, communi tempora computandi rationi insitit, atque eo maxime elaboravit, ut prætermisissis minutiis, nobiliora ac memoratu digniora referret, ita quidem, ne Lector opus habeat, ob rerum difficultatem, lectionem interrompere, aut de eorum, quæ dicuntur, veritate facile dubitare. Quamvis enim nomina Autorum reticuerit, eorum tamen fide dignissimos ubique secutus est, ac præter ea, quæ ex sacris literis desumpsit, ex Baronio, Bollandò, Godello, Huetio, Mabillonio, Ruinarto, Abbate Fleurio, Natali Alexandro, Pinio, atque imprimis Tillemontii Historia Imperatorum & Commentariis Historiæ Ecclesiasticæ conscribendæ inservituris, se plurima hausisse, imò nonnulla ad verbum repetisse, non diffitetur. Neque tamen, ubi opus visum fuit, præcos Patres evolvere prætermisit, ipsorumque adeo Protestantium scripta aliquando consuluit, quos, nisi contra Ecclesiam Romanam pugnare constituerint, veritatem absque fūco proponere, non dissimulat. Licet autem primario circa Ecclesiæ res versetur, digreditur tamen quandoque, quamvis breviter, ad alias non penitus ab argumento alienas, inque Imperatorum imaginibus depingendis, quorum mentio subinde injicienda est, elegantiz imprimis studet, mores ipsorum ingeniumque scite adumbrans, & quid laude, quidve vituperio dignum in ipsis fuerit, nervose exponens. Ceterum nihil amplius de hoc opere dicendum restat, nisi ut addamus, celeberrimum Pinium in adprobatione, quæ in fine subjuncta est, illud non modo ob Historiæ veritatem, sed etiam ob rerum maxime necessariarum, elegantissimarum atque utilissimarum selectum, commendare.

NOVA PLANTARUM AMERICANARUM GENERA, Autore P. CAROLO PLUMIER, Ordinis Minorum in Provinciâ Franciæ, & apud Insulas Americanas Botanico Regio.

Parisiis, apud Joan. Boudot, Regis & Regiæ Scientiarum
Academiæ Typographum, 1703, in 4.
Constant plagul. II. figur. æn. 40.

U u u 3

De-

DEcennium est elapsum, a quo tempore Autor Eruditis suam in Botanicis peritiā publice comprobavit, edita scilicet A. 1693. descriptione Plantarum Americanarum, eleganti sane rarissimisque iconibus referta. Sed longe plura supererant haecenus a nemine descripta vegetabilia, etiam talia, quæ ad genus aliud jam notum referri nullatenus possent. Hæc igitur in Americanis insulis observata, institutis hanc in gratiam tribus peregrinationibus, nunc quoque publici juris fecit, non sine insigni applausu omnium, qui pulcherrimam illam Historiæ Naturalis partem æstimant, ut par est. Plus quam centum eorum plane nova describit depingitque Plantarum genera, eorum characterum ex florum fructuumque conformatione, quæ optima recentiorum methodus est, unice desumens. Imitatur autem præ cæteris Tournefortium, & in stirpium definitionibus, & in tabulis æneis, non integram plantam, sed florem fructumque diligentissime observando. Imo & in eo conveniunt, quod in defectu aliorum vocabulorum novis generibus novas forment appellationes a Botanicorum nominibus. Dixerat Tournefort in Appendice Instit. R. Herb. in honorem inventoris plantam quandam Plumeriam, aliam Hermaniam, Nissoliam, Garidellam &c. at Noster non recentiorum modo, sed & veterum mentionem fieri voluit, Pittoniam vicissim a Josepho Pitone Tournefort denominando, in memoriam aliorum, Commelinam, Breyniam, Triumfettam, Muntingiam, Menzeliam, Magnoliam, Malpighiam, Morisonam, Rivinam, Fuchsiā, Dodonæam, Lobeliam, Clusiam, Dioscoream quoque ac Eresiam, quæ longa serie recensere nimis prolixum foret. Hoc unicuique adhuc monendum est, sub finem libri annexi Catalogum Plantarum Americanarum, quarum genera ex Tournefortii Institutionibus R. Herb. jam nota sunt, ab Autore tamen Nostro in insulis Americanis descripta ac delineata.

*HISTOIRE DE L'ORIGINE DU ROYAUME DE
Sicile & de Naples &c.*

i. e.

*HISTORIA ORIGINIS REGNI SICILIE
& Neapolitani.*

Pari-

Parisiis, apud Anissonium, 1701, 12. Plag. 2r.

Postquam Siciliæ & Neapolis regna, post excessum Caroli
 II Hispaniarum Regis, a Gallici sanguinis Principe occupata
 fuerunt, atque de iisdem non minus, quam aliæ provinciis, Hi-
 spanico illi vasto imperio annexis, gravis est orta concertatio ;
 præsentis hujus libri Autor, cujus nomen literæ initiales duæ B.
 J. signant, operæ pretium se arbitratus est facturum, si, qua-
 olim ratione ex Normannia Principes descenderint in istas
 regiones, easdemque sibi subiecturi quæ bella gesserint,
 accurato studio explicaret. Inde operi huic semet accingens,
 scriptores eorum temporum præcipuos, quibus maxima fides
 adhiberi possit, pervolvit lætitavitque, Gulielmum puta Apu-
 lum, qui ligato sermone Normannorum res in Calabria gestas
 executus est ; Godofredum deinde Malaterram, cujus Histo-
 ria A. demum 1578 Cæsaraugustæ, inter Arragoniæ literaria mo-
 numenta, reperta atque statim edita est, & a Baronio tanquam
 insignis thesaurus prædicatur ; Annam insuper Comnenam,
 quæ bella a Roberto Guiscardo Normannorum Duce, cum pa-
 tre suo Alexio Comneno Orientis Imperatore gesta describit ;
 Leonisque tandem Ostiensis Chronicon Monasterii Cassinensis,
 cujus membrum aliquando fuit. Ex his & recentioribus ali-
 quibus facta Normannorum repetit, commemoratque, qua ra-
 tione, seculo post N. C. XI, ex Gallia profecti, Italiam religio-
 nis ergo inviserint, & cum aliquando Principis Salernitani ho-
 spitio usi, Saracenos istam regionem invadentes profligassent,
 magnum sint consecuti nomen. Inter illos eminuit quidam
 Turstin eximii roboris, quippe qui lupum etiam, ex cujus ore ca-
 pram extraxerat, cum furibundus in ipsum incurrisset, corre-
 ptum muro allisit, occiditque. Cum primis celebrat Tancredum
 de Hauteville cum suis posteris, cujus tres filii Michaeli Duce,
 Orientis Imperatori, adversus Saracenos Siciliæ invasores mul-
 tum auxilii tulerunt, inter quos Gulielmus natu major, ob supe-
 ratos hos, cognomen fortitus, ut ferreum brachium diceretur,
 moriensque isto elogio ornatus est, quod fuerit in bello Leo,
 in civili societate Agnus, in consilio Angelus. Alii insuper for-
 titudinis insigni gloria effloruerunt tum, Gulielmum puta
 de Montreul, Arnaldum de Grand Menil & de Bayeul, quo-
 rum

rum posteros hodiernum Parisiis & Rhotomagi inclytos esse scribitur. Super omnes vero eximia felicitate usi sunt fratres duo & Tancredi iidem filii, Robertus & Rogerius, qui Neapolitanum regnum, quam latum illud est, expugnato Rhegio, tenuerunt, ac in Siciliam trajicientes, Saracenos inde expulerunt, imo & facto cum Gregorio Pontifice foedere, adversus Heinricum Imperatorem, & in Oriente etiam bella gesserunt, celebratissima, quæ Autor noster prolixè describit, & in Rogerii morte, quæ circa A. 1100 contigit, Historiam hanc suam finit.

LIBRI NOVI.

Dionysii Petavii Opus de Doctrina Temporum, cum præfatione & Dissertatione de LXX Hebdomadibus Joannis Harduini. Antverpia apud G. Gallet, 1703. fol. Tomi III.

Georgii Bulli Opera omnia, cum annotatis & præfatione Jo. Ernesti Græbii. Londini, apud Rich. Smith, 1703. fol.

Ἡ Καινὴ Διαθήκη. Novum Testamentum, una cum scholiis & Græcis scriptoribus, tam Ecclesiasticis quam exteris, maxima ex parte desumptis. Studio Joannis Gregorii. Oxonii ex Th. Sheld. Londini apud Thomam Bennet, 1703. fol.

Disciplina Ordinis Cartusienfis. Parisiis, apud Ant. Dezallier, 1703. fol.

Josephi Pittoni Tournefort Corollarium Institutionum Rei Herbariæ. Parisiis, 1703. 4.

Antiquité de la Nation & de la Langue des Celtes, auvernement appelez Gaulois. Par Dom P. Pezron. A Paris, chez Jean Boudot, 1703. 8.

Ephemerides des Mouvements Celestes depuis l'A. 1702. jusqu'à 1715. pour le Meridien de Paris. Par le Sr. de Beaulieu. A Paris, chez Guillaume Valleyre, 1703. 4.

Traité de l'Indult du Parlement de Paris. A Paris, chez J. & M. Guignard, 1703, 12.

Traité des Langues. Par Mr. Frain du Tremblay. A Paris, chez Jean Baptiste Delespine, 1703, 12.

Nouveau Systeme sur la Construction & les Mouvements du Monde. Par M. Gobert. A Paris, chez J. B. Delespine, 1703, 8.

* * * * *

A C T A

ERUDITORUM,

*publicata Lipsiæ**Calendis Decembris, Anno M DCC III.*

ECCLESIASTICÆ JURISDICTIONIS VINDICIA adversus CAROLI FEVRETI & aliorum Tractatus de Abusu, susceptæ ab ANTONIO DADINO ALTESERRA, utriusque Juris Professore & Decano Universitatis Tolosana.

Aureliis, & veneunt Parisiis apud Raymundum Mazieres,
cum privilegio Regis & approbatione, A. 1703, in 4.
Constant 3. alph. chartæ majoris.

Posthumum hoc opus est, quod Clarissimus Autor, ex hypothesebus *ignoratis* quidem Pontificiis, sed non satis ad mentem Curia Gallicanae, dum viveret, composuit. Hinc accessit Præfatio, autore forte Vaillantio, veterano Parlamenti Advocato, in qua nonnulla eam in rem monita exhibentur. Male scilicet habuit Clerum Gallicanum, quod Carolus Fevretus, in tractatu suo de Abusu, Jurisdictionem Ecclesiasticam impugnaverit: hinc Virum, antiquitatum Ecclesiasticarum peritissimum, qui partes suas tueri posset, adhibendum esse putavit. Eminuit in Clero Illustrissimus Franciscus Harlaeus, tunc Rothomagensis, postea Parisiensis Archiepiscopus, qui Alteserram, scientiarum & benevolentia vinculo dudum sibi devinctum, sæpius hortatus est, ut Fevreto responderet. Accessit deinde Eminentissimus Cardinalis d' Etrées, Episcopus tunc Laudunensis, qui datis ad Alteserram literis, suo Clerique Gallicani nomine, idem munus eidem imposuit. Tantis igitur suffragiis auctoratus Noster, hasce Jurisdictionis Ecclesiasticæ Vindicias adornavit. Sed Viro doctissimo id accidit, judice Præfationis

X x x

nis

nis modo laudatæ Autore, quod plerumque iis, qui contrarias partes suscipiunt, evenire solet; ut scilicet, dum alium impugnare aggrediuntur, aliquando in alterum extremum prolabantur, & durioribus terminis animi sensa exponant. Hinc amplius ille Lectorem monendum esse censet, ne omnia, quæ in hoc opere reperiuntur, juri, quod inconcussæ in Gallia servetur, & Curæ placitis stabilitum sit, consona esse existimet: aberrasse aliquando a praxi fori Gallicani Alteserram, antiquitatis potius, quam praxis forensis studiosum; id quod vel ideo mirum videri alicui non debeat, quod Vir doctissimus omnem fere scientiam suam, tum ex Decretalibus, tum ex Canonistis, nimium Jurisdictioni Ecclesiasticæ indulgentibus, hauserit. Negari quidem non posse, temporibus nascentis Ecclesiæ, quibus enatæ lites compromisso plerumque definitæ fuerint, plerasque controversias, ad Judices Ecclesiasticos delatas, ab iisque directas fuisse; sed mutatis iudiciorum formis, ac Jurisdictione Ecclesiastica cum strepitu forensi exerceri coepta, iudices Laicos liberum Jurisdictionis suæ in Laicos exercitium reassumisse, multaque in foro, suadente utilitate, mutata esse. Ne igitur quem, Juris Gallicani tenacem, generalius ab Alteserra scripta offendant, memoratæ præfationis Autor indiculum nonnullorum, quæ a praxi Gallicana abhorreant, subiungi curavit, adjiciens, potuisse, imo propemodum debuisse hæc in manuscripto deleri, sed aliud placuisse, ne opus hoc cujus scripta exemplaria & in Regia, & in plerisque Virorum doctissimorum bibliothecis reperiantur, mutilum manereque videri posset. Denique ille credi vult, Alteserram, si pauca excipias, non dogmaticæ, sed historice scripsisse, & reconditoris antiquitatis secreta referasse; & hinc, ne quis offensionis causam habeat, librum illum non ut dogmaticum, sed potius historicum, ac quoad praxin cum delectu legendum, proponi; quamvis hoc ultimum, ut id adjiciamus, menti Alteserræ non satis conveniat, in operis fine diserte scribentis: *unum in calce hujusce operis restor, me sincere & ex animi sententia hac scripsisse, absque livore ac adulatione, non vernula, sed docentis ingenio, non fraudis, sed veritatis studio. Verum ne mihi credam, qua religione hac scripsi, eadem hac judicio Sedis Apostolica & Ecclesia universa*

se submitto. Ipsum opus undecim libros, capitibus variis distinctos, complectitur. In *primo libro* contendit Clarissimus Auctor, Episcopos habere propriam Jurisdictionem, eamque esse Juris Divini, & Civili distinctam, Regibus minime suspectam ac metuendam, sed ab iis potius defendendam: qualis vero ab Apostolis, usque ad Constantinum, ac ab hoc, sub aliis Imperatoribus Romanis, Regibus Gothorum, Francorum, Capetingorum & Anglorum, Jurisdictionis Ecclesiasticæ fuerit status, deinde ostendere nititur. Postea ipsam Jurisdictionem per partes explicaturus Noster, in *libro secundo* Voluntariam, quæ in collatione ordinum & beneficiorum potissimum consistat, & *tertio*, Correctivam, quæ disciplinæ & correctionis causa, de plano extra tribunal exerceatur, persequitur. Inde pergit ad Contentiosam Jurisdictionem, eamque in civilem & criminalem dispescit, sub juncta in eodem *libro tertio* illius proluxiori explicatione; huic vero *quartus* & *quintus* destinati sunt *libri*, in quibus adeo, de criminibus ecclesiasticis & mixtis, latius disquiritur. Respicit autem Jurisdictio Ecclesiastica præcipue Clericos: sunt tamen etiam nonnullæ Laicorum causæ illi subiectæ, de quibus in *libro sexto* disserere, Nostro visum est. Exposita Sacræ Jurisdictionis vi ac potestate, ad processum fori Ecclesiastici Clarissimus Auctor progreditur, eumque in *libro septimo* quoad primam, & *octavo* quoad secundam instantiam explanat. Cum vero omnis Jurisdictio sit inefficax, si contumaces ad jussa facienda malo representato adigi nequeant, hinc Ecclesiasticam quoque pœnis canonicis velut muniri oportuit, quas in *libro nono* Noster percenset. Atque ita se absolvisse putat ea, quæ ad Episcoporum, Metropolitanorum & Primatum Jurisdictionem pertinent, quibus expositis, consentaneum ei fuit visum, præcipua Jurisdictionis Pontificiæ, quæ fons & matrix Jurisdictionis Ecclesiasticæ sit, addere: hinc causæ majores, Sedi Apostolicæ reservatæ, ut congregatio Conciliorum generalium, definitio quæstionum fidei, depositio, restitutio & translatio Episcoporum, similesque *libro decimo* pertractantur. His absolutis, non alienum a proposito existimavit doctissimus Auctor, si *libro ultimo* numeram personarum, in quibus Jurisdictio Episcopalis versetur, puta Presbyterorum, Dia-

conorum & inferiorum Clericorum, præmissis nonnullis de distinctione Ordinum Ecclesiasticorum ejusque causis, percerens: nam exinde, ut Noster loquitur, inprimis elucebit hierarchicus Ordo Jurisdictionis Ecclesiasticæ; facesset invidia Clericorum, dum Minores intelligent, se eadem fere potestate uti in subditos, qua Episcopus in ipsos, subordinatis inter singulos Ordines sacræ Jurisdictionis apicibus; obstruetur maledicum os secularium, dum scient, eam per singulos Ordines ita divisam, ut ejus vinculo constet pulcherrimus ordo Ecclesiæ. Brevi huius totius operis delineationi, speciminis loco, nonnulla hinc inde deprompta adjiciemus. *L. 1. c. 2.* Jurisdictionem Ecclesiasticam juris Divini dixit Alteserra: sed is, qui præfationem supra laudatam præmisit, de Jurisdictione Ordinis, non Contentiosa, in indiculo subiecto id intelligi jubet. *C. p. d. l. 1.* Jurisdictio Ecclesiastica, constitutione Valentiniani III lethaliter vulnerata ac fere extincta, a Justiniano resuscitata perhibetur, adeo ut velut sacra olea a Barbaris incurfa (verba Nostri referimus) reviveret, sibi-que & dignitati restituta sit. *L. 2. c. 2.* docet Noster, Episcopum Clericos alienæ diocesis ordinare non posse, sed ordinatum ipso jure suspendi ab executione Ordinum, & ordinantem per annum ab eorundem collatione: cumque Fevretus, minus idoneam hac in re providentiam sanctorum Canonum ducens, existimaverit, hujusmodi ordinationem esse abusivam, & ab ea, tanquam ab abusu, appellare licere, Noster se non sine stupore scriptum Viri, ætate & eruditione gravioris, lectitare dicit; nullo enim jure fieri posse, ut judices Laici, de Sacramento Ordinis, quod sit apex & culmen Sacramentorum, coeleste charisma, spiritualis unctio, Sacerdotii præcipuum Apostolis & Episcopis eorum successoribus reservatum, cognoscant; appellationem quoque tanquam ab abusu, esse subsidium & ultimum remedium, quod alio deficiente detur, at in hoc casu non deesse remedium Canonum; frustra igitur, ad compescendas hujusmodi ordinationes, tribunal Prætoris adiri. Verum Fevreto succurrit Autor præfationis antea relatæ, censens, acriorem illam Alteserræ investivam, cum temperamento esse accipiendam, adeo ut Clerici vix quidem ad forum seculare recurrere debeant, re-

cur.

curfus tamen ad Parlamenti Curias, propter Jurisdictionis Ecclesiasticæ abufum, remedium ordinarium exiftimari debeat. *L. 2. cap. 11.* affert Clariffimus Autor, ab inijs surgentis Ecclefiæ, Canonifationem Sanctorum fuiſſe penes Epifcopos, eamque olim non aliam defideraſſe ſolennitatem, quam ut Epifcopus, cognita vitæ ſanctitate & miraculis defuncti, votis & concurſu populi ad ejus tumulum, nomen ipſius in diptycha ſeu ſacras tabulas reſerret, quo ejus memoria quotannis ſolemni die cole-
retur; ſed tempore Alexandri III Canonifationem Sedi Apoſto-
licæ adſcriptam, magisque ſolennem redditam eſſe; id quod *L. 10. c. 10.* ex profeſſo iterum docetur. Jure communi tam poſſeſſo-
rium, quam petitorium beneficii Eccleſiaſtici, ad Judicem Eccle-
ſiaſticum ſpectare, Noſter *l. 3. c. 8.* contendit; in Gallia tamen, Se-
cularẽ depoſſeſſorio cognoscere, ſimul fatetur: quo vero jure
hoc invaluerit, id diſputare nimis arbitratur invidioſum, hoc ta-
men contra Fevretum defendens, Judicem Eccleſiaſticum in pe-
titorio liberam habere judicandi poteſtatem, nec teneri ſequi ſen-
tentiam, a Jdice Seculari ſuper poſſeſſorio latam. Verum Au-
tor præſationis aliquoties nominatæ, Alteſerram ad praxin fo-
renſem parum attendere, iterum admonet, cum poſſeſſorio ple-
ne judicato, Judicem Eccleſiaſticum ſuper petitorio adire, amplius
non liceat. *L. 5. c. 5.* antiquam illam Gallicanam & Germani-
cam conſuetudinem, qua ob turbatam pacem, nobiles canem,
plebeji & ruſtici ſellam vel aratri rotam, de Comitatu in proxi-
mum Comitatum portare coacti fuerunt, antequam ultimum
ſupplicium de iis ſumeretur, Noſter illuſtrat. In *L. 8. c. 5.* ap-
pellationes ab Epifcopis, ad Judicem Secularem, late improbat
doctiſſimus Autor, nec Pauli Apoſtoli, ad Cæſarem appellan-
tis, exemplum obſeſſe cenſet, cum id factum ſit, vel ob defectum
alius Judicis, vel a Paulo, non ut Epifcopo & Apoſtolo, ſed ut
Cive Romano, vel potius, afflante Numine, quo duceretur Ro-
mam, propagandæ & martyrio conſeſtandæ fidei cauſa. *L. 9. c. 4.*
inter alia docet Noſter, quid veteribus *atrium ſauciolum* ſigni-
ficet, nempe locum, ubi delinquentes capite vel membris plecte-
bantur.

*DIARIUM ITALICUM, SIVE MONUMENTO-
rum Veterum, Bibliothecarum, Musaeorum &c. Notitia singula-
res in Itinerario Italico collecta, Autore R. P. D. BER-
NARDO de MONTFAUCON, Monacho*

Benedictino, Congregationis S. Mauri.

Parisiis, apud Joannem Anisson, 1702, in 4. cum fig. zn.
Alphab. 3.

Cum in Actis nostris anno 1699. novissimam operum Athana-
sii editionem, a Patribus Benedictinis Parisiensibus curatam
recenseremus, optavimus p. 204, ut Eruditissimus Montfauco-
nius, cujus industria multa in eadem debentur, plura istius ge-
neris opera imposterum usui publico exponeret. Nec dubita-
vimus, ita futurum, modo is ex Italia, quam tunc peragrabat,
felici fidere in Gallias rediret. Et adimpleta jam sentimus hac
esse vota nostra, quandoquidem is itineris sui uberrimum fru-
ctum cum Orbe erudito communicare nunc incipit, dum in Dia-
rio hoc Italico notatu quaedam digniora recenset, quae sibi apud
exteros commemoranti obvenisse meminit. Licet enim principem
migrationis suae causam fuisse perhibeat, anecdota sanctorum Pa-
trum ope manuscriptorum codicum eruenda, quippe qui post
curatam S. Athanasii editionem, probe intellexerit, nonnisi lu-
stratis Italiae Bibliothecis, postremam Graecis Patribus manum com-
mode admoveri posse; religioni tamen sibi duxit, ab aliis notatu
dignioribus prorsus abstinere. Plurima proinde antiquitatis mo-
numenta cum ex bibliothecis atque musaeis, tum ex marmoribus
eruit, chronica etiam, historias, diplomata, manuscripta, in-
scriptiones, Abraxeas figuras, & alia id genus in schedis suis
consignavit, unde jam haud pauca in usus publicos exproavit.

Cap. I.

P. 3.

P. 4.

Anno 1698, decimo octavo Maji, cum D. Paulo Brioy, Con-
gregationis S. Mauri Monacho, Lugdunum & inde Viennam se
petiisse refert, qua posteriori in urbe deprehendit inscriptionem,
in qua templum tegulis auratis ex liberalitate Flaminiae, id est,
Flaminis uxoris, ornatum fuisse observavit. Prope Arelatem,
ostensas sibi refert cryptas S. Trophimi, Apostolorum discipuli,
ejusque altare, in quo sacrum fecisse, itemque locum, ubi acce-
dens populo quasi e suggestu verbum Dei praedicasse dicatur.

Ex

Ex Nemaufensium antiquitatibus celebrat imprimis magnæ molis codicem, seculo decimo tertio scriptum, qui collectionem contineat locorum S. Augustini, ex variis ejus operibus, pro expositione epistolarum D. Pauli facientium; quod opus Bedæ primo adscriptum, sed exinde Flori cujusdam esse, compertum fuerit. Librum tegere innuit antiquius diploma Bernardi, Comitæ Ceritanienfis, quod, hætenus quippe ineditum, locum huc habere jubet. Aquas-sextias hinc petiit, ibique Clarissimo Pagio supremum vale dixit, quem Historiæ Baronii Criticæ ultimam manum paulo antè mortem imposuisse memorat, totumque opus constare testatur quatuor in folio tomis, quorum unus tantummodo publici tum juris fuerit. Massiliæ invisit cœnobium S. Victoris, cujus Ecclesiæ remotissimæ antiquitatis speciem præferentem, & spississimis columnis sultam describit, sed diutius circa Lerinensem insulam occupatur.

Mediolanum posteaquam concessit, primam in id curam impendit, ut Bibliothecam adiret Ambrosianam, in qua Antonium Muratorium, ex præcipuis custodibus alterum, commodam suam multum promovisse, gratus agnoscit. Vocat vero eandem ædificium grande, cujus conclavè ab ingressu primum, amplum & præaltum, cufos complectatur libros, intermixtis paucissimis manuscriptis. Et si autem ad quadraginta ferme millia librorum ibi compareant, multos tamen pernecessarios deesse, & editiones Patrum accuratiores desiderari, monet. Sub extremum Bibliothecæ, intromissum se scribit in peristylum, ubi icones depictæ cernantur illustrium Virorum, quot vix usquam simul occurrant, & in conclavi sequenti similem apparere addit supellectilem, unde ingressus pateat in aliud, plenum codicum Arabicorum, Copticorum, Syriacorum, ac maxime omnium Græcorum & Latinorum, qui comportati istuc fuerint ex Thesalia, Chio, Coreyra, Japygia, & Magna Græcia; curantibus maxime Olgiato, Pinello atque aliis. Ipse vero, speciminis in locum, nonnullorum codicum titulos apponit. Illustrissimi Comitæ Mezzabarbae musæum ter quaterve se invisisse ait, & singulare hinc numisma æneum profert, habens in antica Augusti vultum, cum inscriptione, *AVGVSTVS DIVI F.* in postica

P. 7.

P. 8.

P. 9.

Cap. II.

P. 10. f.

P. II. ad 20.

P. 20.

CORO-

coronam lauream, in cujus medio scribatur *REX PTOL.* in circuitu autem diadematis *C. LÆTILIVS APALVSIIIVIR*; cuius loco Begerus in Thesauro Brandenburgico sic legat: ---

TILIVS APALVSIIIVIR, Patinus vero mutilam & mendosam lectionem ita adferat: --- *SAPILVSIIIV. Q.* Ticinum ubi venit, Equitem, cui commendatus fuerat, Belcreddium adiit, apud quem Bibliothecam singularem deprehendit, numerosam sane, sed nonnisi libris, pro immaculata conceptione B. Mariæ Virginis propugnanda, adornatis refertam, in quorum uno a P. Alva exarato depictam conspexit Virginem sublimem, inferius septem murorum turribus munitum, in singulis vero turribus singulos prominentes Franciscanos, adversus Draconem *ω-λυκίφαλον*, conceptionis immaculatæ adversarium, strenue dimicantes. Mox Ecclesiam Canonicorum Regularium ibidem adiit, percontaturus de reliquiis S. Augustini, quas fama tulerat ibidem non diu ante repertas fuisse. Et heic quidem multa sibi narrata de integro negotio refert, rationes etiam in utramque partem allatas enumerat, tandem vero litem adhuc pendere sub iudice innuit, & rogantibus, ut liceret ea, quæ reperta fuerant, videre, id negatum, a monasterii vero Priori dono sibi oblata rescripta pro veritate reliquiarum nuper cusa, & nonnisi locum subterraneum inspicere concessum fuisse, addit.

p. 26. ad 30.

Cap. III.

p. 34. f.

Mutinam delatus Benedictum Bacchinium, Virum eruditissimum, insudantem invenit editioni Agnelli Ravenatis, auctoris inediti noni sæculi, de vita Præsulum Ravennatensium ad suam usque ætatem, cuius cura introductum se proficitur in Bibliothecam Serenissimi Ducis Mutinensis, quam præter opinionem multis codicibus manuscriptis, ab editis cura Bacchinii separatis, refertam viderit, quorum aliquot allegat. Inde fontes Mutinenses celebrat. E Bibliotheca Padolironensi codices quosdam manuscriptos Latinos profert. E Musæis Venetis Græmanum primo loco nominat, & ad Bibliothecam S. Marci, & Bibliothecam Archi-Episcopi Græcorum, & SS. Joannis & Pauli Dominicanorum provocat, & e singulis memorabilia nonnulla in medium producit.

p. 34.

p. 36.

p. 37.

p. 41. 46.

p. 47.

Cap. IV.

Inter reliqua Venetorum memorabilia, prolixè admodum

de

de Evangelio S. Marci differit, & quonam pacto codex illius celebratissimus illuc delatus fuerit, e monumentis non ubique obviis declarat. Apud Procuratorem Julium Justinianum, doctum senem, tot codices manuscriptos Græcos, quot nusquam in urbe, excepta una S. Marci Bibliotheca, se obvios habuisse docet, quos inter in codicem inciderit, in quo epochæ more anni notentur a fundatione templi S. Sophiæ, novo calculi genere; in alio extare ait Timothei cujusdam de hæresibus opus; adesse quoque commentarium Athanasii in Psalmos, sed cujus scriptor vel Athanasium mentiatur, vel pro alio *ἁγίου* habendus sit. Quæ posteaquam enarravit, in laudes & memorabilia Musæi Tarvisiani excurrit.

p. 55.

Cap. V.
p. 69.

Patavii in monasterio S. Justinæ divertit, sed Bibliothecam paucissimis manuscriptis ornata reperit. In typographia Cardinalis Barbadici, characteres omnis generis, Græcos, Latinos, Hebraicos, Arabicos, Armeniacos aliosque, speculio Cardinalis fufos conspexit. Sepulchrum hinc Antenoræ, in vico S. Laurentii, ad ostium PP. Servorum contemplatus est. In itinere ad Ravennates exscensu facto, Bibliothecam lustravit Pomposianam, de qua epistolam affert *ἀνέκδοτον* Henrici Clerici ad Stephanum quendam, ut compertum Lectori sit, quantæ molis tunc fuerit, numerosas parare bibliothecas; sed & catalogum ejusdem nunquam antea vulgatum subnectit. Ecclesiam S. Vitalis Ravenensem dum describit, monogramma quoddam Titi Cornelii Nepotis evolvit, & epitaphium Isaaci Exarchi exhibet, alia ut taceamus.

Cap. VI.
p. 78.
p. 79.

p. 80.

Cap. VII.
p. 97.

Diobus cum dimidio annis Romæ versatus Noster est, & otium evolvendis maxime Bibliothecarum codicibus, lustrandis etiam urbis monumentis, contrivit. Ibi mortem Claudii Stephanotii, Congregationis S. Mauri Procuratoris Generalis, A. 1699. d. 20. Junii e vita emigrantis luxit, sed & paucis post istius decessum mensibus in ætatis flore sublatus doluit itineris sui foricem, Paulum Brioy, acri juvenem ingenio, Græce doctum. Non destitit tamen superstes Noster a sua curiositate, & fructus ejus Lectori istarum rerum itidem curioso nunc propinat. Multum vero se adjutum fatetur schedis Flaminii Vacca, scul-

p. 103.

Y y

ptoris

ptoris Romani, seculo decimo sexto florentis, qui de monumentis Romanis, cum suo tum amicorum experimento, multas observationes hactenus in publico nondum visas collegerit, atque Anastasio Simonetta, Perusino, qui Romanarum antiquitatum librum accuratione multa paravit, dono obtulerit, quas Latine versas Noster passim inspergit.

p. 106. f.

Incipit ergo a visa abs se Basilica S. Mariæ Majoris, & spectabili in ea arcu opere musivo exornato, autore Sixto III Pontifice. Hinc rudera antiqui Dianæ templi in horreum versa memorat. Porro hortos Macenatianos laudat. Post alia thermas Helenæ sistit, & anaglyphum Neptuni, qui undis insidet capillatus ornatusque diademate, barba promiscua; a dextris erigitur tridens hastæ oblongæ impositus, ad imum hastæ draco alatus converso ad simulacrum capite. Alia Romæ visa memoratu dignissima, Auctor per viginti dies dispefcit, capitibus tredécim, circa quæ spicilegium modo quoddam nobis instituere concessum est. Capitolium prolixè describit. Hinc Lupercal considerat,

Cap. VIII.
ad XX.

p. 169. f.

p. 185.

spelæum scilicet ad radices Palatini, ita dictum a lupa, Romuli & Remi nutrice. Qua occasione annularem affert lapidem, ubi in specu Lupercalis lupa Romulum & Remum pueros lactans incisa, dum Faustulus Palatino monti insidens ritu captantis auguria, lituum sive baculum recurvum manu tenet, habetque canem a tergo sursum inspectantem. Mithræ templum sistens, schema illius non unum statuasque veteres leonina facie conspicendas dat, deque ejus symbolis & initiationibus disserit. Aedibus Barberinis nullas in Urbe admittit magis magnificas. Bibliothecam quoque librorum copia omnibus præstare testatur, codicum item manuscriptorum magnam esse vim, Latinorum maxime; Orientales enim atque Græcos perpauca ibi comparere. Ac etsi haud libero exterorum aditu Bibliotheca frequenteretur, Græcos tamen codices raptim semel inspectare sibi licitum fuisse perhibet, & quia, contra quam rumore nuncio audiverat, exiguum prorsus numerum animadverterit, percontanti, quorsum abiisset illa Græcorum codicum copia, quæ in Barberinis ædibus extare omnium ore olim ferebatur, responsum datum innuit, jam a multis annis, cum exportarentur codices,

p. 210.

a ba.

a bajulis multos venum oblatos, & ad quingentos ejusmodi casu abstractos, dissipatosque fuisse. Juxta hanc Bibliothecam, monasterium Patrum S. Basilii collocat, quod quidem perparvum, nulliusque antehac nominis fuisse, haud negat; studio tamen & cura R. P. Petri Menniti, codicum Græcorum festiva copia exornatum modo introducit. Istum namque, quia in variis monasteriis Calabriae sibi subjectis codices istos, obsoleto pene Græcæ linguae usu, jacere intactos neglectosque acceperit, imminenti eos exitio subdaxisse, inque Urbem adveni, in usum Eruditorum, curasse perhibet, & codicum istorum numerum per amplum hec accumulatur. De villa Burgnesia in scriptis, quæ eandem retulerint, plurima omissa reperiri monumenta observat, quem defectum resarcire aliquo modo studet. In templo Conventus Minimorum S. Trinitatis, in monte Pincio, oculis usurpavit tumulum Antonii Mureti, cujus hoc affert epitaphium: *D. O. M. S. M. Antonius Muretus Lemovix ad Dei misericordiam obtinendam piorum precibus adjuvari cupiens, corpus suum post mortem hoc loco sepeliri jussit, attribuit mille scutatis hujus Monast. sodalibus, impostoque onere perpetui anniversarii. Nicolaus de Pelleve Card. Senonen. Testam. Executor poni mand. Vixit Ann. LIX. Mens. II. Obiit prid. Non. Jun. cl. 1. LXXXV.* Alterius item Mureti, qui magni illius fratris filius fuerit, epitaphium proxime legi his verbis significat: *M. Ant. Mureto, magni hujus Mureti fratris filio, state quidem & nominis celebritate minori, spe autem & expectatione prope pari, immatura morte præcepit Ludovicus Rivaldus Lemovix, & M. Ant. Lanfrancus Veronensis, ejus Testamento ad pias causas facto scripti Executores poss. Vixit Ann. XVI. mens. V. Obiit Prid. Non. Oct. cl. 1. LXXXVI.* In ædibus Chiggiis nihil insignius haberi putat Bibliotheca, quæ numero & præstantia librorum eusorum paucis concedat, ad hæc vero manuscriptis cum Græcis tum Latinis instructa probe sit. Latinorum conditionem ac vetustatem se parum explorasse, haud disimulat; esse autem eos refert, ut quidam narrent, maximam partem recentes, de gestis Alexandri VII & Chiggiorum familia, & nonnullos ejusdem manu conscriptos. Græcorum aliquot Noster suppeditat, interque eos codicem in-

p. 215.

p. 217.

p. 237.

p. 238.

- p. 241. primis membranaceum decimi seculi, in quo Dionysii Halicarnassæ Historiæ, cum figura ejusdem Dionysii ab initio, ex antiquiori forte codice accurate delineata minioque picta. Musæi D. Livii Odeschalchi dum meminit, numismata & gemmas
- p. 277. ibi conspicuas generatim fere tantum cum laude indigitat. De Bibliotheca Vaticana strictim disserit, alii loco ejus uberiores delineationem reservaturus. Sub finem considerationis Romæ varios, qui de Urbe hæc scripserunt, Autores enumerat, ac rationem conficiendi ejus adumbrationem paulo accuratiorem supplet, Anonymi etiam de Mirabilibus Romæ opusculum hactenus ineditum, & seculo XIII concinnatum, ab interitu vindicat, suisque notis aliquibus illustrat.
- Cap. XXI. Romæ perrexit Noster Neapolim, & salutato Cardinali Cantelmo (cujus insignem humanitatem extollit,) visoque ejus Musæo, in Bibliothecam D. Valletæ intromissus fuit, eamque manuscriptis codicibus haud paucis instructam cognovit. In monte Vesuvio, secunda Novembris die, onustos adhuc uvis palmites conspexit, id quod in æstuoso adeo solo maximopere miratus est. Cum in Bibliothecam S. Johannis de Carbonaria Patrum Augustinianorum concessisset, in qua codices Græci habentur ad centenos, totidemque Latini, & ipse hos evolveret, ac Socio quædam exscribenda tradidisset, occurrit custos, & interpellavit scribentem, se, quod talem Mabillonio scribendi copiam fecisset, pulsus olim e monasterio dictitans, ipsosque ulteriori perquisitione prohibuit; horis tamen aliquot interjectis, ad amicorum intercessionem, ad rem redire ipsi permissum fuit, unde titulos præcipuorum allegat. Est inter eos codex Homiliarum in Evangelium, in charta membranacea, purpureo colore, aureis characteribus quadris, cum accentibus spiritibusque, septimo aut octavo seculo exaratus, & codex Dioscoridis vetustissimus.
- Cap. XXII. Monasterium Casini montis nominans, præter Bibliothecæ ibidem erectæ elogium, vestiumque Monachalium veterum schemata illic depicta, aliaque, prærogativam recenset Abbatis Casinensis creandi Nobiles, cogendi exercitus, & quæ istius generis plura sunt. De Albano castro & de veteris Albæ situ, monasterioque Cryptæ ferratæ, ejusque Bibliotheca ubi disseruit,
- p. 303.
- p. 307.
- p. 308.
- p. 321.
- Cap. XXIII.
- paucis

præcis interjectis, se A. 1700, mense Februario, ut patriam re-
 peteret, Roma rursus profectum Senas venisse narrat, ubi urbis Ec-
 clesiam Cathedralē cum ejus ornamentis inspexit, nec antiquam
 Bibliothecam Senensem præterit, in qua solos animadvertit su-
 peresse codices, qui ad cantum pertinent, a Benedictino quo-
 dam Congregationis Casinensis exaratos. In nosocomio Senen-
 si asservari traditum recordatus fuit codicem Jo. Chrysostomi,
 ipsummet manu scriptum, & commentaria in Novum Testamen-
 tum complexum. Ast inspicere sibi illum, ejusdemque explora-
 re vetustatem, licitum haud fuisse dolet.

Cap. XXIV.

P. 345.

P. 349.

Magis ipsum delectavit Florentiæ, modo Bibliotheca in pa-
 latio Magnæ Hetruriæ Ducis, modo inscriptiones in domo Bona-
 rotæ, modo Monasterium & Bibliotheca Camaldulensium, & Bi-
 bliotheca insignis S. Laurentii, modo Gaza Medicæ, modo a-
 lia; quin & Florentiam secundo rediit, & inscriptiones ibi va-
 rias expendit, quarum non unas hic apponit.

Cap. XXV.

XXVI.

Bononiæ cum cura inspexit librum, pro Esræ ἀπογὰς
 φω. vulgo venditatum, quem Dominicani servant, duplici ob-
 feratum clave, quarum altera pæhes Magistratum, altera penes
 Monachos est. Constat volumen pelle vituli subacta & tracta-
 bili, in qua vero non Esræ liber, ut multorum sermone fertur,
 sed Pentateuchus habetur, more Bibliorum, quæ etiamnum ap-
 ud Hebræos in Synagogis asservantur, & pauculas recentiore
 manu margini allitas notas ostentat. Eum Judæi monasterio
 Dominicanorum obtulerunt, quo tempore Aymericus Præfectus
 & Magister Ordinis fuit, initio scilicet seculi decimi quarti. Ve-
 netias reversus, beneficio Apostoli Zeni inscriptiones Corcyreas
 nactus est, quarum unam integram, utut prolixiorem, cum ver-
 sione Latina sistit, & hanc non minus atque reliquas, itidem hic
 repetitas, in notulis quibusdam subjectis breviter dilucidat.

Cap. XXVII.

Cap. XXIX.

P. 412.

Atque hoc Diarium prodromi in vicem ab Auctore præ-
 mittitur Tomis pluribus & amplioribus, in quibus hic minus re-
 periunda afferre, strictim modo jam observata uberius declarare,
 & Florentinas inter alia, Romanasque & Venetas Bibliothecas
 insigniores latius delineare instituit; cui proposito laudatissimo

Yyy 3

per-

perficiendo vires Auctori corporis animique, & iustum præterea otium, lubentes meritoque apprecamur.

*DISCIPLINA ORDINIS CARTUSIENSIS, IN
tres libros distributa.*

Parisiis apud Antonium Dezallier, 1703, in fol.

Constat Alph. 4. plag. 14.

Congestum opus hoc ac evulgatum est ab Illustrissimo *Innocentio Massonio*, Cartusiae Priore & Ordinis Cartusienfis Generali, eo potissimum consilio, ut Ordinis sui ratio ac finis plenius cognosceretur. Libris tribus totum opus expeditum est. Primo agitur de Ordinis origine & primævo ejus instituto, doceturque, quomodo id servatum fuerit, a tempore editarum a R. P. Guigone Consuetudinum seu Statutorum, usque ad condita Statuta, quæ antiqua Statuta prodierunt, usque ad evulgationem novæ Statutorum collectionis disseritur: tertio denique status a tempore novæ collectionis ad hunc usque diem traditur. Originem ac ortum Ordinis adscribit Brunoni, Coloniz nato, Remensis Ecclesiz Canonico, & S. Theol. Doctori, qui cum aliis nonnullis, concessu Gratianopolitani Præsulis, eremum Cartusie A. 1086 fuerit ingressus, isto potissimum, seu Ordinis sui viri traderint, casu permotus. Mortuus nempe Parisiis circa annum 1082 fuerat Doctor quidam, vitæ integritate & doctrinæ copia clarissimus. Is, cum efferretur, multique prodissent in funus, caput ex feretro ter separatim temporibus extulit, ac terribili voce, præsentibus Brunone ac aliis huic Ordini postea adscriptis, pronuntiavit, se iusto Dei judicio accusatum, judicatum ac damnatum esse. Ut vero non diffiteatur Massonius, hanc historiam a multis in dubium vocari; multas tamen sibi causas esse ait, cur credat, non ipsam historiam, sed circumstantias tantum quasdam constatas esse. Sita autem Cartusia est in Episcopi Gratianopolitani ditione, loco peramœno & figuram oblongi amphitheatri, excelsis rupibus undique cincti, referente. Hunc locum elegisse ait Brunonem, & illic cum Sociis sedem fixisse, atque hoc factum omnium in se convertisse oculos, Pontificis inprimis Urbani II. Is enim, cum jam ante virtutem ejus perpexisset, propterea quod

in

in cathedra docentem olim audiverat, Romam Brunonem vocavit, ut consiliis ejus uteretur. Ægre adeo id tulerunt Socii Brunonis, ut cum eo fuerint Romam profecti; unde tamen non multo post ad pristinam stationem redierunt. Quamquam vero Bruno reliquis ingrediendæ vitæ hujus auctor fuerit, non tamen ipsum regulas ac vivendi rationes præscripsisse memorat sed has demum conditas a R. P. Guigone, in iisque Brunonis mentem, documenta, & agendi modum scite adeo expressum esse, ac si sua manu Bruno scripserit. His expositis, de ipso instituto Cartusienſi late agit, & quam fructuosum illud putet, copiose exponit. Tum vero & sollicitè probat, a pristino instituto neutiquam hodie discedi, sed illud stabile & sibi simile hoc tempore consistere. Inde Statuta ordine exhibentur, notis illustrata, in quibus genuinus eorum sensus explanatur. Tandem appendix apparet, ubi de confirmatione novæ Statutorum collectionis a Sede Romana facta commemoratur, & quid immutatum fuerit, edocetur. Stylo se usum dicit rudi ac simplici, eo quod non Latinæ linguæ elegantias, sed dictionem Scripturæ sacræ, Statutorum, R. P. Guigonis, & libri de Imitatione Christi, consecrari studuerit. Quo ipso utique simplicitatem Cartusianam expressit, quæ ab elegantis his abhorret, & Græcas Ebraicasque litteras plane a finibus suis arceat. Audiamus verba Statutorum fol.

240: *Jam vero nonnulli sunt, qui apud semet ipsos non tantum scioli videri volunt, verum etiam affirmant hi, neminem ad veram scientiam & intellectum Scripturæ posse pervenire, nisi in lingua Græca sit eruditus. Igitur quidam oblii sanctæ rusticitatis nostri propositi, ut apud vulgares scioli videantur, tempus pro sacris lectionibus ipsis concessum expendunt quadam animi curiositate in literis Græcis, nonnulli simul & Hebraicis. Quapropter hortamur in Domino omnes nostros subditos, ut sint memores arrepti propositi & Cartusiana simplicitatis, ut desistant ab hujusmodi curiositate, tempus infructuose expendendo in hisce literis præscriptis. Sed potius studeant semet ipsos exercere in piis exercitiis vitæ Jesu Christi, qui nos docuit & verbo & exemplo mitatem & humilitatem, ut sic talibus exercitiis valeant pervenire ad secretiora interioris hominis, quod quidam*
vocatio

vocatio nostra requirit. Alioquin ejusmodi lectionem Græcarum literarum non omittentes, per Visitatores provincie arceantur ab iisdem; Et si necesse fuerit, non desistentes semel moniti ab eisdem Visitoribus corriganur, ut ceteri timorem habeant. Plura inde afferre non libet.

MARTINI HANKII DE SILESIIORUM NOMINIBUS Antiquitates.

Lipsiæ, sumptibus Christ. Bauchi, Bibliopolæ
Vratislaviensis, 1702, 4.

Item

EJUSDEM DE SILESIIORUM MAJORIBUS Antiquitates.

Lipsiæ apud eundem, 1702, 4.

EX quo Silesiorum & universæ patriæ suæ amor, meritum optime de Re Literaria apud Vratislavienses Senem, *Martinum Hankium*, impulit, ut quarumvis ad Silesiam, natale solum suum, spectantium Antiquitatum non scrutatorem tantum, sed &, quantum per otium modo concatenatos inter labores licuit, scriptorem ageret perquam industrium & candidum: præter *Vratislavienses Eruditionis Propagatores*, Chronologicis tabulis, ab anno Christi M D XXII, ad annum M DCC comprehensos, & haud ita pridem in publicum emissos, duos superiore anno seorsim libros, unum *Antiquitates de Silesiorum Nominibus*, alterum *de Silesiorum Majoribus Antiquitates*, ab orbe condito ad annum Christi DL tradentem, typis passus est publice exscribi; quibus tertium se propediem, si Deus annuerit, *de Rebus Silesiorum* librum additurum esse, Vir Clarissimus est pollicitus.

Quod itaque priorem illum, a nobis hæc exhibitum, Hankii librum attinet, collecta in eo diuturno labore, ex universa Antiquitate, quamplurima *de Silesiorum Nominibus* memorabilium genera, sub peculiaris codicis formam redegit. Recenset enim ibi primum generatim nomina Silesiorum, per dissimiles

litera-

literarum vel additiones, vel omissiones, vel transpositiones, ad indolem linguæ, partim Germanicæ, partim Slavicæ nata. Siquidem Silesii, apud auctores Latinos, mox Quadorum aut Lygiorum, mox Elysiorum, Lysiorum, Lysitarum, alibi Schlesiorum, Schlesitarum, Siuslorum, Slesacorum, Slesiciorum, Susorum, Sylesiorum, alibialii nominibus denotantur. Postea speciatim, unde Silesiorum varium adeo nomen originem suam, cum Latinam, tum Germanicam, tum etiam Slavicam, id est, aut Polonicam, aut Bohemicam, seu consecutum sit, seu consequi potuerit, quamque suis ea & rationibus & affectis sit corroborata, exponit. Tandem ostendit, quando Silesiorum nomen fuerit ortum: id quod sæculo post Christum X, Quadis & Lygiis, veris Silesiorum majoribus, in unam gentem compositis, factum fuisse existimat, & adversus *Nicolaum Henelium* ac *Bobuslaum Balbinum* præ cæteris adstruit. Atque hunc pertractatum ita librum, non extra communis utilitatis spem esse concinnatum, eo minus Hankius dubitat, quo magis Silesiorum rebus, citra erroris periculum cognoscendis, evidentiorum diversorum nominum e principiis suis declarationem inservire, certum est. Cum enim una natio, ipsorum Silesiorum exemplo manifesto, pluribus persæpe, ab Annalium auctoribus, verbis ac nominibus indicari & possit & soleat: prudentis Historici officium se expleturum esse confisus est, si, ne in Silesiorum suorum Annalibus, vocabulorum seu convenientia, seu discrepantia decepti, vel ex una plures producant, vel in unam plures componant gentes, sedulo curaret. Cæterum sicut hæc Hankianæ de Silesiorum nominibus Antiquitates multa complectuntur, de quibus in rerum Silesiacarum scriptoribus clarissimis, *Joachimo Curæo*, *Nicolao Henelio*, *Jacobo Schikfusio*, *Friderico Luca*, nihil aut parum reperitur: ita Silesiorum suorum cognominibus, quæ ipsos, quanquam revera Germanos, ideo Slavos, eoque jam Polonos, jam Bohemos faciunt, quia Silesii Slavis, & Polonis & Bohemis, vicini societatem, sub uno regimine supremo, cum Polonis quondam coluerunt, & cum Bohemis adhuc colunt, explicandis se alium locum reservasse, Clarissimus Hankius in præfatione harum Antiquitatum præmonet.

In altero Hankii libro, quem jam eadem opera recensere vel ideo suscepimus, quod unus alteri lucem debeat & suggerat, memorabiles satis *de Silesiorum Majoribus Antiquitates*, ab orbe condito ad annum Christi DL, quo Silesios imperio suo Slavi partim annexos, partim etiam subiectos reddiderunt, Vir eruditione æque ac senio venerabilis consignavit. Enarrantur videlicet in his de Silesiorum Majoribus Antiquitatibus, non unius anni, sed multiplices inter curas enato labore, primæ ab orbe condito ad annum Christi DL Silesiorum origines, ita, ut eos ex Majoribus inter Adamitas *Noachicis*: inter Noachicos *Japheticis*: inter Japheticos *Celtis*: inter Celtas, neque Gallis Gothinis, neque Pannonibus Osis, sed *Germanis*: inter Germanos *Suevis*, non Semnonibus, Marignis, Sidonibus, Cognis, Visburgis, sed partim *QUADIS*, partim *LYGIIS*, quorum natio *ELYSII* fuerunt, oriundos esse, eruditis disceptationibus & enarrationibus demonstratur. Nam sub his nominibus, inter priscos Asiæ prius, postea Europæ, tandem Germaniæ populos, Silesiorum gentem in Majoribus sibi famam quandam promeruisse, constans est Hankii nostri opinio: ut ut eam nonnulli moderatiores in dubium vocant, inverecondiores alii negant, alii etiam oppugnant. Ex quibus antagonists contrarium sibi primum maxime fuisse, non dissimulat Hankius, *Philippum Cluverium*, Virum, ejusdem judicio, clarissimum, diligentem, ingeniosum, eruditum, at interdum meris conjecturis, a quibus momenta potiora dependent, nimium quantum addictum, in dissidentes durum, in asserendis audacem: ceu quoque jam olim par de eodem judicium, in Prolegomenis ad Gothorum, Vandalorum & Longobardorum Historiam, tulit *Hugo Grotius*. Nam ille quidem in Antiqua Germania priscam Silesiæ formam, cujus pars inferior *Lygiam*, superior *Quadiam* comprehendebat, mirabilem in modum, sententia Hankii, corruptit: dum nullo satis idoneo nec testimonio, nec argumento adductus, Marcomannos ex Moravia profligavit: Quados in Moraviam, Lygios in Poloniam, in Silesiam, & quidem superiorem, Quadorum patriam, Gothinos, Osos, Marignos; inferiorem autem, Lygiorum sedem, Marignos, Buros, Semnones transfudit: hocque modo justam Moravorum Silesio-

rum.

rumque Chorographiam subvertit. Sicut proinde Cluverium, circa populos ad Rhenum male collocatos, in Disceptationibus suis Chorographicis quondam *Joannes Isacius Pontanus* animadversione dignum censuit: ita Hankius illum circa populos ad Viſtulam & Viadrum perperam dispositos, non tantum in his Antiquitatibus suis accusare, verum etiam erroris convincere, eo magis officii & amoris sui erga patriam esse existimavit, quo facilius ex aliis viris doctissimis, etiam *Melchiorem Goldastum* in sententiam suam erroneam pertraxit. Deinde sunt quoque rerum, maxime Polonicarum & Bohemicarum Auctores, qui vel nullo, vel lubrico satis fundamento innixi, asserere non verentur, sub Slavorum in Germaniam ingressum, circiter annum Christi DL, intra Silesiam nullos Quados & Lygios nullos extitisse. Quo pacto cum vulgare istis narrationum seu auctoribus, seu affectis foret credendum, Silesiam ab omnibus prorsus habitatoribus nudam, sub annum Christi DL, advenientibus Slavis Lechitis, id est, Polonis, seu primis, seu novis suis cultoribus, patuisse: adeoque Silesiis hodiernis contigisse majores primum meros Slavos, postea associatos Slavis Germanos advenas, ex eaque demum associatione Silesios seculo XII, anno vel 1109, vel 1158, Polonis *Slezacos*, id est, Confluentes, & seculo XIV, post annum 1330, Bohemis *Slesitas*, id est, Irrepentes vocatos, mixtam, obscuram, incertam originem esse consecutos. At cum vulgaribus his narrationibus, Slavorum fama ultra fidem & veritatem æque extendatur, ac Germanorum, & maxime Silesiorum, nomen proscribatur; quoniam omnino Silesii Quadorum & Lygiorum, quorum pars quoque Elysi fuerunt, gens sunt æ tribulis: Clarissimus jam dudum in orbe literario, per suam *de Romanarum rerum Scriptores* Historiam, Hankius antiquas Silesiorum Historias ab inventis additamentisque vanis, partim in nemoratis antea de Silesiorum nominibus Antiquitatibus, partim in earum, quas jam adhuc recensemus, de Silesiorum Majoribus Antiquitatibus codice, partim vero in edendo propediem *de Silesiorum Rebus* libro, vindicare cordate est aggressus. Atque hujus grandævi inter Eruditos Senis fides eo major omnino, in tradendis Silesiorum antiquitatibus, est habenda, quo certiora in Antiquitatibus suis testimonia & do-

cumenta adferre est annisus, & quo minus quoque suspecti sunt scriptores, antiqui æque ac recentiores, ex quibus Hankius-Antiquitates suas contexuit.

*NOUVELLE HISTOIRE DU CHEVALIER BATARD,
Lieutenant General pour le Roy au Gouvernement du
Dauphiné, &c. par le Prieur de LONVAL.*

Id est:

*NOVA HISTORIA EQUITIS BAJARDI, PRÆ-
felli Generalis Delphinatus, & plurium rerum memoratu
dignarum, quæ in Gallia, Italia, Hispania & Belgio, regnantibus
CAROLO VIII, LUDOVICO XII & FRANCISCO I,
ab A. 1489, usque ad A. 1524, gesta sunt. Auctore Priore
de LONVAL.*

Parisiis apud Carolum Robustel, 1702. 8.

Constat pl. 16.

TOT sunt tamque præclara Bajardi gesta, ut digna reputave-
rit Autor anonymus, fidus ejus minister, (*son loyal Ser-
viteur*) quæ tertio statim post ejus excessum anno, æræ Christianæ
millesimo quingentesimo vigesimo septimo, typis consignata vul-
garet. Aliam paucis post annis Bajardi Historiam edidit Sympho-
rianus Champier, Antohii Ducis Lotharingæ Archiat. Rursus
quoque illum Anonymi libellum A. 1619 prelo subjecit Theodo-
rus Godofredus, quem notis suis illustrarunt Expilly & Boissieu.
Quamquam vero ipsa rerum varietate commendabilis esset hic
libellus, neque parum conferret ad cognoscenda ea tempora, qui-
bus vixit Bajardus, attamen stylus minus Autori nostro visus est ad
ætatem nostram accommodatus. Proinde nova prorsus oratione
vestitum edidit Lonvallius, hæc insuper licentia usus, ut, quæ pa-
rum ad rem faciebant, consulto detraxerit, alia ex Historicis passim
addiderit, a fabulis vero fingendis diligenter sibi temperaverit.
Has enim largius immittas esse novæ cuidam Historiæ Bajardi,
haud ita pridem Lugduni auctore Aymaro publici juris factæ, non
parum indignatur Noster, idque in causa esse asserit, cur suam
ipse Historiam, quam prelo, cum illam prodixisset demum constaret,
subjecerat, eruditæ invidere nihilominus noluerit. Sed hæc par-
tim.

tim sub finem operis, partim in præfatione monentur, quæ multa præterea continet, ad laudem Bajardi spectantia, e quibus hoc unum memoramus, quod Bajardus plurium annorum militia id consecutus fuerit, ut & ques egregius extra metum & opprobrium positus (*le bon Chevalier sans peur & sans reproches*) vulgo audiret. Cum vero pluribus & obsidionibus & præliis atque velitationibus interfuerit Bajardus, non possumus, quin per transcursum pauca ex Historia ejus delibemus. Tamen jam tum sub Carolo VIII castra secutus tueri Bajardus, clariora tamen sunt, quæ sub Ludovico XII gessit, primumque ejus fervor patuit A. 1500, cum in velitari pugna victor fugitivis Mediolanum contendentibus ardentius insisteret, & incautus in mediam urbem proveheretur. Unde captus quidem, & ad Ludovicum Sfortiam adductus, at singulari ejus benignitate gratis dimissus est. Paulo post idem Sfortia in manus Gallorum incidit, perfidia quidem Helvetiorum pugnam detestantium. Secutum A. 1501 bellum Neapolitanum, ab Hispanis pariter Gallisque excitatum, quorum illi auxilii ferendi specie accessisse, eoque faciliori negotio, quam sibi partem pactierant, occupasse traduntur; ex quo factum, ut Fridericus Rex Neapolitanus, Hispanorum detestatus perfidiam, sponte se Gallis dederet, & quibus annum stipendium, etiam cum ejecti postea Neapolitano Regno essent ab Hispanis, constanter obtinuit. Prætermittimus Gallorum adversus Genuenses expeditionem, & alia, in quibus multa de Bajardo fit mentio. Celebre imprimis Gallorum aliorumque adversus Venetos bellum, quos vel ideo Ludovicus XII habebat odio, quod cum auxiliis suis satis instructi eoque pares essent Cæsari Maximiliano, nihilominus inducias in annum, se infcio, nec incluto Duce Geldriz Gallorum amico, mercati a Cæsare fuerant. Quantos deinde progressus Galli fecerint, utque sero Cæsar, at cum ingenti apparatu accesserit, & quanti Bajardum, sibi subsidio a Gallis missum, fecerit, recenset Noster. Felicem autem Cæsar prædicabat eum Regem, qui ejus utereretur ministerio; addebatque se lubentem centum mille florenos annuos expensurum, si duodecim Bajardos posset nancisci. Quæ dein inter Pontificem Julium II & Ferrariæ Ducem Gallis fœderatum gesta sint, vel ideo non omittuntur, quod Bajardus Duci esset auxilio missus, qui intercipiendi Pontificis non imprudens consi-

p. 50.

p. 53.

p. 54.

p. 106.

p. 113.

- p. 161. hum ceperat, ast infructuosum. Sed ad cognoscendam Julii III indolem, ea imprimis faciunt, quæ de Mirandulana obsidione referuntur, in qua præfens ipse militum studia excitavit, exuta proptus Episcopi persona; & postremo civibus ad deditionem compulsis ægre veniam dedit, per diruta moenia tanquam triumphator invectus. In ea obsidione Pontifex, ut Ferrariam non tam impugnaret, quam arctius occluderet, castellum quoddam (*La Bafide*) unde comineatus suppeditari poterat, cum aliquot millibus obsidet, quos nihil metuentes subito Bajardus invadit, & longe plurimis caesis, castellum liberat, adeo indignante Julio, ut vindicturum se eam injuriam, juratus affirmaverit. Ut itaque Gallos omnes opprimeret, Ducis amicitiam, propositis etiam conditionibus, ambibat; verum idem, quem internuncium miserat, parum Pontifici fidus, de ejus vita cum Duce paciscebatur: neque evasisset forsan eas insidias Pontifex, nisi Bajardus Ducem a perdito consilio abstraxisset. Inde prælio haud procul Bononia facto interfuit Bajardus, quo cæsi & fugati Pontificii, capta quoque Bononia, & a Cæsare & Rege Galliarum nonnullisque Cardinalibus indictum Concilium Pisanaum. Ex eo tempore Pontifex, deluso paulisper Rege Galliarum, novum adversus Gallos foedus inivit, quod Ligam sanctam vocat, & publicis præterea precibus eos impugnat, unde vicissim ad arma redeuntes A. 1512 Brixiam urbem vi occupant, & ingentem in urbe prædam faciunt, qua ditati milites Galli, passim a signis discessere ad vitam beatiorum. Bajardus vero, accepto in ea oppugnatione vulnere, civis cujusdam lautiori hospitio aliquamdiu usus, adeo se hospiti gratum præbuit, ut & ejus familiam ab aliorum militum licentia tueretur, & dona sponte oblata generoso animo recusaret. Ventum postea ad pugnam prope Ravennam, e qua Galli & Germani superiores discesserunt, tamen tanta cum pertinacia pugnassee Hispani dicantur, ut cum brachiis non possent, dentibus hostes incescerent. Audis nihilominus Pontificis copiis, haud ita multo post Gallis universa migrandum erat Italia, quandoquidem, ob intempestivam Thesaurarii Gallici parsimoniam, Itali omnes, qui erant in exercitu Gallorum, a signis dimissi fuerant, eoque ad Pontificis castra transiverant. Interjectis nonnullis, quæ ad Bajardum spectant, de foedere agit Auctor,
- p. 165.
- p. 169.
- p. 174.
- p. 179.
- p. 196.
- p. 205.
- p. 230.
- p. 235.
- p. 250.

etor, quod Casarem inter & Henricum VIII, Angliæ Regem,
 coaluit, ridetque Casarem, quod instar gregarii militis stipen-
 dia Henrici merere non erubuerit; fatetur tamen Casarem, sui
 magis commodi studiosum, Henrico belli inexperito obsidendæ
 Terovanz auctorem fuisse. Urbs erat rebus omnibus, præter com-
 meatum, instructissima, quem ut suppeditarent Galli, equitatum
 eo cum commeatu miserunt, quem ex composito, in loco haud
 multum ab urbe remoto deponerent, datis insuper mandatis,
 ne cum hostibus prælio congredi auderent. Quod cum rescivis-
 sent hostes, eoque ex omni latere ingruerent, factum Noster
 ait, ut Galli acceptorum mandatorum memores, mox in apertam
 fugam se dederint, nomenque ei pugnae a calcaribus fuerit in-
 ditum. Captus tum quoque Bajardus, & ad Casarem, Regem-
 que Angliæ adductus fuit, cum quibus quæ fuerit collocutus, ma-
 lumus ex ipso libro cognosci. Ut postea Helvetii a Divionen-
 si obsidione fuerint fraude Trimollii avocati, pluribus refertur.
 Cumque in annum 1513 mors Reginæ Annæ Britannicæ inciderit,
 ejus omne ingenium depingit Lonvalliùs. Publica imprimis ne-
 gotia paulo, quam foeminam deceret, cutabat nimis, quod æquo
 tamen animo tulit Ludovicus XII, hanc frequenter vocem usur-
 pans: multa in uxore speranda sunt, si & mariti, & honoris sui
 amans sit. At cum Pontifici proflus obnoxia, Concilium Pisa-
 num iterum iterumque coram Rege detestaretur, tandem Rex,
 anne, inquit, supra tot Universitates sapis, quæ Concilium hoc
 probant, neque tibi dictum unquam fuit a tuis Confessionariis,
 foeminam illere debere in Ecclesia? Ipso deinde Rege Calendis
 Januarii A. 1514 defuncto, ejus quoque characterem & jaeu-
 undum imprimis ingenium describit, eumque primum e Regibus
 Gallorum iusti cognomen meruisse, Noster refert, & sæpius præ-
 terea in ore habuisse hanc vocem: *boni pastoris est tondere pecus,
 non deglubere*. Non minori Bajardus apud Franciscum Regem gra-
 tia floruit, idque imprimis singulati ejus honori cessit, quod A.
 1515, post victoriam ad Marignanum feliciter deportatam, non a-
 lia, quam Bajardi manu, Franciscus ipse Eques inaugurari volue-
 rit. Quæ deinde bella inter Carolum V Casarem, & Franci-
 scum, in Belgio atque Italia gesta sint, aliunde quoque constat.

p. 253.

p. 257.

p. 263.

p. 267.

p. 268.

p. 291.

Istud.

P. 333.

P. 336.

Istud ultimo notamus, Bajardum A. 1524 in Italia, prope Romanum, in pugna lethali vulnere affectum, cum a Carolo Borbonio, Regii in Gallia sanguinis Principe, sed tum Cæsareorum partibus addicto, in ipso campo solatii causa inviseretur, eidem perfidiam erga Regem suum exprobrasse graviter, pauloque post, non minori victoris exercitus, quam Gallorum ipsorum cum luctu, expirasse.

*MONUMENTA PIETATIS ET LITERARIA VI-
rorum in re publica & literaria illustrium selecta, quorum
pars prior exhibet Collectanea Palatina, posterior Erudito-
rum superioribus duobus seculis celebrium Episto-
las nondum editas comprehendit.*

Francofurti ad Moenum, apud Maximilianum a Sande, 1701, 4.

Constat Alph. 4. pl. 12.

Quamquam sero nobis visa, non tamen silenda prorsus sunt hæc Monumenta, quæ optimo consilio collecta quisquis edidit, rem fecit Historiæ Literariæ cupidis utilem perquam & jucundam. Primo loco exhibetur Catalogus codicum Græcorum MSS. qui quondam in Bibliotheca Palatina asservabantur, a Friderico Sylburgio collectus, & Georgii Michaelis Lingelsheimii manu descriptus (cujus exemplo usus est horum Monumentorum Editor), adjectis passim ad marginem notis, e quibus, num qui ex his manuscriptis codicibus editi hodie prostant, intelligitur. Qua occasione de eadem Bibliotheca pauca quædam in Præfatione, nec ubivis obvia traduntur, tum mentio sit in primis Indicis librorum, e Fuggeriana Bibliotheca in Palatinam translatorum, unde de Latinis quoque codicibus, quorum catalogus non existet, aliquid innotescere possit. Sequitur Henrici Altingii Historia Ecclesiæ Palatinæ, quam tanti fecit Illustris Seckendorffius, ut magnam ejus partem Historiæ Lutheranismi inseruerit. Subjiciuntur mox Antiquitates Palatinæ, a Joachimo Camerario, Ludovici filio, ex schedis disjectis Joannis Agricolæ, qui Ruperto Imperatori a manu fuit in concilio rationum, descriptæ; tum Chronicon Lutrense; Friderici III Palatini epistolæ nonnullæ, pietatis ejus testes certissimi; ejusdemque & Henrici III Poloniarum, post Galliarum Regis, Colloquium ab ipso Frideri-

eo conſignatum & lectu inprimis dignum; Acta item ad Joannem Sylvanum & Adamum Neulerum apoſtatas ſpectantia, & pauca alia. Parte altera variarum epiſtolarum ſarrago continetur, quibus immiſcetur Pauli Straſburgii, Regis Sueciæ ad Amuratæm IV legati, relatio de Byzantino itinere & negotiis in Ottomanica aula peractis, nec non de ſtatu ac facie Orientalis Imperii, qualis erat circa A. 1633, additis Joannis Daykæ Keſervini, Principis Tranſylvaniæ Concionatoris aulici, de Bethleniorum familia ad Davidem Pareum, & Cyrilli Patriarchæ Conſtantinopolitani ad Guſtavum Adolphum Sueciæ Regem epiſtolis. Cæterum exhibentur hic nonnullæ Rubiani, Hutteni, Urſini, Heſſi, Viti Theodori, Joachimi Camerarii, Hochfelderi, Lingelſheimii, Hippolyti de Collibus, Prætorii, Grynæi, Giphanii, Salmaſii, Scioppii, Philippi Parei, Gruteri, aliorumque, tum & inprimis plurimæ Ruſdorffii ad Ludovicum Camerarium epiſtolæ, quæ non poſſunt non ad cognoscendam hiſtoriam reformationis remque literariam ornandam multum conferre. Inſertus eſt quoque Rudigeri Paralleliſmus Annæ Burgii & Chriſtophori Herdeſiani, & Catalogus operum Scioppii, & adjectus in fine Anonymi tractatus Gallicus: *Discours conſiderable de l'Eſtat de la Religion en Engleterre & de la Reconciliation avec Rome*; quæ cuncta merentur commendationem, niſi quod dolendum eſt, ſphalmata non pauca irrepiſſe, e quibus potiora tamen Editæ in fine correxit.

INDEX AUCTORUM,

quorum Libri aut Inventa hoc volumine recenſentur.

I. Libri Theologici & ad Hiſtoriam Eccleſiaſticam ſpectantes.

A	D Auguſtini opera Appendix.	289
B	Bræge (Franciſci) <i>Obſervationes Præctica in Miracula Servatoris noſtri optimi.</i>	142
B	Buddæi (Jo. Franciſci) <i>Parerga Hiſtorico-Theologica.</i>	318
	A a a a	Carp-

- Carpzovii (Jo. Benedicti) Collegium Rabbinico-Biblicum in libellum Ruth. 24
- De Choisy Historia Ecclesiastica. 516
- Corradini (Petri Marcellini) de Civitate & Ecclesia Setina. 449
- Cozzz (Laurentii) Vindicia Arcopagitica. 401
- Crenii (Thoma) Praefatio & Nota ad Chr. Helvici Elenchor Judaicos, Ant. Probi de Monarchia Regni Israel, & Raph. Eglini Historiam Captivitatis Babylonica. 339
- Dorschai (Jo. Georgii) ad esaias S. Jesaia Prophetias Analysis. 359
- Echardi (Laurentii) Historia Ecclesiastica generalis. 473
- Fabricii (Jo. Alberti) Codex Apocryphus Novi Testamenti illustratus. 377
- Faes (Joannis) Anatome Bulle Jubilei universalis anni 1700 Papa Innocentii XII. 7
- Feustkingii (Jo. Henrici) Historia Clero-Gamiae Evangelicae, seu de primo Sacerdote marito Lutherano Barth. Bernardi. 334
- Germani Errata Historia Congregationum de Auxiliis. 442
- Grevv (Nehemia) Cosmologia Sacra, sive Dissertatio de Universo, ut Creatura est & Regnum Dei, spectato. 193. 241
- Gronovii (Jacobi) Exercitationes de Neca Jude & πρὸς τὸν νεκρὸν, & cadaveris ignominia. Accedit legitima & perspicua earum Defensio. 12
- - - Notitia & Illustratio Dissertationis de Morte Jude & verbo ἀπαγγελῆσαι. 366
- Gurtleri (Nicolai) Systema Theologiae Propheticae. 97
- Van der Hagen (Guilielmi) Amor Divinus adumbratus in D. N. Jesu Christo. 424
- Keith (Georgii) Vexillum Quakerorum examinatum, seu Responsio ad Roberti Barclaji Apologiam. 390
- Laderchii (Jacobi) Vita S. Petri Damiani. 412
- Langii (Jo. Michaelis) de Genealogia Christi ex Patribus secundum carnem Dissertationes. 426
- Mabillonii (Joannis) & Theodorici Ruinarti Acta Sanctorum Or-

<i>Ordinis Benedicti. Seculum sextum.</i>	463
Maffonii (<i>Innocentii</i>) <i>Disciplina Ordinis Carthusiensis.</i>	534
Nectarii <i>Patriarchæ Hierosolymitani Consutatio Imperii Papæ in Ecclesiam.</i>	292
Niemeieri (<i>J. Bartholdi</i>) <i>Theologia Dogmatum Fidei.</i>	239
Perizonii (<i>Jacobi</i>) <i>Dissertatio de Morte Judæ & verbo ἀνάγχι- σαι.</i>	16
- - - <i>Responsio ad Noticiam nuperam.</i>	366
Du Pin (<i>Ludovici Ellices</i>) <i>Bibliotheca nova Auctorum Ecclesiasti- corum Tomus XIII.</i>	202
- - - <i>Tomus XIV.</i>	253
Pippingii (<i>Henrici</i>) <i>Concordia Augustanam Confessionem am- plendentium, cum Introductione Historico - Theologi- cæ.</i>	238
Pritii (<i>J. Georgii</i>) <i>Novum Testamentum.</i>	172
Renoult (<i>J. A.</i>) <i>Historia Variationis Ecclesiæ Gallicanæ.</i>	421
Rhenferdii (<i>Jacobi</i>) <i>Momentum Controversiæ de Morte corporali ponderatum & examinatum.</i>	129
Ruinarti (<i>Theodorici</i>) <i>Apologia Ablegationis S. Mauri, Apostoli Benedictinorum, in Galliam.</i>	438
P. Sery <i>Historia Congregationum de Auxiliis asserta contra Au- torem Questionum momentosarum.</i>	118
Surenhusii (<i>Gulielmi</i>) <i>Legum Mischnicarum Liber, qui inscri- bitur Ordo Sacrorum, seu Mischna pars V.</i>	109
Thiers (<i>J. Baptiste</i>) <i>Censura Historia Flagellantium.</i>	511
Triglandii (<i>Jacobi</i>) <i>Syntagma trium Scriptorum de tribus Ju- daeorum Sectis, cum Diatribe de Secta Karaorum.</i>	62
Whistoni (<i>Gulielmi</i>) <i>Brevis conspectus Chronologia Veteris Te- stamenti, & Harmonia IV Evangelistarum.</i>	51

II. Libri Juridici.

A Lteserra (<i>Antonii Dadini</i>) <i>Ecclesiastica Jurisdictionis Vin- dicia.</i>	521
Van Bynckershoek (<i>Cornelii</i>) <i>ad L. Αξιωμας de Lege Rhodia de</i>	444 42

- de jactu *Liber singularis*, & de Dominio Maris Dis-
sertatio. 312
- Fritschii (Abasperi) *Corpus Juris Venatorio - Forestalis Romano-
Germanici.* 312
- Granzii (Tobia) *Defensio Inquisitionum.* 2
- Gravinæ (Vincenzii) de Ortu & Progressu Juris Civilis *Libri,
qui est Originum primus.* 33
- Struvii (Burcardi Gottselphi) *Bibliotheca Juris selecta.* 33
- Suendendorferi (Barthol. Leonhardi) *Tractatio de Actionibus
Successoribus Feudalibus.* 71
- Titii (Gottlieb Gerhard) *Observationes Ratiocinantes in Com-
pendium Juris Lauterbachianum.* 499

III. Libri Medici & Physici.

- A** Nonymi *Arts formandi Relationes Chirurgicas.* 514
- Bagliivi (Georgii) *Specimen quatuor librorum de Fibra Mo-
trice & Morbosa &c.* 338
- Bayle (Francisci) *Opuscula.* 76
- Bisbæk (Christophori) *Relatio de Femina maximam Fetus par-
tem per umbilicum excludente.* 143
- De la Charriere (Josephi) *Anatomia nova Capitis humani.* 467
- Corte (Bartholomæi) *Epistola de tempore, quo Anima rationalis
Fetus infundi solet in Utero.* 469
- Dickinsoni (Edmundi) *Physica verus & vera. Sive tractatus
de naturali veritate Hexæmeri Mosæici.* 31
- Dreslincurtii (Caroli) *Dissertatio de Variolis & Morbillis.* 410
- Ettmülleri (Mich. Ernesti) *Epistola ad D. Schrackium de nova
paternorum operum editione.* 214
- Grevv (Nehemias) *Cosmologia Sacra, seu de Universo, ut Creatu-
ra est & Regnum Dei, spectato.* 193. 241
- Guidotii (Thoma) *nota in Theophrastum de Urinis.* 124
- Du Hamel (Jo. Baptistæ) *Regie Scientiarum Academiae Histo-
ria.* 208. 257
- Hovii (Jacobi) *Circularis Humorum Ocularium Motus detectus.*

Keil (Joannis) <i>Introductio ad veram Physicam, & Christiani Hugonii Theoremata de vi centrifuga demonstrata.</i>	304.
Lemery (Ludovici) <i>Tractatus de Alimentis.</i>	396
Musgravius <i>Epistola de Experimentis circa liquorem curuleum ad vasa lactea transmissum.</i>	132
Pacchioni (Antonii) <i>Disquisitio Anatomica de Dura Meningis fabrica & usu.</i>	360
Paullini (Christiani Francisci) <i>Disquisitio, an Mors Naturalis plerumque sit substantia verminosa?</i>	170
- - <i>de Lumbrico Terrestri Schediasma.</i>	37
Plumier (Caroli) <i>Nova Plantarum Americanarum genera.</i>	517
Sangineti (Dominici) <i>Dissertationes Jatrophyficae.</i>	267
Schelhammeri (Güntheri Christophori) <i>Natura vindicata Vindicatio.</i>	134
Sidobre (Antonii) <i>de Variolis & Morbillis.</i>	410
Theophili <i>Libellus de Urinis.</i>	124
Wedelii (Georgii Wolfgangi) <i>Theoria Saporum Medica.</i>	236
Wilson (Georgii) <i>Integer Chymie Cursus.</i>	183

IV. Libri Mathematici.

A Nonymi <i>Problema Geometricum de Generali Via invenien-</i> <i>di omnes Regulas Centrales Bakeri.</i>	166
<i>Anonymi Dissertatio ad Astronomos.</i>	282
Bernoulli (Joannis) <i>Problema exhibitum.</i>	26
Cheyncei (Georgii) <i>Fluxionum Methodus inversa, seu Quan-</i> <i>titatum fluentium leges generaliores.</i>	450
Gregorii (Davidis) <i>Astronomia Physica & Geometria Ele-</i> <i>menta.</i>	452
Du Hamel (Jo. Baptista) <i>Historia Regia Scientiarum Academiae.</i>	208. 257
Hermanni (Jo.) <i>Demonstratio genuina Formulæ a Jo. Bernoulli</i> <i>in Actis Eruditorum exhibitæ.</i>	345
Hugenii (Christiani) <i>Opuscula posthuma, quæ continent Dioptri-</i> <i>cam &c.</i>	363.
AAA 3	Leid-

- Leibnitii (Gottfriedi Wilhelmi) *Continuatio Analyseos Quadraturarum Rationalium.* 19
 Milnes (Jacobi) *Sectionum Conicarum Elementa nova methodo demonstrata.* 226
 Viviani (Vincenzii) *de Locis Solidis Secunda Divisio Geometrica in quinque libros Aristae Senioris.* 487

V. Libri Historici, Geographici &c.

- A Nonymi *Commentarii de postrema rerum in Anglia Conversione.* 305
 Anonymi *Historia originis Regni Sicilia & Neapolitani.* 518
 Ab Alpen (Johannis) *de Vita & Rebus gestis Christophori Bernardi, Episcopi & Principis Monasteriensis, Decas.* 435
 Baconi (Francisci) *de Verulamio Epistole Introductione Historica illustrata.* 475
 Beringii (Viti) *Florus Danicus.* 148
 A Besser (Joannis) *Acta Coronationis Borussiae.* 337
 Fridensfeld (Amandi) *Gloriosus S. Romedius, nec non Gloriosa Domus Comitum de Thun.* 68
 Hankii (Martini) *de Silesiorum Nominibus Antiquitates.* 536
 - - - *de Silesiorum Majoribus Antiquitates.* 538
 Im-Hof (Jacobi Wilhelmi) *Corpus Historia Genealogica Italiae & Hispania.* 1
 Laderchii (Jacobi) *Vita S. Petri Damiani.* 482
 Leubscheri (Joannis Theodori) *de Clavis Gryphii Schediasma.* 139
 De Lonval *Nova Historia Equitis Bajardi.* 540
 Molleri (Joannis) *Diatriba Historico-Critica de Helmoldo ejusque Chronico Slavorum.* 137
 De Montfaucon (Bernardi) *Diarium Italicum, sive Monumentorum veterum Notitia in Itinerario Italico collecta.* 526
 Nani (Baptista) *Historia Reipublica Veneta.* 45
 Neovillii *Historia Belgii Federati ab induciis A. 1609 usque ad nostram aetatem.* 172

- Pufendorffii (*Samuelis*) *Introductio ad Historiam Europaeam.* 96
 Rudbeckii (*Olavi*) *Laponia illustrata.* 285
 Sprat (*Thomae*) *Historia Regiae Societatis Londinensis.* 104
 Tyrrel (*Jacobi*) *Historia Angliae generalis, tam Ecclesiastica, quam Civilis. Volumen II.* 311

VI. Philosophici & Philologici Miscellanei.

- A** *Nonymi Monumenta Pietatis & Literaria Virorum illustrium.* 544
 Baconi (*Francisci*) *de Verulamio Epistola.* 475
 Batorii (*Stephani*) *Pol. Regis Epistolarum Decas.* 176
 Begeri (*Laurentii*) *de Numis Cretensium serpentiferis Disquisitio Antiquaria.* 158
 - - - *Colloqui quorundam de tribus primis Thesauri Antiquitatum Graecarum voluminibus ad eorum Authorem Relatio.* 161
 Cellarii (*Christophori*) *Aurelii Prudentii Clementis qua extant.* 154
 - - *Duodecim Panegyrici veteres.* 155
 - - *Orthographia Latina.* 157
 Crenii (*Thomae*) *Animadversionum Philologicarum & Historicarum Pars XI.* 57
 Brancaccii (*Joannis*) *Ars Memoria vindicata.* 65
 Van Dale (*Anthonii*) *Dissertationes IX, Antiquitatibus, quin & Marmoribus cum Romanis, tum potissimum Graecis illustranda inservientes.* 81
 Dionysii *Halicarnassaei de Structura Orationis Liber, ex recensione Jac. Upton.* 41
 Goralli (*Theod.*) *Notae in C. Pedonis Albinovani Elegias & Fragmenta.* 494
 - - - *in Cornelii Severi Aetnam.* 497
 Halensis Societatis *Observationum ad Rem Literariam spectantium Tomus VI.* 279
 - - - *Tomus VII.* 369
 Juven-

Juvenicii (Josephi) <i>Orationes.</i>	321
Kederi (Nicolai) <i>de Argemone Runis seu literis Gothicis insignis sententia.</i>	417
Kirchmaieri (Georgii Guil.) <i>Epistola Clarissimorum Virorum ad Georg. Casp. Kirchmaierum.</i>	331
Le Mortier (Nicolai) <i>Etymologia Sacra Græco-Latina.</i>	471
C. Pedonis Albinovani <i>Elegia & Fragmenta.</i>	494
Penaværrei (Petri) <i>de Chimæra Dissertatio Critica in Notas D. Clerici in Hesiodi Theogoniam.</i>	273
Pippingii (Henrici) <i>Arcana Bibliotheca Thomana Lipsiensis Sacra retella.</i>	92
Aurelii Prudentii Clementis <i>Quæ exstant, cum notis Christophori Cellarii.</i>	54
Reinhart (Jo. Friderici) <i>Theatrum Prudentia elegantioris ex Justo Lipsii Libris Politicorum erectum.</i>	51
Relandi (Adriani) <i>Dissertatio de Inscriptione Nummorum quorundam.</i>	164
Severi (Cornelii) <i>Ætæna cum notis variorum.</i>	497
Sigismundi Augusti <i>Poloniarum Regis Epistole, ex recensione Jo. Burc. Menckenii.</i>	176
Struvii (Burcardi Gotthelff) <i>Acta Litteraria ex manuscriptis edita & collecta.</i>	59
Vagedes (Henrici) <i>Opera Academica.</i>	335
Vossii (Gerhardi Joannis) <i>Opera in sex tomos divisa.</i>	145
Upton (Jacobi) <i>Dionysius Halicarnassensis de Structura Orationis.</i>	43

INDEX RERUM

NOTABILIORUM
in hoc Volumine obviarum.

Alia.

A Barbanelis nuga. 110. <u>114</u>	- - - quomodo lac coagulet?	<u>270</u>
Abbatiss Casinensis iura eximiam. <u>532</u>	- - - sanguini inimicum. <u>268</u>	
Abdix Babylonii Acta Apostolorum Bibliothecae Patrum non illata. <u>381</u>	- - - morborum chronico- rum causa. <u>345</u>	
Abortus variolis laborantium unde? <u>414</u>	- - - Et ignis unum idem- que elementum. <u>268</u>	
Academix Regie Scientiarum Historia. <u>208</u>	Acidus sapor unde? <u>257</u>	
- - forma nova. <u>257</u>	Acontii (Jacobi) vita. <u>282</u>	
Accentus adverbis Latinis inepte imponuntur. <u>158</u>	Acris sapor unde? <u>257</u>	
Accursiana jurisprudentia schola. <u>387</u>	Actiones successorie feudales illustrata. <u>71</u>	
Acerbus sapor unde? <u>237</u>	Actionis Publicianae otiosum hodie nomen. <u>501</u>	
Acetosa pratenfis habet innumera semina. <u>265</u>	De Actis Pilati iudicium. <u>378</u>	
Acetum destillatum quantum contineat salis acidi? <u>218</u>	Actorum Congregationis de Auxiliis sub Paulo V qua auctoritas? <u>122</u>	
Acidi spiritus quantum salis contineant? <u>258</u>	Adam rubinum notat. <u>39</u>	
Acidi notio antiqua. <u>268</u>	Ex Adamah, terra rubra, corpus hominis formatum est. <u>39</u>	
- - - in insipidum reductio. <u>210</u>	Adrevaldi Scriptoris aetas. <u>441</u>	
Acidorum omnium non idem effectus. <u>218</u>	Adriatici maris dominium num competat Venetis? <u>329</u>	
Acidum num corpori animali insit? <u>269</u>	Adverbis Latinis inepte accensus imponuntur. <u>158</u>	
- - - Et Alkali num pro principis habuerit Aristoteles? <u>268</u>	Aegyptiorum Cneph. <u>38</u>	
- - - Et Alkali, commentum. <u>268. 270</u>	Ælianus illustratus. <u>13</u>	
- - - solvendo, non coagulando agit. <u>269</u>	Æmulationis fructus. <u>389</u>	
- - - bili inimicum. <u>343</u>	Æquationum solutio ministerio Ellipsium. <u>167</u>	
	Ær fermentationis causa unica. <u>272</u>	
	- - - cur flante Boreæ & celo fereno gravior? <u>344</u>	
	Ab Ære nitroso cordis motus. <u>113</u>	
	B b b b	Acris

- Aeris pondus diversum. 216
 - - - usu cur quedam anima-
 lia carere queant? 344
 Ex Aeris gravitate fluxum aque
 continuum provenire, confir-
 matur. 216
 Estimationes hominum lege
 Mosaiica eadem. 115
 Aëtus marini phenomenon as-
 gura Luna spheroides. 460
 Affricus machinarum rationes
 & intensio unde? 262
 Agonothetæ Græcorum qui? 90
 Agrippa (Henricus Cornelius)
 a Magia crimine absolutus. 255
 Ahasverus non proprium, sed
 appellativum Persarum Regi-
 bus commune. 100
 Albinovani (C. Pedonis) Poë-
 mata a quibus illustrata? 494
 - - - lapsus
 notati. 496
 De Aleali & Acido commen-
 tum. 268. 270
 Alkali notio antiqua. 268. 269
 quid? 269
 Alcalia omnia non eundem præ-
 stant effectum. 218
 - - sanguinis naturæ affinitas. 343
 Alcalicorum vires ut examina-
 da? 264
 Alemari latitudo. 220
 Alexander (Natalis) notatus. 320
- Algebraicæ methodi mendosa. 261
 Alimentorum facultates. 396
 - - principia. 398
 - - classes pro princi-
 piorum varietate. 399
 Alphabeti manuscripta Nicolai
 Schmidii. 61
 Alteserra (Antonius Dadinus)
 notatus. 322
 Altingii (Jacobi) de morte cor-
 porali sententia defensa. 129
 Alytarchi olim Græcis qui? 91
 Amara & lixiviosa salia bilem
 acuum. 343
 Ambrosiana Bibliotheca Medio-
 lani. 527
 Americanarum plantarum no-
 va genera. 317
 Amor crucifixus, apud Ignati-
 um, quo sensu dicatur? 404. 424
 Amphictyonum concilium qua-
 le apud Græcos? 39
 Analysis quadraturarum ratio-
 nalium. 19. 399
 Anatome capitis humani. 467
 Anatomica injectio. 239
 Anaxagoras corpuscularem do-
 ctrinam puritati restituit pri-
 stinæ. 32
 Anginæ medetur hirundinum no-
 dus oleo aut butyro imbutus. 218
 Angliæ & Scotiæ unio quomodo
 ex consilio Baconi perfici-
 enda? 474
 An-

- - - *Historiographi veteres.* 312. 317
 - - - *notati.* 316
 - - - *sub Wilhelmo Conquestore factus.* 314
 - - - *Regum Historia a Wilhelmo Conquestore usque ad exitum Henrici III.* 311. sqq.
Anglicanæ gutta. 264
Anglicanæ Societatis Regia Historia. 104
 - - - *rerum conversionis Historia.* 305
 - - - *nationis facultas in promovenda Scientia Naturali.* 106
Anglis num dominium maris Britannici competat? 328
Anglorum veterum Nummi Christi effigie insigniti. 420
Anguli multiflectiones binis seriebus infinitis demonstrata. 345
Anima rationalis quando facta infundatur? 39
Animæ brutorum corporea, at intelligentis tamen natura. 38
 - - - *ut formata fuerint?* 38
Animales Spiritus. Vide Spiritus animales.
Animalia impura unde Mosi? 249. 250
 - - - *quadam cur aëre carente queant?* 344
Animalium semina ab Elementis produci non possunt. 38
 - - - *qua genera destinata olim sacrificiis?* 110
Annæ Britannicæ, Regina Gallicæ, ingenium. 543
Anni Judaici olim qua ratio? 3
Annæ telluris orbis diameter ad distantiam Fixarum insensibilis. 468
Antipodagrica remedia. 212
Antiquitatem manuscriptorum codicum dijudicandi ratio. 59. sqq.
Antiquitatum Italicarum indiculus. 526. sqq.
Antonii (Ælii) Nebrissenfis vita. 256
Απαρχαδαῖς verbi quæ genuina significatio? 13. sqq. 18.
Apocalypseo septem periodi. 366
 101
Apocalypses Apocrypha. 382
Apocalypsis Johannis scriptane sit S. Dionysio Areopagita ad huc supersistere? 406
Apocrypha Novi Testamenti junctim & cum notis edita. 377
De Apostolorum gestis scriptæ suppositicia. 381
Appellationes ab Episcopis ad judicem secularem num licite? 525
B b b b 2 Apum

Apum examen Barberino Pontificatum portendens. 4
 Aquæ currentis celeritatis determinatio. 221
 - - fluxus continuus ex aëris gravitate provenit. 216
 Aquarum supracælestium origo 34. 41
 - - - per ductus subterraneos communicatio. 35
 - - - congregatio in Creatione quomodo facta fuerit? 35
 Aqueus sapor unde? 237
 Sub Aquis respirationem integram servandi ars Drebellii. 43
 In Arboribus quibusdam ramorum parallelismus cum solo. 260
 'Αρχαῖοις Græcorum qui? 86
 Archontes Græcorum. 86
 Arcuum Curvarum similium omnis generis ratio investigata. 215
 Argenti purgatio nova. 209
 Aristæi Senioris ætas & scripta. 488
 Aristoteles explicatur. 14. 18
 Arnaldi (Antonii) Analysis Libri S. Augustini de Correctione & Gratia. 292
 Aromaticus sapor unde? 237
 - - - suffusus a Mose se creta arte paratus fuit. 42
 Artista olim cur Philosophi? 281
 Asiæ nomen, Trojana regioni proprium, ut fuerit in cæteras

regiones diffusum? 160
 Asiarchæ qui Græcis fuerint? 87
 Asiaticorum a serpentibus origo. 159
 Astronomia physica Philosophis antiquis cognita. 452
 comparativa, sculo in variis Planetis consuetudo. 462
 Astronomiæ provehenda specimen novum. 282
 - - - Physicæ & Geometricæ elementa. 452. sq.
 - - - fundamenta debentur Keplero. 452
 - - - fastidium debetur Newtono. 452
 - - - ordo & claritas debetur Davidi Gregorio. 452
 Atheos qui refutaverint? 33
 Atomica Philosophia Cosmogenia explicanda aptissima. 32
 Attramenti sympathetici præparatio. 217
 Avaritiæ dissimulanda simulque jactandarum opum artificium. 3
 S. Augustini reliquæ Ticini nuper repertæ. 528
 In Augustini libros Præfationes. 290
 Animadversiones. 298
 Auricula cordis dextra dilatata. 29
 Auri

<i>Aurum in liquor. solubile.</i>	42	<i>logium.</i>	188
- - - porabile.	184	<i>Belgii Fœderati Historia ab A.</i>	
- - - - conficiendi mo-			1609. 174
<i>du.</i>	42	- - - Ordinum bellum cum	
<i>Autochiria quatenus ex Sroi-</i>		<i>Gallis, Anglis &c. 432. seqq.</i>	
<i>corum principis licita ? 384</i>		<i>Belfacer Danielis idem cum La-</i>	
<i>Automaton Planetarum Hu-</i>		<i>borosadarcho.</i>	180
<i>genianum.</i>	365	<i>Benedictina Regula a S. Mau-</i>	
<i>De Auxiliis Gratia contentio-</i>		<i>ro in Galliam introducta.</i>	
<i>nes inter Dominicanos & Je-</i>			439. seqq.
<i>suitas. 118. seqq. 442. seqq.</i>		<i>Benedictinorum</i>	<i>Sauvignoni.</i>
		<i>Acta.</i>	463
B <i>Aconi (Francisci) de V.</i>		<i>Benthemensis Comitis cum con-</i>	
<i>rolamio Vica. 476. seqq.</i>		<i>juge luer.</i>	431
- - - fata adver-		- - - Domus discipul.	
<i>sa.</i>	480	<i>composita.</i>	432
- - - scripta. 477.		<i>Bernardi (Bartholomæi) a Feld-</i>	
	478. 480	<i>kirchen primi e Lutheranis</i>	
<i>Bajardi Equitis Historia a plu-</i>		<i>Sacerdotibus mariti Vita.</i>	
<i>ribus condita.</i>	940		335
- - gesta & obitus. 541. seqq.		<i>Bibliotheca Lipsiensis Thomana.</i>	
<i>Bakeri Regularum Centralium</i>			92
<i>inveniendarum via generalis.</i>		- - - Juris selecta.	33
	166. seqq.	- - - integra ex solis li-	
<i>Barberiniana Bibliotheca.</i>	530	<i>bris de immaculata Conceptio-</i>	
<i>Barclaji (Roberti) Apologia re-</i>		<i>ne B. Mariae constans.</i>	528
<i>sutata.</i>	390	- - - Barberiniana.	530
<i>In Barometris Mercurii varia-</i>		- - - Pomposiana.	529
<i>iones non satis sibi constans.</i>		<i>Bibliothecarum Italiae descri-</i>	
	258	<i>prio.</i>	526. seqq.
<i>Baronius notatus.</i>	85. 403	<i>Biliacida inimica sunt.</i>	343
<i>Bartolina jurisprudentia Scho-</i>		<i>Bilis exiguum continet aque</i>	
<i>la.</i>	387	<i>portionem.</i>	343
<i>Βασιλικὸν Libri unde orti ? 386</i>		<i>Bilis elementa.</i>	342
<i>Beatitudo æterna asserta.</i>	243	<i>usus.</i>	342
<i>Bechmanni (Friedemannii) E-</i>		<i>Anri purgatio nova.</i>	209
		<i>Bbb b 3</i>	viii-

- vitium in pueris lenta fe-
 bricula causa, [342](#)
 Bilem Rhabbarum, [amar.](#)
 item & lixiviosa salia acu-
 unt, [343](#)
 Bivarius (Franciscus) refuta-
 tus. [403](#)
 Blancardus refutatus. [338](#)
 Bocharti (Samuelis) sententia
 de Chimera vindicata. [274](#)
 Bohu & Tobu principia Mate-
 ria. [41](#)
 Boilavii Historia flagellantium
 refutata. [511](#)
 Bonarotæ (Michaëlis Angel))
 mortis tempus. [493](#)
 Bonifacii VIII factum infice-
 rum. [5](#)
 Bonum summum in morum san-
 ctitate positum. [80](#)
 Borussicæ Coronationis Regia
 Historia. [329](#)
 Bradei Historia Anglica emen-
 data. [313](#) sqq.
 Breviariorum corrigendorum
 studium. [439](#)
 Britanniæ maris dominium num
 competat Angliæ? [328](#)
 Brutorum anima corporea, at
 intelligentis tamennatur [438](#)
 - - - phantasia qualis? [198](#)
 - - - anima ut fuerint for-
 mata? [38](#)
 Bullæ Jubilee Innocentii XII
 Pontificis Anatome. [7](#)
- Burnoti (Gilberti) partes in
 scena Anglicana. [309](#)
 C Adalous Anti - Papa ab
 Henrico IV Casare pro-
 pugnat. [485](#) 486
 Cadmus unde fingatur dentes
 sevisse? [498](#)
 Calcis solutio. [263](#)
 Calculorum genesis. [342](#)
 Calculosi cur ad icterum pro-
 clives? [343](#)
 - - - qua symptomata ex-
 periantur? [343](#)
 Calculus indefinite parvorum
 caute tractandus. [25](#)
 Calendarii a Weigelio tentata
 reformatio. [213](#)
 Ad Calendarii examen applica-
 ta Eclipses Luna. [213](#)
 Canibus Bononiensibus ex latio-
 ne capitis visus hebetatur.
[362](#)
 Canonisatio Sanctorum olim pe-
 ner Episcopos singulos fuit. [535](#)
 Capitis humani Anatome. [467](#)
 - - - motus semicu-
 lularis admirandus. [467](#)
 Carabaceum lignum quid? [342](#)
 Carnis certorum animalium usu
 cur lege Moisaica prohibuit
 Judæi? [249](#)
 Carolostadius num primus e
 Lutheranis Sacerdotibus ma-
 trimonium inivari? [331](#)
 Cartesiani notati. [504](#) 506. sq.
[469](#)
 Car-

Cartesianorum *hypothefes de gravitate adverſe legibus natura.* 504
 Cartuſienſis Ordinis origo. 534
 - - - ſtatuta & in iis ſervandis conſtantia. 535
 - - - neglectus Græcarum & Ebraicarum litterarum. 535
 Caſſiniana Periodus Lunar. 213. 267
 Caſtrati morboſis æquiparati. 384
 Caſus Conſcientia, Roma & Pariſiis damnati, qui? 372. ſqq.
 Cætralium Regularum Bakeri inveniendarum via generalis. 166. ſq.
 De Centrifuga vi Theoremata Hugeni. 510
 Centrifugæ vi dilucidanda pendula adhibita. 365
 Centripeta viſ Planetarum ſuperiorum, ejusque ratio. 455
 Centuriatores Magdeburgenſes notati. 134
 Cephalicus ſpiritus Wiſſoni. 186
 In Cerebro vermis deprehenſus. 266
 Ceremoniæ in coronatione Eri- derici III Regis Boruſſiæ celebratæ. 329. ſqq.
 De Cevaleriis (Jo. Baptiſta)

correctus. 162
 Chaos quid? 34. 41
 Charontis fabula ab Aquilonaribus primum oris proſecta. 286
 Chauvinus (Petrus) reſutatus. 319. 321
 Chemica Noë & Moſis ſcientia aſſerta. 42. 43
 Sub Chimææ fabula qua hiſtoria lateat? 274. ſqq.
 Chirurgicæ Relationes quotum- plices & quomodo formandæ? 514. 518
 Chordæ inventio ex dato arcu. 351
 Chriſti effigie inſigniti nummi. 420
 - - genealogia ex patribus ſecundum carnem illuſtrata. 436
 Chriſtianorum perſecutio Nero- niana num adeo late graſſa- ta? 102
 Chriſto ſuppoſita ſcripta. 379
 Chriſtus quomodo miracula edi- derit? 252
 Chronologia Veteris Testamen- ti. 51. 98
 - - Novi Testamenti. 55. 101
 - - Regni Judaici. 54
 Chylificatio quomodo fiat? 272. 273
 De Chylificatione hypothefes conciliatæ. 269
 Ci.

- Ciborum certis generibus vesci
cur lege Mosuica prohibitum? 249
- Cisternæ pro aquis pluviælibus
colligendis. 28
- Clerici (Joannis) de Chimæra
sententia discussa. 274. 277
- Cluverius (Philippus) notatus. 538. 539
- Cneph Egyptiorum. 38
- Cochenilla unde? 219
- Codicum manuscriptorum anti-
quitas unde adjudicanda? 60
- - - in Bi-
bliothecis Italia obviurum in-
dices. 256. 199.
- Cælum quomodo formatum fu-
erit in creatione? 39
- Cogitatio num essentialis actio
mentis? 136
- Coke (Eduardi) invidia erga
Fr. Baconum de Verulamio 44
- Colorum explicatio. 257
- Colvii (Petri) factum. 58
- Cometa A. 1698 in Cassiopea vi-
sus idem cum Cometa anni
1652. 220
- - A. 1688 idem cum Com.
1571. 220
- Cometæ Trajectoria vel Para-
bolica, vel Elliptica. 461
- - locorum Heliocentri-
corum & Geocentricorum in-
ferentia. 461
- Cometæ an Planetis adscri-
bendi? 220
- - in Hemisphærio versus
Solem frequentiores. 461
- - distantia ex compara-
tione lucis ejus cum Planeta
luce aestimata. 461
- - via & locus apparent
determinati. 461
- Cometæ caudæ materia. 461
- Concilia œcumenica omnia num
Imperatores præfides ac ju-
dices habuerint? 296
- - - num pa-
rem cum Apostolis in Ecclesia
auctoritatem habeant? 304
- Congregationum de Auxilijs
Historia. 118. 442
- Conicarum Sectionum Eleme-
nta nova metodo demon-
strata. 226
- Connor notatus. 136
- Conscientiæ Casus Romæ & Pa-
risiis damnati, qui? 372
- Conservatio est continuata crea-
tio. 136
- Contingens nihil respectu Dei.
242. 248.
- Convivii luxuriosi exemplum. 7
- Cor tribus ventriculis instru-
ctum. 7 259
- Cordis palpitatio in Variolis
unde? 413
- - motus ab aëre nitroso
dependet. 413
- ACor-

<i>A Cordis motu motus humorum omnium.</i>	270	<i>Corrosivus sapor unde?</i>	237
<i>Cornua aurata in pileo loco plumarum gestata.</i>	4	<i>De Cosmicis Systematibus quid judicandum?</i>	36. 37
<i>Coronarum & Parbeliorum hypothesis.</i>	361	<i>Covordia ab Episcopo Monastericensi capta & amissa.</i>	4:3
<i>Coronationis Regia Borussiae Historia.</i>	329	<i>Creaturæ num propria virtute agant?</i>	134
<i>Corporis humani resurrectio explicata.</i>	102. 241	<i>- - existentia Dei testes.</i>	196
<i>- - - ex terra rubra creatio.</i>	39	<i>Creationis Historia Mosæica asserpta.</i>	31
<i>- - - essentia in quibus consistat?</i>	505	<i>- - - idea.</i>	34
<i>- - - soliditas & extensio.</i>	503	<i>Cretæ oleum.</i>	184
<i>- - - in Mathematicum & Physicum divisio nulla.</i>	506	<i>Cretensium numi serpentis feri illustrati.</i>	358
<i>Corporum vis elastica resistionis causa.</i>	509. sq.	<i>Criobolia gentilium qua? 82.</i>	599
<i>- - - gravium in liquidis levioribus suspensio.</i>	79	<i>In Criticis diebus periodorum regularium causa.</i>	344
<i>- - - durorum motus a se invicem explicatus.</i>	510	<i>Cruz in Anglorum veterum numis.</i>	420
<i>Corpus in infinitum divisibile.</i>	506	<i>Cujaciana Jurisprudencia Schola.</i>	388
<i>Corpusculares notati.</i>	507	<i>Cujacii (Jacobi) vita & mors.</i>	389. 390
<i>Corpuscularis Philosophia Deum mundi creatorem agnoscit.</i>	32	<i>In Curationibus morborum solidæ partes a Medicis potissimum respicienda.</i>	339
<i>- - - a Noa usque ad Aristotelem claruit.</i>	33	<i>Curva navis cursibus optissima.</i>	261
<i>- - - ab Anaxagora puritati restituta.</i>	32	<i>Curvarum similium omnis generis arcuum & spatorum ratio.</i>	215
		<i>Per Curvam quamcunque descensus gravium tempore determini.</i>	

- terminata.* 221
 Cyclorum Solarium & Lunar-
 rium discrimen. 213
 Cyclus Lunaribus Cassinianus. 213
 267
Demoniaci symptomata a
 dispositione Hypochon-
 driaco-Epileptica orta. 78
 S. Damiani (Petri) Vita. 482
 - - auctoritas
 in Ecclesia. 485-486
 vide S. Petrus Dami-
 ani.
 Daniz Historia. 148. 152
 - - Regnum semper fuit ha-
 reditarium & Monarchicum.
 151. 152
 Deglutitio liquidorum unde a-
 liquando difficilior, quam so-
 lidorum? 413
 Dei existentia & attributa de-
 monstrata. 192
 providentia demonstrata.
 241
 Dentes sevisse Cadmum, fabula
 unde nata? 498
 - - adultorum quomodo cre-
 scant? 259
 Descensus gravium per quam-
 cunque Curvam tempora de-
 terminata. 221
 Deusingius (Hermannus) nota-
 tus. 320
 Ad Differentiales quantitates
 reductio simplicium seu Lo-
 garithmicarum. 29. sq.
 Differentialis quantitates sum-
 ma, vel reductio ad quadra-
 turam Circuli aut Hyperbo-
 lae quomodo inveniendae?
 26. sqq.
 - - reductio
 ductio ad simplices seu Loga-
 rithmicas. 30. sq.
 S. Dionysii Areopagita opera
 num genuina? 205. 401. sq.
 - - vita. 401
 - - passio-
 nis tempus. 405. 406
 - - scripta
 cur primorum seculorum Do-
 ctoribus parum cognita?
 407. 408
 Dionysius Halicarnassensis nota-
 tus. 44
 Dolor non consistit in continui
 solutione facta vel fiente. 80
 - - consistit in summa par-
 tium sensibilibusensione. 81
 Dominicani ut se doctrina Mo-
 linae opposuerint? 446. sqq.
 Dominium num ultra posses-
 sionem duret? 327. 328
 Dominium maris num & quo-
 modo acquiratur? 327. 330
 Dorsi vertebra novem in unum
 os coalita. 259
 Drebellii ars respirationem sub
 aquis integram servandi. 43
 Dulcis sapor unde? 237
Eccllesia vera quo sensu una
 dici queat? 294
 qua-

- - quatenus sit infallibilis? 327
- Ecclesiæ disciplina qualis seculo XI? 463 19.
- - Romana schismata tempore S. Petri Damiani. 484. 485
- - tres ætates, & singularum septem periodi. 98. 103
- - Novi Testamenti septem periodi ex Apocalypsi. 101
- - infallibilitas num ad solam Romanam spectet? 298. seqq.
- - Latina ritus non pauci ex Synagoga Judaica assumpti. 320
- - Gallicane variationes in cultu & doctrina. 422
- Ecclesiam Græcam inter & Latinam perpetua contentiones. 295
- Ecclesiastica Historia nova. 473. 516
- Ecclesiasticæ Jurisdictionis Vincula. 521
- Eclipses Lune ad Calendarium examen applicata. 213
- - Satellitum Jovialium intervallis temporum quomodo variant? 220
- Eclipsium Satellitis Jovialis primi numerus intra unam Jovis revolutionem. 220
- In Eclipsi sua splendens stella. 261
- Elasticitas corporum, refractionis causa. 509. 517.
- - - unde? 509
- - - a Caries-anis male explicata. 510
- Elateriorum in horologiis iniquitas quomodo emendanda? 221
- Elementa quomodo ex Chao generata? 34
- Elizabethæ Angliæ Regina memoriam ut opprimere Jacobus II. fuerit conatus? 307
- Ellipsis ad solvendas Equationes utilis. 167
- Ad Epactas Gregorianas applicata Lune conjunctiones cum quatuor Planetis. 219
- Ephesiorum lex Democratica: nemo de nobis unus excellat. 250
- Epicurus refutatus. 507
- Epiglottidis alveoli. 413
- Epileptica dispositio Demoniacorum symptomatum sepe causa. 78
- Episcoporum Jurisdictio asserta. 523
- - olim potestas canonisandi Sanctos. 525
- Epistolæ clarorum virorum. 331. 545
- Epitaphia quadam notabiliora. 4. 5. 6
- Equitum Ordo novus a Fridrico III Borussia Rege institutus. 331
- Ccc c 2 Equo-

Equorum & hominum vires comparata.	262	Fermentationis causa unica Aer.	272
De Erasmo Roterodamo notabilia.	254	Ferri a rubigine preservatio.	258
Erici Ducis Brunsvicensis inimicitia cum Sigismundo Augusto Polonia Rege.	182	In Feudum si cui concessa sylvæ est, num & jus venandi concessum censeatur?	355. sqq.
Errhinum Wilsonis.	186	Fevretus (Carolus) refutatus.	521. seqq.
Eruca vivipara.	212	Fibra motrix & morbofa.	338
Esulentorum principia & classis diversa.	398	Fibræ carnea & membranacea Anatome.	340
Esra αὐτοῦ γεγενθον, quod Bononia servatur, quale?	533	Flagellatorum voluntariarum defensio.	512
Ellexiz Comitibus sub Jacobo II Anglia Rege factum.	309	- - antiquitas.	513
Ettmullerianorum Operum editio nova.	284	Florentina Synodus a Græcis rejecta.	298. 302. 303
Etymologiarum sacrarum opus novum.	471	Fluentium Quantitatum leges generatiles.	450. sq.
Evangelia Apocrypha seu suppositicia.	378. sqq.	Fluxionum methodus inversa.	450. sqq.
Evangelistarum Harmonia certis regulis superstructa.	55	Fœminarum olim apud Gentiles Sacerdotium.	84. 87. 88. 91
- - diversa vario computandi tempora,	55	Fœtus humanus viginti quinque annorum.	77
In Eucharistia num perpetuus panis azymi usus fuerit?	319	- - extra uterum vivens.	77
Exceptiones inquisitionem criminalem avertentes.	10	- - quando animam rationalem recipiat?	80. 470. sq.
Εὐχαρία quid 1. Cor. XI?	281	- - ex parte per umbilicum exclusus.	145
F ebres mesenterica.	339	- - per lactem succum nutritur.	412
Fermentatio in sanguine nulla.	271	- - statim in conceptione animæ.	
- - in mixtis ut procedat?	272		

- nimatur. 470. sq.
 A Fectu perforatus uterus. 77
 In Fectu partes omnes simul for-
 mantur. 80
 Foresti jus quatenus a jure ve-
 nandi distinctum? 353
 Formæ a varia materia magni-
 tudine, figura & textura
 producuntur. 508
 Fossilia Melitenſia qua? 216. 217
 Fossilia concharum, ossium, ar-
 borum &c. origo. 35
 Franciscus I Rex Gallia a Ba-
 jardo Eques inauguratus. 543
 Friderici III Regis Borussia pri-
 mi coronatio quibus cerimo-
 niis peracta? 329. sqq.
 S. Froilani vita. 464
 Fulminis distantia quomodo de-
 terminanda? 221
 - - - natura. 263
 De **G**alen (Christophori Ber-
 nardi) Episcopi Mo-
 nasteriensis Vita. 425.
 sqq.
 - - - - - obi-
 tus. 435
 - - - in urbem Mona-
 steriensem odium unde? 427
 - - - adversus Belgas
 Federator gesta. 430. 432. sqq.
 Galilæi legissimi natales. 493
 mors ejusque tempus. 493
 Galli Magna Deorum Matris
 qui olim Gentilibus? 84

- Gallia Tabula accurata cum de-
 viationibus communium. 267
 Gallicanæ Ecclesiæ variationes
 in cultu & doctrina. 422
 Garnerii (Joannis) Dissertatio-
 nes ad Historiam Pelagia-
 nismi. 290
 Gemmæ illustrata. 162. sqq.
 Genealogia Christi Servatoris.
 56 437. sq.
 Genealogiæ illustrium Italia &
 Hispania Familiarum. 1.
 sqq.
 Genethliaca ars improbata a
 Galilæo. 493
 Genuensibus num competat do-
 minium maris Ligustici? 329
 Geometriæ neglectus errores in
 Physica peperit. 504
 Geometricæ hypothefes vere
 sunt & possibiles. 506
 Geometricorum Locorum Scri-
 ptiores. 488
 Germani num anno Christi DL
 Silesiam inhabitaverint? 539
 In Germania qua auctoritas Ro-
 mani juris? 500. 502
 Gervasius Tilburiensis notatus.
 314
 Gibsoni (Edmundi) de Numo
 quodam Runis signato sen-
 tentia sub examen vocata. 418
 Glissonii vas venosum in fatus
 quem habeat usum? 218
 Glottis vocis humana organum
 primum. 263
 Cccc 2 Gob

Goldastus (*Melchior*) notatus

539

A Gorallo (*Theodoro*) impensum *C. Pedoni Albinovano* &*P. Cornelio Severo* studium.

494. 497

Gothofredus refutatus. 323-327

Græcæ linguæ studio interdictum
Cartusianis.

535

Græcam inter & Latinam Ecclesiam perpetua diffensiones.

295

Græcis haud pauca subnata fabule ex ignorantia linguæ

Phœnicia. 274. sqq. 498Grævii (*Jo. Georgii*) elogium.

187

De Gratiz Divina Auxiliis contentiones inter *Dominicanos*& *Jesuitas*. 118. sqq. 442. sqq.Gravidæ per 25 annos *Historia**Anatomica*. 77

Gravitas absoluta quid? 266

- - - causa, quod Planete in orbibus suis retineantur.

456

De Gravitate hypothesis *Cartesianorum* natura legibus adversa.

504

Gravitatis circa superficiem terræ vis.

457

Gravium descensus per quamcunque Curvam tempora determinata.

221

- - - corporum in liquidis levioribus suspensio.

79

Gregorio (*Davidi*) quantum debeat *Astronomia*? 452Gregorius a *S. Vincentio* notatus.

490

Groninga ab Episcopo *Monsærien*si frustra obfessa. 432Grotius (*Hugo*) refutatus. 330Gyphiorum clarorum *Vita*.

139

Gummi & resina differentia.

219

Guthenius notatus.

87

Gymnasiarchæ Græcorum qui?

91

Harmonia quatuor Evangelistarum certis regulis instructa.

55

Harmonica Sectio ejusque proprietates.

231

Harvæus notatus.

270

Hebraicæ linguæ studio interdictum *Cartusianis*.

535

Helmoldi, auctoris *Chronici**Slavorum, Vita*.

137

Hexæmeron *Mosaicum* illustratum.

31

Hierichuntinorum murorum ruina miraculosa. 318-320

Hierophantæ *Atheniensium*. 90

Hippocrates num Acidum & Alcali pro principiis habuerit?

268

Hirundinum nidus oleo vel recenti butyro imbutus angina medetur.

212

Hispaniæ Historia genealogica. &

Hi-

Historia Anglia Regum a Wilhelmo Conquatore usque ad exitum regni Henrici III.	-	Reformationis Lutherae.	204
311. fgg.	-	Regia Societatis Anglicanae.	104
- Bajardi Equitis.	540	- Reipublica Veneta.	45
- Belgii Foderati.	175	- S. Petri Damiani.	482
- bellorum inter Ordines Foderati Belgii & Episcopum Monasteriensem.	430.	- Sigismundi Augusti Poloniarum Regis.	177
432		Hofmannus (Casparus) refutatus.	337
- Congregationum de Auxiliis.	118. 442	Homborgii instrumentum pro liquoribus dimetiendis.	209
- coronationis Regie Borussiae.	329	Hominis natura metallica.	40
- creationis Moisaica asserta.	31	Hominum & equorum vires comparatae.	262
- Danica.	148. 353	In Horologiis quomodo emendanda Elateriorum inaequalitas?	221
- Ecclesiastica nova.	473. 516	Hubmeieri (Balthasaris) fanatici vita.	206
- Franc. Baconi de Verulamio.	476	Hugenianum automaton Planetarium.	365
- Genealogica Italiae & Hispaniae.	1	Hugenii theorematum de vi centrifuga & motu circulari demonstrata.	510
- Jurisconsultorum Romanorum.	385. fgg.	Ex Humano corpore producta tinctura fulgida Soli harmonica.	40
- Neapolitani Regni.	518	Humorum in corpore motus a cordis motu.	270
- obsidionis Monasteriensis.	427. fgg.	Contra Hydropem remedia.	264
- Ordinis Cartusiani.	534	Ex Hydropica profluens lac.	265
- Pacificationis Neomagensis.	435	Hydropici sub arena aëri astivo expositi curati.	212
- Palatina.	544		Hy-
- postrema conversionis rerum in Anglia.	305		

Hydropis *genus rarum.* [211.212](#)

Jacobi II Anglia Regis machinationes ad libertatem & religionem subditorum convertendam. [347](#)

De Janfenii quinque propositionibus nova in Gallia conventiones. [374](#)

Jherici cur calculosi? [343](#)

In Jesaiam Commentarius Jo. Georgii Dorschaei. [359](#)

Jesuitæ num D. Thome doctrinam deseruerint? [443. sqq.](#)

Jesuitarum doctrina de Auxiliis gratia fuerint a Sede Romana condemnata? [120. 442. sqq.](#)

S. Ignatii illud, Amor meus crucifixus est, quo sensu capiendum? [404. 424](#)

Ignis quomodo in prima creatione productus? [3](#)

- & Acidum unum idemque elementum. [268](#)

Ignium mediterraneorum origo [35](#)

Ignominix joco elusa exemplum [4](#)

Imperator num recte Mundi Dominus dicatur? [325](#)

Imperatorum in Synodis Oecumenicis auctoritas. [296](#)

Indefinite parvorum calculus recte tractandus. [215](#)

Infallibilitas Ecclesiae num soli Romana competat? [298](#)

Infinitarum serierum Bernoullianarum pro multisectionibus anguli demonstratio. [345](#)
 Infinita natura humano intellectui incomprehensibilis. [507](#)
 In Infinitum divisibile corpus. [506. 507](#)

Inquisitionem criminalem avertendi modus. [12](#)

De Insignibus Regum Succorum Gotthorumque conjectura nova. [287](#)

Inscriptionum antiquarum usus exemplis illustratus. [81. sqq.](#)

Inscriptionum antiquarum usus exemplis illustratus. [81. sqq.](#)

Intellectus humani natura. [199](#)

Joannis, Finlandiae Ducis, postea Suecorum Regis, conjugium cum Catharina Polonica. [177](#)

Jovialium Satellitum phaenomena explicata. [214](#)

- - - primi mensuris motus & Eclipsium periodus. [219](#)

- - - Eclipsium numerus intra unam Jovis revolutionem. [220](#)

- - - hypothesis figura lineari exhibita. [220](#)

Jovis rediculus ad Aphelium quanti temporis? [220](#)

- - clem. nua. [37](#)

Irneriana Jurisprudentia Schola. [387](#)

Lira.

Israëlitarum veterum, etiam in seruitute Aegyptiaca, sapien- tia asserta. 42	- - - - -	dua Se- cla, Antissio Labeone & Attejo Capitone auctoribus. 385
Italiae Historia Genealogica. 1	- - - - -	Justinianea fata. 386
- - Itinerarium. 526. sqq.	- - - - -	Jus Venatorio-Forestale Ger- manicum. 352.
J. bileæ Innocentii XII Pontificis Bulla Anatome. 7	- - - - -	Justiniani Martyris testimonium de Actis Pilati, <u>examinatum.</u> 378
Judei quando naves eudre ca- perint? 165	- - - - -	Justinianæ Jurisprudentia fata. 386
Judeorum secte. 62	- - - - -	- - - - - quatuor schole. 387. sqq.
Judaici Regni Chronologia. 54	- - - - -	Justiniani Imp. in Jurispruden- tiam merita. 385
- - numi illustrati 164. 166	- - - - -	K Araorum apud Judæos qua- lis Secta? 63
Judas num laqueo sibi gulam fre- gerit? 12. 360	- - - - -	- - antiquitas. 64
Julianus Imperator fueritne Tau- roboletus? 85	- - - - -	- - a Sadduceis dis- crimen. 64
Julii II Pontificis indoles bellica. 541. sq.	- - - - -	L Ac ex hydropica profluens. 265
Juris Bibliotheca selecta. 33.	- - - - -	- - unde coaguletur ab ac- idis? 270
- - Romani studium quomodo tractandum? 388	- - - - -	Lactea vasa ab humore colorato in intestina injecto tinta. 132
- - in Germania que auctoritas? 500. 502	- - - - -	Per Lactea vasa facile ad mas- sam sanguineam ovata inse- clorum perferuntur. 133
Juris-Consulti Romani olim Stoica ut plurimum Philoso- phia additi. 384	- - - - -	Latio enorinis in emptione que? 502
Juris-Consultorum Historia. 385 sq.	- - - - -	Laponia illustrata. 285
De Jurisdictione qua Romano jure constituta sunt, quem u- sum habeant in Germania? 500	- - - - -	Per Laryngem num descendant potulenta? 125
Jurisdictionis Ecclesiastica Vin- dicia 521	- - - - -	Latinam inter & Græcam Eccle- siam
Jurisprudentiæ Romana quatuor periodi. 384. sqq.	- - - - -	D d d d

siam perpetua contentiones.

295

Lauterbachius notatus.

503

Lectiones varia unde in Novum

Testamentum irrepserint?

251

Legis Regia Romanorum monu-

mentum in lapide Capitolino

geminum.

390

- Rhodia de Jactu quis u-

sus?

501

Legum Natura ratio.

244

- Divinarum positivarum

ratio.

245

- exempla.

248

- Mosaicarum rationes.

249

- ad spiri-

tualia relatio.

250

- ferendarum apud Ro-

manos olim qua ratio?

383

- Romanarum in Germa-

nia usus exiguus.

500

Lentium decoctum in variolis

& morbillis improbatum.

417

Levitei leges de nuptiis intra

certos gradus prohibitis uni-

versales, dispensabiles tamen.

206

Lex 'Aḫšiorit de lege Rhodia de

jactu illustrata.

322

- Rhodia numsuperstes?

326

- Falcidia num etiam in

mortis causa capionibus lo-

cum habeat?

503

Ligustici Maris dominium num

competat Genuensibus?

329

Linea Meridiana Observatorii

Regii Parisiensis.

267

Lingua a Medicis inspicienda.

342

Lipsii Libri Politicorum illustra-

ti.

42

Cum Liquidis aequilibrium Soli-

dorum mutatum morborum

causa.

341

In Liquidis levioribus suspensio

corporum gravium.

79

Liquorum moles augetur in va-

cuo.

208

Pro Liquoribus demetirndis in-

strumentum Hombergii.

209

Litterarum in scribendo varia-

tio.

60

Livoniae Historia.

178

Lixivialium salium volatilisatio.

211

Locorum Geometricorum Scri-

ptores.

487

- solidorum doctrina.

487-492

Logarithmicarum Quantitatum

reductio ad differentiales.

29. sq.

Longitudinum quarundam dif-

ferentia ex Mercurii in Sole

observatione constituta.

219

Lucæ Evangelista in texenda

Christi Genealogia scopus.

437. sq.

Lucis radiorum aberratio ex du-

plici causa.

364

- explicatio.

37

par-

- - particula subtilissima. 507
 Ludovici XIV Gallie Regis ad-
 versus Federatos Belgas bel-
 lum A. 1672. 432. sq.
 Lugduni Batavorum latitudo. 220
 Lumbrici terrestres descriptio? 337
 - - discrimina annularia
 num loco cordis formata? 337-338
 - - preparata. 338
 Lumen internum Quakerorum
 sub examen vocatum. 392. sqq.
 Luminis refractiones in regioni-
 bus Palovicinioribus majores. 267
 Luna determinatis periodis mu-
 tationes temporum producit. 344
 Lunæ humiditas qualis? 32
 - - eclipses ad Calendarii ex-
 amen applicata. 213
 - - conjunctiones cum quatuor
 Planetis ad Epistolas Grego-
 rianas applicata. 219
 - - theoria. 460
 - - figura sphaeroides. 460
 Lunaris Periodus Cassiniana. 213
 Lunarum mensium diversitas &
 magnitudo. 213
 In Lutheranarum Ecclesiarum
 libros Symbolicos Introductio. 238
 Lutheranorum Sacerdotum. 2

quis primus matrimonium
 inivit? 335
 Lux quomodo in prima creatio-
 ne producta? 34
 Luxuriæ exemplum notabile. 7
 P. Maedi (Francisci) vassa
 eruditio. 67
 Machinarum affricus ratio. 262
 Magliabechi (Antonii) vassa
 memoria. 67
 Malebranchius refutatus. 136
 Mallingerotii (Bernardi) cona-
 tus pro asserendo sibi Episco-
 patu Monasteriensi. 426. sqq.
 Manna quid? 260. 261
 Manuscriptorum librorum re-
 censio suscepta. 59
 - - in Bibliothe-
 cis Italia obriorum indices. 526. sqq.
 B. Mariæ Virginis exequis num
 interesse potuerit S. Dionysius
 Arcopagita? 409
 - - & San-
 ctorum cultus Ecclesia veteri
 Gallicana ignotus. 422
 - - imma-
 culata conceptio magno libro-
 rum numero asserita. 528
 Marini astus phenomena a figu-
 ra Lunæ sphaeroides. 460
 Maris dominium num & quo-
 modo acquiratur? 327. 330
 - - possessio quomodo conser-
 vetur? 328
 - - Britannici dominium. 328
 Ddd d 2 num

- num competat Anglis? [328](#)
 - - Adriatici dominium num
 competat Venetis? [329](#)
 - - Ligustici dominium num
 competat Genuensibus? [329](#)
 Marshamus (Joannes) notatus.
 99
 Martis Vitriolum Lemerii. [263](#)
 Materię primenotio. [33. 41](#)
 - - subtilitatis phenomena.
 507
 - - magnitudo, figura & tex-
 tura Formam constituit. 508
 In Materiam num agere possit
 spiritus? 136
 Matthæi Evangeliste in texenda
 Christi genealogia [scopus. 437](#)
 Matthæus Paris notatus. [316](#)
 S. Mauri in Galliam ablegatio
 asserta. [438](#)
 - - - Vita a Fausso com-
 posita vindicata. [440](#)
 - - - Vita a Mabillonio e-
 dita, vitis scatens [430](#)
 Mauros duos num recte Bailletus
 statuerit? [441](#)
 Mechanica Philosophia alia no-
 mine, alia re talis. [504. sq.](#)
 Medullæ usus. 266
 Meieri (Gerhardi) elogium. 190
 Memoriz ars vindicata. [65](#)
 - - - artis scriptores unde
 obscuri? [66](#)
 - - - stupende exempla. 67
 - - - artis idea. [67. 68](#)
- Meningis dura fabrica & usus.
 360
 Circa Meningem duram expe-
 rimenta. [361](#)
 Mensium Lunarium diversitas
 & magnitudo. [213](#)
 Mentes cælestes supra humanam,
 finita tamen. 200
 Mentium cælestium diversi gra-
 dus. 201
 - - - purarum natura. [201](#)
 Mercurii in Sole visi observatio
 & calculus. 214
 - - - diameter apparet.
 214
 Mercurii sublimati cum sale de-
 crepitato per retortam destil-
 latio. 210. 211
 - - - variationes in Baro-
 metris non satis sibi constant.
 258
 - - - menstrua. 264
 - - - partes heterogeneæ. 264
 Mercurius, seu mundi spiritus,
 ut producat? [37](#)
 Meridiana linea Observatorii Re-
 gii Parisini. [267](#)
 Meridianus ad Meridionales Gal-
 lia fines perductus. 267
 Metalla humano corpori insita.
 40
 Methodi philosophandi leges.
 505
 Metropoles varii generis. 86
 Mi-

- Microscopicarum sphaularum
conscientiarum ratio. 364
- Mineralia unde? 36
- Miracula non semper causas na-
turales excludunt. 247. 252
- Mischnæ pars V. 109
- Mnemonēutica ars. Vide Me-
moriam.
- Molinx nova de Gratia doctri-
na quas turbas dederit? 446
- Mollerus (Joachimus) notatus. 139
- Momenta corporum quid? 508
- Monarchicum num in Ecclesia
imperium Christus constitu-
erit? 300
- Monasteriensis urbs qua ratio-
ne a Chr. Bernardo Episcopo
subjugata? 427. f. 19.
- Mons apici suo innixus. 262
- Montes globo terraqueo coevi. 33
- Morbi puerorum unde? 341
- - senum unde? 341
- - ex mutato aequilibrio so-
lidorum cum liquidis. 341
- - chronici ex acido. 345
- - acuti ex urinoso sangui-
nis principio. 345
- Morbilorum a Variolis diffi-
renia. 415
- - - natura & causa. 416
- - - cura. 417
- Ex Morbo imminuta hominis
statura. 266
- Mors corporalis sine sequela
tantum, an panis peccati? 130
- Mossica creationis Historiā vin-
dicata. 31
- Mossicum oleum unctiois &
suffitus aromaticus arte Chy-
mica producta. 42
- Mosis miracula quomodo pa-
trata? 247
- - legum rationes. 249
- Motu preparationis & separa-
tionis formatum universum. 34
- - gravitatis solum movetur
particula mixti. 272
- Motus absolutus & relationis ex-
plicatus. 508
- - percussione post impul-
sum non semper idem. 365
- - a corporibus non auferen-
dus. 508
- - duorum corporum ad se
invicem a quibus explicatus? 510
- - animalis ut peragatur? 340
- Motus velocitas. 266
- - quantitas. 508
- Multiplicatio imaginum objecti
in vitris unde? 262
- Multisectiones anguli binis se-
riebus infinitis demonstratae. 345
- Mundus nec potuit esse ab aeterno,
nec in aeternum existere
poterit. 508
- D d d d 3 Mureti

Mureti (M. Antonii) epitaphium.

531

Musculorum vires in semoribus
& cruribus.

261

- - - vis motrix unde?

340

- - - aërio.

468

- - - natura.

467. sq.

Musculus Indicus accensus poda-
gricos solatur.

212

Nani (Baptista) elogium.

46

Nasi dolor ex verme cerebri.

206

Natro Egypti simile est sal ex
terra diu inculta extractum

210

Natrium Egypti salis marini
& salis alcalici mixturam
continet.

210

Naturæ vindictio.

134

- - leges.

509

Navigatio quatenus dominium
maris testetur?

328

Navis cursibus aprissima Curva.

261

Neapolitani regni origo.

51

Nectarii Patriarcha Hierosoly-
mitani paroromata.

304

Neocoræ urbes quæ olim?

88

Neocori Sacerdotes qui apud
Græcos?

87

Neomagenſis Pacificationis Hi-
ſtoria.

437

Neronis perſecutio Chriſtiano-
rum num extra Romam ſe ex-
tenderit?

101

Nivis quantum quotannis deci-
dat?

208

Noa quomodo difficultatem re-
ſpirandi & ſuorem in arca
clauſa prohibuerit?

43

Noachicæ leges Divina poſtine.

248

Nomen infanti prævia ſorti-
tione datum.

2

Normanni quomodo occupa-
runt Siciliam?

519

Numi Cretenſium ſerpentiferi il-
luſtrati.

158. 162. ſqq.

- - Samaritani illuſtrati.

104

- - Runis notati explicatio.

418

- - veterum Anglorum effigie
Chriſti & cruce inſigniti.

420

Ocularium humorum motum
circularis.

221

Oculi rete novum.

222. 223

Oleofus ſapor unde?

237

Oleum unktionis Moſaicum ar-
te Chymica conſectum.

42

- - - creta.

184

- - - eſſentielle ſeminis ſanicu-
li.

265

- - - roſarum.

268

Omnipotentia Dei demonſtrata.

194

De Ordinatione clerici ab Epi-
ſcopo aliena diaceſis ſecta,
quatenus in foro ſeculari ju-
dicari

<i>dicari possit?</i>	524	<i>Partus causa.</i>	77
<i>P. d' Orleans, Historia conversionum in Anglia auctor Gallicus, notatus.</i>	313	<i>D. Pauli ad Casarem appellatio quatenus probanda?</i>	525
<i>Orphei odum primigenium.</i>	38	<i>Paulus V. Pontifex num sententiam tulit in controversia de auxiliis Gratiae?</i>	118.
<i>Orthographia Latina illustrata.</i>	157		599.
<i>Ossium origo.</i>	468	<i>Peccatorum aequalitatem cum Stoicis & Jethi nonnulli statuerunt.</i>	384
<i>- - durities unde?</i>	468	<i>C. Pedonis Albinovani Poemata a quibus illustrata?</i>	494
<i>- - nutritio.</i>	468	<i>Pelagii commentarii in Epistolas Pauli.</i>	290
<i>Ottomannicae Aulae status A. 1633.</i>	545	<i>Penduli novum genus, quo Solis motus apparens determinatur.</i>	221
<i>Ovaria mulierum nulla.</i>	39	<i>Ex Percussione motus post impulsum non semper idem.</i>	365
<i>- - mulieris tione facta.</i>	219	<i>Periodus Lunaris Casiniana.</i>	213
<i>Ex Ovo generatio.</i>	38	<i>Petitus (Samuel) notatus.</i>	327
<i>Ovula insectorum facile ad massam sanguineam per vasa lactea ferantur.</i>	133	<i>Petrarcha fueritne primus Poeta Laureatus?</i>	280
<i>Ovum primigenium Orphei.</i>	38	<i>Petrus habueritne inter Apostolos primatum potestatis?</i>	300
De <i>Pactis qua Romano jure statuta sunt, in Germania quem habeant usum?</i>	500	<i>S. Petrus Danianus cum Petro de Honefis non confundendus.</i>	482. 512
<i>Ad Palatinam Historiam spectantia monumenta.</i>	544	<i>- - - porcorum.</i>	482
<i>Panegyrici duodecim vetores illustrati.</i>	156	<i>- - - num primus flagellantium disciplinam instituit?</i>	483. 512
<i>Pani non fermentato si aqua aut spiritus vini affundatur, quid contingat?</i>	221	<i>Phantasia brutorum inter & hominum discrimen.</i>	198
<i>Panis quomodo in deserto multiplicatus?</i>	252		Phi
<i>Parasiti in sacris Gracorum qui?</i>	85		
<i>Partheliorum hypothesis.</i>	363		

Philosophia Corpuscularis Cosmogonia explicande aptissima.	32	- - - - - vis centripeta ejusque ratio.	455. sq.
Phœnicia lingua ignorantia fabulas apud Græcos peperit.	274. 298	- - - - - theoria.	460
Phosphoro consciendo urina cerevisia aptior quam vini.	216	- - - - - secundariorum periodi, distantia.	454
Physicæ experimentalis præstantia.	108	- - - - - rationes temporum periodicorum & distinctiarum a Planetæ primario aut Sole.	454
Physicam tractandi methodus.	505	- - - - - motus ratio secundum diversos Auctores explicata aut impugnata.	458
Pilati Acta de Passione & Resurrectione Christi supposititia.	378	- - - - - figura ex mutua gravitate.	460
Du Pin (Ludovici Ellies) paroramata quedam notata.	204.	Planetis num Cometa annuerandi?	420
- - - - - exilium unde?	205. 254. 374. 375	Plantæ quomodo uno die create?	36
S. Placidi martyrium assertum.	441	- - - - - marinae radicibus destituntur.	265
Planetæ tendunt versus Solem, non Terram.	454	Plantarum fecunditas.	265
- - - - - quod in orbitis suis retineantur, causa est gravitas.	456	- - - - - Americanarum novæ genera.	517
Planetarium automatium Hugenianum.	365	Pluvia ultra duos pedes terram non subit.	208
Planetarum natura.	31	Pluvie quantum quotannis decidunt?	208
- - - - - virium directio.	453	Adversus Podagram remedia.	212
- - - - - primariorum ordo, periodus, distantia.	453. 459	Pœtæ laureati quando creati caperint.	280
- - - - - revolutio circa axem.	455	Politica Lipsii illustrata.	49
		Poloniæ Historia.	177. sqq.
		Pontificatus Maximus Imperatorum gentilium.	85
		Pontificis Romani universale in Eccle-	

Ecclesiam imperium a Gracis
 constanter negatum. 292. sqq.
 in Gallia
 que olim auctoritas? 43
 Possessio maris quo medio con-
 servetur? 328
 Possessione acquiritur & conser-
 vatur dominium. 327. 328
 Postliminio quando res censetur
 reuerfas? 503
 Potulenta num per laryngem
 descendant? 125
 quomodo tam cito ad
 usum deferantur? 133
 Potulentorum pars qua via ad
 arterias emulgentes deponi-
 tur? 126
 Potensione num subditi ju-
 venandi contra Dominum
 territorii acquirant? 367
 Pragmaticæ Sanctionis in Gal-
 lia origo & usus. 204
 Πρωτος γένους quid Att. I.
 18? 13. 17
 Primogenitum omne lege Mo-
 saica Deo sacrum. 14
 Prophetarum oracula ipso even-
 tu co. pleta. 100. 248
 Prophetiæ num plane cessave-
 rint? 101
 Prophetica Theologia Gurileri.
 97. 103
 S. Properi Poëma de Ingrati-
 tudinis. 289
 Providentia Divina demonst. 14.
 241

circa Res-
 publicas. 243
 Prudentius illustratis. 82. sqq.
 Prussiz status sub Alberto senio-
 re. 1101. 179
 Prynthes Græcorum qui? 89
 Ptolemaicum mundi systema.
 458
 Publicianæ actionis origo sum bo-
 die nomen. 501
 Puerorum morbi unde? 341
 Putredo quomodo in fœcu 25 an-
 norum fuerit preservata? 78
 Pylagoræ qui olim Gracis? 89. 90
 Quadraturarum rationali-
 sum. analysis. 19. sqq.
 Quakeri resutati. 390. sqq.
 Qualitates ex vario corporum
 motu & positione oriuntur. 508
 Quantitatis differentialis sum-
 ma vel reductio ad Quadra-
 turam Circuli aut Hyperbole,
 quomodo inveniendæ? 26. sqq.
 Quantitatum differentiarum
 reductio compendiarie ad
 simplices seu logarithmicas.
 30. sqq.
 simplicium seu
 logarithmicarum reductio ad
 differentiales. 29. sqq.
 imaginariarum reductio ad
 compositas. 31
 fluentium leges
 generaliores. 450. sqq.
 Radiorum lucis aberratio
 ex duplici causa. 364
 Ecce e Ad

<i>Ad Regalia num spectet jus venandi?</i>	356	- - - scopus.	112
<i>Resinae & Gummi differentia.</i>	219	- - - specialium fines.	113
<i>Respiratio non est motus mixtus, sed involuntarius.</i>	468	<i>Sacrorum Regis apud Romanos munus.</i>	56
<i>Respirationis causa, finis, modus.</i>	343	<i>Sagarum confessiones de certis personis in monte Bructerovisis in protocolum non referenda.</i>	11
<i>Restitutio in integrum, inventum Fori Romani.</i>	502	<i>Salamandra quomodo in igne daret?</i>	38
<i>Resurrectio corporum nostrorum explicata.</i>	103. 343	<i>Sal essentialia ut ex plantis extrahendum?</i>	260
<i>Revelationum Divinarum varii modi.</i>	97. 103	- - - lixivialium volatilisation.	211
<i>Rhodia lex num superstes?</i>	326	<i>Salium differentia.</i>	210
<i>Romana Ecclesia. Vide Ecclesia.</i>		- - - vegetabilium ortus.	260
<i>S. Romedei vita.</i>	68	<i>Saldenus (Guilhelmus) refutatus.</i>	13. 14.
<i>Rookii, qui inter primos Societatis Regiae Anglicanae antiores fuit, fatum.</i>	107	<i>Saliva morborum causa.</i>	341
<i>Runicus numerus explicatus.</i>	417.	- - - nomen a sale.	342
	599.	<i>De Salm Comitum origo.</i>	70
<i>Ruth libellus commentario illustratus.</i>	94	<i>Salmasius narratur.</i>	326
S <i>accharum est sal essentialia.</i>	261	<i>Salsus sapor unde?</i>	237
<i>Sacerdotes in Tauroboliis Gentilium.</i>	84	<i>Samaritanorum illustrati.</i>	164
- - - Maxima apud Gentiles.	82	- - - nulla fermentatio.	371
<i>Sacerdotum apud Gentiles varia genera.</i>	84. 599	- - - transmutatio unde?	273
<i>Sacrificia ex quibus animantium generibus oblata?</i>	110	<i>Sanctionis pragmatica in Gallia origo & abrogatio.</i>	203
<i>Sacrificiorum varia genera.</i>	110.	<i>Sanguinis motus ex corde.</i>	270
	111	<i>Sanguis duplici motu, fermentativo & circulari, moveri non potest.</i>	270
		<i>Sapo tartari.</i>	285
			Sapo-

Saporum theoria.	236	XLII. 3.	101
Satellitæ Saturnini quinti pha- nomenon.	23	Ezech. IV. 4. 5. 6.	100
Satellitum Jovialium phanome- na.	214	XXIX. 11.	100
- - - Vide Jovialium.		Matth. XII. 10.	101
Saturni elementa.	37	XVI. 17.-19.	109
Savonarola (Hieronymi) pietas in dubium vocata, & asserta.	319-320	XXVII. 5.	12. 16
Saxo Grammaticus, Dania Hi- storiographus, suppletus.	154	Luc. XXII. 4. 52.	89
Scacchus (Fortunatus) notatus.	160	31. 32.	299
Sealiger (Josephus) notatus. 83.		Joh. XXI. 15. 16. 17.	100
Schismatis in Ecclesia num Gra- ci an Latini auctores? 296-298		Act. I. 18.	13. 16. 366. 368
De Sientia Media doctrina num nova? 444. 447		XIX. 31.	87. 89
Scribendi olim modis varii. 59		Rom. I. 8.	300
Scriptura & sine primaria re- gula fidei? 394		I. Cor. XI. 10.	281
Scripturæ S. Veteris Testamen- ti auctoritas vindicata. 245.		Hebr. X. 4. 5.	370
- - - Novi Testamenti auctoritas vindicata. 250. sqq.		Seclæ Judeorum.	62
- - - auctoritas unde pendeat? 392		Sectionum Conicarum elementa nova methodo demonstrata.	220. sqq.
Scripturæ S. loca illustrata.		Seldenus refutatus.	328. sq.
Gen. I. 2.	41	Semina animalium ab Elemen- tis non sunt.	38
II. 17.	130	Serierum infinitarum Bernoul- liarum pro multisectioni- bus anguli demonstratio. 345	
Exod. XIII. 2.	114	Serpens in Orgiis mysticus un- de? 159	
Levit. XXVII.	115. sq.	Serpentes Asia symbolum.	159
Eccl. I. 11.	112	Serpentiferi numi illustrati.	158
VII. 8.	99	Servius notatus.	100. 370
		Setina num fuerit sitque hodie- num urbs Episcopalis? 449. sq.	
		Siderum productio in creatione.	36
		De Sigismundo Augusto Polo- nia Rege notabilia. 177. sqq.	
		Ecc e a	Sile-

Silefiorum nomina illustrata. 536
 - - - majores qui? 538
 Snabelii (Hieronymi Gulielmi) elogium. 189
 Societatis Regia Londinensis Historia. 104
 Solidæ partes corporis a Medicis in curatione potissimam respicienda. 359
 Solidorum Locorum doctrina. 487. 599.
 - - - cum liquidis aequilibrium mutatum, causa morborum. 341
 Sol ob continuam lucis emissionem insensibiliter decrevisse, aliquando tamen dissipandus. 507
 Solis creatio explicata. 30
 - - - circuitus a Deo aut Angelis regitur. 37
 - - - cum humano corpore sympathia. 40
 - - - motus apparentis determinatio per novum penduli genus. 221
 Solitiorum determinatio. 212
 Somni causa. 343
 Soni cursus uno minuto secundum 180 hexapedrum. 221
 Sorbonæ censura quedam. 205.
 - - - Doctorum XL decretum condemnatum. 373
 Spatii existentia possibilis. 506

Spencerus notatus. 250
 Sphærica doctrina. 458
 Spiritus num agere possint in materiam? 136
 Spirituum animalium elaboratio. 468. 469
 Stella, quæ Magis apparuit, qualis? 252
 Stella in collo ceti revolutio. 232
 Stephanophori qui olim Græci? 38
 Stephanus Byzantinus notatus. 160
 Stifelii (Michaëlis) Commentarius in Apocalypsin ineditus. 93
 Strategæ Græcorum qui? 89
 Succellio in Regnum electionis præferenda. 150
 Suilla carne cur Judæis interdicitum? 249
 Sylburgius (Fridericus) notatus. 44
 Symbolicos Lutheranorum Ecclesiarum libros Introducitio. 238
 Synodus Florentina a Græcis rejecta. 298. 302. 303
 Tachenius notatus. 268
 Tauri vires quid in antiquis Inscriptionibus? 53
 Tauribolia Gentilium explicata & cum sacris Mithriacis comparata. 82
 Telescopia perfectiora redacta. 215
 Te-

- Telescopiorum vitrorum for-
 mandorum & polierendorum
 ratio. 365
 Telluris formatio in creatione. 35
 - - theoria. 459
 - - orbis annua diameter
 ad distantiam Fixarum in-
 sensibilis. 460
 Templi sub Wilhelmo III An-
 glie Rege fata. 310
 Terræ motuum causa. 263
 Testamenti Veteris & Novi au-
 thoritas asserta. 245. seqq.
 Theodotionis quæ patria? 320
 Thiers (Jo. Baptista) scripta. 511
 Ad D. Thomæ Aquinatis do-
 ctrinam quatenus adstricti
 sint Jesuitæ? 443
 Thor Numen veterum Saxo-
 num. 418
 De Thuri Comitum familia elo-
 giæ. 70
 Timotheus quæ, cui S. Dionysius
 Areopagita scripta sua de-
 dicavit? 403
 S. Trinitas personarum inessen-
 tia Divina demonstrata. 195
 VAcui existentia. 505
 In Vacuo augetur liquo-
 rum moles. 208
 Vaporum in aëre suspensio. 79
 Variolarum origo, fomes, eruptio, *symptomata*, in morbos chro-
 nicos *degeneratio, curatio.* 410.
 - - - in principio necessa-
 ria vena-sectio. 415
 - - - sanies acido-salsa. 416
 Vaticinandi facultas, naturalis
 explosa. 69
 Vegetabilium succorum disse-
 rentia. 261
 - - - ortus. 26
 De Velen Baronum insigne gen-
 tilitium. 436
 Venandi libertas in Germania
 unde restricta? 353
 - - - jus a jure, Forelli
 distinctum. 393
 - - - num præscriptio-
 ne acquiratur? 357
 - - - quomodo probe-
 tur? 358
 Veneta Historia. 45
 Venetis num competat domini-
 um maris Adriatici? 329
 Vermes in corporibus animali-
 um copiosissimi. 134
 Vigilii confirmatio Synodi V.
 supposititia. 304
 Vitgilius (Polydorus) expilato-
 rum Angliæ bibliothecarum
 reus. 312
 Vita quid & quoruplex? 197.
 198
 Vitriolum Martis Lemerii. 263
 Per Umbilicum exclusus ex par-
 te factus. 145
 Vocis

32 INDEX RERUM NOTABILIORUM.

Vocis *primarium organon.* 263
 Vomitus *causa.* 414
 Urim & *Tbumim* *quid?* 250
 Urinariz *via ignota.* 125
 Uterus a *factu perforatus.* 77
 Vulnere *rarius curata citius*
sanantur. 212
VV Eigelius (*Erhardus*)
vindicatur. 136
 Wilhelmus *Conquasfor* *num*

Anglia Regnum belli jure &
absoluto dominio tenuerit? 314
 Willisus *notatur.* 289
X Ystarchi *Latinorum cum*
Gymnastarchis *Græco-*
rum comparati. 9
Y *πρωστειος* *vox quando*
sensu personali usurpari
caperit? 49

ERRATA.

Pag. 130. lin. 21. pro *Gen. III. 17.* lege *Gen. II. 17.* P. 176.
l. 12. post *imprimi curaret,* *in* *ferre commisit.* P. 433. l. 30. lege *ca-*
rationis. P. 447. l. 7. pro *literis* lege *literatis.* P. 480. l. 17. pro
4000. lege 40000. P. 481. l. 25. pro *solvebantur* lege *solvantur.* P.
508. pro *motus* lege *momenta.*







